

Holy Bible

Aionian **Edition®**

परमेस्वर को सच्चो वचन

Rana Tharu Bible

Holy Bible Aionian Edition ®

परमेश्वर को सच्ची वचन

Rana Tharu Bible

Language: Tharu, Rana

Nepal (Sudurpashchim), India (Uttar Pradesh)

Creative Commons Attribution ShareAlike 4.0 International, 2018-2026

Source text: eBible.org

Source version: 8/8/2026

Source copyright: Creative Commons Attribution ShareAlike 4.0

The Word for the World South Asia, 2024

Formatted by Speedata Publisher 5.9.2 (Pro) on 8/31/2026

100% Free to Copy and Print

TOR Anonymously and <https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Volunteer help and comments are welcome and appreciated!

Celebrate Jesus Christ's victory of grace!

Preface

राना थारू at AionianBible.org/Preface

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

राना थारू at AionianBible.org/History

06/21/75 - Two boys, P. and J., wonder if Jesus saves all and pray.
04/15/85 - Aionian Bible conceived as B. and J. pray.
12/18/13 - Aionian Bible announced as J. and J. pray.
06/21/15 - Aionian Bible birthed as G. and J. pray.
01/11/16 - AionianBible.org domain registered.
06/21/16 - 30 translations available in 12 languages.
12/07/16 - Nainoia Inc established as non-profit corporation.
01/01/17 - Creative Commons Attribution No Derivatives 4.0 license added.
01/16/17 - Aionian Bible Google Play Store App published.
07/01/17 - 'The Purple Bible' nickname begins.
07/30/17 - 42 translations now available in 22 languages.
02/01/18 - Holy Bible Aionian Edition® trademark registered.
03/06/18 - Aionian Bibles available in print at Amazon.com.
09/15/18 - Aionian Bible dedicated as J. and J. pray again.
10/20/18 - 70 translations now available in 33 languages.
11/17/18 - 104 translations now available in 57 languages.
03/24/19 - 135 translations now available in 67 languages.
10/28/19 - Aionian Bible nursed as another J. and J. pray.
10/31/19 - 174 translations now available in 74 languages.
02/22/20 - Aionian Bibles available in print at Lulu.com.
05/25/20 - Illustrations by Gustave Doré, La Grande Bible de Tours, Felix Just.
08/29/20 - Aionian Bibles now available in ePub format.
12/01/20 - Right to left and Hindic languages now available in PDF format.
03/31/21 - 214 translations now available in 99 languages.
11/17/21 - Aionian Bible Branded Leather Bible Covers now available.
12/20/21 - Social media presence on Facebook, Twitter, LinkedIn, YouTube, etc.
01/01/22 - 216 translations now available in 99 languages.
01/09/22 - StudyPack resources for Bible translation study.
01/23/22 - Volunteers celebrate with pie and prayer.
02/14/22 - Strong's Concordance from Open Scriptures and STEP Bible.
02/14/23 - Aionian Bible published on the TOR Network.
12/04/23 - Eleēsē added to the Aionian Glossary.
02/04/24 - 352 translations now available in 142 languages.
05/01/24 - 370 translations now available in 164 languages.
08/05/24 - 378 translations now available in 165 languages.
08/18/24 - Creative Commons Attribution 4.0 International, if source allows.
10/20/24 - Gospel Primer handout format.
11/24/24 - Progressive Web Application off-line format.
01/28/25 - All profits are given to CoolCup.org.
03/12/25 - 382 translations now available in 166 languages.
06/21/25 - 468 translations now available in 230 languages.
09/01/25 - 538 translations now available in 291 languages.
08/31/26 - 539 translations in 291 languages with 9,609,899 verses.

Table of Contents

NEW TESTAMENT

मती	1
मरकुस	24
लूका	38
यूहन्ना	63
प्रेरितो	81
रोमियों	105
1 कुरिन्थियों	116
2 कुरिन्थियों	126
गलातियों	133
इफिसियों	137
फिलिप्पियों	141
कुलुस्सियों	144
1 थिस्सलुनीकियों	147
2 थिस्सलुनीकियों	150
1 तीमुथियुस	152
2 तीमुथियुस	155
तीतुस	157
फिलेमोन	159
इब्रानियों	160
याकूब	168
1 पतरस	171
2 पतरस	174
1 यूहन्ना	176
2 यूहन्ना	179
3 यूहन्ना	180
यहदा	181
प्रकासितवाक्य	182

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



तो ईसु कहीं, “दऊवा! इनकै माफ कर दे, काहेकि जे ना जानथै कि जे का कर रै है।”

वे पासा डारकै बाके लता आपस मै बाँट लई।

Luke 23:34

मर्ती

1 अब्राहम को बंस दाऊद के लौड़ा ईसु मसीह की बंसावली किताब मैं जो तरह से है। **2** अब्राहम इसहाक को दऊवा रहै, और इसहाक याकूब को दऊवा, और याकूब यहूदा और बाके भईय्यन को दऊवा, **3** यहूदा को लौड़ा पेरस और जरह रहै उनकी अईय्या को नाओं तामार रहै। पेरस हेघोन को दऊवा रहै, हेघोन आराम को दऊवा रहै, **4** आराम अम्मीनादाब को दऊवा, और अम्मीनादाब नहसोन को दऊवा, और नहसोन सलमोन को दऊवा, **5** सलमोन से बोअज को जनम भौ, बोअज की अईय्या को नाओं राहाब रहै, बोअज और स्त से ओबेद को जनम भौ और ओबेद यिसे को दऊवा रहै। **6** और यिसे से राजा दाऊद पैदा भौ। सुलैमान दाऊद को लौड़ा रहै जो बौ बईय्यर से पैदा भौ जो पहले ऊरिय्याह की बईय्यर रहै। **7** और सुलैमान रेहोबाम को दऊवा, और रेहोबाम अबिजा को दऊवा, और अबिजा आसा को दऊवा, **8** यहोसापात को दऊवा आसा, और जोराम को दऊवा यहोसापात, और उज्जियाह को दऊवा जोराम; **9** और उज्जियाह योताम को दऊवा, और योताम आहाज को दऊवा, और हिजकिय्याह को दऊवा आहाज, **10** और हिजकिय्याह मनस्से को दऊवा, और मनस्से आमोन को दऊवा, और आमोन योसिय्याह को दऊवा, **11** फिर इस्राएल के लोगन के बंधी बनाएकै बेबीलोन लै जात समय योसिय्याह से यकून्याह और बाके भईय्या पैदा भै। **12** बेबीलोन में जान के बाद यकून्याह सालतियेल को दऊवा बनो, सालतियेल से जस्ब्बाबेल पैदा भौ, **13** और जस्ब्बाबेल से अबीहद पैदा भौ, और अबीहद को लौड़ा एलयाकीम, और एलयाकीम को लौड़ा अजोर, **14** और अजोर को दऊवा सादोक, और अखीम को दऊवा एलीहद, **15** और एलियाजर के दऊवा एलीहद और मतान को दऊवा एलीयाजर, और मतान याकूब के दऊवा, **16** और याकूब, यूसुफ को दऊवा, जो मरियम को दऊवा रहै, मरियम से ईसु जनम भौ, जो मसीह कहलाओ। **17** तौ, अब्राहम से लैके राजा दाऊद तक चौदह पीढ़ी रहै, और दाऊद से लैके बंधी बनाएकै बाबुल पहुँचाए जाने तक चौदह पीढ़ी, और बंधी बनाएकै बेबीलोन पहुँचाए जाने से मसीह को जनम तक चौदह पीढ़ी और भई। **18** ईसु मसीह को जनम ऐसे करके भौ। बाकी अईय्या मरियम की दिखनौरी यूसुफ से हुई गई रहै, लेकिन जासे पहले कि बे बिहा करते, बाके पता चल गौ कि बौ पवित्र आत्मा की सक्ति से गर्भवती है। **19** लेकिन बाको होन बारो लोगा यूसुफ एक अच्छो और धर्मी आदमी रहै, बौ नाय चाहत रहै कि बाके लोगन के सामने बदनाम करै, तभई बौ तै करी कि चुपे से बौ मंगनी तोड़ देबै। **20** जब बौ जौ बारे में सोचत रहै, प्रभु को एक स्वर्गदूत बाके सपने में दिखाई दई और कही, “हे यूसुफ दाऊद के लौड़ा, मरियम के अपनी बईय्यर बनान के ताहीं मत डराबै। काहेकि जो बच्चा बाके गरब में है बौ पवित्र आत्मा की घाँई से है। **21** बाको एक लौड़ा होगो, और तुम बाको नाओं ईसु रखियो, काहेकि बौ अपने लोगन के उनके पापन से बचागो।” **22** जब प्रभु भविष्यवक्ता के जरिया कही भइ बात के पूरो करन के ताहीं जौ सब करी, **23** देखो “एक कुवौरी लौड़िया गर्भवती हुईकै एक लौड़ा के

जनम देगी, और बाको नाओं इम्मानुएल रखो जागो” जोको मतलब है, “परमेस्वर हमरे संग है।” **24** जब यूसुफ नीद से उठो, तब बौ बहे करी जो प्रभु को स्वर्गदूत करन के ताहीं आग्या दई रहै बौ मरियम से बिहा करी, जैसी कि प्रभु के दूत बाके आग्या दई रहै। **25** लेकिन अपने लौड़ा के पैदा होन से पहले बाके संग कोई गलत संबंध नाय रहै। और यूसुफ अपने लौड़ा को नाओं ईसु रखी।

2 ईसु को जनम यहूदिया के बैतलहम सहर में बौ समय भौ जब हेरोदस राजा रहै। जाके तुरंत बाद, कुछ विद्वान लोग जो तारन को अध्ययन करत रहै, अगर से यरूसेलेम आए **2** बे पूँछी, “यहूदियन को नया जन्मों भौ राजा कहाँ है? हम बाके तारा के आसमान में देखे, तभई हम पूँछ रहै हैं, और हम बाकी आराधना करन के आए हैं।” **3** जब राजा हेरोदस जौ बारे में सुनी, तौ बौ भौत परेसान भौ, और ऐसोई यरूसेलेम में सबै कोई रहै। **4** बौ सब यहूद सब बडे पुजारिन और यहूद नियम के सिक्छक के बुलबाए के उनसे पूँछी, “मसीहा को जनम कहाँ होने है?” **5** बे जबाब दई, “यहूदिया के बैतलहम सहर में, जाके बारे में भविष्यवक्ता लिखी हैं: **6** ‘लेकिन तै यहूदा की धरती की सीमा स्थित बैतलहम, तै यहूदा अधिकारिन में कोई से छोटो नाय है; काहेकि तेरे में से एक सासक आगो जो मेरे लोग और इस्राएल को मार्गदर्शन करैगो।’” **7** तभई राजा हेरोदस अगर से ज्योतिसियन के चुपे से बैठक में बुलाई और उनसे पता लगाई कि तारा कौन से समय दिखो रहे। **8** तब बौ उनके जौ हुकम दैके बैतलहम पनारी: “जाबो बौ बालका के बारे में अच्छी तरह से पता लगावो, और जब तुम्हें बौ मिल जावै, तौ मोके बताओ, जोसे महुँ जाएके बाकी आराधना कर सकौ।” **9** और बे राजा की आग्या सुनके चले गै, और उनके राह में बहे तारा दिखो जो बे अगर में देखी रहै। **10** जब बे बौ तारा देखी, तौ बे भौत खुस भै। **11** बे घर में गै, और जब बे बालक के बाकी अईय्या मरियम के संग देखी, तौ झुकके घूँटो टेक बाके दण्डवत करी। और बे अपनो कीमती चीज को पिटारो खोली और अपनो सोनो, लोबान और मुर को भेंट लायके, बाके सामने भेंट करी। **12** फिर बे दूसरी रस्ता से अपने देस के लौट गै, काहेकि परमेस्वर उनके सपने में चिताई रहै कि हेरोदस के झोने फिर मत जईयो। **13** जब बे चले गै, तब प्रभु को एक स्वर्गदूत यूसुफ के सपने में दिखाई दई और कही, “राजा हेरोदस बालक के मारन के ताहीं ढूँडैगो। सो उठ, बालक और बाकी अईय्या के लै जा और मिस्र देस के भाज जा, और जब तक मैं तुम्हें देस छोड़न के ताहीं ना कहमौ, तब तक हँस रहियो।” **14** तौ यूसुफ उठो, और बालक और बाकी अईय्या के लैके राते के मिस्र के चले गौ, **15** जहाँ बौ राजा हेरोदस के मरन ले रहो। ऐसो तभई भौ जौ प्रभु भविष्यवक्ता के जरिये कही रहै, बौ पूरो हुई जाबै “मैं अपने बालक के मिस्र से बाहर बुलाओ।” **16** राजा हेरोदस जब जौ देखी कि सितारन को अध्ययन करन बारे विद्वान बाके संग चाल चली हैं, तब बौ भौत गुस्सा हुई गौ और बौ आग्या दई कि बैतलहम और बाके आसपास में दुई साल या बासे छोटो सबै बालकन की हत्या कर दई जाबै। सितारन को अध्ययन करन बारे विद्वान के बताए भै समय को आधार बनाएके जौ करी। **17** ऐसे करके यिर्मयाह भविष्यवक्ता

जो कही रहै, बौ सच मैं पूरो भौ: 18 “रामा नगर मैं एक अबाज सुनाई देथै, जो ददीली रोन की अबाज है। राहेल अपने बालकन के ताहीं रोय रइ है; ना चाहत रहै कि बौ समय बाकै कोई साति दिथै, काहैकि बाके तौ सबै बालका मर चुके रहैं।” 19 जब राजा हेरोदस की मौत हुई गई, तब प्रभु को एक स्वर्गादूत मिस्र मैं यूसुफ के एक सपने में दिखाई दई। 20 बौ कही, “उठ, बालका और बाकी अईय्या के लै जा, और इस्राएल देस की जमीन मैं तुम बापस लौट जाबौ, काहैकि जो आदमी बालकन की ज्यान लेन बारो रहैं बौ मर चुको है।” 21 तभई यूसुफ उठो, बालक और बाकी अईय्या के लैके इस्राएल देस चले गौ। 22 लेकिन जब यूसुफ सुनी कि हेरोदस अपने लौडा अर्खलास के यहूदिया को राजा बनाई है, तौ बौ हँसा जान से डरो। बाकै एक सपने में निरि निर्देस मिले रहैं, तभई बे गलील परदेस मैं चले गौ। 23 और नासरत नाओं के एक सहर मैं अपनो घर बनाई। और तभई भविष्यवक्ता जो कही रहैं बौ बात सच मैं पूरी भइ: “बाकै नासरी कहो जाबैगो।”

3 बौ समय यहूना बपतिस्मा देन बारो यहूदिया के रेगिस्तान मैं आओ और प्रचार करने सुरू करी। 2 बौ कही: “पापन से मन फिराबौ, काहैकि स्वर्ग को राज्य झोने है।” 3 यहूना बहे आदमी है, जोके बारे मैं यसायाह भविष्यवक्ता चर्चा करत भै कही रहैं, “कोई रेगिस्तान से चिल्लाए रौ है, कि प्रभु के ताहीं रस्ता तैयार करौ; बाके ताहीं राह सीधी बनाबौ।” 4 यहूना के लता ऊँट के बारन से बने रहैं; बौ अपने करिहँओं में एक चमड़ा की कमरबंद पहने रहैं, और बाको खानु टींड़ा और बन को सहद रहै। 5 बौ समय यरुसलेम, और पूरा यहूदिया छेत्र और यरदन नदिया के आसपास के लोग बाके झोने आयकै जुराए गौ। 6 बे अपने पापन के मान लेते, और बौ उनके यरदन नदिया मैं बपतिस्मा दई। 7 जब यहूना निरि फरीसियन और सदकियन के बपतिस्मा लेन के ताहीं बाके झोने आत देखी, तौ बौ उनसे कही, “सॉप के बालकौ, जो तुमकै कौन बताई कि तुम प्रभु के भावी क्रोध से बच सकथौ? 8 तुमकै सबूत देनो होगो कि तुम बास्तव मैं मन फिराए भै हो। 9 और जौ मत सोचौ कि तुम जौ कहकै सजा से बच जागो कि अब्राहम तुमरो पुरखा है। मैं तुमसे कहथौ कि परमेस्वर जे चट्टान से अब्राहम के ताहीं बंस बनाये सकथै! 10 कुल्हाड़ी पेंडन की जडन के काटन के ताहीं तैयार है; अच्छो फरा ना देनबारे सब पेंड के काटकै आगी मैं झोंक दौ जागो। 11 मैं तौ तुम्हें पानी से मन फिराव के ताहीं पानी से बपतिस्मा देथौ, लेकिन जो मेरे बाद आगो बौ तुमकै पवित्र आत्मा और आगी से बपतिस्मा देगो। बौ मोसे भौत बडो है; और मैं इतो अच्छो नाय हौ कि बाकी जूता की तनी खोलन के काबिल हौ। 12 बाके हात मैं बाको सूपो है, जोसे बौ गेंहूँ छान के भूसा से अलग करथै अपने खेत के साफ करकै पूरा अनाज के इक्छो कर कुठियन मैं भैरगो, पर भूसा के ऐसी आगी मैं डार देगो जो कभी बुझन से न बुझैगी।” 13 बौ समय ईसू गलील परदेस से चलकै यरदन नदिया के किनारे यहूना के झोने बासे बपतिस्मा लई। 14 लेकिन यहूना जौ कहकै बाकै रोक्न लगो कि, “मोकै तेरे हातन से बपतिस्मा लेन की जरूरत है और तहँओ तैं मेरे झोने आओ है।” 15 लेकिन ईसू बाकै जबाब दई, “हबै

ऐसिये होन दे। हमसे जो परमेस्वर चाहथै बाकै पूरा करन के ताहीं धार्मिकता जहे तरहन से ठीक है।” फिर यहूना मान गौ। 16 ईसू के बपतिस्मा लेन के तुरंत बाद, बौ पानी से बहार आओ, तौ बाके ताहीं स्वर्ग खोलो गौ, और बौ परमेस्वर की आत्मा को एक कबूतर के हानी नीचे उतरत और अपने ऊपर आत भौ देखी और बाके ऊपर उजीतो हुई गौ। 17 तौ स्वर्ग से एक अबाज आई, “जौ मेरो अपनो प्रिय लौड़ा है, जोसे मैं भौत खुस हौ।”

4 फिर आत्मा ईसू के सैतान के जरिया परिक्रमा करन के ताहीं मस्सथल मैं लै गई। 2 चालीस दिन और चालीस रात बर्त रहन के बाद ईसू के भूंक लगी। 3 तब सैतान बाके झोने आओ और लालच देत भै कही, “अगर तैं परमेस्वर को लौड़ा है, तौ जे पथरन के रोटी बनान के तहीं कह।” 4 पर ईसू जबाब दई, “साझ कहथै, ‘इंसान सिर्फ रोटी से ही जिंदो नाय रह सकथै,’ लेकिन हर बौ सब्द से जीथे जो परमेस्वर बोलथै।” 5 फिर सैतान ईसू के यरुसलेम के पवित्र सहर मैं लै जाएकै, बौ बाकै मंदिर के सबसे ऊँची जघा मैं खडो करकै। 6 और बासे कही, “अगर तैं परमेस्वर को लौड़ा है, तौ अपने आपके नीचे फेंक दे, काहैकि साझ कहथै, ‘परमेस्वर तेरी देखभार करन के ताहीं स्वर्गादूतन के आग्या देगो ताकी तोकै हातो हात उठाए लेंगे, ताकी तेरे पैर मैं पथरा से चोट ना लैगै।” 7 ईसू जबाब दई, “लेकिन साझ जौ भी कहथै, ‘अपने प्रभु परमेस्वर की परिक्रमा मत कर।” 8 जब सैतान ईसू के भौत ऊँचे पहाड़ मैं लैगौ और बाकै दुनिया के सबै राज्यन के अपनी महानता मैं दिखाई। 9 “सैतान कही, जौ सब मैं तोकै देंगो, अगर तैं झुककै मेरी आराधना करैगो।” 10 तौ ईसू जबाब दई, “सैतान चले जा! साझ कहथै, ‘प्रभु अपने परमेस्वर की आराधना कर और सिर्फ बहे की सेवा कर।” 11 तौ सैतान ईसू के छोड़ दई; और स्वर्गादूत आयकै बाकी सेवा और मदत करी। 12 जब ईसू सुनी कि यहूना के कैदखाना मैं डार दौ गौ है, तौ बौ गलील लौट आओ। 13 लेकिन बौ नासरत मैं नाय ठहरो, लेकिन जबलून और नप्ताली के इलाका मैं गलील झील के एक सहर कफरनहम मैं रहन लगो। 14 ऐसो तभई भौ कि परमेस्वर यसायाह भविष्यवक्ता के जरिया जो कही रहैं बौ पूरो हो। 15 “जबलून की जमीन और नप्ताली के देस, समुंदर के रस्ता मैं, यरदन नदिया के पछार मैं गैर यहूदिन के देस गलील मैं। 16 जो आदमी अधियारे मैं जीथैं, बे एक महान जोती देखी। जो मौत की छाया के देस मैं रहत रहैं उनके ऊपर जोती उनके ऊपर चमकी।” 17 बौ समय से ईसू अपनो प्रचार सुनानो सुरू करी: “अपने पापन से मन फिराबौ काहैकि स्वर्ग को राज्य झोने है।” 18 जैसे ईसू गलील झील के किनारे के गौ, बौ दुई भईय्यन के देखी, जो मछरैया रहैं, सिमौन पतरस और बाको भईय्या अन्धियास, एक संग जार से झील मैं मच्छी मारत रहैं। 19 ईसू उनसे कही, “मेरे पच्छू चले आबौ, मैं तुमकै सिखांगो मच्छी पकडन के बजाय इंसानी रूपी मच्छी कैसे पकड़ी जाथैं।” 20 बे तुरंत अपनो जार छोड़कै बाके संग चले गौ। 21 फिर बौ हँसो से अगु चल पडो और बौ देखी कि, जब्दी को लौड़ा याकूब और बाको भईय्या यहूना के देखी। बे अपने दऊवा के संग नईयों मैं जार सुरजात रहैं, ईसू उनके बुलाई। 22 और बे तुरंत नईयों और अपने

दरुवा के छोड़के बाके पच्छू चले गे। 23 ईसू गलील परदेस में यहूदि सभाघरन में स्वर्ग के राज्य को सुसमाचार को उपदेस देतो और सब तरह के रोग और बिमारन के चंगो करत भै घुमन लगे। 24 बाके बारे में पूरे सीरिया तक खबर फैल गई, तभई लोग जो बिमार रहें और तरह-तरह के रोग और दुखन से दुखी रहें, जिनमें प्रेत आत्मा सवार रहें, जिन्हें मिर्गि आत रहै और जो फालिस के मारे रहें बाके झोने लान लगे, और ईसू उन्हें चंगो करी। 25 तभई गलील दिकापुलिस जोके दस सहर कहो जाथै, यरुसलेम, यहूदिया, और यरदन नदिया के पार लोगन की बड़ी-बड़ी भीड़ बको अनुसरेंड करन लगी।

5 ईसू भीड़ के देखी और एक पहाड़ में चढ़गौ, जिते बौ बैठगौ, और बाके चेला बाके झोने आए गे, 2 और बौ उनके सिखान लगे: 3 “धन्य बे हैं, जो मन के दीन हैं; स्वर्ग को राज्य उन्हीं को है!” 4 “धन्य बे हैं जो दुख मनाथें; परमेस्वर उनके सांति देगो!” 5 “धन्य बे हैं जो विनम्र हैं; बे धरती के वारिस होंगे!” 6 “धन्य बे हैं, जो धार्मिकता के भूके और प्यासे हैं, बे तृप्त करे जांगे!” 7 “धन्य बे हैं, जो दुसरेन ऊपर दया करथें; परमेस्वर उनके ऊपर दया करेगो!” 8 “धन्य बे हैं जिनके मन सुदृढ़ हैं; बे परमेस्वर के देखेंगे!” 9 “धन्य बे हैं जो सांति के ताहीं काम करथें; परमेस्वर उनके अपने लौड़ा बनागो!” 10 “धन्य बे हैं जिनके धार्मिकता के बजह से सताओ जाथै, काहेकि स्वर्ग को राज्य उन्हीं को है!” 11 “धन्य तुम हो, जब लोग तुमरी बुराई करथें और तुमके सताथें और तुमरे खिलाप सबै तरह के झूठ बोलाथें काहेकि तुम मेरे अनुयायी हो। 12 धन्य और रहबौ काहेकि स्वर्ग में तुमरे ताहीं एक बड़ो इनाम रखो गौ है, बे तारन को अध्ययन करन बारे भविष्यवक्तन के जो तुमसे पहले एसेई सताव गौ रहे।” 13 “तुम, पूरी इंसान जाति के ताहीं पृथ्वी के नमक के तरह हो। लेकिन अगर नमक अपने नुनियानपन के खाए देखै, तौ बाके दुबारा से नुनियान बनान को कोई तरीका नाय है; जौ पक्का बेकार हुई गौ है, तभई जाके बहार फेंक दौ जाथै और लोग बाके रौंद देखै।” 14 “तुम पूरी दुनिया के ताहीं उजियारो के हानी हो। पहाड़ में बने सहर छिप नाय सकथै। 15 और लोग दिया जलायके छपरिया के ते नाय रखथें लेकिन डीट में रखथें, तौ बाके उजिते से घर के सब लोगन के उजियारो मिलथै। 16 बैसिये लोगन के सामने तुमरो उजियारो ऐसे चमकें कि तुमरे अच्छे कामन के देख तुमरे स्वर्गिय, दरुवा की बड़ोई होबै।” 17 “जो मत सोचौ कि मैं मूसा के नियम और भविष्यवक्तन के लिखे भै नियम के खतम करन आओ हौं बल्कि उन्हीं पुरो करन के ताहीं आओ हौं। 18 मैं सच कहथौ कि जब तक धरती और आसमान मिट न जायें, तब तक मूसा के नियम की एक ामात्रा या बिन्दु भी बिना पुरो भौ खतम नाय होगो। 19 तौ जो कोई जे छोटी से छोटी आग्यन में से कोई एक के तोड़े, और बैसिये लोगन के सिखावै, बौ स्वर्ग के राज्य में सबसे छोटी मानो जागो; लेकिन जो कोई उनको पालन करेगो और उनके सिखगो, बहे स्वर्ग के राज्य में महान मानो जागो। 20 मैं तुमके सच कहथौ, तुम स्वर्ग के राज्य में तभई जाए पागे, जब तुम्हारी धार्मिकता यहूदि नियम के सिक्छन की तुलना में और फरीसियन की तुलना में जाधे बिस्वास के काबिल होगे।” 21 “तुम जानत हो कि

हमरे पुरखन से कहो गौ रहै कि हत्या मत करियो, ‘जो कोई भी कोई के मारेगो बाके कचहरी में न्याय के ताहीं ले जाओ जागो।’ 22 लेकिन मैं तुमसे कहथौ कि जो कोई आदमी अपने भईय्या से गुस्सा करथे बाके भी न्याय के अदालत में बाके ताहीं जबाब देनो होगो और जो कोई अपने भईय्या के ‘तौ कोई काम नाय करथे है तौ बाके महासभा में लाओ जागो। और अगर कोई अपने भईय्या के हे मूर्ख कहगो तौ बाके नरक की आगी में जान को खतरा रहेगो।’ (Geenna g1067) 23 तौ अगर तैं बेदी में अपने भेंट चढ़ाय रहो है और हँना तौके याद है कि तेरे भईय्या के मन तेरे ताहीं तेरे खिलाप में कुछ है, 24 तौ तैं बेदी के सामने अपनी भेंट हँनै धर दे, पहले जाके अपने भईय्या के संग मेल कर, और फिरौकी बापस आयके अपनी भेंट परमेस्वर के चढ़ा।” 25 “अगर तुमरे खिलाप कोई मुकदमा चलाथे और तौके अदालत में लै जाथे, तौ अदालत में पहोंचन से पहले जौ बात के बाके सुलझा, नाय तौ एक बार अगर तुम हँना पौहोंच गे, तौ तुमके न्यायधीस के सौप दौ जागो, जो तौके सिपईय्यन के सौप देगो, और बौ तुमके कैदखाना में डार देगो। 26 मैं तुमसे सच कहथौ, तैं जेल से तब तक छूट नाय पागो जबले तैं पैसा पाई-पाई नाय चुकाए देगो तौले हँना से छुट ना पायगो।” 27 “तुम सुने हो कि जौ कहो गौ रहै, ‘व्यभिचार मत करीये।’ 28 लेकिन मैं तुमसे कहथौ: अगर जो कोई की बईय्यर के वासना की नजर से देखथे तौ बौ अपने मन में पहले से ही व्यभिचार कर चुको है। 29 तौ अगर तुमरी दहनी आँखी तुमके पाप की बजह बनाथे, तौ बाके निकारके फेंक दे! तुमरे सरिर के एक हिस्सा के खाए देन से अच्छो है कि तुम अपने पूरे सरिर के नरक में जान से बचाए लेगे। (Geenna g1067) 30 और अगर तुमरो दहनो हात पाप करबाय, तौ बाके काटके फेंक दे! काहेकि तुमरे ताहीं अच्छो है कि तेरो सरिर को एक अंग नास होन के बजाय जासे कि तेरो पूरो सरिर नरक में जान से बच जाबै।” (Geenna g1067) 31 “जौ भी कहो गौ रहै, ‘जो कोई भी अपनी बईय्यर के तलाक देथे, बाके तलाक को लिखत रूप में तलाक देनो चाहईये।’ 32 लेकिन मैं तुमसे कहथौ: हर भी आदमी अपनी बईय्यर के तलाक देथे, अगर बौ जौ तलाक बाके व्यभिचारी आचरड के बजह से नाय दियो गौ है तौ जब बौ दुसरो बिहा करथे तौ बौ आदमी बासे व्यभिचार करवाथे। और जो कोई बौ छोड़ी भइ बईय्यर से बिहा करथे तौ बौ भी व्यभिचार करथे।” 33 “तुम जहो सुने हो कि हमरे पुरखन से कहो गौ रहै, ‘अपनो वादा मत तोड़िये, लेकिन बौ करीये जो प्रभु से करन की कसम खाए हौ।’ 34 लेकिन मैं तुमसे कहथौ: कि कसम मत खाबौ हियाँ तक की स्वर्ग की कसम मत खाबौ, काहेकि जौ परमेस्वर को सिंहासन है; 35 और ना धरती, काहेकि जौ बाके पाँव के चौकी की जघा है; ना यरुसलेम की, जरिया, काहेकि जौ महान राजा को सहर है। 36 ना तौ तैं अपने मूड की कसम खईयो, काहेकि तू एक भी बार सफेद या कारो नाय कर सकथौ। 37 लेकिन तुमरी बात ‘हैं’ कि ‘हैं’ और ‘ना’ कि ‘ना’ होबे; काहेकि जो कुछ जासे जाधे होथे बौ दुस्ट के घाँई से होथे।” 38 “तुम सुने हो कि जौ कहो गौ रहै, ‘एक आँखी के बदले एक आँखी, और दाँत के बदले दाँत।’ 39 लेकिन अब मैं तुमसे कहथौ: बुरे आदमी को बिरोध मत करौ। अगर कोई तुमरे दहने गलऊवा मैं

चाँटा मारै तौ बाकै अपने बाँए गलऊवा मै भी चाँटा मारन दे। 40 अगर तुम दुसरेन के माफ नाय करैगे, तौ तुमरो दऊवा परमेस्वर तुमरे और अगर कोई तेरे ऊपर तुमकै अपनो कुरता को फैसला के ताहीं मुकदमा करके अदालत मै लै जायै, तौ बाकै अपनो झगिया भी दैदे। 41 अगर तुम मै से कोई एक तौके कोस भर बेगार मै लै जाबै तौ बाकै संग दुई कोस चलो जा। 42 जब कोई तोसे कछु माँगै, तौ बाकै दैदे; जब कोई कुछ उधार लेनो चाहबै, तौ बाकै उधार दैदे।” 43 “तुम सुने हौ कि जौ कहो गौ रहै, ‘अपने दोस्तन से प्यार करौ, और अपने बैरियन से बैर करौ।’ 44 लेकिन मै तुमसे कहथौ: अपने बैरियों से प्यार करौ और बे आदमिन के ताहीं प्रार्थना करौ जो तुमकै सताथै, 45 ताकी स्वर्ग मै तुम अपने परम दऊवा के बालका बन सकौ। काहैकि बौ भले और बुरे दोनों के ऊपर अपनो सूरज चमकायै, और जो धर्मी और अधर्मी के ऊपर मेंहें बरसायै। 46 अगर सिरफ तुम बे आदमिन से प्यार करथौ, जो तुमकै प्यार करथै, तौ परमेस्वर काहे तुमकै इनाम देगो? हिंयों ले कि लगान लेन बारे ऐसोई नाय करथै! 47 अगर तुम अपने भईय्या बन्धू कै ही नमस्ते करैगे तौ तैं औरौ से जाधे का जाधे का कर रहो है? ऐसो तौ गैर यहदि भी करथै! 48 तुम सिद्ध बनौ जैसे कि तुमरो स्वर्गिय दऊवा सिद्ध है।”

6 सावधान रहबौ, “परमेस्वर चाहथै कि धार्मिकता के काम लोगन सामने दिखवा के ताहीं मत करौ न तौ तुम स्वर्गिय दऊवा से बाको प्रतिफल नाय पागे।” 2 “तभई जब तुम कोई दीन दुखी कै दान देथौ तौ बाको हिंदोरा मत पीटौ जैसो कि यहदि सभाघर मै और गलियन मै कपटी लोग औरन से बड़ाई पान के ताहीं करथै। मै तुमसे सच कहथौ उन्हें तौ बाको पुरो फल पहलिये ही दौ चुको है। 3 लेकिन जब तुम कोई जरूरतमंद आदमी की मदत करथौ, और दीन दुखी कै देथौ, तौ तुमरो बाँया हात नाय जान पाबै कि तेरो दहने हात का करथै। 4 ताकी तेरो दान छिपो रहबै; और तेरो परम दऊवा जो छिपो भौ देखथै, तौकै इनाम देगो।” 5 “जब तुम प्रार्थना करथौ, तौ कपटियन के तराहनी दिखवा मत करौ! काहैकि उन्हें यहदि सभाघरन मै और सड़कन के चौहराय मै ठाड़के प्रार्थना करनो अच्छो लगथै। ताकी लोग उन्हें खास लोग के भेस मै जानै। मै तुम्हें सच कहथौ, बे पहलिये सब प्रतिफल पाये लई हैं। 6 लेकिन जब तैं प्रार्थना करै, तौ अपने कमरा मै जा, मोहोंट लगा और गुप्त रूप से अपने परम दऊवा से प्रार्थना कर और फिर तेरो परम दऊवा जो छिपकै तेरे कामन कै देखथै बाको तौकै प्रतिफल देगो।” 7 “जब तुम प्रार्थना करथौ, तौ गैर यहदि कि तरह बेकार बातन कै बार-बार मत दोहराते रहबै तौ जौ सोचथौ कि भौत बोलन से उनकी सुनी जाबिगी। 8 तौ तुम उनके हानी मत बनौ, काहैकि तुमरो परम दऊवा तुमरे माँगन से पहलिये जानथै, कि तुमकै का जरूरत है। 9 तभई जौ तरह तुमकै प्रार्थना करनो चहाईये: ‘हे हमरे स्वर्गिय पिता, तेरो नाओ पवित्र मानो जाबै। 10 तेरो राज्य आबै, तेरी इच्छा जैसी स्वर्ग मै पूरी होथै, बैसिये धरती मै भी होबै। 11 हमरे दिन भर की रोटी आज हमकै दे। 12 और जैसी हम अपने अपराधियन कै माफ करे हैं, बैसिये तहँ हमरे अपराधन कै माफ कर। 13 हमै परिकछा मै न ला, और बुराई से बचा।’” 14 “अगर तुम दुसरेन की गलतियन कै माफ करैगे, तौ तुमरो स्वर्गिय दऊवा तुमकै माफ कर देगो। 15 लेकिन

अगर तुम दुसरेन के माफ नाय करैगे, तौ तुमरो दऊवा परमेस्वर तुमरे करे भै गलत कामन के माफ नाय करैगे।” 16 “और जब तुम बर्त रखथौ, तौ पाखंडी के तराहनी मोहों मत बनाबौ बे तरह-तरह से मोहों बनाथै ताकी लोग उनकै जानै कि जे बर्त रखी हैं, मै तुमसे सच्ची कहथौ कि बे अपनो इनाम पाय चुके हैं। 17 लेकिन जब तुम बर्त रखथौ तौ अपनो मोहों धो और अपने बार मै तेल लगाये के उन्हें अभिसेक कर। 18 ताकी दुसरे जान सकैं कि तुम बर्त कर रहै हौ, ऐसो करकै तेरो परम दऊवा जो लुककै करे भै कामन कै देखथै, तौकै इनाम देगो।” 19 “धरती मै अपने ताहीं धन मत जोरौ, जहाँ कीरा और काई खतम कर देथै, और चुटा चुराय लै जायै। 20 बल्कि स्वर्ग मै अपने ताहीं धन जोरौ, जहाँ ना कीरा और ना काई नास कर पाबै, और चुटा भी हँआँ सेंध लगाये कै चुराय न सकथै। 21 काहैकि जिते तेरो धन उँते तेरो मनौ भी लगोरैगो।” 22 “सररी को दिया आँखी है। अगर तेरी आँखी ठीक है तौ तेरो पुरो सररी उजियारो मै रहगो; 23 लेकिन अगर तेरी आँखी खराब है, तौ तेरो सररी अधियारो मै होगो। तभई सिरफ जो उजियारो जो तेरे भीतर है अगर अधियारो हुई जाए तौ अधियारो कितो गहरो होगो!” 24 “कोई भी एक संग दुई मालिक की सेवा नाय हुई सकथै; काहैकि बौ एक से नफरत करैगे, और दुसरे से प्यार करैगे; एक के प्रति बफादार रहगो और दुसरे को तिरस्कार करैगे। तुम धन की और परमेस्वर की सेवा नाय कर सकथौ।” 25 “तभई मै तुमसे कहथौ: जिंदो रहन के ताहीं, चिंता मत करीये कि हम खांगे, और का पीमंगे, और ना अपने सररी के ताहीं कि का पहनंगे, सबन के बाद, का ज्यान रोटी से जट्टे जरूरी नाय है? और सररी लतन से बढ़कै नाय है? 26 आसमान के पक्खिन कै देखौ! बे ना तौ बीज बोथै, नाय काटथै, और कुठियन मै जोड़थै; तहँआँ तुमरो स्वर्गिय दऊवा उनके खबाथै! का तुम बे पक्खिन से बढ़कै नाय हौ? 27 का तुम मै से कोई ऐसो है जो चिंता करकै अपने जिंदगी काल को एक घड़ी भी बढ़ाये सकथै?” 28 “और लतन के ताहीं काहे सोचथौ? देखौ बन के फूला कैसे बढ़थै: बे ना तौ काम करथै और ना अपने ताहीं लत्ता बनाथै। 29 लेकिन मै तुमसे सच कहथौ कि महान सुलैमान राजा अपनी पूरी वैभव मै से कोईये के तराहनी नाय सज सको। 30 तौ जब परमेस्वर मैदान की घाँस कै, जो आज है, और कल भट्टी मै झोंकी जागी, ऐसो लत्ता पहनाथै, तौ ओ कम बिस्वास करन बारे! का बौ तुमकै और भी जाधे ना पहनागो?” 31 “तौ चिंता मत करियो: ‘कि हम का खांगे? या का पींगे? और या का पहनंगे?’ 32 गैर यहदि लोग जे सब चीजन के पच्छू दौड़त रहथै लेकिन स्वर्ग मै रहन बारे तुमरो स्वर्गिय दऊवा जानथै कि तुमकै जे सब चीजन की जरूरत है। 33 तभई जाके अलावा पहले तुम परमेस्वर के राज्य और धार्मिकता कै ढूँडौ तौ जे सब चीजें तुमकै मिल जांगी। 34 तौ कल के बारे मै चिंता मत करौ; काहैकि कल को दिन अपनी चिंता अपने आप कर लेगो; आज के ताहीं आजै को दुख भौत है।”

7 “दुसरेन को न्याय मत करौ, ताकी परमेस्वर तुमरो न्याय ना करै, 2 काहैकि तुमरो न्याय बहे फैसला के आधार होगो और जो नपना से तुम नापथौ, बहे से तुमरे ताहीं नापो जागो। 3 तैं काहे अपने

भईय्या की आँखी के कूरा के देखथे, और अपनी आँखी को लश तोकै नाय दिखथे? 4 तैं अपने भईय्या से कैसे कह सकथे, 'ला मैं तेरी आँखी से कूरा निकार दियौं,' जब तेरिये आँखी मैं लश है? 5 अरे पाखंडी! पहले अपनी आँखी मैं से लश निकार ले, तौ तैं अपने भईय्या की आँखी को कूरा अच्छे से निकार पाएगो।" 6 "पवित्र चीज कुतन के मत दियौ, और अपने मोती सोरा के अगु मत डारो; ऐसो ना होबै कि बे उनके टाँग ते रौद डारै और कुता तुम्है पलटकर फाड़ डारै।" 7 "मॉगो तौ तुमके दौ जागो, ढूँडो तौ तुम पागे; खटखटाबौ, तौ तुमरे ताहीं खोलो जागो। 8 काहेकि जो कोई मांगथे, बाकै मिलथे; और जो ढूँडथे, बौ पाथे; और जो खटखटाथे, बाके ताहीं मोहोत खोलो जागो। 9 तुम मैं से कौन इंसान है, कि अगर बाको लौडा बासे रोटी माँगे, तौ बौ बाकै पथरा पकड़ावै? 10 या मच्छी माँगे तौ, बाकै साँप देवै? 11 अगर तुम बुरे हुईके अपने बालकन के अच्छी चीज देनो जानथौ, तौ तुमरो स्वर्गिय दऊवा अपने माँगन बारे के अच्छी चीज काहे ना देगो?" 12 "तभई जैसो व्यवहार तुम अपने ताहीं दुसरेन से चाहथौ बैसो ही व्यवहार तू दुसरन से करो; जौ मूसा की नियम विधि और भविष्यवक्ता को जहे सार है।" 13 "सकरे रस्ता से भीतर जाबौ, काहेकि चौहडो फाटक से जानो सरल है बौ रस्ता जो बिनास के घाँई लै जाथे; और भौत सारे लोग हैं जो बासे घुसथैं। 14 लेकिन जिंदगी को फाटक सकरो है और हूँआँ तक जान बारो रस्ता कठिन है, और भौत कम लोग हैं जो जाकै पाथैं।" 15 "झूठे भविष्यवक्ता से चहाचीते रहबौ, जो भेंड के सकल मैं लता पहन तेरे झोने आथैं, लेकिन भीतर से फाड़न बारे भेंडिया हैं। 16 तुम उनके फलन से उनके जान जाबैगे। का झाडियन से अंगूर तोड़थे, या चिरचिरा से अंजीर इखटो करथे? 17 ऐसिये हर एक अच्छो पेंड अच्छो फल देथे और बुरो पेंड बुरो फल देथे। 18 अच्छो रखा बुरो फल नाय दे सकथे, और ना ही बुरो पेंड अच्छो फल लाय सकथे। 19 और जो पेंड अच्छो फल ना देथे, बौ काटो और आगी मैं डारो जागो। 20 तभई तुम उनके कामन के परीडामो के जरिया बे भविष्यवक्ता के पहचाँगे।" 21 "हर कोई जो मोकै, 'प्रभु, प्रभु' कहथे, स्वर्ग के राज्य मैं ना जाए सँकेगो, लेकिन सिरफ बेई जो मेरे परम दऊवा स्वर्ग मैं है, बाकी इच्छा मैं चलथैं। 22 जब न्याय को दिन आगो, तौ निरे मोसे कहंगे, 'प्रभु, प्रभु! तुमरे नाओ से हम भविष्यवाँडी करे, तेरे नाओ से हम निरे प्रेत आत्मा के निकारे और किन्ते अचम्मे काम करे!' 23 तौ 'मैं उनसे खुलकै कहंगे, देखो मैं तुमके कभी नाय जानो। अरे अधर्मियौ मोसे दूर हुई जाबौ!'" 24 "तभई, जो कोई मेरी जे बातन के सुनथे और आग्या पालन करथे, बौ, बौ बुद्धिमान इंसान के जैसो है जो अपनो घर चटान मैं बनाई है।" 25 मेंहें आओ और नदिया मैं बाढ आई, और आँधी चली, घर मैं से टक्कर खाई, लेकिन बौ नाय गिरो, काहेकि बाकी बुनियाद चटान मैं पड़ी रहै। 26 "लेकिन जो कोई मेरी बातन के सुनथे और उनको पालन नाय करथे बौ एक मूर्ख आदमी के तराहनी है जो रेता मैं अपनो घर बनाई है। 27 मेंहें आओ, बाढ आई, आँधी चली बौ घर से टक्कर खाई और बौ बुरी तरह से ढह गौ!" 28 जब ईसु जे बातन के कह चुको, तौ भीड़ बाके सिक्छा से अचम्भित भइ। 29

काहेकि बौ उनहें यहदि नियम के सिक्छक के तराहनी नाय; बल्कि एक अधिकारी के तराहनी सिक्छा देत रहै।

8 जब ईसु पहाड से नीचे आओ, तौ भारी भीड़ बाके पच्छू हुई लई। 2 तौ एक आदमी जोकै कोहोड रोग रहे बाके झोने आओ, बाके अगु झुकी और घुटनो टेक दई, और कही, "गुरुजी, अगर तैं चाहबै, तौ मोकै सुद्ध कर सकथे।" 3 तौ ईसु अपनो हात बढ़ाये के कोहोड रोगी के छुइ और कही, "जस्स मैं चाहथौ कि तू सुद्ध हुई जा और तुरंत कोहोड रोग ठीक हुई गौ।" 4 तौ ईसु बासे कही, "सुन! कोई के मत बतइये, लेकिन सीधे पुजारी के झोने जा और अपने आपके दिखा; तौ सबन के जौ साबित करन के ताहीं कि तैं ठीक हुई गौ है, और जो भेंट मूसा चटान के कही है; चढा ताकी उनके ताहीं गभाई होबै।" 5 जब ईसु कफनरहम मैं आओ, तौ एक रोमन सेनापति बासे मिलो और मदत के ताहीं नहोरे करी: 6 "प्रभु, मेरो एक सेवक घर मैं बिमार पडो है, बाकै फालिस मार गौ है, बाकै भौत पीडा हुई रइ है।" 7 "तब ईसु सेनापति से कही मैं आयकै बाकै अच्छो करंगो" 8 अधिकारी जबाब दई "अरे नाय, प्रभु, मैं जाके लायक ना हौ कि तू मेरे घर के छत तेरे आवे, लेकिन तू सिरफ बचन देदे बस मेरो सेवक ठीक हुई जागो। 9 काहेकि महुँ दुसरेन के अधिकार मैं रहन बारो एक आदमी हौं, और सैनिक मेरे हात में हैं, और जब एक से कहथौं, 'जा!' तौ बौ जाथे; और दुसरे से कहथौं कि 'आ!' तौ बौ आथे; और अपने सेवक से कहथौं, कि जौ कर, तौ बौ करथे।" 10 जब ईसु जौ सुनी तौ बौ चकित हुई गौ, और जो बाके पच्छू आत रहैं उनसे कही, "मैं तुमसे सच कहथौं, कि मैं इस्राएल में कोइये मैं भी ऐसो बिस्वास नाय देखो। 11 मैं तुमके बिस्वास दिबाथौं कि निरे आदमी अगार और पछार से आगे और स्वर्ग के राज्य मैं दावत मैं अब्राहम, इसहाक और याकूब के संग बैठंगे। 12 लेकिन जो आदमिन के राज्य मैं होनो चहाइये उनके अधियारे मैं फेंक दौ जागो, जितै बे रोगे और अपने दौतन के पीसंगे।" 13 तौ ईसु सेनापति से कही, "जा, बैसो ही तेरे ताहीं होबै जैसो तेरो बिस्वास है," और अधिकारी को सेवक बहे समय ठीक हुई गौ। 14 जब ईसु पतरस के घर पहुँचो, बौ पतरस की सास के बुखार से बिमार बिस्तर मैं पाई, 15 तभई ईसु बाकै अपने हात से छुइ और बुखार उतर गौ। फिर बौ उठी और ईसु की सेवा करन लग्यी। 16 जब संजा खिन हुई गई, तौ आदमी ईसु के झोने आए, जिनके अंदर प्रेत आत्मा रहैं अपनी एक आग्या से बौ प्रेत आत्मा के निकार दई जौ तरह से बौ सब रोगी के चंगो कर दई। 17 जौ तभई भौ ताकी परमेस्वर यसायाह भविष्यवक्ता के जरिया जो कही रहे पुरो होबै, "बौ खुद हमरी बिमारी के लै लई और हमारी बिमारियन के ठीक करी।" 18 जब ईसु अपने आस-पास की भीड़ के देखी, तौ बौ अपने चलन के झील के दुसरे पाँजर जान की आग्या दई। 19 और एक यहदि नियम को सिक्छक बाके झोने आओ। बौ कही, "प्रभु," जहाँ कहुँ तैं जागो "मैं तेरे संग जान के ताहीं तैयार हौं।" 20 ईसु बाकै जबाब दई, "लोमडियन की माद और आसमान के पक्छी के घोसला होथैं, लेकिन इंसान के लौडा के पास मूड धरन के ताहीं जघा तक नाय है।" 21 और बाको एक चेला बासे

कही, “प्रभु, मौक़े पहले जान दे, कि मेरे दऊबा के दफ़नाए दियौ।” 22 लेकिन ईसु जबाब दई, “तैं मेरे पच्छू हुई ले; और मेरे भैन के अपने मुर्दा खुद गाडन दे।” 23 तभई ईसु एक नईयाँ मैं चढगौ, और बाके चेला बाके संग गै। 24 और झील मैं एक ऐसो तूफान उठो कि नईयाँ लहरन से ढकन लगी; लेकिन ईसु सोत रहै। 25 तौ चेला झोने आयकै बाकै जगाई, और कही, “प्रभु हमें बचा! हम मेरे जाएरै है!” 26 तभई ईसु उनसे कही, “अरे कम बिस्वास के आदमियौ! काहे डरायौ?” तौ बौ ठाड़कै तूफान और आँधी के झुकाइ, और सब सांत हुई गई। 27 और आदमी अचम्मो करकै कहेन लगे, “जौ कैसो इंसान है? कि आँधी और लहरें जाकी आग्या मानथै!” 28 जब ईसु झील के बौ पाँजर गदरेनियो के सीमा में पहुँचो, तौ दुई इंसान जिनके अंदर प्रेत आत्मा रहैं कबरन से निकरत भै उनके मिले, जो इत्ते सत्किस्साली और भयानक रहैं कि कोई बौ रस्ता से छिर नाय पात रहै। 29 और बे चिल्लाए के कही, “हे परमेस्वर को लौडा, तैं हमसे का चाहथै? का तैं समय से पहले हमकै दुख देन के आओ है?” 30 थोड़ी दूरी मैं सोरन को झुंड चुगत रहै। 31 प्रेत आत्मा बासे जौ कहकै नहोरे करी, “अगर तैं हमें निकारथे, तौ सोरन के झुंड मैं भेज दे।” 32 ईसु उनसे कही, “जाबौ, तभई बे लोगन से निकरकै बे सोरन मैं जा घुसे और पूरे झुंड टीला से झपटकै नदिया मैं जाए गिरे और डूबकै मर गै। 33 सोरन के रखबरिया हूँआँ से नगर मैं आए और सोरन के संग और प्रेत आत्मा से बिमार आदमी के संग जो कुछ भौ रहै नगर मैं जाएकै कह सुनाई। 34 तौ पूरे नगर के लोग ईसु से भेंटा करन के निकर आए और बाकै देखकै नहोरे करी, कि हमरे झलाका से बाहर निकर जा।

9 फिर ईसु नईयाँ से झील के जौ पाँजर अपने नगर बापस आओ, 2 हूँना कुछ आदमी फालिस के मारे भै कै, खटिया मैं लाद के बाके झोने लाई। फिर ईसु बाको बिस्वास देखकै, बौ फालिस के मारे भै से कही खुसी मना, “मेरे लौडा! तेरे पाप माफ हुई गै।” 3 तौ कुछ नियम के यहदि नियम के सिक्कह आपस मैं कही, “जौ इंसान तौ परमेस्वर की बुराई करथै!” 4 ईसु उनके मन की बात जानकै कही, “तुम काहे अपने मन मैं बुरो सोचरै हो? 5 जौ कहनो सरल है, ‘कि तेरे पाप माफ करे गै हैं,’ या जौ कहनो, ‘उठ और नेग?’ 6 तौ तुमकै मालूम हुई जाबै, कि इंसान के लौडा कै पाप माफ करन के ताही पृथ्वी मैं अधिकार है।” तभई बौ फालिस के मारे भौ आदमी से कही, “उठ, अपनी खटिया उठा, और घरे चले जा।” 7 आदमी उठकै घरे चलो गौ। 8 जब आदमी जौ सब देखी, तौ बे डराय गै, और आदमिन के ऐसो अधिकार देन के ताही परमेस्वर की बडॉई करी। 9 ईसु जब हूँआँ से जात रहै, तौ बौ लगान की चौकी मैं बैठौ एक आदमी के देखी बाको नाओ मती रहै। बौ बासे कही, “मेरे पच्छू आ।” और मती उठकै बाके पच्छू हुई लई। 10 जब ईसु मती के घरे खानु खात रहै, तौ निरे लगान लेन बारे और पापी आदमी आए और मेज मैं ईसु और बाके चलन के संग खान के बैठे। 11 कुछ फरीसी जौ देखी और चलन से पूँछी, “तुमरो गुस्ज़ी लगान बसलून बारे पापी लोगन के संग खानु काहे खाथै?” 12 ईसु सुनी और जबाब दई, “जो आदमी अच्छे भले हैं उनके

बैध की जरूरत नाय होथे, लेकिन सिरफ उन्हई के जो बिमार हैं। 13 लेकिन तुम लोग जाबौ और समझौ कि साब्र के जौ बचन को मतलब का है: कि ‘मैं जानवर को बलिदान नाय पर दया चाहथै।’ मैं आदर के संग धर्मिन के नाय बल्कि पापियन के बलान के आओ हौ।” 14 फिर बपतिस्मा देनबारे यहून्ना के चेला के झोने आयकै पूँछी, “ऐसो काहे है कि हम और फरीसी जद्वेतर बर्त रखथे, पर तेरे चेला बर्त बिलकुल नाय करथे?” 15 फिर ईसु जबाब दई, “का बैरतिया, जब तक दुल्हा उनके संग है दुखी रह सकथै? बिलकुल नाय! पर बौ दिन आगो कि दुल्हा उनसे अलग करो जागो, और बे दुखी होंगे बर्त रखगे।” 16 “नये लता को थिंगरा पुराने थिंगरा मैं कोई नाय लगाथै, काहेकि बौ थिंगरा लता से और कुछ खींच लेथै, और बौ जद्वे फट जाथै। 17 और नई दाखरस पुराने मसकन मैं नाय भरथै; काहेकि ऐसो करन से मसका फट जाथै, और दाखरस बहे जाथै और मसका खराब हुई जाथै, पर नया दाखरस नये मसकन मैं भरथै और बे दोनों बची रहथै।” 18 जब ईसु कहतै रहै, एक यहदि अधिकारी बाके झोने आओ, बाके अगु घँटन मैं झुककै बिनती करन लागो, “मेरी लौडिया हबइ खतम भइ है; पर तैं आयकै अपनो हात बाके ऊपर धर, और बौ जिंदी ही जागी।” 19 तभई ईसु उठकै बाके पच्छू गौ, और बाके चेला बाके संग हुई लई। 20 एक बईय्यर जोको बहारै साल से खून बहेत रहै, बाके पच्छू से आयकै बाके लता के कुंछ के छुइ लई। 21 बौ खुद से बोलत रहै, “अगर मैं सिरफ बाके लता के छुइ लेंगो, तौ अच्छी हुई जांगो।” 22 ईसु मुड के देखी और कही, “हिम्मत धर और खुसी मना मेरी लौडिया! तेरो बिस्वास तोकै अच्छो करी है।” बहे समय बौ बईय्यर अच्छी हुई गई। 23 जब ईसु बौ अधिकारी के घरे पुगो तौ बौ देखी कि सोक धुन बसली बजान बारो और हूँआँ हल्ला मचात भै लोग लौडिया की मौत मैं सोक कररै हैं, 24 तभई ईसु लोगन से कही, “दुआरे जाबौ, सब लोग! लौडिया मरी नाय, पर सोए रइ है।” फिरौकी जौ बात मैं बे सब बाको मजाक बनान लगे। 25 पर जैसिये लोगन के दुआरे कर दौ गौ, ईसु लौडिया के कमरा मैं गै और बाको हात पकड़ी, और बौ उठ गई। 26 और जौ बात की खबर पूरे देस मैं फैल गई। 27 जब ईसु हूँना से अगु बढो, और जब बौ चलो, तौ दुई अंधरा बाके पच्छू जौ चिल्लात भै पीछा करन लगे, “ओ दाऊद के लौडा!” हमरे ऊपर दया कर। 28 जब ईसु घरे पुगो, तौ बे अंधरा बाके झोने आए, और बौ उनसे पूँछी, “का तुम बिस्वास करथौ कि मैं तुमकै अच्छो कर सकथौ?” बे जबाब दई “हौं प्रभु!” 29 तौ ईसु उनकी आँखी छुइ के कही, “जैसो तुम बिस्वास करथौ बैसिये तुमरे ताही होबे!” 30 और उनकी आँखी की नजर खुल गई ईसु उनके चितौनी देत भै कही, “चौकनो रहियो कोई जौ बात के नाय जान पाबै!” 31 पर बे निकरकै पूरे देस मैं चारो तरफ ईसु के सुसमाचार को ढिढोरा पीट दई। 32 जब बे बहार जात रहै, तौ कुछ आदमी एक गूँगा के जोके भीतर प्रेत आत्मा रहै ईसु के झोने लाई। 33 पर जैसिये प्रेत आत्मा निकरे, तौ गूँगा बोलन लगे और भीड़ चकित हुईकै चिल्लाई, “इस्त्राएल! मैं ऐसो कहु नाय देखन मैं आओ।” 34 पर फरीसी कही, “जौ तौ प्रेत आत्मा के मुखिया से प्रेत आत्मा के निकारथै।” 35 ईसु यहदि सभाघरन मैं उपदेस देतो, परमेस्वर के

राज्य को सुसमाचार को प्रचार करतो, लोगन के रोग और हर तरह की बिमारिन से अच्छो करतो बौ गौंव-गौंव और नगर-नगर घूमत रहे। 36 जैसी ही बौ भीड़ के देखी, बाको दिल उनके ताहीं दया से भरगो, काहेकि बे लोग बैसिये ही सताए भै और बिन सहारा के रहै जैसे बिना बरदिया के भेड़। 37 तौ बौ अपने चलन से कही, “फसल तौ भौत हैं पर मजदूरी करन बारे थोड़ी से हैं। 38 तभई फसल के मालिक से बिनती करौ कि बौ अपने खेत में काम करन के ताहीं मजदूरी करन बारे के भेज दियै।”

10 फिरौकी ईसु अपने बारह चलन के झोने बुलाएकै, उनके असुद्ध आत्मा के बाहर निकारन और सब बिमारिन के ठीक करन को अधिकार दई। 2 जे बारह प्रेरितन के नाओं हैं: पहलो सिमोन, जो पतरस कहो जायै, और बाको भईय्या अन्दियास; जब्दी को लौड़ा याकूब और बाको भईय्या यहन्ना; 3 फिलिप्पुस, बरतुल्मे, थोमा, और लगान लेन बारो मत्ती, हलफई को लौड़ा याकूब और तै। 4 सिमोन कनानी, और यहदा इस्करियोती, जो ईसु के पकड़बाई रहे। 5 जे बारहन के ईसु जो निर्देस दैके भेजी, “कोई भी गैर यहदि के इलाका या कोई सामरी सहर में मत जाबौ। 6 बल्कि इस्राएल के परिवार की खोई भइ भेड़न के झोने जाबौ। 7 और नेगत-नेगत प्रचार करके कहबौ कि ‘स्वर्ग को राज्य झोने आए गौ है!’ 8 बिमारन के अच्छो करौ; मेरे भैन के जिंदो करौ, कोहोढ बारेन के सुद्ध करौ, प्रेत आत्मा के निकारौ, तुम सेंट-मेंत में पाए हौ, बिना कुछ लिये मुफ्त में बाँटो। 9 अपने बटुआ में ना तौ सोनो, चाँदी, और न तांबा के सिक्का कमरबंद में रखियो। 10 रस्ता के ताहीं ना झोला, ना दुई जोड़ी कुरता, ना जूता और ना लठिया लियो, काहेकि मजदूर के बाकी रोटी मिलनो चाहिए।” 11 “जो कोई नगर या गौंव में जाबौ तौ मालुम करौ कि हँना कौन काबिल है? और जब तक हँना से ना निकरौ, उन्हई के हँना रहबौ। 12 जब तुम कोई के घर में जाबौ तौ परिवार के लोगन को आदर सत्कार करत भै कहबौ, ‘तुम्हें सांति मिलै।’ 13 अगर बौ घर के आदमी काबिल होंगे तौ तुम्हारी सांति उनके संग रहबैगी, और बे काबिल नाय होंगे तौ तुम्हारी सांति बापस लौट जाबैगी। 14 और जो कोई तुम्हें नाय अपनावै, और तुमरी बात ना सुनै, बौ घर या बौ नगर से निकरत भै अपने टाँगन से धूँर झार डारौ। 15 मैं तुमसे सच कहथौ, कि जब न्याय होगो बौ दिन बौ देस की हालत सदीम और अमोरा के नगर की हालत से भी जद्दे सहन के काबिल होगी।” 16 “सुनौ! मैं तुम्हें भेड़न के हानी भेड़ियन के बीच में भेजथौ तभई साँपन के हानी अकलदार और कबूतरन के हानी भोले बनौ। 17 लोगन से सावधान रहियो काहेकि बे तुम्हें बंधी बनाएकै यहदि सभाघरन में सौंप देंगे, और बे तुम्हें अपने यहदि सभाघरन में कोड़ा से पिटबांगे। 18 तुम राजन और सासकन के अगु पस करे जागे, काहेकि तुम मेरे अनुयायी हौ तुम्हें मौका दियो जागो कि उनकी और गैर यहदिन के बारे में गभाई देबौ। 19 जब बे तुम्हें पकड़बांगे तौ जौ चिंता मत करियो, कि तुम कैसे बोलैगे और का कहबैगे; काहेकि जो कुछ तुम्हें कहने होगो, बौ बहे समय बताए दौ जागो। 20 काहेकि बोलन बारे तुम नाय हौ पर तुम्हें परम दऊवा की आत्मा तुम्हें जरिया बोलैगी।” 21 “भईय्या अपने भईय्या के

पकड़वाए के मरबाए डारंगे, अईय्या दऊवा अपने के पकड़बांगे, और बालका अपने अईय्या दऊवा के खिलाप ही जांगे और बे उन्हें मरबाए डारंगे। 22 मेरे नाओं के बजह से सब तुमसे बैर करंगे, पर जो अंत तक धीरज धैरंगे बहे को उद्धार होगो। 23 जब बे तुम्हें एक नगर में सतावै, तौ दूसरे नगर के भाज जईयो। मैं तुमसे सच कहथौ, तुम इंसान के लौड़ा के आन से पहले इस्राएल के सब नगरन में से गै भी ना होगे इंसान को लौड़ा आए जागो।” 24 “कोई भी चेला अपने गुरु से बड़ो नाय होथै; कोई भी सेवक अपने स्वामी से बड़ो नाय होथै। 25 चेला के गुरु के बराबर होन मैं, और सेवक स्वामी के बराबर होन मैं ही संतोस करनो चाहिए। जब बे घर के स्वामी के बालजबल मतलब दुष्टआत्मा को अगुवा कहथै तौ बाके घर के दुसरे लोगन संग और बुरो बर्ताव करंगे!” 26 “तौ लोगन से मत डरईयो, काहेकि जो कुछ लुको भौ है, बाकै उजागर करो जागो, और सब चीजन को भेद बताओ जागो। 27 मैं अधियारे में जौ कुछ कहथौ, बाकै तुम उज्जीत में कहबौ; और जो कानौ कान सुनथौ, बाकै छत के ऊपर से प्रचार करौ। 28 जो सरिर के मार सकथै, पर आत्मा के नाय मार सकथै, उनसे मत डरौ; पर बहे से डराबौ, जो भीतरी आत्मा और सरिर दोनो के नरक में खतम कर सकथै। (Geenna g1067) 29 का एक पैसा की दुई गौरैया नाय बेंची जाथै? तौभी तुम्हें दऊवा की मरजी के बिना उनमें से एक भी जमीन में नाय गिर सकथै। 30 और तुम्हें मूड के एक बार तक भी सब गिने भै हैं। 31 तभई डराबौ मत; तुम निरे गौरियन से बढके कीमती हौ।” 32 “जो कोई इंसान के सामने मौके मान लेगो, बाकै महुँ अपने स्वर्गिय दऊवा के अगु मान लेगो। 33 पर जो कोई इंसान के अगु मेरो इंकार करंगो बाकै महुँ अपने स्वर्गिय दऊवा के अगु इंकार करंगो।” 34 “जौ मत समझौ, कि मैं दुनिया में सांति लान के ताहीं आओ हौ। नाय, मैं सांति लान नाय आओ हौ, पर एक तलवार चलवान आओ हौ। 35 मैं जौ करन आओ हौ, बेटा अपने दऊवा के खिलाप में बेटा अपनी अईय्या के खिलाप और बहु अपनी सास के खिलाप में होंगी, 36 इंसान के बैरी बाके घरे के लोग होंगे।” 37 “जो अपने अईय्या या दऊवा के मोसे जाधे प्यार करथै, बे मेरे चेला बनन के काबिल नाय हैं। और जो अपने लौड़ा या लौडिया के मोसे जाधे प्यार करथै, बे मेरे चेला बनन के काबिल नाय हैं। 38 बौ जो राहगीर को अपनो कूस खुद उठाएकै मेरे पच्छू नाय हुई लेथै बौ मेरो चेला बनन के काबिल नाय है। 39 जो अपनी ज्यान बचाथै, बौ बाकै गबांगो; पर जो मेरे बजह से अपनी ज्यान खोथै, बौ जिंदगी पाएगो।” 40 “जो तुम्हें अपनाथै, बौ मोके अपनाथै; और जो मोके अपनाथै, बौ परमेस्वर के अपनाथै जो मोके पनारी। 41 जो कोई भविष्यवक्ता के तभई अपनाथै कि बौ भविष्यवक्ता है, बाकै बहे प्रतिफल मिलैगो जो भविष्यवक्ता के मिलथै, और अगर कोई भले आदमी को तभईये स्वागत करथौ कि बौ भलो आदमी है बाकै सच में बहे प्रतिफल मिलैगो जो कोई धर्मी आदमी के मिलनो चाहिए। 42 जो कोई जे छोटै में से एक के चेला मानके सिर्फ एक गिलास ठंडो पानी पिबावै, मैं तुमसे सच कहथौ, बाको प्रतिफल सच में मिलैगो।”

11 जब ईसु अपने बारह चेलन के निर्देस देन के बाद, ईसु हूँआं से चल पड़ो और गलील परदेस के नगर में उपदेस देत घूमन लगे। 2 यहून्ना जब कैदखाना में ईसु मसीह के बारे में सुनी तौ बौ अपने चेलन के बासे जौ पँछन पनारी, 3 “का आनबारो तही है, या हम दुसरे को इंतजार करें?” 4 ईसु जबाब दई, “जो कछु तुम सुनथौ और देखथौ, बौ सब जाएके यूहन्ना से कह दियो: 5 कि अंधरन के आँखी मिल रइ है, लंगड़ा चल फिरै है, कोहड़ी सुद्ध करे जाएरै है, और बैहरा सुनरै है, और मुर्दा जिंदा करे जाएरै है, और दीन दुखियन के सुसमाचार सुनाते जाएरै हैं। 6 और धन्य है बौ जो मेरे बजह से ठोकर ना खाँमै।” 7 जब यूहन्ना के चेला हूँआं से जात रहै तौ ईसु यूहन्ना के बारे में लोगन से कही, “तुम लोग बन मैं का देखन आए हो? का कोई सरकंडा जो ब्यार से हिल रहो है? 8 तौ फिर तुम का देखन आए हो? का एक आदमी जो भौत अच्छे लत्ता पहने है, देखौ जो अच्छे लत्ता पहनथै बे राजमहल में ही पाए जायँ। 9 तौ फिर तुम का देखन आए हो? का कोई भविष्यवक्ता के देखन के? हौं, मैं तुमसे कहथौं, जौके तुम देखे हो बौ कोई भविष्यवक्ता से कही जाधा बड़ो है। 10 जौ बहे है, जोके बारे में लिखो है, कि ‘देखौ, मैं अपने दूत के तेरे अगु भेजथौं, जो तेरे अगु तेरो रस्ता बनबिगो।’ 11 मैं तुमसे सच कहथौं, कि जो बईय्यर से जनमें हैं, उनमें से यूहन्ना बपतिस्मा देनबारे से कोई बड़ो नाय भौ; पर जो स्वर्ग के राज्य में छोटो से छोटो इंसान भी बासे बड़ो है। 12 बपतिस्मा देनबारे के यूहन्ना से आज तक स्वर्ग को राज्य भयानक आघातन के झेलत आओ और हिंसा के बल पर जाँके छीनन की कोसिस कियो जाए रहो है। 13 यूहन्ना के समय तक सबे भविष्यवक्ता और मूसा की नियम भविष्यवाँडी करी रहै; 14 और अगर तुम उनके संदेसों में बिस्वास करन के तैयार हो, तौ यूहन्ना ही एलिय्याह है, जोके आन की भविष्यवाँडी करी गई रहै। 15 फिरौकी सुनौ, अगर तुमरे पास कान हैं!” 16 “अब, आज के पीढ़ी की तुलना में कौन से करौं? बे बजार में बैठे बालकन के हानी हैं। जो एक दुसरे से पुकारत भै कहै रहै, 17 ‘हम तुमरे ताहीं बिहा में बसली बजाय, पर तुम ना नाचे! हम आखरी संस्कार गीत गाये, पर तुम ना रोए!’ 18 जब बपतिस्मा देन बारो यूहन्ना आओ, बौ बर्त रखी और कोई दाखरस नाय पी, और सब कहीं, कि ‘बाँमे प्रेत आत्मा है!’ 19 फिरौकी इंसान को लौड़ा आओ जो औसन के तराही खात-पीत है लेकिन लोग कहथै, ‘जौ आदमी के देखौ जो पेटू और पिबक्कड़ है, जौ लगान बसलन बारन और पापियन को दोस्त है।’ लेकिन बुद्धि बाके काम से सई ठहरथै।” 20 जो गॉव में ईसु अपने ज़ेद्वर चमत्कार करी रहै, बे आदमी अपने पापन से मन ना फिराई, तभई बौ बे सहर की निंदा करी। 21 “हे खुराजीन जौ तुमरे ताहीं किंतो भयानक है, हे बैतसैदा! तुमरे ताहीं किंतो भयानक है, तुम्हारे जो चमत्कार करे गै अगर बहे चमत्कार सूर और सैदा में करे जाते तौ हूँना के लोग भौत पहले से ही टाट दुख के लत्ता ओढ़के अपने सर्रीर में राख मलकै खेद करते और मन फिराए चुके होते। 22 मैं तुम्हें बिस्वास दिलाथौं कि न्याय के दिन परमेस्वर तुम्हें जाधे सूर और सैदा के लोगन ऊपर दया करेगो। 23 और हे कफरनहम, का तौ स्वर्ग ले ऊँचो करो जागो? तौ तौ नरक ले नीचे जागो; काहैकि जो अचम्मे काम तेरे में करे गै हैं, अगर सदोम में करे जाते, तौ बौ सहर

आज ले बनो रहतो! (Hades 986) 24 पर मैं तुम्हें बताथौं, कि न्याय के दिन तेरे लोगन की हालत सदोम देस के लोगन के हालात से जाधे बेकार होगी!” 25 बहे समय ईसु कही, “हे दऊवा, स्वर्ग और पृथ्वी के प्रभु! मैं तेरो धन्यवाद करथौं, कि तैं जे बातन के ग्यानियन और समझदारन से लुकाएके रखो है, और जो भोले भाले हैं उनके ऊपर प्रकट करो। 26 हौं, दऊवा, काहैकि तौके जहे अच्छो लगे।” 27 “मेरो परमपिता मोके सब कछु दई है। और कोई लौड़ा के ना जानथै, सिर्फ दऊवा; और कोई भी दऊवा के नाय जानथै, सिर्फ लौड़ा के और जिन्हें लौड़ा प्रकट करनो चाहथै।” 28 “हे थके मांदा बोझ से दबे लोग मेरे झोने आबौ; मैं तुम्हें विसराम दूंगो। 29 मेरे जुआ उठाएके अपने ऊपर ले लेबौ; और मोसे सीखौ; काहैकि मैं नम्र और मन को दीन हौं: और तुम विसराम पागे। 30 काहैकि जौमैं तौके दूंगो बौ आसान है, जुआ और मेरो बोझ हलको है।”

12 बौ समय ईसु साबत के दिन खेतन से हुईके जात रहै, और बाके चेलन के भूंक लगी, और बे बाली तोड़-तोड़के खान लगे। 2 जब जौ सब फरीसी देखी तौ बे ईसु से कही, “देख, तेरे चेलन के साबत के दिन ऐसो करनो मूसा के नियम से सई नाय है!” 3 ईसु जबाब दई, “का तुम कभी ना पढ़े, कि दाऊद बौ समय का करी जब बौ और बाके संग के भुँके रहै? 4 बौ परमेस्वर के घर में गौ, और बाके संग के भेंट करी भइ रोटी खाई, मूसा के नियम के खिलाप रहै, लेकिन बौ रोटी के सिर्फ पुजारी के खान की अनुमति रहै। 5 और का तुम मूसा के नियम में ना पढ़े, कि साबत के दिन मंदिर के पुजारी साबत की व्यवस्था को अपमान करथै, तौभी बे दोसी नाय ठहरथै? 6 मैं तुम्हें बताथौं कि कोई है जो मंदिर से भी महान है। 7 साध्व कहथै, ‘मैं दया चाहथौं, पसु बलि नाय।’ अगर तुम सच में जानत रहौ कि जाको का मतलब है, तौ तुम बे लोगन की बुराई न करेगो जो दोसी हैं; 8 काहैकि इंसान को लौड़ा साबत के दिन को भी प्रभु है।” 9 ईसु बौ जाचा के छोड़के फिर यहूदी सभाघर में गौ। 10 हूँना एक इंसान रहै, जोको हात फालिस को मारो रहै; हूँना कुछ लोग रहै जो ईसु के ऊपर दोस लगानो चाहत रहै, तौ बे बासे पँछी, “का साबत के दिन चंगो करनो मूसा के नियम के जरिया ठीक है?” 11 ईसु जबाब दई, “अगर तुम में से कोई झोने सौ भंड होमैं, और बौ साबत के दिन एक गड्ढा में गिर जाबै तौ का होगो, तौ बाँके पकड़के दुआरे ना निकारैगे? 12 फिर एक इंसान तौ एक भंड से तौ कहीं जाधे कीमती है! तौ फिर, मूसा के नियम हमें साबत के दिन कोई की भी मदत करन की अनुमति देथै।” 13 तब ईसु फालिस के मारे भै आदमी से कही, “अपनो हात बड़ा।” और बौ दुसरे जैसी फिर ठीक हुई गौ। 14 तौ फरीसी बहार जाएके ईसु के बिरोध में सलाह जोड़ी, कि बाँके कैसे करके मार डारै? 15 जब ईसु अपने खिलाप साजिस को समाचार सुनी, तौ ईसु बौ जघा से चले गौ; और बड़ी भीड़ बाके संग हुई लई। बौ सब बिमारन के चंगो करी। 16 और उन्हैं जाके बारे में दूसरेन के न बतान की चितौनी दई। 17 जौ बौ बचन के पूरो करन के ताहीं रहै जो यसायाह भविष्यवक्ता के जरिया कहो गौ रहै: 18 “जौ मेरो सेवक है, जोके मैं चुनो हौं; मेरो प्रिय, और जोसे मेरो मन खुस है। मैं अपनी आत्मा बाके ऊपर

भेजंगो; और बौ सब देस के सब गैर यहदि के न्याय की घासडौं करैगो। 19 बौ ना लड़ेगो, और नाय चिल्लागो; सडक में बाकी अबाज कोई ना सुनैगो। 20 बौ कुचले भै सरकंडा के नाय तोड़ेगो; और न जलत भै दीया की लपट के बुझागो। बौ तब तक बनोरैहगो जब तक कि बौ न्याय की जीत न हुई जाए। 21 तौ फिर रास्ट्र के गैर यहदि लोग बहे के नाओं के ऊपर अपनी आसा रखंगे।” 22 तब कुछ लोग ईसु के झोने एक ऐसे आदमी के लै आए जो एक अंधरा रहै बात नाय कर पात रहै काहेकि बांमे प्रेत आत्मा रहै। ईसु बांके चंगो करी, और तभई बौ गूँगा देखन और बात करन लागो। 23 ईसु जो कुछ करी रहै, बासे सबे लोग चकित रहैं। “का जौ दाऊद को बालका हुई सकथै?” भै पूछी। 24 जब फरीसी जौ सुनी, तौ बे जबाब दई “बो प्रेत आत्मा के सिरफ तभई निकार पाथै काहेकि उनको अधिकारी बालजबूल बांके ऐसो करन की ताकत देथै।” 25 ईसु जानत रहै कि बे मन में का सोच रहै हैं, और तभई बौ उनसे कही, “जो राज्य में फूट पड़ जाथै तौ नास हुई जाथै बैसिये हर नगर या घर परिवार में जोमें फूट पड़ जाबै बौ टिको नाय रह सकथै। 26 तौ अगर एक समूह सैतान के राज्य में दुसरे से लड़ रहो है, तौ जाको मतलब है कि जौ पहले से ही समूह में बटो भौ है और जल्दी ही अलग हुई जागो। 27 और अगर जौ सच है कि मैं बालजबूल के सहारे से प्रेत आत्मा के बाहर निकारथौं तौ तुमरे अनुयायी कौनकी सहारे से उनहें बाहर निकारथै? तौ तुमरे अनुयायी न्याय करंगे। 28 लेकिन अगर प्रेत आत्मा के मैं परमेस्वर की आत्मा की मदद से निकारथौं, तौ जासे जौ सिद्ध है कि परमेस्वर को राज्य तुमरे झोने निकारथौं, तौ जासे जौ सिद्ध है कि परमेस्वर को राज्य तुमरे झोने आए पहाँचो है।” 29 “कोई किसी बलवन्त आदमी के घर में घुसके बाको माल नाय लूट सकथै, जब तक कि बौ पहले बौ बलवन्त के नाय भाँद लियै? और फिर बौ बाको घर लूट सकथै।” 30 “जो मेरे पक्ख में नाय है, बौ मेरे बिरोध में है; और जो मेरे संग नाय बटोरथै, बौ बिखेरथै। 31 तभई मैं तुम सच कहथौं, कि हर एक पाप निंदा माफ करो जागो, लेकिन जो कोई पवित्र आत्मा की बुराई करथै बांके माफ ना करी जागी। 32 जो कोई इंसान के लौंडा के खिलाप में कोई बात कहगो, बाको अपराध माफ करो जागो, पर जो कोई पवित्र आत्मा के खिलाप में बुरी बात कहथै, बौ माफ नाय करी जागी। न जौ युग में और न आनबारे युग में।” (aiōn g165) 33 “अच्छो फल पान के ताही तुमरे झोने एक अच्छो पेंड होनो चाहिए; अगर तुमरे झोने खराब पेंड है, तौ तुमरे झोने खराब फल होंगे। काहेकि पेंड अपने फल से पहचानो जाथै। 34 अरे सोंप के बालकौ, जब तुम बुरे होत भै अच्छी बात कैसे कह सकथौ? काहेकि जो मन में भरो होथै, बहे मोहों से निकरथै। 35 एक अच्छे इंसान के मन के भंडार में से अच्छाई इखटी है बहे मैं से अच्छी बात निकरथै, जबकी एक बुरो इंसान जो बुराई बाके मन में है बहे मैं से बुरी बात निकरथै। 36 लेकिन मैं तुमसे सच कहथौं, कि इंसान को न्याय के दिन अपनी हर एक बेकार निकम्मी बातन को लेखा देने होगो। 37 काहेकि तैं अपनी बातन के बजह से निर्दोस और अपनी बातन के बजह से दोसी मानो जाबेगो।” 38 तब व्यवस्था के कुछ यहदि नियम के सिक्क और फरीसी कही। “गुरूजी, हम तोसे एक चिन्ह चमत्कार देखनो चाहथै।” 39 बौ जबाब दई, “जौ युग के दुस्त और

व्यभिचार करन बारे लोग चिन्ह हूँडथै!” लेकिन योना भविष्यवक्ता के चिन्ह के छोड़के कोई और चिन्ह उनके ना दौ जागो। 40 जैसी करके योना बड़ी मच्छी में तीन और तीन रात बिताई, बैसिये इंसान को लौंडा तीन दिन और तीन रात धरती के भीतर की गहराई में बितागो। 41 न्याय के दिन नीन्वे के लोग ठाड़के तुमरे ऊपर दोस लगांगे, काहेकि बे योना के उपदेस से अपनो मन फिराई रहैं, और अब हियाँ योना से भी बड़ो है! 42 न्याय के दिन दक्खिन सेबा की रानी तुमरे ऊपर दोस लगाबेगी, काहेकि बौ राजा सुलेमान को ग्यान सुनन के ताही पृथ्वी के छोर से आई, और अब हियाँ तौ बौ सुलेमान से भी एक बड़ो है! 43 “जब कोई असुद्ध आत्मा कोई आदमी में से बाहर निकरथै, तौ बौ सूखी जघा में आराम की खोज में निकर जाथै। और बांके नाय पाथै, 44 तौ फिर बौ कहथै, ‘मैं बहे घर में लौट जांगो जोंमें छोड़ो रहों।’ जब बौ आथै, तौ बौ घर कै खाली साफ सुथरो और सजो-सजाओ पाथै। 45 तब बौ निकरके अपने से भी सात प्रेत आत्मा के अपने संग लै आथै, और बे आयकै हूँ रहथै। और बौ इंसान की हालत पहले से भी बतर ही जाथै। आज की बुरी पीढी के संग ऐसोई होगो।” 46 ईसु हबै भी लोगन से बात करत रहै, तौ बाकी अईय्या और भईय्या हूँना पहुँचे। बे बाहर ठाड़के बासे बात करनो चाहत रहैं। 47 कोई बासे कही, “देख तेरी अईय्या और तेरे भईय्या बाहर ठाड़े हैं, और तोसे बात करनो चाहथै।” 48 ईसु जबाब दई, “मेरी अईय्या और भईय्या कौन है?” 49 फिर बौ अपने चलन के घाँई इसारा करत भै कही, “देखौ! जे मेरी अईय्या और मेरी भईय्या हैं। 50 काहेकि जो कोई मेरे स्वर्ग में दऊवा की इच्छा में चलथै, बहे मेरो भईय्या और बहेनिया, और अईय्या है।”

13 बहे दिन ईसु घर से निकरो और झील के किनारे चले गौ, जहाँ बौ उपदेस देन बैठो। 2 बाके चारो तरफ इत्ती भीड़ जुराए गई कि बौ नईयँ में चढके बैठगो, और सब लोग किनारे में ठाड़े रहै। 3 फिर बौ उन्हें कहानी में भौत सी बात बताई, और कही: एक किसान बीज बोन निकरो। 4 जब बौ बीज के खेत में बिखेरी, तौ बाको कुछ भाग रस्ता के किनारे गिरे, और पक्खी आयकै उनके खाए गै। 5 बाको कुछ भाग पथरीली जमीन में गिरे, जहाँ थोड़ी सी मट्टी रहै। बीज जल्दिये ही अंकुरित ही गै, काहेकि मट्टी गहरी नाय रहै। 6 पर जब सूरज निकरो, बौ अंकुरित पौधन के जलाए दई; काहेकि जड़ गहरी नाय रहै, पौधा जल्दिये सूख गै। 7 कुछ बीज कटीली झाड़िन के बीच गिरे, जो बड़े भै और पौधन के दबाय दई। 8 पर कुछ बीज अच्छी जघा में गिरे, और फल लाई, कोई सौ गुना, कोई साठ गुना, कोई तीस गुना। 9 और ईसु हल निकारी, “सुनौ, जोके कान होमें बौ सुन लियौ।” 10 तब चेला ईसु के झोने आयकै बासे पूँछी, “तैं लोगन से बात करत समय कहानियन को इस्तमाल करथै?” 11 ईसु जबाब दई, “तुमकै स्वर्ग के राज्य के भेदन की समझ दई गई है, पर उनके नाय। 12 काहेकि जिनके झोने कुछ है, बांके और जाधे दौ जागो; लेकिन जिनके झोने कुछ नाय है, बौ बासे जो कुछ है बासे और बांके झोने है बौ भी लै लेगो। 13 तभई मैं उनसे कहानियन में बात करथौं काहेकि बे देखथै लेकिन बास्तव में उन्हें कुछ दिखाई नाय देथै। और बे सुनथै लेकिन बास्तव में उन्हें सुनाई

नाय देखे, और नाय समझथै। 14 तभई यसायाह की भविष्यवाँडी बो पेंड बन जाथे, जामे आसमान के पक्छी आयके बाकी हंगईया उन पर लागू होथे: 'तुम सुनेगे और सुनतै रहगे, पर तुम्हारी समझ में अपने घोसला बनाथै।' 33 ईसू एक और कहानी उनके सुनाई, "स्वर्ग को राज्य खमीर के तराहनी है, जोके कोई बईट्यर तीन बार चून में मिलाई और तब तक बाँके रख छोडी जब तक सबको सब खमीर नाय बन गौ।" 34 जे सब बात भीड के बतान के ताहीं ईसू कहानी को प्रयोग करी, बो कहानी को उपयोग करे बिना कुछ फिर्गो, परमेस्वर जहे कहथै, और मैं उनके चंगो करंगो।" 16 "पर तुमरी आँखी और कान धन्य हैं, काहिके बे देख और सुन सकथै। मैं तुमसे सच कहथौ कि भौत से भविष्यवक्ता और परमेस्वर के भौत से लोग चाहत रहै कि जो कुछ तुम देखथौ बाँके देखौ, पर बे नाय सुनत रहै, और जो बातें तुम सुनथौ, सुनौ, लेकिन बे नाय करी। 17 काहिके मैं तुमसे सच-सच कहथौ, कि भौत से भविष्यवक्ता और धर्मी लोग जौ देखन की लालसा रखथे कि तुम का देखथौ, लेकिन नाय देख पाथै, और जो बात तुम सुनथौ, सुनकै, पर नाय सुनी।" 18 "तौ, सुनौ, और सीखौ कि बोन बारे की कहानी को मतलब का है। 19 जो लोग राज्य बारे संदेस सुनथै, लेकिन जाँके नाय समझथै, बे बीज जो रस्ता के किनारे गिरे भै रहै बाको मतलब जौ है कि जब कोई राज्य के सुसमाचार सुनथै। और बाँके समझत नाय है तौ दुस्त आयके जो बाँके मन में उगो रहै बौ उठाए लै जाथै। 20 बे बीज जो पथरीली जमीन में गिरे रहै उनको मतलब जौ है कि बौ आदमी जो संदेस सुनथै बाँके खुसी से तुरंत अपनाय लेथै। 21 पर उनमें कोईये जड नाय है, और तभई लम्बे समय तक नाय टिक पाथै। तभई जब संदेस के बजह से परेसानी या दुख आयै, तौ बे तुरतै हार मान लेथै। 22 जो बीज कटीली झाड़िन में गिरे रहै, बाको मतलब जौ है बौ आदमी जो सुभ संदेस सुनथै तौ युग की चिंताए और धन को लोभ सुभ संदेस के दबाय देथे, और बौ आदमी फल न लाय पाथै। (aiōn g165) 23 अच्छी जमीन में गिरे भै बीज को मतलब जौ है कि बौ आदमी जो सुभ संदेस के सुनथै और समझथै बौ कामयाब होथे बौ सफलता से बोए बीज से तीस गुना, साठ गुना, या सौ गुना तक होथै।" 24 ईसू उनके एक और कहानी सुनाई, "स्वर्ग को राज्य बौ इंसान के हानी है जो अपने खेत में अच्छो बीज बोई। 25 पर जब आदमी सोत रहै, तौ बौ आदमी को दुस्मन आओ और गेहूँ के बीच में जंगली पौधा के बीज बोई और चले गौ। 26 जब गेहूँ में अंकुर निकरे और बाँमे बाली आई, तौ घाँस के जंगली पौधा भी दिखाई देन लगे। 27 तब खेत के मालिक के सेवक बाँके झोने आयके कही, 'मालिक, तैं तौ अच्छो बीज बो रहै, फिर जंगली पौधा कहाँ से आए?' 28 'तब मालिक उनसे कही, जौ कोई दुस्मन को काम है।' सेवक बासे पँछी, 'का तैं चाहथै कि हम जाएँ जंगली पौधन के उखाड फेकै?' 29 बौ कही, 'नाय,' काहिके जब तुम जंगली पौधन के उखाडोगे तौ बाँके संग गेहूँ भी उखड सकथै। 30 कटनी तक गेहूँ और जंगली पौधा दोनों के एक संग बढन दे। तभई मैं फसल काटन बारेन से कहंगो, कि जंगली पौधन के हटाय दे, उन्हें गश्त भाँदके जलाए दे, और फिर गेहूँ बटोरके अपने कुठियन में रख दे।" 31 ईसू उनके एक और कहानी सुनाई, "स्वर्ग को राज्य राया के छोटी बीज के तराहनी होथे, जोके कोई लैके खेत में बोई होबे। 32 बौ सब बीजन में सबसे छोटी होथे, तौ सब बाग के पौधन से बढो हुई जाथै।

मरियम और जाके भईयन के नाओ याकूब, युसुफ, सिमौन और यहूदा ना हैं? 56 और का जाकी सब बहेनिया हमरे बीच मैं ना रहथै? फिर जाकै जौ सब कहाँ से मिलो?" 57 और तभई बाकै नापसंद करथै। ईसु उनसे कही, "एक भविष्यवक्ता को सिर्फ अपने गाँव और घर के अलावा हर जगहा आदर करो जाथै।" 58 और उनके अविश्वास के बजह से बौ हूँना जाधे अचम्मे काम नाय कर पाई।

14 बौ समय गलील के सासक हेरोदस ईसु के बारे में सुनी। 2 "तौ बौ अपने सेवकन से कही जौ बपतिस्मा देन बारो यूहन्ना जो मरे भै मैं से जी उठो है, तभई बाके पास अचम्मे काम करन की सक्ति है।" 3 काहैकि हेरोदस पहले यूहन्ना के पकड़वान को आदेस दई रहै, और बौ बाकै भाँदकै कैदखाना में डरबाई रहै, जौ बौ हेरोदियास के कहने में करी रहै जो पहले बाके भईय्या फिलिप्पुस की बईय्यर रहै। 4 हेरोदस यूहन्ना के मार डारनो चाहत रहै, "कि बाकै रखनो तेरे ताहीं नियम के जरिया से ठीक नाय है!" 5 हेरोदस यूहन्ना के मार डारनो चाहत रहै, लेकिन बौ यहिद आदमिन से डरात रहै, काहैकि बे यूहन्ना के भविष्यवक्ता मानत रहै। 6 हेरोदस के जनम दिन में हेरोदियास की लौडिया पूरे हितुअन के सामने नाची। हेरोद इतो खुस भौ 7 कि बौ बासे वादा करी, "मैं कसम खाथौ कि मैं सब कुछ दुंगो जो तू माँगिगी!" 8 बाकी अईय्या के सिखाने में आयकै बासे कही, "मोकै एक थरिया मैं यूहन्ना बपतिस्मा देनबारे की मुडिया मंगवाए दे!" 9 तौ राजा भौत दुखी भौ, पर बौ अपने सब हितुअन के अगु जो वादा करी रहै, बाके बजह से आग्या दई कि बाकी इच्छा पूरी होबै। 10 तभई बौ कैदखाना में यूहन्ना की मुडिया कलम करबाय दई। 11 फिर बाको मूड थरिया में लाओ गौ, और लौडिया कै दै दी गौ; और बौ बाकै अपनी अईय्या के झोने लै गई। 12 तब यूहन्ना के चेला आए और बे बाके लास कै दफनाई और जाएकै ईसु के बताई। 13 जब ईसु जौ सुनी, तौ नईयों में चढ़कै हूँना से अकेलो कोई सुनसान जगहा के, एकांत में चले गौ; और लोग जौ सुनकै नगर-नगर से पैदल बाके पच्छू हई लई। 14 ईसु जब बाहर नईयों से निकरके किनारे में आओ तौ बौ एक बड़ी भीड़ देखी, बाकै उनके ऊपर तरस आई और बौ उनकी बिमारिन के अच्छो करी। 15 जब संजा भइ, तौ बाके चेला बाके झोने आयकै कही, "जौ तौ सुनसान जगहा है और देर हई रहै है, लोगन के पनार देनो चहाईये कि बे गाँव में जाएकै अपने ताहीं खानु खरीदैं।" 16 लेकिन ईसु उनसे कही, "इन्है कहीं जान की जरूरत ना है! तुम्हई इन्है खान कै दियो।" 17 बे ईसु से कही, "हिंयों हमरे झोने पाँच रोटी और दुई मच्छी के अलावा और कुछ ना है।" 18 ईसु कही, "उनकै हीना मेरे झोने लाबो।" 19 तौ बौ आदमिन के घाँस में बैठन के कही, और बे पाँच रोटियन के और दुई मच्छियन कै लई; और स्वर्ग के घाँई देखके आसीस माँगी और परमेस्वर के धन्यवाद दई और रोटियन के तोड़-तोड़कै चेलन के दई, और चेला बे टुकड़ा लोगन में बाँट दई। 20 और सब पेट भरकै खाई बाके बाद बचे टुकड़न से बाके चेला बारह छपरिया भरि। 21 और खानबारी बईय्यर और बालकन के छोड़के पाँच हजार लोग के लमसम रहै। 22 और ईसु तुरत अपने चेलन के नईयों में चढाई, कि बे बासे पहले झील के बौ पाँजर चले

जायें, जबले कि बौ लोगन के बिदा कर लेबै। 23 बौ लोगन के पनारकै, प्रार्थना करन के अलग पहाड़ में चढगौ; और संजा के बौ हूँना अकेलो रहै। 24 तब तक नईयों जमीन के किनारे से काफी दूर जाए चुकी रहै और लहरन में लपेटा खाती डगमगात रहै, काहैकि ब्यार बाके खिलाप में चलत रहै। 25 सुबे के लमसम तीन से छः बजे के बीच ईसु पानी में नेगत भौ आओ। 26 चेला बाकै झील के ऊपर नेगत भै देखके घबराय गै, और कहन लगे, "बौ भूत है," डर के मारे चिल्लाए पडे। 27 ईसु तुरत उनसे बात करी, और कही, "हिम्मत रखौ, मैं हौ; डराबौ मत।" 28 पतरस बाकै जबाब दई, "हे प्रभु, अगर तू ही है, तौ मोकै अपने झोने पानी में नेग के आन के कह।" 29 ईसु कही, "आ!" तौ पतरस नईयों में से उतरकै ईसु के झोने जान ताहीं पानी में नेगत लगे। 30 पर जब तेज ब्यार के देखी तौ डराय गौ, और जब डूबन लगे तौ चिल्लाए के कही, "हे प्रभु, मोकै बचा।" 31 ईसु तुरत हात बढ़ाये के बाकै थाम लई, और बासे कही, "हे कम बिश्वास बारे, तैं काहे सन्देह करो?" 32 जब बे नईयों में चढ गै तौ, तूफान रुक गौ। 33 नईयों के पार लोग ईसु की आराधना करी और कही, "तू सच मैं परमेस्वर को लौडा है।" 34 बे बौ पाँजर उतरके गन्नेसरत तट की धरती में पुगे। 35 और हूँना के रहन बारे ईसु के पहचानी तौ बाके आन को समाचार आसपास के सब जगहा में पनार दई, जोसे लोग बिमार रहै बे सबन के हुँआँ लै आए। 36 बासे नहोरे करन लगे कि बे उनके अपने लता के कुंछ के छन दे ताकी बच सकैं; और जिते बाकै छुड़, बे अच्छे हुई।

15 "जब कुछ फरीसी और यहिद नियम के सिक्छक यरूसलेम से ईसु के झोने आए और बासे पहुँछी, 2 एसो काहे है कि तेरे चेला हमरे पुरखन के जरिया दै गै रीति-रिवाजन के टालथै? खान से पहले बे अपने हातन के नाय धोथै?" 3 ईसु जबाब दई, "अपने रीति-रिवाजन की बजह से तुम परमेस्वर की आग्या के काहे तोड़थौ? 4 काहैकि परमेस्वर कही, 'अपनी अईय्या और दऊवा को आदर करो,' और 'अगर तुम अपने अईय्या या दऊवा के बुरो भलो कढबेगे, तौ तुमके सच मैं मार दी जागो।' 5 पर तुम कहथौ, कि अगर कोई अपनी अईय्या या दऊवा से कहबै, 'काहैकि मैं अपनो सब कुछ परमेस्वर के दान कर चुको हौं, तभईये तुम्हारी सहायता नाय कर सकथौ।' 6 एसिये बाकै अपने अईय्या और दऊवा को आदर करन की जरूरत नाय, जौ तरीका से तुम अपने रीति-रिवाजन की बजह से परमेस्वर की आग्या के नकारत हौ। 7 ओरे! कपटियो, यसायाह तुमरे बारे में ठीकै भविष्यवाँडी करी रहै, बौ कही रहै: 8 'जे आदमी होटन से तौ मेरो आदर करथै, पर उनको मन मोसे दूर रहैथै। 9 मेरे ताहीं उनकी आराधना बेकार है, काहैकि बे आदमी के बनाए भै सिध्दांतन में है!' 10 और बौ आदमिन के अपने झोने बुलाई और उनसे कही, 'सुनौ, और समझौ! 11 जो मोहों में जाथै, बौ इंसान के असुद्ध नाय करथै, पर जो मोहों से निकरथै, बहे इंसान के असुद्ध करथै।' 12 तौ ईसु के चेला बाके झोने आए और बासे कही, "का तोकै पता है तेरी बात के सुनकै फरीसियन के बडा बुरो लगे है?" 13 "बौ जबाब दई, सब पौधा जो मेरो स्वर्गिय दऊवा नाय लगाई, उनकै उखाड़ दी जागो। 14 उनके जान दियो; बे अंधी रहा

दिखाने बारे हैं और अगर एक अंधरा दूसरे अंधरा के रहा दिखाने, तो दोनों गह्रा में गिरेंगे।” 15 जो सुनके पतरस बासे कही, “जो कहानी हमें समझाए दे।” 16 ईसु कही, “का तुम्हें हबै ले ना समझे हो? 17 का तुम नाय समझथो, कि जो कलु मोहों में जायै, बौ पेट में जायै, और सरिर से मल निकर जायै? 18 पर जो कलु मोहों से निकरथै, बौ मन से निकरथै, और बहे इंसान के असुद्ध करथै। 19 काहैकि बुरे बिचार, मार डारनो, दुसरेन की बईय्यर के अपनो बनानो, व्यभिचार, चोरी करनो, झूठी गभाई और बुराई सबै बुराई मनै से आथै। 20 जेई हैं जो इंसान के असुद्ध करथै, पर बिना हात धोए खानु खानो इंसान के असुद्ध नाय करथै।” 21 ईसु बौ जघा के छोड़के सर और सैदा सहर के घाई चल दई। 22 और देखो, बौ परदेस से एक कनानी बईय्यर निकरी, और चिल्लाए के कहन लगी, “हे प्रभु! दाऊद की संतान, मेरे ऊपर दया कर, मेरी लौडिया के प्रेत आत्मा बुरी तरहन से पकड़े पड़े है।” 23 पर ईसु बाकै कलु जबाब ना दई, और चेला आयकै बासे नहोरे करकै कही, “जाकै पनार दे; काहैकि बौ हमरे पछळू चिल्लात भई आए रई है।” 24 ईसु जबाब दई, “खाली इस्त्राएल के घराने की हरानी भइ भेडन के छोड़के मैं कोई के झोने नाय भेजो गो हौं।” 25 तो बौ बईय्यर ईसु के अगु झुककै नहोरे करी, “हे प्रभु मेरी मदत कर।” 26 ईसु जबाब दई, “लौडन की रोटी लैके कुत्तन के अगु डारनो अच्छो नाय है।” 27 बौ बोली, “सैदे प्रभु, पर कुतौ बौ करकूना खाथै, जो उनके स्वामियन की मेज से गिरथै।” 28 जौ बात से ईसु बाकै जबाब दैके कही, “हे बईय्यर, तेरो बिस्वास बडो है; जैसो तैं चाहथै, तेरे ताहीं बैसोई होबै” और बाकी लौडिया बहे समय अच्छी हुई गई। 29 ईसु हँना से जाएके, गलील की झील के झोने आओ, और पहाड में चढ़के हँना उपदेस देनके बैठगौ। 30 और खूब भीड बाके झोने आई, बे अपने संग लंगडा, अंधरा, गूंगा, टुन्डा और मिरि बिमारन के लैके बाके झोने आए; और बे लोग उनके बाकी टाँग में डार दई, और ईसु उनके अच्छो करी। 31 जब आदमी देखी, कि गूंगा बोलथै और टुन्डा अच्छे होत भै और लंगडा नेगत और अंधरा देखथै, तौ जाके अचम्मो मानके इस्त्राएल के परमेस्वर की बडाई करी। 32 तौ ईसु अपने चेलन के बुलाएके कही, “मोकै जौ भीड के ऊपर तरस आथै; काहैकि बे तीन दिन से मेरे संग हैं और उनके झोने कलु खान के ना है; और मैं उनके भूको पनारनो नाय चाहथौ; कही ऐसो नाय होबै कि थक हार के रहामें चक्कर आयकै गिर पड़े।” 33 चेला बासे कही, “हमकै जौ सूनी जघा में कहाँ से इत्ती रोटी मिलंगी कि हम इत्ती बडी भीड के खानु खबाए सकै?” 34 ईसु उनसे पूँछी, “तुमरे झोने किन्ती रोटी हैं?” बे कही, “सात और थोडी सी छोटी मच्छी है।” 35 तौ बौ भीड के जमीन में बैठन के कही। 36 और बे सात रोटी और मच्छी के लैके बौ परमेस्वर को धन्यवाद करी। फिर बौ रोटी तोड़ी और अपने चेलन के दई फिर बाके चेला आदमियन के बाँट दई। 37 और आदमी खाएके तम भै फिर बाके चेला बचे भै टुकडन से भरे भै सात टोकरा उठाई। 38 और खान बारन में बईय्यरन और बालकन के छोड़के चार हजार इंसान रहैं। 39 तौ ईसु भीड के पनारके नईयाँ में चढगौ, और मगदन की सीमा में चलो गौ।

16 कुछ फरीसी और सद्की ईसु के झोने आए बे बाकै परखनो चाहत रहैं, तौ बे बासे कोई स्वर्गिय चिन्ह चमत्कार करन के कही, ताकी पता लग सकै कि बाकै परमेस्वर कि अनुमति मिली है। 2 ईसु उनके जबाब दई, “दिन मुदथै तौ तुम कहथौ, कि मौसम अच्छो रहगो, काहैकि आसमान लाल है। 3 और दिन निकरथै तौ तुम कहथौ, कि आज आँधी आगी काहैकि आसमान लाल और धुंधरो है; तुम आसमान के लक्छड़ देखके भेद जानथौ, पर अपने समय के चिन्ह लक्छड़न के नाय पढ सकथौ? 4 बुरे और व्यभिचार करन बारी पीढी के आदमी कोई चिन्ह देखनो चाहथै, पर उनके योना के चिन्ह के छोड़के और कोई चिन्ह ना दौ जागो।” और बौ उनके छोड़के चलो गौ। 5 और चेला झील के बौ पाँजर जात पोती रोटी लेनो भूल गे रहैं। 6 तौ ईसु उनसे कही, “देखो, फरीसियन और सद्कियन के खमीर से बचे रहियो।” 7 बे आपस में सोच-बिचार करत भै बोली, “हुई सकथै बौ जहे ताहीं कही काहैकि हम कोई रोटी संग नाय लाए।” 8 बे का सोच रहैं जौ जानकै, ईसु उनसे कही, “ओ कम बिस्वास बारेयो, तुम आपस में काहे बतकाथौ कि हमरे झोने रोटी नाय है? 9 का तुम अब नाय समझे? और बे पाँच हजार की पाँच रोटी याद नाय करथौ, और ना जहो कि कितनी छपरिया उठाए रहौ? 10 और का तुमके याद नाय बे चार हजार के ताहीं सात रोटी, और फिर कितनी टोकरा भरके तुम जमा करे रहौ? 11 तुम काहे ना समझथौ कि मैं तुमसे रोटीन के बारे में नाय कहो? पर फरीसियन और सद्कियन के खमीर से बचन के कहो।” 12 तौ चेलन के समझ में आओ, कि बौ रोटी के खमीर से नाय, पर फरीसियन और सद्कियन की सिक्छा से बचे रहन के कहत रहैं। 13 जब ईसु कैसरिया फिलिप्पी के परदेस में आओ और अपने चेलन से पूँछन लागो, “आदमी इंसान के लौडा के का कहथै?” 14 बे कही, “कुछ तौ कहथै तू यहून्ना बपतिस्मा देन बारो है और दूसरे कहथै कि तू एलियाह है और एक काद आदमी कहथै कि तू यिर्मयाह या भविष्यवक्तन में से कोई एक है।” 15 ईसु जबाब में उनसे कही, “हे यहून्ना के लौडा सिमोन तू धन्य है काहैकि तोकै जे बात कोई इंसान नाय बल्कि स्वर्ग में रहेन बारो मेरो परम पिता दिखाई है?” 16 सिमोन पतरस जबाब दई, “तैं जिदे परमेस्वर को लौडा मसीह है।” 17 ईसु बाकै जबाब दई, “हे सिमोन, योना के लौडा, तैं धन्य है, काहैकि मास और खून नाय, पर मेरो दऊवा स्वर्ग में है, जौ बात तेरे ऊपर दिखाई है। 18 और महुँ तोसे कहथौ, कि तैं पतरस है, और मैं जहे चट्टान में कलीसिया बनावो, और नरक की सक्ति बाके ऊपर परबल ना होगी। (Mat 16:18) 19 मैं तोकै स्वर्ग के राज्य की चाबी दूंगो: ताकी जो कलु तैं पृथ्वी में भँदेगो, बौ स्वर्ग में भँदेगो; और जो कलु तैं पृथ्वी में खोलैगो, बौ स्वर्ग में खुलैगो।” 20 तौ बौ चेलन के चितौनी दई, “कोई से मत कहियो कि मैं मसीह हौं।” 21 बौ समय ईसु चेलन के बतान लागो, “मोकै जरूरी है, कि यरूशलेम जामौ और यहूदि नियम के सिक्छक, बड़े-बूढ़े यहूदि नेतन और प्रमुख पुजारियन के जरिये बड़ा दुख उठामौ; और मार डारो जामौ; फिर तिसरे दिन जी उठौं।” 22 जौ बात में पतरस बाकै अलगथौं लै जाएके झुकान लागो, “हे प्रभु, परमेस्वर ना करै! तेरे संग ऐसो कहू ना होगो।” 23 ईसु मुड के पतरस से कही, “सैतान,

मेरे अगु से दूर हुई जा! तै मेरे ताहीं ठोकर को बजह है; काहेकि तै के कही, “हम जाके काहे ना निकार पाए?” 20 ईसु जबाब दई, परमेस्वर के तराहनी नाय, ईसानन के तराहनी सोचरी है।” 24 तौ ईसु अपने चेलन से कही, “अगर कोई मेरे पच्छू आनो चाहबै, तौ अपने आपके इंकार करै और अपनो क्रूस उठाबै, और मेरे पच्छू हुई लेबै। 25 काहेकि जो कोई अपनी ज्यान बचानो चाहगो, बौ बाकै गबागो; और जो कोई मेरे ताहीं अपनी ज्यान गबागो, बौ बाकै पायगो। 26 अगर ईसान पूरी दुनिया के पाय लियै, और अपनी ज्यान की हानी उठाबै, तौ बाकै का फायदा? या ईसान अपनी ज्यान पान के बदले मैं का देगो? 27 ईसान को लौड़ा अपने स्वर्गदूत के संग अपने दऊवा की महिमा में आगो, और बौ समय ‘बौ सबन के उनके कामन के हिसाब से फल देगो।’ 28 मैं तुमसे सच कहथौं, कि जो हीना ठाडे हैं, उनमें से किते ऐसे हैं, कि जबले ईसान के लौड़ा के बाके राज्य समेत आत भै नाय देखलेमैं, तौले मौत को स्वाद कहु नाय चखंगे।”

17 छे दिन बाद ईसु पतरस और याकूब और बाके भईय्या यहुन्ना के संग लई, उनके एकांत मैं कोई ऊँचे पहाड़ मैं लैगौ। 2 और हँना उनके अगु बाको रूप बदल गौ बाको मोहों सूरज के हानी चमकन लागो और बाके लन्ता उज्जिते के हानी उजले हुई। 3 तभई मुसा और एलियाहा ईसु के संग बतकात भै चेलन के दिखाई दई। 4 तौ पतरस ईसु से कही, “प्रभु, हमरे हीना रहनो अच्छे हैं; अगर तेरी इच्छा होबै तौ मैं हीना तम्बु बनामौं; एक तेरे ताहीं, एक मुसा ताहीं, और एक एलियाहा के ताहीं।” 5 बौ बोलतै रहै, कि एक उजलो बादर बाकै ढोंक लई, और बौ बादर में से जौ अबाज निकरी, “जौ मेरो प्रिय लौड़ा है, जासे मैं खुस हौं: जाकी सुनौ।” 6 चेला जौ सुनके मोहों के बल गिर गै और बड़ा डराय गै। 7 पर ईसु झोने आयके उनके छुड़, और कही, “उठौ, डराबौ मत्ती।” 8 तौ बे अपनी आँखी उठाएके ईसु के छोड़ और कोई के ना देखी। 9 जब बे पहाड़ से उतरत रहैं तौ ईसु उनके आग्या दई, “जबले ईसान को लौड़ा मेरे भैन में से जिंदो ना हुई जागो, तौले जो कछु तुम देखे हौ कोई से मत कहियो।” 10 और बाके चेला बासे पहुँछी, “तौ यहदि नियम के सिक्छक काहे कहथैं, कि एलियाहा को पहले आनो जरूरी है?” 11 ईसु जबाब दई, “एलियाहा तौ जरूर आगो और सब कछु सुधारैगो। 12 लेकिन मैं तुमसे कहथौं, कि एलियाहा आए चुको है; और बे बाकै नाय पैहचानी; पर जैसो चाँही बैसोई बाके संग करी। जहे बजह से ईसान को लौड़ा भी उनके हात से दुख उठाबैगो।” 13 तौ चेला समझी कि बौ हमसे यहुन्ना बपतिस्मा देनबारे के बारे में कही रहै। 14 जब बे भीड़ झोने पुगे, तौ एक ईसान ईसु के झोने आओ, और घुपटियाय के कहने लागो। 15 “प्रभु मेरे लौड़ा ऊपर दया कर! काहेकि बाकै मिर्गी आथै, और बौ भौत दुख उठाथै; और बार-बार आगी, पानी में गिर पड़थै। 16 और मैं बाकै तेरे चेलन के झोने लाओ रहौं, पर बे बाकै अच्छो नाय कर पाई।” 17 ईसु जबाब दई, “अरे अविस्वासियो और हठीले आदमियों, मैं कबले तुमरे संग रहांगो? कबले तुमरी सहमंगो? बाकै मेरे झोने लाबौ।” 18 तौ ईसु प्रेत आत्मा के झुकाएके आग्या दई और बौ बाके अंदर से निकर गौ, और बालका बहे समय अच्छो हुई गौ। 19 तौ चेला एकांत मैं ईसु से आए

कही, “हम जाके काहे ना निकार पाए?” 20 ईसु जबाब दई, “तुमरे बिस्वास की कमताई के बजह: काहेकि मैं तुमसे सच कहथौं, अगर तुमरो बिस्वास राया के दाने के बीज के बराबर भी होतो, तौ जौ पहाड़ से कहते, ‘तौ हीना से खिसकके हँना चलो जा,’ तौ बौ चलो जातो और कोई बात तुमरे ताहीं असम्भव नाय होगी। 21 पर जौ तरहन से कि दुस्टात्मन के बिना प्रार्थना और उपवास के नाय निकार सकथै।” पर सिरफ प्रार्थना और उपवास के जरिये ही निकार सकथै। 22 जब ईसु के चेला आए और बाके संग गलील मैं मिले, तौ ईसु बासे कही, “ईसान को लौड़ा ईसान के हात मैं पकड़बाओ जागो। 23 और बे बाकै मार डारंगे, फिर बौ तिसरे दिन जिंदो हुई जागो।” जौ बात मैं चेला भौत उदास भै। 24 जब ईसु और बाके चेला कफरनहम मैं आए, तौ मंदिर के ताहीं कर लेन बारे पतरस के झोने आए के पहुँछी, “का तुमरो गुरुजी मंदिर को कर नाय देखै?” 25 पतरस जबाब दई, “हाँ, देखै।” जब बौ घैरे आओ, तौ ईसु बाके पहुँछन से पहले बासे कही, “सिौमन तैं का समझथै? पृथ्वी के राजा लगान या कर कौन से बसलथै? अपने लौडन से या परायन से?” 26 पतरस जबाब दई, “परायन से।” ईसु बासे कही, “तौ लौड़ा बच गै। 27 पर हम उन आदमिन के गुस्सा नाय करै तभईये तैं झील में जा अपनो मच्छी पकड़नबारी बन्धी और फिर जौ मच्छी पहले पकड़ मैं आबै बाको मोहों खोलिये, तौके जितनी जरूरत है उतने सिक्का तौके मिलैगो बाकै लैके मेरे और अपने ताहीं उनके दैद।”

18 बहे समय चेला ईसु के झोने आयके पहुँछन लगे, “स्वर्ग के राज्य मैं बड़ो कौन है?” 2 तभई ईसु एक बालका के झोने बुलाएके उनके बीच खडो करके कही, 3 “मैं तुमसे सच कहथौं, और तुम मन ना बदले और बालकन के हानी नाय बने, तौ स्वर्ग के राज्य मैं घुस ना पाबैगो। 4 जो कोई अपने आपके जौ बालका के हानी नम्र रहगो, बौ स्वर्ग के राज्य मैं बड़ो होगो। 5 और जो कोई मेरे नाओ से एक ऐसे बालका के अपनाथै बौ मोके अपनाथै।” 6 “पर जौमें मैं बिस्वास करन बारे कोई ऐसे छोटे अनुयायी के रस्ता मैं बाधा बनथै, अच्छो होबै कि बाकी गरजन मैं चक्की को पथरा लटकाए के बाकै समुंदर मैं गहरोरी मैं डुबाय दौ जाबै। 7 भयानक बाँधन की बजह से मोके दुनिया के आदमिन पर तरस है पर बाधाएँ तौ आमगी पर हाय तौ मोके बाके ऊपर है जोके बजह से बाधा आथै।” 8 “अगर तेरो हात या तेरी टाँग तौके बाधा डारै, तौ काटके फेंक दे; काहेकि स्वर्ग मैं बिना हात या टाँग के अनंत जिंदगी मैं घुसनौं तेरे ताहीं जाधे अच्छो है बजाय जाके कि दोनौ हात और दोनौ टाँग सुंदा तौके अनंत आगी मैं डार दौ जाबै। (aiōnios g166) 9 काहेकि स्वर्ग मैं एक आँखी के होत भै अनंत जिंदगी में प्रवेस करनो तेरे ताहीं जाधे अच्छो है, बजाय जाके कि दोनौ आँखी सुंदा खोन को तौके नरक की आगी में डारो जाबै।” (Geenna g1067) 10 “देखौ, मेरे जे मासूम अनुयायी मैं से कोई के तुच्छ मत समझियो; काहेकि मैं तुमके बताथौं उनके रक्छक स्वर्गदूतन की पौहौच स्वर्ग मैं मेरे परम दऊवा के झोने हमेसा रहथै। 11 काहेकि ईसान को लौड़ा हारने भै के बचान आओ है।” 12 “तुम का समझथौ? अगर कोई ईसान की सौ भेंड होमैं, और उनमें से एक हराए जाबै, तौ का निन्यानवे के छोड़के,

और पहाड़न में जाएँ, बौ हरानी भइ कै ना हूँडेगे? 13 बौ सच्चि को जबैगो, और जब बाँके मिल जागी, मैं तुमसे सच्चि कहथौं, कि बौ बे निन्यानवे भेंडन के ताही जो हराई नाय रहै भौत खस नाय होगो, जितो की हरानी भइ भेंड के ताही होगो। 14 ऐसोई तुमरे परम दऊवा की जो स्वर्ग मैं है जो इच्छा ना है, कि जे छोटै मैं से एक भी ना भटके।” 15 “अगर तेरो भईय्या तेरे बिरोध मैं पाप करै, तो जा और अकेले मैं जाएँ बाँके समझा; अगर बौ तेरी सुनै तो तैं अपने भईय्या कै जीत लेगो। 16 और अगर बौ नाय सुनै, तो और एक दुई जनी के अपने संग लै के जा, कि हर एक बात के ताही दुई, तीन गभा ही सकै। 17 अगर बौ उन्हकें कि ना मानै, तो कलीसिया से कहदे, पर अगर बौ कलीसिया की भी ना मानै, तो फिर तू बासे ऐसो व्यवहार कर जैसे बौ गैर यहदि होबै या लगान बसूलन बारो होबै।” 18 “मैं तुमसे सच कहथौं, जो कछु तुम पृथ्वी मैं भँदेंगे, बौ स्वर्ग मैं भँदेंगो और जो कछु तुम पृथ्वी मैं खोलेंगे, बौ स्वर्ग मैं खुलेंगो। 19 फिरौकी मैं तुमसे सच मैं कहथौं, अगर तुम मैं से दुई जनी पृथ्वी मैं कोई बात के ताही जोकै बे माँगें, एक मन के होमैं, तो बौ मेरे परम दऊवा के घाँई से जो स्वर्ग मैं है उनके ताही हई जागी। 20 काहैकि जहाँ दुई या तीन मेरे नाओं से जुगो हँना मैं उनके बीच मैं होथौं।” 21 तो फिर पतरस ईसु के झोने आयकै कही, “प्रभु, अगर मेरो भईय्या पाप करथे, तो मैं किती बार बाँके माफ करौं, का सात बार ले?” 22 ईसु जबाब दई, “मैं तोसे जो नाय कहथौं, कि खाली सात बार, बल्किन सात बार के सतर गुना ले माफ करीये। 23 तभई स्वर्ग के राज्य कि बराबरी बौ राजा से करी जाए सकथै, जो अपने सेवकन से हिसाब चुकता करन की सोची। 24 जब बौ लेखा लेन लगो, तो एक जनी बाँके सामने लाओ गौ जो दस हजार तोडा को कर्जदार रहे। 25 जब कि चुकान के बाँके पास कछु ना रहै, तो बाको मालिक कही, कि जो और जाकी बईय्यर और बाल-बच्चे और जो कछु जाको है सब बेचो जाबै, और बौ कर्जा चुकाए दौ जाबै। 26 तो बौ दास बाँके पाँव मैं झुककै गिर गिडगिडान लगो, “धीरज धरौ मैं सब कछु चुकाए दूँगो।” 27 तो बौ दास को मालिक तरस खाएँ बाँके छोड़ दई, और बाको कर्जा माफ करी।” 28 “फिर जब बौ सेवक हूँआँ से जात रहै, तो बाँके बाको साथी सेवक मिलो, जोकै बासे कुछ पैसा लेने रहै, बौ बाको गिल्चुआ पकड़ लई और बाको गला दबात भइ बोलो जो तोकै मेरो देने है बाँके लौटाय दे। 29 जो बात मैं बाको संग बारो दास बाँके पाओ मैं गिर पडो और नहोरे करत भै कहने लगो, “धीरज धर मैं चुकाए दूँगो।” 30 पर बौ ना मानो, जाएँ बाँके कैदखाना मैं डरबाए दई, कि जबले कर्जा ना भैरै तौले हँनै रहबै। 31 जेह मैं दूसरे दास जो सारी घटना के देखके बडा दुखी भै और हँना जो कछु भौ रहै बे जाएँ अपने मालिक कै बताई। 32 तो बाको मालिक बाँके बुलाएँ बासे कही, “दुस्त दास, तैं जो मोसे नहोरे करो, तैं मैं तेरो पूरो कर्जा माफ करो। 33 तभईयें जैसी मैं तैं ऊपर दया करो, बैसिये का तहँ कै अपने संग बारो दास कै माफ ना करनो चहाईये रहै?” 34 और बाको मालिक गुस्सा मैं आयकै बाँके सजा देन बारन के हातन मैं सौप दई, कि जबले बौ सब कर्जा भर ना दिवै, तौले उनके हात मैं रहबै।” 35 और ईसु जे बातन कै खतम करत भै कही, “जबले अपने भाई बन्धुअन कै अपने मन से

माफ नाय कर दियो मेरो स्वर्गिय दऊवा भी तुमरे संग ऐसिये व्यवहार करैगो।”

19 जब ईसु जे बातन के कहने के बाद, बौ गलील से लौटकै यहदिया के छेत्र मैं यरदन नदिया के पार चलो गौ। 2 और बडी भीड़ बाँके पच्छु हई लई, और बौ हँना उनकै अच्छो करी। 3 बाँके परखन ताही कुछ फरीसी बाँके झोने आए और बोले, “का जो सई है कि कोई भी अपनी बईय्यर कै नियम के जरिया से तलाक दै सकथै?” 4 ईसु जबाब दई, “का तुम ना पढे, कि दुनिया कै बनानबारो सुस्फ मैं एक आदमी और बईय्यर के रूप मैं रची रहै? 5 और कही रहै ‘जो बजह से इंसान अपने अईय्या-दऊवा कै छोड़कै आदमी अपनी बईय्यर के संग दुई होत भै भी एक सरीर हीकै रहेंगे।’ 6 तभई बे अब दुई नाय, पर एक तन हैं जोकै परमेस्वर जोडी है, बाँके इंसान अलग ना करै।” 7 बे बोले, “फिर मूसा आग्या देत भै जाँके काहे निर्धारित करी है कि कोई आदमी अपनी बईय्यर कै व्यवस्था की किताब के अनुसार तलाक दै सकथै, सर्त जो है कि बौ बाँके तलाकनामा लिखकै देबै?” 8 ईसु जबाब दई, “मूसा तुमरे मन के करेपन के बजह से तुमकै अपनी बईय्यर कै छोड़न कै कही रहै, पर पहले ऐसो नाय रहै। 9 मैं तुमसे कहथौं, कि जो कोई छिनरइ कै छोड़ और कोई बजह से अपनी बईय्यर कै छोड़कै दूसरी से बिहा करै, बौ छिनरइ करथे।” 10 चेला बासे कही, “अगर आदमी को बईय्यर के संग ऐसो संबंध है, तो बिहा करनो अच्छो नाय है।” 11 फिर ईसु उनसे कही, “हर कोई तौ जो उपदेस कै नाय अपनाय सकथै। जाँके सब बे ही अपनाय सकथै जिनकै जाकी छमता दई गई है। 12 काहैकि कुछ नपुंसक ऐसे हैं जो अईय्या के गरब से ऐसे पैदा भै; जो स्वर्ग के राज्य ताही अपने आप नपुंसक बनाई है, और आखरी मैं कुछ ऐसे है जो स्वर्ग के राज कि बजह से बिहा नाय करन को निश्चय करी है जो जो उपदेस कै अपनाय सकथै अपनाबै।” 13 तौ कुछ आदमी बालकन कै ईसु के झोने लाई, कि ईसु उनके ऊपर हात धरकै आर्शिवाद देबै और प्रार्थना करै; पर चेला उनकै झुकाई। 14 ईसु कही, “बालकन के मेरे झोने आन दियो, और उनकै मना मत करौ, काहैकि स्वर्ग को राज्य ऐसियनै को है।” 15 और बौ उनके ऊपर हात रखकै हँना से चलो गौ। 16 एक इंसान झोने आयकै ईसु से कही, “गुरुजी,” मैं कौन सो भलो काम करौं, “कि अनंत जिंदगी पामौ?” (aiōnios g166) 17 ईसु बासे कही, “अच्छो का है जाके बारे मैं तैं मोसे काहे पूँछ रहो है काहैकि अच्छो तौ सिरफ ऐकै है फिर भी अगर तू अनंत जिंदगी पानो चाहथै तौ तू आग्यन को पालन कर।” 18 बौ ईसु से पूँछी, “कौन सी आग्या?” ईसु कही, “जो कि कोई कै मारिये मति, व्यभिचार मत करियो, चोरी मत करियो, झूठी गभाई मत दियो; 19 अपने दऊवा और अईय्या को आदर करिये, और अपने पडोसी से अपने हानी प्यार करीये।” 20 “बौ ज्वान आदमी ईसु से कही, जे सब बात तैं मैं मानो हौं अब मेरे मैं कौन सी बात की कर्मी है?” 21 ईसु बासे कही, “अगर तैं हर बात मैं बढिया होनो चाहथै; तौ जा, अपनो सब कुछ बेच कै गरीबन मैं बाँट दे; और तोकै स्वर्ग मैं धन मिलैगो; और आयकै मेरे पच्छु हई ले।” 22 पर बौ ज्वान आदमी जो बात कै सुनकै उदास हुईकै चलो

गौ, काहेकि भौ भौत सेठ रहे। 23 तौ ईसु अपने चेलन से कही, “मैं है? या का तुम जलथौ काहेकि मैं अच्छो हौ?” 16 और ईसु जो तुमसे सच कहथौ, कि सेठन को स्वर्ग के राज्य मैं जाए पानो कठिन तरीका से खतम करी, “कि जो आखरी हैं बे पहले होंगे, और जो पहले हैं बे आखरी होंगे।” 17 जब ईसु यरूसेलम के जात भौ बहारै चेलन के एकांत मैं लैगो, और रहामैं उनसे कहन लगो। 18 “देखो, हम यरूसेलम के जाएरै हैं; और इंसान को लौड़ा बडो पुजारी और यहदि नियम के सिक्खकन के हात पकड़बाओ जागो और बे बाँके तौ जौ नाथ हुई सकथै, पर परमेस्वर से सब कुछ हुई सकथै।” 27 मौत की सजा देंगे। 19 और फिर बे बाको मजाक उडान को, और जौ बात मैं पतरस बासे कही, “देख, हम तौ सब कुछ छोड़के तेरे कोड़ा लगवान के, बाँके गैर यहदियन के सौप देमंगे, और बाँके क्रूस मैं चढ़ाओ जागो पर भौ तिसरे दिन जिंदो करो जागो।” 20 जब तुमसे सच कहथौ, कि नई उत्पत्ति मैं जब इंसान को लौड़ा अपनी जब्दी के लौडन की अईय्या अपने लौडन के संग बाँके झोने आयके महिमा के सिंहासन मैं बैठेगो, तौ तुम्हँ जो मेरे पच्छु हुई लै हौ, झुकके नमस्ते करी, और नहोरे करत भै कुछ माँगी। 21 ईसु उनसे बहारै सिंहासन के राज्य मैं बैठके इस्राएल के बहारो गोत्रन को न्याय करेगो। 29 और जो कोई घरन या भईय्यन या बहेनियन या दऊवा या अईय्या या बाल-बच्चन या खेतन के मेरे नाओं के ताहीं छोड़ दई है, बाँके सौ गुना मिलेगो, और भौ अनंत जिंदगी को अधिकारी होगो। (aiōnios g166) 30 पर भौत से जो पहले हैं, पिछले होंगे; और जो पिछले हैं, पहले होंगे।”

20 “स्वर्ग को राज्य एक जमीनदार के हानी है जो सुबेरे अपनी अंगूर की बारी के ताहीं मजदूर लान के निकरो। 2 भौ उनके रोज की मजदूरी देन के मान गौ, एक दिन को एक चाँदी को सिक्का, और उनके अपनी अंगूर की बारी मैं काम करन के भेजी। 3 लमसम नौ बजे के आस-पास जमीनदार फिर से घर से निकरो और भौ देखी कि कुछ आदमी बजार मैं बेकार ठाड़े है। 4 तौ भौ उनसे कही, ‘तुम्हँ मेरी अंगूर की बारी मैं जाबो, और जो ठीक मजदूरी है भौ ठीक मजदूरी दूँगो।’ 5 सो बे भी बगिया मैं काम करन के चले गै फिर लमसम बहारै बजे के आस-पास और दुबारा तीन बजे के आस-पास भौ बैसोई करी। 6 फिर से लमसम पाँच बजे घर से बाहर गौ और कुछ आदमिन के बजार मैं इतै-उतै देखी, भौ उनसे पूँछी तुम सब आदमी हियाँ बेकार मैं काहे ठाड़े रहथो? 7 बे बासे कही, काहेकि कोई हमके मजदूरी मैं नाथ रखथै फिर भौ उनसे कही, ‘तुम्हँ मेरी अंगूर की बारी चले जाबो।’” 8 “जब संजा भइ तौ अंगूर की बारी को मालिक अपने मजदूर के पधान से कही, ‘मजदूरन के बुलबाए के आखरी मजदूर से सुरू करके जो पहले लगाए गै रहैं बे सबन कि मजदूरी देदे।’ 9 पाँच बजे काम करन बारे आदमिन के सिक्का दौ जात रहै। 10 फिर जो पहले लगाए गै रहैं बे सोचीं हमके कुछ जद्दा मिलेगो पर उनमैं से हर एक के एक-एक ही चाँदी को सिक्का मिलो। 11 सिक्का तौ बे लै लई और जमीनदार से सिकायत करत भै। 12 ‘बे कही जो बाद मैं लगे रहैं बे बस एक घंटा काम करी और तू हमके भी उतके मजदूरी दौ जितनी उनके दौ। जबकी हम पूरे दिन बडे घामो मैं मेहनत करे?’ 13 ‘मालिक उनमैं से एक के जबाब दई, सुन दोस्त, मैं तेरे संग कोई अन्याय नाथ करो हौ। का तैं एक चाँदी के सिक्का ताहीं एक दिन को काम करन के ताहीं राजी नाथ भौ रहै। 14 अब अपनी मजदूरी लियो और घरे जाबो। अब मैं जहो के उतनोई दुंगो जितो मैं तोकै दौ। 15 का मोँके अपनी स्पईया से अपनी जस्त के इच्छा के अनुसार देन को अधिकार ना

तरीका से खतम करी, “कि जो आखरी हैं बे पहले होंगे, और जो पहले हैं बे आखरी होंगे।” 17 जब ईसु यरूसेलम के जात भौ बहारै चेलन के एकांत मैं लैगो, और रहामैं उनसे कहन लगो। 18 “देखो, हम यरूसेलम के जाएरै हैं; और इंसान को लौड़ा बडो पुजारी और यहदि नियम के सिक्खकन के हात पकड़बाओ जागो और बे बाँके तौ जौ नाथ हुई सकथै, पर परमेस्वर से सब कुछ हुई सकथै।” 27 मौत की सजा देंगे। 19 और फिर बे बाको मजाक उडान को, और जौ बात मैं पतरस बासे कही, “देख, हम तौ सब कुछ छोड़के तेरे कोड़ा लगवान के, बाँके गैर यहदियन के सौप देमंगे, और बाँके क्रूस मैं चढ़ाओ जागो पर भौ तिसरे दिन जिंदो करो जागो।” 20 जब तुमसे सच कहथौ, कि नई उत्पत्ति मैं जब इंसान को लौड़ा अपनी जब्दी के लौडन की अईय्या अपने लौडन के संग बाँके झोने आयके झुकके नमस्ते करी, और नहोरे करत भै कुछ माँगी। 21 ईसु उनसे पूँछी, “तैं का चाहथै?” भौ जबाब दई, “मोँके बचन दे कि मेरे जे दोनो लौड़ा तेरे राज्य मैं एक तेरे दहने और एक तेरे बाँए बैठे।” 22 ईसु जबाब दई, “तुम नाथ जानथौ कि का माँगे रौ।” का तुम दुख को भौ प्याला पी सकथौ जोकैं मैं पीन बारो हौ? भौ ईसु से कही, “हौं हम पी सकथै।” 23 ईसु कही, “तुम मेरो कटोरा तौ पीबेगो पर अपने दहने और बाँए बैठान को अधिकार मेरे पास नाथ है, हियाँ बैठन को अधिकार उनको है जिनके ताहीं मेरे दऊवा के घाँसे से तैयार करो गौ है।” 24 जब बाके चेला जौ सुनी, तौ दसौ चेला बे दोनो भईय्यन ऊपर गुस्सा भै। 25 ईसु उनके झोने मस्काए के कही, “तुम जानथौ, कि गैर यहदि राजा लोगन के ऊपर राज करथै, और उनके बडे अधिकारी लोगन के ऊपर अपनो अधिकार जतानो चाहथै। 26 पर तुमरे बीच मैं ऐसो नाथ होनो चाहिए; पर तुम मैं जौ कोई पहलो बननो चाहबै बाँके तुमरो सेवक बननो होगो। 27 और जो तुम मैं पधान होनो चाहबै भौ तुमरो दास बनै; 28 तुमके इंसान के लौड़ा के हानी होनो चाहिए, जो सेवा करान के नाथ सेवा करन और भौतन के छुडौती के ताहीं अपनी ज्यान देन के आओ है।” 29 जब ईसु और बाके चेला यरीहो से जात रहैं, तौ एक भारी भीड़ बाके पच्छु हुई लई। 30 और दुई अंधरा आदमी जो सडक के किनारे बैठे रहैं, जौ सुनके कि ईसु जाएरौ है, चिल्लाए के कहने लगे, “प्रभु, दाऊद के बालक हमरे ऊपर दया कर।” 31 आदमी उनके झुकाइ, कि चुप्पा रहाबो, पर बे औरौ चिल्लाए के कही, “प्रभु दाऊद के बालक हमरे ऊपर दया कर।” 32 तौ ईसु ठाड़के उनके बुलाई और कही, “तुम का चाहथौ कि मैं तुमरे ताहीं करौ?” 33 बे जबाब दई, “गुरुजी, हम चाहथै कि तैं हमें आँखी कि जोती दे!” 34 ईसु तरस खाएके उनकी आँखी छुड़ और बे तुरंत देखन लगे, और बाके पच्छु हुई लई।

21 ईसु और बाके चेला यरूसेलम के झोने, बे जैतून के पहाड मैं बैतनियाह आए। तौ ईसु दुई चेलन से कही: 2 और आग्या दैके भेजी: “तुम सामने के गाँव मैं जाबो, हूँना पहोचैत एक गधी भँदी भइ, और बाके संग बच्चा तुमके मिलेगो; उनके खोलके मेरे झोने लैयाबो। 3 और कोई कछु भी कहथै, तौ बाँके बतईयो, ‘कि प्रभु के इनकी जरूरत है।’ और फिर भौ तुमके जान देगो।” 4 ऐसो जहे ताहीं भो कि, भविष्यवक्ता को जौ बचन पूरो होबे: 5 “सियोन सहर से कहबो, देखो, तुमरो राजा तुमरे झोने आए रौ है! भौ विनम्र है और एक गधा मैं बैठो है हौं जौ एक गधा को बच्चा है।” 6 चेला

चले गे और बे बहे करी जो ईसु उनसे करन के कही रहै: 7 बे गधा और बाके बच्चा के लैयाए, उनके ऊपर अपने लत्ता डारी, और ईसु बाके ऊपर बैठगौ। 8 और भौत सारे आदमी अपने लत्ता राह में बिछाई और आदमी पेंडन से हंगईय्या काटके राह में बिछाई। 9 और जो भीड़ अगु-अगु जात और पच्छ-पच्छ चली आत रहै, चिल्लाए-चिल्लाए के कहत रहै, “दाऊद के बालक की होसन्ना; धन्य है बौ जो प्रभु के नाओं से आथै, परम प्रभु होसन्ना!” 10 जब बौ यस्सलेम में आओ, तो पूरे नगर में हलचल मच गई; और आदमी कहने लगे, “जौ कौन है?” 11 आदमी कही, “जौ गलील के नासरत को भविष्यवक्ता ईसु है।” 12 फिर ईसु परमेस्वर के मंदिर के आँगन में आओ, बे सबे जौ मंदिर में खरीदत और बेचत रहै, बे सबन के खदेड दई; और ब्यापारियन कि मेज और कबूतरन के बेचन बारेन के तखता पलट दई। 13 और उनसे कही, “साब्र मैं लिखो है, ‘मेरो घर प्रार्थना को घर मानो जागो।’ पर तुम बाँके लुटेरन को अट्टा बनाथौ!” 14 और अंधरा और लंगड़ा मंदिर में बाँके झोने आए और बौ उनके अच्छो करी। 15 पर जब मुखिया पुजारी और यहूदी नियम के सिक्खक जे निराले कामन के जो बौ करी, और लौडन के मंदिर में दाऊद के बालक की होसन्ना चिल्लात भै देखी, तो गुस्सा भै, 16 तौ बे ईसु से पूँछी, “का तैं सुनथै कि जे का कहरै है?” ईसु उनसे कही, “हाँ सुनथौ का धर्मसाब्र मैं ‘तुम जौ नाय पढ़े तू बालकन और दूत पीत भै बालकन से आराधना करबाओ है।’” 17 तौ ईसु उनके छोड़के यस्सलेम के बहार बैतनिय्याह के गौ, और हँना रात काटी। 18 अगले दिन जब भोर भौ तौ ईसु नगर से लौटत रहै, तौ बाँके भूंक लग्यो। 19 जब अंजीर के रूखा के सड़क के किनारे देखके बौ बाँके झोने गौ, और पतन के छोड़ बाँके कुछ नाय पाय के रूखा से कही, “अब से तेरे मैं कहू फरा ना लगौ।” और अंजीर को रूखा तुरतै सूख गौ। (aiōn g165) 20 जौ देखके चेला चकाय गे और पूँछी, “जौ अंजीर को रूखा तुरतै कैसे सूख गौ?” 21 ईसु जबाब दई, “मैं तुमसे सच कहथौ; अगर तुम बिस्वास रखौ, और संका ना करौ; तौ ना सिरफ जौ करैगे, जौ जौ अंजीर के रूखा से करो गौ है; पर अगर जौ पहाड़ से भी कहगे, कि उखड़ जा, और समुंदर में जाए गिर, तौ जौ हई जागो। 22 और जौ कुछ तुम प्रार्थना में बिस्वास से माँगेगे बौ सब तुमके मिलैगो।” 23 जब ईसु मंदिर में जाएके उपदेस देत रहै; तौ प्रमुख पुजारी और यहूदी बड़े-बूढ़े के पास आए के पूँछी, “ऐसी बात तू कोनछे अधिकार से करथै, और जौ अधिकार तोकै कौन दौ है?” 24 ईसु जबाब दई, “महँ तुमसे एक सवाल पूछथौ, और तुम मोके जबाब देबौ, तौ महँ तुमके बतांगो कि कौन से अधिकार से करथौ। 25 बताबौ यहून्ना के बपतिस्मा कहाँ से मिलो? परमेस्वर से या इंसान से?” बे आपस में बिचार करके कहने लगे, “अगर हम कहमैं ‘स्वर्गिय परमेस्वर के घाँई से,’ तौ बौ हमसे कहगे कि, ‘फिर तुम बाको बिस्वास कहे नाय करे?’ 26 और अगर हम कहमैं ‘इंसान के घाँई से’ तौ हमें भीड़ को डर है, काहिकि बे सब यहून्ना के भविष्यवक्ता मानथै।” 27 तभई बे ईसु के जबाब दई, “हम नाय जानथै।” बहो उनसे कही, “तौ महँ तुमके नाय बताथौ, कि जे काम कौन से अधिकार से करथौ।” 28 “अच्छा बताबौ तुम जाके बारे मैं का सोचत हो? एक इंसान के दुई लौड़ा रहै; बौ बड़े के झोने जाएके

कही, ‘अंगूर की बारी मैं काम करन जा।’ 29 पर लौड़ा जबाब दई, ‘मैं ना जांगो,’ पर बाद में बौ अपने मन बदल दई और चलो गौ। 30 फिर बौ दऊवा दूसरे के झोने गौ, बौ जबाब दई, हाँ प्रभु जाथौ, पर बौ नाय गौ। 31 बताबौ जे दोनों में से जो दऊवा चाहत रहै कौन करो, बे कही बड़े करी, ईसु उनसे कही मैं तुमसे सच्ची कहथौ, लगान बासुलन बारे और बैस्या तुमसे पहले परमेस्वर के राज्य में जाथै।” 32 काहिकि यहून्ना बपतिस्मा देने बारे धार्मिकता के रस्ता से तुमरे झोने आओ, और तुम बाँके ऊपर बिस्वास नाय करे: पर लगान लेन बारे और बैस्या बाको बिस्वास करके मन बदली: और तुम जौ देखके बादौ मैं नाय पछताए कि बाको बिस्वास कर लेते। 33 ईसु कही, “दूसरी कहानी के सुनौ। एक बार एक जमीनदार रहै जो एक अंगूर की बारी लगाई, बाँके चारो तरफ एक बेहड़ा लगाई, फिर दाखरस निकारन ताहीं एक गड्ढा खोदी और रखबारी ताहीं एक मिनार बनाई, और कुछ किसानन के किराय में दैके सफर के चलो गौ। 34 जब अंगूरन के समेटन को समय आओ तौ, बौ अपने सेवकन के फसल को हिस्सा लेन के ताहीं भेजी। 35 पर किसान बाँके दासन के पकड़के कोई के पीटी, और कोई के मारडारी; और कोई के पथरन से मारी। 36 एक बार फिर बौ पहले से जद्दा सेवकन के भेजी, और बे उन्हऊँ के संग बैसोई करी। 37 आखरी में बौ अपने लौड़ा के उनके झोने जौ कहके भेजी, कि बे मेरे लौड़ा को आदर करंगे। 38 लेकिन किसान लौड़ा के देखके आपस में कही, ‘जहे तौ वारिस है, आबौ, जाके मार डारें: और बाकी बिरासत लै लियै।’ 39 और बे बाँके पकड़ी और अंगूर की बारी से निकारके मारडारी। 40 तुम का सोचथौ, जब बौ अंगूर की बारी को मालिक आबैगो, तौ बे किसानन के संग का करैगो?” 41 बे उत्तर दई, “बौ बे बुरे आदमिन के मार देगो; और अंगूर की बारी के कोई और ठेका और किसानन के देगो, जौ बाँके सई समय में फसल को हिस्सा दे करंगे।” 42 ईसु उनसे कही, “का तुम कहू पवित्र साब्र मैं जौ नाय पढ़े? ‘जो पथरा के राजमिस्त्री बेकार जानी रहैं, बहे कोहने के सिरा को पथरा हई गौ। जौ प्रभु के घाँई से भौ, और हमरे देखन में निरालो है।’” 43 “तभई मैं तुमसे कहथौ, कि परमेस्वर को राज्य तुमसे लै लौ जागो; और बे लोगन के दै दौ जागो जो फल लामंगे। 44 जौ जौ पथरा में गिरेगो, बौ चकनाचूर हई जागो: और जौ चट्टान जोके ऊपर गिरेगी, बौ बाँके पीस डारैगी।” 45 प्रधान पुजारी और फरीसी बाकी कहानी के सुनके समझ गे, कि बौ हमरे बारे में कहरो है। 46 तौ बे बाँके पकड़नो चाँही, पर आदमिन से डराय गे काहिकि बे बाँके भविष्यवक्ता जानत रहैं।

22 एक बार फिर ईसु लोगन से बात करन ताहीं कहानियाँ के लई। 2 “स्वर्ग को राज्य ऐसो है, एक बार एक राजा रहै जो अपने लौड़ा के ताहीं बिहा में दावत दई। 3 राजा अपने सेवकन के भेजी कि बे लोगन के बुलाए लाबौ जिनके बिहा के खानो को न्युतो दौ गौ है पर बे आदमी नाय आए। 4 फिर बौ अपने सेवकन के जौ कहके भेजी, ‘जिनके न्युतो दौ गौ है उनसे कहियो: देखो, मैं खानु तैयार कर चुको हौ, और मेरे बरधा और पले भै डंगर काट दै गे हैं और सब कुछ तैयार है; बिहा को खानु खान आबौ।’ 5 पर बुलाए भै

हितुआ कोई ध्यान नाय दई और अपने काम के चले गै: कोई अपने खेत में गौ, कोई अपने ब्यापार के, 6 जबकी कुछ आदमी सेवकन के पकड़के उनके संग मारपीट करी और औरन के मारडारी 7 राजा भौत गुस्सा में रहे; तभई बौ सैनिकन के भेजी; बे उन मारन बोरन के मारडारी और उनके सहर के जलाए दई। 8 तौ बौ अपने सेवकन के बुलाई और उनसे कही, 'मेरे बिहा को खानु तौ तैयार है, पर जिनके न्युतो दौ बे आदमी जाके लायक नाय रहैं। 9 अब चौराहे की सड़कन में जाबौ और जिते आदमी तुमके मिलैं उनके दाबत के ताहीं न्युतो दियो।' 10 तभई सेवक सड़कन में निकर गै और जो-जो अच्छे-बुरे उनके मिले बे सबै आदमिन के इखटो करी; और बिहा की डेहरी आदमिन से भर गई। 11 "जब राजा हितुआन के देखन भीतर आओ; तौ बौ हूँना एक इंसान के देखी, जो बिहा के लता नाय पहने रहे। 12 बौ बासे पूँछी, 'दोस्त तै बिहा के लता बिना पहने हीना काहे आए गौ?' और बौ इंसान चुप हुई गौ। 13 तौ राजा सेवक से कही, 'जाके हात-टाँग भाँदके बहार अंधियारे में खेंप दियो, हूँना रोना, और दाँत पीसना होगा।' 14 और ईसु कहानी के आखरी में कही, "बुलाए भै तौ भौतेरे हैं, पर चुने भै थोड़ी से हैं।" 15 फिर फरीसी सभा बुलाई और ईसु के सबाल पूँछ के फसान की सोची। 16 बे अपने चेलन के हेरोदियन के संग बाके झोने जौ कहेन के भेजी, "गुरुजी, हम जानथैं, कि तैं सचचो है और परमेस्वर की रहा सचचाई से सिखाथैं, और कोई की परबा नाय करथैं, काहेकि तैं इंसानन को मोहों देखके बात नाय करथैं। 17 तौ, हमें बताबौ, तुम का सोचथौ? का रोमन सम्राट कैसर के लगान देना हमरे नियम के खिलाफ है या नाय?" 18 हालाकि, ईसु उनकी बुरी योजना के जानत रहे, और तभई बौ कही, "तुम पाखंडी हो! मोके काहेंके फसान की कोसिस कर रहे हो? 19 मोके लगान देना को सिक्का दिखाबौ!" बे बाके सिक्का दिखाई, 20 और बौ उनसे पूँछी, "जौ सिक्का में कौनकी छाप और सकल को नाओ है?" 21 बे बाके जबाब दई, "कैसर को," तौ ईसु कही, "ठीक है, जो कैसर को है बौ कैसर के; और जो परमेस्वर को है, बौ परमेस्वर के दियो।" 22 जब बे जौ सुनी, तौ हैरान रहगै; और बे बाके छोड़के चले गै। 23 बहे दिन कुछ सदूकी जो मौत से फिर से जी उठन में बिस्वास नाय करत रहैं ईसु के झोने आए और बासे कही। 24 "गुरुजी, मूसा के अनुसार अगर कोई बिना बाले-बच्चे के मर जाए तौ का बाको भईय्या बाकी बिधवा से बिहा करै और अपनो बंस बड़ान के कही रहे कि एक आदमी जोकी कोई औलाद ना है, बाको भईय्या मर जाथैं, तौ बाके भईय्या के बिधवा से बिहा कर लेना चहाईये ताकी उनके बालका हुई सकैं जिनके मेरे भै आदमी के बालका मानो जागो। 25 अब सोचौ मत सात भईय्या हैं पहले को बिहा भौ फिर बौ मर गौ, काहेकि बौ अपनी बिधवा बईय्यर के अपने भईय्या के झोने छोड़ दई। 26 ऐसोई दुसरे भईय्या के संग, तिसरे भईय्या के संग और आखिरकार सबै सातन के संग ऐसोई भौ। 27 आखरी में बईय्यरौ मर गई। 28 अब हमरो कहना जौ है कि जब बौ जी उठैगी तौ कौन कि बईय्यर होगी काहेकि बाके सातौ अपनाई रहैं।" 29 ईसु जबाब दई, "तुम किते गलत हो! ऐसो तभईये है काहेकि तुम साब्र या परमेस्वर की सक्ति के नाय जानथौ। 30 तुमके समझना चाहिए कि दुबारा जी उठन में

ना तौ लोग बिहा करंगे और ना कोई बिहा में दौ जागो बलकिन बे स्वर्गदूतन के हानी होंगे। 31 अब, मेरे भैन के जी उठन के बारे में का तुम जौ बचन नये पढे जो परमेस्वर तुमसे कही: 32 'मैं अब्राहम को परमेस्वर, इसहाक को परमेस्वर, और याकूब को परमेस्वर हौं।' बौ तौ मेरे भैन को नाय, पर जिंदो को परमेस्वर है।" 33 जब भीड़ जौ सुनी, तौ बे बाके उपदेस से चकित हुईगै। 34 जब फरीसी सुनी कि ईसु सदूकिन के चुप कर दई है, तौ बे एक संग आए, 35 और उनमें से एक नियम को सिक्छक, बाके एक सबाल के संग फसान की कोसिस करी। 36 बे पूँछी, "गुरुजी, नियम में सबसे बड़ी आग्या कौन सी है?" 37 ईसु जबाब दई, "'तैं अपने पूरे मन और पूरी आत्मा, और पूरे दिमाक के संग अपने प्रभु परमेस्वर से प्यार कर।' 38 जौ सबसे पहली और बड़ी आग्या है। 39 फिर ऐसिये दूसरी आग्या जौ है: 'अपने परोसी से बैसिये प्यार कर जैसे तुम अपने आप से करथौ।' 40 पुरो नियम और भविष्यवक्ता की सिक्छा जे दुई आग्यन ऊपर निर्भर करथैं।" 41 जब कुछ फरीसी जुराने तौ, ईसु उनसे एक सबाल पूँछी, 42 "मसीहा के बारे में तुम का सोचथौ? बौ कौन को लौडा है?" बे जबाब दई, "बौ दाऊद को बंसज" है। 43 बौ उनसे पूँछी, "तौ दाऊद आत्मा में हुईके बाके प्रभु काहे कहथे? 44 'प्रभु, मेरे प्रभु से कही, मेरे दहने बैठ, जबले कि मैं तेरे बैरियन के तेरी टाँग के नीचे की चौकी ना कर दियो।' 45 तौ अगर, दाऊद बाके प्रभु कही, तौ मसीहा दाऊद को लौडा कैसे हुई सकथे?" 46 कोई भी ईसु को कोई सो भी जबाब देना के काबिल ना रहैं, और बहे दिन से कोईये कोई सो सबाल पूँछन की हिम्मत नाय रखी।

23 तौ ईसु भीड़ और अपने चेलन से कही, 2 "यहूदि नियम के सिक्छक और फरीसी खुदके मूसा के नियमन कि ब्याख्या करन के आसन के अधिकार में रखी हैं; 3 तभई बे जो कछु तुमसे कहमें बहे करियो, और मानियो, पर उनके जैसो काम मत करियो; काहेकि बे कहते तौ हैं पर करत नाय हैं। 4 बे एक ऐसो भारी बोझ देथैं कि बे बाके उठाएके चल नाय सकथैं, बे लोगन के ऊपर दबाव डारथैं कि बे बाके लेंके चलैं। पर बे खुद बागै कोई पाओ तक नाय डारथैं। 5 बे अपने सब काम आदमिन के दिखान के ताहीं करथैं बे अपनी ताबीजन के चौहोंडी करथैं, और अपने लतन की झालरन के बढाथैं। 6 बे न्युतो के खानु में अच्छी जघा पानो चाहथैं और यहूदि सभाधरन में खास आसन पानो चाहथैं। 7 और बजारन में नमस्ते और इंसानन में रब्बी कहबानो उनके अच्छो लगथैं। 8 पर तुम लोगन से अपने आपके रब्बी मत कहबईयो, काहेकि सचचो गुरु तौ एके है और तुम सब भईय्या-बहेनिया हो। 9 और पृथ्वी में कोई के अपनो दऊवा मत कहियो, काहेकि तुमरो एके दऊवा है, जो स्वर्ग में है। 10 और मालिक भी मत कहबईयो, काहेकि तुमरो एके मालिक है, मतलब मसीह। 11 जो तुम में बडो होबे, बौ तुमरो सेवक बनै। 12 जो कोई अपने आपके बडो बनागो, बौ छोटा करो जागो: और जो कोई अपने आपके छोटा बनागो, बौ बडो करो जागो।" 13 "तुम पाखंडी हो, यहूदि नियम के सिक्छक और फरीसी तुमरो ऊपर भयानक हाय! तुमरो मोहों के अगु स्वर्ग राज्य को फाटक बंद है, जो जान की कोसिस करथैं, उनके नाय तौ अंदर जान देथो और ना

खुद जाथौ! 14 पाखंडी यहि नियम के सिक्छक और फरीसी, और एक नगर से दुसरे नगर मैं खदेडत फिरेगे। 35 फलस्वरूप, ऐसे करके धर्मी हाबिल के खून से लैंके बेक्याह को लौडा जकर्याह के खून तक, जोकै तू मंदिर की बेदी के बीच मैं घात करो रहै, निर्दोस खून जो पृथ्वी मैं बहाओ गौ रहै, बौ सब तुमरे ऊपर पड़ेगे। 36 मैं तुमसे सच कहथौ, जे सब बातें जेही पीछी के लोगन ऊपर आए तुमसे सच कहथौ, जे सब बातें जेही पीछी के लोगन ऊपर आए पड़ंगी।” 37 “यस्सलेम, यस्सलेम! तैं जो भविष्यवक्तन के मार डारथैं, और जो तैं झोने भेजे गैं, उनके ऊपर पथरवाह करथैं, किते बार मैं चाहो कि जैसी मुर्गिया अपने बच्चन के अपने परमा तरे इखटो करथैं, बैसिये महुँ तैं बालकन के इखटो कर लियौ, पर तुम ना चाहे। 38 देखौ, तुमरो घर तुमरे ताहीं उजाड छोडो जाथैं। 39 काहैकि मैं तुमसे कहथौ, कि अब से जबले तुम ना कहबैगे, ‘धन्य है बौ, जो प्रभु के नाओं से आथैं’ तौले तुम मोकै फिर कहू ना देखैगे।”

24 जब ईसु मंदिर से निकरके जात रहै, तौ बाके चेला बाकै मंदिर की इमारत की बनावट दिखान के ताहीं बाके झोने आए। 2 “बौ कहै, ‘हैं, “का तुम जौ सब नाय देखथौ? मैं तुमसे सच कहथौ, हीना पथरा से पथरा भी ना छुटैगे, जो गिराओ ना जागो।” 3 जब ईसु जैतून के पहाड मैं बैठो, तौ चेला बाके झोने अलग आयके कहैं, “हमैं बता कि जौ सब कब होगो, और तैं आन को और दुनिया के अंत को का चिन्ह होगो?” (aiōn g165) 4 ईसु उनके जबाब दई, “चहाचितै रहबौ! कोई तुमके ना बहकाबै। 5 काहैकि भौत से ऐसे होगे जो मेरे नाओं से आयके कहमों, ‘मैं मसीह हौ,’ और भौतन के बहकाए देंगे। 6 तुम लडाईयन और लडाईयन की चर्चा सुनैगे; देखौ घबरईयो मति काहैकि इनको होनो जरूरी है, पर बौ समय अंत ना होगो। 7 काहैकि जाति ऊपर जाति, और राज्य ऊपर राज्य चढाई करैगे, और जघा-जघा अकाल पड़ंगे, और भूकंप होंगे। 8 जे सब बात दुखन की सुखात होंगी।” 9 तौ बे कलेस दिबान के ताहीं तुमके पकडबांगे, और मार डारंगे और मेरे नाओं के बजह से सब जाति के लोग तुमसे बैर रखांगे। 10 तौ भौत से ठोकर खांगे, और एक दुसरे के पकडबांगे और एक दुसरे से बैर रखांगे। 11 भौत से झूठे भविष्यवक्ता उठ खड़े होंगे, और भौतन के बहकांगे। 12 और अधर्म के बढन से भौतन को प्यार ठंडो हुई जागो। 13 पर जो आखरी ले धीर धरंगे, उन्हें को उद्धार होगो। 14 और राज्य को जौ सुसमाचार पूरे देस दुनिया मैं प्रचार करो जागो, कि सब जाति मैं गभाई होबै, तौ अंत हुई जागो। 15 “बौ दिन आए रौ है जब तुम देखेगे कि दानिय्येल भविष्यवक्ता के बारे मैं बुरी बात करी रहै, पवित्र जघा मैं निर्बलता को कारड बनन बारी पवित्र चीज।” पाठक ध्यान दें! 16 “तौ जो यहदिया मैं होमैं बे पहाइन मैं भाज जायैं। 17 जो छत मैं होमैं, बे अपने घर मैं से सामान लेन के ना उतरैं। 18 और जो खेत मैं होमैं, बौ अपनो लता लेन के पच्छ ना लौटैं। 19 बे दिनन मैं जो गर्भवती और दूद पिबात होंगी, उनके ताहीं भौत भयानक होगो! 20 और प्रार्थना करौ; कि तुमके जाडे मैं या साबत के दिन भाजन ना पड़े। 21 बौ समय की परेसानी के ताहीं दुनिया की सुखात से लैंके आज ले कहीं भी इतो भयानक ना भौ ना कहू ऐसो कुछ होगो। 22 लेकिन परमेस्वर पहलिये दिनन की संख्या कम कर दई है; अगर बौ ऐसो ना करतो तौ कोई ना बचतो।

हालाकि, अपने चुने भे लोगन के खातिर दिन कम हुई जांगे।” 23 “तौ, अगर कोई तुमसे कहबै, ‘कि देखौ, मसीह हीना है!’ या ‘हूँना है!’ तौ बिस्वास मत करियो। 24 झूठे मसीह और झूठे भविष्यवक्ता दिखाई देंगे; जितनो हुई सकेंगे वे परमेस्वर के चुने भे लोगन के धोका देन के ताहीं महान चमत्कार के ऊपर चिन्ह चमत्कार करेंगे। 25 सुनौ! जौ बात में तुमके समय से पहले बताओ हौं।” 26 “तभई अगर बे तुमसे कहैं, ‘देखौ, बौ बन में है,’ तौ हूँने मत चले जईयो, ‘देखौ, बौ भीतर के कमरा में लुको है!’ तौ बिस्वास मत करियो।” 27 काहैकि इंसान को लौड़ा बौ बिजली के हानी आगो जो अगार से पछार ले पूरे आसमान में चमकथै। 28 “जितै लास होगी, हूँने गिद्धा जुरंगे।” 29 “जल्दिये बे दिनन की परेसानीयो के बाद, सूज अधियारो हुई जागो, जोनी अब नाय चमकैगी, तारा स्वर्ग से गिराय जांगे, और आसमान की सक्ति हिलाई जांगी। 30 तौ इंसान के लौड़ा को चिन्ह आसमान में दिखाई देगो; और पृथ्वी के सबै जाति के लोग रोमंगे काहैकि बे इंसान के लौड़ा के स्वर्ग के बादरन ऊपर सक्ति और महान महिमा के संग आत भै देखंगे। 31 बौ महान तुरहई अब्राज करैगी, और बौ अपने स्वर्गदूतन के पृथ्वी के चारो कोहने में भेज देगो, और बे अपने चुने भे लोगन के दुनिया के एक छोर से दुसरे छोर ले इखटो करेंगे।” 32 “अंजिर के रूखा से जौ कहानी सीखौ जब बाकी हंगईया कोमल हुई जाथैं और पत्ता निकरत रहाथैं, तौ तुम जान लेथौ, कि गर्मी झोने है। 33 जहे तरीका से जब तुम जे सब बातन के देखौ, तौ जान लियौ, कि बौ दिन झोने है, बल्किन ठीक मोहोट के अगु है। 34 मैं तुमसे सच कहथौं, कि जबले जे सब बातें पूरी ना हुई लेंगें, तौले जौ पीठी को अंत ना होगो। 35 आसमान और पृथ्वी टल जांगी, पर मेरे सब्द कहू नाय टलंगे।” 36 “हालाकि, कोई ना जानथै, बौ दिन और घंटा कब आगो, ना तौ स्वर्ग में स्वर्गदूत, और ना लौड़ा, पर सिरफ परम दऊवा। 37 जैसी नूह के दिन रहै, बैसिये इंसान के लौड़ा को भी आनो होगो। 38 बहाड से पहले के दिनन में आदमी खाई-पी, लोग और बईय्यर बिहा करी, बहे दिन नूह बड़ी नईय्यो में गौ; 39 तहुँओ पते नाय चलो कि बहाड आन ले का हुई रौ है और सबै पूरी गै। ऐसोई होगो जब इंसान को लौड़ा आगो। 40 बौ समय दुई जनी खेत में होंगे, एक कै ले लौ जागो और दुसरे कै छोड दौ जागो। 41 दुई बईय्यर चक्की पीसत रहांगी, एक लै लई जांगी, और दुसरी छोड दई जांगी। 42 तभई जगत रहाबो, काहैकि तुम नाय जानथौ कि तुमरो प्रभु कौनसे दिन आगो। 43 पर जौ जान लियौ कि अगर घर को मालिक जानत होतो कि चूटा किते बजे की बेरा आगो, तौ जगत रहातो; और अपने घर में चोरी नाय होन देतो। 44 तभई तुम्हकें तैयार रहबौ, काहैकि जो समय के बारे में तुम सोचतौ ना हौ, बहे समय इंसान को लौड़ा आए जागो।” 45 “फिरौकी, एक भरोसेमंद और दिमाकदार सेवक कौन है? जौ बौ है जोकै बाको मालिक अपने सेवकन को सरदार बनाई, कि समय से उनके खानु देबै? 46 धन्य है, बौ सेवक जोकै बाको मालिक आयकै ऐसोई करत भै पाबै! 47 मैं तुमसे सच कहथौं; बौ बाकै अपनी पूरी सम्पत्ति ऊपर अधिकारी बनागो। 48 पर अगर बौ दुस्ट सेवक अपने मन में सोचन लौं, कि मेरे मालिक के आन में देरी है। 49 और अपने सेवकन के पीटन लौं, और पिबकडन के संग

खबि-पबि। 50 तौ बौ सेवक को मालिक ऐसे दिन आगो, जब बौ बाकै असियात नाय होगो, और ऐसी घडी कि जोकै बौ ना जानत होगो, 51 और बाकै तगडी सजा देंकै, बाको भाग कपटियन के संग ठहरागो: हूँना रोने और दाँत पीसने होगो।”

25 “बौ समय स्वर्ग को राज्य ऐसो होगो। एक बार दस कुवौरी बईय्यर रहैं, जो अपनी तेल की दिया लैकै दुल्हा से मिलन के ताहीं निकरी। 2 उनमें से पाँच बेअकलन और दुसरी पाँच दिमाकदार रहैं। 3 बेअकलन अपनी दिया तौ लई, पर अपने संग तेल नाय लई। 4 पर समझदार अपनी दिया के संग अपनी कुपियन में तेलो भर लई। 5 जब दुल्हा के आन में देर हुई गई, तौ बे सब उँधान लगी और सोए गई। 6 “आधी रात में चहैल-पहैल भइ, कि देखौ, दुल्हा आए रौ है, बासे मिलन के दुओरे चलौ। 7 बहे समय बे सब कुवौरी उठकै अपनी दिया ठीक करन लगी। 8 और बेअकलन समझदारन से कही, ‘अपने तेल में से थोड़ी हमउँ के दियो, काहैकि हमरी दिया बुत रई है।’ 9 पर जो समझदार रहैं बे जबाब दई और कही कि हमरे और तुमरे ताहीं पूरा ना होगो, भलो तौ जौ है कि, तुम बेचन बारेन के झोने जाएकै अपने ताहीं मोल लै लियौ। 10 जब बे मोल लेन के जात रहैं, तौ दुल्हा आए गै, और जो समरी रहैं, बे बाके संग बिहाए के घरे चली गई और फाटक बंद कर दौ गौ।” 11 “जाके बाद बे दुसरी कुवौरीयो आयकै कहने लगी, ‘गुरूजी, गुरूजी, हमरे ताहीं फाटक खोल दे।’ 12 बौ जबाब दई, कि मैं तुमसे सच कहथौं, मैं तुमके नाय जानथौं।” 13 और ईसु तोड निकारी, “देखौ, काहैकि तुम ना बौ दिन के जानथौं, ना बौ समय के।” 14 “बौ समय स्वर्ग को राज्य ऐसो होगो। एक बार एक आदमी रहै जो एक सफर के ताहीं घर छोडन बारो रहै; बौ अपने सेवकन के मस्काई और उनके अपनी सम्पत्ति सौंप दई। 15 बौ अपनी सामर्थ्य के हिसाब से सबन के दई: एक कै बौ पाँच हजार सोने के सिक्का दई, दुसरे कै बौ दुई हजार दई, और तिसरे कै बौ एक हजार दई। फिरौकी बौ अपने सफर में निकर गौ। 16 जो सेवक के पाँच हजार सिक्का मिले रहैं, बौ एकै बार में पाँच हजार पैसा लगाई और पाँच हजार कमाई। 17 बैसिये जो सेवक के दुई हजार सिक्का मिले रहैं, बौ दुई हजार और कमाई। 18 पर जो सेवक के एक हजार सिक्का मिले रहैं, बौ चलो गौ, और जमीन में एक गड्ढा खोदी और अपने मालिक के पैसा लुकाए दई।” 19 “लंबे समय के बाद बे सेवकन को मालिक बापस लौटो और बौ उनसे हिसाब लेन लागो। 20 जोकै पाँच हजार मिले रहैं, बौ पाँच हजार और लायकै कही, ‘मालिक, तैं मोकै पाँच हजार सिक्का सौंपो रहै, देख मैं पाँच हजार सिक्का और कमाओ हौं।’ 21 बाको मालिक बासे कही, ‘धन्य है अच्छो और बिस्वास के काबिल सेवक, तैं थोड़ी मैं बिस्वास के काबिल रहो; मैं तौकै तमान चीजन को हकदार बनांगो। अपने मालिक की खुसी में मिल जा।’ 22 फिरौकी जो सेवक के दुई हजार सिक्का दै गै रहैं, बौ आओ और कही, ‘मालिक तैं मोकै दुई हजार के सिक्का दौ रहै, देख! हीना एक और दुई हजार हैं जोंमें कमाओ हौं।’ 23 बाको मालिक बासे कही, ‘धन्य है अच्छो और बिस्वास के काबिल सेवक, तैं थोड़ी मैं बिस्वास के काबिल रहो, मैं तौकै तमान चीजन को हकदार बनांगो

अपने मालिक की खुसी में मिल जा।' 24 तौ एक हजार सिक्का जोके मिले रहैं, बौ आए के कही, 'मालिक, मैं तोकै जानथौं कि तैं कडक आदमी है; जब तैं पौधा ना लगाथै तहुँओ फसल काटथै, और तैं बौ फसल कै इखटो करथै जितै तैं बीज ना बखेरो रहै। 25 तभई मैं डराय गौ और जाएके तरे सिक्का जमीन मैं लुकाए दौ; देख, जो तेरो है, बौ जौ है।' 26 बाको मालिक बाकै जबाब दई, कि तैं बुरो और आलसी सेवक; जब तैं जौ जानत रहै, कि जितै मैं नाय बोथौं हँना से काटथौं; और जितै मैं नाय बखेरो हँना से बटोरथौं। 27 तौ फिर ठीक है, तोकै मेरो पैसा बैंक मैं जमा करनो चहाईये रहै, और मोकै जौ सब ब्याज समेत बापस मिल जातो। 28 अब, बे सिक्का बासे छीन लियौ, और बाके झोने दस सिक्का हँ, बाकै दै दियौ। 29 जो कोई के पास है बाकै और दौ जागो; और बाके पास भौत हुई जागो: पर जोके पास नाय है, बासे बहो जो बाके पास है छीन लौ जागो। 30 जौ निकम्मो सेवक कै बहार के अधियारे मैं डार दियौ, जितै रोना और दाँत पीसनो होगो।" 31 "जब इंसान को लौड़ा अपनी महिमा मैं आगो, और बाके संग सब स्वर्गदूत आंगो तौ बौ अपनी महिमा कै सिहासन मैं बैठेगो। 32 और सब जाति बाके अगु जुगंगी; और जैसी बरदिया भेड़न कै बकरियन के बच्चा से अलग कर देथै, बैसिये बौ उनके एक दुसरे से अलग करेगो। 33 बौ भेड़न कै अपने दहने और बकरियन कै अपने बाँए रखेगो। 34 तौ राजा अपने दहने घाँई बारेन से कहैगो, 'मेरे परम दऊवा के धन्य आदमियौ, तुम आबौ, बौ राज्य के हकदार हुई जाबौ, जो दुनिया के सुरु से तुमरे ताहीं समारो गौ है। 35 मोकै भूंक लगी रहै, तुम मोकै खानु खाबाए; मोकै प्यास लगी रहै, तुम मोकै पानी पिबाए; मैं परदेसी रहौं, तुम मोकै अपने घरे रखाए। 36 मैं नंगो रहौं, तुम मोकै लत्ता पैहदाए; मैं बिमार रहौं, तुम मेरी खबर लै, मैं कैदखाना मैं रहौं, तुम मोसे मिलन आए।' 37 तौ धर्मी बाकै जबाब देंगे, 'प्रभु हम कब तोकै भूँको देखे और खाबाए? या प्यासो देखे और पानी पिबाए? 38 हम कब तोकै परदेसी देखे और अपने घर मैं रखाए या नंगो देखे, और लत्ता पैहदाए? 39 हम कब तोकै बिमार या कैदखाना मैं देखे और तोसे मिलन आए?' 40 तौ राजा उनके जबाब देगो, 'मैं तुमसे सच कहथौं, कि तुम जो मेरे जे छोटे से छोटे भईयन मैं से कोई एक के संग करे, बौ मेरिये संग करे।' 41 "तौ बौ बाँए घाँई बारेन से कहैगो, 'सापित आदमियौ मेरे अगु से बौ अनंत आमी मैं चले जाबौ, जो सैतान और बाके दूतन के ताहीं तैयार करी गई है। (aiōnios g166) 42 काहेकि मैं भूँको रहौं, और तुम मोकै खान के ना दै, मैं प्यासो रहौं, तुम मोकै पानी ना पिबाए; 43 मैं परदेसी रहौं, तुम मोकै अपने घरे ना स्कन दै; मैं नंगो रहौं, तुम मोकै लत्ता ना पैहदाए; मैं बिमार और कैदखाना मैं रहौं, तुम कब मेरी खबर लै।" 44 "तौ बे जबाब देंगे, 'प्रभु, हम तोकै कब भूँको, या प्यासो, या परदेसी, या नंगो, या बिमार, या कैदखाना मैं देखे, और तेरी मदद ना करे?' 45 तौ राजा उनके जबाब देगो, 'मैं तुमसे सच कहथौं कि तुम जो जे छोटे से छोटे मैं से कोई एक कै संग नाय करे, बौ मेरे भी संग नाय करे।' 46 फिरौकी इनके अनंत सजा भोगने पड़ैगो पर धर्मी हमेसा की जिंदगी पागे।" (aiōnios g166)

26 जब ईसु जे सब बात कह चुको, तौ अपने चेलन से कहेन लगे, 2 "तुम जानथौ, कि दुई दिन के बाद फसह को त्योहार होबैगो; और इंसान को लौड़ा कूस मैं चढाओ जान के ताहीं पकड़बाओ जागो।" 3 तौ मुखिया पुजारी और परजा के बड़े-बूढ़े कैफा नाओ के मुखिया पुजारी के आँगन मैं जुराने, 4 और आपस मैं बतकान लागे कि ईसु कै धोका से पकड़वाए कै मार डारै। 5 "पर बे कहत रहैं, त्योहार के समय नाय; कहीं ऐसो ना होबै कि आदमिन मैं हुल्लड मच जाबै।" 6 जब ईसु बैतनियह मैं सिमोन कोहदी के घरे रहै। 7 तौ एक बईय्यर संगमरमर के बर्तन मैं कीमती इतर लैके बाके झोने आई, और जब बौ खानु खान बैठो रहै, तौ बाके मूड मैं अखनाए दई। 8 जौ देखकै, बाके चेला गुस्सा भै और कहेन लगे, "जौ चीज काहे बरबाद करो?" 9 "जौ अच्छे स्मईया मैं बेचकै गरीबन के बाँटो जाए सकथै!" 10 जौ देखकै ईसु उनसे कही, "जौ बईय्यर कै काहे परेसान करै हो? बौ मेरे संग भलाई करी है। 11 गरीब तुमरे संग हमेसारैहथै, पर मैं तुमरे संग हमेसा नाय रहंगो। 12 बौ मेरी सरिर मैं जो इतर उडेली है, बौ मेरे गाडे जान के ताहीं करी है। 13 अब, मैं तुमसे सच कहथौं, कि पूरी दुनिया मैं जितै कहीं जौ सुसमाचार प्रचार करो जागो, हँना बाके जौ काम की बात बाकै याद करन के ताहीं करो जागो।" 14 तौ यहदा इस्करियोती जो बहारे चेलन मैं से एक रहै, मुखिया पुजारी के झोने जाएके कही, 15 "अगर मैं बाकै तेरे हात पकड़वाए दियौं, तौ मोकै का देगो?" बौ बाकै तीस चाँदी के सिक्का तौल कै दै दई। 16 तौ से यहदा ईसु के उनके हवाले करन कै एक अच्छो मौका ढूँडत रहै। 17 अखमीरी रोटी के त्योहार के पहले दिन चेला ईसु के झोने आयकै बासे पँछी, "तैं काँह चाथै कि हम तेरे ताहीं फसह को खानु की तैयारी करै?" 18 "बौ कही, नगर मैं फलाने के झोने जाएके बासे कह, कि गुरु कहथै, कि मेरो समय झोने है, मैं अपने चेलन के संग तेरे हीना फसह मनांगो।" 19 ईसु जैसी बताई रहै, चेला फसह के खानु की तैयारी करी। 20 जब संजा खिन भइ, तौ बौ बहारे चेलन के संग खानु खान के ताहीं बैठो। 21 जब बे खात रहैं, तौ ईसु कही, "मैं तुमसे सच कहथौं, कि तुम मैं से एक मोकै पकड़बागो।" 22 जौ बात से बे बडा उदास भै, और बासे पँछन लागे, "गुरुजी, का बौ मैं हो?" 23 ईसु जबाब दई, "जो मेरे संग थरिया मैं हात डारी है, बहे मोकै पकड़बागो। 24 जैसी इंसान के लौड़ा के बारे मैं लिखो है, बौ जौ दुनिया से जाथै; पर बौ इंसान के ताहीं भयानक है जोके जरिया इंसान को लौड़ा पकड़बाओ जाथै: अगर बौ इंसान को जनम ना होतो, तौ बाके ताहीं भलो होतो!" 25 तौ बाको पकड़वान बारे यहदा पँछी, "हे रब्बी, का बौ मैं हो?" ईसु जबाब दई, "तैं कह लौ।" 26 जब बे खात रहैं, तौ ईसु रोटी लई, और आसीस माँग कै तोड़ी, और चेलन कै दैके कही, "लियौ, खाबौ; जहे मेरी सरिर है।" 27 फिर बौ कटोरा लई और धन्यवाद करी, और उनके दैके कही, "तुम सब जाँमे से पीबौ, 28 काहेकि जौ मेरो वाचा को खून है, जो म्रिन के ताहीं पापन की माफी के कहु ना पीगो, जबले तुमरे संग अपने दऊवा के राज्य मैं नया ना पीमौ।" 30 फिरौकी बे गाना गायकै जैतून के पहाड मैं गै। 31 तौ ईसु उनसे कही, "आज की रात तुम सब भाज जाबैगो, और मोकै

छोड़ देगे, काहेकि साष्ट्र कह्यै, 'परमेस्वर बरदिया कै मार देगे और झुंड की भैंडे बिगद जांगी।' 32 लेकिन जब मैं जिंदो हुई जांगो, तौ तुमसे पहले गलील जांगो।" 33 पर पतरस बासे कही, "अगर सब तोकै छोड़ै तौ छोड़ै, पर मैं कहू ना छोड़ंगो।" 34 ईसु पतरस से कही, "मैं तोसे सच कह्यौं की आज रात मुर्गा बोलन से पहले तैं तीन बारो कहैगो कि मैं जाकै ना जानयौं।" 35 पतरस जबाब दई, "जौ मैं कहू ना कहेंगो, भलेई मौकै तेंरे संग मरन पड़ै।" और बाकी के चेलो जहे कही। 36 तौ ईसु अपने चेलन के संग गतसमनी नाओ की जघा मैं गौ, और बौ उनसे कही, "मैं हीना बैठकै प्रार्थना कर रौ हौं।" 37 बौ अपने संग पतरस और जब्दी के लौड़ा के लैगो, दुखी और परेसान होन लगो। 38 और बौ उनसे कही, "मेरो मन भौत उदास है, हिंयों ले कि मेरी ज्यान निकरी जाए रई है। तुम हीनै स्कौ, और मेरे संग जगत रहाबौ।" 39 फिर बौ थोड़ी और अगु बढकै मोखरा गिरो, और ऐसे प्रार्थना करन लगो, "मेरे दऊवा, अगर हुई सकै, तौ जौ कटोरा मोसे टल जावै, फिर भी जैसी मैं चाहयौं बैसो नाय, पर जैसी तैं चाहयै बैसो होबै।" 40 फिर चेलन के झोने आयकै उनके सोत भौ पाई, और पतरस से कही, "का तुम मेरे संग घंटा भर ना जग सके? 41 जगत रहाबौ, और प्रार्थना करत रहाबौ, कि तुम परिकछा मैं ना पडो! आत्मा तौ तैयार है, पर सररीर कमजोर है।" 42 फिरौकी बौ दूसरी बार जाएकै प्रार्थना करी, "मेरे दऊवा, अगर जौ मेरे पिये बगैर ना हट सकयै तौ तेरी इच्छा पूरी होबै।" 43 तौ बौ आयकै उनके फिरौकी सोत पाई, काहेकि उनकी आँखी निधानि रहै। 44 और उनके छोड़कै फिरौकी चलो गौ, और बहे बात कहकै, तिसरी बार प्रार्थना करी। 45 तौ बौ चेलन के झोने आयकै उनसे कही, "अब सोत रहाबौ, और आराम करो: देखौ, समय आए पहोंचो है, और इंसान को लौड़ा पापिन के हात से पकड़बाओ जायै। 46 उठौ, चलै; देखौ, मेरो पकड़वान बारो झोने आए पहोंचो है।" 47 बौ जौ कहतै रहै कि, यहदा जो बहरैयन मैं से एक रहै, आओ, और बाके संग मुखिया पुजारिन और आदमिन के बडे-बूढेन के घोंई से बड़ी भीड़, तलवारन और लठियन के लै भै आए। 48 बाको पकड़वान बारो उनके जौ चिन्ह बताए दई रहै: "जोकै मैं चूम लियौं बहे है; बाकै पकड़ लियो!" 49 यहदा तुरंतै ईसु के झोने आयकै कही, "रब्बी, नमस्ते!" और बाकै चुम्मी लई। 50 ईसु जबाब दई, "दोस्त, जो काम के ताहीं तैं आओ है, बाकै कर ले।" तौ बे झोने आयकै ईसु के ऊपर हात डारी और बाकै पकड़ लई। 51 तौ ईसु के संग बारन मैं से एक हात बढायकै अपनी तलवार खींची और बडे पुजारी के सेवक ऊपर चलाय के बाको कान काट दई। 52 तौ ईसु बासे कही, "अपनी तलवार हँनै रख ले काहेकि जो तलवार चलायै, बे सब तलवार से नास करे जांगे। 53 का तैं ना समझयै, कि मैं अपने दऊवा से नहोरे कर सकयौं, और बौ स्वर्गादूतन की बहरै सेना दल से जुटे मेरे झोने हबइ भेज देगो? 54 पर पवित्र साष्ट्र की बे बातैं कि एसोई होनो जरूरी है, कैसे पूरी होगी?" 55 बहे समय ईसु भीड़ से कही, "का तुम तलवार और लठिया लैकै मौकै डॉकुअन के हानी पकड़न के ताहीं निकरे हो? मैं सब दिन मंदिर मैं बैठकै उपदेस देत रहौं, और तुम मौकै ना पकड़े। 56 पर जौ सब तभई भौ है, कि भविष्यवक्ता पवित्र साष्ट्र मैं जो कुछ लिखो है बौ पूरो होबै।" तौ सब चेला बाकै छोड़कै भाज गै। 57 जो आदमी ईसु के गिरफ्तार करी रहैं, बे बाकै कैफा के घेरे, बडे पुजारी के झोने लैगै जितै यहदि नियम के सिक्कन और बडे-बूढे जुराने रहैं। 58 पतरस दूर से बाको पीछा करी जितै ले बडे पुजारी को आँगन रहै बौ आँगन मैं गौ और सिपईयन संग बैठकै जौ देखन लागो कि अब बौ कैसे निकरैगो। 59 मुखिया पुजारी और पूरे बडे सभा के ईसु के मार डारन के ताहीं बाके बिरोध मैं झूठे सबूत ढूँडन लगे। 60 पर भौत से झूठे गभन के आन मैं भी ना पाई, आखरी मैं दुई जनी आए, 61 और कही, "जौ कही कि मैं परमेस्वर के मंदिर के द्वाय सकयौं और बाकै फिर से तीन दिन मैं बनाये सकयौं।" 62 बडो पुजारी ठाड़कै ईसु से कही, "का तेंरे पास जौ आरोप को कोई जबाब ना है?" 63 पर ईसु चुप्पा रहो। तौ बडो पुजारी बासे कही "मैं तोकै जिंदे परमेस्वर की कसम देयौं, कि अगर तैं परमेस्वर को लौड़ा मसीह है, तौ हमसे कहदे।" 64 ईसु बासे कही, "तैं खुद कह दौ; बल्किन मैं तुमसे जहो कहयौं, कि अब से तुम इंसान के लौड़ा के सर्वसक्तिमान के दहने घोंई बैठे, और आसमान के बादर मैं आत देखेंगे।" 65 तौ बडो पुजारी अपने लता फाड़कै कही, "जौ परमेस्वर की बुराई करी है, अब हमकै गभा की कोई जरूरत ना है! देखौ, तुम हबै जौ बुराई सुने हो! 66 तुम का समझयौ?" बे जबाब दई, "जौ मौत की सजा पान के काबिल है।" 67 तौ बे बाके मोहों मैं थकीं और बाकै घँसा मारी, दुसरे चाँटा मारकै 68 कही, "मसीह! हमरे ताहीं भविष्यवाँडी करकै कह कि कौन तोकै मारी!" 69 पतरस बहार आँगन मैं बैठो रहै कि बडे पुजारी की एक सेविका बाके झोने आयकै कही, "तहँ ईसु गलीली के संग रहै।" 70 बौ सबके सामने जौ कहकै मना करी और कही, "मैं ना जानयौं तू का कह रई है।" 71 और जब बौ बहार फाटक के मोहोंट झोने गौ, तौ दुसरी बईय्यर बाकै देखकै उनसे जो हँना रहै कही, "जहो तौ ईसु नासरी के संग रहै।" 72 पतरस फिरौकी जबाब दई, "मैं कसम खायौं कि जौ इंसान के नाय जानयौं।" 73 थोड़ी देर बाद हँना ठाडे भै पतरस के झोने आए। "बे कही, सच मैं तैं उनमें से एक है। काहेकि तेरे बोलन के दंग से पता चल रौ है।" 74 पतरस कही, "मैं कसम खायौं कि मैं सच्ची कहरी हौं! अगर मैं नाय हौं तौ परमेस्वर मौकै सजा देमै! मैं बौ आदमी के नाय जानयौं।" तभईये एक मुर्गा बास दई, 75 पतरस के याद आओ कि ईसु बासे का कही रहै: "मुर्गा बासन से पहले, तैं तीन बार कहैगो कि मोए ना जानयौं।" बौ बहार गौ और बिलक-बिलक के रोन लगो।

27 सुबेरे-सुबेरे सबे मुखिया पुजारी और बडे-बूढे ईसु के मौत के घाट उतारन के ताहीं तरकीब सोची। 2 बे बाकै जंजीरन से भाँद दई, और रोमन राज्यपाल पिलातुस के सौंप दई। 3 जब धोकेबाज, यहदा के मालूम भौ कि ईसु की बुराई करी गई है, तौ बौ पछताई और मुखिया पुजारिन और बडे-बूढेन के तीस चाँदी के सिक्का बापस लौटाय दई। 4 बौ कही, "मैं एक निर्दोस आदमी के खून के धोका दैकै पाप करो हौं!" बे जबाब दई। "हमैं जासे का? जौ तौ तेरो काम है!" 5 यहदा सिक्कन के मंदिर मैं खेप के हँनै छोड़ दई; फिरौकी बौ हँना से चले गौ और फाँसी खाएकै लटक गौ। 6 मुखिया पुजारी सिक्कन के उठाई और कही, "जौ खून को पैसा

है, और जाके मंदिर मैं रखनो नियम के खिलाफ है।” 7 तबई बे कुरेनी इंसान मिलो, और सिपईय्या जबरजती ईसु को क्रूस उठान के विदेसियन के ताहीं दफनान बारी जघा के रूप मैं कुम्हरा के खेत के कहीं। 33 बे गुलागुता नाओं की जघा मैं आए, जोको मतलब है, खरीदन ताहीं पैसा के इस्तमाल करन को फैसला करी। 8 जहे के “खुपडिया की जघा।” 34 हूँना बे ईसु के करवान बारी चीज के बजह से जो जघा के, जहे दिन से “खून को खेत” कहे जाथै। 9 संग दाखरस पिबाई; पर बौ जाके चीखन के बाद नाय पी। 35 बे तो भविस्वयक्ता थिर्याह जो कही रहै, बौ सच मैं पुरो भौ: “बे बाके क्रूस मैं चढ़ाई और फिरौकी पासो खेप के आपस मैं लत्ता बाँट तीस चाँदी के सिक्का के ताहीं, इस्माएल के आदमी बाके ताहीं लई। 36 जाके बाद बे कितउ बैठके बाँए देखत रहै। 37 बाके मूड के भुगतान करन के ताहीं मान गै, 10 और जैसी प्रभु मौके आग्या दई ऊपर बे बाके खिलाप इल्जाम को लिखो भौ परचा लगाई: “जौ ईसु रहै बैसिये उनके कुम्हरा के खेत के मोल दै दई।” 11 ईसु रोमन यहदियन को राजा है।” 38 तौ बे ईसु के संग दुई डकैतन के क्रूस मैं हाक्रीम के अगु ठाड़ो रहै, जो बासे पूँछी। “का तै यहदियन को चढ़ाई, एक बाके दहने और दुसरो बाके बाँए। 39 झोने से गुजरन राजा है? ईसु जबाब दई, तै खुदे कहरो है।” 12 लेकिन बौ मुखिया बारे आदमी अपनो मूड हिलाय और बुराई करत भै ईसु की बेजती पुजारिन और बड़े-बूढ़ेन के दोस लगान पर भी कछ नाय कही। 13 करी: 40 “तै मंदिर के तोड़न और बाके तीन दिन मैं बनान जात तौ पिलातुस बासे कही, “का तै जे सब बातन के नाय सुनथै जो बे रहे! अगर तै परमेस्वर को लौड़ा है तौ खुदके बचा! और क्रूस से तेरे ऊपर दोस लागथै?” 14 लेकिन ईसु एक भी सब्द को जबाब देन से मना कर दई, जोके फलस्वरूप हाकिम भौत चकित भौ। 15 और बड़े-बूढ़े बाको मजाक उड़ाई: 42 “बौ दुसरेन के बचाई, पर हर फसह के त्योहार मैं रोमन हाकिम कोई भी एक कैदी के भीड़ खुदके नाय बचाए सकथै! का बौ इस्माएल को राजा नाय है? अगर के ताहीं छोड़े करत रहै। 43 बौ परमेस्वर के ऊपर भरोसो करथै, और परमेस्वर को लौड़ा होन एक नामी कैदी रहै। 17 जब भीड़ जुरानी तौ पिलातुस उनसे पूँछी, “तुम कौनके चाहथो कि मैं तुमरे ताहीं छोड़ो? बरअब्बा के या ईसु को दाबा करथै। ठीक है, तौ हम देखथे की परमेस्वर बाके बचाथे जो मसीहा कहे जाथै?” 18 बौ अच्छी तरहन से जानत रहै कि कि नाय।” 44 हियाँ ले कि बाके संग क्रूस मैं चढ़े भै डकैतौ बैसिये यहदि नेता ईसु के बाके सौप दई रहै काहिके बे जले करत रहै। 45 दुपारी के पुरे देस मैं कुप अंधियारो छाए बाकी बुराई करी। 46 लमसम तीन बजे ईसु जोड़ से गौ, जो तीन घंटा ले चलत रहो। 47 “हूँना चिल्लाथे कही, “एली, एली, लीमा सबकतनी?” जोको मतलब ठाड़े कुछ आदमी बाके सुनी और कही, बौ एलियाह के बुलाए रौ है।” 48 उनमें से एक तुरंत भाजो, एक सोकता लई, दाखरस मैं डुबाई, सरकंडा की छड़ी के कोने मैं रखी, और बाके पीन ताहीं बनान की कोसिस करी। 49 लेकिन दुसरे कही, “स्क जा, हम देखथै कि का एलियाह बाके बचान के आए रौ है।” 50 ईसु फिर जोड़ से चिल्लाई और अपनी जान छोड़ दई। 51 तौ मंदिर मैं लटको भौ परदा ऊपर से तेरे ले दुई हिस्सन मैं फट गौ। धरती हिल गई, चट्टानें अलग हुई गई, 52 कब्रें खुल गई, और परमेस्वर के तमान पवित्र आदमी जो सरिर मैं मर गै रहै जिंदगी जीन के ताहीं उठ गै। 53 बे कबरन के छोड़ दई, और ईसु मरन के बाद उठे, बे पवित्र सहर मैं गै, जितै निरे आदमी उनके देखी। 54 जब ईसु के देखत पोती सेना को अधिकारी और बाके संग आए सिपईय्या भूकंप और बाकी सब कछ देखी, बे डराय गै और कही, “बौ सचमुच मैं परमेस्वर को लौड़ा रहै!” 55 हूँना निरी बईय्यरे दूर से देखत रहै, जो गलील से ईसु को पीछा करी रहै, और बाकी मदद करी रहै। 56 उनमें मरियम मगदलीनी, याकूब और यूसुफ की अईय्या मरियम और जब्दी की बईय्यर रहै। 57 जब संजा हुई गई, अरिमतियाह को एक सेठ आदमी आओ; बाको नाओ यूसुफ रहै, और बहे ईसु को चेला रहै। 58 बौ पिलातुस के झोने गौ, और ईसु की मृत सरिर के माँगी। 59 तौ यूसुफ बाके सरिर के एक साफ चदर मैं लपटे के लैगौ, 60 और बाके नई कबर मैं धर दई, जोके बे हबइ कुछ दिन पहले ठोस चट्टान मैं खोदी रहै। फिरौकी बौ कबर के मोहोंट मैं एक बड़ो सो पथरा लुढ़काई और

चले गौ। 61 मरियम मगदलीनी और दूसरी मरियम हूँना, कबर के और जो कछु मै आग्या दो हौ बाके मानन कै सिखाबौ। और मै अग्य बैठी रहै। 62 अगले दिन, साबत को दिन रहै, मुखिया पुजारी दुनिया के अंत ले हमेसा तुमरे संग रहांगो।” (aiōn g165) और फरीसी पिलातस से मिले 63 और कही, “गुरुजी, हमै याद है कि जब बौ झूठो जिदो रहै तहुँओं बौ कही रहै, ‘मै तीन दिन बाद जी उठंगो।’ 64 आग्या दे, फिरौकी से तिसरे दिन ले बाकी कबर की ध्यान से रखबारी करन के ताहीं, ताकी बाके चेला सरिर कै चुराय कै ना लै जाए सकैं, और फिरौकी आदमिन से कहमै कि बौ जी उठो है। जौ आखरी झूठ पहले बारे सेऊ बत्तर होगो।” 65 पिलातस उनके बताई “एक सिपईय्या लेबौ,” और “जाबौ जित्तो हुई सकैं कबर की रखबारी करौ।” 66 तभई बे पथरा मै एक मुहर लगाएकै और पहरेदारन कै ध्यान से कबर की रखबारी करन के छोड़ी।

28 साबत के बाद, जैसो की इतवार सप्ताह को पहलो दिन रहै, मरियम मगदलीनी और दूसरी मरियम कबर कै देखन गई।

2 अनकाचीति से एक खतरनाक भूकंप आओ; स्वर्ग से उतरो प्रभु को एक दूत, पथरा कै हटाय दई, और बाके ऊपर बैठगौ। 3 बाको रूप बिजली के हानी रहै, और बाके लत्ता बरफ के हानी सफेद रहै। 4 रखबरेया इते डराने भै रहैं कि बे कप-कपाय गै और बेजान आदमी से हुईगै। 5 स्वर्गदूत बईय्यरन से बतकाई। बे कही, “तुम डराबौ मर्ती, मोए पता है कि तुम ईसु कै ढूँड रहै हो, जौके कूस मै चढ़ाय दौ गौ रहै। 6 बौ हियाँ नाय है; और बे कही, पर अपने बचन के अनुसार जी उठो है। हियाँ आयके देख लियो, जितै बौ लेटो रहै। 7 अब जल्दी जाबौ, और बे चेलन से कहबौ, ‘कि बौ मरे भैन मै से जी उठो है, और अब बौ तुमसे पहले गलील जाएँ है; हूँना तुम बाके देखेगे!’ याद रहबै कि मै तुमके का बताओ हौँ।” 8 तभई बे जल्दी बाजी मै कबर से चले गई, डरानि और खुसी से भरी चेलन कै बतान कै भाज पड़ी। 9 अनकाचीति ईसु उनसे मिलो और कही, “तुमकै सांति मिलै।” बे बाके झोने आए, और घुपटियाय कै, बाकी आराधना करी। 10 ईसु उनसे कही “डराबौ मर्ती, जाबौ और मेरे भईय्यन कै गलील मै जानकै कहबौ, और हूँना तुम मोके देखेगे।” 11 जब भईय्यै अपनी रहा कै चली गई, कबर की रखबारी करन बारे कुछ सिपईय्या सहर बापस चले गै और मुखिया पुजारिन कै जो हूँना भौ रहै सब कछु बताए दई जो भौ रहै। 12 मुखिया पुजारी बडे-बूढेन से मिले और योजना बनाई; बे सिपईय्यन कै भौत स्पईया दई 13 और कही, “तुम कहियो कि बाके चेला रात के समय आए रहैं और जब तुम सोत रहौ तौ बे बाको सरिर चुराय लैगै रहैं। 14 और अगर राज्यपाल कै सुननो चहाईये, हम बाके समझाए देंगे कि तै निर्दोस है, और तुमकै चिंता करन की कोई जरूरत नाय होगी।” 15 रखबरेया पैसा लई और बहे करी जो बाके करन कै कहो गौ रहै। और तभई जौ बात यहूदियन के जरिया आज ले मानी जाए रइ है। 16 ईसु के ग्यारह चेला गलील के बौ पहाड मै गै जितै जान के ताहीं बौ कही रहै। 17 जब बे बाके देखी, बे बाकी आराधना करी, हालाकि उनमै से कुछन कै संका रहै। 18 ईसु झोने जाएकै उनसे कही, “मोके स्वर्ग और पृथ्वी मै सबै अधिकार दै गै हैं। 19 तौ, सब जघा सब आदमिन के झोने जाबौ और उनके मेरे चेला बनाबौ: दऊवा, लौड़ा और पवित्र आत्मा के नाओ से बपतिस्मा देबौ, 20

मरकुस

1 परमेस्वर को लौडा ईसु मसीह के सुसमाचार की सुस्वात। **2** जैसो यसायाह भविस्यवक्ता भविस्यवाँडी करन बारे की किताब में लिखो है “परमेस्वर कही, ‘देख मैं अपने दूत के तेरे अगु पनारथों, जो तेरे ताही रहा सुधारैगो।’ **3** बन मैं एक पुकारन बारे की अबाज सुनाई दई है, ‘कि प्रभु के ताही रहा बनाबो; और बाकी रहा सीधी करौ!’” **4** यहून्ना बन मैं आओ, और बौ प्रचार करके आदमिन से कहेन लागो, “अपने पापन से मन फिराबौ और बपतिस्मा लेबौ तभईये परमेस्वर तुम्हारे पापन से तुम्हें माफ करैगो।” **5** तौ यहूदिया देस के और यरुसलेम सहर के सबे रहेन बारे निकरके बाके झोने आए, और अपने पापन के मानके यरदन नदिया में बासे बपतिस्मा लई। **6** यहून्ना ऊँट के खाल के लता पहनत रहै और अपने करिहाँओं में चमड़ा को कमरबंद भँदित रहत रहै, और बौ टीड़ा और बन को सहद खाए करत रहै, **7** और जौ बात को प्रचार करत रहै, “कि मेरे बाद जो आनबारी है, बौ महुँ से ताकतवर है, मैं लोहोक्के बाके जूता की तनी खोलनौ लायक नाय हौ।” **8** मैं तौ तुम्हें पानी से बपतिस्मा दौ हौ, पर बौ तुम्हें पवित्र आत्मा से बपतिस्मा देबैगो।” **9** बेई दिनन ईसु गलील देस के नासरत नगर से आए के, यरदन नदिया में यहून्ना से बपतिस्मा लई। **10** और जब ईसु पानी से निकरके ऊपर आओ, तौ बौ बहे समय के स्वर्ग खुलत और आत्मा के कबूतर के हानी अपने ऊपर उतरत भौ देखी। **11** और स्वर्ग से एक अबाज आई, “तू मेरो प्रिय लौडा है, तोसे मैं बडा खुस हौ।” **12** तौ पवित्र आत्मा बाके तुरत बन घोंई पनार दई। **13** और बन मैं चालीस दिन ले, सैतान बाके लालच देत रहो। और बौ बन के जानवरन के संग रहो, और स्वर्गदूत बाकी सेवा करत रहे। **14** यहून्ना के पकड़वाए जान के बाद ईसु गलील में आयके परमेस्वर के राज्य को सुसमाचार को प्रचार करी, **15** और कही, “समय पूरा हुई गौ है, और परमेस्वर को राज्य झोने आए चुको है; मन बदलौ और सुसमाचार मैं बिस्वास करौ।” **16** ईसु गलील देस की झील के डीडे-डीडे जात भै, बौ सिमोन और बाके भईय्या अन्दियास के झील में जार डारत देखी; काहेकि बे मछरेया रहै। **17** ईसु उनसे कही, “मेरे पच्छू आबो; मैं तुम्हें परमेस्वर के झोने कैसे आदमिन के लाथैं बौ सिखांगो।” **18** बे तुरतै जार के छोड़के बाके पच्छू हुई लई। **19** और जरा सो अगु पुराके, ईसु जब्दी के लौडा याकूब, और बाके भईय्या यहून्ना के, अपनी नईयों में जार के सुरजात भै देखी। **20** बौ तुरतै उनके मस्काई; और बे अपने दऊवा जब्दी के मजदूरन के संग नईयों में छोड़के, बाके पच्छू हुई लई। **21** तौ फिर ईसु और बाके चेला कफरनहम सहर में आए, और बौ तुरतै साबत के दिन सभाघर में जाँके उपदेस देन लागो। **22** और लोग बाके उपदेस से चौहोंक गै; काहेकि बौ उनके यहूद नियम के सिक्छक के हानी नाय, बल्किन अपने अधिकार से उपदेस देत रहै। **23** और बहे समय, उनके सभाघर में एक आदमी रहै, जोके भीतर प्रेत आत्मा सटकी रहै। **24** बौ चिल्लाए के कही, “हे ईसु नासरी, हमके तोसे का काम? का तू हमके नास करन के आओ है? मैं तौके

जानथौ, तू कौन है? तू परमेस्वर को पवित्र आदमी है!” **25** ईसु बाके झुकाएके कही, “चुपा रहे; और बाके भीतर से निकर जा।” **26** तौ प्रेत आत्मा बाके ऐंठाएके, और बडा जोड से किक्याए के बाके भीतर से निकर गौ। **27** जौ देखके सब जनी चौहोंक गै, और सब आपस में बहस करन लगै, “कि जौ का बात है? जौ तौ अनोखो उपदेस है! बौ तौ अधिकार से प्रेत आत्मा के आग्या देथै, और प्रेत आत्मा बाकी बात मानथैं।” **28** और ईसु को नाओ तुरतै गलील के आस-पास के सबे जघन में फैल गौ। **29** और ईसु तुरतै सभाघर में से निकरके, याकूब और यहून्ना के संग सिमोन और अन्दियास के घेर आओ। **30** और सिमोन की सास ततासेरी से बिमार रहै, और बे तुरतै बासे, बाके बारे में कही। **31** तौ फिर ईसु बाके झोने जाँके बाको हाथ पकड़के उठाई; और बाको बुखार तुरतै उतर गई, और बौ उनकी सेवा-खातिर करन लगई। **32** संजा खिन जब दिन डूब गौ तौ लोग सब बिमारन के और उनके, जोके भीतर प्रेत आत्मा सटकी रहै, ईसु के झोने लाई। **33** और पूरा सहर बाके घर के दुआरे जुराएगौ। **34** और बौ सिन के जो अलग-अलग तरहन की बिमारिन से परेसान रहै, उनके अच्छो करी, और सिरे तरहन के भूतन के निकारी, और प्रेत आत्मा के मसकन तक नाय दई, काहेकि प्रेत आत्मा ईसु के जानत रहै। **35** और भुकभुको होन से भौत अगु, ईसु उठके निकरो, और बन में गौ और बौ प्रार्थना करन लगौ। **36** तौ सिमोन और बाके संग बारे ईसु के दूँडन गै। **37** जब ईसु मिलगौ, तौ बे बासे कही, “सब जनी तौके दूँड रहे हैं।” **38** ईसु उनके जबाब दई, “आबो; आपन और कहँ आसपास के गाँव में चलैं, मैं हँओ प्रचार करंगो, काहेकि मैं जहे ताही निकरो हौ।” **39** और ईसु पूरे गलील में उनके सभाघर में जाए-जाँके प्रचार करतो, और प्रेत आत्मा के निकारे करत रहै। **40** एक कोहड़ी ईसु के झोने आयके, बासे नहोरे करी, और बाके अगु घूँटे टेक के बासे कही, “अगर तू चाहबैगो तौ मोके सुद कर सकथै।” **41** ईसु बाके ऊपर तरस खाँके बाके ऊपर हाथ बढाई, और बाके छुड़ के कही, “मैं चाहथौ कि तू सुद हुई जा।” **42** और तुरतै बाको कोहोड चले गौ, और बौ सुद हुई गौ। **43** फिर ईसु बाके समझाए के तुरंत पनार दई, **44** और बासे कही, “देख, कोई से कछु मत कहिये, और जाँके अपने आपके पुजारी के दिखा, और अपने सुद होन के बारे में, जो कछु मूसा के नियम है, बाके भेट चढा ताकी तेरे अच्छे होन को तू गभा बनै।” **45** पर बौ हँओ से जाँके जौ बात को गजब प्रचार करी और हियाँ तक की ऐसे बात फैलान लगौ की ईसु फिर खुल्लम-खुल्ला नगर में नाय जाए पाई, पर बौ बाहर अलगाँओ जघा में रहत रहै; और लोग सब घाँई से बाके झोने आत रहै।

2 थोड़ी दिन के बाद ईसु कफरनहम सहर में आओ, और ऐसी खबर फैली की बौ अपने घर में है। **2** फिर इत्ते जनी जुराए गै की दुआरे तक जघा नाय मिली; और बौ उनके बचन सुनात रहै। **3** और चार जनी एक फालिस मारे भै बिमार आदमी के उठाएके बाके झोने लै आई। **4** जब बे भीड की बजह से बाके झोने नाय पुरा पाई, तौ बे बौ छत, जोके तेरे ईसु रहै, उत्कार दई; और बाकी खटिया के जोमें फालिस को बिमार आदमी लेतो रहै, बाके हँए से तेरे उतार दई।

5 ईसु उनको ऐसो बिस्वास देखके बौ फालिस के बिमार आदमी से कही, “औरे लौडा, तेरे पाप माफ हुई।” 6 तौ जो हूँआँ पर कुछ यह्दि नियम के सिक्छक बैठे पड़े रहैं, बे अपने-अपने मन में सोचन लागे, 7 “कि जौ आदमी ऐसो कैसे कह सकथै? जौ तौ परमेस्वर की बुराई कर रहो है! परमेस्वर के अलावा और कौन पाप माफ कर सकथै?” 8 ईसु तुरतै अपने मन (आत्मा) में जानगी, की बे अपने-अपने मन में ऐसो सोच रै हैं, और बौ उनसे कही, “तुम अपने मन में ऐसो काहेके सोच रहे हो? 9 आसान का है? का फालिस के बिमार आदमी से ऐसो कहनो कि तेरे पाप माफ हुईंगे, या फिर जौ कहनो, कि उठ अपनी खटिया उठा और नंग? 10 पर जासे तुम जानलेबौ की इंसान के लौडा के दुनिया में पाप माफ करन को भी अधिकार है।” बौ फालिस के बिमार आदमी से कही, 11 “मैं तोसे कहथौं, उठ, अपनी खटिया उठाएँ अपने घरे चले जा।” 12 और बौ उठो, और तुरतै अपनी खटिया उठाएँ सबन के अगु से निकरके चले गौ। ऐसो देखके सब चौहोंक गै, और परमेस्वर की बड़ाई करन लागे, और कहने लागे, “हम ऐसो होत भौ कहुए नाय देखे।” 13 ईसु फिर निकरके गलील झील के टिकारे गौ, और पूरी भीड़ बाके झोने आई, और बौ उनके उपदेस देन लागे। 14 बौ जात भौ हलफई के लौडा लेवी के लगान की चौकी में बैठो भौ देखी, और बासे कही, “मेरे पच्छु हुई ले।” और बौ उठके, बाके पच्छु हुई लई। 15 जब ईसु लेवी के घरे खानु खान के बैठो, तौ निरि जनी लगान लेन बारे और पापी, ईसु और बाके चेलन के संग खानु खान के बैठे; और बे निरि जनी रहैं, और बाके पच्छु हुई लई रहैं। 16 फरीसिन में से और नियम की सिक्छा देनबारे भौत से यह्दि नियम के सिक्छक लोग जौ सब देखके, कि बौ तौ पापी और लगान लेन बारे संग खानु खाए रौ है, बाके चेलन से कही, “बौ काहे लगान लेन बारे और पापिन के संग खानु खाथै?” 17 ईसु जौ सुनके उनसे कही, “अच्छे भलेन के बैध की जरूरत नाय होथै, लेकिन बिमारन के होथै। मैं धर्मिन के नाय, पर पापिन के मस्कान आओ हौं।” 18 यह्न्ना बपतिस्मा देनबारे के चेला, और फरीसी बर्त रखत रहैं, तौ कुछ लोग आयके ईसु से कही, “ऐसो काहे है कि यह्न्ना के चेला और फरीसिन के चेला तौ बर्त रखथैं, पर तेरे चेला तौ बर्त नाय रखथै?” 19 ईसु उनके जबाब दई, “एक बिहा बारे घर में जबले दुल्हा बैरतियन के संग रहथै, का बे बर्त रख सकथै?” और जबले दुल्हा उनके संग है, तोले बे बर्त नाय रखथै। 20 पर बे दिन आंगे, जब दुल्हा उनसे अलग करो जागो; बौ समय बे बर्त रखंगे। 21 “कोरे लत्ता को थिंगरा पुराने लत्ता में कोई नाय लगाथै; ना तौ बौ थिंगरा सुकर के बाँसे से पुराने लत्ता से खीच लेगो, और जो भार है बौ पहले से अगरो फट जाबैगो। 22 नई दाखरस के पुराने मसकन में कोई नाय रखथै, ना तौ दाखरस मसकन के फाड देगी, और दाखरस और मसका दोनों बरबाद हुई जांगे, पर नई दाखरस के नये मसकन में भरो जायै।” 23 ऐसो भौ कि ईसु साबत के दिन खेत से हुईके जात रहै, और बाके चेला नेगते-नेगत बाली तोडन लागे। 24 तौ फरीसी ईसु से कही, “देख; साबत के दिन तेरे चेलन के ऐसो करनो नियम के हिसाब से ठीक नाय है?” 25 ईसु उनके जबाब दई, “का तुम जौ कहुए ना पढे हो कि जब दाऊद के जरूरत पड़ी, और जब बौ और

बाके संग के भूँके भै, तौ बौ का करी रहै? 26 बौ कैसे अबियातार बडो पुजारी के समय, परमेस्वर के घर में भेंट करी भई रोटी खाई, जो रोटी खानो नियम के हिसाब से बडे पुजारी के अलावा कोई नाय खाए सक्त रहै, और बौ अपने संग बारेन के दई?” 27 तौ बौ उनसे कही, “साबत को दिन आदमिन के ताहीं बनाओ गौ है, जौ न कि आदमी साबत के दिन ताहीं। 28 तभईये, इंसानन को लौडा साबत के दिन को भी मालिक है।”

3 ईसु फिर सभाघर में गौ, और हूँआँ एक आदमी रहै, जोके हात में फालिस मार दई रहै, 2 और कुछ लोग ईसु ऊपर इल्जाम लगान के ताहीं बाके ऊपर घात लगाएँके बैठे रहैं, कि देखे तौ, बौ साबत के दिन बाँके अच्छो करथै की नाय। 3 ईसु फालिस मारे भै आदमी से कही, “बीच में ठाड जा।” 4 फिर बौ लोगन से पूँछी, “हमरो नियम साबत के दिन का कहथै? अच्छो करन ताहीं, कि बुरो करन ताहीं? कोई की ज्यान बचान ताहीं या मारन ताहीं?” पर बे सब चुप रहे। 5 ईसु उनको कररो मन देखके उदास हुईके, उनके गुस्सा से सब घाँई देखी, और बौ आदमी से कही, “अपनो हाथ अगु कर।” बौ अगु करी, और बाको हाथ फिर से अच्छो हुई गौ। 6 तौ फरीसी सभाघर से दुआरे जाएँके तुरतै राजा हेरोद के संग ईसु मसीह के खिलाप में सलाह मस्वरा करन लागे कि बाको कैसे करके नास करै। 7 ईसु अपने चेलन के संग गलील झील घाँई चले गौ; और एक बडा बडी भीड़ बाके पच्छु हुई लई; जो कि गलील, यह्दिया, 8 यरुसलेम नगर, इद्मिया परदेस से, और यरदन नदिया के अगार की गधा से, और सूर और सैदा नगरन के आस-पास से आए रहैं। कि ईसु कैसे-कैसे अचम्मे काम करथै, जौ सुनके बाके झोने आए रहैं। 9 और ईसु अपने चेलन से कही, “मेरे ताहीं एक छोटी नईयाँ समारे रखाबौ” ताकी मौके भीड़ चिबदाए नाय पाबै। 10 काहेकि बौ मिरन के अच्छो करी रहै; तभईये जिते जनी बिमारी से दुखी रहैं, ईसु के छन ताहीं मेरे जात रहैं। 11 और प्रेत आत्मा, जब ईसु के देखत रहैं, तौ बाके अगु गिर पडत रहै, और चिल्लाएँ के कहते रहैं की “तू परमेस्वर को लौडा है!” 12 और ईसु प्रेत आत्मा के आग्या दैके कही, कि जौ बात को जिकर कोई से नाय करै। 13 फिर ईसु पहाड में चढगौ, और जोँके बौ चाहत रहै उनके अपने झोने बुलाई; और बे बाके झोने आए। 14 तौ बौ बारह आदमिन के छौंटी और उनके प्रेरित नाओ दई। और उनसे कही “मैं तुमके मेरे संग रहन ताहीं चुनो हौं, मैं तुमके प्रचार करन ताहीं पनारंगो, 15 और प्रेत आत्मा के निकारन को अधिकार तुमरे पास होगो।” 16 बे बारह छौंटे भै प्रेरितन के नाओ जे रहैं: सिमौन जोको नाओ बौ पतरस रखी, 17 और जब्दी को लौडा याकूब और याकूब को भईया यह्न्ना, इन भईयन को नाओ बौ बुअनरगिस मतलब “गरजन को लौडा” रखी; 18 और अन्दियास, और फिलिप्पुस, और बरतुल्मै, और मत्ती, और थोमा, और हलफई को लौडा याकूब, और तै, और सिमौन कनानी, 19 और यह्दा इस्कुरियोती, जो ईसु के बाद में पकडबाई रहै। 20 तौ फिर ईसु घरे आओ: और हूँना पर ऐसी भीड़ जुरानी, कि ईसु और बाके चेला खानु तक नाय खाए पाई। 21 जब ईसु के घर बारे जौ बात सुनी, तौ बे बाँके लेन के चल दई; काहेकि लोग-बाग कहने

डटे रहैं कि, बाकी अकल खराब हुई गई है। 22 थोड़ी यहदि नियम के सिक्छक जो यरूसलेम से आए रहैं, ऐसे कहत रहैं, “की बाके भीतर बालजबूल है,” और बहे अपने अधिकार से प्रेत आत्मा के निकारन के ताही ईसु के ताकत देथै। 23 और ईसु उनके अपने झोने बुलाएकै उनसे कहानी के जरिये कहने लगे: “सैतान के सैतान कैसे निकार सकथै?” 24 और अगर कोई राज्य में फूट पड़ जाबै, तौ बौ राज्य कैसे टिको रह सकथै? 25 और अगर कोई के घर में फूट पड़ जाबै, तौ बौ घर कैसे टिको रह सकथै? 26 और अगर सैतान अपनेई खिलाप हुईके और अपनेई में फूट डारै, तौ बौ कैसे टिको रह सकथै? बाको तौ नामो निसान खतम हुई जातो। 27 “पर कोई इंसान, कोई तगडे आदमी के घर में घुसकै बाको माल जेबर नाय लूट सकथै, जबले की पहले बौ तगडे आदमी के भौंद ना लेबै; तौ जाएके बाको घर लूट पागो।” 28 “मै तुमसे सच्ची कहथौ कि इंसानन की औलादन के सब पाप और बुराई जो बे करथैं, बे माफ करे जांगे, 29 पर जो कोई पवित्र आत्मा के खिलाप बुराई करैगो, बौ अनंतकाल तक माफ न करो जागो: और बौ कहू ना खतम होन बारो पाप को कसूरवार मानो जागो।” (aion g165, aionios g166) 30 ईसु जौ कही, काहैकि बे जौ कहत रहैं, कि “ईसु मैं प्रेत आत्मा है।” 31 तभईये ईसु की अईय्या और बाके भईय्या आए, और दुआरे ठाडकै ईसु के मस्कान ताहीं एक जनी के पनारी। 32 भीड बाके आसपास बैठी रहै, और बे बासे कही, “देख तेरी अईय्या और तेरे भईय्या-बहेनिया तोकै दुआरे ढूँड रहे हैं।” 33 ईसु उनके जबाब दई, “मेरी अईय्या और मेरो भईय्या कौन है?” 34 और जो ईसु के आसपास बैठे रहै, उनके घोंई देखकै बौ कही, “देखो, मेरी अईय्या और मेरे भईय्या जे हैं। 35 परमेस्वर जो कहथै बहे बौ करैगो, बहे मेरो भईय्या, मेरी बहेनिया, और मेरी अईय्या है।”

4 ईसु फिरौकी, गलील झील के डीडे से उपदेस देन लगे: और हूँआँ पर इत्ती भीड लागी कि बौ झील में एक नईयों के ऊपर चढकै बैठगौ, और पूरी भीड झील के डीडे में ठाडी रइ। 2 और ईसु उनके कहानी के जरिये भौत सी बात सिखान लग्यो, और अपने उपदेस के जरिये उनसे कही, 3 “सुनौ! एक बीज बोन बारो बीज बोन ताहीं निकरो। 4 बीज बोत पोती थोड़ी रहा किनारे गिरो और चिरईयों आयकै बाकै चुग लई। 5 थोड़ी पथरिया बारी जमीन में गिरो जहाँ बाकै अगरी मटी नाय मिलपाई, और गहरी मटी नाय मिलन से बीज जल्दी जमैआओ, 6 और जब दिन निकरो तौ भुसँ गौ, और जड न पकडन से सुख गौ। 7 थोड़ी झाडी में गिरे, और झाडी बडी हुईके बीज के दबाय दई, और बे फल-फल नाय पाई। 8 पर कुछ बीज अच्छी जमीन में गिरे, और बे जमै और खूबे फल लाई; कोई तीस गुना, कोई साठ गुना और कोई सौ गुना फल लाई।” 9 तौ ईसु कही, “जोके कान होमैं, बौ सुन लेबै।” 10 जब ईसु अकेलो रहगौ, तौ बाके बारह प्रेरित बासे बौ कहानी के बारे में पूँछी। 11 ईसु उनसे कही, “तुमकै तौ परमेस्वर के राज्य के भेद की समझ दई गई है,” पर बाहर बोरन के कहानी के जरिये समझाओ जाथै, 12 तभईये तौ, “उनकै सुजात तौ है लेकिन उनके सुजाई ना देखै; बे सुनत तौ हैं, लेकिन कछुए समक ना पाथैं। एसो ना होबै, कि बे फिरै

और माफी पाए जायें।” 13 फिर ईसु उनसे कही, “का तुम जौ कहानी नाय समझपाए? तौ फिर और सबे कहानिन के कैसे समझेंगे? 14 बोन बारो परमेस्वर के बचन के बोथै। 15 जौ रहा किनारे के हैं जहाँ बचन बोओ जाथै, जे बे हैं कि जब बे बचन के सुनी, तौ सैतान तुरंत आयकै बचन के जौ उनमें बोए गौ रहैं, उठाए लै जाथै। 16 बैसिये जौ पथरिया बारी जघा में बोए जाथै, जे बे हैं जौ बचन के सुनकै तुरंत खुसी से अपनाय लेथैं। 17 पर अपने भीतर टिकाउ जड ना होन की बजह से बे थोडिये दिन के होथैं; जाके बाद जब बचन के बजह से उनमें दुख और कलेस होथै, तौ बे तुरतै पच्छ ओहोर जाथैं। 18 जौ झाडी में बोए गै, जे बे हैं जौ बचन के सुनी, 19 और युग भर की फिकर, और धन को धोका, और चीजन को लालच उनमें समाएकै बचन के दबाय देथैं और बौ (फल नाय देन बारो) रह जाथै। (aion g165) 20 और जौ अच्छी जमीन में बोए गै, जे जे हैं जौ बचन सुनकै अपनाथैं और फल लाथैं: कोई तीस गुना, कोई साठ गुना और कोई सौ गुना।” 21 ईसु उनसे कही, “का दिया के जहे ताहीं लाथैं कि छपरिया या खटिया के तरे रखो जाबै? का जौ ताहीं नाय कि डीट में रखो जाबै? 22 एसो कछु नाय है, जौ लुको है और खुलो न जाबेगो और ना कछु लुको है, जौ उजियारे में ना लाओ जागो। 23 अगर कोई के सुनन ताहीं कान होमैं, तौ बौ सुन लेबै।” 24 फिर बौ उनसे कही, “ध्यान से सुनौ! जौ नपना से तुम नापथौ बहे से तुम्हऊँ के नापो जागो, और तुमकै अगरो दौ जागो। 25 जोके झोने हैं, बाकै और दौ जागो; और जोके झोने नाय है, बासे बहो जौ बाके झोने हैं, लै लौ जागो।” 26 फिर ईसु कही, “परमेस्वर को राज्य बौ आदमी के हानी है, जौ जमीन में बीजन के छिटक दई, 27 और रात में जाएके सोए गौ, सुबे बौ उठकै देखी कि बीज जमकै निकर रौ है, कैसे निकर रौ है, जौ बौ खुद नाय जानथै। 28 जमीन अपने आप जमाथै, सबसे पहले नकुवा, फिर बाली, और बाके बाद बालिन में दाने। 29 और जब दाने पक जाथैं, बौ बिना देरी करे दराती से काट लेथै, काहैकि बाकी फसल तैयार है।” 30 फिर बौ कही, “परमेस्वर के राज्य की बराबरी कौन से करी जाए सकथै?” और कौनसी कहानी के जरिये जाकी बात बताई जाए सकथै? 31 “बौ राया के गूदा के हानी है: जब जमीन में बोओ जाथै तौ जमीन के सबै गूदन से छोटो होथै, 32 लेकिन जब बोओ गौ, तौ जमकै बौ सब सागपातन से बडो हुई जाथै, और बाकी ऐसी बडी हँगईय्या निकरथैं कि आसमान की चिरईयों बाकी छौँई में घोंसला बनाएकै रह सकथैं।” 33 ईसु निरेन के कहानी बताए-बताए के उनके बचन सुनाए करत रहे, ताकी बे समझ पायें। 34 और बिना कहानी के, बौ उनसे कछुए नाय कहत रहे; पर बौ अलग्योंओं में अपने खुद के चेलन के सब बातन को मतलब समझात रहे। 35 बहे दिन जब संजा भइ, तौ बौ चेलन से कही, “आबो, आपन झील के बौ पौजर चलै।” 36 और बे भीड के छोडके, ईसु के नईयों में संग लै चल दई; और बाके संग औरौ नईयों रहैं। 37 तौ अनकाचीति एक बडी आँधी आई, और लहँरे नईयों में ऐसी टक्कर खायें, कि पानी से नईयों भरी जाबै। 38 पर ईसु नईयों के पच्छ के सिरा में तकिया लगाएकै सोत रहे। तौ ईसु के चेला जाएके कही, “गुरुजी, का तोकै फिकर नाय है कि हम डूबे जाएँ रे?” 39 तौ फिर ईसु उठकै आँधी

कै आग्या दई, और पानी से कही, “सांत हुई जा, स्क जा!” और आँधी स्क गई और सब घोंई सांति छाप गई। 40 और बौ अपने चेलन से कही, “तुम काहे डरायौ? का तुमकै हबे तक बिस्वास नाय है?” 41 बे गजबै डराय गै और आपस में बतकाई, “जौ कौन है कि आँधी और पानी की लहरें जाकी बात मानयै?”

5 ईसु और बाके चेला गलील झील के पच्छू गिरासेनियों नाओ के देस में गै, 2 जब ईसु नईयों में से उतरो तौ तुरतै एक आदमी जोके अंदर प्रेत आत्मा रहै, कबर में से निकरो और ईसु से मिलो। 3 बौ मरघटान में रहत रहै और बाकै साँकर से कोईये नाय भौंद पात रहै, 4 काहेकि बाकै निरे बार जंजीर और बेडियन से भौंदो गौ रहै, तहुँओ बौ साँकर और बेडियन के कछुए नाय समझत रहै सब तोड़-ताड़ के टुकड़ा-टुकड़ा कर देत रहै, और कोई के पास बाकै बस में करन ताहीं सक्ति नाय रहै। 5 बौ दिन-रात कबर और पहाड़न में चिल्लात फिरत रहै, और अपने आपके पथरन से चोट पहोंचात रहै। 6 बौ ईसु के दूरे से देखकै दौडो, बाकै घुपटियाय के नमस्ते करी, 7 और खब जोडन से चिल्लाए कै कही, “ईसु, परमप्रधान परमेस्वर को लौडा, तोकै मोसे का काम? मैं तोकै परमेस्वर के नाओं से नहोरे करथौ कि मोकै सजा मत देबै।” 8 काहेकि ईसु कही रहै, “प्रेत आत्मा, जौ आदमी में से निकर जा!” 9 ईसु बासे पूँछी, “तेरो नाओ का है?” आदमी जबाब दई, “मेरो नाओ पलटन है; काहेकि हम निरे हैं।” 10 और बौ ईसु से बडा नहोरे करी, “हमकै जौ देस से जान मत कहबै।” 11 उतै पहाड़ में सोरन को बडा भारी झुंड चुगत रहै। 12 प्रेत आत्मा ईसु से नहोरे करकै कही, “हमकै सोरन के भीतर भेज दे।” 13 ईसु प्रेत आत्मा से कही और प्रेत आत्मा निकरकै सोरन के अंदर समाए गै और झुंड, जो करीब दूई हजार रहै, ढाव से झिपटाए कै झील में जाए गिरे और डूबकै मर गै। 14 उनके बरदिया भाजत-भाजत नगर और गाँवन में सब किस्सा कह सुनाई, और जो भौ रहै, सब जनी देखन आए। 15 बे ईसु के झोने आयकै जोके भीतर प्रेत आत्मा की पलटन रहै बाकै लत्ता पहने और सांत बैठे देखकै डराय गै। 16 जोकै प्रेत आत्मा पकडी रहै और सोरन के संग जो कछु भौ रहै देखन बारे जौ सब देखकै हुँआँ के आदमिन कै सब कछु कह सुनाई। 17 तौ बे सब जनी ईसु से नहोरे करकै कही की तैं हमरी हद से चलो जा। 18 जब बौ नईयों में चढन लगे तौ जोके अंदर प्रेत आत्मा रहै, ईसु से नहोरे करन लागो, “मोकै अपने झोने रहेन दे।” 19 पर ईसु बाकै मना करी, और बासे कही, “अपने घरे जा और सब जनिन कै बता। कि तेरे ऊपर दया करकै प्रभु कितनो बडो काम करी है।” 20 बौ जाएकै दिकापुलिस में जौ प्रचार कै फैलान लागो कि ईसु मेरे ताहीं किते बडे काम करी है; और सबै सुनकै अचम्मो करी। 21 जब ईसु नईयों से झील के बौ पाँजर गौ, तौ झील के किनारे एक भारी भीड़ बाके झोने जुराए गई। 22 याईर नाओं को आदमी जो सभाघर को मुखिया में से एक रहै आओ, और बाकै देखकै बाके पाँव में गिर गौ, 23 और जौ कहकै बासे नहोरे करी, “मेरी छोटी लौडिया मरन पडी है; तैं आयकै बाके ऊपर हात रख कि बौ अच्छी हुईकै जिंदी रहबै।” 24 तौ, बौ बाके संग जान लगे और पूरी भीड़ बाके पच्छू हुई गई; हिंयों तक कि लोग बाके ऊपर

गिरागिर करै। 25 एक बईय्यर रहै, जोकै बाह साल से खून बहेन की बिमारी रहै। 26 बौ निरे बैधिन कै दिखाए डारी रहै, और अपनो सबै स्पईया-पैसा उठाए डारी रहै तहुँओ कछु आराम नाय मिलो, लेकिन औरो जाधे बिमार हुई गई रहै। 27 बौ ईसु के बारे में सुनी रहै जहे बजह से भीड़ कै हटात भइ पच्छू से आयकै बाके लत्ता कै छुइ, 28 काहेकि बौ अपने आपकै कहत रहै, “अगर मैं बाके लत्ता कै छुइ लेगो, तौ अच्छी ही जांगो।” 29 और तुरतै बाको खून बहनो बंद ही गौ, और बौ अपनी सरीर में महसूस कर लई की मैं बौ बिमारी से ठीक ही गौ हौ। 30 तुरतै ईसु के भीतर से सामर्थ्य निकरी, तौ बाकै पता लग्यो कि, कोई तौ मोकै छुओ है। और पच्छू घूमकै भीड़ से पूँछी, “मेरो लत्ता कौन छुओ है?” 31 बाके चेला जबाब दई, “तैं तौ देखिये रौ है कि तेरे ऊपर भीड़ गिरी जाए रइ है, तहुँओ तू कहयै कि मोकै कौन छुओ?” 32 पर मेरे लत्ता कौन छुओ देखन ताहीं सब घोंई देखन लगे। 33 बौ बईय्यर सोची मेरे संग अच्छोई भौ है, तौ डरात और थरथरात भइ आई, और बाके गोडे में गिरकै सब कछु उनके सच-सच कह सुनाई। 34 ईसु बासे कही, “मेरी लौडिया, तेरो बिस्वास तोकै अच्छो करी है: सांति से जा, और जौ बिमारी से बची रहिये।” 35 ईसु जौ कहतै रहै तभईये सभाघर को मुखिया के घर से कोई आदमी आयकै कही, “तेरी लौडिया तौ मर गई, अब गुरूजी के काहे दुख दे रौ है?” 36 जो बात बे कहत रहै, बौ बात कै ईसु ना सुनी, सभाघर के मुखिया से कही, “मत डराबै; सिरफ बिस्वास कर।” 37 और बौ पतरस और याकूब और याकूब को भईय्या यहन्ना कै छोड, और कोईयन के अपने संग नाय आन दई। 38 जब बौ मुखिया के घरे पहोंचो तौ हँना बैठे भैन के रोबा पिटाउ करत देखी। 39 तौ बौ भीतर जाएकै उनसे कही, “तुम काहेंके रोट और हल्ल गदड मचाथौ? लौडिया तौ मरिये नाय है, बौ सोए रइ है।” 40 लेकिन हँना पर जो आदमी रहै बाके ऊपर हसन लागे, तभईये बौ सबन के दुआरे भजाए दई सिरफ लौडिया के अईय्या-दऊवा और अपने तीन चेलन संग घर के भीतर जितै लौडिया लेटी रहै, झोने गै। 41 और लौडिया को हात पकडकै कही, “तलीता क्यूमी” जोको मतलब है, “ओ छोटी लौडिया, मैं तोसे कहथौ, उठ!” 42 और लौडिया उठकै नेगन लगी; बौ बारह साल की रहै। जौ देखकै सबै चौहोंक गै। 43 फिर बौ उनके चहाचीतो करकै कही कि जौ बात कोईये के नाय पता चलै और कही, “जाकै कछु-कछा खान के दियो।”

6 फिरौकी ईसु बौ जघा कै छोडकै अपने सहर कै चल पडो, बाके चेलौ बाके संग रहै। 2 साबत के दिन सभाघर में उपदेस देन लगे, और भीत से आदमी सुनकै चौहोंक गै और कहने लगे, “जाकै इत्ती बढिया-बढिया बात कितै से आए गई?” जाकै इतनी अकल कहाँ से आए गई? जौ इतने सामर्थ्य के काम कैसे करकै करो? 3 का जौ बहे बढईया ना है, जो मरियम को लौडा, और याकूब, योसेस, यहूदा और सिमौन को भईय्या है? का बाकी बहेनिया आपनै संग गाओ में नाय रहथै? बे ईसु के अपनाईये ना पायें। 4 फिर ईसु उनसे कही, “भविष्यवक्ता के अपने घर, गाओ-सहर, और अपने हितुआ, और कुरमन कै छोडकै और कहए अनादर ना होयै।” 5 ईसु हुँआँ

जाधे सामर्थ्य के काम करिये ना पाई, कतई जराएक आदमिन के मंगवाए दे।” 26 जौ सुनके राजा को मोहों पुस्कियाए गौ, लेकिन ऊपर हात रखके बिमारिन से अच्छे कर पाई। 6 बौ उनको कतईये अपना जो कसम हितुअन के अगु दई रहे बाकी बजह से मना ना कर पाई। 27 राजा तुरते एक जल्लाद से कही कैदखाना मैं जा और सिक्का देत भै घुमन लगे। 7 ईसु अपने बारह चेलन के अपने झोने यहन्ना की मुडिया काटके लैयाबौ। 28 बौ ताराबास मैं जाएके बाको ब्लाई और दुई-दुई करके भेजन लगे; बौ उनके प्रेत आत्मा के ऊपर मूड काटी, और एक थरिया मैं धर लाई और लौडिया के दई, और अधिकार दई, 8 और एक भौत जरूरी बात समझाई, “तुम अपने लौडिया रइ सो अईय्या के दै दई। 29 जो भौ रहे सुनके यहन्ना के संग एक लठिया के अलावा कुछ मत लियो। ना तौ रोटी लियो, ना झोला, ना गोझा मैं स्मईया-पैसा। 9 तुम चप्पल तौ पहनियो पर दुई चेला आए, और यहन्ना के सरर के लै जाएके कबर मैं दफनाए दई। 30 जोडी कुरता मत लियो।” 10 और बौ उनसे कही, “चौहे जोसे घर सिखाई, सब कुछ ईसु के बताई। 31 ईसु उनसे कही, “आबौ आपन मैं तुम रहबौ, हूँना से ना जान तक हूँन रहियो। 11 जो गाँव के आदमी एक अलग्योंओ जघा मैं जाएके थोड़ी देर सैताए लेमैं।” काहेकि तुमके ना अपना मैं और तुमरी एकौ ना सुँन, तौ तुम हूँआँ से नेंगते हूँआँ भौत आदमी आन जान लग गे रहै, और उनके तौ खानौ की खिना अपनी टाँग के तरबन से धुदर झार दियो, बौ उनके ताहीं संकता ना रहै। 32 तभई के मारे बे नईयाँ से, अलग्योंओ सुनसान चितौनी होगी।” 12 फिर बे हूँना से चले गे। और बे पापन से मन जघा मैं चले गे। 33 बहे समय निरि जनी उनके जात देख डारी और बदलन ताहीं प्रचार करन लगे। 13 बे भौत आदमिन के प्रेत आत्मा जानगै कि जे बेई हैं, और सब नगरन से जुराए के नेंगते-नेंगत ईसु से छुड़ाई और भौतन के जो रोगी रहैं उन्हें जैतन को तेल लगाएके और बाके चेलन से पहलिये पौहौच गे। 34 ईसु नईयाँ में से उतरिये अभिसेक करके अच्छे करी। 14 राजा हेरोद जब ईसु के बारे में पाई रहै कि बड़ा जोड भीड देखी, और बाँके भीड ऊपर बड़ा तरस सुनी; बौ समय ईसु को नाओ भौत फैल गौ रहै। कुछ जनी कहत रहैं आओ, काहेकि बे उन भेडन हानी रहैं, जिनकी देखाभारी करन बारो “बपतिस्मा देन बारो यहन्ना मेर भेन मैं से जिंदो ही गो है, तभईये बौ कोईये ना रहै: फिर बौ उनके निरी बात सिखान लगे। 35 जब दिन जे सामर्थ्य के काम करथै।” 15 दुसरे आदमी कहत रहैं, “कि बौ जराएक बचो, तौ बाके चेला बासे कहेन लगे, “जौ बड़ा सूनी जघा एलियाह भविस्वक्ता है।” थोड़ी आदमी और कहैं, कि ना! है, और दिनौ जराएक बचो है। 36 उनके पनार दे कि बे इतै-उतै गाँव “जौ पुराने जमाने को कोई भविस्वक्ता है।” 16 इन सबन की बात और बस्तियन मैं जाएके कछ-कछा मोल लैके खाएलेमैं।” 37 ईसु जब राजा हेरोद सुनी, तौ बौ कही, “बपतिस्मा देन बारो यहन्ना, जो उनके जबाब दई, “तुम्हई उनके खान के देबौ।” बे ईसु से कही, की गरदन में कटबाओ रहौं, बहे जिंदो हुई गो है।” 17 काहेकि हेरोद “का हम दुई सौ चाँदी के सिक्का कि रोटी मोल लैके खान के खूदे यहन्ना के बंधी बनान और कैदखाना मैं डारन ताहीं हुकम दई देमैं?” 38 ईसु उनसे कही, “जाएके देखौ तौ, तुमरे झोने कितका रोटी है?” फिरौकी पूँछ-पाँछ के बे कही “पाँचे रोटी और दुईये मच्छी है।” 39 फिर ईसु चेलन से कही, “जौ हरी-हरी घाँस मैं बहे की बजह से, बाँके आदमिन से पकड़बाई और कैदखाना मैं सबन के लैनबार से बैठार देबौ।” 40 तभईये बे सौ-सौ, पचास-डरबाए दई रहै; हेरोद हेरोदियास के बिहाए लई रहै। 41 बौ पाँच रोटी और दुई मच्छी के लैके, ऊपर स्वर्ग के घाँई देखी और धन्यवाद करी, और रोटियन के लैके, ऊपर स्वर्ग के घाँई देखी और धन्यवाद करी, और रोटियन के तोड़के चेलन के देत गो, ताकी बे सब जनिन ताहीं परसा परसैं, और बे दुई मच्छी सबन के बाँट दई। 42 सब जनी खूबे छक के खिए लई। 43 और फिर बाके चेला मच्छी और रोटी की बहारै छपरिया बची भई उठाई। 44 जिते जनी खाई, उनमैं खाली लोग पौंच हजार रहै। 45 फिर ईसु चेलन से कही जल्दी-जल्दी नईयाँ से तुम झील के बौ पौंजर बैतसेदा गाँव चले जाबौ, तोले मैं भीड पनार लेमौ। 46 उनके पनारके ईसु पहाड मैं प्रार्थना करन चले गौ। 47 जब संजा खिन ही गई तौ नईयाँ झील के बीच-बाच रहै, खाली ईसु इकल्लो डीडे में रहै। 48 जब बौ देखी कि चेला पतवार चलात-चलात थक गे हैं, काहेकि ब्यार उल्टा उन्हई घाँई चलै, तौ तीन से छ: बजे के करीब मैं भुकभुको होन से पहले बौ पानी के ऊपर नेंगत भै चेलन के झोने आओ; और बौ चेलन से अगु जान ताहीं करै, 49 लेकिन बे बाँके पानी ऊपर नेंगत देखके डराय गे और चिल्लाए पड़े, उनके लगे की भूत है। 50 बे सबे ईसु के देखके डराय गे रहैं, लेकिन ईसु जल्दी से उनसे बात करन लगे और कही, “बपतिस्मा देनबारो यहन्ना की मुडिया।” 25 बौ तुरते राजा झोने “हिम्मत भाँदो: मैं हौं; डराबौ मति!” 51 फिर ईसु उनके झोने नईयाँ बापस आई और बासे नहोरे करी, “मैं चाहथौ कि तैं कतई अभईये “हम्मत भाँदो: मैं हौं; डराबौ मति!” 51 फिर ईसु उनके झोने नईयाँ यहन्ना बपतिस्मा देनबारो की मुडिया कटवाए के एक थरिया मैं मैं आए गौ, और ब्यारी स्क गई: और बे बड़ा अचम्मो करै। 52 बे

कुछ समय पहले की पाँच हजार लोगन के रोटी खबान की बात ना समझ पाई रहैं, काहैकि उनके मन करे ही गै रहैं। 53 ईसू झील के बाँ पौजर जाएँ गन्नेसरत परदेस समुंदर के डीडे में पुगे, और नईयाँ के डीडे में करी और बाँद दई। 54 और जब बे नईयाँ में से उतरे, तौ आदमी तुरैं उनके जानगै, 55 बाँ परदेस के सब घाँई जाए-जाएँ, बे जितने बिमार रहैं; उनके खटिया में लिटाए कै, जितै-जितै ईसू मसीह की खबर मिले बे उतई-उतई लै-लै फिरैं। 56 और जितै कहँ बाँ गाँव, नगरन और बास्तियन में जात रहैं, तौ आदमी बिमारन के बजारो में लै चले जात रहैं और बासे नहारे करके कहत रहैं कि तैं अपने लत्ता के कुंछ के छून दे: जिते बाँके छूत रहैं, सबे अच्छे ही जात रहैं।

7 तौ फरीसी और एक काद यहूदि नियम के सिक्छक जो यरूसलेम नगर से आए रहैं, ईसू झोने चुराए गै, 2 और बे बाँके कुछ चेलन के रीत के हिसाब से छिया-पछारे हातन से खानु खात भइ देखी, बे फरीसियन के कहेन के हिसाब से खान से अगु हात नाय धोई रहैं। 3 काहैकि बे फरीसी और यहूदि जाति के लोग रहैं, बे अपने पुरखन की रीत रबईया मानकै ही चलत रहैं, बे जबले खूबे अच्छे से हात नाय धोए लेते तौले खानु ना खात रहैं। 4 बजार-घाट से आए कै, बिना हंदाए धोए तौ खानु खाते ना रहैं; औरौ दुसरी परम्परा माने करत रहैं, जैसे कटोरा, लोटा, फूल के बर्तन और खटिया कै मौजना-धोना। 5 तभई के मारे फरीसी और यहूदि नियम के सिक्छक ईसू से पूँछी, “तेरे चेला काहैके पुरखन की रीत रबईया कै ना मानथैं, और रीत के हिसाब से छिया-पछारे हातन से खाए लेथैं?” 6 इतका कहतै खिना ईसू बोल उठो, “यसायाह भविस्वयक्ता जो रहै बाँ तुम कपटियन ताहीं कतईये ठीकै-ठीक भविस्वयवाँडी करी है” जैसे कि लिखो पडो है: “जे आदमी, मोहों से तौ मेरो आदर करथैं, लेकिन उनको मन तौ मोसे लगेई ना है। 7 उनके मेरी उपासना करके कोई फायदा ना है, कैसे बे इंसानन की बनाई भइ बातन के परमेस्वर को नियम करके सिखाथैं।” 8 “काहैकि तुम तौ परमेस्वर के आग्या कै टालमटोल करके इंसानन की रीत-रबईयन कै मानत रहथौ।” 9 बाँ दोहराए कै उनसे कही, “तुम तौ अपनी रीत मानन ताहीं परमेस्वर के आग्या कै एक घडी में टाल देथौ! 10 जौ बात मूसा नाओं को भविस्वयक्ता हुकम दै रखाई है, ‘अपने अईय्या-दऊवा को आदर करिये,’ और ‘जो कोई अपनी अईय्या-दऊवा कै भलो-बुरो कहबै, बाँ सच्ची में मरिये जाबै।’ 11 लेकिन तुम तौ कहथौ कि अगर कोई इंसान अपने अईय्या-दऊवा से कहबै कि तोकै मोसे जो मदत होने रहै, बाँ तौ दान है, मतलब जौ परमेस्वर को है। 12 तौ-तौ बे उनके अईय्या-दऊवा की सेवा साति करन ताहीं कतईये मनै कर देथैं। 13 जहे की बजह से तुम अपनेई रीत-रबईया से परमेस्वर की बात कै टाल देथौ। और ऐसियै तुम भौत कछु करथौ।” 14 तौ ईसू सबन कै अपने झोने बुलाएकै कही, “तुम सब जनी मेरी सुनौ और समझौ। 15 ऐसी कोई चीज हईये नाय जो इंसानन कै बाहर से भीतर जाएँ गंदो करै, बल्किन जो चीज इंसानन के भीतर से निकरथै, बहे बाँके गंदो करथै।” 16 जो-जोके सुनन के कान हैं बाँ सुन लियै। 17 जब बाँ भीड़ छोड़के घरे गौ, तौ बाँके चेला बाँ कहानी के बारे में पूँछन लगे।

18 तौ बाँ उनसे कहेन लगो कि “तुम्हँ ना समझपाए का? का तुम ना जानथौ? कि जो चीज इंसान के भीतर जाथै, बासे बाँ असुद्ध ना होथै। 19 काहैकि बाँ तौ पेट में जाएँक सरीर से मल के जरिये निकर जाथै बाँ मन में थोड़ी ना रहथै जौ सब कछु कहकै बाँ सब खानबारी चीजन के साफ बताई।” 20 फिर बाँ कहेन लगो, “जो कछु इंसानन के भीतर से निकरथै, बहे से बाँ गंदो, होथै। 21 काहैकि इंसानन के भीतर सेई मन में बुरी-बुरी सोच, छिनरइपना, चोरी करनो, मार डारनो, 22 व्यभिचार, लालच, सबे तरहन के बुरे काम, छल-कपट, असलीलता, चिड़नो, बदनामी करनो, गुमान करनो, और मूर्खता की बात निकारनो। 23 जे बाँतें मन के भीतर सेई निकरथैं और इंसानन के असुद्ध करथैं।” 24 फिरौकी ईसू उतै से सर नाओं के देस में आओ; और एक घर में चले गौ, पर बाँ ना चाहत रहै कि कोई बाँके देखे; लेकिन बाँ अपने आपकै लुकाईये ना पाई। 25 और तभई एक बईय्यर आई, जोकी छोटी लौडिया के अंदर प्रेत आत्मा रहै, बाँ ईसू के बारे में सुनके बाँके झोने आई, और पाँव लागी। 26 बाँ यूनानी और सुसफिनीकी जाति की बईय्यर रहै। बाँ बासे नहारे करी कि मेरी लौडिया के अंदर से प्रेत आत्मा निकार दे। 27 ईसू बाँ बईय्यर से कही, “पहले बालकन के तौ खाए लेन दे, काहैकि उनको परसो भौ परसा उनसे छीन कै कुतन के देनो ठीक ना समझथौ।” 28 पर बईय्यर कही, “सच्चियै बात है प्रभु, तहँओ कुतौ तौ बालकन के नीचे को पडो-पडाव रोटी को करकना खाईये लेथैं।” 29 ईसू बासे कही, “तैं अब जौ कहोई है तौ चली जा प्रेत आत्मा तेरी लौडिया के अंदर से निकर गई है।” 30 जब बाँ घरे आयकै देखी तौ लौडिया खटिया में लेटी है, और प्रेत आत्मा निकर गई। 31 फिरौकी बाँ सर के देस से निकरकै सैदा से हुईके दिकापुलिस से होत भौ गलील की झील झोने पुगो। 32 और फिर निरे आदमी एक बैहरा कै लाई जो गँगी रहै, ईसू के झोने लायकै बासे नहारे करी कि बाँ अपनो हात बाँके ऊपर रखे। 33 तौ ईसू बाँके भीड़ से अलगयाँओ लेगौ, और अपनी उंगरिया बाँके कान में डारकै थकी, और बाकी जीभ कै छुइ; 34 और स्वर्ग घाँई देखके आँह भरी, और बासे कही, “एफ्फाथा!” मतलब “खुल जा।” 35 और बाँके कान खुल गै, और बाँकी जीभ की गँठियौ खुल गई, और बाँ सपा-सपा बोलन लगो। 36 तौ ईसू लोगन कै उपदेस दई और कही कतई कोई से मत कहियो; जो हिसाब से बाँ बाँके हुकम दई रहै, बाँ औरौ हुलगदग मचाई। 37 हुँआँ के आदमी बड़ा अचम्मो करके कहेन लगे, “बाँ जो कछु करी है अच्छोई करी है; बाँ बहरन कै जो पहले सुन ना पात रहैं सुनन लगे, और गँगा जो बोल ना पात रहैं बोलन लगे।”

8 बे दिनन फिर से एक मौका आओ तौ बड़ा जोड़ भीड़ चुराए गई, और उनके झोने खान के कछुए नाय रहै, तौ ईसू अपने चेलन कै झोने बुलाएकै कही, 2 “मोए जौ भीड़ के ऊपर बड़ा तरस आए रहो है, काहैकि निठाठोर जे तीन दिन से मेरे संगै हैं, और उनके झोने खानो ताहीं कछु नाय है। 3 बाँ कही मैं इन्हें भुँको भेज दौ तौ, जे थक हार के अधरस्ता में रह जांगे, और एक-काद तौ दूरो के हैं।” 4 बाँके चेला बासे कही, “हियाँ बन में ढेर रोटी कोई कितै से लागो कि जे छक सकथै?” 5 ईसू उनसे पूँछी, “तुमरे झोने कितका रोटी

है?" बे कही "सात।" 6 फिर बौ सबन से कही, कि जमीन में बैठ जाबौ, और सात रोटी लैकै धन्यवाद देंके तोड़ी, और अपने चेलन के देत जबै कि उनके अगु रखै, फिर चेला सबन अगु परस दई। 7 उनके झोने जराएक छोटी मच्छियौ रहें: बौ धन्यवाद देंके उन्हऊँ के बाँटन कही। 8 बे भर पेट खाए लई और चेला बचे कुचे टुकड़ा के सात बितौला भरे भै उठाई। 9 और हँना चार हजार के लमसम आदमी रहैं। फिर बौ उनके पनार दई, 10 और बौ तुरतै अपने चेलन संग नईयाँ से दलमनूथा जिला में चलो गौ। 11 कुछ फरीसी आयकै ईसु से बहस करन लगे, और बाकै अजमान ताहीं स्वर्ग को कोइसो भी चिन्ह माँगी। 12 पर बौ अपने मन में आँह भरी और कही, "जो समय के आदमी पता नाय काहेंके, कोई चिन्ह ढूँढत फिरथै? ईसु उनसे कही मैं तुमसे सच्ची कहथौ हबै के आदमिन के कोइये निसानी नाय दई जागी।" 13 और फिर ईसु उनके हँन छोड़के नईयाँ से झील के बौ पाँजर चले गौ। 14 चेला खान ताहीं कम खानु लई, और जब बे नईयाँ में रहैं तौ उनके झोने एकै रोटी रहै। 15 ईसु उनके चिताए के कही, "देखौ फरीसियन के खमीर और हेरोद राजा के खमीर से चौकन्ने रहियो।" 16 बे आपस में बतकान लगे, तभई जौ एसो कहबै काहैकि "हमरे झोने रोटी नाय है।" 17 जो बे कहेत रहैं बौ जानकै ईसु कही, "तुम काहे रोटी नाय होन में एक दुसरे से बतकाथौ? का तुम हबै तक नाय जान और समझपाए हो? का तुमरो मन इतो करो हई गौ है? 18 तुमरी आँखी होत भै तुम नाय देख पाथौ? और तुमरे कान होत भै भी नाय सुन पाथौ? तुमके यादौ नाय है 19 कि जब मैं पाँच हजारन के ताहीं पाँचे रोटी तोडो तौ तुम किते टुकड़ा भरी भई छपरिया उठाए?" बे बासे कही, "बारह छपरिया।" 20 "और जब चार हजारन के ताहीं सात रोटी रहैं, तौ तुम किते टुकड़ा भरी भई छपरिया के उठाए रहौ?" बे फिर बासे कही "सात छपरिया।" 21 बौ उनसे कही, "का तुम हबै तक समझिए नाय पाए?" 22 फिर बे बैतसैदा में आए; तौ आदमी एक अंधरा के ईसु के झोने लेयाई और बासे नहोरे करी कि बाकै छुड़बै। 23 बौ अंधरा को हात पकड़के गाँव के दुआरे लैगो, और बाकी आँखी में थक के बाके ऊपर हात धरकै, बासे पूँछी, "तू कुछ देखथै कि नाय?" 24 बौ आँखी उठाएकै कही, "मैं लौडा के तौ देखत जरूर हौ लेकिन बे मोकै नेगत भै पेंड के तराहनी दिखाई देथै।" 25 फिरौकी बौ दुबारा से बाकी आँखी में हात रखी, और अंधरा गौर से देखी। और का देखरौ है कि बौ अच्छो हई गौ है, और सपा-सपा देखरौ है। 26 ईसु बासे जो कहकै घरे भेजी, "जो गाँव के भीतर दुबारा पाँव मत धरियो।" 27 ईसु और बाके चेला कैसरिया फिलिप्पी के गाँव में गै। जब बे रस्ता में रहैं तौ अपने चेलन से पूँछन लगे, "आदमी मोसे का कहथैं बताबौ?" 28 "बे बासे कही, एकाद यहूना बपतिस्मा देन बारो; लेकिन एकाद-जनी एलिय्याह भविस्यवक्ता और दुसरे भविस्यवक्तान में से एक कहमै।" 29 "लेकिन ईसु उनसे पूँछी, तुम मोसे का कहथौ?" पतरस बासे कही, "तू मसीह है।" 30 तौ ईसु उनके आग्या दई, "मेरे बारो में जौ बात कोई से मत कहियो।" 31 तौ फिर ईसु उनके सिखान लगे कि "इंसानन के लौडा के ताहीं जरूरी है कि बौ खबै दुख उठाबैगो, और बड़े-बूढ़े और मुखिया पुजारी और यहदि नियम के सिक्छक बाकै ठुकराए के मार डारंगे, फिर बौ तीन दिन बाद फिर

जिंदो हई जाबैगो।" 32 ईसु जौ बात के उनसे सपा-सपा कह दई। जौ बात से पतरस ईसु के अलग्ग्यौओ लैजाय के झुकान लगे, 33 लेकिन बौ मुरक्कै अपने चेलन घाँई दुबारा से देखी, और पतरस के झुकाएकै कही, "ए सैतान मेरे अगु से दूर हई जा; काहैकि तैं परमेस्वर की बातन के ऊपर नाय, लेकिन इंसानन की बातन के ऊपर मन लगाथै।" 34 बौ चेला समेत भीड के अपने झोने बुलाई और कही, "जो मेरे पच्छू आनो चाहथै, बौ अपने आपकै इंकार करै और अपनो क्रूस उठाएकै, मेरे पच्छू आबै। 35 काहैकि जो अपनी ज्यान बचानो चहागो बौ बाकै गबागो, लेकिन जो अपनी ज्यान मेरे ताहीं और सुसमाचार के ताहीं खोबैगो, बौ बाकै बचाए लेगो। 36 अगर इंसान पूरी दुनिया के पाए लेबै और अपनी ज्यान के गबाबै, तौ बाकै का फायदा? 37 इंसान अपनी ज्यान के बदले में का दे सकथै? 38 जो कोई ब्यभिचारी और पापी पीडी के बीच मोसे और मेरी बातन से समीगो, तौ इंसान को लौडा भी जब बौ पवित्र दूतन के संग अपने दऊवा की महिमा समेत आगो, तौ बहो से समीगो।"

9 ईसु उनसे कही, "मैं तुमसे सच्ची कहथौ कि जिते भी इतै ठाड़े हैं, इनमें से किते ऐसे हैं, कि जब तक परमेस्वर के राज्य के सामर्थ्य सगै आत भइ नाय देख लेमंगे, तब तक नाय मरंगे।" 2 छे दिन बाद ईसु पतरस और याकूब और यहूना के संग लई, और ऊँचे पहाड में लैगौ। जहाँ बे इकटले रहैं, हँऊँ उनके अगु, देखतै-देखत बाकी सकल पुरिये बदल गई, 3 और बाके लता ऐसे चमकन लागे, कि दुनिया में लता धोन बास्ओ इतनो सेतो नाय कर पातो। 4 तौ बे तीनों चेलन के मूसा के संग एलिय्याह दिखाई दई, बे ईसु के संग बतकात रहैं। 5 और पतरस ईसु से कही, "गुरुजी, जौ अच्छी बात है कि हम हियाँ रहमै: तभईये हम तीन तम्बु बनाए; एक तेरे ताहीं, एक मूसा ताहीं, और एक एलिय्याह ताहीं।" 6 बे बड़ा जोड डराय गै रहैं, जहे बजह से पतरस नाय जानत रहै कि का जबाब देबै। 7 तौ एक बादर उनके छाए लई, और बौ बादर में से जौ अबाज निकरी, "जौ मेरो प्रिय लौडा है, जाकी सुनौ।" 8 तुरतै बे सब घाँई देखन लगे, और ईसु के छोड़के अपने संग और कोई के नाय देखी। 9 पहाड से उतरत पोती बौ उनके हुकम दई, "जब तक इंसान को लौडा मेरे भै में से जिंदो नाय ही जाबै, तब तक जो कुछ तुम देखे हो बौ कोई से मत कहियो।" 10 बे जौ बात के याद रखी; और एक दुसरे से सोच बिचार करन लगे, "मेरे भै में से जिंदो होन को का मतलब है?" 11 और बे बासे पूँछन लगे, "यहदि नियम के सिक्छक काहे कहथै कि एलिय्याह को पहले आनो जरूरी है?" 12 बौ उनकै जबाब दई, "एलिय्याह सच्ची में पहले आयकै सब कुछ सुधारंगो, पर इंसान के लौडा के बारे में साझ कहथै कि बौ बड़ा दुख उठाबैगो, और ठुकराओ जागो? 13 पर मैं तुमसे कहथौ, कि एलिय्याह तौ आए चुको, और जैसो साझ मैं बाके बारे में लिखो है, लोग जैसो चाँही बाके संग करी।" 14 जब बौ बचे भै चेलन के झोने आओ, तौ देखी की उनके चारो घाँई बडी भीड लगी है, और यहदि नियम के सिक्छक उनके संग बहस कर रै हैं। 15 लोग ईसु के देखत खिना कि बड़ा चौहोंक गै, और बाके घाँई दौड़के बाकै नमस्ते करी। 16 ईसु उनसे पूँछी, "तुम इनसे काहे बहस कर रै हो?" 17 भीड में से

एक जबाब दई, “गुरूजी, मैं अपने लौड़ा के तेरे झोने लाओ रहौ, हे जो मेरे नाओं से सामर्थ्य को काम करै, और जल्दी से मौकै बुरो जेमें प्रेत आत्मा समाई रहे और बौ बतकाए नाय पाथै। 18 जहाँ कहीं बौ बाकै पकड़थै, हूँ पड़ दिना गिराय देथै: और बाके मोहों मैं से बजबुजा आन लगथै, और बाके दौत मिस जाथै, और बौ ऐठ जाथै, मैं तेरे चलन से कहो रहौ की बाकै निकार दे, लेकिन उनमें निकारन की हिम्मत नाय रहै।” 19 जौ सुनै बौ उनके जबाब दैके कही, “हे अविस्वासी लोगो, मैं कब तक तुमरे संग रहमंगो? और मैं कब तक तुमरी सकारंगो? लौड़ा के मेरे झोने लाबौ।” 20 तौ बे बाकै बाके झोने लाई: और जब बौ बाकै देखी, तौ प्रेत आत्मा बाकै तुरंत मरोड़ दई; और बौ जमीन में गिर गौ, और बाके मोहों मैं से बजबुजा निकरै और बौ पल्टईयाँ खान लग गौ। 21 बौ बाके दऊवा से पूँछन लगे, “जौ हालत जाकी कब से है?” बौ कही, “बचपन से।” 22 “जहे प्रेत आत्मा जाके खतम करन ताहीं कहू आगी और कहू पानी मैं गिराई; अगर तू कछु कर सके तौ हमरे ऊपर तरस खा और मदत कर।” 23 “हौँ” ईसु उनके जबाब दई, “बिस्वास करन बारे के ताहीं सब कछु ही सकथै।” 24 लौड़ा को दऊवा तुरतै गिड़गिड़ाए के कही, “प्रभु, मैं बिस्वास तौ करथौ, और जद्धा बिस्वास करन ताहीं मेरी मदत कर।” 25 तौ ईसु देखी कि लोग दौड़के भीड़ लगाए रे हैं, तौ बौ प्रेत आत्मा के जौ कहैके झुकाइ, गूँगी और बेहरी आत्मा मैं तोकै आग्या देथौ तू बाके भीतर से निकर जा। गूँगी और बेहरी आत्मा, “मैं तोकै आग्या देथौ, बाँमे से निकर जा, और फिर बाँमे कहए मत घुसिये।” 26 तौ बौ चिल्लाए के और बाकै बड़ा जोड़ से मरोड़ के, निकर आई; और सबे जनी कहेन लागे “बौ मर गौ है।” 27 लेकिन ईसु बौ लौड़ा को हाथ पकड़के उठाई, और बौ ठाड़गौ। 28 जब ईसु घरे आओ, तौ बाके चेला अकेले मैं पूँछी, “हम प्रेत आत्मा के काहे नाय निकार पाए?” 29 ईसु उनके जबाब दई, “ऐसो भूत प्रार्थना के अलावा और कोई तरीका से नाय निकर सकथै।” 30 ईसु और बाके चेला हूँओं से निकरके गलील नगर होत भै जात रहै। बौ नाय चाहत रहै की बौ कहाँ हैं, कोई के पता चले, 31 काहैकि बौ अपने चलन के उपदेस देत और उनसे कहेत रहै, “इंसान को लौड़ा आदमियन के हाथ मैं पकड़बाओ जागो, और बे बाकै मार डारंगे; और बौ मरन के तीन दिन बाद जिंदो हुई जाबैगो।” 32 पर बौ जो उपदेस देत रहै बौ बात उनकी समझ मैं नाय आई, और बे बासे पूँछन से डरात रहै। 33 ईसु और बाके चेला कफरनहम मैं आए; और घर मैं आए के बौ उनसे पूँछी, “रस्ता मैं तुम कौनछी बात मैं सोच-बिचार करत रहौ?” 34 बे चुप रहै, काहैकि रहाँमें बे हममें से बड़ो कौन है बौ बात के बारे मैं सोच-बिचार करत रहै। 35 बौ बैठके बारहों के बुलाई और उनसे कही, “अगर कोई बड़ो होनो चाहबे, तौ अग्यु सबसे छोटो और सबकी सेवा करन बारो सेवक बनै।” 36 और बौ एक बालक के लायके उनके बीच मैं ठडबाए दई, और बाकै गोदी मैं लैके उनसे कही, 37 “जो कोई मेरे नाओं से ऐसे बालकन मैं से एक के भी मानथै, बौ मौकै मानथै; और जो कोई मौकै मानथै, बौ मौकै नाय, बल्किन मेरे भेजन बारे के मानथै।” 38 तौ यहून्ना ईसु से कही, “गुरूजी, हम एक आदमी के तेरे नाओं से प्रेत आत्मा के निकारत देखे और हम बाकै मना करन लगे, काहैकि बौ हमरे झुंड को नाय रहै।” 39 ईसु कही, “बाकै मत मना करौ,” ऐसो कोई नाय है जो मेरे नाओं से सामर्थ्य को काम करै, और जल्दी से मौकै बुरो कह सके, 40 काहैकि जो हमरे खिलाप मैं नाय हैं, बे हमरे घाँई हैं। 41 जो कोई एक कटोरा पानी तुमके पिबाबे कि तुम मसीह के हो तौ मैं तुमसे सच्ची कहथौ कि बौ अपनो इनाम नाय हरबाबैगो। 42 “जो कोई इन छोटें मैं से मेरे ऊपर बिस्वास करथै, अगर कोई बाके बिस्वास खोन को बजह बनै तौ बाके ताहीं अच्छो जौ है कि एक बड़ी चक्की को पटला बाकी घेंट मैं लटकाओ जाए और समुंदर मैं डार दौ जाए। 43 अगर तेरो हाथ तेरे बिस्वास खोन को बजह बनै तौ बाकै काट दे। टुन्डा हुईके जिंदगी बितानो तेरे ताहीं अच्छो हे कि दुई हाथ होत भइ तू नरक की आगी मैं डारो जाए जो कहए बूतन की नाय है। (Geenna g1067) 44 जहाँ पर बाको कीरा नाय मरथै और आगी भी नाय बुलथै। 45 अगर तेरो पाँव तेरे बिस्वास के खोन को बजह बनै तौ बाकै काट दे। लंगड़ा हुईके जिंदगी बितानो तेरे ताहीं अच्छो है कहँ दुई पाँव होन के बाबजूद तू नरक की आगी मैं खेक दौ जाबै, (Geenna g1067) 46 जहाँ पर उनको कीरा कहए नाय मरथै और आगी भी कहए नाय बुलथै। 47 अगर तेरी आँखी तेरे बिस्वास के खोन को बजह बनै तौ बाकै निकार दे। काना हुईके परमेस्वर के राज्य मैं आनो तेरे ताहीं अच्छो है। कहीं ऐसो नाय होबे दुई आँखी होन के बाबजूद तू नरक की आगी मैं खेक दौ जाबै। (Geenna g1067) 48 जहाँ पर बाको कीरा नाय मरथै और आगियौ नाय बुलथै।” 49 काहैकि हर एक आदमी के आगी से सुद्ध करौ जाबैगो जैसे कि भेंट के नून से सुद्ध करो जाथै। 50 “नून अच्छो है; और अगर नून को नुनियानपन चले गौ तौ बाकै कासे नुनियान करैगो?” “अपने मैं दिलबराने को नुनियानपन रखौ, और एक दुसरे के संग सांति से रहबौ।”

10 फिर ईसु हँना से उठके यहूदिया की सीमा से यरदन नदिया के पार आओ। लोगन की भीड़ फिर से बाके झोने आई और बौ हमेसा तराहीन सिखान लागो। 2 तौ फरीसी बाके झोने आए के बाकै फसान की कोसिस करी। “बे ईसु से पूँछी,” हमके बता, “का हमरो नियम एक आदमी के बाकी अपनी बईय्यर के छोडन को अधिकार देथै?” 3 तौ बौ उनके जबाब दई। “मूसा तोकै का नियम दई है?” 4 बे कही “मूसा अपनी बईय्यर के नियम के जरिया एक चिठी लिखके छोडन ताहीं इजाजत दई है।” 5 ईसु उनसे कही, “तुमरे करे मन की बजह से जौ आग्या बौ तुमरे ताहीं लिखी। 6 साब्र ऐसो कहथै, जौ दुनिया की सुस्वात से परमेस्वर लोग और बईय्यर करके उनके बनाई है। 7 तौ जहे बजह से आदमी अपनी अईय्या और दऊवा से अलग हुईके अपनी बईय्यर के संग रहागो, 8 तौ बे दोनो एक तन हीके एक संग रहमंगे; काहैकि अब बे दुई नाय बल्किन एक सरिर हैं। 9 काहैकि जोकै परमेस्वर जोड़ी है, उनके आदमी अलग नाय करै।” 10 घर मैं आयके चेला जाके बारे मैं बासे फिर पूँछी। 11 बौ उनसे कही, “एक आदमी अपनी बईय्यर के तलाक दैके दुसरी से बिहा करथे तौ बौ पहली बारी के खिलाप व्यभिचार करथै; 12 जहे हानी अगर बईय्यर अपने लोगा के तलाक दैके दुसरे लोग से बिहा करथे तौ बौ भी व्यभिचार करथै।” 13 फिर लोग बालकन के ईसु के झोने लान लगे की बौ उनके ऊपर हाथ धरे,

तौ बाके चेला उनके झुकाई। 14 ईसु जो देखकै गुस्सा हुईकै चलन तौ हमरे ताही करै।” 36 बौ उनसे कही, “तुम का चाहथौ?” 37 तौ से कही, “बालकन के मेरे झोने आनदेयौ उनके रोको मत्ती, काहिके बे बासे कही, “हमैं जो दे कि तेरे राज्य के सिंघासन की महिमा मैं परमेस्वर को राज्य ऐसियनै को है। 15 मैं तोसे सच्ची कहथौ कि जो जब तैं बैठेगो तौ हममैं से एक तेरे दाँए और दुसरो तेरे बाँए बैठे।” 38 ईसु उनसे कही, “तुम नाय जानथौ की तुम का माँग रै हो? जो कोई परमेस्वर के राज्य के बालकन जैसी नाय मानेगो, बौ परमेस्वर के राज्य मैं कहए नाय पुगैगो।” 16 फिरौकी बौ बालकन के गोदी कटोरा मैं, मैं पीन बारो हौं, का तुम पी सकथौ? और जो बपतिस्मा मैं में लई, और उनके ऊपर हाथ धरकै आर्स्वाद दई। 17 ईसु हँआँ लेन बारो हौं, का तुम ले सकथौ?” 39 बे बासे कही, “हमसे हुई से निकरकै रहामैं जातै रहै, तौ एक आदमी भाजत भौ बाके झोने सकथै।” ईसु उनसे कही, “जो कटोरा मैं पीन बारो हौं, तुम पबिगे; आओ, और बाके अगु घँट टेक के बासे पूँछी, “अच्छो गुरुजी, और जो बपतिस्मा मैं लेन बारो हौं, बाँके लेगे। 40 पर जौ अधिकार अनंत जिंदगी पान ताही मैं का करौ?” (aiōnios g166) 18 ईसु बासे मेरो नाय है और दाँए-बाँए बैठारन को मेरो काम नाय है। जोके ताही कही, “तू मोकै अच्छो काहे मानथै? कोई अच्छो नाय है, खाली जघा समारो गो है, उनके परमेस्वर खुद बैठारैगो।” 41 जौ सुनकै बे परमेस्वर है। 19 तू आग्यन के जानतै होगो: ‘हत्या मत करिये, दसौ चेला याकूब और यहून्ना से खिसियान लगे। 42 तौ ईसु उनके व्यभिचार मत करिये, चोरी मत करिये, झूठी गभाई मत दिए, ठगिये झोने बुलाएकै उनसे कही, “तुम जानथौ की गैर यहदि के हाकिम मत्ती, अपने दऊवा और अईय्या को कहनो मानिये।” 20 बौ बासे माने जाथै; और बे उनके ऊपर राज्य करत रहैं; और उनमैं जो बडो कही, “गुरुजी, इन सबन के मैं बचपन से मानत आओ हौं।” 21 ईसु है, उनके ऊपर अधिकार दिखात रहै। 43 पर तेरे मैं ऐसो न है, जो बाँके प्यार से देखकै बासे कही, “तेरे मैं एक बात की कमी है। जा, कोई तुम मैं से बडो होनो चाहथै बौ तुमरी सेवा करन बारो सेवक जो कुछ तेरो है बाँके बँच के कंगालन के दैदे, और तौकै स्वर्ग मैं धन बनै; 44 और जो कोई तुम मैं से मुखिया बननो चाहबे सबको दास करी जाबे, बल्कि जाके ताहीं आओ कि बौ खुद सेवा करै, और दुसरेन के छुडान ताहीं अपनी ज्यान देबै।” 46 ईसु और बाके चेला यरीहो मैं आए, और बे एक बडी भीड संग यरीहो से निकरत रहैं, तौ तिमाही को लौडा बरतिमाई, एक अंधरा भिकमंगा रस्ता टिकारै बैठो रहै। 47 बौ जौ सुनकै की ईसु नासरी है, तौ चिल्लाए-चिल्लाए के कहेन लगे, “दाऊद को लौडा, ईसु मेरे ऊपर दया कर।” 48 सबे जनी बाँके झुकाइ की चुप्पा रहा, बौ और चिल्लान लागो, “ए दाऊद को लौडा, मेरे ऊपर दया कर।” 49 तौ ईसु स्क के कही, “बाँके बुलाबौ।” और बे आदमी अंधरा के बुलाएकै बासे कही, “हिम्मत भौद! उठ! बौ तौकै बुलाए रौ है।” 50 बौ अपनो लत्ता खेंक के तुरंत उठो, और ईसु के झोने आओ। 51 तौ फिर ईसु बासे कही, “तू का चाहथै कि मैं तेरे ताहीं करौ?” अंधरा बासे कही, “गुरु, मैं फिर से देखन लगौ।” 52 ईसु बासे कही, “चले जा, तेरो बिस्वास तौकै अच्छो करी है।” बौ तुरंत देखन लगे, और रस्ता मैं बाके पच्छू हुई लई।

11 जब ईसु और बाके चेला यरूसेलम झोने, जैतून पहाड के बैतफगे और बैतनिय्याह के झोने आओ, बौ अपने चलन मैं से दुई के जो कहकै पनारी, 2 “झोने के गाँव मैं जाबौ, हँना पुगके एक गधईया को बच्चा, जोके ऊपर कोई नाय बैठो है, बंधो भौ तुमकै मिलेगो। बाँके खोल लाबौ। 3 तुमसे कोई पूँछे जाको तुम का करैगे, तौ कहियो, ‘गुरु के जरूरत है,’ और बौ तुरतै बाँके हियाँ पनार देगो।” 4 बे जाएकै बौ बच्चा के दुआरे फाटक के झोने खुटी मैं बंधो भौ पाई, तौ खोलन लगे। 5 बाँके से जो हँना ठाडे रहैं, कोई-कोई कहन लागे, “गधईया के बच्चा के काहे खोल रै हो?” 6 जैसी ईसु उनसे कही, बैसिये बे उनसे कह दई; तौ लोग उनके जान दई। 7 बे बच्चा के ईसु के झोने लाई और बे बाके ऊपर लत्ता डारी और बौ बाके ऊपर बैठगौ। 8 तौ निर जनी अपने लत्ता रहामैं बिछाई और दुसरे आदमी खेत मैं से हँगईया तोड-तोडके रहामैं फैलाय दई, 9

जो बाके अग्गु-अग्गु जात रहै और जो बाके पच्छू-पच्छू आत रहै, चिल्लाए-चिल्लाए के कहत जात रहै, “होसन्ना! धन्य है बौ जो प्रभु के नाओ से आथै। 10 हमरो दऊवा राजा दाऊद को राज्य जो आए रौ है; धन्य है! होसन्ना।” 11 ईसु यरूशलेम पुगवै मंदिर में आओ, और सब चीज देखकै बारहों के संग बैतनिय्याह गौ, काहैकि संजा खिन हुई गई रहै। 12 दुसरे दिन ईसु और बाके चेला बैतनिय्याह से निकरे तौ बाकै भूंक लागी। 13 बौ दूर से अंजीर को एक हरो रखा देखकै बाके झोने गौ की बाँमै कुछ होबै: बाँमै पत्ता के अलावा कुछ नाय पाई; काहैकि बौ समय फरन की बेरा नाय रहै। 14 तौ बौ बासे कही, “अब से तेरो फरा कहूँ कोई नाय खागो!” और बाके चेला सुनत रहै। (aiōn g165) 15 बे फिर यरूशलेम में आए, और बौ मंदिर में गौ; जो हँना खरीदन और बेचन को काम करत रहै उनकै दुआरे निकारन लागो, स्पईया-पैसन के बदलन बारेन और कबूतर बेचन बारेन की मेज के पलट दई। 16 और मंदिर में से हुईकै कुछए लैकै नाय आन-जान दई। 17 और उपदेस दैकै उनसे कही, “का जौ साष्ट्र मैं नाय लिखो है कि मेरो घर सब देस के लोगन के ताहीं प्रार्थना को घर कहो जाबै? और तुम जाँके डकैतन की जघा बनाए दे हो।” 18 जौ सुनकै मुखिया पुजारी और यहूदि नियम के सिक्छक ईसु के मार डारन की सोचन लागे; काहैकि बे बासे डरात रहै, और बाके उपदेस से पूरो झुंड अचम्मो मानत रहै। 19 संजा भौ तौ ईसु और बाके चेला सहर से दुआरे चले गै। 20 भोर भौ तौ ईसु और बाके चेला उतै से जात रहै तौ बे अंजीर के रखा के जड़ तक सखो भौ देखी। 21 पतरस के बौ बात याद आई, और बौ उनसे कही, “गुरु, देख! जौ अंजीर को रखा जोकै तू बददुआ दौ रहै, सूख गौ है।” 22 ईसु बाकै जबाब दई, “परमेस्वर के ऊपर बिस्वास रखौ। 23 मैं तोसे सचची कहथौ कि जो कोई जौ पहाड़ से कहबै, तू उखड़ जा, और समुंदर मैं गिर जा, और अपने मन मैं संका नाय करै, बल्किन जौ बिस्वास करै कि जो कहो हौं बौ हुई जाबैगो, तौ बाके ताहीं बहे होगो। 24 जहेमारे मैं तुमसे कहथौ कि जो कुछ तुम प्रार्थना करकै माँगो, तौ भरोसो कर लेयो कि तुमकै मिलगो, और तुमरे ताहीं हुई जाबैगो। 25 जब कहूँ तुम ठाड़के प्रार्थना करथो, तुमरे मन मैं कोई के ताहीं गुस्सा होबै, तौ माफ कर दियो: तभई तुमरो स्वर्ग को दऊवा जो बात तुम गलत करे हौ माफ करैगो। 26 अगर तुम माफ नाय करौ तौ तुमरो दऊवो जो स्वर्ग मैं है, तुमरो पाप माफ नाय करैगो।” 27 ईसु और बाके चेला फिरौकी यरूशलेम में आए, और जब बे मंदिर में फिरत रहै तौ मुखिया पुजारी और यहूदि नियम के सिक्छक और बड़े-बूढ़े बाके झोने आए के पूँछन लागे, 28 “तू जे काम कौन्छे अधिकार से करथे? और जौ अधिकार तोकै कौन दौ है?” 29 ईसु उनसे कही, “महँ तुमसे एक बात पूँछ थौं; मोकै जबाब देयौ तौ मैं तुमकै बतांगो कि जौ काम कौन्छे अधिकार से करथौ। 30 यहन्ना को बपतिस्मा का स्वर्ग से रहै की आदमियन के घाँई से रहै मोकै बताबौ?” 31 तौ बे आपस मैं बातचीत करन लागे अगर हम कहमै: “स्वर्ग की घाँई से” तौ बौ कहगो, “तुम बाके ऊपर बिस्वास काहैकै नाय करे? 32 और अगर हम कहमै, ‘आदमियन की घाँई से, तौ उनके लोगन को डर रहै, काहैकि सब जानत रहै कि यहन्ना सच मैं भविष्यवाँदी करन बारो रहै।” 33 और बे ईसु के जबाब दई, “हम

12 फिर ईसु कहानी मैं उनसे बात करन लागो: “एक आदमी अंगूर की बारी लगाई, और बाके चारौ तरफ बेहड़ा लगाई, और रस के ताहीं गढ़ा खोदी, और गुम्मत बनाई। और कमईयन के बाको ठेका दैकै दुसरे देस के चलो गौ। 2 फिर फरा बारे महेना के बेरा मैं, बौ किसानन के झोने एक दास के पनारी कि किसानन से अंगूर की बारी के फरा को हिस्सा लै आबै। 3 पर बे बाकै पकड़कै भौत मारी और खाली हाथ लौटाय दई। 4 फिर बौ एक और दास के उनके झोने पनारी; बे बाको मूड फोड़ दई और बाकी बेजती करी। 5 फिर बौ एकोर के पनारी, बाकै बे मारडारी; तौ बौ निरे जनी के पनारी, उनमें से बे कुछ एक के पीटी, और कुछन के मारडारी। 6 अब एक रहगो रहै, जो बाको प्रिय लौड़ा रहे। और आखरी मैं बाकै जौ सोचकै पनारी कि ‘बे मेरे लौड़ा की इज्जत’ करंगे। 7 बे कमईयों आपस मैं कही, ‘जहे तौ बारिस है; आबौ हम जाँके मार डारै, तौ जमीन हमरी हुई जाबैगी!’” 8 और बाकै पकड़कै मारडारी और अंगूर की बारी के दुआरे फेक दई। 9 “तौ अब, अंगूर की बारी को मालिक का करैगो?” बौ आए के बे कमईयन के बरबाद कर देगो, और अंगूर की बारी दुसरे के दै देगो। 10 का तुम जौ बचन पवित्र साष्ट्र मैं नाय पढ़े हो? “जो पथरा के राजमित्री ठुकराई बहे मकान के कोहने को खास हिस्सा हुई गौ। 11 जौ प्रभु की मरजी से भौ; और हमरी नजर मैं अचम्मो है।” 12 तौ यहूदि नेता बाकै पकड़न ताहीं करी; काहैकि बे समझ गै कि बौ उनसे कहानी मैं उनके खिलाप मैं कही है। पर बे लोगन से डरात रहै, और बाकै छोड़के चले गै। 13 तौ ईसु के बातन मैं फसान ताहीं फरीसियन और हेरोदियन के बाके झोने पनारी। 14 बे आयकै बासे कही, “गुरुजी हम जानथै, कि तू सचचो है, और कोई की परबाह नाय करथे; काहैकि तू आदमिन को मोहों देखकै बात नाय करथे, पर परमेस्वर की रहा अच्छे से बताथै। तौ का कैसर के नियम से हिसाब से लगान देनो अच्छो है या नाय?” 15 हम देमै, या नाय देमै, “बौ उनको कपट जानकै उनसे कही, मोकै काहे परखथो? एक चाँदी को सिक्का मेरे झोने लाबौ, कि मैं बाकै देखौ।” 16 बे लै आई, और बौ बासे कही, “जौ छापो और नाओ कौन को है?” तौ बे कही, “कैसर को।” 17 ईसु उनसे कही, “जो कैसर को है बौ कैसर के, और जो परमेस्वर को है बौ परमेस्वर के देबौ।” तौ बे बड़ा अचम्मो मानन लागे। 18 फिर कुछ सदक्की, जौ कहत रहै कि मेरे भैन को जिंदो होनो हईये नाय, ईसु झोने आयकै बासे पूँछी, 19 “ओ गुरु, मूसा हमरे ताहीं लिखी है कि अगर बाको भईय्या बिना बालक के मर जाबै और बाकी बईय्यर रह जाबै तौ बाको भईय्या बासे बिहा कर लेबै और अपने भईय्या के ताहीं बालक पैदा करै। 20 सात भईय्या रहैं। सबसे बड़ो बारो बिहा करकै बिना बालक के मर गौ। 21 तौ दुसरो भईय्या बौ बईय्यर से बिहा कर लई और बिना बालक के मर गौ; और बैसिये तीसरो बारो भी करी। 22 और सातौ भईय्या से बालक नाय भै। और सबन के पच्छू बौ बईय्यर भी मर गई। 23 अच्छेया तौ जिंदो होन के बाद बौ कौनकी बईय्यर होगी? काहैकि बौ सातौ की बईय्यर बन चुकी

रहे।” 24 ईसु उनसे कही, “का तुम जौ बजह से भूल मैं नाय पड़े हो है।” 2 तो ईसु बासे कही, “का बड़ी-बड़ी इमारत देखथो: हीना कि तुम पवित्र सान्न के नाय जानथो, और नाय परमेस्वर कि सामर्थ्य पर एक्की पथरा नाय बचैगो जो गिराओ नाय जागो।” 3 ईसु मंदिर के? 25 काहेकि जब बे मेरे भै मैं से जिंदे हुई जांमगे, तो ना बे बिहा करंगे और ना बिहा कर सकंगे, और स्वर्ग मैं दूतन के हानी होंगे। 26 मेरे भै के जिंदो होन के बारे मैं का तुम मूसा की किताब झाड़ी की कहानी मैं नाय पढ़े? कि परमेस्वर बासे कही, ‘मैं अब्राहम को परमेस्वर, और इसहाक को परमेस्वर, और याकूब को परमेस्वर हौ।’ 27 परमेस्वर मेरे भैन को नाय बल्किन जिंदेन को परमेस्वर है; तुम बड़ा भूल मैं हौ।” 28 यहूदि नियम के सिक्छकन मैं से एक आयकै उनके लडत भइ सुनी, और जौ जानकै कि ईसु उनके सई-सई जबाब दई, बासे पूँछी, “सबसे बड़ी आग्या कौन सी है?” 29 ईसु उनके जबाब दई, “सब आग्यन मैं से जौ अच्छी है: ‘अरे इस्राएल सुन! प्रभु हमरो परमेस्वर एक्के परमेस्वर है, 30 और प्रभु अपने परमेस्वर से अपने पूरे मन से, और अपनी पूरी ज्यान से, और अपनी पूरी अकल से, और अपनी पूरी ताकत से प्यार रखनो।’ 31 और दूसरी आग्या जौ है, ‘कि तू अपने पड़ोसी से अपने हानी प्यार रखिये।’ जासे बड़ी और कोई आग्या नाय है।” 32 यहूदि नियम के सिक्छक बासे कही, “अरे गुरु बड़ा अच्छो! तू सच्ची कहां कि बो एक्के है, और बाकै छोड़ और कोई नाय। 33 और परमेस्वर से पूरे मन, और पूरी बुद्धि, और पूरी ज्यान से, और पूरी ताकत से प्यार रखनो; और पड़ोसी से अपने हानी प्यार रखनो, सारे पसु बलियन और सबै बलिदान से बढ़कै है।” 34 तौ ईसु देखी कि बौ समझदारी से जबाब दई, तौ बासे कही, “तू परमेस्वर के राज्य से दूर नाय।” 35 फिर ईसु मंदिर मैं उपदेस देत भइ जौ कही, “यहूदि नियम के सिक्छक काहे कहथैं कि मसीह दाऊद को लौड़ा है?” 36 दाऊद खुद पवित्र आत्मा मैं हुईकै जौ कही है: “प्रभु मेरे प्रभु से कही: मेरे दहने बैठ जब तक मैं तेरे बैरियन के बंस के तेरे टाँग तेरे नाय कर देयौ।” 37 दाऊद तौ खुद बाकै “प्रभु कहथैं; फिर बौ बाको लौड़ा कहां से भौ? और भीड़ के आदमी बाकी मगन हँकि सुनत रहैं।” 38 बौ अपने उपदेस मैं बासे कही, “यहूदि नियम के सिक्छकन से चहाचीते रहबौ, जो लम्बे-लम्बे चोंगा पहनकै फिरथैं और बजारन मैं नमस्ते, 39 और सभाघर मैं अच्छे-अच्छे आसन और हटकना मैं अच्छी-अच्छी जघा भी चाहथैं। 40 बे बिधवन के घरन के खाए जाथैं, और दिखान ताहीं बड़ी देर तक प्रार्थना करत रहथैं। बे भौत सजा पांगे।” 41 ईसु मंदिर के भंडार के सामने बैठकै देखत रहे कि आदमी मंदिर के भंडार मैं कैसे पैसा डारथैं; और सेठ आदमी गजब-गजब डारी। 42 इते मैं एक कंगाल बिधवा आयकै दुई तँबे के छोटे सिक्का डारी। 43 तौ बौ चेलन के झोने मस्काए के उनसे कही, “मैं तुमसे सच्ची कहथौ कि मंदिर के भंडार मैं डारन बारन से जौ कंगाल बिधवा सबसे जाधा डारी है; 44 काहेकि सब अपनी जाधा सम्पत्ति मैं से डारी है, लेकिन जौ अपनी घटी मैं से जो कुछ बाको रहे, बौ सब डार दई है।”

13 जब ईसु से मंदिर से निकरत रहे, तौ बाके चेलन मैं से एक बासे कही, “ए गुरु, देख कैसे बड़े-बड़े पथरा और इमारत

रहे।” 2 तो ईसु बासे कही, “का बड़ी-बड़ी इमारत देखथो: हीना कि तुम पवित्र सान्न के नाय जानथो, और नाय परमेस्वर कि सामर्थ्य पर एक्की पथरा नाय बचैगो जो गिराओ नाय जागो।” 3 ईसु मंदिर के? 25 काहेकि जब बे मेरे भै मैं से जिंदे हुई जांमगे, तो ना बे बिहा करंगे और ना बिहा कर सकंगे, और स्वर्ग मैं दूतन के हानी होंगे। 26 मेरे भै के जिंदो होन के बारे मैं का तुम मूसा की किताब झाड़ी की कहानी मैं नाय पढ़े? कि परमेस्वर बासे कही, ‘मैं अब्राहम को परमेस्वर, और इसहाक को परमेस्वर, और याकूब को परमेस्वर हौ।’ 27 परमेस्वर मेरे भैन को नाय बल्किन जिंदेन को परमेस्वर है; तुम बड़ा भूल मैं हौ।” 28 यहूदि नियम के सिक्छकन मैं से एक आयकै उनके लडत भइ सुनी, और जौ जानकै कि ईसु उनके सई-सई जबाब दई, बासे पूँछी, “सबसे बड़ी आग्या कौन सी है?” 29 ईसु उनके जबाब दई, “सब आग्यन मैं से जौ अच्छी है: ‘अरे इस्राएल सुन! प्रभु हमरो परमेस्वर एक्के परमेस्वर है, 30 और प्रभु अपने परमेस्वर से अपने पूरे मन से, और अपनी पूरी ज्यान से, और अपनी पूरी अकल से, और अपनी पूरी ताकत से प्यार रखनो।’ 31 और दूसरी आग्या जौ है, ‘कि तू अपने पड़ोसी से अपने हानी प्यार रखिये।’ जासे बड़ी और कोई आग्या नाय है।” 32 यहूदि नियम के सिक्छक बासे कही, “अरे गुरु बड़ा अच्छो! तू सच्ची कहां कि बो एक्के है, और बाकै छोड़ और कोई नाय। 33 और परमेस्वर से पूरे मन, और पूरी बुद्धि, और पूरी ज्यान से, और पूरी ताकत से प्यार रखनो; और पड़ोसी से अपने हानी प्यार रखनो, सारे पसु बलियन और सबै बलिदान से बढ़कै है।” 34 तौ ईसु देखी कि बौ समझदारी से जबाब दई, तौ बासे कही, “तू परमेस्वर के राज्य से दूर नाय।” 35 फिर ईसु मंदिर मैं उपदेस देत भइ जौ कही, “यहूदि नियम के सिक्छक काहे कहथैं कि मसीह दाऊद को लौड़ा है?” 36 दाऊद खुद पवित्र आत्मा मैं हुईकै जौ कही है: “प्रभु मेरे प्रभु से कही: मेरे दहने बैठ जब तक मैं तेरे बैरियन के बंस के तेरे टाँग तेरे नाय कर देयौ।” 37 दाऊद तौ खुद बाकै “प्रभु कहथैं; फिर बौ बाको लौड़ा कहां से भौ? और भीड़ के आदमी बाकी मगन हँकि सुनत रहैं।” 38 बौ अपने उपदेस मैं बासे कही, “यहूदि नियम के सिक्छकन से चहाचीते रहबौ, जो लम्बे-लम्बे चोंगा पहनकै फिरथैं और बजारन मैं नमस्ते, 39 और सभाघर मैं अच्छे-अच्छे आसन और हटकना मैं अच्छी-अच्छी जघा भी चाहथैं। 40 बे बिधवन के घरन के खाए जाथैं, और दिखान ताहीं बड़ी देर तक प्रार्थना करत रहथैं। बे भौत सजा पांगे।” 41 ईसु मंदिर के भंडार के सामने बैठकै देखत रहे कि आदमी मंदिर के भंडार मैं कैसे पैसा डारथैं; और सेठ आदमी गजब-गजब डारी। 42 इते मैं एक कंगाल बिधवा आयकै दुई तँबे के छोटे सिक्का डारी। 43 तौ बौ चेलन के झोने मस्काए के उनसे कही, “मैं तुमसे सच्ची कहथौ कि मंदिर के भंडार मैं डारन बारन से जौ कंगाल बिधवा सबसे जाधा डारी है; 44 काहेकि सब अपनी जाधा सम्पत्ति मैं से डारी है, लेकिन जौ अपनी घटी मैं से जो कुछ बाको रहे, बौ सब डार दई है।”

अन्दिआस इकल्ले मैं बाके झोने आए। 4 बासे पूँछी, “हमकै बता जे बात कब होंगी? और जे जब सब बात पूरी होन बारी होंगी बौ समय को का चिन्ह होगे?” 5 ईसु उनसे कहने लागो, “चहाचीते रहियो कोई तुमकै भरमाबै ना। 6 निरे मेरो नाओ लैंकै कहमंगे, ‘मैं बहे हौ!’ और निरेन कै बहकामंगे।” 7 जब तुम लड़ाई की बात सुनो, तौ मत डरईयो; काहेकि इनको होनो जरूरी है, लेकिन बौ अंत ना होगो। 8 देस एक दुसरे से लडंगे, राज्य एक दुसरे ऊपर हमला करंगे और सब कहीं हालाचाला होंगे, और सूखा पड़ेगो। जौ सब कछु बालका होन के अगु को पीर हानी होगो। 9 पर तुम चहाचीते रहियो; काहेकि आदमी तुमकै पंचायतन मैं सौंपगे और सभाघरन मैं पीट जांगे और सुसमाचार के बजह से तुमकै हाकिमन और राजाओं के अगु खड्डो करौ जांगे, ताकी उनके ताहीं गम्भाई होंबे। 10 और जौ जरूरी है कि अगु सुसमाचार को प्रचार सब आदमिन मैं करो जाबै। 11 जब बे तुमकै लै जाएकै सौंपे, तौ अगु से चिंता मत करियो कि हम का बोलंगे; और तुमकै जैसो बताओ जाबे बैसोई कहियो; काहेकि बोलन बारे तुम ना बल्किन पवित्र आत्मा है। 12 भईय्या-भईय्या के और दऊवा लौड़ा के मरन के ताहीं सौंप देंगे, बालका अपने अईय्या-दऊवा के खिलाप मैं उठंगे और उनके जान से मरबाए देंगे। 13 और मेरो नाओ की बजह से सब जनी तुमसे बुरो बर्ताव करंगे। लेकिन जो आखरी तक सबर रखैगो, बहे को उद्धार होगो। 14 “जब तुम बौ ‘बरबाद करन बारी बुरी चीजन’ के जहाँ ठीक नाय हँना बाकै ठाड़ी देखौ।” पढन बारो समझ जाए: तौ जो यहूदिया मैं होमै, बे पहाड़ मैं भाज जायें। 15 जौ कोई छत के ऊपर है, बौ अपने घर मैं से कुछ लेन ताहीं तेरे ना आये और ना भीतर जायें; 16 और जौ खेत में है, बे अपने लत्ता लेन पच्छु ना लौटै। 17 बे दिनन मैं जौ गरब से होंगी, और जौ दूद पिबान बारी होंगी उनके ताहीं किंतो भयानक होगो। 18 और प्रार्थना करौ कि ऐसो जाडो के समय ना होबै 19 काहेकि जे दिनन मैं ऐसो दुख आगो जौ दुनिया की सुखात से परमेस्वर बनाई है, अब तक ना तौ भौ, और ना कहए दोहराए के होबैगो। 20 अगर प्रभु बे दिनन कै ना घटातो, तौ कोइये लोग ना बचते। लेकिन बे छटे भै की बजह से जिनकै बौ चुनी, तभई जौ समय कै घटाई। 21 “बहे समय कोई भी तुमसे कहबै, देखौ, मसीह! हीना है, ‘देखौ, हँना है!’ तौ भरोसा मत करियो।” 22 काहेकि झूठे मसीह और झूठे भविस्यवक्ता ठाड़ जांमगे। चिन्ह और तरह-तरह के चमत्कार दिखंगे ताकी चुने भै आदमिन कै भी भरमाए देंमै। 23 लेकिन तुम चहाचीते रहियो; देखौ जे सब बात होन से अगुए बताए देथौ। 24 “बे दिनन मैं दुख के बाद दिन अधियारो मैं बदल जांगे, और जोनी उजियारो नाय देगी, 25 और आसमान से तारा गिरन लगंगे, और आसमान की सत्कियन कै हलाओ जांगो। 26 तौ आदमी इसान के लौड़ा के पूरी सामर्थ्य, और महिमा के संग बादर मैं आत देखंगे। 27 बहे समय बौ अपने स्वर्गदूतन के पनारकै, दुनिया के एक छोर से दुसरे छोर तक, चारौ पाँई से अपने चुने भै आदमिन कै जौरंगो।” 28 “अंजिर के रूखा से जौ कहानी सिकौ: जब बाकी हंगईय्या मुलायम

होथें, और उनमें से कान्ति निकरथें; तौ तुम पता लगाए लेथो कि गमीं को मौसम आनबारो है। 29 अगर जे बात ऐसो होत भै देखैगे, तौ जान लियो, कि बौ झोने है बल्किन दुआरे है। 30 मैं तुमसे सच्ची बात कहथौं, ऐसो जब तक पूरो ना होगो, तब तक कोई पीढी खतम नाय होबैगी। 31 दुनिया और आसमान मिट जागो, लेकिन मेरी बात कहए नाय मिटंगी।” 32 “बाकई मैं बौ दिन या पल कब आगो ऐसो कोइये नाय जानथै, ना स्वर्ग के स्वर्गदूत ना लौडा; सिरफ दऊवा जानथै। 33 जगत रहियो, चहाचीते रहियो; तुमकै ना पता है बौ समय कब आए जागो। 34 जौ बौ आदमी के गत की तरह है जो परदेस जान पोती अपनो घर छोड जाबै, और अपने सेवक के काम सौंपै, और सबन के बाकी जिम्मेदारी देबै, और रखबरिया के जगत रहेन कि आग्या देबै। 35 जहेमारे जगत रहियो, काहैकि तुम कछु नाय जानथौ कि घर को मालिक कब आए जाबै, संजा के या आधी रात के या मुर्गा के बास देन के समय या दिन निकरन से अगु। 36 ऐसो ना होबै कि अनकाचीति आए कै, और तुमकै सोत भै पाबै। 37 और जो भी बात तुमकै बताओ, मैं सबसे कहथौं: जगत रहियो!”

14 दुई दिन के बाद फसह और अखमीरी रोटी को त्योहार आनबारो रहै। मुखिया पुजारी, यहदि नियम के सिक्छक जौ ताक मैं रहै कि ईसु के कैसे धोका से पकडके जान से मार डारै। 2 “फिर बे कहेन लागे त्योहार के दिन नाय,” कही ऐसो न होबै, “कि आदमिन मैं हुलगदड मच जाबै।” 3 जब ईसु बैतनिय्याह मैं सिमौन कोहडी के घर मैं खानु खान बैठो तभई बाके झोने एक बईय्यर संगमरमर के बर्तन मैं जटामांसी की कीमती सुद्ध इतर संग लाई; और बाके मूड इतर अखनाए दई। 4 तौ कुछ आदमी गुस्सा करत भै कहेन लागे, “जौ इतर के काहे बरबाद करो गौ? 5 जबकी जौ इतर तीन सौ चाँदी के सिक्का से जाधे मैं बेचके गरीबन मैं बाँट देते।” और बाके ऊपर गुस्सा होन लगे। 6 ईसु उनसे कही, “बाकै छोड देबौ! बाकै काहे सताथौ? बौ तौ मेरे संग भलो करी है। 7 गरीब तौ तुमरे संग हमेसा रहेंगे, और कहू भी उनके संग भलाई कर लेगे, लेकिन मैं तुमरे संग हमेसा ना रहेंगे। 8 बौ जो कुछ कर सकी, बौ करी, बौ मेरे दफन होन की तैयारी से अगु मेरे सरिर के जटामांसी नाओं के तेल से अभिसेक करी है। 9 मैं सच्ची-सच्ची कहथौं पूरी दुनिया मैं कहुँ भी सुसमाचार बताओ जागो, बाके काम की बात की बडौई जरूर करी जाबैगी।” 10 और यहदा इस्करियोती जो बारहों मैं से एक रहै, और बौ मुखिया पुजारिन के झोने गौ ताकी उनके हाथ ईसु के पकडवाए सकै। 11 जे बात बाकी सुनैके बे बडा खूब भै, और बाकै स्पईया देन के ताही वादा करी; और बौ मौका ढूँडन लागो कि ईसु के कौन सी तरकीब से पकडबायै। 12 अखमीरी रोटी त्योहार के पहले दिन, जामैं बे फसह त्योहार के डंगर को यानी भेड के बच्चा के मारत रहै, तौ ईसु के चेला बासे पूँछी, “तू किनै जानो चाहथै कि हम तेरे ताही फसह खानु को बंदोबस्त करै?” 13 ईसु अपने दुई चेलन के जौ कहके पनारी: “गाँव मैं जाबौ, और एक आदमी तुमके पानी से भरो घल्ला उठात भै मिलैगो। तौ बाके पच्छु जात रहियो 14 और बौ जो घर मैं जाबै, बौ घर के मालिक से कहियो: ‘गुरु कही है, कि अलग से बैठन की जघा कहाँ है?’

जामैं मैं अपने चेलन के संग फसह को खानु खाए सकौ। 15 बौ तुमकै एक सजी सजाई, और सब बंदोबस्त करी भइ ऊपर की एक कुठरिया बताए देगो, बायै हम सबन के ताही फसह के खानु की तैयारी करियो।” 16 बाके कहेन के मुताबिक चेला नगर मैं आए, और जैसो ईसु कही रहै, बैसोई पाई; और बौ जघा मैं फसह तैयार करी। 17 जब संजा भइ, तौ हूँना बारहों चेलन के लैकै आओ। 18 जब सब बे खानु खान बैठन लगे, तौ ईसु कहेन लागो, “मैं तुमसे सच्ची कहथौं, तुम मैं से एक, जो मेरे संग खानु खाए रौ है, मोकै पकडबागो।” 19 तभई सब चेला निरास हुईगे और पाली-पाली से बासे पूँछन लागे, “का बौ मैं हौ?” 20 ईसु उनके जबाब दई, “बौ बारह मैं से एक है, जो मेरे संग थरिया मैं हात डारथै। 21 जैसो इंसान के लौडा के बारे मैं लिखो है, बौ हुईकै रहगो; लेकिन किंतो भयानक बौ आदमी के ताही होगो जो मोकै पकडबागो।” 22 जब बे खात रहैं, तौ ईसु रोटी लई, और धन्यवाद की प्रार्थना करके रोटी तोडी, और उनसे कही। लेबौ, “जौ मेरी सरिर है।” 23 तौ फिर बौ कटोरा लई और धन्यवाद करके दई; और सब बायै से पी। 24 और बौ उनसे कहेन लागो, जौ मेरो वाचा को बौ खून है, “जो सबन के ताही बहाओ जाथै। 25 मैं तुमसे सच्ची कहथौं, बौ दिन तक दाखरस नाय पीहैं, जबले परमेस्वर के राज्य मैं नई दाखरस नाय पियौ।” 26 फिर बे गीत गात जैतून पहाड मैं चले गै। 27 तौ ईसु उनसे कही, “तुम सब मोकै छोडके भाज जाबैगे, ऐसो साझ मैं लिखो है, ‘मैं बरदिया के मारंगो, और भेड तितर-बितर हुई जांगी।’ 28 लेकिन मैं अपने जिंदो होन के बाद तुमसे अगु गलील के जांगो।” 29 पतरस बासे कहेन लागो, “सबे तौकै छोड देमैं लेकिन मैं नाय छोडंगो।” 30 ईसु बासे कही, “मैं तोसे सच्ची कहथौं, आज जे रात मैं मुर्गा के दुई बार बासन के अगु, तू तीन बार मोसे मुकर जागो।” 31 लेकिन बौ और जोर दैके कहेन लागो, “अगर मोकै तेरे संग मरन भी पडै, तहुँओ कहए नाय मुकरंगो!” और सबे चेला बासे ऐसिये कही। 32 ईसु और बाके चेला गतसमनी नाओं की एक जघा मैं आए, और बौ अपने चेलन से कहेन लागो, “जहे जघा मैं बैठे रहियो जबले मैं प्रार्थना कर लेमौ।” 33 और बौ पतरस, याकूब और यहून्ना के अपने संग लैके गौ। फिर बौ बडा बेचैन और उदास होन लागो, 34 और बौ उनसे कहेन लागो, “मेरो मन बडा बेचैन है, हीना तक की मेरी जान निकरन के है। तुम हीनै सकियो और चौकन्ने रहियो।” 35 फिर बौ जरा अगु बढो और हूँनै घुपटियाय के जमीन मैं प्रार्थना करन लागो, कि हुई सकै तौ जौ दुख मेरे ऊपर से हट जाबै। 36 और ऐसे कहेन लागो, “हे परमपिता तोसे तौ सबै कछु हुई सकथै, जौ कटोरा मेरे अगु से हटाय दे। तहुँओ जैसो मैं चाहथौं बौ नाय लेकिन जो तू चाहथै बहे होबै।” 37 बौ फिर बापस आओ और उनके सोत भै देखी। और पतरस से कही, “अरे सिमौन, तू का सोए रौ है? तेरे मैं एक घडी भी जगन की हिम्मत नाय है? 38 जगत और प्रार्थना करत रहियो ताकी तुम परिक्रछा मैं ना फसौ। आत्मा तौ तैयार है, लेकिन सरिर तौ कमजोर है।” 39 और दुबारा से फिर बापस गौ और बेसिये प्रार्थना करन लागो। 40 फिर लौटकै देखी तौ उनके सोत भै पाई काहैकि उनकी आँखी निधानि भइ रहैं। तौ उनके पास कछु बोल ना बचे कि हम बाके का जबाब देमैं। 41 तौ तिसरी बार आयके उनसे

कही, “अब तुम सोत रहबौ और सैतात रहबौ? कहैकि बौ समय आए गौ! देखौ इंसान को लौडा पापिन के हाथ पकड़बाओ जाथै। 42 अब उठौ, नेगौ। देखौ, मेरो पकड़ान बारो मेरे झोने आए चुको है!” 43 ईसु जौ कहतै रहै कि तुरतै यहदा इस्करियोती जो बारह चेलन में से एक रहै, अपने संग मुखिया पुजारी, यहदि नियम के सिक्छक और बड़े-बूढ़ेन के घाँई से एक बड़ी भीड़ तलवार और लठिया लै तुरतै आए पुगे। 44 बाको पकड़वान बारो उनके जौ चिताए दई रहै, कि मैं “जो आदमी के चूमौ बौ बहे होगो। बाकै पकड़कै अपने संग लै जाबौ।” 45 और बाके झोने आयकै बासे कहन लागो, “गुरुजी!” 46 और बाकै प्यार से चूमन लागो। 46 तौ बे ईसु कै तुरतै धर दबोची। 47 पर ठाड़ें मैं से एक तुरतै अपनी तलवार निकारी और बड़ो पुजारी के सेवक के ऊपर चलाई, और बाको एक कान काट दई। 48 ईसु उनसे कहन लागो, “का तुम डकैत जानकै मोकै पकड़न के ताहीं तलवार और लठिया लैकै निकरे हो? 49 मैं तौ सब दिन मंदिर मैं तुमरे संग रहकै उपदेस देत रहौ, तौ तुम मोकै नाय पकड़े: कहैकि ऐसो जहे ताहीं भौ कि पवित्र साक्ष की बात पूरी होबै।” 50 तबईये बाके संग के सबै चेला बाकै छोड़कै भाज गै। 51 तौ एक ज्वान आदमी नंगी सरिर मैं चद्र ओढे ईसु पच्छु हई लई; तौ बे आदमी बाकै पकड़न ताहीं कोसिस करी, 52 लेकिन बौ चद्र छोड़कै, नंगोई भाज पड़ो। 53 फिर बे ईसु कै बड़ो पुजारी के झोने लैकै गै, और मुखिया पुजारी, यहदि नियम के सिक्छक और बड़े-बूढ़े बाके दरबार मैं सब जुराए गै। 54 पतरस उनसे दूर-दूर और पच्छु-पच्छु बड़ो पुजारी के आँगन के भीतर तक चले गौ। और रखबरियन के संग बैठकै आगी तापन लगो। 55 मुखिया पुजारी और पूरी पंचायती ईसु कै मार डारन के ताहीं बाके खिलाप गभाई दूँडत रहै, लेकिन नाय मिलो। 56 निरे बाके खिलाप मैं गलत गभाई देत रहै, लेकिन उनकी गभाई एक दुसरे से मेल नाय खाँमै। 57 तबई कुछ आदमी बाके खिलाप उठकै जौ गलत गभाई दई। 58 “हम जासे जौ बात कहते सुने हैं, कि मैं अपने हाथ के बनाए भैं मंदिर के उजाड़ दूंगो और तिसरे दिन मैं दूसरो बनाए दूंगो, बौ इंसानन के हाथ को बनो भौ नाय होगो।” 59 जाँमै भी उनकी गभाई एक सी नाय बैठी। 60 तौ बड़ो पुजारी सबन के बीच मैं ठाड़कै ईसु से पूँछी; जे सब जनी जो तेरे ऊपर दोस लगाएँ रहै हैं “तैं उनके कोई जबाब काहे ना देखै?” 61 लेकिन बौ चुप्पा रहो, और कुछ नाय जबाब दई। बड़ो पुजारी बासे फिर पूँछी, “का तू आसीसित परमेस्वर को लौडा मसीह है?” 62 ईसु कही, “मैं हौँ: और तुम सबै इंसान के लौडा के सर्वसत्किमान परमेस्वर के दाँए घाँई बैठो, और आसमान के बादरन संग आत देखेगो।” 63 तौ बड़ो पुजारी अपने लत्ता फाड़कै कही, “अब हमकै जाके खिलाप गभन की का जरूरत है? 64 तुम जौ बदनामी सुने। तुम सबन की का सलाह है?” बे सब बाके खिलाप बोली और कही जौ तौ कसूरवार है और जाकै मौत की सजा मिलनो चाहिए। 65 तब कोई बाके ऊपर थूकन, और कोई बाको मोहोँ ढोंकै और बाकै घूँसा मारै, और बासे कहमै, “अगर तैं भविष्यवक्ता है तौ बता, तोए कौन मारो!” और रखबरिया भी बाकै पकड़कै चोँटा मारी। 66 जब पतरस दुआरे आँगन मैं रहै, तौ बड़ो पुजारी की एक सेविका हँना आई, 67 और पतरस कै आगी तापत देखकै बाके घाँई एक टक

भाँदकै देखी और बासे कहन लागी, “तहँ तौ बहे ईसु नासरी के संग रहे।” 68 लेकिन बौ मुकर गौ, और कहन लागो, “मैं कुछ नाय जानथौ की तू कौनके बारे मैं कह रह है।” और बाके दुआरे डेहरी मैं आत खिना की मुर्गा बास दई। 69 सेविका बाकै देखकै झोने ठाड़े आदमिन से दुबारा कहन लागी, जहो तौ उनके संग रहै। 70 लेकिन पतरस फिर मुकर गौ, थोड़ी देर बाद बे जो बाके झोने ठाड़े रहै फिर पतरस से कहन लागे, “सच्ची तहँ उनमें से एक है; काहैकि तहँ गलीली है।” 71 लेकिन पतरस धिक्कारन और कसम खान लागो, “मैं बौ आदमी कै जोकी तुम बातचीत करै रहौ, नाय जानथौ।” 72 तबई तुरतै मुर्गा बास दई। तौ पतरस कै बौ बात जो ईसु बासे कही रहै समक आई, “कि मुर्गा के दुई बार बास देन से अगु तैं तीन बार मेरो इंकार करैगो।” और बौ जोर-जोर से रोन लागो।

15 भोर होतै खिना मुखिया पुजारी, खास बड़े-बूढ़े, यहदि नियम के सिक्छकन, और पूरी सभा आपस मैं फैसला करी और ईसु कै बंधवाए कै पिलातस के हात मैं सौप दई। 2 पिलातस बासे पूँछी, “का तू यहदिन को राजा है?” ईसु जबाब दई, “तू खुद बताए रौ है।” 3 और मुखिया पुजारी बाके ऊपर निरी बातन को दोस लगात रहे। 4 पिलातस बासे फिर पूँछी, “तू जबाब काहे ना देखै? देख जे तेरे ऊपर किने बातन को दोस लगाएँ रहै।” 5 ईसु फिर कुछ जबाब नाय दई; तौ पिलातस कै बड़ा अचम्मो भौ। 6 पिलातस हर फसह के त्योहार मैं कोई एक केदी के जोंके लोग चहात रहै, उनके ताहीं छोड़ देत रहै। 7 बरअब्बा नाओं को एक आदमी बे दंगाईयन के संग केदी रहै, जो दंगा मैं हत्या करी रहै। 8 तौ भीड़ ऊपर जाएँ बासे नहोरे करन लागी, जैसो तू हमरे ताहीं करत आओ है बैसोई कर दे। 9 तौ पिलातस उनके जबाब दई, “का तुम जौ चाहथौ कि तुमरे ताहीं यहदियन के राजा कै छोड़ देयौ?” 10 काहैकि बौ सब जानत रहै, कि मुखिया पुजारी बाकै धोके से पकड़बाई है। 11 लेकिन मुखिया पुजारी आदमिन के भडकाई, और जौ बोलन कै कही कि बौ बरअब्बा कै उनके ताहीं छोड़ देबै। 12 जौ सुनकै पिलातस उनसे फिर पूँछी, “तौ जोंके तुम यहदिन को राजा कहथौ, बाको मैं का करौ?” 13 बे फिर चिल्लाई, “बाकै क्रूस मैं टंगबाए दे!” 14 पिलातस उनसे कही, “काहे? बौ का बुरो काम करी है?” लेकिन भीड़ और जोड़ से चिल्लाए उठी बाकै क्रूस मैं टाँगो। 15 पिलातस भीड़ कै सांत करन के ताहीं बरअब्बा कै उनके ताहीं छोड़ दई, और ईसु कै कोड़ा लगबाए कै क्रूस मैं टाँगन ताहीं सौप दई। 16 सिपईय्या ईसु कै राज्यपाल के महल के भीतर के आँगन मैं लैगै, और हँना पूरी पलटन बुलाएँकै इखटो करी। 17 तौ बाकै बैजनी लत्ता पहनाई और कांटो को मुकुट बनाएँकै बाके मूढ़ में पैधाय दई। 18 और बासे जौ कही “ओ यहदियन के राजा तेरी लम्बी उमर होबै!” 19 और बे बाके मूढ़ मैं डंडा मारते, थकते, और घुपटियाय कै बासे नमस्ते करतै रहे। 20 जब बाको बे मजाक उड़ाए चुके, तौ बाके ऊपर से बैजनी लत्ता उतारकै बहे के लत्ता पहनाए दई; और फिर बाकै क्रूस मैं टाँगलान ताहीं दुआरे लाए कै चल दई। 21 सिकन्दर और रूफुस को दऊवा सिमोन, जो एक कुरेनी आदमी रहै, बौ कोई गाँव से आत रहै और बौ बहे रस्ता से गुजरो; तौ बाकै आदमी

जबरजस्ती पकड़ लई ताकी बाको क्रूस उठाएके पहुँचाए आबै। 22 बे ईसु के गुलगुता (जाको मतलब खोपड़ी की जघा) में लैके आए। 23 हँना बे ईसु के मुँ मेली भइ दाखरस पिबामैं, लेकिन बौ नाय पी। 24 तौ बे बाकै क्रूस में चढ़ाई, और बाके लता ताहीं परची डारी फिर आपस में बाँट लई। 25 सुबेरे के नौ बजे रहैं, जब बे बाकै क्रूस में टाँगी। 26 और बाके दोसपत्र में जौ लिखकै बाके ऊपर टाँगे गौ “यहूदियन को राजा।” 27 बे बाके संग दुई चुटन के क्रूस में टाँगी, “ईसु अपराधिन संग गिनो गौ” और पूरो भौ। 29 रहामैं आन-जान बारे आदमी अपनो मूढ़ हलाए-हलाए के ईसु की बुराई करत भै जात रहैं, “देखो! मंदिर के गिरान बारो और तीन दिन में बनानबारो! 30 क्रूस में से उतरकै अपने आपकै बचा!” 31 बैसिये मुखिया पुजारी यहूदियन नियम के सिक्कक मिलकै बाको मजाक उड़ात भौ कहमैं; “जौ औरन के बचाई लेकिन अपने आपकै काहे ना बचाए पाई। 32 अब इस्राएल को राजा मसीह क्रूस तरे उतर आबै तौ हम बाके ऊपर बिस्वास करै।” जिनकै ईसु के संग टाँगी रहैं, बेऊँ ईसु की बेजती करी। 33 और दुपारी में सबे देस में अधियारो छाए गौ और तीन घंटा रहो। 34 दुपारी के तीन बजे ईसु जोड़ से चिल्लाए के कही, “इलोई, इलोई, लमा सबक्तनी?” जाको मतलब है “मेरे परमेस्वर, मेरे परमेस्वर, तू मोकै काहे छोड़ दौ?” 35 जो बाके झोने ठाड़े रहैं उनमें से जौ सुनकै कोई कही, “देखो बौ एलियाह के पुकार रौ है।” 36 तौ उनमें से एक दौड़कै बरछा के सिरका के सोकता में डुबाई, और डंडा के सिरा में भोंदकै बाकै चुसाय के बासे कहन लागो, “देखे, एलियाह जाकै क्रूस से तरे उतारन आथै कि ना।” 37 तौ ईसु जोड़ से चिल्लाई और ज्यान त्याग दई। 38 मंदिर को परदा ऊपर से तरे ले फटकै दुई टुकड़ा हुई गौ। 39 हँना बाके अगु ठाड़ो कप्तान ईसु के चिल्लात और ज्यान छोड़त भै देखी, तौ बौ कही, “सच्ची में जौ आदमी, परमेस्वर को लौड़ा रहै।” 40 बाकै तमान बईय्यरें दूर से देखत रहैं, बायें मरियम मगदलीनी, छोटी याकूब और योसेस की अईय्या मरियम और सलोमी रहैं। 41 जब बौ गलील में रहै तौ जे बाके पच्छु हुई लेत रहैं; और बाकी सेवा-टहल करत रहैं। औरौ निरी बईय्यरें रहैं; जो बाके संग यरूशलेम में आई रहैं। 42 जब संजा खिन हुई गई काहैकि जौ दिन तैयारी को रहै, जौ साबत के एक दिन के अगु को रहै। 43 अरिमतिहाह को रहन बारो यूसुफ आओ, और बौ महासभा को मानो भौ मनतरी रहै। और खुद बौ परमेस्वर के राज्य के इंतजार में रहै। बौ हिम्मत भोंदकै पिलातुस के झोने गौ और ईसु की लास माँगी। 44 पिलातुस के अचम्मो भौ की बौ इत्ती जल्दी मर गौ; और बौ सबेदार के बुलाएकै पूँछी, कि बाके मेरे किन्ती देर भइ है? 45 फिरौकी बौ सबेदार से सब खबर लैके यूसुफ के ईसु की लास दिबाए दई। 46 तौ बौ एक लीनन को चढ़ लई, और लास के बायें लिपटाए दई, और एक कबर में जो चट्टान में खोदी गई रहै धरी, और कबर के मोहोंट में एक भारी पथरा दुरकाय दई। 47 मरियम मगदलीनी और योसेस की अईय्या मरियम देखत रहैं कि बाकै कहाँ धरी है।

16 जब साबत को दिन बीत गौ, तौ मरियम मगदलीनी, और याकूब की अईय्या मरियम, और सलोमी महाकनबारी चीज मोल लैके आई कि आयकै ईसु के सरिर में मलकै अभिसेक करै। 2 इतवार के दिन तड़के भोर, जब दिन निकरतै रहै, तौ बे कबर में आई, 3 बे आपस में कहेत रहैं, “हमरे ताहीं कबर के मोहोंट में से पथरा कौन दुरकाबैगो?” काहैकि पथरा निरो बड़ो रहै। 4 तौ हँना पौहोंच के देखी कि पथरा तौ पहले सेई दुरको भौ है! 5 तौ कबर के भीतर घुसतै, बे एक ज्वान आदमी के सेतो चोंगा पहने भै दहने घाँई बैठो भौ देखी, और बड़ा अचम्मो में पड़ गई। 6 बौ उनसे कही, “अचम्मो मत करौ, तुम ईसु नासरी के, जो क्रूस में टाँगे गौ रहै, बाकै ढूँड्यौ। जिंदो हुई गौ है, हिंयों नाय है; जौ बहे ठिया है, जहाँ बाकै धरी रहैं। 7 अब जाबौ, बाके चलन के और पतरस के बताबौ कि बौ तुमसे अगु गलील में जागो। जैसो बौ तुमसे कही रहै।” 8 तौ बे ईसु की कबर से निकरतै भाज लई; बे थर-थरान लागी, बे कोईये से कछु नाय कही, काहैकि बे सच में बड़ा डराय गई रहैं जाके बाद बे पतरस और सब चलन के अपनी गभाई बताई। 9 (note: The most reliable and earliest manuscripts do not include Mark 16:9-20.) ईसु जिंदो होन के बाद इतवार बारे रोज भोर होत खिना, सबन से अगु मरियम मगदलीनी जोके भीतर से बौ सात प्रेत आत्मा के निकारी रहै, बाकै दिखाई दई। 10 बौ जाएकै जौ खबर ईसु के संग बारेन के सुनाई, जो सोक में डूबे रोत रहैं। 11 चेला जौ सुनकै कि बौ ईसु के जिंदो देखी है, बे बाकी बात में बिस्वास नाय करी। 12 जाके बाद ईसु दुई जनी के दुसरे तराही दिखाई दई। जब बे गाँव घाँई जात रहैं। 13 बेऊँ जौ खबर औरन के बताई, लेकिन उन्हऊँ को भरोसो नाय करी। 14 आखरी में जब बे ग्याह चेला खानु खान बैठे रहैं। तौ ईसु उनकै दिखाई दई, उनके अविस्वास और करे मन होन पर समझाई कि बिस्वास करौ। जो बाकै जिंदो होन के बाद देखी रहै, बे उनके ऊपर भरोसो नाय करी रहैं। 15 ईसु उनसे कही, “जाएकै पूरी दुनिया के आदमिन के जौ सुसमाचार प्रचार करौ। 16 जो बिस्वास करैगो और बपतिस्मा लेगो बाको उद्धार होगो, लेकिन जो बिस्वास नाय करैगो बाकी बुराई करी जागी। 17 बिस्वास करन बारेन में जौ चिन्ह होगो कि बे मेरे नाओं से प्रेत आत्मा के निकारंगे, और नई-नई भासा बोलंगे; 18 साँपन के उठाए लेमगे, और अगर जहरी पी लैमैं तहुँओं कछु नुकसान नाय होगो; और बे बिमारन के ऊपर हाथ धरंगे और बे अच्छे हुई जांगे।” 19 प्रभु ईसु उनसे बात करन के बाद स्वर्ग के ऊपर उठाए लौ गौ, और परमेस्वर के दहने घाँई बैठगौ। 20 चेला निकरकै सब जघा ईसु को प्रचार करी, और प्रभु उनके संग रहकै काम करत रहो, बे चिन्ह चमत्कार के जरिया जो चलन संग होत रहै, बचन के मजबूत करत रहो। आमीन।

लूका

1 प्रिय थियुफिलस: भौत जनी बे बातन कै जो हमरे बीच मैं बीती है लिखन कि पूरी कोसिस करी हैं। 2 बे लिखी हैं कि हम बे सेवकन से का कहे हैं जो परमेस्वर के चेला सुस्वात से जे चीजन के देखी और जौ खबर को प्रचार करी। 3 और इसलै, थियुफिलस, कहैकि महुँ सुरु सेई जे सब मामलेन कै चौकनो हुईके परखो हौं, मैं सोचो कि तेरे ताहीं एक लैनबार से खाता मैं लिखनो अच्छो होगो। 4 मैं ऐसो इसलै करथौं ताकी तोकै हर बौ यकीन चीज के बारे मैं पूरी सच्चाई पता चल जाबै जो तोकै सिखाओ गौ है। 5 यहूदिया के राजा हेरोद के समय अबिय्याह के दल मैं जकर्याह नाओं को एक पुजारी रहै, और बाकी बईथर हासन के बंस की रहै, जोको नाओं एलिसिबा रहै। 6 और बे दोनों जनी परमेस्वर के सामने सिरफ धर्मी रहै, और प्रभु की सबै आग्या और कानून मैं निर्दास चलन बारे रहै। 7 उनकी कोई औलाद ना रहै, कहैकि एलिसिबा बाँझ रहै, और बे दोनों बुढ़े रहै। 8 एक दिन जकर्याह मंदिर मैं परमेस्वर के अगु पुजारी के रूप मैं सेवा करत रहै, रोजाना सेवा मैं अपनी बारी लेत रहै। 9 पुजारी पंचायत के रीत के हिसाब से बाके नाओं से चिठी निकरी, कि प्रभु के मंदिर मैं जाएके धूप बत्ती जलाबै, 10 और धूप बत्ती जलान पोती लोगन की पूरी मन्डली दुआरे प्रार्थना करत रहै। 11 इत्ते मैं प्रभु को एक स्वर्गदूत बेदी की धूप बत्ती के दहने घाँई ठाडो भौ बाकै दिखाई दई। 12 और जकर्याह देखकै डराएगौ और बाकै बड़ा डर बैठगौ। 13 लेकिन स्वर्गदूत बासे कही, “हे जकर्याह, डराबै मत्ति कहैकि तेरी प्रार्थना सुन लई गई है और तेरी बईथर एलिसिबा से तेरे ताहीं एक लौडा पैदा होगो, और तू बाको नाओं यहून्ना रखिये। 14 और तोकै खुसी होगी, और भौत जनी बाके जनम लेन कि बजह से खुस होगो! 15 कहैकि बौ प्रभु के सामने महान होगो। और दाखरस और दास कहू ना पीगो। और बौ अपने जनम से ही पवित्र आत्मा से भर जागो, 16 और इझाएल के लोगन मैं से भौतन कै उनके प्रभु परमेस्वर के घाँई करैगो। 17 बौ एलियाह भविष्यवक्ता की आत्मा और सामर्थ्य मैं हुईके बाके अगु-अगु चलैगो, कि दउवन को मन बाल-बचन के घाँई फेर दे; और नियम ना मानन बारेन कै धर्मी कि समझ मैं लाबै; और प्रभु के ताहीं सिरफ बाबिल आदमी कै तैयार करै।” 18 जकर्याह स्वर्गदूत से पूँछी, “जो मैं कैसे जानौ? कहैकि मैं तौ बुढ़ा हौं; और मेरी बईथरौ बुढ़िया हुई गई है।” 19 स्वर्गदूत बाकै जबाब दई, “मैं जिब्राईल हौं, मैं परमेस्वर के सामने ठाडो रहथौ; और मैं तोसे बतकान और तोकै जो सुसमाचार सुनान के ताहीं भेजो गौ हौं। 20 और देख, जो दिन ले जे बातैं पूरी ना हुई लेंमें, बौ दिन ले तू अपनो मोहों बंद रखगो, और बोल ना पागो, इसलै कि तैं मेरी बातन कै जो अपने समय मैं पूरी होमंगी, उनके ऊपर तैं बिस्वास ना करो।” 21 लोग जकर्याह कै असीयात रहै और अचम्मो मानन लागे, कि बाकै मंदिर मैं इतनी देर काहेंके लग रइ है? 22 जब जकर्याह दुआरे आओ, तौ बौ कछु बोल ना पाई और आखरी मैं बे जानगे, कि जकर्याह कै मंदिर मैं कछु दर्शन मिलो है; जकर्याह उनसे इसारन मैं बतान की कोसिस करत रहो, लेकिन बौ गँगा बनो रहगौ।

23 जब जकर्याह को मंदिर मैं सेवा करन को पूरो समय हुई गौ, तौ बौ अपने घरे चले गौ। 24 थोड़ी दिनन के बाद बाकी बईथर एलिसिबा पेट से हुई गई; और पाँच महेना ले अपने आपके जौ कहकै लूकाए रखाई। 25 कि “इंसानन मैं मेरी बेजती दूर करन के ताहीं प्रभु जे दिनन मैं किरपा करकै मेरे ताहीं ऐसो करी है।” 26 एलिसिबा के गरब के छठमें महेना मैं परमेस्वर की तरफ से जिब्राईल नाओं को स्वर्गदूत गलील के नासरत नगर मैं, 27 एक कुवारी के झोने भेजो गौ। जोको नाओं मरियम रहै बाकी दिखनौरी यूसुफ नाओं दाऊद के बंस के एक आदमी से भइ रहै। 28 और स्वर्गदूत बाके झोने आयकै कही, “तोकै सांति मिलै! प्रभु तेरे संग है और बौ तेरे ऊपर दया करी है।” 29 मरियम स्वर्गदूत के संदेस से बड़ा परेसान रहै, और बौ सोचत रहै कि बाकी बातन को का मतलब है। 30 स्वर्गदूत बासे कही, “हे मरियम; डराबै मत्ति, कहैकि परमेस्वर की अनुग्रह तेरे ऊपर भइ है। 31 और देख, तैं पेट से होबेगी, और एक लौडा कै जनम देगी, तैं बाको नाओं ईसु रखिये। 32 बौ महान होगो; और परमप्रधान परमेस्वर को बालका कहो जागो। और प्रभु परमेस्वर बाके दऊवा दाऊद की सिंहासन बाकै देगो, 33 और बौ याकूब के बंस मैं हमेसा राज्य करैगो; और बाको राज कहए खतम नाय होगो!” (aiōn g165) 34 मरियम स्वर्गदूत से कही, “मैं एक कुवारी हौं। फिर ऐसे कैसे हुई सकथै?” 35 स्वर्गदूत बाकै जबाब दई, “पवित्र आत्मा तेरे ऊपर उतरैगी, और परमप्रधान परमेस्वर की सामर्थ्य तेरे ऊपर आबैगी; जौ बजह से पवित्र बालका कै परमेस्वर को लौडा कहो जागो। 36 अपनी हितुनिया एलिसिबा कै समक। जौ कहो जात रहै कि बाकै बालका नाय हुई सकथै, लेकिन बौ अब छे महेना पेट से है, भलेई बौ बड़ा बुढ़िया होबै। 37 कहैकि ऐसो कुछ भी ना है जो बात परमेस्वर ना कर सकथै।” 38 मरियम कही, “देख, मैं प्रभु की दासी हौं, जैसो तैं बात कहो है, बैसोई मेरे संग होबै।” फिर स्वर्गदूत बाके झोने से चले गौ। 39 कुछ समय बाद मरियम तैयार भइ और जल्दी से पहाड़ी देस मैं यहूदा के एक सहर मैं चली गई। 40 बौ जकर्याह के घरे जाएके एलिसिबा कै नमस्ते करी। 41 जब एलिसिबा मरियम को नमस्ते सुनी, तरतै एलिसिबा को बालका बाके पेट मैं उछलो, और एलिसिबा पवित्र आत्मा से भर गई 42 और एलिसिबा जोड़न से चिल्लाए कै कही, “तैं बईथरन मैं परमधन्य है, और आसीसित है बौ बालका जोकै तैं जनम देगी! 43 और जौ दया मेरे ऊपर कहाँ से भइ, कि मेरे प्रभु की अईया मेरे झोने मिलन कै आई? 44 कहैकि जैसी मैं तेरो नमस्ते सुनौं, मेरे भीतर को बालका खुसी से उछल पडो। 45 तोकै जौ बिस्वास करन मैं कितनी खुसी है कि प्रभु को संदेस तेरे ताहीं सच होगो!” 46 मरियम कही, “अपने आप मेरो मन प्रभु की स्तुति करथै; 47 मेरी आत्मा मेरो उद्धार करन बारे परमेस्वर से खुस भइ है, 48 कहैकि बौ अपनी दीन दासी कै याद करी है! अब से सब लोग मोकै धन्य कहमगे, 49 कहैकि परमेस्वर मेरे ताहीं महान काम करी है। बाको नाओं पवित्र है; 50 और बाकी दया उनके ऊपर जो बासे डरथै, पीढ़ी से पीढ़ी तक बनी रहथै। 51 बौ अपने हातन की ताकत दिखाई और जो अपने मन मैं घमंड करथै, उनके बिखेर दई। 52 बौ सत्किंसाती सासकन कै उनके सिंहासन से नीचे उतारी, और दीन कै ऊपर उठाई। 53 बौ भुंके के अच्छी चीजन से

भर दई, और सेठन के खाली हाथ भेज दई। 54 बौ हमरे बड़े-बूढ़ेन से करो भौ वादा निभाई, और बौ अपने सेवक इस्राएल के ऊपर दया और मदत करन आओ है। 55 बौ अब्राहम और बाके पूरे बंस के ऊपर दया करनो हमेसा याद रखी है।” (aion g165) 56 मरियम लमसम तीन महेना एलिसिबा के संग रहकै अपने घरे बापस चली गई। 57 एलिसिबा के बालका को जनम लेन को समय आए गौ और बौ एक लौड़ा के जनम दई। 58 बाके पड़ोसी और हितुआ जौ सुनकै, कि प्रभु बाकै ऊपर बड़ा दया करी है, एलिसिबा के संग बड़ा खुस भै। 59 जब बालका एक सप्ताह को रहै, तौ बे बाको खतना करन के आए और बाको नाओं बाके दऊवा के नाओं में जक्याह रखनो चहात रहै। 60 लेकिन बाकी अईथ्या कही, “ना! बाको नाओं यूहन्ना रखो जाबै।” 61 बे एलिसिबा से कही, “तेरे हितुअन में कोई को जौ नाओं ना है!” 62 फिर बे बाके दऊवा चाँई इसारा करकै पूँछी, कि तैं लौड़ा को नाओं का रखनो चाहथै। 63 जक्याह लिखन बारी पटिया माँग के लिख दई, “बाको नाओं यूहन्ना है,” और सब बड़ा हेरान भै। 64 बहे समय जक्याह फिर से बोलन में सक्छम भौ, और बौ आसीसित परमेस्वर को धन्यवाद करन लागो। 65 बाके पड़ोसी सब बड़ा डराएँ; और बे सब बात की खबर यहूदिया के पूरे पहाड़ी देस में फैल गई। 66 जो भी जाके बारे में सुनी, बौ जाके बारे में मन में सोची और पूँछी, “जौ बालका को का होन बारो है?” काहैकि जौ स्पस्ट रहै कि प्रभु की सक्ति बाके ऊपर रहै। 67 यूहन्ना को दऊवा जक्याह पवित्र आत्मा से भरो पड़ो रहै, और बौ परमेस्वर की भविष्यवाँड़ी सुनाई: 68 “आबो हम इस्राएल के परमेस्वर प्रभु की स्तुति करै! बौ अपने लोगन को छुटकारा और आसीस देन ताहीं आओ है, और उनके आजाद करी है। 69 बौ हमरे ताहीं एक सक्तिसाली उद्धारकर्ता, अपने सेवक दाऊद की पीढ़ी दई है। 70 बौ सुस्वाते से अपने पवित्र भविष्यवक्ता के जरिये वादा करी रहै (aion g165) 71 कि बौ हमें हमरे बैरियन से बचागो, बे सबन की ताकत से जो हमसे बैर रखथैं उनके हात से हमरो उद्धार करी है। 72 बौ कही कि बौ हमरे पुरखन के ऊपर दया करैगो और अपनी पवित्र वाचा के याद रखैगो। 73 हमरे पुरखा अब्राहम के ताहीं एक गंभीर कसम के संग 74 बौ हमें हमरे बैरियन से बचान को वादा करी और हमें बिना कोई डर के बाकी आराधना करन की इजाजत दई, 75 ताकी हम जिंदगी भर बाके सामने पवित्रता और धार्मिकता से बाकी सेवा करत रहमैं। 76 हे भैरे बालका, परमप्रधान परमेस्वर को भविष्यवक्ता कहो जागो। काहैकि तैं प्रभु को रहा बनान के ताहीं बाके अगु-अगु चलैगो, 77 अपने लोगन के उद्धार को ग्यान दे, कि उनके पापन के माफ करन से बे बच जांगे। 78 हमरो परमेस्वर दया और प्यार से भरो और कोमल है। बौ हमरे ऊपर उद्धार को उजितो बारो भोर निकारैगो। 79 और बे सबन के ऊपर जो मौत के अंधकारमैं छाया में रहथैं, स्वर्ग से चमकन के ताहीं, सांति के रहमैं हमरे कदम को मार्गदर्शन करै।” 80 और बौ बालक यूहन्ना, बढत और आत्मा में ताकतवर होत गौ। यूहन्ना बौ दिन ले जंगल में रहो, जब तक कि बौ इस्राएल के आदमी के सामने सार्वजनिक रूप से सामने ना आओ।

2 बौ समय कैसर सम्राट औगस्तस के हात पूरी जग के साम्राज्य में जगगडना पंजिका करन को आदेस दई रहै। 2 जौ पहली जगगडना बौ समय भइ, जब किरिनियस सीरिया को राज्यपाल रहै। 3 और सब जनी अपनो नाओं जगगडना में लिखवान ताहीं अपने-अपने सहर के गौ। 4 यूसुफ जौ बजह से कि बौ राजा दाऊद के घराने और बंस को रहै, गलील के नासरत सहर से यहूदिया में दाऊद के सहर बैतलहम के गौ। 5 बौ मरियम के संग जगगडना करवान गै, जोसे बाकी दिखनौरी भइ रहै। और बौ पेट से रहै। 6 और जब बे बैतलहम में रहै, तौ मरियम के बालका को जनम लेन के पूरो समय हुई गौ। 7 मरियम अपनो पहलोठो बालका के जनम दई, और बाकै लता में लपटे के खुडली में लिटाए दई काहैकि उनके ताहीं सराय में जघा ना रहै। 8 बौ देस में कुछ बरदिया रहै, जो रात में मैदान में रहकै अपने भेंड-बकरियन के झुंड की रखबारी करत भइ खेतन में रात बितात रहै। 9 उनहें परमेस्वर को एक दूत दिखाई दई, और प्रभु की महिमा को तेज उनके ऊपर चमको, बरदिया गजब डराय गै रहै, 10 पर स्वर्गदूत उनसे कही, “मत डराबो! मैं हियॉं तुमरे ताहीं सुसमाचार लैंकै आओ हौं, जोसे सब लोगन बड़ा खुसी होगी। 11 आज के दिन दाऊद के सहर में तुमरे ताहीं एक उद्धारकर्ता जनमो है, और बहे प्रभु मसीह है! 12 और जाको तुमरे ताहीं जौ चिन्ह है, कि तुम एक बालका के लता में लिपटो भौ और खुडली में लेटो भौ पाबैगो।” 13 अनकाचीति एक स्वर्गिय सेना स्वर्गदूत के संग दिखाई दई, जो परमेस्वर की स्तुति गात रहै: 14 “परमेस्वर की महिमा ऊँचे स्वर्ग में, और पृथ्वी में सांति बे लोगन के ताहीं है जिनसे बौ खुस है!” 15 जब स्वर्गदूत बरदियन के झोने से बापस स्वर्ग में चले गै, तौ बरदिया आपस में बतकाई, “आबो, आपन बैतलहम जाएकै जौ बात जो भई है, और जोके बारे में प्रभु हमें बताई है, देखथै।” 16 और बे तुरंत फुर्ती से जाएकै मरियम और यूसुफ के पाई, और बौ बालक के खुडली में पड़ो भौ देखी। 17 जब बरदिया बाकै देखी, तौ बे उनहें बात बताई कि स्वर्गदूत बालका के बारे में का कही रहै। 18 और सब सुनन बारे, बे बातन के जो बरदिया उनसे कही रहै, अचम्भे भै। 19 मरियम जे सब बात के याद करी और उनके बारे में से मन सोची। 20 जो कुछ बे सुनी और देखी रहै, बौ सबके बजह से बरदिया परमेस्वर के बड़ाई को गाना गात भै लौट गै; जौ बैसोई भौ जैसो स्वर्गदूत उनहें बताई रहै। 21 एक सप्ताह बाद, जब बालका को खतना करन को समय आओ, तौ बाको नाओं ईसु रखो गौ, जो स्वर्गदूत बाके कोक में आन से पहले बाकै दई रहै। 22 जब मूसा की नियम के हिसाब से मरियम के सुद्ध होन को समय आए गौ, तौ यूसुफ और मरियम बौ बालका के प्रभु के सामने यरूसलेम में लैगै, 23 जैसो कि प्रभु के नियम में लिखो है: “हर एक पहलोठो पुस प्रभु के ताहीं पवित्र सौंपो जाए।” 24 बे प्रभु की नियम के हिसाब से एक जोड़ी कछुआ या कबूतर के दुई बच्चन की बलि चढ़ान गै। 25 बौ समय यरूसलेम में सिमौन नाओं को सिरफ एक धर्मी आदमी रहै, सिमौन एक अच्छो और साहसी भक्त रहै और इस्राएल कि सांति के ताहीं असियात रहै, और पवित्र आत्मा बाके संग रहै। 26 पवित्र आत्मा के जरिये सिमौन के भरोसो दौ गौ रहै कि जबले तैं प्रभु मसीह के देख ना लेगो, तौले तैं ना मरैगो। 27 पवित्र

आत्मा के सिखाने में, सिमौन मंदिर में आओ; जब अईय्या-दऊवा बालका ईसु के मंदिर में लाई, कि ईसु के ताहीं नियम के हिसाब से करै, 28 सिमौन बालका के गोदी में लई और परमेस्वर को धन्यवाद करके आसीस दई: 29 “अब, हे प्रभु, तैं अपनी बात के जरिया अपनो वादा पूरा करो है, और तैं अपने सेवक के सांति से बिदा कर दे; 30 काहेंकि मेरी आँखी तेरे उद्धार के देख लई हैं, 31 जोकै तैं सब लोग के सामने तैयार करो है: 32 गैर यहदि के ऊपर अपनी इच्छा दिखान के ताहीं एक जोती और तेरे खुद के लोगन ताहीं इस्माएल की महिमा होबै।” 33 सिमौन बाके बारे में जो कछु कही बासे बालका के अईय्या और दऊवा अचम्मे रहै। 34 फिर सिमौन उनके आसीस और आर्शिवाद दई और मरियम, ईसु की अईय्या से कही, “जौ बालका के परमेस्वर इस्माएल में भौत लोगन को गिरन और जी उठन के ताहीं चुनी है। बी परमेस्वर की तरफ से एक चिन्ह होगो, जोके खिलाप भौत जनी बोलंगे 35 और इसलै उनकी लुकी भइ सोच सामने आमंगी। और दुख, एक धारदार तलवार के हानी तेरो अपनो मन अपने आप तोड़ डारैगो।” 36 असेर के गोत्र में से हन्ना नाओं कि फनूएल की लौडिया एक भविष्यवक्ता रहै: बौ बड़ा बूढ़ी रहै, और बिहा होन के बाद अपने लोगा के संग सात साल जिंदगी बिता पाई रहै। 37 हन्ना चौरासी साल की हुई चुकी रहै: बौ मंदिर कहू नाय छोड़त रहै; दिन-रात बौ परमेस्वर की आराधना करत रहै, बर्त रखत रहै और प्रार्थना करत रहै। 38 हन्ना बहे समय हूँआँ आयकै परमेस्वर को धन्यवाद देन लागी, और बे सबन से, जो यरूसलेम के छुटकारा ताहीं असियात रहैं, बौ बालका ईसु के बारे में उनसे बतकान लागी। 39 और जब यूसुफ और मरियम प्रभु के नियम के हिसाब से सब निपटाए चुके तौ बे गलील में नासरत सहर अपने घरे बापस चले गै। 40 बालका बड़ो होत गौ, और मजबूत हुई गौ; बौ ग्यान से भरौ रहै, और बाके ऊपर परमेस्वर को अनुग्रह रहै। 41 हर साल ईसु के अईय्या-दऊवा फसह को त्योहार के ताहीं यरूसलेम के जाए करत रहैं। 42 जब ईसु बारह साल को रहै, तौ बे हमेसा की तरह त्योहार में यरूसलेम के गै। 43 जब त्योहार खतम हुई गौ, तौ बे घरे बापस लौट गै, लेकिन बालक ईसु यरूसलेम में रहगौ। बाके अईय्या-दऊवा के जौ पता नाय रहै; 44 बे सोची कि बौ भीड़ के संग है, इसलै बे पूरे दिन सफर करी और फिर अपने हितुअन और अपने पहचान बारेन के बीच बाकै ढूँडन लगे। 45 ईसु जब उनके नाय मिलो, तौ बे बाकै ढूँडत-ढूँडत बापस यरूसलेम के चले गै। 46 और तीन दिन के बाद बे ईसु के मंदिर में यहदि सिक्खकन के संग बैठो, उनकी बातन के सुनत और सवाल पूँछत भइ पाई। 47 और जो बाकै सुनत रहैं, बे बाके बुद्धिमान जबाब से बड़ा हैरान हुई जात रहैं। 48 जब बाके अईय्या-दऊवा अपने बालका के देखी तौ बे हैरान ही गै, और ईसु की अईय्या बासे कही, “बेटा, तैं हमरे संग ऐसो काहे करो? तेरो दऊवा और मैं तौकै ढूँडन की कोसिस मैं गजब परेसान भै।” 49 ईसु जबाब दई, “तुम मोकै काहेंके ढूँडरै हो? का ना जानत रहौ, कि मोकै अपने दऊवा के घरे होनो जरूरी है?” 50 लेकिन उन्हें बाकी बात समझ में ना आई। 51 इसलै ईसु उनके संग बापस नासरत में चले गौ, जहाँ बौ उनकी बात माने करतो। और उनके वस में रहो; बाकी अईय्या जे सब बातन के अपने

मन में संजोए कै धरे रखाई। 52 ईसु सरिर और बुद्धि दोनों में खूब बढ़त गौ, परमेस्वर और लोगन के अनुग्रह में बढ़तो चलो गौ।

3 जौ सम्राट तिबिरियुस के सासन को पन्द्रहों साल रहै; पुत्तियुस पिलातुस यहदिया को राज्यपाल रहै, हेरोद अंतिपास गलील देस को सासक रहै, और बाको भईय्या फिलिप्पुस इतुरैया और तरखोनीतिस के इलाका को सासक रहै; लिसानियास अबिलेने इलाका को सासक रहै, 2 और हन्ना और कैफा बड़ो पुजारी रहै, बौ समय परमेस्वर को बचन जरयाह को लौड़ा यहन्ना के झोने पुगो जो रेगिस्तान में रहत रहै। 3 जौ बजह से यहन्ना यरदन नदिया के आस-पास पूरे इलाका में गौ, प्रचार करी, “अपने पापन से मन फिराबो और बपतिस्मा लेबौ, और परमेस्वर तुमरे पापन के माफ कर देगो।” 4 जैसो कि यसायाह भविष्यवक्ता कि किताब में लिखो गौ है: “कोई रेगिस्तान में पुकार रौ है: कि प्रभु के ताहीं रहा सूदी करौ; सफर के लै प्रभु के ताहीं एक सीधी रहा बनाबौ! 5 हर एक घाट के भर दई जागी, हर पहाड़ी और पहाड़ के नीचो कर दौ जागो; और जो टेहड़ी रहा है बाकै सीधी करो जानो चाहिए, और ऊबड़-खाबड़ रहा मुलायम बनैगो। 6 पूरी इंसान की जाति परमेस्वर के उद्धार के देखेगी!” 7 बड़ी भीड़ यहन्ना से बपतिस्मा लेन के ताहीं निकरके आत रहै, उनसे यहन्ना कहत रहै, “साँप के बालकौ, तुमकै कौन चिताओ, कि आनबारे गुस्सा से भाजौ? 8 बे कामन के करौ जिनसे पता चले कि तुम अपने पापन से मन फिराए लै हो। और आपस में जौ ना कहियो कि अब्राहम तुमरो पुरखा है। मैं तुमसे कहथौ कि परमेस्वर जे चटानन के लैकै अब्राहम को बंसज बनाए सकथै! 9 और अब कुल्हाड़ी पेंड के जड़ से काटन के ताहीं तैयार है; अच्छो फल ना देनबारे हर पेंड के काटके आगी में डार दौ जागो।” 10 और लोग बासे पूँछी, “तौ हम का करै?” 11 यहन्ना जबाब दई, “जोके पास दुई कुरता होमैं, बौ बाकै एक कुरता देबै जोके पास ना है, और जोके पास खानु है बहो बाँटनों चाहिए।” 12 और कुछ लगान लेन बारे भी बपतिस्मा लेन आए, और बे यहन्ना से कही, “गुरु, हम का करै?” 13 यहन्ना उनसे कही, “जितो तुमरे ताहीं तैं करो गौ है, बासे जद्धे मत लियो।” 14 और कुछ सिपईय्या यहन्ना से पूँछी, “हमैं का करनो चाहिए?” यहन्ना उनसे कही, “कोई के ताकत दिखाए के बासे पैसा मत लियो या फिर कोई के ऊपर झूठो इल्जाम मत लगइयो, अपनी तनखा से सन्तुस्ट रहबौ।” 15 लोगन की उमीद बढ़न लगी और बे अचम्मे और मन में सोचन लगे कि कहीं सायद यहन्ना मसीह तौ ना है। 16 फिर यहन्ना बे सबन के जबाब में कही, “मैं तौ तुमकै पानी से बपतिस्मा देथौ, लेकिन बौ आनबारे है, जो मोसे ताकतबर है; मैं तौ जहो काबिल ना हौं, कि बाके जूतन की तनी खोल सकौं, बौ तुमकै पवित्र आत्मा और आगी से बपतिस्मा देगो। 17 बाके पास अपनो खुद को सुपो है, और बौ अपनो खेत खलियान के अच्छे से साफ करैगो; और गेहूँ के अपने खाते में इखटो करैगो, लेकिन गेहूँ छान के बौ भूसा के अलग करके आगी में जलागो जो कहू बुझत ना है।” 18 यहन्ना भौत सी सिक्खा दे दैके लोगन के सुसमाचार सुनात भइ मन फिरान के ताहीं नहोरे करत रहै। 19 लेकिन यहन्ना गवर्नर हेरोद के फटकार लगाई, काहेंकि हेरोद

अपने भईय्या फिलिप्पुस की बईय्यर हेरोदियास से बिहा करी रहे, “जौ सब मोके सौप दौ गौ है, और जोकै चाहथौ, बाकै दै सकथौ। और भी भौत से बुरे काम करी रहे। 20 तौ हेरोद यहन्ना के कैदखाना में डारकै औरौ बडो काम करी। 21 सब जनी के बपतिस्मा लेन के बाद, ईसू भी बपतिस्मा लई। जब बौ प्रार्थना करत रहै, तौ स्वर्ग खुल गौ, 22 और पवित्र आत्मा सारीरिक रूप में कबूतर के हानी ईसू के ऊपर उतरो, और स्वर्ग से जौ आकासवाडी भइ, “तैं मेरो प्रिय लौड़ा है, मैं तोसे खुस हौं।” 23 जब ईसू अपने काम सुरू करी तौ बौ लमसम तीस साल को रहै और जैसी लोग समझत रहैं कि बौ यूसुफ को लौड़ा रहै; जो कि यूसुफ एली को लौड़ा रहै, 24 और एली मत्तान को, और मत्तान लेवी को, और लेवी मलाकी को, और मलाकी यन्नाई को, और बौ यूसुफ को, 25 और यूसुफ मत्तित्याह को, और बौ आमोस को, और बौ नहम को, और नहम असल्याह को, और बौ नहम नोगह को, 26 और नोगह मात को, और मात मत्तित्याह को, और बौ सिमी को, और बौ योसेख को, और योसेख योदाह को, 27 और योदाह यहन्ना को, और यहन्ना रेसा को, और रेसा जर्स्बाबेल को, जर्स्बाबेल सालतियेल को, और सालतियेल नेरी को, 28 और नेरी मलकी को, और मलकी अदी को, और अदी कोसाम को, और कोसाम इल्मोदाम को, और इल्मोदाम एर को, 29 और एर जोस्वा को, जोस्वा एलीएजेर को, और एलीएजेर योरिम को, और योरिम मत्तात को, और मत्तात लेवी को, 30 और लेवी सिमौन को, और सिमौन यहदा को, और यहदा यूसुफ को, और यूसुफ योनान को, और योनान एलयाकीम को, 31 और एलयाकीम मलेआह को, और मलेआह मिन्नाह को, और मिन्नाह मत्तात को, और मत्तात नातान को, और नातान दाऊद को, 32 और दाऊद यिसे को, और यिसे ओबेद को, और ओबेद बोअज को, और बोअज सलमोन को, और सलमोन नहसोन को, 33 और नहसोन अम्मीनादाब को, और अम्मीनादाब आदमिन को, आदमिन अरनी को, और अरनी हेसोन को, और हेसोन पेरस को, और पेरस यहदा को, 34 और यहदा याकूब को, और याकूब इसहाक को, और इसहाक अब्राहम को, और अब्राहम तेरह को, और तेरह नाहोर को, 35 और नाहोर सरग को, और सरग रऊ को, और रऊ पेलेग को, और पेलेग एबिर को, और एबिर सिलह को, 36 और सिलह केनान को, और केनान अरफक्छद को, और अरफक्छद सेम को, और सेम नूह को, और नूह लेमेक को, 37 और लेमेक मथूसिलह को, और मथूसिलह हनोक को, और हनोक यिरिद को, और यिरिद महललेल को, महललेल केनान को, 38 और केनान एनोस को, और एनोस सेत को, और सेत आदम को, और आदम परमेस्वर को लौड़ा रहै।

4 ईसू पवित्र आत्मा से भरो भौ, यरदन नदिया से लौटो; और आत्मा कि अगुवाई में रेगिस्तान में फिरत रहो, 2 और चालीस दिन ले सैतान ईसू की परिकछा लेत रहो। 3 सैतान ईसू से कही, “अगर तैं परमेस्वर को लौड़ा है, तौ जौ पथरा से कह, कि रोटी बन जा।” 4 ईसू जबाब दई, “साझ कहथै, ‘कि तू प्रभु अपने परमेस्वर की आराधना कर और सिरफ बहे की सेवा कर!’” 9 तौ सैतान ईसू के यस्सलेम में लैगौ और ईसू के मंदिर के सबसे ऊँची जगह में ठडबाए दई, और ईसू से कही, “अगर तैं परमेस्वर को लौड़ा है, तौ अपने आपकै हिंयों से तरे फेंक दे। 10 काहैकि साझ मैं लिखो है, ‘कि परमेस्वर अपने दूतन के आग्या देगो, कि बे तेरी रक्छा करै।’” 11 और जहो कहो गौ है, “बे तौकै हातो-हाथ उठाए लेंगे ताकी तरे पोंव मैं पथरन से चोट ना लगै।” 12 ईसू सैतान के जबाब दई, “साझ जहो कहथै, ‘प्रभु अपने परमेस्वर के परिकछा में मत डारियो।’” 13 जब सैतान सब परिकछा ले चुको, तौ थोड़ी समय ताहीं ईसू झोने से चले गौ। 14 फिर ईसू गलील में लौटियाओ, और पवित्र आत्मा की सामर्थ्य बाके संग रहै, ईसू के बारे में खबर पूरे आस-पास के इलाका में फैल गई। 15 ईसू सभाधरन में पढाई और सब ईसू की बडाई करे करते। 16 फिर ईसू नासरत में आओ; जहाँ बाको पालन-पोसंड भौ रहै, और हमेसा की तरह साबत के दिन सभाधर में गौ। ईसू साझ पढन के ताहीं ठाडगौ 17 और यसायाह भविष्यवक्ता की किताब बाकै दई गई, और ईसू चिड़ी खोलकै, बौ जगह निकारी जहाँ जौ लिखो रहै, 18 “प्रभु की आत्मा मेरे में है, काहैकि बौ कंगालन के सुसमाचार सुनान के ताहीं मेरो अभिसेक करी है। और मोकै जौ ताहीं भेजी है, कि मैं बंधुवन के छुटकारा को प्रचार और अंधरन के उज्जीते, और दुखियारन के आजाद करौं, 19 और खबर को प्रचार फैलाय दियौ कि बौ समय आयगौ है जब प्रभु अपने लोगन के बचावो।” 20 फिर ईसू किताब के बन्द करके बापस सेबक के दै दई, और बैठगौ। और सभाधर में सब जनी की नजर ईसू के ऊपर टिकी रहै, 21 फिर ईसू उनसे कही, “पवित्र साझ को जौ लिखो भौ तुमरे सामने आज सच हुई गौ है, जैसो कि तुमरे सामने पढो जाएँ।” 22 और बे सब ईसू के सराहीं, और जो अनुग्रह की बात ईसू के मोहों से निकरत रहैं, उनसे बे अचम्मे भै; और कहने लागे, “का जौ यूसुफ को लौड़ा ना है?” 23 ईसू उनसे कही, “तुम मेरे ऊपर जौ कहानी जरूर कहबैगो, ‘कि बैध, अपने आपकै अच्छो कर।’” जो कुछ तुम सुने हो कि जो कफरनहम में भौ रहै, बाकै तुम मोकै हिंयों अपने देस में भी करन ताहीं कहगो।” 24 ईसू कही, मैं तुमसे सच्ची कहथौ, “कोई भविष्यवक्ता के अपने देस में मान-सम्मान नाय मिलथै। 25 मेरी बात सुनो: जौ सच है कि एलित्याह के समय में जब साढे तीन साल ले आसमान से मेहें ना बरसो और पूरे देस में भैकर आकाल पडो रहै, तौ इस्राएल में भौत एक बिधवा रहै। 26 पर एलित्याह के उनमैं से कोई के झोने नाय भेजो गौ, खाली सैदा के जारफत में एक बिधवा के छोडकै। 27 और एलीसा भविष्यवक्ता के समय इस्राएल में भौत से कोहढी रहै, पर सीरिया वासी नामान के छोडकै उनमैं से कोई सुद्ध ना करो गौ रहै।” 28 सभाधर के आदमी जौ सुनकै, सब बडा गुस्सा में आयगौ। 29 और बे उठकै ईसू के सहर से बाहर निकारी, और बौ पहाडी की चुटिया में लैगै, जौमैं उनको सहर बसो रहै, बे ईसू के नीचे चट्टान में फेंकन ताहीं लैगै रहैं, 30 पर बौ भीड के बीच से निकरकै अपने रहा चले गौ। 31 फिर ईसू गलील के एक

कफरनहम सहर में गौ, और बौ लोगन के साबत के रोज यहूदियन के सभाघर में उपदेस दई। 32 बे ईसु के उपदेस से अचममे भै, काहिके ईसु बचन के सबके अधिकार से बात करी रहै। 33 सभाघर में एक आदमी रहै, जोके अंदर एक असुद्ध प्रेत आत्मा घुसी रहै; बौ बड़ा जोड से चिल्लाई, 34 “आँह! हमकै तोसे का काम, नासरत के ईसु? का तैं हमें नास करन के आओ है? मोकै पता है कि तैं कौन है: तैं परमेस्वर को पवित्र दूत है!” 35 ईसु भूत के आग्या दई, “चुप रहा और आदमी के भीतर से बाहर निकर जा!” प्रेत आत्मा आदमी के उनके सामने नीचे फेंक दई और बिना कोई नुकसान करे बाके अंदर से निकर गौ। 36 जो सब देखकै सब जनी अचममे भै, और बे आपस में एक-दुसरेन से कहने लागे, “जे कैसे सब्द है? अधिकार और सामर्थ्य के संग जौ आदमी प्रेत आत्मा के हुकम देथै, और बे बाहर निकर जाथै!” 37 और ईसु के बारे में सब गाँव में खबर फैल गई। 38 ईसु सभाघर छोड़कै सिमौन के घरे चले गौ। सिमौन की सास तेज बुखार से बिमार रहै, और बे ईसु से बाके बारे में पूँछी। 39 ईसु बाकी सास झोने ठाड़कै बुखार के बाके छोड़न को आग्या दई और बुखार बाके अंदर से उतर गौ, और बौ एक बार में उठ गई और उनकी सेवा करन लग्य। 40 दिन मुदन के बाद, जो-जोके हिथी लोग भौत तरहन की बिमारी से बिमार रहै, बे सब उनके ईसु के झोने लै आई, और ईसु एक-एक के ऊपर हाथ रखकै उनके अच्छो करी। 41 और प्रेत आत्मा चिल्लाए-चिल्लाए के कहने डटे पड़े, “तैं परमेस्वर को लौड़ा है,” भौतन में से प्रेत आत्मा निकर गई, और ईसु उनके आग्या देतो और उनके बोलन तक ना देत रहै, काहिके भूत जानत रहै, कि जौ मसीह है। 42 जब दिन भौ तौ ईसु निकरकै एक एकांत जघा में गौ, लोग ईसु के ढूँडन लग्ये, और जब ईसु के ढूँड डारी, तौ बे ईसु के रोकन लग्ये, कि तैं हमरे झोने से मत जाबै। 43 लेकिन ईसु उनसे कही, “मोकै दुसरे सहरन में भी परमेस्वर के राज्य को सुसमाचार प्रचार करनो जरूरी है, काहिके परमेस्वर मोकै जहे ताहीं भेजी है।” 44 और बौ पूरे गलील देस में यहूदिया के सभाघरन में प्रचार करी।

5 एक दिन ईसु गन्नेसरत की झील के किनारे ठाडो रहै, और लोग परमेस्वर को बचन सुनन के ताहीं ईसु के ऊपर भीड़ गिरी जात रहै, 2 ईसु झील के किनारे दुई नईयाँ लगी भइ देखी, बे नईयाँ में से उतरकै मछरिया जार धोत रहै। 3 बे नईयाँ में से एक के ऊपर चढ़कै, जो सिमौन की रहै, ईसु बासे डीडे से थोड़ी भीतर के धक्का देन ताहीं पूँछी, फिर ईसु नईयाँ में बैठकै भीड़ के उपदेस दई। 4 जब ईसु बोलनो बंद करी, तौ बौ सिमौन से कही, “नईयाँ गहरे में लै चल, और तैं और तेरे संग के मच्छी मारन ताहीं अपने जार डारो।” 5 सिमौन ईसु के जबाब दई, “गुरुजी, हम पूरी रात मेहनत करे और कुछ ना पकड़पाए; लेकिन तैं ऐसो कहरो है, तौ मैं जार के डारंगो।” 6 जब बे जार डारी, तौ इतनी मच्छी आए गई कि जार फटन लग्यौ। 7 इसलै बे अपने सहभागी के जो दुसरी नईयाँ में रहै, उनके इसारा करी, कि आयकै हमरी मदत करी: और बे आयकै दोनो नईयाँ के मच्छी से इतो भर दई कि नईयाँ तक डूबा-डूब करै। 8 जौ सब देखकै सिमौन पतरस ईसु के घंटो में गिर गौ, और कही, “प्रभु, मेरे झोने से चले जा, मैं एक पापी आदमी हौ!” 9 सिमौन और बाके संग

के इतनी जाधे मच्छी पकड़कै हैरान रहै। 10 और बेसिये जब्दी को लौड़ा याकूब और यहून्ना के भी, जो सिमौन के सहभागी रहै, हैरान भै फिर ईसु सिमौन से कही, “मत डराबै, अब से तैं लोगन के परमेस्वर के झोने लागो।” 11 और बे नईयाँ के झील के डीडे लै आई और सब कुछ छोड़-छाड़ के ईसु के पच्छू ही लई। 12 जब ईसु एक सहर में रहै, तौ हुँआं कोड से भरो भौ एक आदमी आओ, और बौ ईसु के देखकै मोहों के बल गिरो, और नहोरे करी, “प्रभु अगर तैं चाहबै तौ मोकै सुद्ध कर सकथै!” 13 ईसु हाथ बढ़ायकै बाके छुड़ और कही, “मैं चाहथौं, तैं कोहोड से सुद्ध हुई जा।” और एक बार में बिमारी बौ आदमी के छोड़ दई। 14 फिर ईसु बाके हुकम दई, “कोई के मत बतइये, लेकिन तैं सुदे पुजारी के झोने जा और अपने-आपकै दिखा; और अपने सुद्ध होन के बारे जो कुछ मूसा चढ़ावा चढ़ाई है बाके चढ़ा कि उनके ऊपर गभाई होबै; सबन के साबित करन के ताहीं कि तैं ठीक हुई गौ है, तौ जैसो मूसा हुकम दई है” बेसिये भेंट चढ़ा। 15 लेकिन ईसु के बारे में खबर और जोर-सोर से फैल गई, और लोगन की भीड़ बाके सुनन ताहीं और अपनी बिमारिन से अच्छो होन के ताहीं जुरानी। 16 लेकिन ईसु अकेली जघा में जाएकै प्रार्थना करे करतो। 17 एक दिन ऐसो भौ जब ईसु उपदेस देत रहै, तौ कुछ फरीसी और नियम के सिक्छक हुँआं बैठे रहै, जो गलील और यहूदिया के हर एक सहर से और यरूसेलेम से आए रहै; और बिमारन के अच्छो करन की प्रभु की सामर्थ्य ईसु के पास रहै। 18 कुछ आदमी एक फालिस मारे भै आदमी के खटिया में लाई, और बे ईसु के सामने घर के भीतर लै जान की बड़ा कोसिस करी। 19 जब बे भीड़ के बजह से बाके भीतर ना ला पाई तौ बे बाके छप्पर में लै जाएकै छप्पर हटाएकै, बाके खटिया समेत बीच में ईसु के सामने उतार दई। 20 जब ईसु देखी कि उनमें कितनो बिस्वास है, तौ ईसु बौ आदमी से कही, “तेरे पाप माफ हुईगै, मेरे दोस्त।” 21 फिर यहूदियन नियम के सिक्छक और फरीसी अपने में कहने लागे, “जौ कौन आदमी है, जो परमेस्वर की बुराई कररो है! खाली एक परमेस्वर है जो पापन की माफी दै सकथै!” 22 ईसु उनकी मन की बात जानकै, उनसे कही, “तुम ऐसी बात काहे सोचरै हो? 23 सई का है? का जौ कहनो, कि ‘तेरे पाप माफ हुईगै,’ या जौ कहनो कि ‘उठ और चल फिर?’ 24 मैं तुमकै जौ साबित कर दुंगो कि आदमी के लौड़ा के पृथ्वी में पाप माफ करन को भी अधिकार है।” ईसु बौ फालिस मारे भै आदमी से कही, “मैं तोसे कहथौं, उठ और अपनी खटिया उठा और घरे चले जा!” 25 बौ मोहोंट से उनके सामने उठो, और जोमें बौ लेटो रहै बाके उठाएकै, परमेस्वर की बड़ाई करत भइ अपने घर के चलो गौ। 26 बे सब बड़ा चकाएगी और परमेस्वर की बड़ाई करन लागे, और बड़ा डराएकै कहने लागे, “आज हम अनोखी चीज देखे हैं!” 27 जाके बाद, ईसु बाहर गौ और लेवी नाओं के एक आदमी के लगान लेन बारी चौकी में बैठो देखी, और बासे कही, “मेरे पच्छू आ।” 28 लेवी सब कुछ छोड़कै उठो, और ईसु के पच्छू हुई लई। 29 और लेवी अपने घरे ईसु के ताहीं बड़ो हटकना करी; और लगान लेन बारेन कि और दुसरे लोगन कि जो ईसु के संग खानु खान बैठे रहै उनकी भीड़ रहै। 30 कुछ फरीसी घाँई यहूदियन नियम के सिक्छक ईसु

के चेलन से सिकायत करी, “तुम लगान लेन बारेन और पापिन के संग काहेंके खाथौ-पीथौ?” 31 ईसु उनके जबाब दई, “बैध भले अच्छेन के ताहीं नाय, लेकिन बिमारन के ताहीं जरूरी है। 32 मैं धर्मी के नाय, बल्कि पापिन को मन फिरान के ताहीं बुलान आओ हौ।” 33 कुछ लोग ईसु से कहीं, “यहन्ना के चेला तौ बार-बार बर्त रखथैं और प्रार्थना करथैं, और बैसिये फरीसियन के चेला करथैं; पर तेरे चेला तौ खाथैं।” 34 ईसु उनसे कहीं, “का तुम बिहा बारे घरे बैरितियन से जबले दुल्हा उनके संग है, बर्त रखबाये सकथौ? 35 लेकिन बौ दिन आगो, जब दुल्हा उनसे दूर लैजाओ जागो, और फिर बे बर्त रखंगे।” 36 ईसु उनके जौ कहानी भी सुनाई, “कोई आदमी एक नया कोट या झगिया में पुराने लत्ता को थिंगरा ना लगागो, ना तौ नया लत्ता फट जागो और बाको थिंगरा पुराने कोट में मेल ना खागो। 37 और न कोई नई दाखरस के पुराने इस्तमाल करे भै मसकन में भरथे, ना तौ नई दाखरस मसकन के फाड़के पुही जागी, और मसक नास ही जांगे। 38 जाके बदले दाखरस के नया मसकन में भरनो चाहिए। 39 कोई आदमी पुरानी दाखरस पकें नई दाखरस नाय मांगथे, काहेंकि बौ कहथे कि पुरानि ए अच्छी है।”

6 ईसु साबत के रोज गेहें के खेतन से होत भइ जात रहे, और ईसु के चेला बाली तोड़-तोड़के हातन से मिजलके खात भइ जान डटे पड़े। 2 कुछ फरीसी पँछी, “तुम ऐसो काहे करै हो जो हमरे नियम के हिसाब से साबत के दिन करनो सई ना है?” 3 ईसु उनके जबाब दई, “का तुम नाय पढ़े हो, कि जब दाऊद और बाके संग के लोग भुंके रहें, तौ बौ का करी रहे? 4 बौ कैसे करके परमेस्वर के घर में गौ, और परमेस्वर के दै भइ रोटी उठाएके खाई, और अपने संग बारेन के भी खबाई। जबकी जौ नियम के हिसाब से पुजारी के छोड़ और कोई के जौ खानो सई ना रहे।” 5 और ईसु हल निकारके उनसे कहीं, “इंसान को लौड़ा साबत के दिन को प्रभु है।” 6 एकोर साबत के रोज ईसु सभाघर में जाएके उपदेस दई; और हुँआँ एक आदमी रहे, जोके दहने हात में फालिस मार गई रहे। 7 कुछ यहूदि नियम के सिक्छक और फरीसी ईसु के ऊपर गलत इल्जाम लगान के ताहीं मौका ढूँडत रहें, इसलै बे ईसु के ध्यान से देखी कि का बौ साबत के रोज अच्छो करैगो। 8 लेकिन ईसु उनकी मन की बात जानत रहे; इसलै ईसु जोके हाथ में फालिस मारी रहे, बौ आदमी से कहीं, “उठ, ठाड़के अगु आ।” बौ आदमी उठके हुँआँ ठाड़गौ। 9 ईसु उनसे कहीं, “मैं तुमसे जौ पूछथौ: कि हमरे नियम के हिसाब से साबत के रोज का करनो चाहिए? भलो करन ताहीं या बुरो करन ताहीं? कोई की ज्यान बचान ताहीं या खतम करन के ताहीं?” 10 और ईसु सब घाँई बे सबन के देखी; फिर बौ आदमी से कहीं जोके हात में फालिस मार गई रहे, “अपनो हात बड़ा।” बौ एसोई करी, और बाको हात फिर से ठीक हुई गौ। 11 बे बड़ा गुस्सा मैं आए गै और आपस में बतकान लागे कि हम ईसु के संग का कर सकथैं। 12 बौ समय ईसु प्रार्थना करन के ताहीं एक पहाड़ी में चढ़गौ, और पूरी रात परमेस्वर से प्रार्थना में बिताई। 13 जब दिन भौ, तौ ईसु अपने चेलन के बुलाई और उनमें से बारह के चुनी, जिनके ईसु प्रेरित को नाओ दई: 14 और बे जे रहें, सिमोन जोको नाओ बौ पतरस रखी; और बाको

भईय्या अन्द्रियास, याकूब, यहन्ना, फिलिप्पुस, और बरतुल्लै, 15 और मन्ती, और थोमा, हलफई को लौड़ा याकूब, और सिमोन जो जेलोतेस कहो जात रहे, 16 और याकूब को लौड़ा यहूदा, और यहूदा इस्करियोती, जो ईसु के पकड़वान बारेनो। 17 जब ईसु प्रेरितन के संग पहाड़ी से उतरके नीचे बराबर बारी जघा में आओ, हुँआँ बाके चेलन की बड़ी भीड़, और पूरे यहूदिया, और यरूसेलेम, और सूर और सैदा के किनारे के लोगन की बड़ा बड़ी भीड़ जुगुरी रहे; 18 बे ईसु के सुनन के और अपनी बिमारिन से अच्छो होन के ताहीं बाके झोने आए रहें, जो लोग प्रेत आत्मा से परेसान रहें, बेऊँ आए और ठीक हुई। 19 सब जनी ईसु के छनो चाहत रहें, काहेंकि ईसु मैं से सामर्थ्य निकरके सबके अच्छो करत रहे। 20 फिर ईसु अपने चेलन के घाँई देखी और कहीं, खुसनसीब हौ तुम, जो दीन हौ, काहेंकि परमेस्वर को राज्य तुम्हरो है! 21 खुसनसीब हौ तुम, जो हबै भुंके हौ; तुम छके जाबैगे! खुसनसीब हौ तुम, जो अभै रोय रे हौ; तुम हँसैगे! 22 खुसनसीब हौ तुम, जब इंसान के लौड़ा के बजे से लोग तुमसे बैर रखंगे, और तुमके निकार देंगे, और तुमरी बुराई करंगे, और तुमरो नाओ बुरो मानके काट देंगे। 23 जब ऐसो होबै, तौ खुस रहियो और खुसी के मारे नाचियो, काहेंकि स्वर्ग में तुमरे ताहीं एक बड़ो इनाम रखो गौ है। उनके पुरखा भविष्यवक्ता के संग बैसोई करे करत रहें। 24 कितनो भयानक है तुमरे ऊपर जो सेठ हौ, काहेंकि तुम अपनी साति पाए चुके! 25 “हाय तुमरे ऊपर जो अब तुम छके हौ, तुम भुंके होगे।” “तुमरे ताहीं कितनो भयानक है, जो हबै हँस रे हौ, काहेंकि तुम रोबैगे!” 26 “जब सब जनी तुमरे बारे में अच्छो बोलथैं, तौ कितनो भयानक होथे; काहेंकि उनके पुरखा झूठा भविष्यवक्ता के बारे में भौत कछु कहीं।” 27 “पर मैं तुम सुनन बारेन से कहथौ, कि अपने बैरी से प्यार करौ; जो तुमसे बैर करै, उनको भलो करौ,” 28 जो तुमके बददुआ देबै, तुम उनके आसीस दियो; जो तुमरी बेजती करै, उनके ताहीं प्रार्थना करौ। 29 अगर कोई तुमके एक गलऊवा मैं चाँटा मारे, तौ बाके घाँई दूसरो गलऊवा रोक लियो; अगर कोई तुमरो कोट लेथे, तौ बाके अपनो कुरता पहनन दें। 30 जो कोई तुमसे कछु मांगथे, बाके दें; और जो तुमरी चीज छीन लेबै, बाके दुबारा मत माँगियो। 31 दुसरेन ताहीं बहे करै, जैसो अपने ताहीं चाहथौ, और तुम्हऊँ उनके संग बैसोई करियो। 32 “अगर तुम खाली बे लोगन से प्यार करथौ, जो तुमसे प्यार-भाव रखथैं, तौ तुमके दुआ काहे मिलनो चाहिए? काहेंकि पापी अपने प्रेम-भाव रखन बारेन से प्यार करथैं।” 33 अगर तुम बे लोगन को भलो करथौ, जो तुमरो भलो करथैं, तौ तुमके दुआ काहेंके मिलनो चाहिए? काहेंकि पापी ऐसोई करथे! 34 और अगर तुम खाली बे लोगन के उधार देथौ, जिनसे तुम बापस पान की आसा करथौ, तौ तुमके दुआ काहे मिलनो चाहिए? पापी भी पापिन के उधार देथैं, ताकी उतनोई पैसा बापस पावै! 35 न! अपने बैरी से प्यार करौ और उनको भलो करौ; उधार और बापस लेन की कछु उमीद मत करौ, तौ तुमरे पास एक बड़ो इनाम होगो; और तुम परमप्रधान के बालका माने जांगे, काहेंकि बौ उनके ताहीं जो धन्यवाद नाय देथैं और बुरेन के ताहीं अच्छो है। 36 दयालु बनौ जैसो तुमरो दऊवा दयालु है। 37 “दुसरेन को न्याय मत करौ,

और परमेस्वर तुमरो न्याय ना करेगो; दुसरेन की बुराई मत करो, तो अधिकारी अपने दोस्तन के ईसु झोने जौ कहके भेजी, “कि और परमेस्वर तुमरी बुराई ना करेगो; दुसरेन के माफ करौ, और परमेस्वर तुमके माफ करेगो। 38 दुसरेन के दे करौ, और परमेस्वर तुमके देगो; सई मैं, तुमके एक पुरो तरीका मिलेगो, खूब एक मदत, तुमरे हाथ में दई जागी, जो तुम पकड़ सकथौ; दुसरेन ताहीं तुमरे जरिये इस्तमाल करो जान बारो तरीका बौ है जो परमेस्वर तुमरे ताहीं इस्तमाल करेगो।” 39 फिर ईसु उनके एक कहानी सुनाई: “एक अंधरा आदमी दूसरे आदमी के रस्ता ना बताए सकथै; अगर बौ रस्ता बतात भई अग्य जागो, तो दोनों जनी एक खाई में गिर जांगो।” 40 कोई भी चेला अपने गुरु से बड़ो नाय होथै; सब चेला जब बे अपनी पूरी तैयारी कर लेंगे, तो बे अपने गुरु के बराबर हुई जांगे। 41 “तैं अपने भईय्या की आँखी मैं को धब्बा या कुरा काहेंके देखथै, और अपनिए आँखी को लश तोकै नाय सुजाथै? 42 और जब तैं अपनिए आँखी को लश नाय देखथै, तैं अपने भईय्या से कैसे कह सकथै, ‘कि भईय्या, स्क जा ला तेरी आँखी से धब्बा, कुरा साफ कर देमौ?’ तुम ढोंगी, पहले अपनी आँखी से लश निकारी, तौ जो कुरा तेरे भईय्या की आँखी में है, खूब अच्छे से देखके निकार सकथै।” 43 “अच्छो पेंड कहू खराब फल ना देथै, और एक खराब पेंड कहू अच्छो फल ना देथै। 44 हर एक पेंड अपने फल से जानो जाथै: काहेकि लोग कांटे बारी झाड़ी से अंजीर नाय तोड़थैं, और ना कटबंजर बारी झाड़िन से अंगूर तोड़थैं। 45 एक अच्छो आदमी अपने दिल में अच्छी चीज के खजाना के भंडार में से अच्छी बात निकारथै; और एक बुरो आदमी अपने बुरे मन के खजाना के भंडार में से बुरी बात निकारथै; काहेकि जो मन में भरो है बहे बाके मोहों में आथै।” 46 “जब तुम मेरो कहनो नाय मानथौ, तौ काहेंके मोसे ‘हे प्रभु,’ हे प्रभु कहथौ? 47 जो कोई मेरे झोने आथै, और मेरी बात सुनके मानथै, मैं तुमके बताथौ कि बौ कौनके हानी है। 48 बौ आदमी बाके हानी है, जो घर बनान पोती गहरी मट्टी खोदके चट्टान में बुनियाद डारी, और जब बाढ़ आई तौ धार बाके घर में टकरानी, लेकिन बाकै हिलाय न पाई; काहेकि बौ अच्छी तरह से पक्को बने गौ रहै। 49 लेकिन जो कोई भी मेरी बातन के सुनके मेरी बात नाय मानथै, बौ आदमी बाके हानी है, जो अपनो घर जमीन में बिन चट्टान के ऊपर बनाई; जब बाढ़ की धार बाके घर में टक्कर मारी तौ बौ तुरंत गिर पड़ो, और बौ गिरके सत्यानास हुई गौ!” का अपने फल से जानो जाथै: काहेकि लोग कांटे बारी झाड़ी से अंजीर नाय तोड़थैं, और ना कटबंजर बारी झाड़िन से दाख तोड़थैं।

7 जब ईसु लोगन के अपनी पूरी बात सुनाए चुको, तौ कफरनहम में गौ। 2 और एक रोमन अधिकारी को सेवक जो बाको बड़ा प्रिय रहै, बिमारी से मरन में रहै। 3 जब अधिकारी ईसु के बारे में सुनी, तौ बौ कुछ बचे भै यहूदी बड़े-बूढ़ेन के ईसु के झोने पनारी, कि बे जाएके बाके सेवक के ठीक करन के ताहीं ईसु के आन के ताहीं पूछै। 4 बे ईसु के झोने आयके बासे नहारे करके कहने लगे, “बौ अधिकारी जौ काबिल है, कि तैं बाकी मदत करै। 5 बौ हमरे देस के लोगन से प्यार करथै, और बौ खुद हमरे ताहीं एक सभाघर बनाई है।” 6 इसलै ईसु उनके संग गौ, ईसु बौ घर से जाधे दूर नाय रहै,

तौ अधिकारी अपने दोस्तन के ईसु झोने जौ कहके भेजी, “कि प्रभु तैं परेसान मत होबै, काहेकि मैं जौ काबिल ना हौं, कि तैं मेरे छत के तेरे आबै, 7 जहे बजे से मैं खुदके जौ काबिल ना समझो, कि तेरे झोने आमौं, तैं खाली बस कहदे, तौ मेरो सेवक ठीक हुई जागो। 8 महुँ बड़े अधिकारी के नीचे काम करथैं; और सिपईय्या मेरे अधिकार में काम करथैं, और जब मैं एक से कहथैं, ‘जा,’ तौ बौ जाथै, और दुसरे से कहथैं कि ‘आ,’ तौ आथै; और जब मैं अपने सेवक से कहथैं कि ‘जौ कर,’ तौ बौ करथै।” 9 जौ सुनके ईसु चौहोंक गौ, और ईसु मोहों घुमाएके बौ भीड़ से जो बाके पच्छ आत रहे उनसे कही, “मैं तुमसे कहथैं, मोकै जाके हानी को बिस्वास कहू नाय मिलो, इस्राएल में भी ना पाओ!” 10 और अधिकारी के भेजे भै आदमी घरे लौटके गै, और देखी कि सेवक अच्छो है। 11 जाके तुरंत बाद ईसु अपने चेलन और एक बड़ी भीड़ के संग नाईन नाओं के सहर में गौ। 12 जैसी बौ सहर के फाटक के झोने पहुँचो, तौ देखी, कि लोग एक मुर्दा के बाहर लै जाएँ हैं; मरो भौ आदमी अपनी अईय्या को इकलौतो लौड़ा रहै, और बौ बिधवा रहै, और सहर की एक बड़ी भीड़ बाके संग रहै। 13 जब प्रभु ईसु बौ बिधवा अईय्या के रोत भई देखी, तौ बाको दिल दया से भरगो, और ईसु बासे कही, “मत रोबै।” 14 फिर ईसु झोने जाएके ताबत के छुड़, और बाकै लै जान बारे लोग स्क गै, ईसु कही, “ज्वान आदमी! मैं तोसे कहथैं, उठ!” 15 बौ मरो भौ आदमी उठके बैठगो, और बोलन लग्यो, ईसु बाकै बाकी अईय्या के बापस सौंप दई। 16 जौ सब देखके बे सब जनी बड़ा डराय गै; बे परमेस्वर की बड़ाई करके कहने लागे, “हमरे बीच में एक बड़ो भविष्यवक्ता दिखाई दई है!” और बे कही; “परमेस्वर अपने लोगन के बचान के ताहीं आओ है।” 17 ईसु के बारे में जे सब बात पूरे यहूदिया देस और आस-पास के इलाका में फैल गई। 18 जब यहून्ना के चेला यहून्ना के जे सब बातन के बारे में बताई, तौ बौ अपने चेलन में से दुई के बुलाई 19 और उनके प्रभु झोने जौ पूँछन ताहीं भेजी कि, “का आनबरो तहीं है, या हमके कोई और दुसरे से उमीद करनो चाहिए?” 20 जब बे ईसु के झोने आए, तौ बे कही, “यहून्ना बपतिस्मा देन बारो हमके तेरे झोने जौ पूँछन ताहीं भेजी है, कि का आनबरो तहीं है, या हमके कोई और से उमीद रखनो चाहिए?” 21 बहे समय ईसु भौत जनी के बिमारी और प्रेत आत्मा से बचाई; और भौत से अंधरन की आँखी अच्छी करी। 22 ईसु यहून्ना के भेजे भैन के जबाब दई, “जो कछु तुम देखे और सुने हो, जाएके यहून्ना से कह दियो; कि अंधरा देखै हैं, लंगड़ा चल-फिरै हैं, कोहड़ी सुदू करे जाएँ हैं, बहरा सुनै हैं, और मेरे भै जी उठै हैं, और सुसमाचार प्रचार गरीबन के सुनाओ जाथै। 23 बे कितने खस हैं जिनके मेरे ऊपर सक नाय है!” 24 यहून्ना के भेजे भै लोगन के जान के बाद, ईसु यहून्ना के बारे में कहनो सुरू करी: “जब तुम रेगिस्तान में यहून्ना के ताहीं निकरे, तौ तुमके का देखन की उमीद रहै? तेज ब्यार से हालत भै सरकंडा के? 25 तौ तुम का देखन गे रहो? फैसी लता पहने भै महान आदमी के? जो लोग ऐसे लता पहनथैं, और ऐसे आराम से रहथैं, बे महल में रहथैं। 26 बताबौ, तौ फिर तुम का देखन गे रहो? एक भविष्यवक्ता के? हौं सई मैं, लेकिन तुम एक भविष्यवक्ता कि तुलना में भौत कछु

देखे। 27 यहन्ना बहे है, जोके बारे मैं साझ मैं लिखो है: जो परमेस्वर कही, 'देख, मैं अपने खबरेया के तेरे अगु-अगु भेजथौं, जो तेरे ताही रहा सीधी करैगो।' 28 ईसु उनसे कही, 'मैं तुमके बताथौं, "यहन्ना जिंदेन मैं से सबसे बड़ो है, बासे बड़ो कोई ना है, लेकिन जो परमेस्वर के राज्य मैं सबसे छोटे है, बौ यहन्ना से भी बड़ो है।' 29 सब जनी ईसु के सुनीं, और लगान लेन बारे यहन्ना से बपतिस्मा लैके परमेस्वर के धर्मी मान लई। 30 लेकिन फरीसियें और नियम के सिक्छक अपने ताही परमेस्वर के उद्देश्य के नाय अपनाई और यहन्ना से बपतिस्मा लेन से मना कर दई। 31 ईसु कही, "अब मैं आज कल के लोगन की तुलना कौन से कर सकथौं? 32 बे बजार मैं बैठे बालकन के हानी हैं, जो एक दुसरेन से चिल्लाए के कहथैं, 'कि हम तुमरे ताही बिहा मैं बसली बजाओ, और तुम ना नाचे, हम रोटी के गीत गाये, लेकिन तुम ना रोए।' 33 यहन्ना बपतिस्मा देन बारे आओ, और बौ बर्त रखी और दाखरस भी ना पिये, और तुम कहथौं, 'बाके भीतर प्रेत आत्मा है।' 34 इसान को लौड़ा आओ, और बौ खाई भी लई और पीयो लई, और तुम कहथौं, 'जौ आदमी के देखौ! पेट और पियक्कड़ आदमी, लगान लेन बारेन को और पापिन को दोस्त।' 35 हालाकि, परमेस्वर की अकल के सब जनी के जरिये सच्ची और सई ठहराओ जाथैं, जाके जो अपनाथैं।' 36 एक फरीसी ईसु के अपने घरे खानु खान पँछी; और ईसु बाके घरे गौ और खानु खान के बैठगौ। 37 बौ सहर मैं एक बईय्यर रहै जो पाप भरी जिंदगी जीत रहै, बौ सुनी कि ईसु फरीसी के घरे खानु खाए रौ है, इसलै संगमरमर की सीसी मैं भरके इतर लै आई। 38 और बौ ईसु पच्छू ठाड़के, रोट भइ, ईसु के पाँव के आँसु से भिजाये दई, और अपनी मुडिया के बारन से पछोनन लग्गई और बाके पाँव बार-बार चूमके उनमें इतर डारके अभिसेक करी। 39 जब फरीसी जौ सब देखी, तौ बौ अपने मन मैं सोचन लगो, "अगर जौ आदमी सच्ची मैं एक भविष्यवक्ता होतो तौ जान जातो, कि जो बईय्यर जाके छुड़ रहै है, जौ कैसी है? काहेकि जौ तौ पाप भरी जिंदगी जिये!" 40 ईसु बाके मन कि बात सुनके बासे कही, "सिमौन, तोकै मोसे कछु कहने है। हौं, गुरुजी, ईसु कही, बता मोकै।" 41 "दुई आदमी रहैं, दोनों को बकाया मुन्सी झोने रहै, एक जनी मुन्सी के पाँच सौ चाँदी को सिक्का देतो, और दुसरो पचास चाँदी के सिक्का देतो। 42 जबकी दोनों के पास बापस करन ताही कछु ना रहै, इसलै मुन्सी दोनों जनी को कर्जा माफ कर दई। अब बता कौन सो बारे बासे जाधे प्यार करैगो?" 43 सिमौन जबाब दई, "मोकै लगथै," जोको बौ जाधे कर्जा, माफ ईसु सिमौन से कही, "तैं सई न्याय करो है।" 44 फिर बौ बईय्यर के घाँई मुडके सिमौन से कही, "का तैं जौ बईय्यर के देखरो है? मैं तेरे घरे आओ, लेकिन तैं मेरे पाँव धोन के ताही पानी नाय दौ, पर जौ मेरे पाँव आँसु से भिजाये के, अपने बारन से पछोनी।" 45 तैं मोकै ना चमो, पर जब से मैं आओ हौं, तौ से जौ मेरे पाँव के चूम रहइ है। 46 तैं तौ मेरे अभिसेक के ताही जैतून तेल तक नाय दौ, बल्किन बौ मेरे पाँव के इतर से ढोक दई। 47 "मैं तोसे कहथौं; कि जाके पाप जो भौत रहैं, माफ ही गै है, काहेकि जौ भौत प्यार दिखाई है; लेकिन जिनके माफी मिल गई है बौ थोड़ी सो प्यार दिखाथै।" 48 फिर ईसु बौ बईय्यर से कही, "तेरे पाप माफ ही

गै।" 49 जो लोग मेज में बैठे रहैं, बे खुद से कहन लगे, "जौ कौन है, जो पापन के भी माफी देथै?" 50 लेकिन ईसु बौ बईय्यर से कही, "तेरो बिस्वास तोकै बचाई है; तैं सांति से चली जा।"

8 जाके बाद ईसु सहर-सहर और गाँव-गाँव परमेस्वर के राज्य को सुसमाचार प्रचार करत भइ, फिरन लगो, और बारह चेला बाके संग रहैं, 2 और थोड़ी बईय्यर रहैं जो प्रेत आत्मा से और बिमारिन से अच्छी भइ रहैं, और बे जे रहैं, मरियम जो मगदलीनी कही जात रहै, जोके भीतर से सात प्रेत आत्मा निकरी रहैं, 3 योअन्ना, जोको आदमी खोजा हेरोद के दरबार मैं एक अधिकारी रहै; और सुसन्नाह, और भौत सी बईय्यरें, जो ईसु और बाके प्रेरितन कि मदत करन के ताही अपने खुद की सम्पत्ति से उनकी सेवा करत रहैं। 4 लोग एक के बाद एक सहर से ईसु के झोने आत जायें; और जब एक बड़ी भीड़ जुराए गई, तौ ईसु जौ कहानी बताई: 5 "एक बार कि बात रहै, एक आदमी रहै, जो कि बौ बीज बोन के ताही निकरो रहै, जब बौ खेत में बीज बोत रहै, बायें से कुछ रहामें गिरो, जो पाँव से कुचल गौ, और बाके आसमान के पक्छी चुग लई। 6 बायें से कुछ चटान भारी जमीन में गिरे, और जब पौधा जमयाए, तौ बे सूख गै काहेकि मट्टी में नमी ना रहै। 7 कुछ बीज काटे की झाड़िन के बीच में गिरे, और काटे की झाड़ी पौधन के संग-संग बढ़के उनके दबाय दई। 8 और कुछ बीज अच्छी जमीन में गिरे, और जमके सौ गुना दाने लाई।" जौ सब कहके ईसु जोडन से कही, "जोके पास सुनन ताही कान होयें बौ सुन लेंबै।" 9 ईसु के चेला ईसु से पँछी, "जौ कहानी को मतलब का है?" 10 ईसु जबाब दई, "तुमके परमेस्वर के राज्य के रहस्य की समझ दई गई है, लेकिन दुसरेन के कहानी के जरिये सुनाओ जाथै, इसलै कि बे दिखात भौ भी ना देखें, और सुनै लेकिन समझ मैं ना आबै।" 11 "जौ कहानी को मतलब है: बीज परमेस्वर को बचन है।" 12 रहा के किनारे के बे हैं, जो बचन सुनीं; फिर सैतान आयके उनके मन में से बचन उठाए लै जाथै, कि कहैं ऐसो ना होबे कि बे बिस्वास करके बचाए जायें। 13 चटान में के बीज बे हैं, कि जब बे सुनथैं, तौ खुसी से बचन के अपनाथैं, पर जड ना पकडन से बे थोड़ी देर ले बिस्वास रखथैं, जब परिक्रछा को समय आयै, तौ बे बहक जाथैं। 14 जो बीज काटे की झाड़ी में गिरो, जे बे हैं, जो सुनथैं, पर अगु चलके चिंता और जायदाद और रोज मर्रा की जिंदगी के सुख-दुख में फस जाथैं, और उनको फल कह नाय पकथै। 15 अच्छी जमीन में के गिरे भै बे बीज हैं, जो कि बचन सुनके अच्छे मन में समारे रखाथैं, और बे तौले बने रहथैं जबले कि बे फल ना लायें। 16 "कोई भी दिया जलायके, कटोरा तरे या खटिया के तरे नाय रखथै, जाके बदले, दिया के डीट में रखथै, ताकी लोग भीतर आन पोती उजितो पायें।" 17 "जो कछु लुको भौ है, बाके बाहर खुले में लाओ जागो, और जो कछु है लुको बाके ढूँड़के उजिते में लाओ जागो। 18 तुम चौकन्ने रहाबौ, न तौ तुम कैसे सुनैगै; काहेकि जोके पास थोड़ी भौत है, उनके और जाधे दौ जागो, और जोके पास नाय है, बासे बहो लै लौ जागो, जोके बौ अपनो समझथै।" 19 ईसु की अईय्या और भईय्या बाके झोने आए, पर भीड़ कि बजे से बासे भेटा ना कर पाई। 20 कोई ईसु से कही, "तेरी

अईय्या और भईय्या बाहर ठाड़े हैं और तोकै देखनो चाहथैं।” 21 सबन कै बताई कि ईसु बाके ताहीं का करी है। 40 जब ईसु झील ईसु उन सबन से कही, “मेरी अईय्या और भईय्या बे हैं जो परमेस्वर को बचन सुन्यैं और मानथैं।” 22 एक रोज ईसु अपने चेलन संग एक नईयों में चढो, और ईसु उनसे कही, “आबो, आपन झील के बौ पाँजर चलैं।” और बे नईयों खोल दई। 23 जब नईयों चलत रहे, तौ ईसु सोए गौ: अनकाचीति झील में एक तेज आँधी चली और नईयों पानी से भरन लगी, जोसे बे सब बड़ा खतरा में पड़ गै। 24 चेला ईसु के झोने गै और बाकै जगाएकै कही, “गुरूजी, गुरूजी! हम मरन बारे हैं।” ईसु उठकै आँधी और पानी की लहरन कै आग्या दई; और बे सांत ही गै, और सब घोंई एक दम सांत वातावरण बन गौ। 25 फिर ईसु चेलन से कही, “तुमरो बिस्वास कहाँ है?” पर बे हैरान और डराने भै रहें, और एक दुसरे से आपस में बतकान लगे, “जो आदमी कौन है? बौ आँधी और पानी कै हुकम देथै, और बे बाकी मानतौ हैं।” 26 ईसु और बाके चेला गिरासेनियों के देस में पुगे, जो कि गलील झील के दुसरे पाँजर रहै। 27 जब बे डीडे में उतरे, तौ बौ सहर को आदमी ईसु कै मिलो, जोके अंदर प्रेत आत्मा रहै। और बड़ा दिन से बिन कोट, लत्ता पहने रहत रहे और घरी ना रहत रहे, बौ कबर में रहे करत रहे। 28 जब बौ ईसु कै देखी, तौ बौ जोडन से चिल्लाई, और अपने आपकै ईसु के टॉगन में गिरकै जोडन से कही, “ईसु, परमप्रधान परमेस्वर को लौडा! तैं मोसे का चाहथै? मैं तेसे नहोरे करथौं, मोकै सजा मत दे।” 29 बौ ऐसो इसलै कहत रहै कि ईसु प्रेत आत्मा कै बाके अंदर से निकरन को आग्या देत रहै, बौ आदमी कै प्रेत आत्मा बार-बार पकड़ लेत रहै, बाके हात और टॉग साँकर से भँद देत रहै, तहुँओ बौ तोड़ डारत रहै, और भूत बाकै रेगिस्तान में भजाए करतो। 30 ईसु बासे पूँछी, “तेरो नाओ का है?” प्रेत आत्मा जबाब दई, “हमरो नाओ, पलटन है,” काहैकि बाके अंदर गजब भूत रहै। 31 भूत ईसु से नहोरे करी कि, “हमें अधोलोक में मत भेजै।” (Abyssos g12) 32 झोनेई सोरन को एक बड़ो झुंड रहै, जो एक पहाड़ी में चुगत रहै, इसलै भूत ईसु से नहोरे करी कि हमकै सोरन के भीतर जान दे, और ईसु उनके जान दई। 33 प्रेत आत्मा बौ आदमी से निकरकै सोरन के भीतर समाए गै और बौ झुंड चट्टान से झिपटके नीचे झील में जाए गिरे और डूब गै। 34 जो लोग सोरन की देखाभारी करन बारे रहें, बे जौ सब देखकै कही जौ का भौ, और भाज पड़े और सहर में, और गाँव में जाएकै बाके बारे में खबर फैलाय दई। 35 और लोग बाकै देखन ताहीं निकरे, जो कछु भौ रहै, और जब बे ईसु के झोने आए, तौ आयकै जो आदमी के अंदर से प्रेत आत्मा निकरी रहै, बाकै ईसु के पाँव झोने लत्ता पहने और चुप-चाप बैठो भौ देखकै, सब बड़ा डराय गै। 36 और देखन बारे उनके बताई, कि बौ आदमी प्रेत आत्मा से सताव भौ कैसे अच्छो हुई गौ। 37 तौ गिरासेनियों के आस-पास के सब लोग आपस में एक दुसरे से पूँछी और ईसु से दर जान ताहीं कही, काहैकि बे बड़ा डराय गै रहै। फिर ईसु नईयों में चढकै चले गौ। 38 जो आदमी के भीतर से प्रेत आत्मा निकरी रहै बौ ईसु से नहोरे करन लगो कि, “मोकै अपने संग रहन दे।” लेकिन ईसु बासे जौ कहकै बिदा करी, 39 “अपने घर में लौट जा और लोगन के बीच प्रचार, कि परमेस्वर तेरे ताहीं का करी है।” बौ आदमी सहर से छिरकै,

अईय्या बाके ताहीं का करी है। 40 जब ईसु झील के दुसरे घोंई लौटो, तौ लोग बाको स्वागत करी, काहैकि बे सब बाकै असियात रहै। 41 फिर याईर नाओ को एक आदमी आओ, बौ सभाघर को अधिकारी रहै, बौ ईसु के पाँव में गिरकै बासे नहोरे करन लगो कि, मेरे घरे चल, 42 काहैकि बाकी बारह साल की एक इकलौती लौडिया रहै, और बौ मरन में रहै। ईसु बाके संग जब जात रहै, तौ लोग ईसु के ऊपर गिरे जात रहै, इती भीड़ रहै। 43 बहे भीड़ में एक बईय्यर रहै जोकै बारह साल से खून बहन कि बिमारी रहै, पूरी जिंदगी की जमा पूँजी इलाज में खर्च कर चुकी रहै तहुँओ बौ अच्छी होन में कामयाब ना भइ। 44 बौ ईसु के पच्छू से आई और बाके कोट के लत्ता के छोर के कुंछ के छुड़ लई, और तुरंत बाको खून बहनो बंद ही गौ। 45 ईसु पूँछी, “मोकै कौन छुओ?” सब जनी मना करी, फिर पतरस कही, “गुरूजी, लोग सब घोंई से चढे जाएरें हैं और तेरे ऊपर गिरे जाएरें हैं।” 46 लेकिन ईसु कही, “कोई मोकै छुओ है, काहैकि मैं जानगौ रहौं कि मेरे में से सामर्थ्य निकरी है।” 47 बईय्यर देखी कि ईसु कै पता चल गौ है, तौ बौ काँपत भइ आई, और ईसु के पाँव में गिरकै सब जनी के सामने बताई, कि मैं कौन से बजह से ईसु के छुओ रहौं, और कैसे तुरंत एके बार में ठीक ही गौ। 48 ईसु बासे कही, “मेरी लौडिया, तेरो बिस्वास तोकै अच्छो करी है, सांति से चली जा।” 49 जब ईसु जौ कहत रहै, कि मुखिया के घर से एक जनी आयकै कही, “तेरी लौडिया मर गई है, अब गुरूजी कै पोरसान मत करै।” 50 ईसु जौ सब सुनी और याईर से कही, “मत डराबे; खाली बिस्वास कर, तौ बौ अच्छी ही जागी।” 51 जब बे याईर के घरे पुगे, तौ ईसु पतरस, और यहून्ना, याकूब, और बच्ची के अईय्या-दऊवा के छोड़कै और कोई के अपने संग भीतर ना आन दई। 52 हँना हर कोई बालका के ताहीं रोत रहै, ईसु उनसे कही, “मत रोबो; बौ मरी ना है, बौ खाली सोए रइ है।” 53 बे सब ईसु को मजाक बनान लगै, काहैकि बे जानत रहै कि लौडिया मर चुकी है। 54 लेकिन ईसु बाको हात पकड़ी, और पुकारी, “उठ बच्ची!” 55 बौ लौडिया की आत्मा लौट आई, और बौ एके बार कहने में उठ गई, ईसु हुकम दई, कि जाकै कछु खान के देबौ। 56 बाके अईय्या-दऊवा हैरान रहै, जौ सब देखकै, लेकिन ईसु उनके चितौनी दई, कि बे कोई के भी जौ ना बतायें कि हियाँ का भौ रहै।

9 फिर ईसु बारह चेलन कै एक संग बुलाई और उनके सब प्रेत आत्मा कै और बिमारियन से अच्छो करन की सामर्थ्य और अधिकार दई। 2 और उनके परमेस्वर के राज्य को प्रचार करन, और बिमारन कै अच्छो करन के ताहीं भेजी, 3 और ईसु उनसे कही, “रहा के ताहीं कछु मत लै जईयो: ना लठिया, ना झोला, ना रोटी, ना स्पईया और ना अंगरे कुरता। 4 जहाँ तुमरो आदर करो जाथै, तुम बहे घर में रहियो, जबले तुम बौ सहर के नाय छोड़कै जाबो; 5 जहाँ लोग तुमरो आदर नाय करथैं, बौ सहर के छोड़ दियो और अपने पाँव के धुदर के उनके लै चितौनी समझकै झार दियो, कि उनके ऊपर गभाई होबै।” 6 और ईसु के चेला निकरकै गाँव-गाँव घूमकै हर जगहा सुसमाचार सुनाई, और लोगन कै अच्छो करी। 7 जब गलील को राजा हेरोद जौ सब सुनकै घबराएगौ, काहैकि

कुछ लोग कहत रहैं कि यहून्ना बपतिस्मा देन बारो मेरे भे मै से जी उठो है। 8 और कितने ऐसे कहत रहैं, कि एलिय्याह दिखाई दई है: और कोई कहत रहैं, कि पुराने भविष्यवक्ता मै से कोई जी उठो है। 9 हेरोद कही, “मै तो यहून्ना कि मूड कटवाए दौ रहैं; लेकिन दिखाई दई और बाके मरन के बारे मै बतकात रहैं, जो यरूशलेम मै जौ आदमी कौन है जोके बारे मै जो बात सुनो हौ?” और बौ ईसु के देखन कि इच्छा करी। 10 फिर प्रेरितैं लौटके जो कुछ बे करी रहैं, बौ सब कुछ ईसु के बताई, और ईसु उनके अपने संग बैतसैदा नाओ के एक सहर मै लैके गौ। 11 जब भीड़ जाके बारे मै सुनी, तौ बे बाके पच्छू ही लई, और ईसु उनसे परमेस्वर के राज्य की बात करन लागो, और जिनके चंगाई की जरूरत रहैं, उनके अच्छो करी। 12 जब दिन मुद चुको, तौ बारह चेला ईसु के झोने आयके कही, “भीड़ के अब भेज दे ताकी बे गाँव और बस्तिन मै जाएँके अपने ताहीं रहन कि जघा, और खानु को जुगाड कर सकैं, बौ इसलै कि हम हियाँ सुनसान जघा मै हैं।” 13 लेकिन ईसु उनसे कही, “तुम खुद उनके कुछ खान ताहीं देबौ।” बे जबाब दई, “हमरे पास पाँच रोटी और दुई मच्छी हैं। का तै चाहथै कि हम जौ पूरी भीड़ के ताहीं खानु मोल लामैं?” 14 हूँआँ लमसम पाँच हजार आदमी रहैं। ईसु अपने चेलन से कही, “उनके पचास-पचास करके समूह मै बैठारो।” 15 चेला ऐसोई करी, और सबन के बैठार दई, बाके बाद, 16 ईसु बे पाँच रोटी और दुई मच्छी लई, और स्वर्ग घाँई देखके परमेस्वर से आसीस माँग के धन्यवाद करी, और रोटी तोड-तोडके चेलन के देत गौ ताकी बे लोगन के बाँटें। 17 और बे सब खाएँके पेट भर लई, और चेला बची भइ बारह छपरिया उठाए लई। 18 एक दिन जब ईसु अकेले मै प्रार्थना करत रहै, चेला बाके झोने आए। तौ ईसु उनसे पूँछी, “लोग मोसे का कहथै?” 19 बे जबाब दई, “कुछ लोग तोसे यहून्ना बपतिस्मा देन बारो कहथै, और कोई-कोई एलिय्याह, और कोई जौ कहथै कि पुराने भविष्यवक्ता मै से कोई जिंदो ही गौ है।” 20 ईसु उनसे पूँछी, “पर तुम मोसे का कहथै?” पतरस जबाब दई, “तै परमेस्वर को मसीहा है।” 21 फिर ईसु उनके सक्ति से आग्या दई कि जौ बात तुम कोई से मत कहियो। 22 और ईसु जहो कही, “इंसान के लौडा के ताहीं जरूरी है, कि बौ गजब दुख उठबै, और बड़े-बड़े और पुजारी और यहूदि नियम के सिक्छक बाके ठुकराए के मार डारंगे, और बौ तिसरे दिन जी उठैगो।” 23 और ईसु बे सबन से कही, “अगर कोई मेरे पच्छू आनो चाहथै, तौ तुमके अपने आपके इंकार करियो, और रोजाना अपनो क्रूस उठईयो और मेरे पच्छू हुई लियो। 24 अगर कोई अपनी ज्यान बचानो चाहगो, तौ बौ बाके छोए देगो, पर जो कोई मेरे ताहीं अपनी जान गबागो, बहे जाके बचाबैगो। 25 अगर तुम पूरी दुनिया के जीतथौ, और अपनी जान छोए देयौ, या बाको नुकसान उठबै, तौ बासे का फायदा होगो! 26 जो कोई मोसे और मेरी बातन से सरमागो; इंसान को लौडा भी जब अपनी, और अपने दऊवा की, और पवित्र स्वर्गादूतन की महिमा सुंदा आगो, तौ तुमसे सरम आगी। 27 मै तुमसे सच कहथौ, कि कुछ लोग हियाँ पर ऐसे हैं जो तौले नाय मरंगे, जबले कि बे परमेस्वर को राज्य ना देखलेमैं।” 28 इन बातन के लमसम एक सप्ताह बाद पतरस, और यहून्ना, और याकूब के ईसु अपने संग लैके प्रार्थना करन के ताहीं पहाडी मै चले गौ। 29 जब ईसु प्रार्थना करत रहै, तौ बाको चेहरा को रूप बदल गौ, और बाके लता सेतो हुईके चमकन लागे। 30 अनकाचीति दुई आदमी बासे बतकात रहैं; बे मूसा और एलिय्याह रहैं, 31 जे स्वर्गिय महिमा मै दिखाई दई और बाके मरन के बारे मै बतकात रहैं, जो यरूशलेम मै होन बारो रहै। 32 पतरस और बाके संग के सोत रहैं, जब उनकी नीद खुल गई, तौ बाकी महिमा; और बे दोनों आदमिन के, जो ईसु के संग ठाडे रहैं, देखी। 33 जब बे ईसु के झोने से जान लागे, तौ पतरस ईसु से कही, “गुरुजी, हमरो हियाँ रहनो भलो है: हम तीन तम्बु बनांगे, एक तेरे ताहीं, एक मूसा के ताहीं, और एक एलिय्याह के ताहीं।” बौ सई मै ना जानत रहै कि बौ का कहरी है। 34 जब बौ बोलाते रहै, तौ एक बादर दिखाई दई और उनके अपनी छाया से तोप लई; जब बादर उनके ऊपर आओ, तौ चेला डराएँ। 35 बादर से एक अबाज निकरी, “जौ मेरो लौडा है, जोके मै चुनो हौ। जाकी सुनो!” 36 जब अबाज बंद भइ, तौ हूँआँ ईसु अकेलो रहै; चेला जौ सबके बारे मै चुप रहै और बे बौ समय कोई के भी कुछ ना बताई, जो बे देखी रहै। 37 दुसरे दिन जब ईसु और तीन चेला पहाड से नीचे उतरे, तौ एक बड़ी भीड़ ईसु से मिली। 38 एक आदमी भीड़ मै से चिल्लाए के कही, “गुरुजी! मै तोसे बिनती करथौ, मेरे लौडा के देख। जौ मेरो इकलौतो लौडा है। 39 एक आत्मा बाके अनकाचीति से चिल्लाए के पकड लेथै, और बाके एक फिट मै फेक देत रहै, और ऐसो ऐठात रहै कि मोहों मै से झाग निकर जात रहै; और बाके कुचलके बडा मुस्किल से छोडथै। 40 और मै तेरे चेलन से नहोरे करो, कि जाँके निकरें; पर बे ना निकार पाई।” 41 ईसु जबाब दई, “तुम लोग कितने अविस्वासी और गलत हौ! मै कबले तुमरे संग राहंगो, और कबले तुमरी सहमंगो?” फिर बौ आदमी से कही, “अपने लौडा के हियाँ लेया।” 42 बौ बच्चा आते रहै कि इत्ते मै प्रेत आत्मा बाके जमीन मै गिराय दई, और बाके एक फिट दूर फेक दई; ईसु प्रेत आत्मा के निकरन की आग्या दई, और लौडा के अच्छो करके बाके दऊवा के सौप दई। 43 सब जनी परमेस्वर कि सक्तिसाली ताकत देखके चौहोंक पडे रहैं। जब हर कोई जो कुछ ईसु करत रहै, बे सब बातन से चौहोंक रहै, ईसु अपने चेलन से कही, 44 “जे बाँते तुमरे कानन मै पड़ी रहाबै, काहँकि इंसान को लौडा इंसान के हात मै पकड़बाओ जान बारो है।” 45 पर चेला जे बातन के नाय समझत रहै, और जौ उनसे छिपाओ गौ रहै; ताकी बे बाके जान ना पामै, और बे जौ बात के बारे मै बासे पूँछन से डरात रहैं। 46 चेलन कि जौ बात मै बहस छिड गई कि हममें से बडो कौन है। 47 ईसु के पता रहै कि बे मन मै का सोचरै हैं, इसलै ईसु एक बालका के लैके अपने झोने ठडबाई, 48 और उनसे कही, “जो कोई भी मेरे नाओ से जौ बालका को स्वागत करथै, बौ मेरो स्वागत करथै; और जो मेरो स्वागत करथै, बौ मोंके भेजन बारे को स्वागत करथै, जो तुम मै से सबसे छोटो से छोटो है, बहे बडो है।” 49 फिर यहून्ना कही, “गुरुजी, हम एक आदमी के तेरे नाओ से प्रेत आत्मा के निकारत भइ देखे है, और हम बाके मना करे, काहँकि बौ हमरे संग को ना रहै।” 50 ईसु बासे और दुसरे चेलन से कही, “बाके रोकन की कोसिस मत करौ; काहँकि जो तुमरे खिलाप ना है बौ तुमरे घाँई है।” 51 जब ईसु स्वर्ग जानके भौ, तौ बौ यरूशलेम के जान

ताही निकर पड़ो। 52 बौ अपने अगु दूत भेजी, जो सामरियन के एक गाँव में जाएँ बाके ताही सब कछु तैयार कर दई। 53 पर बे लोग बाकै ना अपनाई, काहिकि बौ यरूशलेम के जात रहे। 54 जो सब देखके बाके चेला याकूब और यहूना कही, “प्रभु; का तैं चाहथै, कि स्वर्ग से आगी गिरके उनके भसम कर देवै?” 55 ईसु मुडके उनके झुकाइ। 56 फिर ईसु और बाके चेला दुसरे गाँव गै। 57 जब बे अपने रहा जात रहैं, तौ एक आदमी ईसु से कही, “जहाँ भी तैं जागो मैं तुमरे पच्छू आंगो।” 58 ईसु बासे कही, “लोमडियन के मांद हैं, और आसमान के पक्छिन के घासला होथैं, लेकिन इसान के लौड़ा के पास लेटन और सस्तान के ताही कोई जघा ना है।” 59 ईसु दुसरे आदमी से कही, “मेरे पच्छू आ।” लेकिन बौ आदमी कही, “प्रभु, पहले मोके बापस जान दे ताकी मैं अपने दऊवा के दफनाए दियौ।” 60 ईसु जबाब दई, “मेरे भैन के अपनेई मुर्दन के दफनान दे, तैं जा और परमेस्वर के राज्य को ऐलान कर।” 61 एकौर आदमी कही, “प्रभु, मैं तेरो पीछा करंगो; पर पहले मोके जान दे कि अपने घरबारेन से बिदा हुई आमी।” 62 ईसु बासे कही, “जो कोई अपनो हाथ हर मैं रखके पच्छू देखथे, बौ परमेस्वर के राज्य के काबिल ना है।”

10 जाके बाद प्रभु बहातर आदमिन के चुनी और उनके दुई-दुई करके बाहर पनारी, ताकी बे हर सहर और बौ जघा मैं जायैं जहाँ बौ खुद जान बारो रहे। 2 ईसु उनसे कही, “गजब एक खेती है, लेकिन लेबर बड़ा कम हैं; इसलै खेत के प्रभु से प्रार्थना करौ, कि बौ अपने खेत काटन ताही लेबर भेज देबै। 3 जाबो! भेंडियन के बीच मैं तुमके मेमना के हानी भेज री हौं। 4 इसलै बटुआ, झोला, जूता मत लियो; और ना रहामैं कोई से नमस्ते करियो। 5 जब भी तुम कोई के घर मैं जाथौ, तौ पहले कहियो, ‘जौ घर मैं सांति बनी रहबै।’ 6 अगर हूँआं कोई सांतिप्रिय होगो; तौ तुमरो आर्सिवाद बाके ऊपर बनो रहगो, अगर ना है, तौ सांति बने रहन को आर्सिवाद बापस लै लियो। 7 बहे घर मैं रहबौ, और जो कछु उनसे मिलै, बहे खाबौ-पीबौ, काहिकि लेबर के अपनी दिहाडी मिलनी चाहिए; घर-घर मत फिरियो। 8 जब भी तुम कोई सहर मैं जाबौ, और हूँआं के लोग तुमरो स्वागत करैं, तौ जो कछु तुमरे सामने रखो जाबै बहे खईयो, 9 बौ सहर के बिमारन के अच्छो करौ, और हूँआं के लोगन से कहबौ, ‘परमेस्वर को राज्य तुमरे झोने आए चुको है।’ 10 लेकिन जब भी तुम एक सहर मैं जाबौ, और हूँआं के लोग तुमरो स्वागत ना करैं, तौ रहा से निकर जईयो और कहियो, 11 ‘तुमरे सहर को धुंदर जो हमरे पाँव मैं लगो है, हम तुमरे सामने झार देथैं, लेकिन जौ याद रखियो कि परमेस्वर को राज्य तुमरे झोने आए चुको है!’ 12 मैं तुमके बिस्वास दिलाथौ कि परमेस्वर न्याय के दिन बौ सहर से जाधे सदोम के ऊपर दया दिखागो।” 13 “जौ तुमरे ताही कितनो भयानक होगो खुराजीन! जौ तुमरे ताही कितनो भयानक होगो बैतसेदा! जो सामर्थ्य के काम तुमरे ऊपर भै हैं, अगर बे सूर और सैदा मैं करे जाते, तौ टाट ओढके और राख मैं बैठके बे कबके अपने पाप से मन बदल लेते! 14 पर न्याय के रोज तुमरी दसा से सूर और सैदा की दसा जाधे सहन के काबिल होगी। 15 और हे कफरनहूम! का तैं स्वर्ग ले ऊँचो

करो जागो? तैं तौ मेरे भे के नरक मैं फेंको जागो!” (Hades g86)

16 ईसु अपने चेलन से कही, “जो कोई तुमरी बात सुनथै, बौ मेरी बात सुनथै, जो तुमके ना अपनाथै, बौ मोके ना अपनाथै; और जो मोके ना अपनाथै, बौ मोके भेजन बारे के ना अपनाथै।” 17 बहातर आदमी बड़ा खुसी से लौटके आयके कही, “प्रभु, हिंथों तक कि प्रेत आत्मा हमरी बात मानी जब हम उनके तेरे नाओं को हुकम दें।” 18 ईसु उनके जबाब दई, “मैं सैतान के स्वर्ग से बिजली के हानी गिरत भइ देखो। 19 बात सुनौ! मैं तुमके साँप और बीछी के कुचलन को अधिकार दौ हौं और तुम अपने बेरी की पूरी सामर्थ्य के ऊपर जीत सकथो, और तुमके कोई नुकसान ना होगो। 20 तहूँआं जासे खुस मत होबौ, कि बुरी आत्मा तुमरी बात मानथै; पर तुम जासे खुस रहबौ कि तुमरो नाओं स्वर्ग मैं लिखे गे हैं।” 21 बहे समय ईसु पवित्र आत्मा के जरिये खुसी से भरगो, और कही, “दऊवा, स्वर्ग और पृथ्वी को प्रभु! मैं तौके धन्यवाद देथौं, कि तैं जे बातन के ग्यानिन और समझदारन से लुकाए रखो, हौं, दऊवा जी, तौके ऐसो होन से खुसी मिली। 22 मेरो दऊवा मोके सब कछु दुई है; कोई ना जानथे कि लौड़ा दऊवा के छोड़के कौन है, और कोई ना जानथे कि दऊवा लौड़ा के छोड़के कौन है और लौड़ा कौनके चुनथे।” 23 फिर ईसु चेलन के घाँई मुडके अकेले मैं कही, “तुम कितने खुसनसीब हो कि तुम जे चीजें देखेर हो! 24 मैं तुमके बताथौं, कि भौत से भविष्यवक्ता और राजा चाँही, कि जो तुम देखेर हो, बौ बे देखैं; पर बे ना देख पाई और जो तुम सुनथौ, बौ बे सुनैं, पर बे ना सुन सके।” 25 फिर एक कानून को सिक्छक ईसु के फसान की कोसिस करी; और कही, “गुरुजी, मोके अनंत जिंदगी पान के ताही का करने पड़ैगो?” (aiōnios g166) 26 ईसु बाके जबाब दई, “नियम मैं का लिखे है? तैं कैसे पढ़थे?” 27 बौ आदमी जबाब दई, “अपने पूरे मन से, अपनी पूरी ताकत से, और अपने प्रभु और परमेस्वर से प्यार करौ। और अपने पड़ोसी से बैसोई प्यार करौ जैसो तुम अपने आप से करथौ।” 28 ईसु बासे कही, “तैं ठीक जबाब दौ, जहे कर तौ तू जिंदो रहगो।” 29 लेकिन कानून को सिक्छक खुदके सई ठहरानो चहात रहे, इसलै बौ ईसु से पूछी, “मेरो पड़ोसी कौन है?” 30 ईसु जबाब दई, “एक बार एक आदमी रहै, जो यरूशलेम से यरीहो के जात रहे, इते मैं डाँकू बाके घेर के बाके लत्ता उतार लई, और मार पीटके बाके अधमरा छोड़के चले गै। 31 और ऐसो भौ कि बहे रहा से एक पुजारी जात रहे, लेकिन जब बौ आदमी के देखी, तौ बौ कतराएँ चले गौ। 32 बैसिये एक लेवी बौ जघा आओ, बहो बाके देखके कतराएँ चले गौ। 33 पर एक सामरी बौ रहा से सफर करत रहे, बौ बाके झोने आओ जो अधमरा पड़ो रहे, बौ बाके देखी, तौ बाको दिल दया से भरगौ। 34 बौ बाके झोने गौ, और बाके घाव मैं जैतून तेल और दाखरस डारके पड़ी भोंदी; फिर बौ अधमरा आदमी के अपने जानवर मैं चढ़ायके सराय मैं लैगौ, और बाकी सेवा संती करी। 35 दुसरे रोज बौ दुई चाँदी के सिक्का निकाएँ सराय के मालिक के दै दई, और कही, ‘जाकी सेवा संती करिये, और जो कछु तेरो और लैगो, बौ मैं लौटन पोती तौके दै दुंगो।’ 36 अब तेरी समझ मैं जो डाकून मैं घिर गौ रहे, जे तीनों मैं से बाको पड़ोसी कौन है?” 37 कानून को सिक्छक जबाब दई, “बहे जो बाके ऊपर दया

तरस खाई रहै।” ईसु फिर बासे कही, “तैं जा, तहँ ऐसोई कर।” 38 जब ईसु और बाके चेला अपने रहा जात रहैं, तौ बौ एक गाँव में आओ, जहाँ मार्था नाओं की एक बईय्यर अपने घरे बाको स्वागत करी। 39 बाकी एक बहेनिया रहै, जोको नाओं मरियम रहै, बौ प्रभु के पाँव में बैठकै बाकी सिक्छा के सुनत रहै। 40 पर मार्था सेवा करत-करत तंग हुई गई और बाके झोने आयकै कहने लगी, “प्रभु, का तोकै कछु चिंता ना है कि मेरी बहेनिया मोकै सेवकाई करन के ताहीं इकल्लू छोड़ दई है? इसलै बासे कह, कि मेरी मदत करै!” 41 प्रभु बाकै जबाब दई, “मार्था, मार्था! तैं भौत बातन की चिंता करथै और परेसान है, 42 लेकिन एक बात जरूर है; मरियम अच्छी चीज चुनी है, जो बासे छीनो ना जागो।”

11 एक रोज ईसु एक जघा में प्रार्थना करत रहै। जब बौ प्रार्थना कर चुको, तौ बाके चेलन में से एक चेला ईसु से कही, “प्रभु, जैसे यहून्ना अपने चेलन के प्रार्थना करनो सिखाई है बैसिये हमउँ के तैं प्रार्थना सिखाए दे।” 2 ईसु उनसे कही, “जब तुम प्रार्थना करथौ, तौ जौ कहियो: ‘दऊवा: तेरो नाओं पवित्र मानो जाबै; तेरो राज्य आबै। 3 हमरी दिन भर की रोटी हर रोज हमकै दे कर। 4 और हमरे पापन के माफ कर, काहेकि हम भी अपने हर एक कसूरवार के माफ करथै, और हमकै कठिन परिकछा में मत ला।’” 5 और ईसु अपने चेलन से कही, “मान लियो तुम में से बाको एक दोस्त होबै, और बौ आधी रात के बाके झोने जाएँ बासे कहबै, ‘दोस्त; मोकै तीन रोटी उधार दैदे। 6 काहेकि मेरो एक दोस्त सफर करकै मेरे घरे आओ है, और मेरे पास बाके ताहीं कछु खान ताहीं ना है!’ 7 और मान लेबौ कि तुमरो दोस्त अंदर से जबाब देबै, ‘मोकै परेसान मत करै! अब तौ फाटको बंद है, और मेरे बालका मेरे संग बिस्तर में हैं, मैं उठकै तोकै कछु ना दे सकथौ।’ 8 खैर, फिर का? मैं तुमसे कहथौ, कि भलेई बाको दोस्त उठकै रोटी ना दई, तहँओ बौ उठैगो और तुमकै तुम्हारी जरूरत की हर चीज देगो काहेकि तुमकै मांगत रहन मैं ना सरमानो चाहिए। 9 और इसलै मैं तुमसे कहथौ: माँगो, तौ तुमकै दौ जागो; ढूँडौ तौ तुम पाबैगे; खटखटाबौ, तौ तुमरे ताहीं मोहोंट खोलो जागो। 10 काहेकि जो कोई मांगथै, बाकै मिलथै; और जो ढूँडथै, बौ पाथै; और जो खटखटाथै, बाके ताहीं मोहोंट खोलो जागो। 11 का तुम में से ऐसो कोई दऊवा होगो, कि जब बाको लौड़ा मच्छी माँगै, तौ बाको दऊवा बाकै मच्छी के बदले सॉप देबै? 12 या जब बौ अंडा माँगै, तौ का तुम बाकै बीछी देगो? 13 तुम चँहै जिते बुरे होबौ, तुम अपने बालका के अच्छी चीज देनो जानथौ, तौ हमरो स्वर्गिय दऊवा अपने माँगन बारे के पवित्र आत्मा काहेके ना देगो!” 14 फिर ईसु एक गूँगी प्रेत आत्मा के निकारी; जब प्रेत आत्मा निकर गई, तौ बौ आदमी बोलन लगो; और भीड़ हैरान रहै, 15 लेकिन कुछ लोग कही, “जौ तौ प्रेत आत्मा को अधिकारी बालजबूल कि मदत से प्रेत आत्मा के निकारथै।” 16 और लोग ईसु के फसानो चहात रहैं, इसलै उनके ऊपर परमेस्वर की मंजूरी है जौ साबित करन के ताहीं बाकै स्वर्ग से एक चिन्ह दिखान के ताहीं कही। 17 लेकिन ईसु जानत रहै कि बे का सोचत रहै, इसलै ईसु उनसे कही, “जो-जो देस मैं फूट पड़थै, बौ देस राज्य कभी न कर पाथै; और जो घर मैं फूट

पड़थै, बौ परिवार अलग ही जाथै।” 18 इसलै अगर सैतान अपनोई बिरोधी ही जाबै, तौ बाको राज्य कैसे बनो रहगो? तुम तौ मेरे बारे में कहथौ, कि जौ प्रेत आत्मा के मुखिया बालजबूल की मदत से प्रेत आत्मा के निकारथै। 19 अगर मैं बालजबूल की मदत से प्रेत आत्मा के निकारथौ, तौ तुमरे चेला उनकै कैसे बाहर निकारथै? तुमरे खुद के चेला न्याय करथै कि तुम गलत हो! 20 ना, मैं जौ परमेस्वर कि सक्ति के जरिये प्रेत आत्मा के बाहर निकारथौ, और जौ साबित करथै कि परमेस्वर को राज्य पहलेई तुमरे पास आए चुको है। 21 “जब एक तगड़ो आदमी, अपने पूरे हथियार के संग अपने घर आँगन की रखबारी साति से करथै, तौ बाको पूरो सामान सुरक्छित रहथै।” 22 पर जब बासे तगड़ो कोई बाके ऊपर हमला करथै और बासे जीत जाथै, तौ बाके बे हथियार जोके ऊपर बाको भरोसो रहै, छीन लेथै और बाकी सम्पत्ति लूटकै बाँट देथै। 23 “जो मेरे संग ना है बौ मेरे बिरोध में है, और जो मेरे संग ना बटोरथै बौ बिखेरथै।” 24 “जब प्रेत आत्मा कोई आदमी के भीतर से निकर जाथै, तौ बौ सूखे देस में आराम करन ताहीं जघा ढूँडत फिरथै, और जब ना मिलथै तौ खुदकै कहथै, ‘कि मैं अपने बहे घर में जहाँ से निकरो रहौं बापस जागो।’ 25 और बापस आयकै बाकै साफ-सुथरो और सजो-सजाओ मिलथै। 26 फिर बौ आयकै अपने से और जाधे बुरी सात आत्मा के अपने संग ले आथै, और बे बापे समाएकै बास करथै, बौ आदमी की दसा पहले कि दसा से और बुरी ही जाथै।” 27 जब ईसु जे बात कहतै रहै तौ भीड़ में से एक बईय्यर जोडन से ईसु से कही, “बौ बईय्यर कितनी खुसनसीब है जो तैं बाकी कोक मैं रहो, और तेरो पालन पोसंड करी!” 28 लेकिन ईसु जबाब दई, “बल्किन, बे कितने खुसनसीब हैं जो परमेस्वर को बचन सुनथै और बाकै मानथै।” 29 जैसे-जैसे लोगन की भीड़ ईसु के चारो तरफ जमा भइ, ईसु कही, “आज-कल के लोग कितने बुरे हैं! बे चिन्ह के पँछथै, लेकिन योना के चिन्ह के अलावा उनकै कोई और चिन्ह उनकै ना दौ जागो। 30 जैसे योना नीनवे के लोगन के ताहीं चिन्ह रहै, बैसिये इसान को लौड़ा आज-कल के लोगन के ताहीं एक चिन्ह होगो। 31 न्याय के दिन तारिहँए सीबा की रानी उठ खड़ी होगी और आज के लोगन के ऊपर इल्जाम लगागी, काहेकि बौ राजा सुलैमान की अकल को ग्यान सुनन के ताहीं अपने देस से पूरी पृथ्वी को रहा सफर करी; मैं तुमसे कहथौ, कि हियाँ कछु है, जो राजा सुलैमान से भी बड़ो है। 32 नीनवे के लोगन के घोसडों बारे दिन आज-कल के लोगन के संग ठाडकै, और तुमरे ऊपर दोस लगांगे; काहेकि बे योना को उपदेस सुनकै मन बदली और देखौ, हियाँ बौ है, जो योना से भी बड़ो न्याय करन बारो है।” 33 “कोई आदमी दिया जलायकै लूकत ना है या छपरिया के नीचे ना रखथै; बल्किन बाकै डीट में रखथै, ताकी लोग उजिते में देख सकैं और भीतर आए सकैं। 34 तुमरी सर्रीर को दिया तुमरी आँखी है, इसलै जब तुमरी आँखी अच्छी है, तौ तुमरो पूरो सर्रीर उजिते से भरो होथै; लेकिन जब तुमरी आँखी अच्छी ना होगी, तौ तुमरो पूरो सर्रीर अधियारे में होगो। 35 पक्को करै, कि कइँ जो उजियारे तुमरे में है बौ अधियारे मैं ना हई जाबै। 36 अगर तुमरो पूरो सर्रीर उजिते से भरो है, और तेरो कोई भी हिस्सा अधियारे मैं ना होबै, तौ सब जघा ऐसो उजितो होगो, जैसे एक दिया अपनी चमक

से तोंके उजितो देखै।” 37 जब ईसू बोलनो बंद करी, तौ एक फरीसी मै कानाफूसी को प्रचार करे हौ, बौ मकान कि छत से चिल्लाओ बासे अपने संग खानु खान ताहीं पँछी; इसलै बौ भीतर जाएके खानु खान के बैठगौ। 38 फरीसी हैरान ही गौ, जब बौ देखी कि ईसू खानु खान से पहले हात ना धोई है। 39 तौ प्रभु बासे कही, “फरीसियो, तुम कप और थरिया के बाहर से सुद्ध करथौ, लेकिन तुमरे भीतर हिंसा और बुराई भरी भइ है। 40 मूर्ख! परमेस्वर जो बाहर को हिस्सा के बनाई, का बौ भीतर को हिस्सा ना बनाई? 41 लेकिन अपने कप और प्लेटन में जो कछु है, बाके गरीबन के दै देबौ और सब कछु तुमरे ताहीं विधि पूर्वक सुद्ध ही जागौ।” 42 “फरीसियो तुमरे ताहीं कितनो भयानक है! तुम परमेस्वर के मसाला और पुदीना और भौत सी जडी बूटन के पौध जैसे मौसमी जडी बूटन को दसमो हिस्सा देखौ, लेकिन तुम परमेस्वर के प्यार के टाल देखौ; जौ तुमके दूसरेन कि उपेक्खा के बिना कोसिस के न्याय करनो चाहिए।” 43 “तुम फरीसियन के ताहीं कितनो भयानक है! तुम सभाघरन में खास-खास आसन से प्यार करथौ और बाजार में नमस्ते चाहथौ। 44 तुमरे ताहीं कितनो भयानक है! काहेंकि तुम बिना निसानी के कबर के हानी हौ, जिनके ऊपर लोग चलथे, पर ना जानथे।” 45 कानून के सिक्छकन में से एक ईसू से कही, “गुरूजी, जब तैं जौ कहरो है, तौ तैं हमरी भी बेजती कर रौ है!” 46 ईसू जबाब दई, “तुम्हऊँ कानून के सिक्छकन के ताहीं कितनो भयानक है! तुम ऐसे बोझ जिनके उठानो मुस्किल है, इंसानन के ऊपर लादथौ पर तुम खुद बे बोझन के उठान में मदद करन के ताहीं एक उँगरिया तक ना लगाथौ। 47 तुमरे ताहीं कितनो भयानक है! तुम बे भविष्यवक्ता कि कबर बनाथौ, जिनके तुमरे पुरखा मारडारी रहैं। 48 तुम गभा हौ, और अपने पुरखन के कामन से सहमत हौ; काहेंकि बे भविष्यवक्ता कि हत्या करी और तुम उनकी कबर बनाथौ। 49 इसलै परमेस्वर कि बुद्धि कही, ‘कि मैं उनके झोने भविष्यवक्ता और प्रेरितन के भेजंगो; और बे उनमें से कुछ के मार दंगे और कुछ के सतांगे।’ 50 दुनिया कि उत्पत्ति के बाद से मारे गै सबे भविष्यवक्ता कि हत्या के ताहीं जौ समय के लोगन के खून की सजा दई जागी, 51 हाबिल कि हत्या से लैंके जकर्याह कि हत्या तक जौ बेदी और पवित्र जघा के बीच मारे गै हैं: हौं, मैं तुमके बताथौं, जौ समय के लोगन के उन सबन के परमेस्वर के घर में खून की सजा दी जागी! 52 तुम कानून के सिक्छकन के ताहीं कितनो भयानक है! तुम ग्यान कि कुंजी रख तौ लै हौ जौ ग्यान के घर को फाटक खोलथे; पर तुम खुद ना गै, और जौ अंदर जान कि कोसिस करत रहैं, उनके भी रोक दै!” 53 जब ईसू बौ जघा से चले गौ, तौ यहूदि नियम के सिक्छक और फरीसी बाकी बुराई करी और ईसू से गजब सवाल पँछी, 54 और बाके फसान के ताहीं घात में लगे रहे, ताकी बाके कछु गलत कहेन में पकड़ सकैं।

12 इतने में जब हजारो जनी एक संग भीड़ लगाई, हियाँ तक कि एक दूसरेन के ऊपर गिरे जायें, तौ ईसू सबसे पहले अपने चेलन से कही, “फरीसियन के खमीर के खिलाप रहबौ, मेरो मतलब पाखंड से है। 2 जो कछु लुकाओ गौ है, बाके उजागर करो जागो, और हर रहस्य को पता करो जागो। 3 इसलै जौ कछु तुम अधियारे में कहे हौ, बौ उजिते में सुनो जागो; और जौ तुम बंद कमरा

में कानाफूसी को प्रचार करे हौ, बौ मकान कि छत से चिल्लाओ जागो।” 4 “मैं तुमके बताथौं, मेरे दोस्तौ, सरीर के मारन बारेन से मत डराबौ, काहेंकि बासे जाधा और कछु ना कर सकथैं। 5 मैं तुमके दिखांगो कि कौन से डराने हैं: परमेस्वर से डराबौ, जौ मारन के बाद नरक में फेंकन को अधिकार रखथे, मेरो बिस्वास करौ, बौ बहे है जोसे तुमके डरानो चाहिए!” (Geenna 9:1067) 6 “का दुई पैसा के सिक्का की पाँच गौरैया ना बिकथे? फिर भी परमेस्वर उनमें से एक के भी ना भूलथे। 7 हियाँ तक कि तुमरी मुडिया के बार भी गिने जा चुके हैं, इसलै डराबौ मत; तुम भौत गौरियन से जाधा बढ़के हौ!” 8 “मैं तुमके बिस्वास दिलाथौं कि जौ लोग सबन के सामने मोके मान लेंगे, कि बे मेरे हैं, इंसान को लौडा भी परमेस्वर के स्वर्गदूतन के सामने ऐसोई करेगो। 9 लेकिन जौ लोग मोके सबन के सामने ना अपनथैं, इंसान को लौडा भी परमेस्वर के स्वर्गदूतन के सामने उनके अपनान से मना कर देगो।” 10 “जौ कोई भी इंसान के लौडा के खिलाप एक सब्द कहथे उनके माफ करो जा सकथे; लेकिन जौ कोई भी पवित्र आत्मा के खिलाप बुराई करथे, बाके कहुए माफ ना करो जा सकथे।” 11 “जब बे तुमके सभाघरन में या राज्यपालन या सासक अधिकारिन के सामने लायें, तौ जौ बात कि चिंता मत करियो कि तुम खुद को बचाव कैसे करेगो या तुम अपने में अधिकार का कहबैगो। 12 पवित्र आत्मा तुमके बौ समय सिखाए देगी, जौ तुमके कहनो चाहिए।” 13 फिर भीड़ में से एक आदमी ईसू से कही, “गुरूजी, मेरे भईय्या से कह, कि दऊवा कि सम्पत्ति मोके बाँट दे जौ हमरो दऊवा हमरे ताहीं छोडी है।” 14 ईसू बाके जबाब दई, “दोस्त, कौन मोके दुई के बीच कि सम्पत्ति को न्याय करन या हिस्सा डारन को अधिकार दई है?” 15 और बौ बे सबन से कहत गौ, “देखौ और हर तरहन के लालच से खुद के बचाबौ; काहेंकि तुमरी सच्ची जिंदगी बे चीजन से ना बनथे, जौ तुमरी खुद कि हैं, चाहे तुम कितने सेठ क्यों ना होबौ।” 16 तौ ईसू उनके जौ कहानी सुनाई: “एक सेठ आदमी रहे जोके पास जमीन रहे, और बाकी बडा अच्छी फसल भइ रहे। 17 तौ बौ अपने मन में सोचन लगे, मेरे पास अपनी फसल रखन के ताहीं जघा ना है: मैं का कर सकथौं? 18 और बौ कही, ‘मैं जौ करंगो: मैं अपनी बखारी तोड़के उनसे बडी बनांगो; और बायें अपनो सब खलियान को अन्न और गेहूँ रखंगो। 19 तौ मैं अपने आप से कहंगो, भाग्यसाली आदमी! तेरे पास गजब सालन के ताहीं सम्पत्ति और जरूरी सब अच्छी चीजें हैं; चैन से रहा, खा, पी, सुख से रहा!’ 20 लेकिन परमेस्वर बासे कही, तैं मूर्ख है! जहे रात तेरी जान तोसे लै लई जागी; तौ जौ कछु तैं अपने आप इखटो करो है, बौ कौन को होगो?” 21 और ईसू उपाय निकारी, “ऐसोई बौ आदमी भी है जौ अपने ताहीं धन बटोरथैं, पर परमेस्वर कि नजर में सेठ ना हैं।” 22 तौ ईसू अपने चेलन से कही, “और इसलै मैं तुमसे कहथौं, अपनी ज्यान के ताहीं खानु के बारे में या सरीर के ताहीं जरूरी लतन के बारे में चिंता मत करौ। 23 काहेंकि ज्यान खानु से, और सरीर लतन से जाधे जरूरी है। 24 कउवा के देखौ: बे बीज ना लगाथे और ना फसल के इखटो करथे; उनके पास भंडार को घर या खेत खलियान ना हैं; फिर भी परमेस्वर उनके खबाथे! तुमरो मूल्य पक्किन की तुलना में भौत है! 25 का तुम में से

कोई भी जिंदगी के बारे में चिंता करके थोड़ी सो लम्बो जी सकते? 26 अगर तुम इती छोटी चीज ना कर सकथौ, तौ और दूसरी चीजन के बारे में काहे चिंता करथौ? 27 देखौ जंगली फूल मेरी महिमा के जरिया कैसे बढ़थै: बे काम ना करथै और ना अपने ताहीं लत्ता बनाथै; लेकिन मैं तुमके बताथौ, कि राजा सुलेमान भी अपनी पूरी सम्पत्ति मैं से एक्को फूल के हानी सुगड लत्ता ना पहनी रहे। 28 अगर परमेस्वर मैदान कि घाँस के जो आज है, और कल भट्टी मैं झोंकी जागी, ऐसो पहनाथै; तौ कम बिस्वास करन बारे, बौ तुमके और जाधे काहे ना पहनागो?" 29 "और तुम जौ बात की परेसानी मैं मत रहबौ, कि का खंगे और का पीगे। 30 काहेकि दुनिया के गैर यहदि जे सब चीजन के ढूँडन मैं रहथै और तुरो दऊवा जाणथे, कि तुमके जे चीजन कि जरूरत है। 31 जाके बदले, बाके राज्य के ढूँडन मैं लगे रहबौ, तौ जे चीजें भी तुमके मिल जांगी।" 32 "छोटो झुंड, मत डराबै; काहेकि तुमरे दऊवा के जौ अच्छो लगे है, कि तुमके राज्य देबै। 33 अपनो सब हानी बेचके गरीबन के पैसा दे देबौ; और अपने ताहीं ऐसो बटुआ बनाबौ, जो पुराने ना होथै, मतलब स्वर्ग मै ऐसो धन इधट्टो करी जो घटत ना है, जोके झोने चुट्टा ना जाए सकथै, और कीरा करमोला नास ना कर सकथै। 34 काहेकि जहाँ तुमरो धन है, हँने तुमरो मन भी लगे रहबैगो।" 35 "जो भी आथे बाके ताहीं तैयार रहबौ, कारवाई के ताहीं लत्ता पहने और अपने दिया जलाए रखाबौ, 36 और तुम बे नौकरन के हानी बनौ, जो बिहा की दावत से अपने प्रभु के बापस आन के ताहीं असियाय रे हैं; जब बौ आगो और फाटक खटखटागो, तौ तुरंत बाके ताहीं फाटक खोल देंगे। 37 खुसनसीब हैं बे सेवक, जिनके प्रभु बापस आन में उनके जगत भइ और सेवा करत भै पाथै। मैं तुमसे सचची कहथौ, बौ अपनो कोट उतारके, उनके झोने बैठ जागो, और उनके संग असियागो। 38 अगर बौ आधी रात के या बाके बाद आयके उनके जगत भइ पाबै, तौ बे नौकर कितने खुस होंगे! 39 और तुम जौ पक्को कर सकथौ कि अगर कोई घर के मालिक के पता होतो कि चुट्टा कौन से समय आगो, तौ बौ जगत रहतो, और चुट्टा के अपने घर में ना घुसन देतो। 40 तुम्हऊँ तैयार रहबौ; काहेकि जो समय तुम सोचैगे भी ना, बहे समय इंसान को लौडा आ जागो।" 41 पतरस कही, "प्रभु, का जौ कहानी हमरे ताहीं लागू होथै, या तैं जौ सबन के ताहीं कहरी है?" 42 प्रभु जबाब दई, "बौ बफादार, अकलदार और भरोसेमंद प्रबंधक कौन है? जोके बाको मालिक, घर चलान के ताहीं और सेवक के झुंड में से एक के सई समय में खानु देन ताहीं सरदार बनाबै। 43 खुसनसीब है बौ सेवक, जोके बाको प्रभु आयके ऐसोई करत पाबै। 44 सच मैं, मैं तुमके बताथौ, मालिक बौ नौकर के अपनी पूरी सम्पत्ति को अधिकारी बनाए देगो। 45 पर अगर बौ सेवक अपने मन में सोचन लगै, कि मेरो प्रभु आन में देरी कर रौ है, और दुसरे दास और दासियन के मारनो-पीटनो सुरू कर देबै, और खाए-पिंके नसा में होन लगै, 46 तौ बौ सेवक को प्रभु ऐसे रोज आगो, जब नौकर बाके ना असियागो, और ऐसे समय जोके बौ ना जानत होगो, आगो और बाके गजब दुख दैके बाको हिस्सा अविस्वासी के संग ठहरागो।" 47 और बौ सेवक जो जानत रहे कि बाको प्रभु बासे का चाहथै, और बौ तैयार ना रहै ना बाकी इच्छा के

हिसाब से चलो, बाके सजा दई जागी। 48 लेकिन जो नौकर जौ ना जानथे कि बाको मालिक का चाहथै, और फिर भी कुछ ऐसो करथे जोके ताहीं बौ कोडे खान को हकदार है, बाके हल्के कोडे से सजा दई जागी। जो आदमी के भौत कछु दौ जाथे, बासे भौत माँगो जागो; और जोके भौत सौपो गौ है, बासे भौत लौ जागो। 49 "मैं धरती के आगी लगान के आओ रहौ, और मैं कैसे चहात रहौ कि जौ पहले सेई जल जाबै! 50 मोके तौ एक बपतिस्मा लेने है; और जबले बौ ना हई लेबे तौले मैं कैस्सी हालत मैं रहेंगो! 51 का तुमके लगथे कि मैं धरती मैं सांति लान के ताहीं आओ हौ? ना, सांति ना, बल्कि अलग करन आओ हौ। 52 काहेकि अब से एक परिवार मैं पाँच जनी आपस मैं बिरोध रखेंगे, तीन दुई से और दुई तीन से। 53 दऊवा लौडा से, और लौडा दऊवा से बिरोध रखेंगे, और अईय्या अपनी लौडिया के खिलाप होंगी, और लौडियें अपनी अईय्यन के खिलाप होंगी; सास अपनी बहु के और बहु अपनी सास के खिलाप होंगी।" 54 और ईसू लोगन से जहो कही, "जब बादर के पछार से उठत भइ देखथौ, तौ तुरंत कहथौ, कि मेंहें बरसैगो; और ऐसोई होथै। 55 और जब तिरिहाँए कि ब्यार चलत देखथौ, तौ कहथौ, कि लुह चलेगी, और ऐसोई होथै। 56 अरे ढोंगियो! तुम धरती और आसमान के देखके मौसम के परख सकथौ; फिरौकी, तुम जौ अभे जो चल रौ है बाको मतलब काहेके ना समझथौ?" 57 "तुम अपने आपे परख करके न्याय काहेके ना कर लेथौ, कि धर्मी कौन है? 58 अगर कोई अधिकारी तुमरे खिलाप मुकदमा करथै और तुमके अदालत में लै जाथे, तौ तुम अदालत में जान से पहलेई खुदके छुडान की पूरी कोसिस करौ; अगर तुम ना निपटागो, तौ तुमके न्याई के सामने खींच लौ जागो, जो तुमके सिपईय्या के सौप देगो, और तुमके कैदखाना में डार दौ जागो। 59 मैं तुमके बताथौ, कि जबले तुम अपनो जुर्माना पाई-पाई ना चुकाए देगे तौले हँँँ से छुट ना पागे।"

13 बौ समय कुछ लोग हँँँ रहैं, जो ईसू के बे गलीली के बारे में बताई, जिनके पितातुस तौ मारी रहे जब बौ परमेस्वर के खून की बलि करत रहे। 2 जौ सुनके ईसू उनके जबाब दई, "का तुम समझथौ, कि बे गलीली दुसरे गलीली से जाधे पापी रहे कि उनके ऐसे मार दौ गौ? 3 बास्तव मैं नाय! और मैं तुमसे कहथौ कि अगर तुम अपने पापन से मन ना बदलैगे, तौ तुम्हऊँ उनके हानी मर जागे। 4 सिलोह मैं बे अठारे जनी के बारे मैं का है उनके ऊपर गुम्मत गिरो, और बे मारे गै रहै? का तुमके लगथे कि जौ साबित होथै कि बे यरुसलेम में रहेन बारे दुसरे सब जनी कि तुलना मैं पापी रहै? 5 बास्तव मैं ना! और मैं तुमसे कहथौ, कि अगर तुम अपने पापन से ना मन बदलैगे, तौ तुम सब मर जाबैगे, जैसो बे करी रहै।" 6 फिर ईसू उनके जौ कहानी सुनाई, "एक बार एक आदमी रहै, जोके अंगूर की बारी मैं एक अंजीर को पेड़ रहे: बौ बांमे अंजीर के ढूँडन के गौ, लेकिन कछु ना मिलो। 7 तौ बौ अपनी बारी के रखबरिया से कही, रखबरिया 'देख, तीन साल से मैं जौ अंजीर के पेड़ मैं अंजीर ढूँडत आयरी हौ, और मोके कछु न मिलो; जाके काट दे! कि जौ जमीन के भी काहे रोके रहमै?" 8 लेकिन रखबरिया जबाब दई, 'प्रभु जाके जौ साल तौ और छोड दे, मैं जाके चारौ घाँई से खोदके खाद

डारंगो। 9 फिर अगर अगले साल अंजीर को पेंड फरो तौ भलो, अगर ना फरो तौ जाके काट देगे।” 10 साबत के रोज ईसु एक सभाघर में सिक्छा देत रहे। 11 हुँआँ एक बईय्यर रहे, जोके अठारै साल से एक कमजोर करन बारी प्रेत आत्मा पकडे रहे, बौ कतई लोहोकर गई रहे और कतईये सीधी ना हुई पात रहे। 12 जब ईसु बाके देखी, तौ ईसु बासे बोली, “बईय्यर, तैं अपनी बिमारी से आजाद है!” 13 ईसु बाके ऊपर हाथ धरी, और बौ तुरतै सीधी हुई गई, और परमेस्वर कि बड़ौई करन लग गई। 14 सभाघर के मुखिया गुस्सा में रहे बौ जौ ताहीं कि ईसु साबत के रोज बाके अच्छो करी रहे, सभाघर के अधिकारी खिसियाए के लोगन से कहने लगे, “छै रोज हैं, जौमें काम करनो चाहिए, और बेई दिनन में आयके अच्छे होबौ; पर साबत के रोज ना!” 15 प्रभु बाके जबाब दई, “तुम दोंगी हौ! का साबत के रोज तुम में से कोई भी अपने बरधा या गधा के सार से खोलके पानी नाय पिबागे। 16 हिंयों अब अब्राहम को बंस है, जोके सैतान अठारै साल ले कब्जा में करे रखाई रहे; का बाके साबत के रोज बंधन से आजाद ना करो जानो चाहिए?” 17 ईसु को जबाब बाके दुस्मनन के खुदके सरम बाए दई, जबकी लोग बे सब अच्छे चीजन में खुसी मनाई जो बौ महान काम करी रहे। 18 ईसु पूँछी, “परमेस्वर को राज्य कैसो है? में जाके संग का कि तुलना करौ? 19 बौ राया के एक गूदा के हानी है, जोके एक आदमी लैंके अपनी बारी में बोई: और बौ बढेके पेंड बन गौ; और आसमान के पक्छी बाकी हँगाईया में अपनो घोसला बनाई।” 20 ईसु फिर से पूँछी, “में परमेस्वर के राज्य कि तुलना कासे करौ? 21 जौ जाके हानी है: कि एक बईय्यर थोड़ी खमीर लैंके तीन नाप चून में मिलाथे, तौले मिलाथे जबले कि चून खमीर में अच्छे से मिलत ना है।” 22 ईसु सहर-सहर, और गाँव-गाँव से गुजरो, और लोगन के पढातो और यरुसलेम के घाँई अपनो रहा बनात रहे। 23 कोई बासे पूँछी, “प्रभु जी, कुछ लोगन के बचाओ जागो?” 24 ईसु उनके जबाब दई, “पतरे फाटक से भीतर जान कि पूरी कोसिस करौ; काहैकि भौत से लोग जरूर करके भीतर जान कि कोसिस करंगे, लेकिन जाए ना पांगे। 25 जब घर को मालिक उठके फाटक बंद कर देगे, और तुम बाहर ठाडके फाटक खटखटाए के कहगे, ‘हमे ताहीं फाटक खोल दे, प्रभु!’ बौ तुमके जबाब देगे, ‘मोके न पता है कि तुम कहाँ से आथौ!’ 26 तौ तुम जबाब देगे, ‘हम तेरे संग खाए और पिये; तैं हमरे सहर में पढाओ है!’ 27 लेकिन बौ फिर से कहगे, ‘मोके ना पता है कि तुम कहाँ से आथौ; मोसे दूर हुई जाबौ, तुम सब जनी अधमी हौ!’ 28 हुँआँ रोने और दाँत पीसने होगो, जब तुम अब्राहम और इसहाक और याकूब और सब भविस्व्यवत्ता के परमेस्वर के राज्य में बैठे भे देखेगे, और अपने आपके बाहर निकारे भे देखेगे! 29 लोग अगार और पछार से, सरि और तरिहँए से आंगे, और परमेस्वर के राज्य में खानु खान के बैठंगे। 30 फिर जो अभै आखरी में हैं बे पहले होंगे, और जो अभै पहले हैं बे आखरी में होंगे।” 31 बहे समय कुछ फरीसी ईसु के झोने आए और बासे कही, “तोकै हिंयों से निकरके कहाँ और जाने होगो, काहैकि हेरोद तोकै मारनो चाहथै।” 32 ईसु उनके जबाब दई, “जाएके बौ लोमडी से कहदे, कि देख मैं आज और कल प्रेत आत्मा के निकर रौ हौँ और चंगो

कर रहो हौँ, और तिसरे रोज अपनो काम पूरो करंगो।” 33 फिर भी मोके आज और कल और परसौ अपने रहा जानो जरूरी है, काहैकि हुई ना सकथै कि कोई भविस्व्यवत्ता यरुसलेम के बाहर मारो जाबे। 34 “यरुसलेम! यरुसलेम! तैं भविस्व्यवत्ता के मारथे, तैं बे खबरिन के पथरा मारथे जिनके परमेस्वर तुमरे ताहीं भेजी है! किती बार मैं चाहो, कि जैसे पक्छी मुर्गिया अपने चूजन के अपने पखमन के तरे इखटो करथे, बैसिये महुँ तेरे बालकन के इखटो करौ, पर तैं मोके जौ ना करन देथे! 35 और जौ बजे से तुमरे मंदिर के छोड़ दौ जागो, और मैं तुमके बिस्वास दिलाथौ कि जबले तुम कहगे न कि, ‘आसीसित है बौ जो प्रभु के नाओं से आथे,’ तौले तुम मोके फिर कहू ना देखेगे।”

14 ईसु एक साबत के रोज फरीसियन के अधिकारी में से कोई के घरे खानु खान गौ: और लोग ईसु के झोने से देखत रहे। 2 एक आदमी जोके पाँव और हाथ सूज गे रहे, ईसु के झोने आओ, 3 और ईसु कानून और फरीसियन के सिक्छकन से बात करी और पूँछी, “का हमरे नियम के हिसाब से साबत के रोज अच्छो करन कि इजाजत है या ना है?” 4 लेकिन बे एक बार कुछ न कही; ईसु बौ आदमी के हाथ लगाएके अच्छो करी, और बाके बिदा करी। 5 फिर ईसु उनसे कही, “तुम में से ऐसो कौन है, अगर तुमरो बालका या बरधा कुआँ में गिर जाबे तौ का तुम साबत के रोज बाके बाहर ना निकारेगे?” 6 लेकिन उनके ईसु के जो बारे में जबाब देन कि हिम्मत ना रहे। 7 ईसु देखी कि कैसे कुछ हितुआ अच्छी जघा के चुनै रहे, जौ बजे से ईसु बे सबन के ताहीं जौ कहानी बताई: 8 “जब कोई तोकै बिहा में बुलाबे, तौ सबसे अच्छी जघा में मत बैठिये; ऐसो भी हुई सकथै कि बौ तोसे भी कोई भौत जरूरी आदमी के न्युतो दई होबे, 9 और जो तोकै और बाके दोनों के न्युतो दई है, बौ आयके तोसे कहबे, ‘कि जाके जघा दे,’ तौ तोकै समिदा होन पड़ेगो और सबसे नीची जघा में बैठन पड़ेगो। 10 जाके बदले, जब तोकै बुलाओ जाबे, तौ सबसे नीची जघा में बैठ, ताकी तेरे झोने न्युतो देन बारो आबे, तौ तोसे कहबे, ‘मेरे दोस्त, एक अच्छी जघा में बैठ;’ तौ तेरे संग बैठन बारेन के सामने तेरी बड़ौई और महिमा होगी। 11 काहैकि जो कोई अपने आपके बड़ो बनागो, बौ छोटो करो जागो; और जो कोई अपने आपके छोटो बनागो, बौ बड़ो करो जागो।” 12 तौ ईसु अपने न्युतो देनबारे से भी कही, “जब तैं दिन को या रात को हटकना करै, तौ अपने दोस्तन के या भईय्यन के या अपने हितुअन के या अपने सेठ पडासिन के मत बुलाबे, कहूँ ऐसो ना होबे, कि बेऊँ तोकै न्युतो दैमैं, और तेरो बदलो ही जाबे। 13 पर जब तैं हटकना करै, तौ गरीबन के, अपंगन के, लंगडन के और अंधरन के बुला; 14 और तैं खुसनसीब हुई जागो, काहैकि उनके पास तोकै बदले में देन के कुछ ना है, जो दिन धर्मी लोग जी उठंगे होन लगंगे, परमेस्वर तुमके बापस प्रतिफल देगे।” 15 जब मेज में बैठे भे हितुअन में से एक जौ सुनी, तौ बौ ईसु से कही, “बे कितने खुसनसीब हैं, जो परमेस्वर के राज्य में खानु खान बैठंगे!” 16 ईसु बासे कही, “एक बार एक आदमी रहे जो एक बड़ो हटकना करी रहे, जौमें बौ भौत जनी के हटक रहे। 17 जब खानु तैयार ही गौ, तौ

बौ अपने सेवक के हात जो बतान के ताही पनारी, 'कि आबौ; सब स्वर्ग मैं इतनी ही खुसी होगी, जितनो की निन्यानवे ऐसे धर्मी के बारे कछु तैयार है।' 18 लेकिन बे सबके सब माफी माँगन लगे, पहलो मैं नाय होथै, जिनके मन बदलन की जरूरत नाय।" 8 "या मान नौकर कही, 'मैं एक खेत मोल लौ हौं, और जरूरी है कि बाकै लेबौ कि एक घर की एक ऐसी बईथ्यर होगी, जोके झोने दस चाँदी देखौ; मैं तोसे पूछथौं, मोकै माफ कर दे।' 19 दुसरो कही, 'मैं के सिक्का होमैं, और उनमैं से एक हराए जाबै; तौ बौ दिया जलाए पाँच जोड़ी बरधा मोल लौ हौं, और उनकै समझन और परखन के और झाड़ बुडार के जब तक मिल नाय जाबै, मन लगाएकै ढूँडत जापौ हौं; मैं तोसे पूछथौं, मोकै माफ कर दे।' 20 और एक दुसरो नाय रहबै? 9 और जब मिल जाथै, तौ बौ अपने दोस्त और परोसियन कही, 'मैं कतई-अभई बिहा करो हौं, और जौ बजे से मैं ना आए के इखटो करके कहथै, कि 'मेरे संग खुसी मनाबौ, काहिके मेरो सकथौ।' 21 बौ सेवक आयकै अपने प्रभु के जे बात सुनान लगे। हराओ भौ चाँदी को सिक्का मिलगौ है।' 10 जहे रीति से मैं तुमसे तौ घर को प्रभु गुस्सा मैं आयकै अपने सेवक से कही, 'नगर के कहथौ, कि एक मन बदलन बारे पापी के बजह से परमेस्वर के दूत बजारन और गलियन मैं तुतै जाएकै कंगालन, टुन्डन, लंगडन और खुस होथैं।" 11 ईसु अगु कही, "एक आदमी रहै जोके दुई बेटा अंधरन के हियाँ ले आबौ।" 22 सेवक फिर कही, 'अरे प्रभु, जैसो तू कहो रहे, बैसिये कहो गौ है; फिर भी जया है।' 23 प्रभु सेवक से जे हिस्सा मेरो होबै, बौ मोकै देदे।' इसलै बौ आदमी अपनी सम्पत्ति कही, 'सडकन मैं और बेहडा के चाँई जाएकै लोगन के बरबस के अपने दुई बेटा के बीच मैं बाँट दई। 13 और जाधा दिन नाय बीति लइये आ ताकी मेरो घर भर जाबै। 24 काहिके मैं तुमसे कहथौं, कि रहैं कि छोटो बेटा सब कछु इखटो करके एक दुसरे देस के चलो गौ और हूँआँ कुकर्म की जिंदगी मैं अपनी पूरी सम्पत्ति उड़ाए दई। 14 जब बौ सब कछु खर्च कर चुको, तौ बौ देस मैं बडा आकाल पडो, और बौ कंगाल ही गौ। 15 और बौ बौ देस के रहन बारेन के हूँआँ गौ, बौ बाकै अपने खेतन मैं सोरा चुगान के भेजी। 16 और बौ चहात रहै, कि बे फलियन मैं जिनकै सोरा खात रहैं अपनो पेट भरे; काहिके बाकै कोई कछु नाय देत रहे। 17 आखरी मैं बाकै होस आओ और बौ कही, 'मेरे दऊवा के कितने मजदूरन के पास जितनो बे खाए सकथैं बासे जाधे है, और हियाँ मैं भुंको मर रौ हौं। 18 मैं अब उठकै अपने दऊवा के झोने जामंगो और बासे कहमंगो, हे दऊवा, मैं स्वर्ग और तेरी नजर मैं पाप करो हौं। 19 अब जौ लायक नाय रहो कि तेरो बेटा कहलामौ, मोकै अपने एक मजदूर के हानी रख ले।" 20 तौ बौ उठो और अपने दऊवा के झोने बापस चले गौ। "बौ अभै दूरे रहे, कि बाको दऊवा बाके ऊपर दया से भरकै दौडो बाकै लगे लगाई, और बडा जोड चूमी। 21 बेटा बासे कही, 'दऊवा, मैं स्वर्ग के बिरोध मैं और तेरी नजर मैं पाप करो हौ, और अब जौ लायक नाय रहो कि तेरो बेटा कहलामौ।' 22 लेकिन दऊवा अपने सेवकन से कही, 'जल्दी से अच्छो से अच्छो चोंगा निकारकै जाकै पहनाबौ, बाके हाथ मैं अंगुठी, और पाओ मैं जूती पहनाबौ। 23 तौ जाएकै इनाम को बछडा ले आबौ और बाकै मार डारो, और हम एक दावत के संग मनामैं। 24 काहिके मेरो जौ बेटा मर गौ रहै, फिर जिंदो ही गौ है: जौ हराए गौ रहै, अब मिलगौ है।' और ऐसे करके दावत सुरु भइ।" 25 "इतने मैं बाको जेठो लौडा खेत मैं रहे। और जब बौ आत भै घर के झोने पहोंचो, तौ बौ गान-बजान और नाचन की अबाज सुनी। 26 तौ बौ एक सेवक के बुलबाए के पूँछी, 'कि जौ का ही रहो है?' 27 नौकर जबाब दई, 'तेरो भईय्या घरे बापस आए गौ है,' और 'तेरो दऊवा इनामी बछडा के मार डारी है, काहिके बौ बाकै सुरक्छित और स्वस्थ पाई है।' 28 बौ बडा गुस्सा से भरगौ और घर के भीतर नाय जानो चाही: पर बाको दऊवा दुआरे आयकै बासे नहारे करी, की बौ भीतर आबै। 29 पर बौ दऊवा के जबाब दई, 'देख; मैं इतने साल से तेरी सेवा कर रहो हौं, और कभी भी तेरो आग्या नाय टालो, फिर तू मोकै आज तक एक बकरिया को बच्चा तक नाय दौ, कि मैं अपने दोस्तनौ के संग खुसी मनामौ!

15 एक दिन कई लगान लेन बारे और पापी बाके झोने आए करत रहैं ताकी ईसु की सुनै। 2 फरीसी और यहूदी नियम के सिक्छक बड-बडान, "जौ तौ पापिन से मिलथै और उनके संग खात भी है।" 3 तौ बौ उनसे जौ कहानी कही: 4 "तुम मैं से कौन है जोकी सौ भेंड होमैं, और एक हराए जाबै तौ निन्यानवे के मैदान मैं छोड़के, बौ हराई भइ के जब तक मिल नाय जाबै ढूँडत रहबै? 5 और जब मिल जाथै, तौ बडा खुस हँकि बाकै कंधा मैं उठाए लेथै। 6 और घरे आयकै दोस्त और परोसियन के इखटो करके कहथै, 'मेरे संग खुसी मनाबौ, काहिके मेरी हराई भइ भेंड मिल गई है।' 7 मैं तुमसे कहथौं; जहे रीति से एक मन फिरान बारे पापी के बारे मैं भी

30 पर जब जो तेरो बेटा, जो वैसियन मैं अपनी सम्पत्ति उड़ाए दई है, आओ, तौ बाके ताहीं बछड़ा मारके बड़ो भोज बनबाओ!” 31 दऊवा बासे कही, “बेटा, तू हमेसा मेरे संग है; और जो कुछ मेरो है बौ सब तेरो ही है। 32 पर अब खुसी मनानो और खुस रहनो चाहिए काहेकि जौ तेरो भईय्या मर गौ रहे फिर जिंदी हुई गौ है; हराए गौ रहे, अब मिलगौ है।”

16 ईसु अपने चेलन से कही, “एक सेठ आदमी के झोने एक नौकर रहै जो बाकी जायदाद को प्रबन्ध करत रहै। सेठ आदमी के कोई के जरिया बताओ गौ रहै कि भंडारी अपने मालिक को पैसा उड़ाथे, 2 तभईये बौ बाके भीतर बुलाएके कहथे, ‘जौ मैं तेरे बारे में का सुन रहों हौ? मेरी जायदाद को हिसाब दे, काहेकि अब तू मेरो भंडारी नाय रह सकथै।’ 3 भंडारी सोचन लागो, ‘मेरो मालिक मोकें काम से निकार देगो। अब मैं का करौ? मेरे भीतर इतनी ताकत भी ना है कि मट्टी खोद सकौ, और मोकें तौ भीख माँगन मैं भी सरम आथै। 4 अब मोकें मालूम है कि मोए का करने है। ताकी जब मैं भंडारी के काम से निकारो जामों, तौ मेरे ऐसे दोस्त होंगे जो मेरे घर मैं मेरो स्वागत करंगे।’ 5 तभई बौ बे सबै लोगन के बुलबाई जो अपने प्रभु के कर्जा मैं रहै। बौ पहलो से पूँछी, ‘मेरे मालिक के झोने कित्तो बकाया है?’ 6 बौ जबाब दई, ‘सौ मन जैतून को तेल,’ तौ प्रबंधक बासे कही, ‘बैठ और अपनो खाता-बहे ले और बांमे पचास लिख।’ 7 फिरौकी बौ एक और से पूँछी, ‘और तेरो कित्तो बकाया है?’ बौ जबाब दई, ‘एक हजार बोरी गेहूँ,’ तौ प्रबंधक बासे कही, ‘अपनो खाता-बहे मैं आठ सौ लिख।’ 8 मालिक बौ दुस्त अधमी भंडारी की चतुराई भरी बात सुनके बाकी बड़ाई करी; काहेकि जौ युग के लोग जोती से जुडी लोगन की तुलना मैं भौत चालाँक हैं।” (aiōn g165) 9 और ईसु उनसे कही, अधमी की कमाई दौलत से अपने ताहीं दोस्त बनाबौ, ताकी जब जे दुआरे निकरै तौ तुमरो अनंत घर मैं तुमरो स्वागत करो जागो। (aiōnios g166) 10 जो छोटी बातन मैं बिस्वास योग्य है, बौ बड़ी बातन मैं भी भरोसेमंद रहगो; जो छोटे-छोटे मामलेन मैं अधमी है, बौ बड़े मामलेन मैं अधमी होगो। 11 अगर, तुम अधमी की दौलत के संभालन मैं भरोसेमंद नाय हौ, तौ तुमरे ऊपर सच्ची दौलत मैं कैसे भरोसो करो जाबै? 12 और अगर तुम पराए की दौलत मैं भरोसेमंद नाय हौ, तौ जो तुमरो है बौ तुम्हें कौन देगो? 13 “कोई भी सेवक दुई प्रभु को सेवक नाय हुई सकथै; काहेकि बौ एक से नफरत दुसरे से प्यार करैगो या मिलो रहैगो और दुसरे से नफरत करैगो। तुम परमेस्वर और दौलत दोनों की सेवा नाय कर सकथौ।” 14 फरीसी जब जे सब बात सुनी, तौ बे ईसु मसीह ऊपर उलझ पड़े, काहेकि उन्हें पैसा से भौत प्यार रहै। 15 ईसु उनसे कहथे, तुम बे हौ जो खुदके दुसरे लोगन की नजर मैं सई ठहराथौ, लेकिन परमेस्वर तुमरे नफरत भरे मन के जानथे। और चीज परमेस्वर की नजर मैं खास है, बौ चीज परमेस्वर की नजर मैं कुछ न है। 16 “मूसा के नियम और भविष्यवक्ता के लेख बपतिस्मा देनबारे यूहन्ना के समय ले सरदार रहै; और तभई से परमेस्वर के राज्य को सुसमाचार सुनाए जाए रहो है, और हर कोई अपने ढंग सेई रहा बनाथै।” 17 लेकिन नियम के छोटे से छोटे विवरड के खतम

करन की तुलना मैं स्वर्ग और धरती को गायब होनो आसान है। 18 “जो आदमी अपनी बईय्यर के तलाक दैके दुसरी बईय्यर से बिहा करै, बौ व्यभिचार करथे; और जो कोई तलाकसुदा बईय्यर से बिहा करथे बौ भी छिनरइ करथै।” 19 “एक बार एक सेठ आदमी रहै जो बैजनी लत्ता पहनतो और हर-रोज भौत ठाट से रहतो। 20 और हूँआँ लाजर नाओं को भी एक कंगाल आदमी रहै, जो घाव से ढको रहै, और सेठ आदमी की डेहरी मैं लायके छोड़ दौ जातो 21 और बौ सेठ आदमी के मेज से गिरे जूठो से पेट भरन की आस मैं रहतो। और हियाँ तक कि बाके घाव के कुत्ता चाटत रहै। 22 एक दिन ऐसो भौ कंगाल आदमी मर जाथे और स्वर्गदूतन के जरिया स्वर्ग मैं अब्राहम के झोने लै जाओ जाथे। और एक दिन सेठ आदमी भी मर जाथे और बाके गाडो गौ, 23 और बौ नरक मैं, खुदके बौ भौत दर्द मैं पाथे, जब बौ ऊपर के देखथे तौ लाजर के अब्राहम के संग बैठो देखी। (Hadēs g86) 24 तभई बौ चिल्लाए के कहथे, ‘दऊवा अब्राहम! मेरे ऊपर दया कर, और लाजर के मेरे झोने पनार दे, ताकी बौ अपनी उँगरिया के पोरा पानी मैं डुबो के मेरी जीभ के सांत करै, काहेकि मैं जो आगी मैं दर्द से मरो जाए रहो हौ।’ 25 लेकिन अब्राहम कहथे, ‘याद कर, मेरे लौडा, तोकें जिंदगी मैं जे सब अच्छी चीज मिल चुकी रहै, और लाजर के खराब। लेकिन अब बौ हियाँ सांति मैं है, और तै दर्द मैं है। 26 जे सब बातन के छोड़, हमरे बीच एक बड़ी गहरी खईया बनी है, ताकी जो लोग तुमरे झोने जानो चँहि बे नाय जा सकैं, और न हँना से जौ पार मेरे झोने आए सकथै।’ 27 तभई सेठ आदमी कहथे, ‘मैं तोसे नहोरे करथौं, दऊवा अब्राहम, मेरे दऊवा के घै लाजर के पनार दे, 28 हँना मेरे पाँच भईय्या हैं। उनके अगु जे सब बात की चितौनी दैके बाके पनार दे, ताकी बे जौ दर्द भरी जघा मैं न आमे।’ 29 अब्राहम कहथे, ‘तेरे भईय्यन के झोने चितौनी देन ताहीं मूसा और भविष्यवक्ता के कानून हैं; तुमरे भईय्यन के उनकी बात सुननो चाहिए कि बे का कहथै।’ 30 तौ सेठ आदमी जबाब देथे, ‘जौ काफी नाय है, दऊवा अब्राहम! लेकिन अगर कोई मौत से उठके उनके झोने जाबै, तौ बे अपने पापन से मन बदलथै।’ 31 अब्राहम कहथे, ‘जब बे मूसा और भविष्यवक्ता की बात नाय सुनगे, तौ मौत से जिंदो होन की बात कैसे मानगे।”

17 ईसु अपने चेलन से कही, “जो बातन से लोग पाप मैं पड़ जाथे, बौ जरूरे होथे, लेकिन जो उनके करथे बाके ताहीं का भयानक है! ईसु अपने चेलन से कही: जिन बातन के कारड लोग ठोकर खाथे, बे जरूरे आथे, लेकिन जोके जरिया बे आथे बाके ऊपर हाय। एक दिन ईसु अपने चेलन से कही, पाप के ताहीं परिकछा हमेसा होत रहमंगी, लेकिन परिकछा करन बारे के का दुख होगो! 2 जो जे छोटन मैं से कोई एक के ठोकर खबाथे, बाके ताहीं जौ भलो होतो कि चक्की को हिस्सा बाके गले मैं लटकाओ जातो, और बाके समुंदर मैं डार दौ जातो।” 3 तौ तुम का करैगे! “अगर तुमरो भईय्या पाप करथे, तौ बाके झुकाए, और अगर बौ मन बदलथे तौ बाके माफ कर दे। 4 अगर बौ दिन भर मैं सात बार तेरे खिलाप पाप करै, और हर बार तेरे झोने आयके कहबै, ‘मैं मन बदल लौ हौ,’ तौ तू बाके माफ कर दे।” 5 प्रेरित प्रभु से कहथे, “हमरे

बिस्वास के बड़ा।” 6 तौ प्रभु जबाब देथै, “अगर तूहै राया के गूदा के बराबर बिस्वास है, तौ तुम जौ सहतूत के पेंड से कहबौ, ‘कि जर से उखड़के समुंदर मैं लग जाबै!’ तौ बौ तुमरी बात मान लेगो।” 7 “मान लियो कि तुम मैं से एक झोने एक सेवक है जो खेत की जूताई या भेंडन की देख-रेख करथै। जब बौ खेत से आथै, तौ का तुरतै तुम बासे जौ कहथौ आबौ खानु खान के बैठौ? 8 कतई नाय! जाके उल्टा, तुम जौ कहगो, ‘रात की सेवा के काम के ताहीं तैयारी करौ, और भेरे खान-पीन के पोती मेरो इंतजार करौ; जाके बाद तुम खाए सकथौ।’ 9 का सेवक आग्या के मानन के ताहीं धन्यवाद को हकदार है? 10 तुमरे संग भी ऐसोई होतो, जब तुम बे सब कामन के कर रहे हो जोक़ी आग्या तुमके दई गई रहै, तौ कहबौ, ‘हम निकम्मे सेवक हैं; कि जो हमें करना चाहिए रहै बौ करे हैं।’” 11 जब ईसु यरूशलेम के घाँई जानो सुरू करी, तौ बौ सामरिया और गलील की सीमा के किनारे चले गौ। 12 और जब बौ हूँआँ के गाँव से निकरो जात रहै तौ बाको भेंटा दस कोहदी आदमी से भइ। बे थोड़ी दूरी में ठाड़े रहै 13 और हूँनै से चिल्लाई, “ईसु! गुरुजी! हमरे ऊपर दया करा।” 14 ईसु उनके देखके उनसे कही, “जाबौ और पुजारी के अपने आपके दिखबौ।” और बे नेंगत-नेंगत कोड से सुद्ध होत चले गौ। 15 तभई उनमें से एक खुदके देखी कि बौ अच्छो ही गौ है, तौ बौ ऊँची अबाज में परमेस्वर की बडोई करत भै लौटके आओ। 16 और बौ ईसु के पाओ में घुपटियाय के बाको धन्यवाद करी। और बौ एक सामरी आदमी रहै। 17 ईसु बासे कही, “दस आदमी जो सुद्ध भै रहै, बाकी नौ किहै गे? 18 जो परदेसी के छोड़ और कोई नाय है जो परमेस्वर के धन्यवाद और महिमा देन के ताहीं आओ है?” 19 और ईसु बासे कहथै, “उठ और जा; तोकै तेरो ही बिस्वास अच्छो करी है।” 20 कुछ फरीसी ईसु से पूँछी कि परमेस्वर को राज्य कब आगो। तौ बाको जबाब रहै, “परमेस्वर को राज्य जौ हानी नाय आगो जैसो तुम देख रहे हो। 21 जौ कोई नाय कहगो, ‘देखौ, हियाँ है!’ या ‘हूँआँ है!’ काहैकि परमेस्वर को राज्य तुमरे बीच में है।” 22 फिर बौ चलन से कही, “बौ समय आगो तभई तुम चाहगे कि इंसान के लौड़ा के एक दिन देख सकैं, लेकिन तुम बाकै नाय देख पागे। 23 बेई होंगे जो तुमसे कहगो, ‘देखौ, हियाँ है! या हूँआँ है!’ लेकिन तुम उनके पच्छू मत जईयो।” 24 जैसे आसमान में बिजली चमकत है और एक छोर दुसरे छोर उजियारो होथे, बैसिये इंसान को लौड़ा अपने दिनन में दिखाई देगो। 25 लेकिन बाके ताहीं जौ जरूरी है, कि बौ भौत दुख उठागो, और जौ दिन के लोग बाकै ठुकरांगो। 26 जैसो नूह के समय में भौ रहै, बैसोई इंसान के लौड़ा के दिनन में भी होगो। 27 जौ दिन ले नूह जहाज में नाय चढो, बौ दिन ले लोग खात-पीत रहै, और उनमें बिहा होत रहै; तभई जल-प्रलय आयकै बे सबन के नास कर दई। 28 और जैसो लूत के दिनन में भौ रहै, कि लोग खाते-पीते, खरीदते-बेचते, काम करते और घर बनाते। 29 लेकिन जौ दिन लूत सदोम देस से निकरो, बौ दिन आगी और गंधक आसमान से बरसी और सबके नास कर दई। 30 इंसान के लौड़ा के आन के दिनन में ऐसोई होगो। 31 “बौ दिन जौ कोई छत में होबै और बाको हानी घर के भीतर होबै, बौ बाकै लेन ताहीं तरे नाय उतरे, और बैसिये जो खेत में होंमै बे घरे ना लौटै। 32 लूत की बईय्यर

के याद करौ! 33 जो कोई अपनी ज़्यान बचानो चाहगो बौ बाकै खोबैगो; लेकिन जो कोई जिंदगी खोबैगो बौ बाकै बचागो। 34 मैं तुमसे कहथौ, बौ रात दुई लोग एक खटिया में सोत होंगे, एक के लै लौ जागो, और दुसरे के छोड़ दौ जागो। 35 दुई बईय्यर एक संग चक्की पीसत होंगी, एक के उठाए लै जागी, और दुसरी के हूँनै छोड़ दई जागी। 36 दुई आदमी खेत में होंगे एक के उठाए लौ जागो और दुसरे के छोड़ दौ जागो।” 37 जौ सुनकै चेला बासे पूँछी, “किहै, प्रभु?” ईसु उनके जबाब दई, “जितै सरिर होगी, हूँनै गिट्ठा जुरागे।”

18 तौ ईसु अपने चलन के जौ सिखान के ताहीं एक कहानी बताई कि उनके हमेसा प्रार्थना करना चाहिए और कह निरास ना होना चाहिए। 2 “कोई सहर में एक न्याई रहत रहै बौ ना परमेस्वर से डरात रहै, और नाय कोई आदमिन को आदर करतो। 3 और कोई सहर में एक बिधवा बईय्यर भी रहत रहै, जो बाके झोने आयकै कहती मेरो न्याय करकै, ‘मोए दलालन से बचा!’ 4 कुछ समय ले तौ बौ नाय मानो लेकिन आखरी में मन में सोच बिचार करकै कही, ‘ना मैं तौ परमेस्वर से डराथौ और ना लोगन को आदर करथौ, 5 फिर भी जौ बईय्यर मोए सतात रहथै, तभई मैं जाको न्याय करंगो, कही ऐसो नाय होबै कि घड़ी-घड़ी आयकै मोए परेसान कर देबै!’” 6 तौ प्रभु कही, “सुनो बौ अधर्मी न्याई का कही। 7 का परमेस्वर अपने चुने भै को न्याय करेगो, जो दिन-रात गिड़-गिड़ात रहथै, और का बौ उनके बारे में देर करेगो? 8 मैं तुमसे कहथौ, बौ तुरतै उनको न्याय करेगो। लेकिन इंसान को लौड़ा जब आगो तौ का बौ धरती में बिस्वास पाएगो?” 9 और बौ उनसे जो अपने ऊपर भरोसा रखत रहै, कि हम धर्मी हैं, और दुसरेन के तुच्छ जानत रहै, जौ कहानी कही: 10 एक बार “दुई आदमी मंदिर में प्रार्थना करन के गे, एक फरीसी रहै और दुसरो लगान लेन बारो। 11 फरीसी अपने आप से अलग ठाड़गो और प्रार्थना करी, ‘मैं तोए धन्यवाद देथौ, परमेस्वर, कि मैं लालची, अधर्मी या व्यभिचारी नाय हौं, जैसो कि सबे कोई करी है। मैं तोए धन्यवाद देथौ कि मैं हूँना बौ लगान लेन बारे के तराही नाय हौं। 12 मैं सप्ताह में दुई बार बर्त रखथौ, और मैं अपनी कमाई को दसमों भाग भी देथौ।’ 13 लेकिन लगान लेन बारो दूँ से ठाड़कै, स्वर्ग के घाँई अपनी सकल भी नाय करी, बल्किन अपनी छाती पीट-पीटके कहथै, ‘परमेस्वर मैं तौ पापी हौं मेरे ऊपर दया करा!’” 14 ईसु कही, मैं तुमसे कहथौ, “कर लेन बारो आदमी ना कि फरीसी परमेस्वर के हियाँ जागो। काहैकि जो कोई खुदके बडो बनागो बौ छोटो करो जागो, और जो खुदके छोटो बनागो बौ बडो करो जागो।” 15 तौ लोग अपने बालकन के ईसु के झोने लान लगे कि बौ उनके ऊपर हात धरै। तौ चेला उन्हें देखकै झुकाई, 16 लेकिन ईसु बालकन के झोने मस्काए के कहथै, “बालकन के मेरे झोने आन दियो, और उन्हें मना मत करौ, काहैकि परमेस्वर को राज्य ऐसियन को है। 17 मैं तुमसे सच्ची मैं कहथौ, कोई भी परमेस्वर को राज्य जे बालकन के हानी नाय अपनागो बौ स्वर्ग के राज्य में कहुए घुस नाय पागो।” 18 एक यहूदिन को अधिकारी ईसु से पूँछथै, “अच्छो गुरुजी, अनंत जिंदगी पान के ताहीं मैं का करौ?” (aiōnios g166)

19 ईसु बासे कहथै, “तू मोए अच्छो काहे कहथै? कोई अच्छो नाय है, परमेस्वर के अलावा। 20 तू कानून और आग्या के तौ जानतै है, ‘व्यभिचार मत करीये; हत्या मत करीये, चोरी मत करीये, और अपने अईय्या-बाबा को आदर करीये।’” 21 बौ आदमी जबाब दई, “मैं तो जे सब आग्या छोटे से मानत आओ हौं।” 22 जौ सुनै ईसु, बासे कहथै, तेरे भीतर अभै भी एक कमी की बात है, “तू अपनो सबै कुछ बेंच के गरीबन में बाँट दे, और तोए स्वर्ग में धन मिल जागो, और आयकै मेरे पच्छू हुई ले।” 23 लेकिन जौ सुनै बौ आदमी को मन दुखी हुई गो, काहैकि बौ आदमी भौत सेठ रहै। 24 ईसु बाकै दुखी देखके कही, “सेठ और पैसा बारे आदमी को परमेस्वर के राज्य में जानो कठिन है। 25 एक ऊँट को सूई के भार में से निकर जानो सहज है लेकिन एक सेठ आदमी को परमेस्वर के राज्य में जानो भौत कठिन है।” 26 उनके सुनन बारे लोग बासे पूँछथै, “तौ फिर कौनकै बचाओ जाए सकथै?” 27 जो चीज ईसान से नाय हुई सकथै बौ चीज परमेस्वर से हुई सकथै। 28 तभई पतरस कहथै, “देख! हम तौ घर-बार छोड़के तेरे पच्छू हुई लै हैं।” 29 ईसु उनसे कहथै, “हाँ, और मैं तुमसे सच्ची कहथौं, कि जो परमेस्वर के राज्य के ताहीं घर-बार, बईय्यर और अईय्या-दऊवा, भईय्या और बालकन के परमेस्वर के राज्य के ताहीं छोड़ी हैं, 30 बौ जहे समय मैं कई गुना आसीस पागो, और आनबारे समय के युग मैं अनंत जिंदगी।” (aiōn g165, aiōnios g166) 31 ईसु बारह चेलन के बाजू में लै जाएकै कही, “सुनो! आपन यरूस्लेम के जांगे, और जित्ती बात ईसान के लौडा के ताहीं भविष्यवक्ता के जरिया लिखी गई हैं बे सबै सच्ची होंगी। 32 बाकै गैर यहदि के सौप दी जागो, जो बाको मजाक उड़ागे, बाकी बेजती करंगे और बाके ऊपर थूकंगे। 33 बे बाकै कोडा मारंगे और बाकै मार डारंगे, लेकिन बौ तीन दिन बाद जिंदो हुई जागो।” 34 लेकिन चेला जे बातन में से कुछ नाय समझी; सब्दन को मतलब उनसे लुको पड़ो रहै, और बे ना जानत रहै कि ईसु काके बारे में बात करत रहै। 35 जब ईसु यरीहो के झोने आए चुको रहै, तौ हूँआँ एक अंधरा आदमी रस्ता में बैठके भीख मांगत रहै। 36 जब बौ झोने से छिरत भइ भीड़ के सूनी, तौ बौ पूँछी, “जौ का ही रौ है?” 37 बे बाकै बताई, “नासरत को ईसु झोने से छिर रौ है।” 38 बौ पुकारी, “ईसु! दाऊद को लौडा! मेरे ऊपर दया कर!” 39 अगु के लोग बाकै झुकाई और सांत होन के ताहीं कही। लेकिन बौ औरौ जोड़न से चिल्लाई, “दाऊद को लौडा! मेरे ऊपर दया कर!” 40 इसलै ईसु रुक गौ और बौ अंधरा आदमी के अपने झोने लान को हुकम दई। जब बौ झोने आओ, तौ ईसु बासे पूँछी, 41 तै मोसे का चाहथै, “मैं तेरे ताहीं का कर सकथौ?” बौ जबाब दई, “प्रभु, मैं फिर से देखनो चाहथौं।” 42 ईसु बासे कही, “तौ देखन लग! तेरो बिस्वास तौके अच्छो करी है।” 43 बौ तुरतै देखन लागो, और ईसु को अनुसरँड करी, और परमेस्वर के धन्यवाद दई। जब भीड़ जाके देखी, तौ बेऊँ सब परमेस्वर कि बड़ाई करी।

19 ईसु यरीहो में घुसो और हूँआँ से छिरत रहै। 2 हूँआँ एक मुख्य लगान को अधिकारी रहै, जोको नाओ जक्कई रहै, और बौ सेठ रहै। 3 बौ जौ देखन कि कोसिस करत रहै कि ईसु कौन है,

लेकिन बौ एक गंठो आदमी रहै और भीड़ कि बजह से ईसु के नाय देख सकत रहै। 4 इसलै बौ ईसु के देखन के ताहीं अगु दौड़के एक गूलर के पेड़ में चढ़गौ, काहैकि ईसु बहे रस्ता से जान बारो रहै। 5 जब ईसु बौ जघा पौहोंचो, तौ ऊपर नजर करके जक्कई से कही, “जल्दी उतर जक्कई, काहैकि मोकै आज तेरे घर में रहने होगो।” 6 जक्कई तुरंत उतरो और बाको बड़ा खुसी से स्वागत करी। 7 जाके देखन बारे सब जनी बड़बडात भइ कहेन लागे, “जौ आदमी पापी के घरे हितुआ बनके गौ है!” 8 जक्कई ठाड़के प्रभु से कही, “सुन, गुस्ज़ी! मैं अपनी आधी सम्पत्ति कंगालन के दै दुंगो, और अगर मैं कोई के धोका दैके कछु लौ हौं, तौ बाकै चोगुना जाधे दुंगो।” 9 ईसु बासे कही, “आज जौ घर में उद्धार आओ है, इसलै कि जहो भी अब्राहम को लौडा है। 10 काहैकि ईसान को लौडा खोए भैन के दूँडन और उनके बचान के ताहीं आओ रहै।” 11 जब लोग जौ सुनत रहै, ईसु जारी रखी और उनके एक कहानी बताई। बौ अब लमसम यरूस्लेम में रहै, और बे मानत रहै कि परमेस्वर को राज्य बस अब दिखन बारो है। 12 तौ ईसु कही, “एक समय एक बड़े पद को आदमी दूर देस के चलो ताकी राजा बनके राज्य करन लौट आबै। 13 बाके जान से पहले, बौ अपने सेवकन के बुलाई और उनके एक-एक सोने को सिक्का दई और उनसे कही, ‘देखथै, मेरे जान के बाद तुम जासे का कमाए सकथौ।’ 14 अब बाके अपने लोग बासे नफरत करत रहै, और बाके पच्छू खबरेया के जरिये कहके भेजी, ‘कि हम नाय चाहथै, कि जौ आदमी हमरो राजा बनै।’” 15 जौ पता लगाओ जा सके कि बे कितनो कमाई रहै। 16 पहलो बारो आयकै कही, ‘प्रभु, तैं जो मोकै दौ रहै, बाके संग मैं दस सोने के सिक्का कमाओ हौं।’ 17 बौ कही, ‘भौत बढिया, तैं एक अच्छो सेवक है! काहैकि तैं छोटे-मोटे मामलेन में बफादार और भरोसेमंद रहै, इसलै मैं तौके दस सहरन के अधिकार को वारिस बनांगो।’ 18 दूसरो नौकर आओ और बोली, ‘प्रभु, तैं जो मोकै दौ रहै, बाके संग मैं पाँच सोने के सिक्का कमाओ हौं।’ 19 जाके ताहीं बौ कही, ‘तैं पाँच सहरन को अधिकारी होगो।’ 20 तीसरो नौकर आयकै कही, ‘प्रभु, हियाँ तेरो सोने को सिक्का है; मैं बाकै एक स्माल मैं लुकाएकै रखो रहौं। 21 काहैकि मैं तोसे डरात रहौं, तैं एक कठोर ईसान है। तैं बौ लै लेथे जो तेरो ना है और जो तैं ना बोथे बाकै काटथै।’ 22 बाको मालिक जबाब दई, ‘हे दुस्ट सेवक, मैं तेरिये बचनन से तेरो न्याय करंगो! तैं जानत रहै कि मैं एक सक्त आदमी हौं, जो मेरो ना है बाकै लै लेथौं और जोमैं ना बोथौं बाकै काट लेथौं। 23 अच्छेया, फिर, तैं मेरे पैसा बैंक मैं काहेके ना डारो? जब मैं लौटतो तौ मोकै ब्याज समेत बापस मिल जातो।’ 24 फिर बौ बे लोगन से कही जौ हूँआँ ठाड़े रहै, ‘सोने को सिक्का बासे लै लेबौ, और बौ नौकर के दै दियौ जोके पास दस सोने के सिक्का है।’ 25 लेकिन बे बासे कही, ‘प्रभु, बाके पास पहलेई से दस सिक्का है।’ 26 ‘मैं तुमकै बताथौं,’ बौ जबाब दई, ‘बे सबन के ताहीं जिनके पास कछु है, उनके औरौ अगरो दौ जागो; लेकिन जिनके पास कछुए ना है, हियाँ ले कि उनके पास जो कछु भी होगो, बहो उनसे छीन लौ जागो। 27 अब, मेरे बे

बैरी के ताहीं जो ना चाहत रहैं कि मैं उनको राजा बनौ, उनके हियाँ लाबौ और मेरे सामने मार देबौ।” 28 ईसु के जौ सब कहने के बाद, बौ उनके अगु-अगु यरूशलेम के गौ। 29 जब बौ जैतून नाओं के पहाड़ में बैतफगे और बैतनिय्याह के झोने पौहोंचो, तौ बौ अपने चेलन में से दुई के जौ कहकै पनारी 30 “सामने के गाँव में जाबौ, जैसेई तुम अंदर जाबैगे, तुम एक गधईया को बच्चा जोके ऊपर कोई कहु सवार ना भौ, भँदो भौ तुमके मिलैगो, बाँके खोलकै ले आबौ। 31 अगर कोई तुमसे पूछे कि तुम जाँके काहे खोल रे हो, तौ बासे कहियो कि प्रभु के जाकी जरूरत है।” 32 बे अपने रस्ता में चले गे और सब कुछ बेसो पाई जैसो ईसु उनके बताई रहे। 33 जैसो कि बे गधा के बच्चा के खोलत रहैं, तौ बाको प्रभु उनसे कही, “तुम जाँके काहेंके खोल रे हो?” 34 बे जबाब दई, “प्रभु के जाकी जरूरत है,” 35 बे गधा के बच्चा के ईसु के झोने लैगे और अपने लता बौ बच्चा के ऊपर डारकै ईसु के बाँके ऊपर चढ़न में मदद करी। 36 जब बौ अगु बढो, तौ लोग अपने लता सड़क में बिछात जात रहैं। 37 जब बे यरूशलेम के झोने आए चुके, तौ जो जघा में सड़क जैतून पहाड़ के तेरे चली गई रहे, जब बे हूँआँ पहुँचे, तौ चेलन कि बड़ा बड़ी भीड़ परमेस्वर को धन्यवाद करन लागे और बे सब महान सामर्थी काम के ताहीं जोडन से स्तुति करी, जो बे देखी रहैं: 38 “परमेस्वर बौ राजा के आसीस देबे जो प्रभु के नाओं से आथै! स्वर्ग में सांति और परमेस्वर कि महिमा होबै!” 39 तौ भीड़ में से कुछ फरीसी ईसु से बात करी। बे कही, “गुरुजी, अपने चेलन के झुकाए, कि बे सांत रहमै!” 40 ईसु जबाब दई, “मैं तुमसे कहथौ कि अगर बे चुप हईगै, तौ पथरा खूदे चिल्लान लागेगै।” 41 ईसु सहर के झोने आओ, और जब बौ देखी, तौ बौ बाँके ऊपर रोए पडो, 42 जौ कहत भै, “अगर तुम सिरफ आजै जानते कि सांति के ताहीं का जरूरी है! लेकिन अब तुम जाँके नाय देख सकथौ! 43 समय आगो जब तुमरे बैरी तुमके घेर लेंगे, तुमरो नाकाबंदी करेगे, और सब घाँई से तुम बंद हई जागे। 44 बे तुमके और तुमरी दिवारन के भीतर के लोगन के पूरी तरहन से खतम कर देंगे; एकौ पथरा ना होंगे जो बे अपनी जघा में छोड़ेंगे, काहैकि तुम बौ समय के नाय पहचान पाए जब परमेस्वर तुमके बचान के आओ रहै!” 45 तौ ईसु मंदिर में गौ और ब्यापारियन के भजान लागो, 46 उनसे कहरौ है, “जौ सांघ में लिखो है कि परमेस्वर कही है, ‘मेरो मंदिर परमेस्वर के घर प्रार्थना को घर होगो।’ लेकिन तुम जाँके चुटन के ठिकाना मैं बदल दे हौ!” 47 हर दिन ईसु मंदिर में सिक्छा देत रहे। बडो पुजारी, यहदि नियम के सिक्छक और लोगन के नेता बाँके मारनो चहात रहैं, 48 लेकिन उनके ऐसो करन को कोई तरीका ना मिलो, काहैकि सब जनी बाँके सुने करत रहैं, और कोई भी बाकी बात के छोड़नो ना चहात रहैं।

20 एक दिन जब ईसु मंदिर में लोगन के सिखात रहे और सुसमाचार सुनात रहे, तौ बडो पुजारी और यहदि नियम के सिक्छक, बडे-बढ़ेन के संग, आयकै ठाड़गे 2 और बासे कही, “हमके जौ बता, तौके जे सब करन को का अधिकार है? तौके जे अधिकार कौन दौ है?” 3 ईसु उनके जबाब दई, “अब महुँ के एक सवाल पूछने है। मौके बताबौ, 4 का यहून्ना के बपतिस्मा देन को

अधिकार स्वर्ग से रहे या इसानन से रहे?” 5 बे आपस में बहस करन लागे, “हम का कहेंगे? अगर हम कहथैं, ‘कि स्वर्ग के घाँई से,’ तौ बौ कहेगो, ‘तौ तुम यहून्ना के ऊपर बिस्वास काहेंके ना करे?’ 6 लेकिन अगर हम कहेंगे, ‘इसानन से,’ तौ हियाँ पूरी भीड़ हमके पथरा मारेगी, काहैकि उनके भरोसा है कि यहून्ना एक भविस्यवक्ता रहै।” 7 तौ बे जबाब दई, “हम ना जानथैं कि बौ कहाँ से आओ है।” 8 और ईसु उनसे कही, “तौ मैं भी तुमके ना बतांगो कि मैं जे काम कौन से अधिकार से करथौ।” 9 तौ ईसु लोगन के जौ कहानी बताई: “एक बार एक आदमी रहे जो अंगूर की बारी लगाई रहे, और किसानन के दै दई, और फिर लंबे समय तक घर छोड़ दई। 10 जब दाखन के इखटो करन को समय आओ, तौ बौ किसानन के झोने एक सेवक के पनारी, कि बे अंगूर की बारी मैं से मेरो थोड़ी हिस्सा देंमै, लेकिन किसान बाँके पीटी और बाँके खाली हात बापस पनार दई। 11 इसलै बौ एक और सेवक के पनारी; लेकिन किसान बहो के पीटी, बाँके संग सर्मानाक व्यवहार करी, और बाँके खाली हात बापस पनार दई। 12 फिर बौ तीसरे नौकर के पनारी; किसान बहो के घायल कर दई, और बाँके बाहर फेंक दई। 13 तौ अंगूर की बारी को प्रभु कही, ‘मैं का करेगै? मैं अपने प्रिय लौड़ा के भेजंगो; बे पक्का बाको आदर करंगे!’ 14 लेकिन जब किसान बाँके देखी, तौ बे एक दूसरे से कही, ‘जौ मालिक को लौड़ा है। चलौ बाँके मार डारै, और बाकी जायदाद हमारी हई जागी!’” 15 इसलै बे बाँके अंगूर की बारी से बाहर निकारके मारडारी। फिर ईसु पूँछी, “अंगूर की बारी को प्रभु बे किसानन के संग का करेगो?” 16 “बौ आयकै बे लोगन के मार देगो, और अंगूर की बारी के दूसरे किसानन के सौंप देगो।” जब लोग जौ सुनी, तौ बे कही, “सच मैं नाय।” 17 ईसु उनके घाँई देखी और पूँछी, “का, तौ, जौ सांघ को मतलब है? ‘जो पथरा के राजमिस्त्री ठुकराई रहैं बहे सबन के ताहीं सबसे जरूरी निकरो।’” 18 जो कोई बौ पथरा में गिरिगो बौ चकनाचूर हई जागो; और अगर बौ पथरा कोई के ऊपर गिरिगो, तौ बौ बाँके धूँदर में कुचल देगो।” 19 यहदि नियम के सिक्छक और बडो पुजारी ईसु के मौका में गिरफ्तार करन को कोसिस करी, काहैकि बे जानत रहैं कि बौ उनके खिलाप जौ कहानी बताई है; लेकिन बे लोगन से डरात रहैं। 20 इसलै बे मौका कि तलास करी। बे कुछ लोगन के धर्मी, इमानदार बनन को दिखावा करन के ताहीं रिस्वत दई, और बे उनके ईसु के सवालन के संग फसान के ताहीं पनारी, ताकी बे बाँके रोमन सासक के अधिकार से और सक्ति के सौंप सकैं। 21 जे जासूस ईसु से कही, “गुरुजी, हम जानथैं कि तैं जो कहथै और सिखाथै बौ ठीक है। हम जानथैं कि तैं कोई कि हालत में ध्यान ना देथै, लेकिन लोगन के परमेस्वर कि इच्छा के बारे में सच्चाई से सिखाथै। 22 हमके बता, का हमके रोमन सम्राट कैसर के लगान देनो नियम के हिसाब से बाँके खिलाप है, या नाय?” 23 लेकिन ईसु उनकी चाल के देखी और उनसे कही, 24 “मौके एक चाँदी को सिक्का दिखाबौ। जाँमै कौन को छाप और नाओं है?” बे जबाब दई, “सम्राट कैसर को।” 25 तौ ईसु कही, “ठीक है, सम्राट कैसर को भुगतान करै जो सम्राट कैसर को है, और परमेस्वर को भुगतान करै जो परमेस्वर को है।” 26 हूँआँ बे लोगन के सामने बौ बात के पकड़

ना पाई, इसलै बाके जबाब से अचम्मे हुईके चुप रहगै। 27 फिर कुछ सदक्की, जो कहथै, कि लोग मरकै नाय जी उठंगे, ईसु के झोने आयकै कही, 28 “गुरुजी, मूसा हमरे ताहीं जौ कानून लिखी है, ‘अगर कोई आदमी मर जाबै और अपनी बईय्यर कै छोड़ जाबै, लेकिन बाकी कोई औलाद ना होबै, तौ आदमी के भईय्या कै बौ बिधवा के संग बिहा कर लेनो चाहिए ताकी उनके बालका हुई सकै जिनकै मेरे भै आदमी के बालका मानो जागो।’ 29 एक बार सात ददा-भईय्या रहै; सबसे बड़े को बिहा हुई गौ और बिना बालका भै बाकी मौत हुई गई। 30 फिर दुसरो बौ बईय्यर से बिहा करी, 31 और फिर तीसरो। सबे सात ददा-भईय्यन के संग एकै बात भइ, बे बालका पैदा करे बिना मर गै। 32 आखिरकार, बौ बईय्यर कि मौत हुई गई। 33 अब, जो रोज मेरे भै जिदे जी उठंगे, तौ बौ कौन कि बईय्यर होगी, काहैकि बे सातो बाके संग बिहा करी रहै।” 34 ईसु उनके जबाब दई, “जौ युग मैं आदमी और बईय्यर बिहा करथै, (aion g165) 35 लेकिन बे आदमी और बईय्यर जौ मौत से जिदे जी उठन और आनबारी जग के युग मैं जीन के काबिल हैं फिर उनमैं बिहा ना होगो। (aion g165) 36 बे स्वर्गदूतन के हानी होंगे और मर नाय सकथै। बे परमेस्वर के बालका है, काहैकि बे मौत से जी उठे रहै। 37 और मूसा साफ तरीका से साबित करथै कि मेरे भेन के जी उठन ताहीं उठाओ जाथै। जलत भइ झाड़ी के बारे मैं रहामैं बौ प्रभु कै ‘अब्राहम को परमेस्वर, इसहाक को परमेस्वर, और याकूब को परमेस्वर कहथै।’ 38 बौ जिंदो परमेस्वर है, मेरे भै को नाय, काहैकि बाके ताहीं सब जिदे हैं।” 39 तौ जौ सुनकै कुछ यहूदि नियम के सिक्छक कही, “गुरुजी, तैं अच्छो जबाब दौ!” 40 और उनके बासे फिर कुछ और पूछन कि हिम्मत न भइ। 41 ईसु उनसे पूछी, “जौ कैसे कहो जाए सकथै कि मसीह दाऊद को बंसज होगो? 42 काहैकि दाऊद खुद भजन संहिता कि किताब मैं कहथै, ‘प्रभु मेरे प्रभु से कही: मेरे झोने दाँए घाँई बैठ 43 जब तक मैं तेरे बैरियन कै तेरे पाँव के तेरे कि चौकी न कर देयौ।’ 44 दाऊद तौ बाकै ‘प्रभु’ कहथै; तौ फिर, मसीहा दाऊद को बंसज कैसे हुई सकथै?” 45 जैसो कि सब जनी ईसु की बात सुनत रहै, तभई बौ अपने चेलन से कही, 46 “यहूदि नियम के सिक्छकन से सावधान रहबौ, जिनकै लम्बे-लम्बे चोंगा पहने भै फिरनो अच्छो लगथै, और जिनकै बजार मैं सम्मान के संग नमस्ते, और सभाघरन मैं अच्छी जघा और हटकना मैं अच्छी से अच्छी जघा प्रिय लगथै; 47 जो बिधवन को फायदा उठाथै और उनके घरन के लूटथै, फिर दिखान के ताहीं बड़ा देर ले प्रार्थना करथै! उनको न्याय भौत खराब होगो!”

21 फिर ईसु नजर उठाएकै देखी और सेठन कै अपनो-अपनो दान मंदिर के दान पेटी मैं डारत भइ देखी, 2 और बौ एक गजब गरीब बिधवा के भी दुई तॉबे के छोटे सिक्का कै डारत भै देखी। 3 तौ बौ कही, “मैं तुमकै सच बतायौ कि जौ गरीब बिधवा सबन से अगरो डारी है। 4 काहैकि बे दूसरे सब अपनी-अपनी सम्पत्ति मैं से दान मैं कुछ डारी हैं, लेकिन बौ गरीब है, और बौ सब कुछ दै दई जोसे बाकै रहने रहै।” 5 एकाद चेला मंदिर के बारे मैं बात करत रहै, कि बौ सुगड पथरन और परमेस्वर कै चढाय गै दान

से कितनो सुगड लग रौ है। लेकिन ईसु उनकै कही, 6 “जौ सब जो तुम देखै हो, बौ समय आगो जब हियौं एकौ पथरा अपनी जघा मैं ना छोडो जागो; हर एक कै नीचे फेंक दौ जागो।” 7 बे पूछी, “गुरुजी, जौ कब होगो? जे बातें जब होन बारी होंगी, और जब जे बातें पूरी होमंगी तौ बौ समय को का चिन्ह होगो?” 8 ईसु कही, “पहरा मैं रहबौ; धोका मत खाबौ। भौत से मेरे नाओं से आयकै कहंगे, ‘कि मैं बहे हौ!’ और जहो भी, ‘कि समय झोने आए चुको है!’ लेकिन तुम उनके पच्छू मत जईयो। 9 जब तुम लडाई और क्रांति के बारे मैं सुनथौ तौ डराबौ मत; ऐसी चीजें होनो जरूरी है, लेकिन उनको मतलब जौ ना है कि अंत झोने है।” 10 तौ बौ कही, “देस आपस मैं लडंगे; राज्य एक दूसरे के ऊपर हमला करंगे। 11 हर जघा भयानक भूकंप, आकाल और आफत आमंगी; आसमान से बड़े-बड़े चिन्ह दिखाई देंगे। 12 जे सब बातन से पहले बे मेरे नाओं के बजह से तुमकै पकडंगे, और सतांगे, तुम सभाघरन मैं परखे जान के ताहीं सौंपे जागो; तुमकै कैदखाना मैं डार देंगे; और तुमकै मेरी बजह से राजाओं और सासकन के सामने लाओ जागो। 13 पर जौ तुमरे ताहीं सुसमाचार की गभाई देन को मौका होगो। 14 पहलैसे अपने मन मैं चिंता मत करियो कि तुम कैसे करकै अपनी रक्छा करेगे, 15 काहैकि मैं तुमकै ऐसो बोल और बुद्धि दूंगो, कि तुमरो कोई भी दुस्मन तुमरे कहे को खंडन या बिरोध नाय कर पागो। 16 तुमरे अईय्या-दऊवा, भईय्या, हितुआ और तुमरे दोस्तन के जरिया तुमकै सौंप दौ जागो; और तुममें से कितने कै मौत के घाट उतार दौ जागो। 17 मेरे नाओं की बजह से तुमकै भौत नफरत मिलेगी। 18 लेकिन तुमरी मुडिया से एक बार भी बाँका ना होगो। 19 धीरज धरौ, और तुम अपने आपकै बचाए लेगे। 20 जब तुम यरूसलेम कै सेना से धिरो भौ देखौ, तौ तुम जान लियो कि बौ जल्दिये उजड़ जागो। 21 फिरौकी जो लोग यहूदिया मैं हैं उनके पहाडियन के घाँई भाजनो चाहिए; जो लोग सहर मैं हैं उनके छोडने होगो, और जो लोग देस से बाहर हैं उनके सहर मैं ना जानो चाहिए। 22 काहैकि बे ‘न्याय के दिन’ होंगे, जो पवित्र साज्र मैं कही गई बातन के सच करन के ताहीं होंगे। 23 बे बईय्यरन के ताहीं जो पेट से होंगी और छोटे बालकन कि अईय्या होंगी उनके ताहीं कितनो भयानक होगो! जौ धरती मैं भयानक आफत आगी, और परमेस्वर कि सजा जे लोगन के ऊपर पड़ेगी। 24 कुछन कै तलवार से मार दौ जागो, और दुसरेन कै सबे देसन मैं कैदियन के हानी लैजाओ जागो; और जब तक गैर यहूदि को समय पूरा ना होगो तौले बे यरूसलेम के ऊपर रहंगे। 25 सूरज, चंद्रमा और तारेन मैं चिन्ह दिखाई देंगे। धरती और पूरे देस निरासा मैं होंगे, समुंदर कि गरजन और ऊँची लहरन से डरांगे। 26 लोग डर के मोरे बेहोस हुई जांगे काहैकि बे असियाथर हैं कि पूरी दुनिया मैं का ही रौ है, काहैकि आसमान मैं रहन बारी सामथीं काम की सक्ति हिलाई जांगी। 27 तौ बे इंसान के लौडा कै सामथर्य और महिमा के संग बादर मैं आत भइ देखंगे। 28 जब जे चीज होन लगै, तौ ठाड़कै अपनी मुडिया कै ऊपर उठईयो, काहैकि तुमरो उद्धार और छुटकारा झोने होगो।” 29 तौ ईसु उनकै जो कहानी बताई: “अंजीर के पेंड और दूसरे सबे पेंडन के बारे मैं सोची। 30 जब तुम देखथौ कि उनके पत्ता दिखाई देन लगे हैं, तौ तुम जान जाथौ कि गर्मी झोने आए

चुकी है। 31 बैसिये, जब तुम जे चीजन के होत भइ देखेगे, तौ तुम जान जागे कि परमेस्वर को राज्य आनबारो है।” 32 “मैं तुमसे सच्ची मैं कहथौं कि जे सब चीजें लोगन के सामने होंगी, जहाँ अभै सब जिते हैं। 33 स्वर्ग और पृथ्वी टल जागी, लेकिन मेरी बात कहु ना टलैगी।” 34 “तुम चहाचीते रहबौ! अपने आपकै भौत जाधा दावत और पीन के सामान संग और जौ दुनिया की बात कै मन मैं चिंता के संग कब्जा मत करन दियौ, या बौ दिन अनकाचीति तुमकै पकड़ लेबै। 35 काहैकि जौ जार के तराहनी धरती मैं हर जघा सबै लोगन के ऊपर आए पड़ैगो। 36 चहाचीति रहाबौ और हमेसा प्रार्थना करत रहबौ कि तुम जे सब आनबारी घटनन से सई सलामत निकरन, और इसान के लौड़ा के सामने टाडन की सक्ति मिलै।” 37 ईसु बे दिनन मंदिर मैं उपदेस देत भइ बिताई, और जब संजा होती, तौ बौ बाहर निकर जातो और रात जैतून नाओं के पहाड़ मैं बितातो। 38 रोजाना सुबेरे सब जनी मंदिर मैं बाकी बात सुनन के जाए करत रहै।

22 बौ समय अखमीरी रोटी को त्योहार जो फसह कहो जाथै, झोने रहै। 2 बड़ो पुजारी और यहूदि नियम के सिक्छक कोई बीच से ईसु के चुपके से मौत के घाट उतारन कि कोसिस करत रहै, पर बे लोगन से डरात रहै। 3 तौ सैतान यहूदा के अंदर घुस गौ, जोकै इस्करियोती कहो जात रहै, और बौ बारह चेलन मैं से एक रहै। 4 तौ यहूदा जाएके बड़े पुजारी और मंदिर के पहरेदारन से कही, कि बौ ईसु के उनके हाथ कैसे पकड़वाए सकथै। 5 बे खुस हुईगी और बाकै पैसा देन को वादा करी। 6 यहूदा जाके ताहीं राजी ही गौ और ईसु के जानन बारे लोगन के बिना पता चलाय उनकै सौंपन को एक अच्छो मौका ढूँढन लगो। 7 बौ दिन अखमीरी रोटी के त्योहार के समय आओ जब फसह के खानु के ताहीं भेड़ के बच्चा के बलिदान हुई जाने रहै। 8 ईसु पतरस और यहून्ना के जौ कहकै भेजी, “कि जाबौ और फसह को खानु हमरे खान के ताहीं तैयार करौ।” 9 बे बासे पूँछी, “तैं कहाँ चाहथै, कि हम जाकै तैयार करैं?” 10 ईसु जबाब दई, “जब तुम सहर मैं जागे, तौ एक आदमी तुमकै पानी को एक घल्ला ले मिल जागो। जो घर मैं बौ जाबै तुम बाके पच्छू चले जईयो, 11 और बौ घर के मालिक से कहियो, ‘गुरु तोसे कहथै, कि बौ कमरा कहाँ है जहाँ मैं और मेरे चेला फसह को खानु खांगे?’ 12 बौ तुमकै एक बड़ी सजी-सजाई कुठरिया दिखगो, जहाँ तुमकै सब कुछ तैयार मिलेगो।” 13 बे चले गै, और बे सब कुछ बैसिये पाई जैसी ईसु उनसे कही रहै, और बे फसह को खानु तैयार करी। 14 जब समय आओ, तौ ईसु प्रेरितन के संग खानु खान के मेज मैं अपनी जघा बैठो। 15 ईसु उनसे कही, “मैं चहात रहौं, कि मैं दुख भोगन से पहले जौ फसह को खानु तुमरे संग खाँमौ। 16 काहैकि मैं तुमकै बताथौं, मैं जाकै तौले ना खाँगो, जब तक कि परमेस्वर के राज्य मैं जाको पूरो मतलब ना दौ जागो।” 17 तौ ईसु एक प्यालो लई, और परमेस्वर को धन्यवाद दई, और कही, “जाकै लियौ और आपस मैं बाँट लेबौ। 18 मैं तुमसे कहथौं, कि जब तक परमेस्वर को राज्य ना आगो तब तक मैं जौ दाखरस के ना पीगो।” 19 फिर ईसु रोटी को एक टुकड़ा लई, और परमेस्वर के धन्यवाद दई, बाकै तोड़ी, और जौ कहत भइ उनकै दै दई, “जौ मेरी सरिर है, जो तुमरे

ताहीं दई गई है। जौ मोकै याद करन के ताहीं करे करियो।” 20 बैसिये, बौ उनकै खानु खान के बाद प्यालो जौ कहकै दई, “जौ प्यालो परमेस्वर कि नई वाचा है जोके ऊपर मेरे बौ खून से मुहर लगाई गई है, जो तुमरे ताहीं बहाओ जाथै।” 21 “लेकिन देखौ! जो मोकै धोका देगो बौ हियाँ मेरे संग मेज मैं बैठो है! 22 इसान को लौड़ा मर जागो जैसो कि परमेस्वर ठानी है, लेकिन बौ आदमी के ताहीं कितनो भयानक होगो जो बाके संग विस्वासघात करथै।” 23 फिर बे आपस मैं पूँछन लगे कि उनमें से कौन ऐसो हुई सकथै जो ऐसो करन बारो है। 24 चेलन मैं एक बहस छिड़ गई कि उनमें से कौन सबसे बड़ो और महान मानो जानो चाहिए। 25 ईसु उनसे कही, “गैर यहूदि के राजा को अपने लोगन के ऊपर अधिकार है, और सासक ‘लोगन के दोस्त’ उपाधि को दाबा करथै।” 26 लेकिन जौ तुमरे संग ऐसो ना है; बल्कि, तुमरे बीच को सबसे बड़ो आदमी सबसे छोटो होनो चाहिए, और नेता के सेवा करन बारे सेवक के हानी होनो चाहिए। 27 कौन बड़ो है, जो खान के ताहीं बैठो है या जो सेवा करथै? जरूर बौ जो नीचे बैठथै। लेकिन मैं तुमरे बीच मैं हौं जो सेवा करथै। 28 “तुम मेरी सबै परिकछन मैं मेरे संग रहे; 29 और जैसे मेरो दऊवा मोकै राज्य करन को अधिकार दई है, बैसिये महुँ तुमकै बहे अधिकार दुंगो। 30 तुम मेरे राज्य मैं मेरी मेज मैं खांगे पींगे, और तुम झप्पाएल के बारह गोत्रन के ऊपर राज करन के ताहीं सिंहासन मैं बैठेगो।” 31 “सिमौन, सिमौन! बात सुन! सैतान तुम सबन कि परिकछा लेन की, अच्छाई के बुराई से अलग करन के ताहीं इजाजत ले लई है, जैसे एक किसान गेहूँ के भूसा से अलग करथै। 32 लेकिन हे सिमौन, मैं तेरे ताहीं प्रार्थना करो हौं, कि तेरो बिस्वास कम ना होबै। और जब तैं मेरे पास लौटेगो, तौ तौके अपने भईयन के मजबूत करन होगो।” 33 पतरस जबाब दई, “प्रभु, मैं तेरे संग कैदखाना जान और तेरे संग मरन के ताहीं तैयार हौं!” 34 ईसु कही, “मैं तोसे कहथौं, पतरस, जब तक तैं तीन बार ना कहगो कि तैं मोकै ना जानथै, तौले मुर्गा आज रात ना बाँसेगो।” 35 फिर ईसु अपने चेलन से पूँछी, “जब मैं तुमकै बटुआ, झोला, और जूतन के बिना भेजो रहौं, तौ का तुमकै कलु चीज कि कमी भइ रहै।” 36 ईसु उनसे कही, “लेकिन अब, जोके पास कोई बटुआ या झोला होबै बौ लेबै; और जोके पास तलवार ना है, बाकै अपनो कोट बेचकै एक खरीदने होगो। 37 काहैकि मैं तुमसे कहथौं कि जो व्यवस्था की किताब मैं लिखो है, ‘बौ अपराधिन के संग गिनो गौ, मेरे बारे मैं सच होनो चाहिए, काहैकि मेरे बारे मैं जो लिखो गौ रहै बौ सच हुई रौ है।’ 38 चेला कही, “प्रभु देखा! हियाँ दुई तलवार हैं।” बौ जबाब दई, “जे काफी है!” 39 ईसु सहर छोड़ दई और जैतून के पहाड़ मैं चले गौ, जैसो कि बौ आमतौर मैं करत रहै, और चेला बाके संग गै। 40 जब बे बौ जघा मैं पौहोंचे, तौ ईसु उनसे कही, “प्रार्थना करौ कि तुम परिकछा मैं ना पड़ौ।” 41 फिर ईसु एक पथरा फेंकन भरे कि दूरी मैं चले गौ और घूँट टेक के प्रार्थना करन लगो। 42 ईसु कही, “दऊवा, अगर तैं चाहबै तौ जौ दुख के प्यालो के मोसे दूर ले जा। फिर भी मेरी इच्छा ना, लेकिन तेरी इच्छा पूरी होबै।” 43 तौ स्वर्ग को एक दूत बाकै दिखाई दई और बाकै ताकत दई। 44 बौ बड़ा दर्द मैं और भी जोस के संग प्रार्थना करी; बाको पसीना

जमीन में मानौ खून कि बूंद के हानी गिरत रहे। 45 अपनी प्रार्थना से उठके, बौ चेलन के झोने बापस गौ और उन्हें उनके दुख से थके थे पाई। 46 ईसु उनसे कही, “तुम सोए काहेरै हो? उठौ और प्रार्थना करौ कि तुम परिक्रमा में ना पड़ौ।” 47 ईसु अबै बोलतै रहे की जबले यहूदा के पच्छ-पच्छ एक भीड़ आई, जो बारह चेलन में से एक रहे। बौ ईसु के चूमन के ताहीं ईसु के झोने आओ। 48 लेकिन ईसु कही, “यहूदा, का तैं चूमके इंसान के लौडा के पकड़वाए रौ है?” 49 जब ईसु के संग गै थे चेला जौ सब देखी कि का होन बारो है, तौ बे ईसु से पूँछी, “प्रभु, का हम अपनी तलवारन को इस्तमाल करै?” 50 और उनमें से एक बड़े पुजारी के सेवक के ऊपर तलवार चलाय दई और बाको दहने कान के काट दई। 51 लेकिन ईसु कही, “अब बस ही गौ!” बौ आदमी के कान के छुड़ और बाकै अच्छो करी। 52 तौ ईसु बड़ो पुजारी और मंदिर के अधिकारिन और बे बड़े-बूढ़ेन से कही जो बाकै लेन आए रहैं, “का तुम मोकै डॉक् समझकै तलवार और लठिया लैकै निकरे हो? 53 मैं हर रोज मंदिर में तुमरे संग रहौ, और तुम मोकै गिरफ्तार करन कि कोसिस ना करे। लेकिन जौ तुमरे काम करन को समय है, जब अधियारे कि सक्ति अधिकार रखथै।” 54 बे ईसु के गिरफ्तार करी और बाकै बड़े पुजारी के घर में लैगै; और पतरस थोड़ी दूर हुईकै पीछा करी। 55 और जब बे ऑंगन के बीच में आगी सुलगाए के बैठे, तौ पतरस बे लोगन बीच में बैठगौ, जो गोल घेरा बनाएके बैठे रहैं। 56 जब एक सेविका बाकै हुँआ आगी के किनारे बैठो देखी, तौ बौ सीधे बाके घाँई देखकै कही, “जौ आदमी भी ईसु के संग रहे!” 57 लेकिन पतरस जौ कहकै इंकार कर दई, “बईट्यर, मैं बाकै ना जानथौ!”

58 थोड़ी देर बाद एक आदमी और पतरस के देखकै कही, “तहँ तौ उन्हई मैं से एक है!” लेकिन पतरस जबाब दई, “हे इंसान, मैं ना हौ!” 59 और लमसम एक घंटा बाद एक दुसरो आदमी जोर दैकै कही, “जामैं कोई सच ना है कि जौ आदमी ईसु के संग रहे, काहैकि जहो एक गलीली है!” 60 लेकिन पतरस जबाब दई, “हे इंसान, मोकै पता ना है कि तुम कौनके बारे में बात कर रै हो!” जब बौ कहतै रहे कि तुरंत मुर्गा बास दई। 61 प्रभु ईसु घूमके सीधे पतरस घाँई देखी, और पतरस के याद आओ कि प्रभु बासे कही रहे, “आज रात मुर्गा बासन से पहले, तैं तीन बार कहगो कि तैं मोकै ना जानथै।” 62 पतरस बाहर चले गौ और फूट-फूट के रोन लागो। 63 जो लोग ईसु कि रखबारी करत रहे, बे बाकी मजाक बनाई और बाकै मारी। 64 बे बाकी आँखिन में पट्टी बाँदके और बासे पूँछी, “अब भविष्यवाँदी करके बता तोकै कौन मारो।” 65 और बे बड़ा बुराई करन बारी बात कही। 66 जब दिन भौ, तौ बड़े-बूढ़े, और बड़ो पुजारी और यहूदि नियम के सिक्छक इखट्टे भै, और ईसु के पंचायत घर में लाई। 67 बे कही, “हमैं बता, का तैं मसीह है?” ईसु जबाब दई, “अगर मैं तुमसे कहँगो, तौ तुम मेरे ऊपर बिस्वास ना करैगो; 68 और अगर मैं तुमसे एक सवाल पूँछगो, तौ तुम जबाब ना देगो। 69 लेकिन अब से इंसान के लौडा के सर्वसत्किमान सामर्थ्य को परमेस्वर के अधिकार में बैठाए दौ जागो।” 70 बे सब जनी कही, “फिर का तैं, परमेस्वर को लौडा है?” ईसु उनके जबाब दई, “तुम

23 पूरो समूह उठकै ईसु के पिलातस के सामने लैगै, 2 जहाँ बे बाके ऊपर दोस लगानो सुरू करी: “हम जौ आदमी के हमरे देस के लोगन के गुमराह करत भइ पकड़े, और सम्राट कैसर के लगान देन से मना करत, अपने आपकै मसीहा, राजा कहत भइ सुने हैं।” 3 पिलातस ईसु से पूँछी, “का तैं यहूदियन को राजा है?” ईसु जबाब दई, “तैं खुदै कहरो है।” 4 तौ पिलातस बड़े पुजारी और भीड़ से कही, “मोकै जौ आदमी मैं कोई दोस ना मिलो।” 5 लेकिन बे और जोर दैकै कही, “जौ गलील से लैकै हियाँ तक पूरे यहूदिया में उपदेस दै दैकै लोगन के भडकाथै।” 6 जब पिलातस जौ सुनी, तौ उनसे पूँछी, “का जौ आदमी गलीली है?” 7 जब बाकै पता चलो कि ईसु हेरोद के इलाका को है, तौ बौ बाकै हेरोद के अधिकार के झोने पनार दई, काहैकि बे दिनन बौ भी यरूसेलेम में रहे। 8 ईसु के देखकै हेरोद बड़ा खुस भौ, काहैकि बौ बाके बारे में सुनी रहे, और भौत दिनन से बाकै देखनो चाहत रहे। बौ ईसु के कुछ चिन्ह करत भइ देखन कि उमीद करत रहे। 9 इसलै हेरोद ईसु से गजब सबाल पूँछी, लेकिन ईसु कोई जबाब ना दई। 10 और बड़ो पुजारी और यहूदि नियम के सिक्छक अगु कदम बढ़ाई और ईसु के खिलाप मजबूत आरोप लगाई। 11 तौ हेरोद और बाकै सैनिक ईसु को मजाक बनाई और बाको अपमान करी; और बे ईसु के एक अच्छो लन्ता पहनाए के बाकै बापस पिलातस के झोने पनार दई। 12 बहे रोज से हेरोद और पिलातस दोस्त बन गै; जासे पहले बे दुस्मन रहैं। 13 पिलातस बड़े पुजारी, अधिकारी और लोगन के एक संग बुलाई, 14 और बौ कही, “तुम जौ आदमी के मेरे झोने लैकै आए और कहे कि जौ लोगन के भरमाए रौ है। अब, मैं तैरे सामने बाकी परिक्रमा करौ हौ, और जो अपराध तैं बाके ऊपर करो है, बे बातन के बारे में मैं बाँमे कोई दोस नाय पाओ हौ। 15 और न तौ हेरोद जाके दोसी पाई, काहैकि बौ जाके हमरे झोने बापस पनार दई है। जौ आदमी मौत के लायक कुछ न करी है। 16 इसलै मैं जाके कोडा मरवाएके जान दुंगो।” 17 पिलातस त्योहार के समय उनके ताहीं एक बंधी के छोड़न ताहीं बेबस रहै। 18 तौ पूरी भीड़ चिल्लाए उठी, “जाकै मार डारौ! और हमरे ताहीं बरअब्बा के अजाद कर दे।” 19 सहर में होन बारे दंगा के ताहीं और खून करन में बरअब्बा के कैदखाना में डार दौ गौ रहे। 20 पर पिलातस ईसु के छोड़नो चाहत रहे, इसलै बौ भीड़ के फिर से समझाई। 21 लेकिन बे चिल्लाई, “बाकै क्रूस में चढ़ाबौ! बाकै क्रूस में चढ़ाओ!” 22 पिलातस तिसरी बार उनसे कही, “लेकिन बौ का गुनाह करी है? मोकै ऐसो कुछ नाय मिलो जोसे बौ मौत के लायक होबै! इसलै मैं बाकै कोडा मरवाएके छोड़ देथौ।” 23 लेकिन बे अपनी अबाज में जोड़न से चिल्लात रहे कि ईसु के क्रूस में चढ़ाओ जानो चाहिए, और आखिरकार उनको चिल्लानो कामयाब हुई गौ। 24 जौ बजह से पिलातस ईसु के सजा को फैसला दई जो बे अधिकार से मांगत रहै। 25 पिलातस बौ आदमी के छोड़ दई, जो दंगा और हत्या के आरोप में कैदखाना में डार दौ गौ रहे, और ईसु के उनकी इच्छा के

हिसाब से सौंप दई। 26 सिपईय्या जब ईसु के क्रूस के संग लैके जात रहै, तौ बे सिमौन नाओं को एक कुरेनी कै जो सहर में आत रहै, बे बाकै पकड़ लई, और बाकै ईसु के पच्छ-पच्छ लै चले गै। 27 लोगन कि एक बड़ी भीड़ ईसु के पच्छ ही लई; उनमें से कुछ बईय्यरै तौ छाती पीट-पीटके रोट रहैं। 28 ईसु उनके घाँई मुड़के कही, “यस्सलेम कि बईय्यरै! मेरे ताहीं मत रोबो, बल्किन अपने और अपने बालकन के ताहीं रोबो। 29 काहैकि बे दिन आए रै है जब लोग कहंगे, ‘कितनी खुसनसीब हैं बे बईय्यरै जिनके कहू बालका ना भै, जो कहू बालका पैदा ना करी, जो कहू उनको पालन पोसंड ना करी!’ 30 जहे बौ समय होगो जब लोग पहाड़न से कहंगे, ‘हमरे ऊपर गिर!’ और चूटिया से, ‘हमके ढोंक लो!’ 31 काहैकि अगर ऐसे काम कठिया के हरे होन में करे जाथैं, तौ जब जौ सुख जागी तौ का होगो?” 32 बे दुई आदमिन कै भी जो अपराधी रहैं ईसु के संग मौत के घाट उतारन दौ गौ। 33 जब बे खोपड़ी नाओं कि जघा में पौहोचे, तौ बे हूँआँ ईसु कै क्रूस में चढाई, और बे दोनों अपराधिन कै भी, एक ईसु के दहने और दुसरो ईसु के बाँए घाँई। 34 तौ ईसु कही, “दऊवा! इनके माफ कर दे, काहैकि जे ना जानथैं कि जे का कर रै हैं।” बे पासा डारके बाके लता आपस में बाँट लई। 35 यहूदि अधिकारी बाके ऊपर झपटत भइ हूँआँ ठाड़े भै लोगन कै देखत रहैं: और कही, “बौ दुसरेन कै बचाई है; अगर बौ मसीहा है जौके परमेस्वर चुनी है तौ अपने आपके बचाए ले।” 36 सिपईय्या ईसु को मजाक बनाई: बे बाके झोने आए और बाकै घटिया दाखरस पीन कै दई, 37 और कही, “अगर तैं यहूदियन को राजा है तौ अपने आपके बचाए ले।” 38 ईसु के ऊपर जे सब्द लिखे गे रहैं: कि “जौ यहूदियन को राजा है।” 39 हूँआँ लटक भै अपराधिन में से एक जनी बाकी बुराई करी: “का तैं मसीहा ना है? अपने आपके और हमके बचा!” 40 लेकिन दुसरो जनी बाकै झुकात भै कही, “का तैं परमेस्वर के न्याय से ना डराथै? तहँ तौ बहे सजा पाए रै है। 41 हमरो, खाली ठीक है, काहैकि हमैं बहे मिल रौ है जौके हम सई रूप में हकदार हैं, जो हम करे; लेकिन बौ कोई गलत काम ना करी।” 42 और बौ ईसु से कही, “ईसु, जब तैं अपने राज्य में राजा के रूप में आबै, तौ मोकै याद करीये।” 43 ईसु बासे कही, “मैं तोसे सच्चि मैं कहथौ कि आज तैं मेरे संग स्वर्गलोक में होगो।” 44 और लमसम दिन के बारह बजे रहैं जब सूरज चमकनो बंद होन लग्यो और दुपारी के तीन बजे ले पूरे देस में बुराई में अधियारो छाए गौ; 45 और मंदिर में लटको भौ परदा बीच से फटके दुई टुकड़ा हुई गौ। 46 ईसु ऊँची अबाज में पुकारी, “दऊवा! मैं अपनी आत्मा तेरे हातन में सौंपथौ।” बौ ऐसे कही और मरकुस गौ। 47 सेना को अधिकारी जौ सब देखके जो सब भौ रहै, बौ परमेस्वर कि बडाँई करत भइ कही, “ठीक मैं जौ एक धर्मी आदमी रहै!” 48 जब तमासा देखन बारे जो हूँआँ चुराने रहैं बे लोग देखी कि का भौ है, तौ बे सब दुख में अपनी छाती पीटत भइ घेरै बापस लौट गै। 49 बे सब ईसु के जान पहचान के, और जो बईय्यरै गलील से बाके संग आई रहैं, दूर ठाड़के जौ सब देखत रहैं। 50 और हूँआँ, यहूदिया के सहर अरिमतिyah से यूसुफ नाओं को एक आदमी रहै। बौ एक अच्छो और धर्मी आदमी रहै, जो सिरफ परमेस्वर के राज्य के आन को

इतजार करत रहै। 51 हालाकि बौ महासभा और अरिमतिyah सहर को एक यहूदि सदस्य और परमेस्वर के राज्य की बाट जोहनबारी रहै, लेकिन बौ उनके न्याय और कारवाई से सहमत ना रहै। 52 बौ पिलातस के झोने जाएके ईसु कि सरिर कै माँगी। 53 फिर बौ ईसु कि सरिर कै नीचे उतारके एक चद्र में लपेट दई, और एक कबर में रखी जो ठोस चट्टान में खुदी गई रहै और जोको कहू इस्तमाल ना करो गौ रहै। 54 जौ सुक्कर को दिन रहै, और साबत को दिन सुरू होन बारी रहै। 55 और बे बईय्यरै जो बाके संग गलील से आई रहैं, बे यूसुफ के संग जाएके कबर कै देखी और जहो कि ईसु के सरिर कै कैसे करके रखो गौ है। 56 आग्या लैके फिर बे साबत के दिन बापस घेरै गै और ईसु कि सरिर के ताहीं महाकनबारी चीज मसाल और इतर तैयार करी। और साबत के रोज तौ बे कानून के हिसाब से आराम करी।

24 सप्ताह के पहलो दिन के सुबेरे बड़ा जल्दी बे इतर और महाकनबारी चीज और मसाले जो बे बईय्यरै तैयार करी रहैं लैके कबर में गई। 2 बे देखी कि पथरा कबर से लुढ़को भौ है, 3 इसलै बे अंदर गै; लेकिन उनके प्रभु ईसु को सरिर नाय मिलो। 4 बे जौ बात सोचके हैरान रहैं, कि अनकाचीति चमकीले चमकदार लतन में दुई आदमी उनके झोने आयके ठाड़गै। 5 और जो उनके ऊपर जो बीतो बे डर के मारे बईय्यरै जमीन में गिर पड़ी, बे आदमी उनसे कही, “तुम जिंदे के मेरे भैन में काहेंके ढूँड रै हो? 6 बौ हियौ ना है; बौ जी उठो है। याद करो कि गलील में रहत भइ बौ तुमसे का कही रहै: 7 ‘इसान को लौड़ा पापिन के हात पकड़बाओ जागो, क्रूस में चढाओ जागो, और तीसरे दिन जिंदो हुई जागो।’” 8 तौ बईय्यरन के ईसु कि बात याद आई, 9 और कबर से लौटके, जे सब बातन कै ग्यारह चेला और बाकी लोगन कै बताई। 10 बईय्यरन में मरियम मगदलीनी, योअन्ना और याकूब कि अईय्या मरियम रहे; बे और उनके संग कि दुसरी बईय्यरै प्रेरितन कै जे सब बात बताई। 11 लेकिन प्रेरितैं सोची कि बईय्यरै जो बात कह रइ हैं बौ सब बकवास है, और बे उनके ऊपर बिस्वास ना करी। 12 लेकिन पतरस उठके कबर के घाँई भाजत गौ; और तरे झुकके खाली लता पड़े भै देखी और कुछ ना देखी। फिर बौ जो भौ रहै, बाके ऊपर ताजुब भइ घेरै बापस चले गौ। 13 बहे रोज ईसु के ऊपर बिस्वास करन बारे दुई जनी इम्माऊस नाओं के एक गाँव में जात रहैं, जो यस्सलेम से लमसम ग्यारह किलो मीटर दूर रहै, 14 और जो कुछ भौ रहै, बौ सबके बारे में आपस में बात करत रहैं। 15 जैसो कि बे बातचीत और पूँछ-तांछ करत रहैं, तौ ईसु खुद उनके झोने आयके और उनके संग चल दई; 16 बे बाके देखी, लेकिन कैसियो बाकै पहचान ना पाई। 17 ईसु उनसे कही, “तुम नेगत-नेगत आपस में का बतकाए रै हो?” बे उदास चेहरा लैके ठाड़े रहगै। 18 उनमें से एक, जोको नाओं क्लियुपास रहै, बौ पूँछी, “का तैं यस्सलेम में इक्लौतो परदेसी है जो बे चीजन कै ना जानथै जो पिछले कुछ दिनन से हूँआँ हुई रौ है?” 19 ईसु उनसे पूँछी, “कौन सी बातें?” जे जबाब दई, “ईसु नासरत के संग भइ बातैं, जौ आदमी एक भविष्यवक्ता रहै और परमेस्वर और सबे लोगन के जरिये उनके जरिये कहे गै और करे गै

हर काम मैं सक्तिसाली होन के ताहीं मानो जात रहै। 20 हमरे बड़े फिरान और पापन की माफ़ी को प्रचार बहे के नाओं से सुनाओ पुजारी कानून और न्याय के अधिकारी बाँके मौत कि सजा के ताहीं जाबै। 48 तुम जे सब बातन के गभा हौ। 49 और जो कुछ मेरो सौंप दई, और बाँके क्रूस मैं चढ़ाय दौ गौ। 21 और हमकै उमीद रहै दऊवा वादा करी है मैं हूँ नै तुमकै पनांगो। लेकिन जबले ऊपर से कि बौ बहे होगो जो इस्राएल के छुडाय के आजाद करन बारो है! इन सामर्थ्य तुमरे ऊपर ना उतरे तौले तुम नगर मैं असियाबौ।” 50 तौ बौ सबके अलावा, जो घटना के भै जौ तीसरो दिन है। 22 हमरे समूह उनके बैतनिय्याह सहर से बाहर लैगौ, और बौ अपने हात उठाएँ कि कुछ बईय्यैरें तौ हमकै अचम्मो मैं डार दई; बे भोर के कबर मैं उनके आसीस दियो। 51 और उनके आसीस देत भइ बौ उनसे अलग गई, 23 लेकिन ईसु कि सर्रीर ना मिली। बे जौ कहत भइ बापस आई हुई गौ और स्वर्ग मैं लैजाओ गौ। 52 बे बाकी आराधना करी और कि हम स्वर्गदूतन को दर्शन देखीं जो हमकै बताई कि बौ जिंदो है। बड़े खुसी से भरकै यरूसलेम के लौट गै। 53 और अपनो पूरो समय 24 हमरे संग के कुछ लोग कबर मैं गै और जैसो बईय्यैरें कही रहै, मंदिर मैं परमेस्वर के धन्यवाद देन और आसीस माँगन मैं बिताई। बैसो पाई लेकिन बे ईसु के ना देखी।” 25 तौ ईसु उनसे कही, “तुम कितने मूर्ख हौ, भविष्यवक्ता कि हर बात के ऊपर मन मैं बिस्वास करन मैं कितने धीमे हौ! 26 का मसीहा के ताहीं जौ जरूरी नाय रहै कि बौ जे दुखन के उठाबै और अपनी महिमा मैं आबै?” 27 और ईसु मूसा कि किताब से लैके सब भविष्यवक्ता जो बाके बारे मैं साझ मैं लिखी रहै उनके समझाई। 28 तौ बे बौ गाँव के झोने आए जितै बे जात रहै, ईसु ऐसो व्यवहार करी कि मानौ बौ अगु जात रहै; 29 लेकिन बे कै जौ कहकै रोक लई कि “हमरे संग रहा; दिन लमसम खतम हुई गौ है और अधियारो हुई रो है।” इसलै बौ उनके संग रहन के चले गौ। 30 बौ उनके संग खानु खान के बैठगौ, रोटी लई, और आसीस माँग के धन्यवाद करी; तौ बौ रोटी तोड़के उनके दई। 31 तौ उनकी आँखी खुली और बे बाँके पहचान लई, लेकिन बौ उनकी नजर से गायब हुई गौ। 32 बे आपस मैं कही, “का जौ बौ आगी के हानी नाय जो हमरे मन मैं पजरत रहै, जब बौ रस्ता मैं हमसे बतकात रहै, और साझ को मतलब समझात रहै?” 33 बे तुरतै उठके यरूसलेम के लौट गै, और जितै पाई की बे ग्यारह चेला औरन के संग जुराए गे है 34 और कही, “प्रभु सचमुच मैं जी उठो है! बौ सिमोन के दिखाई दई!” 35 फिर दोनों उनके समझाई कि सड़क मैं का भौ रहै, और जब बे रोटी तोड़ी तौ बे प्रभु के कैसे पहचानी। 36 जब बे दोनों उनसे जौ कहतै रहै, अनकाचीति प्रभु खुद उनके बीच मैं ठाड़गौ और उनसे कही, “तुमकै सांति मिलै।” 37 पर जौ सोचके कि हम एक भूत के देखै हैं, बे घबराय गै। 38 लेकिन ईसु उनसे कही, “तुम काहेंके घबरायैरें हो? तुमरे मन मैं जौ संका काहेंके आए रो है? 39 मेरे हातन के और मेरे पाँवन के देखौ, कि जौ मैं खुद हौ। मोकै महसूस करौ, और तुम जान जागे, काहेंकि भूत के पास मास और हड्डी ना होथे, जैसो कि तुम देख सकथौ कि मेरे पास हैं।” 40 बौ ऐसे कही और उनके अपने हात और पाँव दिखाई। 41 उनके दोस्तौ खुसी के मारे बिस्वास ना होत रहै, बे बड़ा अचम्मो से भरे भै रहै; और बौ उनसे पूँछी, “का तुमरे पास खान के ताहीं कछु है?” 42 बे बाँके पकी भइ मच्छी को एक टुकड़ा दई, 43 जेकै बौ लई और उनके अगु खाई। 44 फिर बौ उनसे कही, “जे मेरी बे बातें हैं, जौमैं तुमरे संग रहत भइ, तुमसे कहो रहौं, कि जरूरी है, कि जितनी बात मूसा के नियम और भविष्यवक्ता और भजन सहिता कि किताबन में, मेरे बारे में लिखी हैं, सब पूरी होमैं।” 45 तौ बौ साझ के समझन के ताहीं उनके दिमाक के खोली, 46 और बौ कही, “जौ लिखो है, की मसीहा दुख उठागो, और तीन दिन बाद मौत से जी उठैगो, 47 और यरूसलेम देस से सुस्वात करके सब जातिन मैं मन

यूहन्ना

1 सबसे सुरू मैं बचन रहै, और बचन परमेस्वर के संग रहै, और सब्दे परमेस्वर रहै। **2** और जहे सुरू मैं परमेस्वर के संग रहै। **3** सबै कछु बाके जरिये पैदा भौ, और जो कछुए बनो है, बाँमे से कछु चीज बाके बिना पैदा नाय भौ है। **4** बहे मैं जिंदगी रहै और बहे जिंदगी दुनिया के इंसानन ताहीं उजियारो रहै। **5** जोती अधियारो मैं चमकथै, और अधियारो बाके ना अपनाई। **6** परमेस्वर को भेजो भौ एक आदमी आओ, बाको नाओ यूहन्ना रहै। **7** बौ गभाई देन आओ कि बौ सब जनी के जोती के बारे मैं बतावै, ताकी सब इंसान बाके जरिये बिस्वास करै। **8** बौ खुद जोती नाय रहै, पर बौ जोती की गभाई देन के आओ रहै। **9** सच्ची जोती सब जनी के उजितो देखै, जौ दुनिया मैं आनबारी रहै। **10** बौ जौ दुनिया मैं रहै, और पूरी दुनिया बाके जरिये बनाई गई, और दुनिया बारे बाँके नाय पहचानी। **11** बौ अपनेन के झोने आओ, और अपने बाँके नाय अपनाई। **12** लेकिन जिते जनी अपनाई, बौ उनके परमेस्वर को बालका होन को अधिकार दई, यानी बे जो बाके नाओं मैं बिस्वास रखथै। **13** बे ना तौ खून से, और ना तौ सरिर की इच्छा से, और ना तौ इंसानन की मरजी से, पर बे तौ परमेस्वर से पैदा भै है। **14** और बौ बचन इंसान को सरिर रूप लैकै, हमरे बीच मैं डेरा धरि, और हम बाकी ऐसी महिमा देखे, जैसे परम दऊबा परमेस्वर के इकलौते बेटा की महिमा, जो दया और सच्चाई से भरो है। **15** यूहन्ना बाके बारे मैं गभाई दई, और पुकारकै कही, “जो बहे है जोके बारे मैं जिकर करो रहों, कि जो मेरे बाद आए रौ है, बहे मोसे बडो है, काहेकि बौ मोसे पहले को रहै।” **16** बाकी दया और सच्चाई के पूरी तरह से हम सब जनी पाए हैं मतलब अनुग्रह मैं अनुग्रह। **17** जहे ताहीं की नियम तौ मूसा के जरिये दौ गो है, लेकिन अनुग्रह और सच्चाई ईसु मसीह के जरिये हमरे झोने पुगी हैं। **18** जो खुद परमेस्वर है और परम दऊबा के संग है, परमेस्वर उनके दिखाई है। **19** यूहन्ना की गभाई जौ है कि, जब यहूदि यस्सलेम से पुजारी और लेवीयन के बासे जौ पूँछन के ताहीं भेजी, “कि तैं कौन है?” **20** तौ यूहन्ना मान लई, और मना नाय करी, और कही “मैं मसीह ना हौ।” **21** तौ बे बासे पूँछी, “तौ फिर तैं कौन है? का तैं एलिय्याह भविष्यवक्ता है?” यूहन्ना कही, “मैं नाय हौ।” “का तैं बौ भविष्यवक्ता है?” बौ जबाब दई, “ना।” **22** तौ बे बासे पूँछी, “फिर तैं है कौन? ताकी हम अपने भेजन बारन के जबाब देमैं। तैं अपने बारे मैं का कहथै?” **23** यूहन्ना कही, “जैसो यसायाह भविष्यवक्ता कही है, ‘मैं रेगिस्तान मैं एक बुलान बारे की अबाज हौं, कि तुम प्रभु की रहा सीधी करौ।’” **24** बे फरीसियन के घोंई से भिजबाए गै खबर लेन बारे रहैं। **25** बे यूहन्ना से जौ पूँछी, “कि अगर तैं मसीह नाय है, और ना तैं एलिय्याह है, और न तैं भविष्यवक्ता है, तौ फिर तैं बपतिस्मा काहे देखै?” **26** यूहन्ना बाँके जबाब दई, “मैं तौ पानी से बपतिस्मा देखौं, लेकिन एक आदमी तुमरे बीच मैं ठाडो है, जोकि तुम नाय जानथौ। **27** मतलब कि जो मेरे बाद आनबारो है, बाकी मैं जूता कि तनी खोलनौ के लायक ना हौं।” **28** जे बाँते यरदन नदिया के बौ पॉजर बैतनिय्याह मैं भई, जहाँ पर

यूहन्ना बपतिस्मा देत रहै। **29** दुसरे दिन यूहन्ना ईसु के अपने घोंई आत भौ देखी, और कही “देखौं, जौ परमेस्वर को मेम्ना है और जौ दुनिया के पापन के दूर करथै। **30** जौ बहे है जोके बारे मैं, मैं कहो रहों, ‘एक आदमी मेरे पच्छु आए रौ है जो महुँ से महान है, काहेकि बौ मोसे पहले रहै।’” **31** मैं तौ बाँके जानतै नाय रहों, पर मैं जहे ताहीं पानी से बपतिस्मा देत आओ हौं ताकी इस्राएल के आदमी बाँके जान लेंमैं।” **32** और यूहन्ना जौ गभाई दई, “मैं पवित्र आत्मा के कबूतर के भेस मैं आसमान से उतरत भौ देखो, और पवित्र आत्मा के बाँके ऊपर बैठत भइ देखो। **33** मैं तौ बाँके जानतै ना रहों, पर जो मोकि पानी से बपतिस्मा देन ताहीं भेजी रहै, बहे मोसे कही रहै, कि जोके ऊपर तैं पवित्र आत्मा के उतरत भइ और बाँके ऊपर ठैहरथ भइ देखै, बहे पवित्र आत्मा से बपतिस्मा देन बारो है। **34** यूहन्ना कही, मैं देखो हौं, गभाई दौ हौं कि जहे परमेस्वर को लौडा है।” **35** दुसरे दिन यूहन्ना और बाँके दुई चेला ठाडे रहैं। **36** और यूहन्ना ईसु के, झोने आत भइ देखकै कही, “देखौं, जौ परमेस्वर को मेम्ना है।” **37** तौ बे दोनों चेला यूहन्ना की जे बात सुनकै ईसु के पच्छु चल दई। **38** ईसु मुडकै उनके पच्छु आत भौ देखी और उनसे कही, “तुम कौनके ढूँडै रौ हो?” बे ईसु के जबाब दई, “गुरूजी, तैं कहाँ पर रहथै?” **39** ईसु उनसे कही, “आबौ, और देखो।” तौ बे जाएकै ईसु की रहन बारी जचा के देखी, और बौ दिन ईसु के संग रही। काहेकि लमसम संजा के चार बज चुके रहैं। **40** बे दोनों मैं से, जो यूहन्ना की बात सुनकै ईसु के पच्छु हई लई रहैं, उनमें से एक सिमौन पतरस को भईय्या अन्दियास रहै। **41** बौ पहले अपने सगे भईय्या सिमौन से मिलकै बासे कही, “हमकै मसीह मिलगौ है।” **42** बौ बाँके ईसु के झोने लाई, ईसु बाँके घोंई देखकै कही, “तैं यूहन्ना को लौडा पतरस सिमौन है, तैं कैफा मतलब पतरस कहो जागो।” **43** दुसरे दिन ईसु गलील के जान की सोची, बौ फिलिप्पुस से मिलकै कही, “मेरे हई ले।” **44** फिलिप्पुस, अन्दियास और पतरस बैतसैदा सहर के रहन बारे रहैं। **45** फिलिप्पुस, नतनएल से मिलो और बासे कही, “जो की बात मूसा और भविष्यवक्ता नियम मैं करी है, बौ यूसुफ को लौडा, नासरत को ईसु है।” **46** नतनएल बासे कही, “कछु अच्छी चीजौ नासरत से निकर सकथै का?” फिलिप्पुस बासे कही, “चलकै देखले।” **47** ईसु नतनएल के अपने घोंई आत भौ देखकै कही, “देखौं, जौ सच्ची मैं इस्राएली है, जाके भीतर कपट नाय है?” **48** नतनएल ईसु से कही, “तैं मोके कैसे जानथै?” ईसु बाँके जबाब दई, “फिलिप्पुस के बुलान से पहले, तैं अंजीर के रूखा के तरे रहै, तहिये मैं तोंकै देखो रहों।” **49** नतनएल फिर ईसु से कही, “गुरूजी, तैं परमेस्वर को लौडा है, तैं इस्राएल को राजा है।” **50** ईसु बाँके जबाब दई, “मैं तोसे कहो हौं, कि मैं तोंकै अंजीर के रूखा के तरे देखो, का तैं तभई बिस्वास करथै तैं जहो से बडे-बडे काम देखैगो।” **51** फिर बासे कही, “मैं तुमसे सच्ची-सच्ची कथथौं कि तुम आसमान के खुलो भौ, और परमेस्वर के स्वर्गादूतन के आदमी के लौडा के ऊपर उतरत और ऊपर जात भौ देखेगो।”

2 फिर दुई दिन बाद गलील के काना सहर मैं एक बिहा रहै; और ईसु कि अईय्या भी हूँआ रहै। **2** ईसु और बाँके चेला को बिहा मैं

न्युतो रहे। 3 जब बौ बिहा मै दाखरस निपट गौ, तौ ईसु की अईय्या बासे कही, “उनके झोने दाखरस निपट गौ है।” 4 ईसु बासे कही “तै मोके मत बताबै कि मोके का करने है, अप्पै मेरो समय नाय आओ है।” 5 ईसु की अईय्या सेवकन से कही, “जो कुछ बौ तुमसे कहबै, बहे करियो।” 6 हुँआँ पर यहूदियन के सुद्धिकरन के ताहीं, उनके रीत-रबईय्या के हानी, पथरा के छे घल्ला धरे रहैं, जोके भीतर लमसम सौ लीटर अपात रहैं। 7 ईसु उनसे कही, “घल्ला मै पानी भर देबौ,” तौ बे घल्लन के डबाडब भर दई। 8 ईसु उनसे कही, “अब निकाकै बिहा को पधान के झोने लै जाबौ”, और बे लैकै गै। 9 जब बिहा को बौ पानी पधान चखी जो दाखरस बन गौ रहै, और बाकै जहे मालूम नाय रहै कि जौ कहाँ से आई है (पर जो सेवक रहैं, उनके जौ मालूम रहै, कि जौ पानी है) तौ बिहा को पधान दुल्हा के बुलाएकै कही, 10 “हर आदमी पहले अच्छी दाखरस देखै, और जब लोग पकै छक जायैं, तौ थोड़ी मदी देखैं, पर तैं तौ अच्छी दाखरस अभैले धरे पड़े है।” 11 ईसु गलील देस के काना सहर मै अपनो पहलो चिन्ह दिखाए के अपनी महिमा दिखाई और बाके चेला बाके ऊपर बिस्वास करी। 12 जाके बाद, ईसु और बाकी अईय्या, बाको भईय्या, और बाके चेला कफरनहम सहर के गै और हूँना थोड़ी दिन स्के। 13 यहूदियन को फसह को त्योहार आनबरो रहै, और ईसु यरुसलेम के गौ। 14 बौ मंदिर मै बरधा, भंड और कबूतर के बेचन बारे और स्पईया अदला बदली करन बारेन के बैठे देखी। 15 तौ ईसु रस्सी को कोडा बनाये के, सब भंड और बरधन के मंदिर से निका दई, और स्पईया बदलन बारेन की सब स्पईया बखेर दई, और उनकी बैठन बारी जघा उलट दई। 16 और कबूतर बेचन बारेन से कही, “इन्कै हीना से लै जाबौ, मेरे परमेस्वर दऊवा के घर के ब्यापार को घर मत बनाबौ।” 17 तौ बाके चेलन के समक मै आई कि लिखो है, “तेरे घर की धुन मोकै राख कर देगी।” 18 जे सब देखके यहूदि नेता बासे कही, “तै जो जौ करौ है जौ करन को अधिकार तोकै है तौ हमकै कोई चिन्ह दिखा?” 19 ईसु उनके जबाब दई, “जौ मंदिर के उजाड़ देबौ, और मै जाके तीन दिन मै ठडबाए देगो।” 20 यहूदि नेता कही, “जौ मंदिर के बनान मै छियालिस साल लगे हैं, और का तैं जाके तीन दिन मै ठडबाए देबैगो?” 21 ईसु जौ मंदिर के बारे मै कहत रहै बौ अपनी सरिर के बारे मै कही रहै। 22 और जब ईसु मुरदन मै से जी उठो तौ बाके चेलन के समक मै आओ कि ईसु ऐसो कही रहै; और साधन मै और ईसु कि बात मै बिस्वास करी। 23 जब बौ यरुसलेम मै फसह के समय, त्योहार मै रहै, तौ निरे जनी बे चिन्ह जो ईसु दिखात रहै, देखके बाके नाओं मै बिस्वास करी। 24 लेकिन ईसु अपने आपके उनके भरोसे नाय छोडी, काहिकि बौ सबके जानत रहै; 25 ईसु के जौ बात की कोई जरूरत नाय रहै कि कोई आयकै बाकै इंसान के बारे मै गभाई बताबै, काहिकि इंसानन के मन मै का है, जौ बौ जानत रहै।

3 फरीसियन मै नीकुदेमस नाओं को एक आदमी रहै, जो यहूदियन को मुखिया रहै। 2 बौ रात मै ईसु के झोने आयकै बासे कही, “गुरुजी, हम जानयै कि तैं परमेस्वर की घाँई से गुरु बनकै आओ है,

कोई जे चिन्ह और चमत्कार, ना दिखाए सकयै जबले परमेस्वर बाके संग नाय होबै।” 3 ईसु बाकै जबाब दई, “मैं तोसे सच-सच कहयौ, अगर कोई नये सिरे से नाय जनयै, तौ बौ परमेस्वर के राज्य के नाय देख सकयै।” 4 नीकुदेमस बासे कही, “इंसान अगर बुढ़ा हुई जाए तौ कैसे दुबारा पैदा हुई सकयै? का बौ अपनी अईय्या की कोक मै दुसरी बार जाएकै पैदा ना हुई सकयै!” 5 ईसु जबाब दई, “मैं तोसे सचची-सचची कहयौ, जबले कोई इंसान पानी और आत्मा से नाय जनयै, तौले बौ परमेस्वर के राज्य मै नाय जाए सकयै। 6 काहिकि जो सरिर से जनमो बौ सरिर है; और जो आत्मा से जनमो, बौ आत्मा है। 7 अचम्मो मत होबै कि मैं तोसे कहो, ‘कि तोकै नये सिरे से जनम लेनो जरूरी है।’ 8 ब्यार जितै चाहयै उतै चलथै और तैं बाकी अबाज सुनयै, लेकिन नाय जानयै कि बौ कहाँ से आयै, और कहाँ जायै? और जो कोई आत्मा से पैदा भौ है, बौ ऐसिये है,” 9 नीकुदेमस बाकै जबाब दई, “जौ बात कैसे हुई सकयै?” 10 जौ सुनकै ईसु बासे कही, “इसाएलियन को गुरु हुईकै भी का जे बातन के नाय जानयै?” 11 मैं तोसे सचची-सचची कहयौ कि जो हम जानयै बौ हम कहयै, और जोकै हम देखे है बाकी गभाई देखै, और तुम हमरी गभाई मानतै नाय हो। 12 जब मैं तुमसे जौ पृथ्वी की बात करो, और तुम बिस्वास नाय करै, तौ अगर मैं तुमसे स्वर्ग की बात कहंगो, तौ फिर कैसे बिस्वास करंगे? 13 कोई आसमान मै नाय चढो है, खाली बहे जो स्वर्ग से उतरो है, मतलब आदमी के लौडा जो स्वर्ग मै है। 14 और जैसी मूसा जंगल मै सॉप के ऊँचे मै चढाई, बैसिये जरूरी है कि आदमी को लौडा ऊँचे मै चढाओ जाबै। 15 ताकी जो कोई बाके ऊपर बिस्वास करै, बौ अनंत जिंदगी पाबै। (aiōnios g166) 16 “काहिकि परमेस्वर जौ दुनिया से ऐसो प्यार करी कि बौ अपनो इकलौतो लौडा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। (aiōnios g166) 17 परमेस्वर अपने लौडा के जौ दुनिया मै जाके ताहीं नाय पनारी, कि बौ दुनिया मै न्याय करै, बल्किन जाके ताहीं पनारी कि जौ दुनिया मै बाके जरिये उद्धार पायै। 18 जो बाके ऊपर बिस्वास करयै, बाकै बाके ऊपर न्याय करन की आग्या नाय है, पर जो बाके ऊपर बिस्वास नाय करयै, बौ दोसी ठहर चुको है; जाकेमारे कि बौ परमेस्वर के इकलौते बालका के नाओं मै बिस्वास ना करी। 19 और जौ न्याय की बजह जौ है कि जोती जौ दुनिया मै आई है, और इंसान अधियारे के जोती से अगरो प्यार करी, काहिकि बाके काम बुरे रहैं। 20 काहिकि जो कोई बुराई करयै, बहे जोती से बैर रखयै, और जोती के झोने नाय जायै, ऐसो नाय होबै कि बाके काम मै इल्जाम लगाओ जाबै। 21 लेकिन जो सचचाई मै चलथै, बहे जोती झोने आयै, ताकी बाके काम दिखायै, कि बौ परमेस्वर की घाँई से करो गौ है।” 22 जाके बाद ईसु और बाके चेला यहूदिया देस मै आए; और बौ हूँना उनके संग रहकै बपतिस्मा देन लगे। 23 यूहन्ना सालेम सहर के झोने ऐनोन नाओं की जघा मै बपतिस्मा देत रहै, काहिकि हुँआँ गजब पानी रहै, और सब जनी आयकै बपतिस्मा लेत रहैं। 24 और बौ समय यूहन्ना कैदखाना मै नाय गौ रहै। 25 हुँआँ यूहन्ना के चेलन की कोई यहूदि के संग सुद्धिकरन के बारे मै जिरहबाजी हुई गई। 26 और बे यूहन्ना के झोने आयकै बासे कही,

“गुरूजी, जो आदमी यरदन नदिया के पार तें संग रहै, और जोकी तें पानी भरन कै आमौ।” 16 ईसु बासे कही, “जा, अपने आदमी के गभाई दौ है; देख, बौ तौ बपतिस्मा देखै, और सब बाके झोने जाथै।” 17 बौ बईय्यर कही, “मैं बिना लोगा की हौ।” 18 ईसु बासे कही, “तैं सई कह रइ है, ‘कि तैं बिना आदमी की हौ।’ 18 और तैं पाँच आदमी कर चुकी है, और जोके झोने तैं हबे है बहो तेरो आदमी नाय है, जौ तैं सच्ची कहो है।” 19 बईय्यर बासे कही, “हे प्रभु, मोकै लगथे कि तैं भविष्यवक्ता है।” 20 “हमरे सामरी बापदादो जहे पहाड़ में आराधना करी और तैं कहथे कि बौ जघा जहाँ आराधना करना चाहिए यरसलेम में है।” 21 ईसु बासे कही, “हे बईय्यर, मेरी बात को बिस्वास कर कि बौ समय आनबरो है कि तुम ना तौ जो पहाड़ में दऊवा की आराधना करेगे, और ना यरसलेम सबके ऊपर है। 32 जो कलु बौ देखी और सुनी है, बहे की गभाई कै देखै; और कोई बाकी गभाई ना अपनाथै। 33 जो बाकी गभाई कै अपनाय लेथै, बौ जौ बात में छाप लगाए देखै कि परमेस्वर सच्चो है। 34 काहैकि जोकै परमेस्वर भेजी है, बौ परमेस्वर के बचन कै कहथै, काहैकि बौ आत्मा नाप-नाप कै नाय देखै। 35 दऊवा अपने बालक से प्यार करथै, और बौ सब चीज बाके हाथ में सौंप दई है। 36 जो लौडा के ऊपर बिस्वास करथै, अनंत जिंदगी बाकी है; लेकिन जो लौडा की नाय मानथै, बौ जिंदगी के ना देखेगो, और परमेस्वर की सजा बाके ऊपर रहथै।” (aiōnios g166)

4 फिरौकी जब प्रभु ईसु के जौ बात पता चली, कि फरीसी जौ सुनी हैं कि ईसु यहन्ना से जदु चेला बनाथै और उनके बपतिस्मा देखै। 2 लेकिन ईसु खुद नाय बल्किन बाके चेला बपतिस्मा देत रहैं, 3 तौ ईसु यहूदिया के छोड़के फिर से गलील देस के चले गौ, 4 और बाकै सामरिया से हुईकै जानो जरूरी रहै। 5 बौ सूखार नाओं के सामरिया के एक सहर तक आओ, जो कि बहे जघा के झोने रहे जो याकूब अपने लौडा यूसुफ के दई रहै। 6 हूँआँ याकूब को कुआँ रहै। ईसु रहा को थको भौ कुआँ के झोने ऐसिये बैठगौ। जौ बात लमसम दुगारी की बेरा रहै। 7 इते मैं एक सामरिया की एक बईय्यर पानी भरन कै आई। ईसु बासे कही, “मोकै पानी पिबा।” 8 का है की बाके चेला बौ समय सहर में खानु लेन के गै रहैं। 9 बौ सामरी बईय्यर बासे कही, “तैं यहूद हईकै मोसे पानी काहेंके माँग रौ है?” काहैकि यहूद सामरियन के संग कैसियो बोलचाल नाय रखथै। 10 ईसु बाकै जबाब दई, “अगर तैं परमेस्वर के वरदान कै जानती, और जहो जानती कि बौ कौन है जो तोसे कहरो है, ‘कि मोकै पानी पिबा’ तौ तैं बासे माँगती, और बौ तोके जिंदगी को पानी देतो।” 11 बौ बईय्यर बासे कही, “हे प्रभु, तेरे झोने तौ पानी भरन ताहीं कलु हईये नाय, और कुआँ गहरो है; तौ फिर बौ जिंदगी को पानी तेरे झोने कहाँ से आओ? 12 का तैं हमरे बाबा याकूब से बडो है? बौ हमकै जौ कुआँ दई है; और खुद अपने बालकन, और अपने जानवरन समेत बाँमे पानी पीथै?” 13 ईसु बाकै जबाब दई, “जो कोई जौ पानी पीबिगो बौ फिर से प्यासो होबेगो, 14 लेकिन जो कोई बौ पानी में से पीबिगो जौमे बाके दुंगो, बौ फिर कहु ना प्यासो होबेगो; और जो पानी में बाके दुंगो, बौ बाँमे एक सोता बन जाबेगो, जो अनंत जिंदगी ले उमडत रहगो।” (aiōn g165, aiōnios g166) 15 बईय्यर बासे कही, “प्रभु, बौ पानी मोकै दैदे ताकी मैं प्यासी ना होमौ, और ना इतनी दूर

करथे; काहेकि हम खुदै सुन लै, और जानथैं कि जहे सच्ची मैं जौ दुनिया को उद्धारकर्ता है।” 43 फिर दुई दिन के बाद ईसु हूँओं से निकरकै गलील देस के गौ। 44 काहेकि ईसु अपने आपे अपनी गभाई दई रहै कि “भविस्यवक्ता अपनेई देस मैं इज्जत नाय पाथैं।” 45 जब ईसु गलील मैं आओ, तौ गलील के रहन बारे खुसी से बासे मिले; काहेकि जितने काम बौ यरूसेलेम मैं त्योहार के समय करी रहै, बे बौ सब कामन के देखी रहैं। 46 तौ ईसु फिर गलील के काना सहर मैं आओ, जहाँ बौ पानी के दाखरस बनाई रहै। हूँओं पर राजा को एक करमचारी रहै जोको लौडा कफरनहूम मैं बिमार रहै। 47 बौ जौ सुनकै कि ईसु यहूदिया से गलील मैं आए गौ है, बाके झोने गौ और ईसु से नहोरे करन लगे कि चलकै मेरे लौडा के अच्छो कर दे, बौ कतई मरन मैं है। 48 ईसु बासे कही, “जबले तुम चिन्ह और अचम्मो काम ना देखेगे तौले तुम कतई बिस्वास ना करैगे।” 49 राजा को करमचारी ईसु से कही, “प्रभु, मेरे लौडा के मरन से पहले तैं चला।” 50 ईसु बासे कही, “जा, तेरो लौडा जिंदो है!” बौ आदमी ईसु की कही बात मैं बिस्वास करी और चले गौ। 51 बौ रहामैं रहै तभई बाके सेवक बासे आयकै मिले और कहेन लागे, “तेरो बालक जिंदो है!” 52 बौ उनसे पूँछी, “कौन से समय मैं मेरो लौडा अच्छो होन लागो रहै?” बे बासे कही “कल दुपारी एक बजे चाँई बाको बुखार उतर गौ रहै।” 53 तौ बाको बाबा जानगौ कि जौ बहे समय रहै, जो समय ईसु मोसे कही रहै, “कि तेरो लौडा जिंदो है,” फिर बौ और बाके पूरे घर के बिस्वास करी। 54 जौ ईसु को दूसरो अदभुत चिन्ह रहै, जो कि ईसु यहूदिया से गलील मैं आयकै दिखाई।

5 जे सब बातन के थोड़ी दिन के बाद यहूदियन को एक त्योहार आओ, और ईसु यरूसेलेम के गौ। 2 यरूसेलेम मैं भेंड-फाटक के झोने एक डबरा है, जो कि इब्रानी भासा मैं बैतसेदा कहो जाथे; बाके किनारे-किनारे पाँच डेहरी है। 3 जौमैं तमान बिमार, और अंधरा, लंगडा और सूखे अंग बारे पानी हालन की आस मैं पड़े रहथैं। 4 काहेकि कोई एक समय मैं परमेस्वर के स्वर्गदूत तलऊआ मैं उतरकै पानी के हलाए करत रहैं, पानी हालत खिना कि जो कोई पहले घुसतो बहे अच्छो हुई जात रहै चाँहे बाकै कैसियो बिमारी होबै। 5 हूँओं एक आदमी रहै, जो अड़तीस साल से बिमारी मैं पड़ो रहै। 6 ईसु बाकै पड़ो भौ देखकै और जौ कि बौ गजब दिन से ऐसी हालत मैं पड़ो है, बासे पूँछी, “का तैं अच्छो होनो चाहथै?” 7 बौ बिमार आदमी बासे कही, “प्रभु, मेरे झोने कोई आदमी नाय है कि जब पानी हलाओ जाथे, तौ कोई मोकै डबरा मैं उतरै; और मेरे पुगते-पुगते, दूसरो मोसे पहले उतर जाथै।” 8 ईसु बासे कही, “उठ, अपनी खटिया उठा, और चल फिर।” 9 बौ आदमी तुरैं अच्छो हुई गौ, और अपनी खटिया उठाएकै चलन फिरन लागो। जो दिन जौ भौ बौ साबत को दिन रहै। 10 बौ साबत को दिन रहै, इसलै यहूदि बासे जो अच्छो भौ रहै, कहेन लागे, “आज तौ साबत को दिन है, तोकै खटिया उठानो हमरे नियम के खिलाप है।” 11 बौ उनके जबाब दई, “जो मोकै अच्छो करी है, बहे मोसे कही है, अपनी खटिया उठा, और चल फिर।” 12 बे बासे पूँछी, “बौ कौन आदमी है जो तोसे कही, कि खटिया उठा, और चल फिर?” 13

लेकिन जो अच्छो हुई गौ रहै बौ ईसु के नाय जानत रहै कि बौ कौन है, और बौ जघा मैं भीड़ होन की बजह से ईसु हूँओं से हट गौ रहै। 14 जे सब बात होन के बाद बौ ईसु के मंदिर मैं मिलो, और ईसु बासे कही, “देख, तैं अच्छो हुई गौ है; फिर से पाप मत करिये, ऐसो नाय होबै कि जासे कोई बड़ी आफत तेरे ऊपर आए जाबै।” 15 बौ आदमी जाएकै यहूदि अधिकारिन से कह दई कि जो मोकै अच्छो करी है, बौ ईसु है। 16 जहे बजह से यहूदि ईसु के सतान लागे, काहेकि बौ ऐसे काम साबत के दिन करत रहै। 17 जौ बात मैं ईसु उनसे कही, “मेरो दऊवा हबै तक काम करथे, और महुँ काम करथौ।” 18 जौ बजह से यहूदि औरो बाकै मार डारन की कोसिस करन लगे, काहेकि बौ खाली साबत के दिनें बाको नियम तोडत रहै, जाके संग बौ परमेस्वर के अपनो दऊवा कहकै अपने आपकै परमेस्वर के बराबर मानत रहै। 19 जौ बात मैं ईसु उनसे कही, “मैं तुमसे सच-सच कहथौ, लौडा अपने आप कुछ नाय कर सकथै, खाली बहे जो अपने दऊवा के करत भौ देखथै; काहेकि जो-जो काम बौ करथे उनके लौडा बैसिये करथै। 20 काहेकि दऊवा अपने लौडा से प्यार करथे और जो-जो काम बौ अपने आप करथे, बौ सब बाकै दिखथे; और बौ इन्हँऊ से बड़े काम बाकै दिखगो, ताकी तुम अचम्मो मानौ। 21 काहेकि जोसे दऊवा मेरे भेन के उठाथे और जिंदो करथे, बैसिये लौडौ जोकै चाहथे उनके जिंदो करथे। 22 दऊवा कोई के परखत नाय है, पर न्याय करन को सब काम लौडा के सौंप दई है। 23 कि सब जनी जैसो दऊवा को आदर करथे बैसिये लौडौ को आदर करै, जो लौडा को आदर नाय करथे, बौ बाबा को जो कि बाकै भेजी है, आदर नाय करथै।” 24 मैं तुमसे सच-सच कहथौ, जो मेरो बचन सुनकै मेरे भेजन बारे के ऊपर बिस्वास करथे, अनंत जिंदगी बाकी है; और बाकै न्याय की आग्या नाय मिलथै, और बौ मरन से पार हुईकै अनंत जिंदगी मैं जाए चुको है। (aiōnios g166) 25 मैं तुमसे सच-सच कहथौ बौ समय आए गौ है, और अबै है, जहे बजह से मेरे भै परमेस्वर के लौडा की अबाज सुनगे, और जो सुनगे बे जिंदे होमंगे। 26 काहेकि जैसे दऊवा अपने आप मैं जिंदगी रखथै, बैसिये अपने लौडा के जो अधिकार दई है कि अपने आप मैं जिंदगी रखे; 27 जहे संग बाकै न्याय करनौ को अधिकार दई है, जहे ताहीं कि बौ आदमी को लौडा है। 28 जासे अचम्मो मत होबो; काहेकि बौ समय आए रहो है कि जितने मुर्दा कबर मैं हैं बे बाकी बोली सुनकै निकर आंगे। 29 जो भले काम करी हैं बे जिंदगी के ताहीं मरकै जी उठंगे, और जो बुरे काम करी हैं बे न्याय पान ताहीं उनको पुनरुत्थान होगो। 30 “मैं अपने आप से कुछ नाय कर सकथौ; जैसो सुनथौ, बैसो परखथौ, और मेरो न्याय धर्मी है, काहेकि मैं अपनी मरजी से नाय, बल्कि अपने भेजन बारे की मरजी चाहथौ। 31 अगर मैं खुदै अपनी गभाई देथौ, तौ मेरी गभाई सच्ची ना है। 32 एकौर है जो मेरी गभाई देथे, और मैं जानथौ कि मेरी गभाई जो बौ देथे, बौ सच्ची है। 33 तुम यूहन्ना से पुछबाए और बौ सच्चाई की गभाई दई है। 34 पर मैं अपने बारे मैं इंसानन की गभाई नाय चाहथौ; तहुँओ जे बात जो ताहीं कहथौ कि तुमकै उद्धार मिलै। 35 बौ तौ जलत भौ और चमकत भौ दिया रहै, और तुमकै थोड़ी देर ताहीं बाके उजियारे मैं मगन होनो अच्छो लागो। 36 पर मेरी जो

गभाई है, बौ यहन्ना की गभाई से बड़ी गभाई है: कहैकि जो काम मोकै दऊवा पूरा करन के ताहीं सौपी है मतलब कि जहे काम जोमैं करथौं, बे मेरे गभा हैं, कि बाबा मोकै पनारी है। 37 और दऊवा जो मोकै पनारी है, बहे मेरी गभाई दई है, तुम ना कहू बाकी अबाज सुने, और नाय बाको मोहों देखे हो; 38 और बाके बचनौ के मन में नाय रखथौ, कहैकि जोकै बौ पनारी है तुम बाको बिस्वास नाय करथौ। 39 तुम सामन में दूँडथौ, और समझथौ कि बापे अनंत जिंदगी तुमकै मिलथै; और जौ बहे है, जो मेरी गभाई देथै; (aiōnios g166) 40 तहुँओ तुम जिंदगी पान के ताहीं मेरे झोने आनो नाय चाहथौ। 41 मैं इंसानन से आदर ना चाहथौ। 42 पर मैं तुमकै जानथौ, कि तुमरे भीतर परमेस्वर को प्यार ना है। 43 मैं अपने दऊवा के नाओं से आओ हौं, और तुम मोकै अपनात नाय हो; और अगर दूसरो कोई अपने नाओं से आगो, तौ तुम बाकै अपनाय लेगे। 44 तुम जो एक-दूसरे से आदर महिमा चाहथौ और बौ आदर जो अकेलो परमेस्वर के घोंई से है, बाकै तुम ना चाहथौ, कैसे करकै बिस्वास कर सकथौ? 45 जौ मत समझियो कि मैं दऊवा के अगु तुमरे ऊपर दोस लगांगो; तुमरे ऊपर दोस लगान बारो तौ मूसा है, जोके ऊपर तुम उमीद रखे पड़े हो। 46 और अगर तुम मूसा के ऊपर बिस्वास करते, तौ मेरियो ऊपर बिस्वास करते, बौ जहे ताहीं कि बौ मेरे बारे में लिखी है। 47 और अगर तुम बहोकि लिखी भइ बातन के ऊपर बिस्वास ना करथौ, तौ मेरी बातन के ऊपर बिस्वास कैसे करैगे?"

6 जे सब बातन के बाद ईसु गलील की झील में यानी तिबिरियस की झील के बौ पोंजर गो। 2 और एक बड़ी भीड़ बाके पच्छू हुई गई कहैकि बे बिमारन के ठीक करन को बाके चिन्ह के देखी रहै। 3 फिरौकी ईसु पहाड़ में चढ़कै अपने चलन के संग हूँओ बैठगो। 4 और यहूदियन को फसह को त्योहार झोने आए चुको रहै। 5 तौ ईसु अपनी नजर उठाएकै एक बड़ा बड़ी भीड़ के अपने झोने आत देखी, और फिलिप्पस से कही, "हम इनके खान ताहीं कहाँ से रोटी मोल लायें?" 6 पर ईसु जौ बात फिलिप्पस के परखन ताहीं कही रहै; कहैकि बौ जानत रहै कि बौ का करैगे। 7 फिर फिलिप्पस ईसु के जबाब दई, "दुई सौ चाँदी के सिक्कन की रोटीनौ से उनको पूरा नाय पड़ेगे एसियो ना कि एक-एक जनी के थोड़ी-थोड़ी मिल जाबै।" 8 बाके चलन में से सिमोन पतरस को भईथ्या अन्दियास ईसु से कही, 9 "हियौं एक लौड़ा है, बाके झोने जई की पोंच रोटी और दुई मच्छी हैं, पर बासे इते जनी ताहीं का होगो।" 10 ईसु कही, "सब जनी के बैठार देयौं।" बौ जघा में गजब घाँस रहै। तौ बे सब जनी जो करीबन पोंच हजार रहैं, बैठगै। 11 तौ ईसु रोटी के लई, और परमेस्वर के धन्यवाद करकै बैठन बारन के बाँट दई; और बैसिये मच्छी में से जितनी बे चहात रहैं बाँट दई। 12 जब बे खाएकै छक गै, तौ बौ अपने चलन से कही, "बचे भै टुकड़ा बटोर लेबो, ताकी कछु फेंको ना जाबै।" 13 तौ बे बटोरी, और जई की पोंच रोटीन के टुकड़ा जो खान बारन से बच गई रहैं, उनकी बारह छपरिया भरि। 14 तौ जो चिन्ह ईसु करकै दिखाई बौ देखकै सब जनी कहेन लागे; कि "बौ भविष्यवक्ता जो दुनिया में आनबारो रहै सचमुच जहे है।" 15 ईसु जौ जानगो कि बे बाकै पकड़कै राजा

बनानो चाहथै, फिर ईसु पहाड़ में अकेलो चले गो। 16 फिर जब संजा भइ, तौ ईसु के चेला झील के किनारे गै, 17 और नईयों में चढ़कै झील के पार कफरनहम के जान लगे। बौ समय अधियारो हुई गो रहै, और ईसु अभै तक उनके झोने नाय आओ रहै। 18 और आँधी की बजह से झील में लहरे उठन लागीं। 19 तौ जब बे चप्पु चलात-चलात पोंच-छे किलो मीटर के लमसम निकर गै, तौ बे ईसु के झील में चलत भै और नईयों के झोने आत भौ देखी, और बे गजब डराय गै। 20 पर ईसु उनसे कही, "मैं हौं; डराबौ मती।" 21 तौ बे बाकै नईयों में चढ़ान ताहीं राजी भै और तुरतै बौ नईयों बहे डीढ़े में पुगी जहाँ बे जात रहै। 22 दुसरे दिन बौ भीड़, जो कि झील के दुसरे पोंजर ठाड़ी रहै, जौ देखी, कि एक के छोड़कै और कोई छोटी नईयों नाय रहै, और ईसु अपने चलन के संग बौ नईयों में नाय चढ़ो रहै, और खाली बाके चेलै गै रहैं। 23 तौ फिर और नईयों तिबिरियस से बौ जघा के झोने आई, जहाँ बे प्रभु को धन्यवाद करकै रोटी खाई रहैं। 24 जब भीड़ के पता चलो, कि हियों पर ना ईसु है, और ना बाके चेला, तौ बेऊँ छोटी-छोटी नईयों में बैठकै ईसु के दूँडत भै कफरनहम में पुगे। 25 झील के पार जब बे ईसु से मिले तौ बासे कही, "गुरुजी, तैं हियों कब आओ?" 26 ईसु उनके जबाब दई, "मैं तुमसे सच-सच कहथौं, तुम मोकै जाके ताहीं नाय दूँड रहै हो कि तुम चिन्ह देखे, पर जहे ताहीं कि तुम रोटीन के खाएकै छके हो। 27 खतम होन बारे खानु के ताहीं मेहनत मत करौ, पर बौ खानु के ताहीं जो अनंत जिंदगी तक रहथै, जो कि आदमी को लौड़ा तुमकै देगो, कहैकि दऊवा, यानी परमेस्वर बहे के ऊपर छाप लगाई है।" (aiōnios g166) 28 बे ईसु से कही, "परमेस्वर को काम करन ताहीं हम का करै?" 29 ईसु उनके जबाब दई, "परमेस्वर को काम जौ है, कि तुम जोके बौ पनारी है, बाके ऊपर बिस्वास करौ।" 30 तौ बे ईसु से कही, "फिर तैं कौन सो चिन्ह दिखाथै कि हम बाकै देखके तेरे ऊपर बिस्वास करै? तैं कौन सो काम दिखाथै? 31 हमरे बापदादे बन में मन्ना खाई, जैसो लिखो है, 'बौ उनके स्वर्ग से खान ताहीं रोटी दई।'" 32 ईसु उनसे कही, "मैं तुमसे सच-सच कहथौं कि मूसा तुमकै बौ रोटी आसमान से नाय दई, पर मेरो दऊवा तुमकै सच्ची रोटी स्वर्ग से देथै। 33 परमेस्वर कि रोटी बौ है जो स्वर्ग से नीचे आथै, और दुनिया के जिंदगी देथै।" 34 तौ बे बासे कही, "हे प्रभु, जौ रोटी हमकै हमसा दे करिये।" 35 ईसु उनसे कही, "जिंदगी की रोटी मैं हौं, जो मेरे झोने आथै बौ कहए भुँको नाय होगो, और जो मेरे ऊपर बिस्वास करथै बौ कहए प्यासो ना होगो। 36 पर मैं तुमसे कहो रहों कि तुम मोकै देखियो लै हो, तहुँओ बिस्वास नाय करथौ। 37 जो कछु दऊवा मोकै देथै बौ सब मेरे झोने आगो, और जो कोई मेरे झोने आगो बाकि मैं कहए नाय निकारंगो। 38 कहैकि मैं अपनी इच्छा नाय पर अपने पनारन बारे की इच्छा पूरी करन के ताहीं स्वर्ग से उतरो हौं। 39 और मेरे पनारन बारे की इच्छा जौ है कि जो कछु मोकै बौ दई है, बापे से मैं कछु नाय हरबामौ, और उनके आखरी दिन फिर से जिंदो कर देमौ। 40 कहैकि मेरे दऊवा की इच्छा जौ है, कि जो कोई लौड़ा के देखथै और बाके ऊपर बिस्वास करै, बौ अनंत जिंदगी पाबै; और मैं बाकै आखरी दिन फिर से जिंदो कर देगो।" (aiōnios g166) 41 तौ यहूदि

बाके ऊपर कुड़कुड़ान लगे, काहेकि ईसु कही रहै, “मैं बौ रोटी हौ जो स्वर्ग से उतरी है।” 42 और बे कही, “का जौ यूसुफ को लौड़ा ईसु नाय है, जोके अईया-दऊवा कै हम जानथै? तौ बौ कैसे कहदेथै कि मैं स्वर्ग से उतरो हौ?” 43 ईसु उनके जबाब दई, “आपस मैं मत कुड़कुड़ाबौ। 44 कोई मेरे झोने ना आए सकथै जबले दऊवा, जो मोके पनारी है, बाके खीच नाय लेबै; और मैं बाके आखरी दिन फिर से जिंदो कर देंगो। 45 भविष्यवक्ता के लेखन मैं जौ लिखो है, ‘बे सब परमेस्वर के घाँई से सिखे भै होंगे।’ जो कोई दऊवा से सुनो और सिखो है, बौ मेरे झोने आथै। 46 जौ नाय कि कोई दऊवा के देखो है; पर जो परमेस्वर के घाँई से है, खाली बहे बाबा के देखी है। 47 मैं तुमसे सच-सच कहथौ, कि जो कोई बिस्वास करथै, अनंत जिंदगी बहे की है। (aiōnios g166) 48 जिंदगी की रोटी मैं हौ। 49 तुमरे बापदादो रेगिस्तान में मन्ना खाई और मर गए। 50 जौ बौ रोटी है जो स्वर्ग से उतरी है ताकी आदमी जाँमें से खाबै और नाय मरे। 51 जिंदगी की रोटी जो स्वर्ग से उतरी बौ मैं हौ। अगर कोई जौ रोटी मैं से खाबैगो, तौ हमेसा के ताहीं जिंदो रहबैगो; और जो रोटी मैं जौ दुनिया की जिंदगी के ताहीं देंगो, बौ मेरो सरिर है।” (aiōn g165) 52 जौ सुनैकै यहदि ऐसे कहकै आपस मैं लड़न लागे, “कि जौ आदमी कैसे हमकै अपनो सरिर खान ताहीं दै सकथै?” 53 ईसु उनसे कही, “मैं तुमसे सच-सच कहथौ जब तक आदमी के लौड़ा को सरिर नाय खागे, और बाको खून नाय पीगे, तुम मैं जिंदगी नाय है। 54 जो मेरो सरिर खाथै, और मेरो खून पीथै, अनंत जिंदगी बहे की है, और मैं आखरी दिन फिर बाँके जिंदो कर देंगो। (aiōnios g166) 55 काहेकि मेरो सरिर सच्चि मैं खान की चीज है और मेरो खून सच्चि मैं पीन की चीज है। 56 जो मेरो सरिर खाथै और मेरो खून पीथै, बौ मेरे मैं अटल बनो रहथै, और मैं बामै। 57 जैसो जिंदो दऊवा (परमेस्वर) मोके भेजी और मैं दऊवा की बजह से जिंदो हौ, वैसिये बहो जो मोके खागो मेरी बजह से जिंदो रहगो। 58 जो रोटी स्वर्ग से उतरी बौ जहे है, बापदादे हानी नाय कि खाई, और मर गए; जो कोई जौ रोटी खागो, बौ हमेसा के ताहीं जिंदो रहगो।” (aiōn g165) 59 जे बातें ईसु कफरनहम के सभाघर मैं उपदेस देत समय कही। 60 ईसु के चेलन मैं से तमान जौ सुनैकै कही, “जौ तौ भौतै कठोर सिक्खा है; जाकै कौन मान सकथै?” 61 ईसु अपने मन मैं जौ जानकै कि मेरे चेला आपस मैं जौ बात मैं कुड़कुड़ाएँ हैं, ईसु उनसे पूँछी, “का जौ बात से तुमकै ठोकर लग रई है? 62 और अगर तुम आदमी के लौड़ा कै, जहाँ पर बौ पहले रहै, हूँओ ऊपर जात भौ देखैगे, तौ का होगो? 63 आत्मा तौ जिंदगी देन बारो है, सरिर से कछु फायदा नाय है। जो बातें मैं तुमसे कहो हौ बे आत्मा हैं, और जिंदगीयो हैं। 64 पर तुम मैं से किते ऐसे हैं जो बिस्वास नाय करथै।” काहेकि ईसु पहलेई से जानत रहै कि जो बिस्वास नाय करथै, बे कौन हैं; और कौन मोके पकड़बागो। 65 और बौ कही, “जहे ताहीं मैं तुमसे कहो रहों कि जब तक कोई कै दऊवा की तरफ से जौ वरदान नाय दौ जागो तौले बौ मेरे झोने नाय आए सकथै।” 66 जे सब बातन के बाद बाके चेलन मैं से गजब जनी उल्टा लौट गे और बाके बाद ईसु के संग ना चली। 67 तौ ईसु बे बारह चेलन से कही, “का तुमहँ चले जानो चाहथौ?” 68 सिमौन पतरस ईसु कै जबाब दई, “हे प्रभु, हम कौनके

झोने जाँमें? अनंत जिंदगी की बातें तौ तेरे झोने हैं। (aiōnios g166) 69 और हम बिस्वास करे हैं, और जानगें हैं, कि परमेस्वर को पवित्र जन तैं है।” 70 ईसु उनके जबाब दई, “का मैं तुम बारहौ कै ना चुन लौ? तहँओ तुम मैं से एक जनी सैतान है।” 71 जौ बौ सिमौन इस्करियोती के लौड़ा यहदा के बारे मैं कही। काहेकि जौ बारह चेलन मैं से एक रहै, जो ईसु कै पकड़वान बारो रहै।

7 जे सब बातन के बाद ईसु गलील देस मैं फिरत रहो, काहेकि यहदि नेता बाँके मार डारन की कोसिस करत रहै, जहे ताहीं बौ यहदिया मैं फिरनो ना चाहत रहै। 2 और यहदि तम्बु को त्योहार झोने आए गो रहै। 3 जहे ताहीं बाके भईया बासे कही, “हीना से यहदिया के जा, कि जो काम तैं करथै, बे काम तेरे चेली देखै। 4 कोई ऐसो कोई नाय होगो जो प्रसिद्ध होनो ना चाहबै, और लुककै काम करै, अगर तैं जौ काम करथै, तौ अपने आपके जौ दुनिया मैं दिखा।” 5 काहेकि बाके भईया बाके ऊपर बिस्वास नाय करत रहै। 6 तौ ईसु उनसे कही, “मेरो समय हबै नाय आओ है; पर तुम्हारे ताहीं अब समय है। 7 जौ दुनिया तुमसे बैर ना रख सकथै, पर बौ मोसे बैर करथै, काहेकि मैं बाके बिरोध मैं जौ गभाई देथौ, कि बाके काम बुरे हैं। 8 तुम त्योहार मैं जाबो; मैं अभै जौ त्योहार मैं नाय जागो, काहेकि अभै तक मेरो समय ना भौ है।” 9 बौ उनसे जे बात कहकै गलीलै मैं स्क गौ। 10 और जब बाके भईया त्योहार मैं चले गे, तौ बौ खुलेआम तौ नाय, पर चुपे से चले गौ। 11 यहदि त्योहार मैं ईसु कै ऐसे कहकै ढूँडन लागे कि “बौ कहाँ है?” 12 और सब जनी ईसु के बारे मैं चुपे-चुपे भौत सी बात करन लागे, कोई कहत रहै, “बौ भलो आदमी है।” और किते ऐसे कहत रहै, “कि ना, बौ तौ लोगन कै भरमाथै।” 13 तहँओ यहदि नेतन के डर के मारे कोई खुलकै बाके बारे मैं ना बोलत रहै। 14 और जब त्योहार को आधो दिन गुजर गौ; तौ ईसु मंदिर मैं जाएकै उपदेस देन लागो। 15 तौ यहदि नेता चोहोंक कै कही, “जाकै बिना पढे बिद्या कैसे आए गई?” 16 ईसु उनके जबाब दई, “मेरो उपदेस मेरो ना है, पर मेरे भेजन बारे को है। 17 अगर कोई बाकी इच्छा मैं चलनो चाहबै, तौ बौ जौ उपदेस के बारे मैं जान जागो कि बौ परमेस्वर के घाँई से है, या मैं अपने घाँई से कहथौ। 18 जो अपने घाँई से कछु कहथै, बौ अपनिए बड़ाई चाहथै; पर जो अपने पनारन बारे की महिमा चाहथै बहे सच्चो है, और बामै कोई अधर्म नाय है। 19 का मूसा तुमकै नियम नाय दई? तहँओ तुम मैं से कोई नियम मैं नाय चलथै। तुम काहेके मोके मार डारनो चाहथौ?” 20 हँना के लोग जबाब दई, “तेरे मैं प्रेत आत्मा है! कौन तोकै मार डारनो चाहथै?” 21 ईसु उनके जबाब दई, “मैं एक काम करो हौ, और तुम सब अचम्मो मानथौ। 22 जहे बजह से मूसा तुमकै खतना करन की आग्या दई है, जौ नाय कि बौ मूसा की घाँई से है, जौ तौ बापदादोन से चलो आओ है, और तुम साबत के दिन लौड़ा को खतना करथौ। 23 जब साबत के दिन लौड़ा को खतना करो जाथै, ताकी मूसा की नियम की आग्या नाय टूटे, तौ तुम जाके ताहीं मेरे ऊपर काहेके गुस्सा होथौ, कि मैं साबत के दिन एक आदमी कै पूरी तरह से अच्छो करो। 24 मोहों देखकै मत परखो, पर सई न्याय करौ।” 25 तौ किते यरूसेलेम मैं रहन बारे

ऐसे कहने लगे, “का जौ बौ नाय है, जोकै मार डारन की कोसिस करी जाए रइ है? 26 पर देखौ, बौ तौ खुलेआम बतकाए रौ है और कोई बासे कछुए नाय कहथै; का मुखिया सच मैं जानगै हैं; कि जहे मसीह है? 27 जाके तौ हम जानथैं, कि जौ कहाँ को है; पर जब मसीह आगो, तौ कोई नाय जानैगो कि बौ कहाँ को है।” 28 तौ ईसु मंदिर मैं उपदेस देन पोती चिल्लाए कै कही, “तुम मोकै जानथौ और ऐसियौ जानथौ कि मैं कहाँ को हौ। मैं तौ अपने आप से ना आओ पर मेरो पनारन बारो सचचो है, बाकै तुम नाय जानथौ। 29 मैं बाकै जानथौ; काहेकि मैं बहे कि घाँई से हौ और बहे मोकै पनारी है।” 30 जौ सब होन के बाद बे ईसु कै पकड़वानो चौंहीं तहुँओ कोई बाके ऊपर हाथ नाय डारी, काहेकि बाको समय अबै तक नाय आओ रहै। 31 तहुँओ भीड़ मैं से तमान जनी बाके ऊपर बिस्वास करी, और कहेन लागे, “मसीह जब आगो, तौ का जासे जाधे अचममे चिन्ह दिखागो जौ जौ दिखाई है?” 32 फरीसी लोग, दूसरे लोगन कै ईसु के बारे मैं चुपे-चुपे बतकात सुनी; और फिर मुखिया पुजारी और फरीसी ईसु के पकड़न के ताहीं सिपईयन कै पनारी। 33 जौ सब होन के बाद ईसु कही, “मै थोड़ी देर तक और तुमरे संग हौ; फिर मैं अपने पनारन बारे के झोने चलो जांगो। 34 तुम मोकै ढूँडैगो, पर नाय पागे; और जहाँ मैं हौ, हूँआँ तुम नाय आए सकथौ।” 35 यहूदि नेता आपस मैं बतकाई, “जौ कहाँ जागो कि हम जाकै नाय पागे? का जौ उनके झोने जागो, जौ यूनान सहर मैं तितर-बितर हुईकै रहथैं, और यूनानियन कै भी उपदेस देगो। 36 जौ का बात है जौ बौ कही, कि तुम मोकै ढूँडैगो, पर नाय पागे, और जहाँ मैं होंगो, हूँआँ तुम नाय आए सकथौ?” 37 फिर त्योहार के आखरी दिन, जौ खास दिन रहै, ईसु ठाड़गो और चिल्लाए कै कही, “अगर कोई प्यासो होबे तौ मेरे झोने अबै और पीबे। 38 जौ मेरे ऊपर बिस्वास करैगो, जैसे साब्र मैं आओ है, ‘बाके भीतर से जिंदगी के पानी की नदिया बहे निकरंगी।’” 39 बौ जौ बचन बौ पवित्र आत्मा के बारे मैं कही, जोकै ईसु के ऊपर बिस्वास करन बारे पान मैं रहै; का है आत्मा अबै तक नाय उतरो रहै, काहेकि ईसु अबै तक अपनी महिमा तक नाय पहुँचो रहै। 40 ईसु कै सुनकै भीड़ मैं से कोई-कोई कही, “सच्ची मैं जौ बहे भविस्यवक्ता है।” 41 और दुसरे कही, “जौ मसीह है,” पर कुछ कही, “काहेकै? का मसीह गलील से आबैगो? 42 का पवित्र साब्र मैं ना आओ कि मसीह दाऊद की पीढ़ी से और बैतलहम गाँव से आगो, जहाँ पर दाऊद रहत रहै?” 43 और बाकी बजह से लोगन मैं फूट पड़ी। 44 उनमें से किते बाकै पकड़नो चाहत रहैं, पर कोई बाके ऊपर हाथ ना डारी। 45 तौ सिपईया मुखिया पुजारिन और फरीसियन के झोने आए, और बे सिपईयन से कही, “तुम बाकै काहेकै नाय लाए?” 46 सिपईया जबाब दई, “अबै तक कोई इंसान ऐसी बातें नाय करी!” 47 फरीसी उनके जबाब दई, “का तुम्हँ भरमाए गै हौ? 48 का मुखिया या फिर फरीसियन मैं से कोई भी बाके ऊपर बिस्वास करी है? 49 पर जे लोग जौ मूसा के नियम नाय जानथैं, सापित हैं।” 50 नीकुदेमुस, जौ सुरू मैं बाके झोने आओ रहै और उनमें से एक रहै, बौ कही, 51 “का हमरे नियम कोई जनी कै, जबले बाकी सुनकै परख नाय लेमैं, कि बौ का करथै; का कसूरवार मानथै?” 52 बे बाकै जबाब दई, “का तहँ गलील को

है? साब्र मैं ढूँड और देख, कि गलील से कोई भविस्यवक्ता नाय आगो।” 53 फिर बे सब अपने-अपने घरे चले गै।

8 लेकिन ईसु जेतून के पहाड़ मैं गौ। 2 और भोर होत खिना कि मंदिर मैं आए गौ, और सब जनी बाके झोने आए; और बौ हूँना बैठके उनके उपदेस देन लागे। 3 तौ यहूदि नियम के सिक्छक और फरीसिये एक बईय्यर के लाई जौ कि व्यभिचार करत भइ पकड़ी गई रहै, और बाकै बीच में ठडबाए कै ईसु से कही, 4 “गुफ्जी, जौ बईय्यर व्यभिचार करत भइ पकड़ी गई है। 5 नियम मैं मूसा हमकै आग्या दई है कि ऐसी बईय्यरन के पथरा मारियो; और तै जौ बईय्यर के बारे मैं का कहनो चाहथै?” 6 बे ईसु कै परखन के मोरे ऐसे कही ताकी बाके ऊपर दोस लगान के ताहीं कोई बात पाए जायैं, पर ईसु लोहोक के उंगरिया से जमीन मैं लिखन लागे। 7 जब बे ईसु से पूँछत रहैं, तौ बौ सीध हुईकै कही, “तुम मैं से जौ पाप नाय करो है, बहे पहले बाकै पथरा मारै।” 8 और फिर से लोहोक के जमीन मैं लिखन लागे। 9 पर बे ऐसे सुनकै बड़े-बूढ़े से लैंकै छोटे तक एक-एक करकै हूँआँ से निकर गै, और ईसु अकेलो रहगो, और बौ हूँए बीच में ठाड़ी रह गई। 10 ईसु ठाड़के बासे कही, “हे नारी, बे सब कहाँ गै? का कोई तोकै सजा की आग्या नाय दौ?” 11 बौ बईय्यर कही, “हे प्रभु, कोई नाय दौ।” ईसु कही, “महँ तोकै सजा की आग्या नाय देगो; और अब तै जा और कह पाप मत करियो।” 12 ईसु फिर फरीसियन से बात करी, “जौ दुनिया को उजियारो मैं हौ,” बौ कही। जौ मेरे पच्छ हई लेगो, बाके पास जिंदगी को उजीतो होगो और बौ कह अंधियारो मैं नाय चलैगो। 13 फरीसी ईसु से कही, “तैं अपनी गभाई अपने आप देखै; तेरी गभाई सच नाय है।” 14 ईसु उनके जबाब दई, “अगर मैं अपनी गभाई अपने आप देखौ, तहुँओ मेरी गभाई सच है, काहेकि मैं जानथौ, कि मैं कहाँ से आओ हौ, और कहाँ कै जाथौ? पर तुम नाय जानथौ कि मैं कहाँ से आथौ या फिर कहाँ कै जाथौ। 15 तुम जौ सररी के अनुसार परखथौ; मैं कोई को न्याय ना करथौ। 16 और अगर मैं न्याय करौ भी, तौ मेरो परखनो सचचो है; काहेकि मैं अकेलो नाय हौ, पर मैं दऊवा के संग हौ, जौ मोकै पनारी है। 17 और तुम्हारे नियम मैं लिखो है; दुई जनी की गभाई मिलकै सच होथै। 18 एक तौ मैं अपने आप गभाई देखौ, और दूसरी दऊवा मेरी गभाई देखै जौ मोकै पनारी है।” 19 बे ईसु से कही, “तेरो दऊवा कहाँ है?” ईसु जबाब दई, “ना तुम मोकै जानथौ, ना मेरे बाबा कै, अगर तुम मोकै जानते, तौ मेरे दऊवा के भी जानते।” 20 जे बात बौ मंदिर मैं उपदेस देत भौ भंडार घर मैं कही रहै, और कोई बाकै नाय पकड़ो; काहेकि अबै बाको समय नाय आओ रहै। 21 ईसु फिर उनसे कही, “मैं जाथौ, और तुम मोकै ढूँडैगो और अपने पापन मैं मरैगो; जहाँ मैं जाथौ, हूँआँ तुम नाय आए सकथौ।” 22 जौ सुनकै यहूदि नेता कही, “का बौ अपने आपकै मार डारैगो, जैसो बौ कहरो है, कि जहाँ मैं जाथौ हूँआँ तुम नाय आए सकथौ?” 23 ईसु उनसे कही, “तुम तरे के हौ, मैं ऊपर को हौ; तुम जौ दुनिया के हौ, मैं जौ दुनिया को ना हौ। 24 जहे ताहीं मैं तुमसे कहो, कि तुम अपने पापन मैं मरैगो; काहेकि अगर तुम बिस्वास नाय करैगो कि मैं बहे हौ, तौ अपने पापन मैं मरैगो।” 25 बे

ईसू से कही, “तू कौन है?” ईसू उनसे कही, “बहे हौ जो सुरू से कहत भौ आओ हौ। 26 तुमरे बारे में मोकै बहोत कुछ कहने और परखने है पर मोकै जो पनारी है बौ सच्चे है; और जोमें बासे सुनो हौ, बहे जो दुनिया में कहथौ।” 27 बे जो नाय समझै कि हमसे दऊवा के बारे में कहरो है। 28 फिर ईसू कही, “जब तुम आदमी के लौडा के ऊँचे में चढ़ावैगे, तौ पता चलैगे कि मैं बहे हौ, और अपने मन से कुछ नाय करथौ, पर जैसी मेरो दऊवा मोकै सिखाई है, बेई बात करथौ। 29 और मोकै भेजन बारो मेरे संग है; बौ मोकै अकेल्लो नाय छोड़ी है; बौ इसलै कि मैं हमेसा बेई काम करथौ, जोसे बौ खुस होथै।” 30 ईसू जे बात कहतै रह, और गजब जनी बाके ऊपर बिस्वास करी। 31 तौ ईसू जे यहूदियन से जो बाके ऊपर बिस्वास करी रहै, उनसे कही, “अगर तुम मेरे बचन में बने रहवैगे, तौ सच्ची को मेरे चेला बन जावैगे। 32 और सच के जानैगे, और सत्य तुमके आजाद करैगे।” 33 बे ईसू के जबाब दई, “हम तौ अब्राहम की पीढ़ी के हैं, और कहए कोई की सेवा नाय करे; फिर तै काहे कहरो है, कि तुम आजाद हुई जावैगे?” 34 ईसू उनकै जबाब दई, “मैं तुमसे सच-सच कहथौ कि जो कोई पाप करथे, बौ पाप को सेवक है। 35 और सेवक हमेसा घरे नाय रहथे; लौडा हमेसा रहथै। (aiōn g165) 36 इसलै अगर लौडा तुमके आजाद करैगे, तौ सच्ची को तुम आजाद हुई जावैगे। 37 मैं जानथौ कि तुम अब्राहम की पीढ़ी से हौ; तहुँओ मेरो बचन तुमरे मन में गद्या नाय बना पाथै, इसलै तुम मोकै मार डारनो चाहथौ। 38 मैं बहे कहथौ, जो अपने दऊवा के हियाँ पर देखो हौ; और तुम बहे करत रहथौ जो तुम अपने दऊवा से सुने हौ।” 39 बे ईसू के जबाब दई, “हमरो दऊवा तौ अब्राहम है।” ईसू उनसे कही, “अगर तुम अब्राहम के बालका होते, तौ अब्राहम के हानी काम करते। 40 पर अब तुम मेरे जैसो इंसान के मार डारनो चाहथौ, जो कि तुमके बौ सच बचन बताई जो परमेस्वर से सुनी, ऐसे तौ अब्राहमो नाय करी रहे। 41 तुम अपने दऊवा के हानी काम करथौ” फिर बे ईसू से कही, “हम छिनरई से नाय पैदा भै, हमरो एकै बाबा है यानी कि परमेस्वर।” 42 ईसू उनसे कही, “अगर परमेस्वर तुमरो दऊवा होतो, तौ तुम मोसे प्यार करते; काहँकि मैं परमेस्वर मैं से निकरकै आओ हौ; मैं अपने आप से नाय आओ, पर बहे मोकै पनारी। 43 तुम मेरी बात काहँके ना समझथौ? इसलै कि मेरो बचन सुन नाय सकथौ। 44 तुम अपने दऊवा सैतान के घाँई से होऔर अपने दऊवा की इच्छा पूरी करना चाहथौ। बौ तौ सुरू से हत्यारो है, और सच मैं टिक नाय पाई, काहँकि सत्य बाँमे हईये नाय; जब बौ झूठ बोलथै, तौ अपने मन सेई बोलथै; काहँकि बौ झूठो है, और जहे संग बौ झूठ को दऊवा है। 45 पर मैं जो सच बोलथौ, इसलै तुम मेरो बिस्वास नाय करथौ। 46 तुम मैं से मोकै कौन पापी मानथै? और अगर मैं सच बोलथौ, तौ तुम मेरो बिस्वास काहँके नाय करथौ? 47 बौ जो परमेस्वर की घाँई से है, बौ परमेस्वर की बात के सुनथे; और तुम इसलै नाय सुनथौ कि तुम परमेस्वर की घाँई से नाय हौ।” 48 जे सब बात सुनकै यहूदि ईसू से कही “का हम सई नाय कहथै कि तै सामरी जाति को है, और तेरे भीतर प्रेत आत्मा है?” 49 ईसू जबाब दई, “मेरे में प्रेत आत्मा नाय है; पर मैं अपने दऊवा को आदर करथौ, और तुम मेरो

निरादर करथौ। 50 मैं अपनी महिमा नाय चाहथौ हौ पर एक ऐसो है जो मेरी महिमा चाहथै, और न्याय करथै। 51 मैं तुमसे सच-सच कहथौ, कि अगर कोई आदमी मेरे बचन में चलैगे, तौ हमेसा-हमेसा के ताहीं मौत के नाय देखैगे।” (aiōn g165) 52 यहूदि ईसू से कही, “अब हम जानैगे कि तेरे भीतर प्रेत आत्मा है, अब्राहम मर गौ, और भविष्यवक्ता मर गे है और तै कहथै, ‘अगर मेरे बचन मैं कोई हमेसा चलैगे तौ बौ कहए मौत को स्वाद नाय चखैगे।’ (aiōn g165) 53 हमरो बाबा अब्राहम तौ मर गौ, का तै बासे बड़ो है? और भविष्यवक्ता मर गे है, तै अपने आपके का ठहराथै?” 54 ईसू जबाब दई, “अगर मैं अपने आप अपनी महिमा करौं, तौ मेरी महिमा कुछ नाय है, पर मेरी महिमा करन बारो मेरो दऊवा है, जोकि तुम कहथौ, कि बौ हमरो परमेस्वर है। 55 और तुम तौ बाके नाय जाने पर मैं बाके जानथौ; और अगर मैं कहमौ कि मैं बाके नाय जानथौ, तौ मैं तुमरे हानी झूठो मानो जांगो। पर मैं बाके जानथौ, और बाके बचन मैं चलथौ। 56 तुमरो दऊवा अब्राहम जौ जानकै कि बौ जौ दिन के देखैगे जब मैं आंगो, खुसी से भरगौ रहै। बौ जौ देखी और खुसी भौ।” 57 यहूदि लोग ईसू से कही, “अभै तै पचास साल को तक नाय भौ है, तहुँओ तै अब्राहम के देखो है?” 58 ईसू उनसे कही, “मैं तुमसे सच्ची-सच्ची कहथौ, अब्राहमो से पहले मैं हौ।” 59 तौ फिर बे ईसू के मारन के ताहीं पथरा उठाई, पर ईसू लुककै मंदिर से निकर गौ।

9 फिर ईसू जात भौ एक आदमी के देखी, जो जनम से अंधरा रहै। 2 और ईसू के चेला बासे पूँछी, “गुरूजी, कौन पाप करो होगो, कि जौ अंधरा पैदा भौ, जौ आदमी करी होगो, या फिर जाके अईय्या दऊवा?” 3 ईसू जबाब दई, “ना तौ जौ पाप करी रहे, और ना जाके अईय्या दऊवा करी, बौ जहे ताहीं कि जाके जरिये से परमेस्वर को चमत्कार दिखाई देबे। 4 जो मोकै पनारी है; बाके काम के दिने-दिन करनो जरूरी है, काहँकि जब रात हुई जावैगी, तौ कोई काम नाय हुई सकैगे। 5 जबले मैं जौ दुनिया में हौं, तौले मैं जौ दुनिया को उजियारो हौं।” 6 ऐसे कहकै ईसू धरती में थूकी और बौ थूक से मट्टी के माड दई, और बहे मट्टी बौ अंधरा की आँखी में लेप लगाएकै। 7 बासे कही, “जा सिलोह के डबरा मैं धोए आ, सिलोह को मतलब पनारो भौ” और फिर बौ अंधरा जाएकै धोई, और जब बौ लौटकै आओ तौ बाके दिखाई देत रहे। 8 तौ बाके पड़ोसी और जो पहले बाके भीख मांगत भौ देखी रहै, कहेन लागे, “का जौ बहे नाय है, जो बैठकै भीख माँग करत रहे?” 9 कोई कहबै, “कि जौ बहे है,” और कोई कहमै, “कि जौ नाय है, पर बाके हानी है” बौ कही, “मैं बहे हौं।” 10 तौ बे बासे पूँछन लागे, “तेरी आँखी कैसे खुल गई?” 11 बौ जबाब दई, “ईसू नाओ को एक आदमी मट्टी के माँड़ी, और मेरी आँखी में लेप लगाएकै मोसे कही, सिलोह मैं जाएकै धोएले तौ मैं गौ, और धोत खिना कि देखन लग्यौ।” 12 बे बासे पूँछी, “तौ फिर बौ कहाँ है?” बौ कही, “मोकै पता नाय है, मैं नाय जानथौ।” 13 बे लोग बाकै, जो पहले अंधरा रहै फरीसियन के झोने लैगे। 14 जो दिन ईसू मट्टी माँडके बाकी आँखी खोली रहै बौ साबत को दिन रहै। 15 फिर फरीसी लोग बासे पूँछी; तेरी

आँखी कैसे करके खुल गई? बौ उनसे कही, “बौ मेरी आँखी मैं मड़ी लगाई, फिर मैं धोए लौ, और अब देखथौ।” 16 जौ सब सुनके बहोत से फरीसी कहेन लागे, “जौ इंसान परमेस्वर की घाँई से नाय है, काहेकि बौ साबत को दिन मानते नाय है।” और जनी कहीं, तौ “पापी इंसान कैसे ऐसे चिन्ह दिखाए सकथौ?” और उनमें फूट पड़ गई। 17 बे बौ अंधरा से फिर से कही, “बौ जो तेरी आँखी खोली है, तैं बाके बारे में का कहनो चाहथै?” बौ कही, “बौ भविष्यवक्ता है।” 18 फिर भी यहूदियन के बिस्वास नाय भौ कि जौ सच्ची को अंधरा रहै और अब देखथै, जबले बौ अंधरा के अईय्या-दऊवा के बुलाए नाय लई। 19 और उनसे पूँछी, “का जौ तुमरो लौड़ा है, जोके तुम कहथौ कि जौ जनम से अंधरा रहै? फिर अब जौ कैसे करके देखथै?” 20 बाके अईय्या-दऊवा जबाब दई, “हम तौ जानथै कि जौ हमरो लौड़ा है, और जौ जनम से अंधरा रहै। 21 पर हम ऐसे नाय जानथै, कि जौ अब कैसे करके देखन लागो है; और एसियौ नाय जानथै, कि कौन जाकी आँखी खोली है; हमरो लौड़ा अब स्यानो ही गौ है; बहे से पूँछ लियो; बौ अपने बारे में अपने आप कह लेगो।” 22 जे बात बाके अईय्या-दऊवा इसलै कही काहेकि बे यहूद नेतन से डरात रहै; काहेकि यहूद एकजुट हुई रहै, कि अगर कोई कहबे कि बौ अच्छो करन बारो मसीह है, तौ बाके सभाघर में से निकारो जाबै। 23 जे बजह से बाके अईय्या-दऊवा कही, “बौ स्यानो है; बहे से पूँछ लियो।” 24 तौ बे बौ आदमी के जौ अंधरा रहै दूसरी बार बाके बुलाएके बासे कही, “परमेस्वर की महिमा कर; हम तौ जानथै कि बौ इंसान पापी है।” 25 बौ जबाब दई, “मैं नाय जानथौ कि बौ पापी है कि ना है, मैं बस इतका जानथौ कि मैं अंधरा रहौ और अब देखथौ।” 26 बे बासे फिर से कही, “बौ तेरे संग का करी है? और कैसे करके तेरी आँखी खोली?” 27 बौ उनसे कही, “मैं तौ तुमसे कह चुको हौ, और तुम नाय सुने; अब एकोर बार काहेके सुनो चाहथौ? का तुम्हँ बाके चेला बननो चाहथौ?” 28 तौ बे बाके बुरो भलो कहके कही, “तही बाको चेला है; हम तौ मूसा के चेला हैं। 29 हम जानथै कि परमेस्वर मूसा से बतकाई है; पर जौ इंसान के नाय जानथै की जौ कहाँ को है।” 30 बौ उनके जबाब दई, “जौ तौ अचम्मो होन बारी बात है कि तुम बाके नाय जानथौ कि बौ कहाँ को है तहँओ बौ मेरी आँखी खोल दई। 31 हम जानथै कि परमेस्वर पापिन की नाय सुनथै, पर अगर कोई परमेस्वर को भक्त है, और बाकी इच्छा में चलथै, तौ परमेस्वर बाकी सुनथै। 32 दुनिया की सुखात से जौ कह सुनन में ना आओ, कि कोई भी जलमत से अंधरा की आँखी खोली होबै। (aiōn g165) 33 अगर जौ आदमी परमेस्वर की घाँई से नाय होतो, तौ जौ कुछ नाय कर पातो।” 34 बे बाके जबाब दई, “तैं तौ कतई पाप से पैदा भौ है, तैं हमके का सिखाए रौ है?” और बे बाके सभाघर से बाहर निकार दई। 35 ईसु सुनी कि बे बाके निकार दई हैं, और जब बासे ईसु को भेटा भौ तौ ईसु बासे कही, “का तैं आदमी के लौड़ा के ऊपर बिस्वास करथै?” 36 बौ जबाब दई, “प्रभु, बौ कौन है, कि मैं बाके ऊपर बिस्वास करौ!” 37 ईसु बासे कही, “तैं बाके देखो भी है; और जो तोसे बतकाए रौ है, बौ बहे है।” 38 बौ कही, “हे प्रभु, मैं बिस्वास करथौ।” और बौ ईसु के घुपटियाय के आराधना करी। 39 तौ फिर

ईसु कही, “मैं जौ दुनिया में न्याय करन के ताही आओ हौ, ताकी जो नाय देखथै बे देखै, और जोके दिखाथै बे अंधरा हुई जायें।” 40 और जो फरीसी बाके संग रहैं, बे जे सब बात सुनके ईसु से कही, “का हमउँ अंधरा हैं?” 41 ईसु उनसे कही, “अगर तुम अंधरा होतो तौ पापी नाय ठहरते पर अब तुम कहथौ, कि हम देखथै, इसलै तुमरो पाप बनो रहथै।”

10 “मैं तुमसे सच्ची-सच्ची कहथौ, कि जो कोई फाटक से भेड़ कि सार में नाय जागो, पर दूसरे घाँई से घुस जाथै, तौ बौ चूटा और डाँकू है। 2 पर जो फाटक हुईके जाथै, बौ भेड़न के चुगान बारो है। 3 उनको मालिक उनके ताही फाटक खोलथै, और भेड़ बाकी अबाज के सुनथै, और बौ अपनी भेड़न के नाओ लै-लैके मस्काथै और बाहर लै जाथै। 4 और जब बौ अपनी भेड़न के निकार चुको होथै, तौ बौ उनके अगु-अगु चलथै, और भेड़ बाके पच्छ-पच्छ चल देथै; काहेकि बे बाकी अबाज के जानथै। 5 पर बे दुसरेन के पच्छ नाय जांगी, और उल्टा बासे भाजंगी, काहेकि बे पराए के बोलके नाय जानथै।” 6 ईसु उनसे जौ कहानी कही, पर बे नाय समझे, कि जौ का बात है, जो जौ हमसे कहरी है। 7 तौ ईसु उनसे फिर कही, “मैं तुमसे सच्ची-सच्ची कहथौ, कि भेड़न को फाटक में हो। 8 जिते मोसे पहले आए; बे सब चूटा और डाँकू हैं पर भेड़ बाकी नाय सुनी। 9 फाटक में हौ; अगर कोई मेरे जरिये भीतर जाबेगो तौ बौ उद्धार पाबेगो और भीतर आए-जाए करेगो और चारो पाबेगो। 10 चूटा और कछ काम ताही नाय आथै बौ खाली चोरी करन और घात करन और खतम करन के आथै। मैं इसलै आओ कि बे जिंदगी पायें, और खबै पायें। 11 अच्छो बरदिया मैं हौ; एक अच्छो बरदिया अपनी भेड़न के ताही ज्यान न तक देथै। 12 मजदूर जो ना चारो चुगान बारो है, और ना भेड़न को मालिक है, बौ भेड़ियन के आत भौ देखत खिना कि, भेड़न के छोड़के भाज पड़थै, और भेड़िया उनके पकड़थै, और तितर-बितर कर देथै। 13 बौ इसलै भाज पड़थै कि बौ मजदूर है, और बाके भेड़न की फिकर नाय है। 14 अच्छो बरदिया मैं हौ; मैं अपनी भेड़न के जानथौ, और मेरी भेड़ें मौके जानथै। 15 मैं अच्छो बरदिया हौ। जैसो दऊवा मौके जानथै और मैं दऊवा के जानथौ, बैसिये मैं अपनी भेड़न के जानथौ। और मैं उनके ताही ज्यान देन ताही तैयार हौ। 16 और मेरी औरी भेड़न के झुंड हैं, जो जौ की सार की नाय हैं; मौके उन्हँ के लानो जरूरी है, बे मेरी अबाज के सुनंगी; तौ फिर बाद मैं एकै झुंड और एकै चुगान बारो बरदिया होगो। 17 दऊवा मोसे इसलै प्यार करथै, कि मैं अपनी ज्यान दै देथौ, मैं अपनी जान देथौ ताकी फिर से बापिस पाए सकौ। 18 कोई बाके मोसे नाय छीन सकथै, उल्टा मैं बाके अपने आप देथौ। मौके बाके देनो को अधिकार है, और बासे फिर लै लेन को भी अधिकार है। जौ आग्या मेरे दऊवा से मौके मिली है।” 19 जे सब बातन की बजह से यहूदियन में फिर फूट पड़ गई। 20 उनमें से गजब जनी कहेन लागे, “बाके भीतर प्रेत आत्मा है, और बौ पागल है; बाकी काहे सुनै हौ?” 21 और जनी कही, “जे बातें ऐसे आदमी की नाय हुई सकथै जोके भीतर प्रेत आत्मा होबै, का भूत अंधरन की आँखी अच्छी कर देगो?” 22 यरूसलेम में

मंदिर के समरपड़ को त्योहार आओ, और जाड़े को समय रहे। 23 बिमार है, तो जो जघा मैं बौ रहै, हूँआँ पर दुई दिन और स्क गौ। 7 फिर जाके बाद बौ चेलन से कही, “आबौ, हम फिर से यहदिया कै के आए कै घेर लई और पूँछी, “तै हमरे मन के कबले दुविधा मैं रखागो? अगर तै मसीह है, तौ हमसे सपा-सपा कहदे।” 25 ईसु उनके जबाब दई, “मैं तुमसे कह दौ हौं, और तुम तहँओ बिस्वास करतै ना हौ, जो काम मैं अपने दऊवा के नाओं से करथौ बेई मेरे गभा हैं; 26 पर तुम इसलै बिस्वास ना करथौ, कि तुम मेरी भंडन मैं से नाय हौ। 27 मेरी भंडै मेरी अबाज कै सुनथै, और मैं उनके जानथौ, और बे मेरे पच्छ-पच्छ चलथै। 28 और मैं उनके अनंत जिंदगी देथौ, और बे कहू खतम नाय होंगी, और कोई उनके मेरे हाथ से नाय छीन पागो। (aiōn g165, aiōnios g166) 29 मेरो दऊवा, जो कि उनके मोकै दई है, सबसे बड़ो है, और कोई उनके बाबा के हाथ से छीन नाय सकथै। 30 मैं और मेरो दऊवा एक हौं।” 31 यहदि ईसु उनसे कही, “मैं तुमकै अपने दऊवा के घाँई से किते भले अच्छे काम दिखाओ हौं, उनमैं से कोनसे काम के ताहीं तुम मोकै पथरा मारथौ?” 33 यहदि बाकै जबाब दई, “अच्छे काम के ताहीं हम तोकै पथरा नाय मारथै, पर तै परमेस्वर की बदनामी करो है, और इसलै कि तै इंसान हईके अपने आपकै परमेस्वर बनाथै।” 34 ईसु उनके जबाब दई, “तुमरे नियम मैं लिखो है कि परमेस्वर कही, ‘तुम्हई देवता हौ।’ 35 का हियाँ पर ईस्वर उन्हई लोगन कै नाय कहो गौ, जोकै परम दऊवा परमेस्वर की बात मिल चुकी है; और साझ को टुकड़ा-टुकड़ा नाय करो जाए सकथै। 36 तौ जोकै दऊवा पवित्र मानकै जौ दुनिया कै समर्पित करी है, तुम बासे कहथौ, तै परमेस्वर कि बुराई करथै इसलै कि मैं कहो, ‘मैं परमेस्वर को लौड़ा’ हौं? 37 अगर बौ काम जो मेरो दऊवा मोसे करवानो चाहत होबै और मैं ना करो होमौ, तौ मेरो बिस्वास मत करौ। 38 पर अगर मैं करथौ, तौ चिहं मेरो बिस्वास मत करौ, पर बे कामन मैं बिस्वास करौ, ताकी तुम जानौ, और समझौ, कि दऊवा मेरे मैं है, और मैं बाबा मैं हौं।” 39 तौ फिर से बे बाकै पकडन की कोसिस करी पर ईसु उनके हाथ से निकर गौ। 40 फिर ईसु यरदन नदिया के बौ पाँजर बौ जघा मैं चले गौ, जहाँ पर यूहन्ना पहले बपतिस्मा देत रहै, और हूँए रहो। 41 और तमान जनी बाकै झोने आयकै कहत रहै, “यूहन्ना तौ कोई चिन्ह नाय दिखाई, पर जो कछु यूहन्ना जाके बारे मैं कही रहै बौ सब सच्ची है।” 42 और हँन पर तमान जनी बाकै ऊपर बिस्वास करी।

11 मरियम और बाकी बहेनिया मार्था के गाँव बैतनिय्याह मैं लाजर नाओ को एक आदमी बिमार रहै। 2 जौ बहे मरियम रहै जो प्रभु ईसु के ऊपर इतर से अभिसेक करी डारकै बाकी टाँग कै अपने बारन से पोछी रहै, जहे को भईय्या लाजर बिमार रहै। 3 और बाकी बहेनिया ईसु कहन ताहीं पनारी कि, “प्रभु, देख, तेरो प्रिय दोस्त, बौ बिमार है।” 4 जौ सुनकै ईसु कही, “जौ बिमारी मौत की नाय है, पर परमेस्वर की महिमा के ताहीं है, कि बाकै जरिये परमेस्वर के लौड़ा की महिमा होबै।” 5 ईसु, मार्था और बाकी बहेनिया लाजर से प्यार करे करत रहे। 6 जब ईसु सुनी, कि बौ

बिमार है, तौ जो जघा मैं बौ रहै, हूँआँ पर दुई दिन और स्क गौ। 7 फिर जाके बाद बौ चेलन से कही, “आबौ, हम फिर से यहदिया कै मारनो चाहत रहै, और का तै हँन जानो चाहथै?” 9 ईसु कही, “का दिन के बारह घंटा नाय होथै? अगर कोई दिन मैं चले, तौ ठोकर नाय खाथै, काहँकि जौ दुनिया को उजियारो देखथै। 10 पर अगर कोई रात मैं चले, तौ बौ ठोकर खाथै, काहँकि बाकै उजियारो नाय है।” 11 ईसु ऐसे करकै कही, और जाके बाद उनसे कहन लागो, “आपन को दोस्त लाजर सोए गौ है, और मैं बाकै जगान कै जाएँ हौ।” 12 तौ चेला ईसु से कही, “प्रभु, अगर बौ सोए गौ है, तौ अच्छो हुई जागो।” 13 ईसु तौ बाकै मरन के बारे मैं कही रहै, पर बे समझे कि बौ नींद से सोन के बारे मैं कहरो है। 14 तौ ईसु उनसे सपा-सपा कह दई, “लाजर मर गौ है, 15 और मैं तुमरी बजह से खुस हौं कि मैं हूँआँ नाय रहँ जोसे कि तुम बिस्वास करौ। पर अब आबौ, हम बाकै झोने चलै।” 16 तौ थोमा जो दिदमुस कहो जात रहै, अपने संग बारे चेलन से कही, “आबौ, आपनौं बाकै संग मरन कै चलै।” 17 फिर ईसु बैतनिय्याह पुगो तौ पता चलो कि लाजर कै कबर मैं रखे भे चार दिन हुई चुके हैं। 18 बैतनिय्याह यरुसलेम के झोने कोई तीन किलो मीटर की दूरी मैं रहै। 19 और गजब यहदि मार्था और मरियम के झोने बाकै भईय्या के बारे मैं सांति देन के ताहीं आए रहैं। 20 जब मार्था ईसु के आन की खबर सुनकै ईसु से मिलन कै गई, पर मरियम घरई मैं स्क गई। 21 मार्था ईसु से कही, “प्रभु, अगर तै हीना पर होतो, तौ मेरो भईय्या नाय मरतौ! 22 और अभऊ मैं जानथौ, कि जो कछु तै परमेस्वर से माँगो, परमेस्वर तोकै देगो।” 23 ईसु बासे कही, “तेरो भईय्या जिंदो हुई जागो।” 24 मार्था बासे कही, “मैं जानथौ, आखरी दिन मैं दुबारा पुनरुत्थान के समय बौ जी उठेगो।” 25 ईसु बासे कही, “पुनरुत्थान और जिंदगी मही हौं, जो कोई मेरे ऊपर बिस्वास करथै बौ अगर मरियो जावै, तहँओ जिविगो; 26 और जो कोई जिंदो है, और मेरे ऊपर बिस्वास करथै, बौ अनंतकाल तक नाय मरेगो, का तै जौ बात मैं बिस्वास करथै?” (aiōn g165) 27 बौ ईसु से कही, “हाँ, प्रभु! मैं बिस्वास कर चुकी हौं, कि परमेस्वर को लौड़ा मसीह जो जौ दुनिया मैं आनबारो रहै, बौ तै है।” 28 ऐसे कहकै बौ चली गई, और अपनी बहेनिया मरियम कै चूपे से बुलाएकै कही, “ईसु मसीह हिँए पर है, और तोकै बुलाए रौ हौ।” 29 बौ ऐसे सुनत खिना कि तुरतै हँना से उठकै ईसु के झोने चली गई। 30 ईसु अभै तक गाँव मैं नाय पहँचो रहै, पर बौ बहे जघा मैं रहै जहाँ मार्था से भेटा करी रहै। 31 तौ जो यहदि बाकै संग बाकै घेर रहैं, और बाकै सांति देत रहैं, जौ देखके कि मरियम तुरतै उठकै बाहर कै गई है, और बे जौ समझी कि बौ कबर मैं रोन कै जाए रइ है, बे बाकै पच्छ-पच्छ चल दई। 32 जब मरियम हँना पुगी, जहाँ पर ईसु रहै, तौ ईसु कै देखत खिना कि बाकी टाँग मैं गिरकै कही, “प्रभु, अगर तै हीना पर होतो तौ मेरो भईय्या नाय मरतौ!” 33 जब ईसु बाकै और बे यहदियन कै जो मरियम के संग-संग आए रहैं उनके रोट भौ देखी, तौ ईसु आत्मा मैं गजब उदास और बेचैन हुई गौ। 34 और कही, “तुम बाकै कहाँ पर रखे हो?” बे ईसु से कही “हे प्रभु, चलकै देखले।” 35 ईसु रोई। 36 तौ यहदि कहन लगे,

“देखो, बौ बासे कितो प्यार करथै!” 37 पर बाँमे से गजब जनी ऐसे ईसु के संग जो खानु खान के ताहीं बैठे रहै लाजरौ उनमै से एक कही, “जौ आदमी अंधरा की आँखी खोल दई, का लाजर के मरन से नाय बचाए सकथै?” 38 ईसु मनै मन फिर गजब उदास हुईकै कबर मै आओ, हूँआँ पर गुफा रहै, और गुफा के मोहोँके पथरा से बंद करो गौ रहै। 39 ईसु कही, “पथरा के उठाबौ!” बौ मरे भै की बहेनिया मार्था बासे कहेन लागी, “प्रभु, बौ तौ अब गिंघात होगो, काहैकि बाँके मरे भै चार दिन हुईगै हैं।” 40 ईसु बासे कही, “का मै तोसे नाय कहो रहों कि अगर तैं बिस्वास करैगी, तौ परमेस्वर की महिमा कै देखैगी।” 41 तौ बे बौ पथरा के हटाई, फिर ईसु अपनी नजर उठाएँकै कही, “हे दऊवा, मैं तेरो धन्यवाद करथौँ कि तैं मेरी सुन लौ है। 42 और मैं जानत रहों, कि तैं हमेसा मेरी सुनथै, पर जो भीड़ आसपास ठाडी पडी है, उनकी बजह से मैं ऐसे कहो, जोसे कि बे बिस्वास करै, कि तैं मोँके पनारो है।” 43 ऐसे कहकै ईसु फिर बडा जोर से कही, “ए लाजर, निकर आ!” 44 जो मर गौ रहै, बौ कफन सुंदा हाथ पाँव बंधो भौ निकर आओ और बाको मोहों अंगोछा से लिपटो पडो रहै। फिर ईसु उनसे कही, “बाँके खोल देबौ और जान देबौ।” 45 तौ जो यहूदि मरियम के झोने आए रहै, और ईसु को ऐसो काम देखी रहै, उनमै से तमान जनी बाँके ऊपर बिस्वास करी। 46 पर उनमै से किते जनी ऐसे रहै जो कि फरीसियन के झोने जाएँकै ईसु के काम की खबर दई। 47 जे सब सुनन के बाद मुखिया पुजारी और फरीसी लोग सभा के लोगन कै इखटो करकै कही, “हमै का करनो चाहिए? जौ आदमी तौ बडा चिन्ह दिखाए रौ है! 48 अगर आपन बाँके ऐसिये छोड़ देंगे, तौ सब लोग बाँके ऊपर बिस्वास करन लग जांगे और रोमी नेता हमरे मंदिर और देस दोनों के ऊपर अपनो अधिकार कर लेंगे!” 49 तौ उनमै से कैफा नाओं को एक आदमी जो कि बहे साल को बडो पुजारी रहै, बौ कही, “तुम कछु नाय जानथौ! 50 और ना ऐसे समझथौ, कि जौ तुमरे ताहीं भलो है, कि आपन के लोगन के ताहीं एक इंसान मरे, और पूरी जाति खतम नाय होबै।” 51 जे बात बौ अपने मन से नाय कही, पर बौ साल को बडो पुजारी हुईकै भविस्व्यवाँडी करी, कि ईसु बौ यहूदि लोगन के ताहीं मरेगो; 52 और ना खाली उनके लोगन ताहीं, बल्किन जहो ताहीं कि परमेस्वर के तितर-बितर बालकन के एक कर देबै। 53 और बहे दिन से यहूदि नेता ईसु कै मार डारन की साजिस करन लग्यै। 54 तौ ईसु बौ समय से यहूदियन के अगु नाय गौ, पर हूँना से जंगल के किनारे के परदेस इफ्राईम नाओं के एक सहर मै चले गौ; और अपने चलन के संग हूँए रहन लगो। 55 यहूदियन को फसह को त्योहार झोने आए चुको रहै, और गजब जनी फसह से पहले, गाँव से यरूसेलेम कै गै कि बे अपने आपकै सुद्ध कर लमै। 56 और बे ईसु कै ढूँडन लगे और मंदिर मै ठाडके आपस मै कहेन लगे, “तुम का सोचथौ? का बौ त्योहार मै नाय आगो?” 57 मुखिया पुजारी और फरीसी भी आग्या दै रखाई रहै कि अगर कोई कै पता होबै कि ईसु कहाँ है तौ बौ बताबै, ताकी बे बाँके पकड़ सकै।

12 फिर ईसु फसह से छे दिन पहले बैतनिय्याह मै आओ जहाँ पर लाजर रहै, जोकि ईसु मर कै भी जिंदो करी रहै। 2 हूँना पर बे ईसु के ताहीं खानु बनाई; और मार्था ईसु की सेवा करत रहै,

ईसु के संग जो खानु खान के ताहीं बैठे रहै लाजरौ उनमै से एक रहै। 3 मरियम जटामासी से बनो भौ लमसम आधो किलो सुद्ध इतर लैकै ईसु की टाँगन मै अभिसेक करी, और अपने बार से बाकी टाँगन के पछोनी। इतर की मीठी महक से पूरो घर महाक गौ। 4 पर बाँके चलन मै से यहूदा इस्करियोती नाओं को एक चेला जो ईसु कै पकड़बानो चहात रहै, बौ कहेन लागो, 5 “जौ इतर तीन सौ चाँदी के सिक्का मै बेचकै गरीबन के काहे ना दौ गौ?” 6 बौ जौ बात इसलै नाय कही, कि बाँके गरीबन की फिकर रहै, पर इसलै कि बौ खुद चुटा रहै, बाँके झोने उनके गुल्लक रहत रहै, और बाँमे जो कछु डारो जात रहै, बौ बाँमे से निकार लेत रहै। 7 ईसु कही, “बाँके रहन देयौ। बाँके मेरे गाडे ज्यान बारे दिन के ताहीं रहन देयौ। 8 काहैकि गरीब तौ तुमरे संग हमेसा रहथै, पर मै तुमरे संग हमेसा ना रहेंगो।” 9 जब यहूदियन की बडी भीड़ ज्यान गई कि ईसु बैतनियाह मै है, तौ बे ना खाली ईसु के मारे आए पर बे जहो ताहीं आए कि बे लाजर कै देखै, जोकि बौ मरे भै मै से जिंदो करी। 10 तौ फिर मुखिया पुजारी लाजर कै भी मार डारन की साजिस करी, 11 काहैकि बाकी बजह से तमान यहूदि चले गै और ईसु मै बिस्वास करी। 12 दुसरे दिन तमान लोग फसह के त्योहार मै आए रहै जौ सुनी कि ईसु यरूसेलेम मै आए रौ है। 13 तौ बे खजूर की हंगईय्या लई और बासे मिलन ताहीं निकरे, और चिल्लान लग्यै, “परमेस्वर की स्तुति हो! धन्य इसाएल को राजा, जो प्रभु के नाओं से आथै!” 14 जब ईसु कै एक गधा मिलो; तौ बौ बाँके ऊपर बैठगौ, जैसो नियम मै लिखो है, 15 “मत डराबै सिन्योन सहर! हियाँ तुमरो राजा, एक गधईया के बच्चा के ऊपर बैठकै आथै।” 16 बाँके चेला जे बात पहले ना समझी रहै, पर जब ईसु की महिमा दिखाई दई तौ उनकै याद आओ कि जे बात बाँके बारे मै लिखी पडी रहै और लोग बासे कतई ऐसिये व्यवहार करी रहै। 17 तौ भीड़ के लोग गभाई दई, जो बौ समय बाँके संग रहै ऐसे गभाई दई कि बौ लाजर कै कबर मै से बुलाएँकै, मरे भै मै से जिंदो करी रहै। 18 जहे बजह से लोग बासे मिलन कै आए रहै काहैकि बे सुनी रहै कि बौ जौ चिन्ह दिखाई है। 19 तौ फरीसी आपस मै बतकाई, “सोचौ, तुम लोग कछु नाय कर पाएरै हो; देखौ, दुनिया बाँके पच्छू हुई चली है।” 20 जो लोग फसह के त्योहार मै सभाघर मै आराधना के ताहीं यरूसेलेम मै आए रहै उनमै फिलिप्पुस के झोने आयकै बासे नहारे करी, “स्त्रीमान, हम प्रभु ईसु से भेटा करनो चाहथौ।” 22 फिलिप्पुस आयकै अन्दियास से कही, तौ फिर अन्दियास और फिलिप्पुस जाएँकै ईसु से कही। 23 जौ सुनकै ईसु कही, “बौ समय आए गौ है कि आदमी के लौडा की महिमा होबै। 24 मै तुमसे सच्ची-सच्ची कहथौँ कि जबले गेहूँ को गूदा जमीन की मट्टी मै पड़कै मर नाय जाथै, बौ अकेलो रहथै; पर जब मर जाथै, तौ गजब फल लाथै। 25 जो अपनी ज्यान कै प्रिय जानथै, बौ बाँके खोए देथै; और जो जौ दुनिया मै अपनी ज्यान कै प्रिय ना जानथै; बौ अनंत जिंदगी पाबैगो। (aiōnios g166) 26 अगर कोई मेरी सेवा करै, तौ मेरे पच्छू हुई लेबै; और जहाँ मै हौँ, हूँना मेरो सेवक होगो। अगर कोई मेरी सेवा करै, तौ दऊवा बाको आदर करैगो।” 27 “अब मेरो मन घबराय रौ है। अब मै का कहमौ? का

मैं कहमी, 'हे दऊवा, मोकै जौ घड़ी से बचा? पर मैं जहे बजह से जौ घड़ी के पहुँचो हौँ।' 28 हे दऊवा, अपने नाओं की महिमा कर, तौ स्वर्ग से अबाज आई, 'मैं बाकी महिमा करो हौँ, और तहँओ करंगो।' 29 तौ जो लोग ठाड़के सुनत रहैं बे कही कि बादर कडको। और दूसरे कही, 'कोई स्वर्गदूत बासे बोली।' 30 जे बातन मैं ईसु कही, 'जो बोल मेरे ताही नाय, जौ तौ तुमरे ताही आओ है। 31 अब जौ दुनिया को न्याय होगो, और अब जौ दुनिया को मुखिया निकार दौ जागो। 32 और मैं अगर पृथ्वी मैं से ऊँचे में चढाओ जांगो, तौ सब जनी कै अपने झोने खीचंगो।' 33 ऐसो कहकै बौ जौ बताए दई कि बौ कैसे करके मोत से मेरेगो। 34 जे सब बात सुनकै लोग ईसु से कही, 'हम नियम की जौ बात सुने हैं कि मसीह अनंत के ताही रहबौगे, फिर तैं काहेकै कहरो है कि आदमी के लौड़ा के ऊँचे में चढाओ ज्यानो जरूरी है? जौ इंसान को लौड़ा कौन है?' (aiōn g165) 35 ईसु उनसे कही, 'उजियारो अब जरा देर तक तुमरे बीच में है। जबले उजियारो तुमरे संग है तौले मेरे पच्छु चले चलौ, ऐसो ना होबै कि अधियारो तुमकै आए घेर; जो अधियारे मैं चलथे बौ नाय जानथे कि किंतै जाएरो है। 36 जबले उजियारो तुमरे संग है, उजियारो में बिस्वास करौ ताकी तुम उजियारो की औलाद बनौ।' जे बात कहकै ईसु चले गौ और उनसे लुको रहो। 37 ईसु उनके सामने इतने चिन्ह दिखाई, तहँओ बे बाके ऊपर बिस्वास नाय करी, 38 ताकी यसायाह भविष्यवक्ता की भविष्यवाँडी के बचन पूरो होबै जो बौ कही; 'ओ प्रभु, हमरी खबर को कौन बिस्वास करो है? और प्रभु की सामर्थ्य कौनके ऊपर दिखाई दई है?' 39 जौ बजह से बे बिस्वास नाय कर पाई, काहेकि यसायाह जहो कही है; 40 'बौ उनकी आँखी अंधरी, और उनको मन कररो कर दई है; कही ऐसो ना होबै कि बे आँखिन से देखे, और मन से समझें, और घूँम-फिरे, और मैं उनके अच्छो करौ।' 41 यसायाह जे बातें इसलै कही कि बौ ईसु कि महिमा कै देखी, और बौ बाके बारे में बतकाई। 42 तहँओ यहूद मुखियन मैं से गजब जनी बाके ऊपर बिस्वास करी, पर फरीसियन के बजह से अपने बिस्वास करन के बारे में नाय बताई, कि कही ऐसो ना होबै कि बे सभापर मैं से निकारे जाँमैं। 43 काहेकि इंसानन कि तरफ से दौ भौ महिमा उनके परमेस्वर के जरिये दै भै सम्मान से जाधा प्यार करथैं। 44 ईसु चिल्लाए कै कही, 'जो मेरे ऊपर बिस्वास करथे, बौ मेरे ऊपर नाय बल्कि मेरे भेजन बारे के ऊपर बिस्वास करथे। 45 और जो मोकै देखथे, बौ मेरे भेजन बारे के देखथे। 46 मैं जौ दुनिया मैं जोती बनकै आओ हौँ, ताकी जो कोई मेरे ऊपर बिस्वास करे बौ अधियारे मैं नाय रहबै। 47 अगर कोई मेरी बात सुनके नाय माने, तौ मैं बाके कसूरवार नाय मानथौ; काहेकि मैं जौ दुनिया मैं परखन के नाय, पर मैं जौ दुनिया को बचान के आओ हौँ। 48 जो मोकै बेकार जानथे और मेरी बातन के नाय अपनात है बाके कसूरवार ठहरान बारो तौ एक है। मतलब जो बचन मैं कहो हौँ, बहे आखरी दिनन मैं बाके परखंगो! 49 काहेकि मैं अपनी घाँई से बात नाय करो; पर दऊवा जो मोकै भेजी है बहे मोकै आग्या दई है कि का-का कहमी और का-का बोलौ। 50 और मैं जानथौ कि बाको आग्या अनंत जिंदगी है। इसलै मैं जो कछु बोलथौ, बौ जो दऊवा मोसे कही है बैसिये बोलथौ।' (aiōnios g166)

13 फसह के त्योहार से पहले, जब ईसु जान लई कि मेरो समय आए गौ है कि जौ दुनिया के छोड़के परम दऊवा परमेस्वर के झोने जाऊँ, तौ अपने लोगन से जो जौ दुनिया मैं रहैं जैसो बौ प्यार रखत रहै, आखरी तक बैसिये प्यार रखत रहो। 2 जब सैतान सिमौन के लौड़ा यहूदा इस्करियोती के मन मैं जौ डार चुको रहै कि बाकै पकड़बाबै, तौ खानु खान के समय 3 ईसु, जौ जानकै कि दऊवा सब कछु मेरे हाथ में कर दई है और मैं परमेस्वर के झोने से आओ हौँ और परमेस्वर के झोने जाथौँ, 4 खानु से उठकै अपने ऊपर के लता उतार दई, और अंगोछा से अपने करिहँओ भाँदी। 5 तौ फिर बौ बर्तन मैं पानी भरकै चेलन की टाँग धोन और जो अंगोछा से बौ अपनो करिहँओ भाँदी रहे बहे से पछोनन लगो। 6 जब बौ सिमौन पतरस के झोने आओ, तौ पतरस बासे कही, 'हे प्रभु, का तैं मेरी पाँव धोन के आए रौ है?' 7 ईसु बाकै जबाब दई, 'जो मैं करथौँ, तैं बौ अभै नाय जानथे, पर जाके बाद समझ जागो।' 8 पतरस बासे कही, 'तैं मेरी टाँग कहु नाय धोए पागो!' जौ सुनकै ईसु बासे कही, 'अगर मैं तौकै नाय धोमौ, तौ मेरो तेरे संग कोई रिस्ता नाय है।' (aiōn g165) 9 सिमौन पतरस बासे कही, 'हे प्रभु, तौ मेरे पाँव नाय, बाके संग-संग हाथ और मुडियौ धोए दे।' 10 ईसु बासे कही, 'जो हंदाए चुको है बाकै पाँव के सिबाय और कछु धोन की जरूरत नाय, पर बौ कतई सुद्ध है; एक कै छोड़के बाकी तुम सब सुद्ध हौ।' 11 बौ तौ अपने पकड़वान बारे के जानत रहै इसलै बौ कही, 'एक कै छोड़के बाकी तुम सब सुद्ध हौ।' 12 जब बौ उनकी टाँग के धोए चुको, और अपने लता पहनकै फिर से बैठगौ, तौ ईसु उनसे कहेन लागो, 'का तुम समझे कि मैं तुमरे संग का करो?' 13 तुम मोकै गुरु और प्रभु कहथौ, और ठीकै कहथौ, काहेकि मैं बहे हौँ। 14 अगर मैं प्रभु और गुरु बनकै तुमरे पाँव के धो, तौ तुमकै एक दुसरे के पाँव धोनो चाहिए। 15 काहेकि मैं तुमकै नमूना दिखाए दौ हौँ कि जैसो मैं तुमरे संग करो हौँ, तुम्हऊँ बैसिये करे करौ। 16 मैं तुमसे सच्ची-सच्ची कहथौँ, सेवक अपने मालिक से बडो नाय होथे, और ना खबरेया अपने भेजन बारे से। 17 तुम सच्ची बात जानथौ, और अगर तुम उनमें चलौ तौ तुम धन्य हौ! 18 'मैं तुम सबके बारे में नाय कहथौ; जोकै मैं चुन लौ हौँ, उनके मैं जानथौ; पर जौ इसलै है कि पवित्र साख्र को जौ बचन पूरो होबै, 'जो मेरी रोटी खाथे, बौ मेरे ऊपर लात चलाई।' 19 अब मैं बौ होन से पहले तुमकै बताए दे रौ हौँ कि जब खिना कि जौ बात हुई जाबे तौ तुम बिस्वास करियो कि मैं बहे हौँ। 20 मैं तुमसे सच्ची-सच्ची कहथौँ कि जो कोई मेरे भेजन बारे के अपनाय लेथे, बौ मोकै अपनाथे; और जो कोई मोकै अपनाथे, बौ मेरे भेजन बारे के अपनाथे।' 21 जे बात कहकै ईसु आत्मा मैं बेचैन भौ और जौ गभाई दई, 'मैं तुमसे सच्ची-सच्ची कहथौँ कि तुम मैं से एक जनी मोकै पकड़बागो।' 22 चेला सक की नजर से, कि बौ कौनके बारे में कहरो है, एक दुसरे कै देखन लागे। 23 बाके चेलन मैं से एक जोसे ईसु प्यार करत रहै, ईसु की छाती के घाँई लोहको भौ बैठो रहै। 24 सिमौन पतरस बाके घाँई इसारा करके बासे पूँछी, 'बता तौ, बौ कौनके बारे में कहरो है।' 25 तौ बौ बैसिये ईसु की छाती के घाँई लोहको भौ बासे पूँछी, 'हे प्रभु, बौ कौन है?' 26 ईसु जबाब दई, 'जो मैं जौ

रोटी को टुकड़ा डुबाय के दूंगो बहे है।” और बौ टुकड़ा डुबाय के है; अरे ना तो मेरे कामन के बजह से मेरो बिस्वास करौ। 12 मैं तुमसे सिमौन इस्करियोती के लौड़ा यहदा के दई। 27 टुकड़ा लेत खिना कि सैतान बाके भीतर घुस गौ। तौ ईसु बासे कही, “जो तैं कहथै, अभई करौ।” 28 पर बैठन बारन मैं से कोई नाय जानी कि बौ जौ बात बासे काहे ताहीं कही। 29 यहदा के झोने पैसन की थैलिया रहत रहै, इसलै कोई-कोई समझी कि ईसु बासे कहरो है कि जो कुछए हमकै त्योहार के ताहीं चाहिए बौ खरीद लेबै, या फिर जौ कि भिकमंगन के कुछ दे देबै। 30 और फिर यहदा रोटी को टुकड़ा लैकै तुरंत चले गौ; और बौ रात को समय रहै। 31 जब यहदा बाहर चले गौ तौ ईसु कही, “अब इंसान के लौड़ा की महिमा भइ है, और बाके जरिये परमेस्वर की महिमा भइ है। 32 अगर बाके जरिये परमेस्वर की महिमा भइ है, तौ परमेस्वर अपने जरिये इंसान के लौड़ा के महिमावान करेगो। और बौ बाके महिमा जल्दी देगो। 33 मेरे बालकौ, मैं जरा देर और तुमरे झोने हौं। फिर तुम मोकै बाद मैं ढूँढ़ेगो, और जैसो मैं यहदि नेतन से कहो, ‘जितैं मैं जाथौं हूँना तुम नाय आए सकथौ बैसिये अब मैं तुमसे कहथौ।’ 34 मैं तुमकै एक नई आग्या देथौ कि एक दुसरे से प्यार रखो; जैसो मैं तुमसे प्यार रखो हौं, बैसिये तुम्हँ एक दुसरे से प्यार रखौ। 35 अगर आपस मैं प्यार रखेगो, तौ जहे से सब जानगे कि तुम मेरे चेला हौ।” 36 सिमौन पतरस ईसु से कही, “हे प्रभु, तैं कहाँ जाएरौ है?” ईसु जबाब दई, “जहाँ मैं जाथौं हूँना तैं अभै मेरे पच्छु आए नाय सकथै; पर जाके बाद मेरे पच्छु आगो।” 37 पतरस बासे कही, “हे प्रभु, अभै मैं तेरे पच्छु काहेंके नाय आए सकथौ? मैं तौ तेरे ताहीं अपनी ज्यान तक दै दूंगो।” 38 ईसु जबाब दई, “का तैं मेरे ताहीं अपनी ज्यान तक दै देगो? मैं तोसे सच्ची-सच्ची कहथौ, कि मुर्गा बासन से पहले तीन बार तैं कहगो कि मैं तोकै ना जानथौ।”

14 ईसु उनसे कही, “तुम अपने मन मैं परेसान मत होबौ, परमेस्वर के ऊपर, और मेरे ऊपरौ बिस्वास रखौ। 2 मेरे दऊवा के घर मैं गजब रहन ताहीं जघा है, अगर ऐसो नाय होतो तौ मैं तुमसे कह देतो; काहेंकि मैं तुमरे ताहीं जघा बनान के जाएरौ हौं। 3 और अगर मैं जाएकै तुमरे ताहीं जघा बनामौ, तौ फिर अथकै तुमके अपने हिर्यौ ले जांगो कि जहाँ मैं रहमौ हूँना तुम्हँ रहबौ। 4 जहाँ पर मैं जाथौं तुम हूँआँ की रहा जानथौ।” 5 थोमा बासे कही, “हे प्रभु, हम नाय जानथै कि तैं कहाँ जाएरौ है; तौ रहा कैसे जानगे?” 6 ईसु बासे कही, “रहा और सच और जिंदगी मैं ही हौं; बिना मेरे जरिये कोई दऊवा के झोने नाय पौहौक सकथै। 7 अगर तुम मोकै जानत होते, तौ मेरे दऊवा के जानत होते; और अब तुम बाकै जानथौ, और बाकै देखे भी हौ।” 8 फिलिप्पुस बासे कही, “हे प्रभु, दऊवा के हमकै दिखाए दे, जहे हमरे ताहीं भौत है।” 9 ईसु बासे कही, “फिलिप्पुस, मैं इते दिनन से तुमरे संग हौं, और का तैं मोकै नाय जानथै? जो मोकै देखो है बौ दऊवा के देखी है। तैं काहे कहरो है कि दऊवा के हमकै दिखा? 10 फिलिप्पुस का तैं बिस्वास नाय करथै कि मैं दऊवा हौं और दऊवा मेरे मैं है? ईसु अपने चेलन से कही, जे बातें जेम्पे अपनी तरफ से नाय कहथौ, पर दऊवा मेरे मैं रहकै अपने काम करथै। 11 मेरो बिस्वास करौ कि मैं दऊवा मैं हौं और दऊवा मेरे मैं

है; अरे ना तो मेरे कामन के बजह से मेरो बिस्वास करौ। 12 मैं तुमसे सच्ची-सच्ची कहथौ कि जो मेरे ऊपर बिस्वास रखथै, जे काम जेम्पे करथौ बहो करेगो, बल्किन जेऊँ से बडे काम करेगो, काहेंकि कि मैं दऊवा के झोने जाएरौ हौं। 13 जो कछु तुम मेरे नाओ से माँगिगे, बहे मैं करंगो कि बालक के जरिये दऊवा की महिमा होबै। 14 अगर तुम मेरे नाओ से कछु माँगिगे, तौ मैं बाकै करंगो।” 15 “अगर तुम मोसे प्यार करथौ, तौ तुम मेरी आग्या के मानेगो। 16 मैं दऊवा से नहोरे करंगो, और बौ तुमकै एक मदत करन बारो देगो, कि बौ हमेसा तुमरे संग रहबै। (aiōn g165) 17 मतलब सच्चाई की आत्मा, जोकै दुनिया अपनाय ना सकथै, काहेंकि बौ ना बाकै देखथै और ना बाकै जानथै; तुम बाकै जानथौ, काहेंकि बौ तुमरे संग रहथै, और बौ तुम मैं होगो।” 18 “मैं तुमकै अकेलो नाय छोड़ंगो; मैं तुमरे झोने आथौं। 19 थोड़ी देर और रहगो है फिर मोकै दुनिया नाय देखेगी, पर तुम मोकै देखेगो; इसलै कि मैं जिंदो हौं, तुम्हँ जिंदे रहबेगो। 20 बौ दिन तुम जाँगे कि मैं अपने दऊवा मैं हौं, और तुम मेरे मैं, और मैं तुम मैं। 21 जोके पास मेरी दई गई आग्या है और बौ उनके मानथै, बहे मोसे प्यार करथै; और जो मोसे प्यार करथै बासे मेरो दऊवा प्यार करेगो, और मैं बासे प्यार करंगो और अपने आपकै बाके ऊपर दिखांगो।” 22 बौ यहदा जो इस्करियोती नाय रहै, बौ ईसु से कही, “हे प्रभु, का भौ तैं अपने आपकै हमरे ऊपर प्रकट करनो चाहथै और दुनिया के ऊपर नाय?” 23 ईसु बाकै जबाब दई, “अगर कोई मोसे प्यार रखेगो तौ बौ मेरी सिक्का के मानेगो, और मेरो दऊवा बासे प्यार रखेगो, और हम बाके झोने आंगे और बाके संग रहमंगे। 24 जो मोसे प्यार नाय रखथै, बौ मेरी सिक्का के नाय मानथै; और जो सिक्का के तुम सुनथौ बौ मेरो नाय बल्किन दऊवा को है, जो मोकै भेजी है।” 25 “जे बात मैं तुमरे संग रहत भौ तुमसे कहो। 26 पर मदत करन बारो यानी कि पवित्र आत्मा जोकी दऊवा मेरे नाओ से भेजेगो, बौ तुमकै सब बात सिखांगो, और जो कछु मैं तुमसे कहो हौं, बौ सब चीज तुमकै याद कराबेगो।” 27 “मैं तुमकै सांति दै जाएरौ हौं, अपनी सांति तुमकै देथौ; जैसे दुनिया देथै, मैं तुमकै नाय देथौ, तुमरो मन घबरावे नाय और ना डराबै। 28 तुम सुने कि मैं तुमसे कहो, ‘मैं जाथौं और तुमरे झोने फिर बाद मैं आंगो।’ अगर तुम मोसे प्यार करते, तौ जौ बात से खुस होते कि मैं दऊवा के झोने जाएरौ हौं, काहेंकि दऊवा मोसे बडो है।” 29 और मैं अब जौ होन से अगु तुमसे कह दौ हौं, कि जब बौ हुई जाए, तौ तुम बिस्वास करियो। 30 मैं अब तुमरे संग और अगरी बात ना करंगो, काहेंकि जो दुनिया को मुखिया आए रौ है। मेरे ऊपर बाको कोई अधिकार ना है, 31 पर जे बात इसलै ही रह है ताकी जौ दुनिया जान जाबै कि मैं परम दऊवा से प्यार करथौ, और दऊवा जैसो आग्या मोकै दई, मैं बैसिये करथौ, “अब उठौ, आपन हिर्यौ से चलै।”

15 “सच्ची दाखलता मैं हौं, और मेरो दऊवा रखबरिया है।

2 जो हँगईया मेरे मैं है और नाय फरथै, बाकै बौ काट देथै; और जो फरथै, बाकै बौ छाँटथै ताकी और फरे। 3 तुम तौ बौ सिक्का की बजह से जेम्पे तुमसे कहो हौं, बाकी बजह से पहलिये सुद्ध हौ। 4 तुम मेरे मैं बने रहबौ, और मैं तुम मैं बनो रहंगो। जैसे कि हँगईया

दाखलता से नाय जुरी होबै तौ अपने आप से नाय फर सकथै, बैसिये तुम अगर मेरे मैं नाय बने रहैगो तौ नाय फर सकथौ।” 5 मैं दाखलता हौं, तुम हँगईया हौ। जो मेरे मैं बने रहथै और मैं बाँमे बने रहथौ, तौ भौत फरथै, काहैकि तुम मोसे अलग हुईके कछु नाय कर सकथौ। 6 अगर कोई मेरे मैं नाय बने रहबै, तौ बौ हँगईया के हानी फेंक दौ जायै, और स्रख जायै; और लोग उनके बटोरकै आगी मैं डार देथै, बे पजर जायै। 7 अगर तुम मेरे मैं बने रहै और मेरो बचन तुमरे मैं बने रहो, तौ चँहै जो कछु माँगो बौ तुमरे ताहीं हुई जाबैगो। 8 जहे से मेरे परम दऊवा की महिमा होथै कि तुम गजबै फरौ तभई तुम मेरे चेला माने जागे। 9 जैसो परम दऊवा मोसे प्यार करी है, बैसिये मैं तुमसे प्यार करो; मेरे प्यार मैं बने रहबौ। 10 अगर तुम मेरी आग्या के मानैगे, तौ मेरे प्यार मैं बने रहबैगे; जैसे कि मैं अपने परम दऊवा के हुकम के मानो हौं, और बाके प्यार मैं बने रहथौ। 11 मैं जे बात तुमसे इसलै कहो हौं, कि मेरी खुसी तुम मैं बनी रहबै, और तुमरी खुसी पूरी हुई जाबै। 12 मेरी आग्या जौ है, कि जैसो मैं तुमसे प्यार करो हौं, बैसिये तुम्हँ एक-दुसरे से प्यार करौ। 13 जासे बडो प्यार कोई को ना है कि कोई अपने दोस्तन के ताहीं अपनी ज्यान दै देबै। 14 जो आग्या मैं तुम्के देथौ, अगर तुम बाँके मानो तौ तुम मेरे दोस्त हौ। 15 अब से मैं तुम्के सेवक ना कहँगे, काहैकि नौकर ना जानथै कि बाको मालिक का करथै; पर मैं तुमसे दोस्त कहो हौं, काहैकि जो बात मैं अपने परम दऊवा से सुनौं, बे सब तुम्के बताए दौ हौं। 16 तुम मोके नाय छोटै पर मैं तुम्के चुनो हौं और मैं तुम्के छोटै के रखो हौं कि तुम जाएँ फरौ और तुमरो फरा टिको रहबै, कि तुम मेरे नाओ से जो कछु परम दऊवा से माँगो, बौ तुम्के देबै। 17 जे बातन को आग्या मैं तुम्के इसलै देथौ कि तुम एक-दुसरे से प्यार करौ। 18 “अगर जौ दुनिया तुमसे बैर रखथै, तौ तुम जानथौ कि बे तुमसे अगु मोसे बैर रखी। 19 अगर तुम जौ दुनिया के होते, तौ जौ दुनिया अपने से प्यार करती; पर जौ बजह से कि तुम जौ दुनिया के ना हौ, बल्कि मैं तुम्के जौ दुनिया से चुन लौ हौं, जहे ताहीं जौ दुनिया तुमसे बैर रखथै। 20 जो बात मैं तुमसे कहो रहौं, ‘सेवक अपने मालिक से बडो नाय होथै जाँके समकियो।’ अगर बे मोके सताई, तौ तुम्हँ के सतागे; अगर बे मेरी सिकछा मानी, तौ तुमरियो मानगे। 21 पर जे सब चीज बे मेरे नाओ की बजह से तुमरे संग करंगे, काहैकि बे मेरे भेजन बारे के नाय जानथै। 22 अगर मैं नाय आतो और उनसे नाय बतकातो, तौ बे पापी ना माने जाते; पर अब अपने पाप के ताहीं उनके झोने कोई बहाना नाय है। 23 जो मोसे बैर रखथै, बौ मेरे परम दऊवा से भी बैर रखथै। 24 अगर मैं उनके बीच मैं काम नाय करतो जो कि और कोई नाय करो, तौ बे पापी नाय माने जाते; पर अब जब बे देख लई है, तहुँओ मोसे और मेरे परम दऊवा दोनों से बैर करी हैं। 25 जौ इसलै भौ कि बौ बचन पूरो होबै, जो कि उनकी नियम मैं लिखो है, ‘बे मोसे खाली-मूली बैर करी।’” 26 पर जब बौ मदत करन बारो आगे, जौके मैं तुमरे झोने परम दऊवा परमेस्वर की तरफ से भेजंगो, मतलब कि सच्ची आत्मा जो कि परम दऊवा कि तरफ से निकरथै, तौ बौ मेरी गभाई देगो। 27 और तुम्हँ मेरे गभा हौ काहैकि तुम सुरू से मेरे संग रहे हौ।

16 “जे बात मैं तुमसे इसलै कहो हौं कि तुम ठोकर नाय खाबौ। 2 बे तुम्के सभाघर मैं से निकार देगे, पर बौ समय आनबारो है, कि जो कोई तुम्के मार डारैगो बौ समझैगो कि मैं परमेस्वर की सेवा करथौ। 3 ऐसो बे इसलै करंगे कि बे ना तौ परम दऊवा के जानी हैं और ना तौ मोके जानथै। 4 पर जे बात मैं जौ ताहीं कहो, कि जब इनको समय आबै तौ तुम्के याद आए जाबै कि मैं तुमसे अगुए कह दौ रहौं, मैं सुरू मैं तुमसे जे बात जौ ताहीं नाय कहो काहैकि मैं तुमरेई संग रहौं।” 5 पर अब मैं खुद के भेजन बारे के झोने जाएँ हौं; और तुम मैं से कोई मोसे नाय पूँछ रो है, कि तैं कहाँ जाएँ है। 6 पर जो बात मैं तुमसे कहो हौं, जौ ताहीं तुमरो मन दुखी हुई गौ है। 7 तहुँओ मैं तुमसे सच्ची कहथौ कि मेरो जानो तुमरे ताहीं भलो है, काहैकि अगर मैं नाय जांगो तौ बौ मदत करन बारो तुमरे झोने नाय आगे; पर अगर मैं जांगो, तौ बाँके तुमरे झोने भेजंगो। 8 और जब बौ आगे, तौ दुनिया के लोगन के सामने साबित करैगो कि बौ पाप और धार्मिकता के बारे मैं जो सई हैं और जो परमेस्वर के न्याय के जरिया गलत ठहरथै। 9 पाप के बारे मैं जौ ताहीं कि बे मेरे ऊपर बिस्वास नाय करथै; 10 और धार्मिकता के बारे मैं जौ ताहीं कि मैं परम दऊवा के झोने जाएँ हौं, और तुम मोके कहए नाय देखेगे; 11 न्याय के बारे मैं जौ ताहीं कि जौ दुनिया को मुखिया कसूरवार मानो गौ है। 12 “मोके तुमसे औरौ गजब एक बात बतकाने है, पर अब तुम उनके झेल नाय सकथौ। 13 पर जब बौ मतलब कि सच्चाई को आत्मा आबैगो, तौ तुम्के बौ सब सच्चाई को रहा बताबैगो, काहैकि बौ अपनी तरफ से नाय कहेगो, पर जो कछु सुनैगो बहे कहगो, और आनबारी बात तुम्के बताबैगो। 14 बौ मेरी महिमा करैगो, काहैकि बौ मेरी बातन मैं से लैके तुम्के बताबैगो। 15 जो कछु परम दऊवा को है, बौ सब मेरो है; जौ ताहीं मैं कहो कि बौ मेरी बातन मैं से लैके तुम्के बताबैगो।” 16 “थोड़ी देर मैं तुम मोके नाय देखेगे, और फिर थोड़ी देर मैं मोके देखेगे।” 17 तौ फिर बाँके थोड़ी चेला आपस मैं बतकाई, “जौ का है जो बौ आपन से कहरी है, कि थोड़ी देर मैं तुम मोके नाय देखेगे, और फिर थोड़ी देर मैं मोके देखेगे? और जौ ‘इसलै कि मैं परम दऊवा के झोने जाएँ हौं।’ 18 तौ फिर बे कही, ‘जौ थोड़ी देर’ जो बौ कहरी है, का बात है? हम नाय जानथै कि बौ का कहरी है!” 19 इसु जानत रहे कि बे बासे सबाल पूँछनौ चाहथै, तभई उनसे कहथै, “मैं कहो, ‘थोड़ी देर मैं मोके नाय देखेगे, और फिर थोड़ी देर मैं मोके देखेगे।’ का तुम जहे बारे मैं पूँछ रहे हौ अपने आप? 20 मैं तुमसे सच्ची-सच्ची कहथौ कि तुम रोबैगे और विलाप करैगे, पर जौ दुनिया खुसी मनाबैगी; तुम्के दुख होगो, पर तुमरो दुख खुसी मैं बदल जागो। 21 बालका होन के समय बईय्यर के दुख होथै, काहैकि बाको दुख को समय आए चुको है, पर जब बौ बालका के जनम दै चुकी होथै, तौ जौ खुसी से कि जौ दुनिया मैं एक इंसान पैदा भौ है, बौ दुख के फिर दुबारा नाय समकथै। 22 बैसिये तुम्हँ के अबै तक दुख है, पर मैं तुमसे फिर से मिलंगो और तुमरे मन खुसी से भर जांगे; और तुमरी खुसी के कोई तुमसे छीन नाय पागो।” 23 “बौ दिन तुम मोसे कछु नाय पूँछेगे। मैं तुमसे सच्ची-सच्ची कहथौ, अगर परम दऊवा से कछु माँगैगे, तौ बौ मेरे नाओ से तुम्के देगो। 24 अबै तक तुम

मेरे नाओं से कुछ नाय माँगे; माँगी, तौ पाबेगे ताकी तुमरी खुसी पूरी हुई जाबै।” 25 “मैं जे बात तुमसे कहानी मैं कहो हौं, पर बौ समय आनबारेो है कि मैं तुमसे फिर कहू कहानी मैं नाय कहेंगे, पर खोलकै तुमकै परम दऊवा के बारे मैं बतांगो। 26 बौ दिन के तुम मेरे नाओं से माँगेगे; और मैं तुमसे जौ नाय कहथौं कि मैं तुमरे ताहीं परम दऊवा से नहोरे करंगो; 27 काहैकि परम पिता तौ खुदै तुमसे प्यार करथै, इसलै कि तुम मोसे प्यार करथौ और जहो बिस्वास करे हौ कि मैं परमेस्वर कि तरफ से आओ हौ। 28 मैं परम दऊवा कि तरफ से जौ दुनिया मैं आओ हौ; और मैं अब जौ दुनिया के छोड़कै परम दऊवा के झोने जाएँ हौ।” 29 बाके चेला कहीं, “देख, अब तौ तै खुलकै कहरो है, और कोई कहानी नाय कहो। 30 अब हम जानै हैं कि तै सब कुछ जानथै, और जाकी जरूरत नाय कि कोई तोसे कुछ पूछै; जासे हम बिस्वास करथै कि तै परमेस्वर की तरफ से आओ है।” 31 जौ सुनकै ईसु जबाब दई, “का तुम अब बिस्वास करथौ? 32 देखौ, बौ समय आए रौ है बल्कि आए चुको है अब तुम सब जनी तितर-बितर हुईकै अपनो-अपनो रहा लेबेगे, और मोकै अकेलो छोड़ देगे; तहँओ मैं अकेलो नाय काहैकि परम दऊवा मेरे संग है। 33 मैं जे बात तुमसे जौ ताहीं कहो हौं, कि तुमकै मेरे मैं सांति मिलै। जौ दुनिया से तुमकै कलेस होथै, पर हिम्मत भँदौ, मैं जौ दुनिया के जीत लौ हौ!”

17 ईसु जे बात बतकाई और अपनी आँखी स्वर्ग के घाँई उठाएकै कही, “हे परम दऊवा, बौ समय आए चुको है; अपने लौड़ा की महिमा कर कि लौड़ा तेरी महिमा करै, 2 काहैकि तै बाके पूरी इंसान की जाति के ऊपर अधिकार दौ, कि जोकै तै बाके दौ है बे सबन के तै अनंत जिंदगी दे। (aiōnios g166) 3 और अनंत जिंदगी जौ है कि बे खाली एक तै सच्चो परमेस्वर कै और ईसु मसीह कै, जोकै तै भेजो है, जानै। (aiōnios g166) 4 जो काम तै मोकै करन के ताहीं दौ रहै, बाके पूरो करकै मैं पृथ्वी मैं तेरी महिमा करो हौं। 5 अब, हे परम दऊवा! तै अपने संग मेरी महिमा बौ महिमा से कर जो जौ दुनिया के बनन से पहले, मेरी तेरे संग रहै।” 6 “मैं तेरो नाओं बे आदमिन के ऊपर दिखाओ हौं जोकै तै जौ दुनिया से मोकै दौ। बे तेरे रहै और तै उनके मोकै दौ, और बे तेरे बचन के मान लई हैं। 7 अब बे जानै हैं कि जो कुछए तै मोकै दौ है बौ सब तेरे घाँई से है; 8 काहैकि जो बचन तै मोकै दौ, मैं उनके उनके झोने पुगाए दौ; और बे उनके अपनाई, और सच्ची-सच्ची जान लई हैं कि मैं तेरी तरफ से आओ हौं, और बिस्वास कर लई हैं कि तहीं मोकै भेजो है।” 9 मैं उनके ताहीं नहोरे करथौ; जौ दुनिया के ताहीं नहोरे नाय करथौ पर उन्हई के ताहीं जिनकै तै मोकै दौ है, का है बे तेरे हैं। 10 और जो कुछ मेरो है बौ सब तेरो है, और जो तेरो है बौ मेरो है, और जासे मेरी महिमा दिखाई दई है। 11 मैं अब जौ दुनिया मैं नाय रहमंगो, पर जे जौ दुनिया मैं रहमंगे, और मैं तेरे झोने आए रौ हौं। हे पवित्र दऊवा! अपने बौ नाओं से जो तै मोकै दौ है, उनके देखे रहिये कि बे आपन के हानी एक होमैं। 12 जब मैं उनके संग रहों, तौ मैं तेरे नाओं से, जो तै मोकै दौ है उनके मैं उनके देखे रहो। मैं उनकी चौकीदारी करो, और बिनास करन बारे के लौड़ा के छोड़कै उनमैं से कोई

खतम नाय भौ, इसलै पवित्र साक्ष में जो कहो गौ है बौ पूरो होबै। 13 अब मैं तेरे झोने आथौं, और जे बात जौ दुनिया मैं कहथौं, कि बे मेरी खुसी अपने मैं पूरो पावैं। 14 मैं तेरो बचन उनके पुगाए दौ हौं, और जौ दुनिया उनसे बैर करी, काहैकि जैसो मैं जौ दुनिया को नाय हौं, बैसिये बेऊँ जौ दुनिया के नाय हैं। 15 मैं जौ नहोरे नाय करथौं कि तै उनके जौ दुनिया से उठाएले; पर जौ कि तै उनके बौ दुष्ट से बचाए रखा। 16 जैसे मैं जौ दुनिया को नाय हौं, बैसिये बेऊँ जौ दुनिया के नाय हैं। 17 सच्चाई के जरिये उनके समर्पित कर; तेरो बचन सच्चो है। 18 जैसे तै मोकै जौ दुनिया मैं भेजो, बैसिये महुँ उनके जौ दुनिया मैं भेजो; 19 और उनके ताहीं मैं अपने आपकै खुद समरपड करो हौं, ताकी बेऊँ सच्ची मैं तुमरे झोने समर्पित होमैं। 20 “मैं खाली इनके ताहीं नहोरे नाय करौ हौं, पर उन्हऊँ के ताहीं जो इनके बचन के जरिये मेरे ऊपर बिस्वास करंगे, 21 कि बे सब एक होमैं; जैसो तै परम दऊवा मेरे मैं है, और मैं तेरे मैं हौं, बैसिये बेऊँ हमरे मैं होमैं, जोसे जौ दुनिया बिस्वास करै कि तहीं मोकै भेजो है। 22 बौ महिमा जो तै मोकै दौ है, कि बैसिये महिमा मैं इनकेयो दौ हौं कि बे बैसिये एक होमैं जैसे कि आपन एक हैं, 23 मैं उनमैं और तै मेरे मैं कि बे मजबूत हुईकै एक हुई जावैं, और जौ दुनिया जाने कि तहीं मोकै भेजो है, और जैसी तै मोसे प्यार करो बैसिये उन्हऊँ से प्यार करो। 24 हे परम दऊवा, मैं चाहथौं कि जिनकै तै मोकै दौ है, जहाँ मैं हौं हँऊँ बेऊँ मेरे संग होमैं, कि बे मेरी बौ महिमा के देखें जो तै मोकै दौ है, काहैकि जौ दुनिया बनन से अगु तै मोसे प्यार करो। 25 हे धार्मिक परम दऊवा, जौ दुनिया मोकै नाय जानी, पर मैं तोकै जानो; और जेऊँ जानी कि तहीं मोकै भेजो है। 26 मैं तेरो नाओं उनके बताओ और बतात रहमंगो कि जो प्यार तोकै मोसे रहै बौ प्यार उनमैं बसजाबै, और मैं उनमैं बसौ।”

18 ईसु जे बात कहकै अपने चेलन के संग किद्रोन घाटी के पाँजर गौ। हँना एक बारी रहै, जोंमें बौ और बाके चेला गै। 2 बाके पकड़वान बारो यहदौ बौ जघा जानत रहै, काहैकि ईसु अपने चेलन के संग हँऊँ जाए करत रहै। 3 तौ यहदा, सिपईयन की एक टोली के और मुखिया पुजारी और फरीसियन की तरफ से उनके काम करन बारेन के लैकै, दिया और मसाल और हथियार लैकै हँऊँ आओ। 4 तौ ईसु, बे सब बातन के जो बाके ऊपर आनबारी रहै उनके जानकै, निकरो और उनसे कही, “कौनकै दूँड रे हौ?” 5 बे बाके जबाब दई, “ईसु नासरी के दूँड रे हैं।” ईसु उनसे कही, “मही हौं।” बाके पकड़वान बारो यहदौ हँनै उनके संग ठाड़ो रहै। 6 ईसु के कहेत खिना कि, “कि मही हौं,” बे पच्छू हुईकै धरती मैं गिर पड़े। 7 तौ बौ फिर से उनसे पूछी, “तुम कौनकै दूँड रे हौ।” बे बोली, “ईसु नासरी के।” 8 ईसु उनके जबाब दई, “मैं तौ तुमसे कह चुको हौं कि मही हौं, अगर तुम मोकै दूँड रे हौ तौ इनकै जान देओ।” 9 जौ इसलै भौ कि बौ बचन पूरो होबै जो बौ कही रहै, “जिनकै तै मोकै दौ उनमैं से मैं एको के नाय हखाओ।” 10 तौ सिमोन पतरस तलवार के, जो बाके झोने रहै, बाके खीचकै और बड़ो पुजारी के कमईयाँ के ऊपर चलाय के बाको सीधे हाथ घाँई को कान काट दई। बौ सेवक को नाओं मलखुस रहै। 11 तौ ईसु पतरस

से कही, “अपनी तलवार के म्यान में रख। जो कटोरा परम दऊवा मोके दई है। का मैं बाँके पीमो?” 12 तौ रोमी सिपईय्या और उनके सुबेदार और यहूदियन के रखबरेया ईसु के पकड़के भौंद लई, 13 और अगु बाँके हन्ना के झोने लैगै, काहैकि बौ बहे साल के बडो पुजारी कैफा को सुसर रहै। 14 जौ बहे कैफा रहै, जो यहूदि नेतन के सलाह दई रहै कि आपन के लोगन के ताहीं एक आदमी को मरनो अच्छो है। 15 सिमौन पतरस और बाँके संग एक चेला ईसु के पच्छ चल दई। जौ चेला बडो पुजारी को जानो-पहचानो रहै, तभईये बौ ईसु के संग बडो पुजारी के घर के आँगन में गौ, 16 लेकिन पतरस दुआरे फाटक में ठाडो रहो। तौ बौ दुसरो चेला जो बडो पुजारी को जानो-पहचानो रहै, बौ बाहर आओ और फाटक की रखबारी करन बारी से कहकै पतरस के भीतर लैगौ। 17 बौ फाटक की रखबारी करन बारी सेविका, पतरस से कही, “कहूँ तहूँ जौ आदमी के चलन में से तौ नाय है?” बौ कही, “मैं नाय हौँ।” 18 सिपईय्या और सेवक जाडे कि बजह से ठाडकै आगी सेंकत रहै, और पतरसौ उनके संग ठाडकै आगी सेंकत रहै। 19 तौ बडो पुजारी ईसु से बाँके चलन के बारे में और बाँके उपदेस के बारे में पूँछताछ करी। 20 ईसु उनके जबाब दई, “मैं जौ दुनिया से खुलके बात करो हौँ; मैं सभाघरन में और मंदिर में, जहाँ पर सब यहूदि जुराए करत रहै, हमेसा उपदेस दौ और लुके छुपे मैं कछु नाय कहो। 21 तैं मोसे काहैके पूछो है? सुनन बारेन से पूँछ कि मैं उनसे का कहो हौँ। देख, बे जानथैं कि मैं का-का कहो हौँ।” 22 जब उनसे ऐसे कही, तौ रखबरेयन में से एक जो झोने ठाडो पडो रहै, ईसु के झापड़ मारकै कही, “का तैं बडो पुजारी के ऐसे करकै जबाब देथै?” 23 ईसु बाँके जबाब दई, “अगर मैं बुरो कहो, तौ बौ बुराई की गभाई दे; लेकिन अगर भलो कहो, तौ मोके काहैके मारथै?” 24 हन्ना बाँके भँदे भे कैफा बडो पुजारी के झोने पुगाए दई। 25 सिमौन पतरस ठाडकै आगी सेंकत रहै। तौ बे बासे कही, “कहूँ तहूँ बाँके चलन में से तौ नाय है?” बौ मना करकै कही, “मैं नाय हौँ।” 26 बडे पुजारी के सेवकन में से एक, जो बाँके परिवार को रहै जोको कान पतरस काट दई रहै, बौ बोलो, “का मैं तौके बाँके संग बारेन में नाय देखो रहो?” 27 पतरस फिर से मना कर दई, और तुरतै मुर्गा बास दई। 28 तौ बे फिर ईसु के कैफा के झोने से रोमी हाकीम के महल में लैगै, और भुगभुको होन को समय रहै, लेकिन यहूदि नेता खुद महल के भीतर नाय गै कि कहूँ बे फसह खान से अगु अपवित्र नाय हुई जाँमै, ताकी बे बाद में फसह खाए सकैं। 29 तौ फिर पिलातुस निकरकै उनके झोने आओ और कही, “तुम जौ आदमी के ऊपर कौन-सी बात को इल्जाम लगाथै?” 30 बे बाँके जबाब दई, “अगर बौ कसूरवार नाय होतो तौ हम बाँके तेरे हाथ में काहैके देते।” 31 पिलातुस उनसे कही, “तुम्हई जाँके लैजाय के अपनेई नियम के हिसाब से जाको न्याय करौ।” यहूदि बासे कही, “हमकै अधिकार नाय है कि कोई की जान लैमै।” 32 जौ इसलै भौ कि ईसु को बचन पूरो होबे, जोके जरिये बौ इसारा करी रहै कि बाकी मौत कैसे करके होबेगी। 33 तौ फिर पिलातुस फिर महल के भीतर गौ, और ईसु के बुलाएके ईसु से पूँछी, “का तैं यहूदियन को राजा है?” 34 ईसु जबाब दई, “का तैं जौ बात अपनी तरफ से कहरो है या फिर कोई दुसरो मेरे बारे में तोसे जौ कही है?”

35 पिलातुस जबाब दई, “का मैं यहूदि हौँ? तेरे अपने लोग और मुखिया पुजारी तौके मेरे हाथ में सौंपी है। तैं का करो है?” 36 ईसु जबाब दई, “मेरो राज्य जौ दुनिया में नाय है; अगर मेरो राज्य जौ दुनिया को होतो, तौ मेरे पछ लगुवा लडते और मोके यहूदि नेतन के संग जान नाय देते; लेकिन मेरो राज्य हीना नाय है।” 37 फिर पिलातुस कही, “तौ का तैं राजा है?” ईसु जबाब दई, “तैं कहथै कि मैं राजा हौँ। मैं जौ ताहीं पैदा भौ हौँ, और जौ ताहीं जौ दुनिया में आओ हौँ कि सच्चाई की गभाई देयौं जो कोई सचचो है, बौ मेरी सुनथै।” 38 पिलातुस बासे कही, “सच्चाई का है?” ऐसे कहकै बौ फिर यहूदियन के झोने निकर गौ और उनसे कही, “मोके तौ बाँमे कोई दोस नाय मिलो। 39 लेकिन तुमरी एक परम्परा है कि फसह के त्योहार में तुमरे ताहीं एक आदमी के छोड़ दियोँ। इसलै का तुम चाहथौ कि मैं तुमरे ताहीं यहूदियन के राजा के छोड़ दियोँ?” 40 तौ बे फिर चिल्लाए के कही, “जाँके नाय! लेकिन तैं हमरे ताहीं बरअब्बा के छोड़ दे!” और बरअब्बा डाँकू रहै।

19 जौ सब सुनकै पिलातुस ईसु के कोडा मरवाई। 2 सिपईय्या काटेदार झाड़िन की हँगईयन के मोड़के कांटे को मुकुट बाँके मुड़िया में पहनाई, और बाँके बैंगनी रंग के लता पहनाई, 3 और उनके झोने आए के कहन लागे, “ओ यहूदियन के राजा, जीते रहौ!” और बाँके चाँटा मारी। 4 तौ फिर पिलातुस दुआरे निकरकै लोगन से कही, “देखौ, मैं बाँके फिर से तुमरे झोने लाथौ; ताकी तुम जानलेबौ कि मैं बाँमे कोई गलती नाय पाथौ।” 5 तौ फिर ईसु कांटे को मुकुट और बैंगनी रंग के लता पहनके दुआरे निकरो; और पिलातुस उनसे कही, “देखो, जौ हे बौ आदमी!” 6 जब मुखिया पुजारी और रखबरेया बाँके देखी, तौ चिल्लाए के कही, “बाँके क्रूस में चढ़ाबौ, क्रूस में चढ़ाबौ!” पिलातुस उनसे कही, “तुम्हई बाँके लैके क्रूस में चढ़ाबौ, काहैकि मैं बाँमे कोई गलती नाय पाथौ।” 7 यहूदि लोग बाँके जबाब दई, “हमरो भी नियम है और बौ नियम के हिसाब से बौ मरनो चाहिए, काहैकि बौ अपने आपके परमेस्वर को लौडा बताथै।” 8 जब पिलातुस जौ बात सुनी तौ बौ भौत डराय गौ। 9 और फिर बौ महल के भीतर गौ, और ईसु से कही, “तैं कहां को है?” पर ईसु बासे एक अखरा तक नाय मस्कई। 10 पिलातुस बासे कही, “का तैं मोसे नाय मसकैगो? समझले, मोके तोए छोड़न को अधिकार है और तौके क्रूस में भी चढ़ान को अधिकार है।” 11 ईसु जबाब दई, “मेरे ऊपर तेरो जहे ताहीं अधिकार है कि जौ अधिकार तोए परमेस्वर दई है। इसलै जौ आदमी मोए तौके सौंपी, बौ एक बुरे पाप को कसूरवार है।” 12 जब पिलातुस जौ सुनी, तौ बौ ईसु के कैसियो करके छोड़न के ताहीं कोसिस करी, पर यहूदि चिल्लाए-चिल्लाए के कही, “अगर तैं जाँके छोड़ देगो, तौ जाको मतलब है कि तैं कैसर सम्राट को दोस्त ना है! जो कोई अपने आपके राजा बनाथै बौ कैसर को सामना करथै।” 13 जे बात सुनकै पिलातुस ईसु के दुआरे लाई और बौ न्याय करन बारी जघा में जौके चबूतरा कहो जाथै, बौ हिसाब करन ताहीं बैठगौ, जो इब्रानी में “गब्बता” कहो जाथै। 14 और जौ फसह के एक दिन पहले को दिन रहै, फिर पिलातुस यहूदियन से कही, “देखौ, जहे है तुमरो

राजा!" 15 पर बे चिल्लाई, "बाकै मार डारौ! बाकै मार दियो! बाकै भई कि पवित्र साङ्ग की बात पूरी होबे, "और बाकी कोई हड्डी तोड़ी कूस में चढ़ाबौ!" पिलातुस उनसे कही, "का मैं तुमरे राजा के कूस में चढ़ाबौ?" मुखिया पुजारी कही, "कैसर के छोड़के हमरो और कोई राजा ना है।" 16 तौ बौ ईसू के उनके हाथ में सौंप दई ताकी बौ कूस में चढ़ाओ जाबै, तौ फिर बे ईसू के हँना से लैगै। 17 ईसू अपनो कूस उठाएकै बौ जघा ले दुआरे गौ, जो "खोपड़ी कि जघा" कहो जाथै, इब्रानी में जाकै "गुल्गुता" कहो जाथै। 18 हँना बे बाकै कूस में चढ़ाई; और बे दुई और आदमिन के सूली में चढ़ाय दई, बे ईसू के इतै-उतै सूली में चढ़ाय गै रहै, और ईसू बीच में सूली में चढ़ाओ गौ रहै। 19 पिलातुस एक खबर लिखके और बाकै कूस में लटकाए दई और बापे ऐसे लिखो पडो रहै कि, "ईसू नासरी यहूदियन को राजा।" 20 गजब यहूदिये जाके पढी, काहिके जो जघा में ईसू के कूस में चढ़ाओ गौ रहै, बौ जघा सहर के झोनेई रहै और बौ इब्रानी और लतीनी और यूनानी में लिखो भौ रहै। 21 तौ फिर यहूदियन के मुखिया पुजारी पिलातुस से कही, "यहूदियन को राजा मत लिखै उल्टा ऐसे लिख कि बौ कही, 'मैं यहूदियन को राजा' हौ।" 22 पिलातुस जबाब दई, "मैं जो लिख दौ, सो लिख दौ।" 23 जब सिपईय्या ईसू के कूस में चढ़ाय चुके, तौ बाके लता लैके बाके चार टुकड़ा करी, और हर एक सिपईय्यन के ताही एक टुकड़ा, और बाको कुरता लै लई, जो कि बौ कुरता तरे से ऊपर तक बिनो भौ और बिना सिलो भौ रहै; 24 फिर बे आपस में बतकाई, "आपन जे लतन के नाय फाड़ै, और जायें चिष्टी डारै कि जे लता कौनके होंगे।" जौ इसलै भौ, कि साङ्ग की बात पूरी होबे, "बे मेरे लता आपस में बाँट लई और मेरे लतन में चिष्टी डारी।" और सिपईय्या ऐसोई करी। 25 ईसू के कूस के झोने बाकी अईय्या और बाकी अईय्या की बहेनिया मरियम, क्लोपास की बईय्यर और मरियम मगदलीनी ठाडी रहै। 26 ईसू अपनी अईय्या और बौ चेला के जोसे बौ प्यार करत रहे झोने ठाडे भै देखके अपनी अईय्या से कही, "जौ तेरो लौडा है।" 27 फिर बौ चेला से कही, "जौ तेरी अईय्या है।" और बहे समय से बौ चेला, बाकै अपने घरे रहन ताही लैगौ। 28 जाके बाद ईसू जौ जानकै कि अब सब कछु पूरो हुई चुको; इसलै कि पवित्र साङ्ग में जो कहो गौ बौ पूरो होबै फिर कही, "मैं प्यासो हौ।" 29 हँना दाखरस को एक सिरका से भरो भौ बर्तन धरो रहै, इसलै बे सिरका के भीजे भै सोकता के जूफा कठिया में धरकै बाके मोहों से लगाई। 30 जब ईसू बौ सिरका पी लई, और कही, "पूरो भौ!" और अपनो मूड झुकाए के अपनी जान छोड़ दई। 31 तौ फिर यहूद नेता पिलातुस से नहारे करी, कि उनकी टाँग तोड़ दई जाबै और उनके सब उतारे जायें, ताकी साबत के दिन बे कूस में नाय रहमैं, काहिके साबत को दिन बडो दिन रहै। 32 तौ फिर सिपईय्या आयकै बे आदमिन में से पहले बारे आदमी की टाँग तोड़ी फिर दुसरे की, जो ईसू के संग कूस में चढ़ाय गै रहै; 33 फिरौकी बे जब ईसू के झोने आयकै देखी कि बौ मर चुको है, तौ बाकी टाँग के नाय तोड़ी। 34 लेकिन सिपईय्यन में से एक जनी बाकै बरछी से पुसरिया में छेद दई, और बापे से तुरंत खून और पानी निकरो। 35 जो जौ देखी, बहे जौ गभाई दई है, और बाकी गभाई सच्ची है; और बौ जानथै, कि सच्ची कहथै कि तुम बिस्वास करौ। 36 काहिके जे बात जहे ताही

20 सप्ताह के पहले दिन इतवार के मरियम मगदलीनी भुकभुको होन से अगु अंधियारे में कबर में आई, और बौ हँआँ पर पथरा के कबर में से हटो भौ देखी। 2 बौ फिर दौड़के सिमोन पतरस और दुसरे चलन के झोने गई जोसे ईसू प्यार करत रहै, उनसे आए के कही, "बे प्रभु के कबर में से निकार लैगै, और हम नाय जानथै कि बे बाकै कहाँ धरी है!" 3 तौ फिर पतरस और बौ दुसरो चेला कबर में गै। 4 बे दोनों जनी संग-संग दौड़त रहै, पर दुसरो चेला पतरस से अगु बढ़के कबर में अगु पुगो; 5 और बौ लोहोक्के बाके लता पड़े भै देखी, तहुँओ बौ भीतर नाय गौ। 6 फिर सिमोन पतरस बाके पच्छू-पच्छू पुगो, और कबर के भीतर गौ और लता पड़े भै देखी; 7 और बौ अंगोछा जो ईसू को मूड से भँडो रहत रहै, बौ लतन के संग पडो भौ नाय, बल्किन अलगयाँओ एक जघा लिपटो धरो भौ देखी। 8 तौ दुसरो चेला जो कबर में अगु पुगो रहै, भीतर गौ और देखकै बिस्वास करी। 9 बे तौ अभैले पवित्र साङ्ग की बौ बात नाय समझी रहै कि बाकै मेरे भैन में से जिंदो उठने होगो। 10 फिर बे चेला अपने घरे लौट गै। 11 मरियम रोट भइ कबर के दुआरे ठाडी रइ, तौ बौ रोट भइ लोहोक्के कबर में देखी। 12 और हँना देखी कि दुई स्वर्गदूत सेतो लता पहने रहै, जितै ईसू की सरिर रहै, एक के सिराने और दुसरे के टाँग घाँई बैठो भौ देखी। 13 बे स्वर्गदूत बासे कही, "अरे बईय्यर तैं काहिके रोय रइ है?" बौ फिर उनसे कही, "बे मेरे प्रभु के उठाए लैगै हैं और मोके पता नाय है कि बे बाकै कहाँ धरी है।" 14 ऐसे कहकै बौ पच्छू मुरकी और हँआँ ईसू के ठाडो भौ देखी; पर बौ नाय जानत रहै कि बौ ईसू है। 15 ईसू बासे पूँछी, "ओ बईय्यर, तैं काहिके रोए रइ है? बौ कौन है जोकै तैं ढूँड रइ है?" बौ बाकै माली समझके बासे कही, "महाराज, अगर तैं बाकै उठाए लैगौ है तौ मोके बता कि बाकै कहाँ धरो है, और मैं बाकै ले जांगो।" 16 ईसू बासे कही, "मरियम!" बौ पच्छू मुडके बासे इब्रानी भासा में कही, "रब्बूनी!" जाको मतलब है "गुरु।" 17 ईसू बासे कही, "मोके मत छुबै, काहिके मैं अभै तक परम दऊवा के झोने ऊपर नाय गौ हौ, पर मेरे भईय्यन के झोने जाएकै उनसे कहदे, कि मैं अपने परम दऊवा,

और तुमरे परम दऊवा, और अपने परमेस्वर और तुमरे परमेस्वर के झोने ऊपर जायँ।” 18 फिर मरियम मागदलीनी गई और चेलन से कही कि बौ प्रभु के देखी है और जहो बताई की प्रभु उनके बारे में का-का कही है। 19 सप्ताह के पहले दिन इतवार के, संजा के समय हूँआँ पर चेला फाटक बंद करके एक कमरा में जूराने रहै, काहेकि बे यहूदियन के नेतन से डरात रहै। तौ फिर ईसू आओ और उनके बीच में ठाड़के उनसे कही, “तुमके सांति मिलै।” 20 और ऐसे कहके बौ अपने हाथ और अपनी पुसरिया उनैके दिखाई, तौ फिर चेला प्रभु ईसू के देखके खुस हुई। 21 ईसू फिर उनसे कही, “तुमके सांति मिलै; जैसे परम दऊवा मोके भेजी है, ऐसियै महुँ तुमके भेजयौ।” 22 जौ कहके बौ उनके ऊपर फूँकी और उनसे कही, “पवित्र आत्मा लेबौ। 23 अगर तुम लोगन के पाप के माफ करथौ, तौ उनैके माफ कर दौ जायै, अगर तुम उनके माफ नाय करथौ, तौ उनैके माफ नाय करो जायै।” 24 लेकिन बारह में से एक जनी यानी थोमा जो दिदुमुस कहो जात रहै, जब ईसू आओ तौ उनके संग ना रहै। 25 जब और चेला बासे कहेन लागे, “कि हम प्रभु के देखे हैं,” तौ बौ उनसे कही, “जबले मैं बाके हातन में कील के भार नाय देख लेमौं, और कीलन के भार में अपनी उँगरिया नाय डार लेमौं, तोले में बिस्वास नाय करंगो।” 26 एक सप्ताह के बाद बाके चेला फिर घर के भीतर रहै, और थोमा उनके संग रहै; और फाटक बंद रहै, तौ फिर ईसू आओ और उनके बीच में ठाड़के कही, “तुमके सांति मिलै।” 27 तौ ईसू थोमा से कही, “अपनी उँगरिया हीना लाए के मेरे हातन में रख और अपने हात लायके मेरी पुसरिया में डार और अविस्वासी ना बल्कि बिस्वास कर।” 28 जौ सुनके थोमा जबाब दई, “हे मेरे प्रभु, हे मेरे परमेस्वर!” 29 ईसू बासे कही, “तैं मोके देखो है, का जहे ताहीं तैं बिस्वास करो है? धन्य बे हैं जो बिना देखे बिस्वास करी हैं।” 30 ईसू और गजब एक चिन्ह चेलन के अगु दिखाई, जो जौ किताब में लिखो नाय गौ है। 31 पर जे इसलै लिखे गै हैं, कि तुम बिस्वास करौ, कि ईसू ही परमेस्वर को लौडा मसीह है, और बिस्वास करके बाके नाओ से जिंदगी पाबौ।

21 जाके बाद ईसू तिबिरियस झील में अपने चेलन के झोने एक बार फिर से आओ, जौ ऐसे भौ है। 2 सिमौन पतरस, और थोमा जो दिदुमुस कहो जायै, और गलील के काना सहर को नतनएल, और जकदी को लौडा, और बाके चेलन में से दुई जनी और जूराने रहै। 3 सिमौन पतरस उनसे कही, “मैं मच्छी मारन के जाएँ हौं।” बे बासे कही, “हमउँ तेरे संग चलथैं।” और बे निकरके नईयों में बैठके चले गे, पर बौ रात के कछुए नाय पकड पाई। 4 भोर होत खिना कि ईसू डीडे में आयके ठाड़गौ; तहुँओ चेला नाय जान पाई कि जौ ईसू है। 5 तौ फिर ईसू उनसे कही, “बालकौ, का तुमरे झोने थोडी मच्छी है?” बे जबाब दई, “ना है।” 6 बौ उनसे कही, “नईयों के सीधे हात घाँई जार डारौ तौ मिल जांगी।” तौ फिर बे जार डारी, और गजब एक मच्छी होन की बजह से बे जार के खीच तक नाय पाई काहेकि मच्छी उनके काबू से बाहर रहै। 7 तौ फिर बौ चेला जोसे ईसू प्यार करे करत रहै, बौ पतरस से कही, “जौ तौ प्रभु है!” सिमौन पतरस जौ सुनके कि बौ प्रभु है, करिहँओ मैं अंगोछा करे से

कस लई, काहेकि पतरस नंगो रहै, और झील में कूद पडो। 8 और दुसरे चेला मच्छी से भरे भै जार के खीचके छोटी नईयों में बैठगै, बे जमीन से जद्दा दूर नाय रहै, बे लमसम जमीन से सौ मीटर दूर रहै। 9 जब बे डीडे में उतरे, तौ बे कुइला की आगी और बाँमे मच्छी धरी भइ, और रोटी देखी। 10 ईसू उनसे कही, “जो मच्छी तुम अभई मारे हौ, उनमें से थोडी लाबौ।” 11 तौ सिमौन पतरस नईयों में चढ़के एक सौ तिरपन बड़ी मच्छिन से भरो भौ जार डीडे में खीची, और इती मच्छी होन की बजह से भी जार नाय फटो। 12 ईसू उनसे कही, “आबौ, खानु खाबौ।” चेलन में से कोई की हिम्मत नाय पडी की बासे पँछे, “कि तैं कौन है?” काहेकि बे जानत रहै कि जौ प्रभु है। 13 ईसू आओ और रोटी लैके उनके दई, और बेसिये मच्छियौ दई। 14 जौ तिसरी बार है कि ईसू मेरे भैन में से जिंदो होन के बाद चेलन के दिखाई दई। 15 खानु खान के बाद ईसू सिमौन पतरस से कही, “सिमौन, यहून्ना को लौडा, का तैं इन सबसे अगरो प्यार करथै?” सिमौन पतरस बासे कही, “हँ, प्रभु; तैं तौ जानथै कि मैं तोसे प्यार करथौ,” ईसू बासे कही, “मेरे मेम्नन के चुगा।” 16 बौ फिर दुसरी बार बासे कही, “सिमौन, यहून्ना को लौडा, का तैं मोसे प्यार करथै?” सिमौन ईसू से कही, “हँ, प्रभु; तैं जानथै कि मैं तोसे प्यार करथौ।” ईसू बासे कही, “मेरी भंडन की रखबारी कर।” 17 फिर बौ तिसरी बार बासे कही, “सिमौन, यहून्ना को लौडा, का तैं मोसे प्यार करथै?” पतरस को मोहों लटक गौ ऐसे करके कि ईसू बासे तिसरी बार ऐसो कही, “कि का तैं मोसे प्यार करथै?” फिर ईसू से कही, “प्रभु, तैं तौ सब कछु जानथै; तैं जहो जानथै कि मैं तोसे प्यार करथौ।” ईसू बासे कही, “मेरी भंडन की रखबारी कर। 18 मैं तोसे सच्ची-सच्ची कहथौं, जब तैं ज्वान रहे तौ अपनो करिहँओ भौंदके जहाँ मन होत रहै हुँए चल देत रहै; पर जब तैं बुद्धो पड़ेगो तौ अपने हाथ फैलागो, और कोई दुसरो तेरो करिहँओ भौंदके जहाँ तेरो मन नाय होगो हँना लै जागो।” 19 ईसू जे बातन से इसारा करी, कि पतरस कैसे करके मरैगो, और परमेस्वर की महिमा करैगो। और फिर ईसू बासे कही, “मेरे पच्छ चल दे!” 20 पतरस मुड़के बौ चेला के पच्छ आत भौ देखी, जोसे ईसू प्यार करे करत रहै, और जो खानु खान के समय ईसू की छाती के घाँई लोहोक्के पँछी रहै, “प्रभु, कि तौके पकडवान बारो कौन है?” 21 बाँके देखके पतरस ईसू से कही, “प्रभु, जाको का हाल होगो?” 22 ईसू बासे कही, “अगर मैं चाहथौं कि बौ मेरे आन तक स्को रहबै, तौ तौके जासे का? तैं मेरे पच्छ आ।” 23 तौ फिर ईसू के विस्वासी भईथ्यन में जौ बात फैल गई कि बौ चेला ना मरैगो; पर ईसू बासे ऐसे कहिये नाय रहै कि बौ ना मरैगो, बौ ऐसे करके कही रहै, “कि अगर मैं चाहमौं कि बौ मेरे आन तक स्को रहबै, तौ तौके जासे का?” 24 जौ बहे चेला है जो जे बातन की गभाई देखे और जो जे बातन के लिखी है, और हम जानथै कि बाकी गभाई सच्ची है। 25 औरौ भौत से काम हैं, जो ईसू करी है; अगर बे एक-एक करके लिखे जाते, तौ मैं समझथौं कि किताबें जो लिखी जातीं, तौ बे जौ दुनिया तक मैं नाय अपाती।

प्रेरितो

1 प्रिय थियुफिलस: मैं अपनी पहली किताब में बे सब चीजन के बारे में लिखो जो ईसु करी रहें और बौ समय से सिखाओ रहें जब बौ अपनो काम सुरू करी रहें 2 बौ दिन तक बौ स्वर्ग में लैजाओ गौ रहें। जासे पहले कि बौ उठाओ लौ जातो, बौ पवित्र आत्मा की सक्ति के जरिये अपने प्रेरितन के रूप में चुने गे लोगन के निर्देस दई। 3 अपनी मौत के बाद चालीस दिन ले बौ भौत बार दिखाई दौ जासे साबित भौ कि बौ जिंदो है। बे बाकै देखी, और बौ उनके संग परमेस्वर के राज्य के बारे में बात करी। 4 और जब बे सब एक संग आए, तौ बौ उनके जौ आदेस दई: “यस्सलेम के मत छोड़ो, लेकिन जो उपहार के बारे में मैं तुम्हें बताओ हों, बाकै असियाबो, बौ उपहार जोको मेरो दऊवा वादा करी रहै। 5 यूहन्ना पानी से बपतिस्मा लई, लेकिन कुछे दिनन मैं तुम पवित्र आत्मा के संग बपतिस्मा लेगे।” 6 जब प्रेरित ईसु के संग मिले, तौ बे बासे पूछी, “हे प्रभु, का तै जौ समय राज्य के बापस इस्त्राएल के देगे?” 7 ईसु उनसे कही, “समय और मौका मेरे दऊवा के अपने अधिकार के जरिये तैं करो गौ है, और जौ जाननो तुमरे ताहीं नाय है कि बे कब होमंगे। 8 लेकिन जब पवित्र आत्मा तुमरे ऊपर आगे तौ तुम सामर्थ्य से भर जागे, और तुम यस्सलेम में, यहूदिया, सामरिया और पृथ्वी के छोर तक मेरे ताहीं गभा बनैगे।” 9 जौ कहेन के बाद, बाकै स्वर्ग में लैजाओ गौ काहैकि बे बाकै देखत रहैं, और एक बादर उनके अपनी नजर से लुकाए दई। 10 जब बे चले गे, तहुँओ उनकी निघा आसमान में टिकी रइ, जब सेतो लत्ता पहने दुई आदमी अनकाचीति उनके झोने ठाड़े रहैं 11 और कही, “गलील, तुम हूँना ठाड़के आसमान के घोंई काहे देखै हो? जौ ईसु, जो तुमरे झोने से स्वर्ग में लैजाओ गौ रहै, बहे तरीका बापस आबैगे जो तरीका से तुम बाकै स्वर्ग जात भइ देखे रहौ।” 12 तौ प्रेरित जैतून नाओ के पहाड़ से यस्सलेम के घोंई गे, यस्सलेम सहर से लमसम आधी मील की दूरी में है। 13 बे सहर में आत खिना कि बौ कमरा में गे, जहाँ बे स्के भै रहैं: पतरस, यूहन्ना, याकूब और अन्दिआस, फिलिपुस और थोमा, बरतुल्लै और मत्ती, हलफई का लौडा याकूब, देसभक्त सिमौन, और याकूब का लौडा यहूदा। 14 जे सब तमान बईय्यै और ईसु की अईय्या मरियम और बाकै भईय्यन के संग झुंड में प्रार्थना करन के ताहीं इखट्टे होबै करत रहैं। 15 कुछ दिनन के बाद पतरस सब विस्वासी भईय्यन के बीच में, जो एक सौ बीस आदमी के लमसम रहैं, जौ हूँना ठाड़के कहेन लागो। 16 बौ कही, “मेरे भईय्यो, पवित्र साक्ष के सच होनो जररी रहै, जौमें पवित्र आत्मा, दाऊद के जरिये बोलत भै यहूदा के बारे में एक भविष्यवाँडी करी रहै, जो ईसु के पकड़वान बोरन के ताहीं अगुवन रहै। 17 यहूदा हमरे झुंड को सदस्य रहै, काहैकि बाकै हमरे काम में सेवकाई में हिस्सा लेन के ताहीं चुनो गौ रहै।” 18 यहूदा के अपने अधर्म के कामन के ताहीं जो पैसा मिलो, बासे बौ एक खेत खरीदी जितै बाकी मौत ही गई; बाको पेट फट गौ और बाकी पूरी भीतर की आँती बाहर निकर आई। 19 यस्सलेम में रहन बारे सबै आदमी जाके बारे में सुनी, और इसलै उनकी अपनी भासा में बे

बौ जघा के हकलदमा कही, जो मतलब है “खून को खेत।” 20 “जाके ताहीं भजन संहिता की किताब में लिखो गौ है, ‘बाको घर खाली हुई जाबै; कोई भी जाँमें नाय रह सकथै।’ जहो लिखो है: ‘कोई और भी बाकी सेवा लै सकथै।’” 21 “इसलै जितने दिन ले प्रभु ईसु हमरे संग आत जात रहो, ठीक जौ है कि उनमें से एक आदमी बाके जी उठन को गभा ही जाबै, 22 मतलब यूहन्ना के बपतिस्मा से लैकै बाके हमरे झोने से जी उठाए जान तक, जो लोग बराबर हमरे संग रहे।” 23 तौ बे दुई आदमी के ठडबाई: एक यूसुफ जो बरसब्बास कहो जात रहै बाको उपनाओ यूसुतुस है, और दूसरो मत्तियाह कहो जात रहै। 24 फिर बे प्रार्थना करी, “प्रभु, तै सबन के बिचारन के जानथै, इसलै हमकै दिखा कि इन दोनों में से कौनकै चुनो है 25 कि बाकै जौ सेवकाई और प्रेरित को पद मिलै, जो यहूदा छोड़के अपने जघा के चले गौ है।” 26 तौ बे दोनों आदमिन के छोटन के ताहीं उनके बीच भौत कुछ मुहान कि कोसिस करी, और एक चुने भौ मत्तियाह रहै, जौकै ग्यारह प्रेरितन के झुंड में जोडो गौ रहै।

2 जब पिन्तेकुस्त को दिन आओ तौ सबै विस्वासी एक जघा जुराने। 2 अनकाचीति आसमान से बड़ा तगड़ी आँधी की सनसनाहट जैसी अबाज सुनन में आई, और बासे पुरो घर जहाँ बे बैठे रहैं, झन्नाए पडो। 3 फिर बे देखी कि आगी की जीभ कैसी दिखाए रइ है जो फैल गई और हुँओं सबै आदमी के छुड़ लई। 4 और बे सब पवित्र आत्मा से भर गे, और पवित्र आत्मा उनके बोलन की सामर्थ्य दई, और बे अलग-अलग भासा बोलन लगे। 5 यस्सलेम में रहन बारे यहूदि रहैं, धार्मिक लोग जो दुनिया के हर देस से आए रहैं। 6 जब बे जौ गलु सुनी बड़ा जोड भीड इखट्टी हुई गई। बे सबै उत्साहित रहैं, काहैकि सबै विस्वासिन के अपनी भासा में बात करत भइ सुनी। 7 बे सब चकाय गे और अचम्मो हुईकै कही, “जे लोग जो जे तरहन की बात कर रहैं जे गलीली है! 8 तौ फिर काहेकै, हममें से हर एक अपनी-अपनी जलमत की भासा के नाय सुनथै? 9 हम पारथी, और मेदी, एलामी से हैं; मेसोपोटामिया, यहूदिया और कप्पदूकिया से; पुन्तुस और आसिया से, 10 फ्रुगिया और पंफूलिया से, मिस्र से और साइरेन के झोने लीबिया के इलाका से। हममें से कुछ रोम से हैं, 11 और दोनों यहूदि धर्म में बदल गे, और हममें से कुछ क्रेती और अरब से हैं, फिर भी हम सबै उनके अपनी-अपनी भाँसड में बे महान चीजन के बारे में बोलत भै सुने, जो परमेस्वर करी है!” 12 और बे सब चकित भै और डराय के एक दुसरे से कहेन लगे, “जाको का मतलब है?” 13 लेकिन दुसरे विस्वासियन को मजाक उड़ाए के कही, “बे लोग नसा में हैं!” 14 तौ पतरस दूसरे ग्यारह प्रेरितन के संग ठाडो और खूब जोड से भीड से कहेन लागो: “मूर्ख यहूदियो और तुम सब जो यस्सलेम में रहथौ, मेरी बात सुनौ और मोकै बताबौ कि जाको का मतलब है। 15 आदमी नसा में नाय हैं जैसो तुम समझ रे हो; जे आदमी नसा में नाय हैं, काहैकि हबै तौ सुखे के नौवें बजे हैं। 16 जाके अलावा, जौ बौ बात है, जो योएल भविष्यवक्ता कही रहै: 17 ‘परमेस्वर कहथै: जौ बहे है जौमें आखरी दिनन में करंगो, कि मैं अपनी आत्मा सब इंसानन में अखनंगो। तुमरे

लौडा और लौडिया मेरे संदेस की भविष्यवांड़ी करेंगे; तुमरे ज्वानन के दर्शन दिखाई देंगे, और तुमरे बड़े-बूढ़े सपनो देखेंगे। 18 हों, मेरे सेवकन मैं, हीना तक कि लोग और बईथ्यैरे दोनों मैं, मैं बे दिनन मैं अपनी आत्मा के बहार निकारंगो, और बे मेरे संदेस को ऐलान करंगो। 19 मैं ऊपर आसमान मैं चिन्ह चमत्कार करंगो, और तेरे धरती मैं चिन्ह चमत्कार करंगो। खून, आगी और घनों धुआँ होगो; 20 सृज अधियारो हुई जाबैगो, और जोनी खून हानी लाल हुई जाबैगी प्रभु को महान और गौरवसाली दिन आन से पहले 21 और फिरौकी जो कोई भी मदत के ताहीं प्रभु के पुकारैगो बाँके बचाओ जागो।” 22 “इस्त्राएलियो! जे सब्दन के सुनौ, नासत को ईसु एक ऐसो ईसान रहै जोको ईश्वरीय अधिकार तुमके बे सबै सामर्थ्य और चिन्ह चमत्कारन से सपा तरीका से सिद्ध भौ, जो परमेस्वर बाँके जरिये करी रहै, जो तुम खुद जानथौ, काहँकि हीना तुमरे बीच ऐसो भौ रहै। 23 अपनी योजना के अनुसार परमेस्वर पहलिये तैं कर लई रहै की ईसु के तुमके सौप दौ जागो; और तुम पापियन के हात से क्रूस मैं चढ़ायँके बाँके मार डारो। 24 पर परमेस्वर बाँके मौत से उठाई, बाँके अपनी सक्ति से आजाद करी, काहँकि जौ मुक्किम नाय रहै कि मौत बाँके कैदी बनाये के रखबे। 25 दाऊद बाँके बारे मैं कहथै, ‘मैं प्रभु के हमेसा अपने अगु देखत रहथौ; बौ मेरे झोने है, और मैं परेसान नाय होमंगो। 26 और इसलै मैं मन मैं खुसी से भरगो, और मेरे बचन खुसी से भरे हैं और हालाकि मैं सारीरिक हौं, आसा मैं हिम्मत दई जागी, 27 काहँकि तुम मोकै नरक के भीतर नाय छोड़ैगे; तुम अपने वफादार दास के सडन ना देबैगे। (Hades g86) 28 तैं तौ मोए जिंदगी की रहा बताओ है। और तेरी मौजूदगी मोकै खुसी से भर देबैगी।” 29 “मेरे दोस्तौ, मोकै तुमसे हमरे प्रसिद्ध बड़े-बूढ़े राजा दाऊद के बारे मैं सपा तरीका से बात करनी चाहिए। बौ मर गौ और बाँके दफनाए दौ गौ, और बाकी कबर आज भी हमरे पास है। 30 बौ एक भविष्यवक्ता रहै, और बौ जानत रहै कि परमेस्वर बासे का वादा करी रहै: परमेस्वर एक प्रतिया दई रहै कि बौ दाऊद के बंस मैं से एक के सिंहासन मैं बैठाँरगे, जैसो कि दाऊद रहै। 31 दाऊद देखी कि आनबारे समय मैं परमेस्वर का करन जाएँरै, और तभई बौ जब मसीहा के पुनरुत्थान के बारे मैं बात करी, तौ बौ कही, ‘बाँके नरक मैं नाय छोड़ो गौ रहै; बाको सरीर कबर मैं नाय सडत रहै।’ (Hades g86) 32 जहे ईसु के परमेस्वर मौत से उठाई है, और हम सबै जौ बात के गभा हैं। 33 बौ परमेस्वर, बाँके डरुवा के दहने घाँई उठो भौ है, और बासे पवित्र आत्मा लई है, जैसो बौ वादा करी रहै। अब तुम जो देख और सुनै हो, बौ बाको उपहार है जो बौ हमरे ऊपर डारी है। 34 काहँकि बौ दाऊद नाय रहै जो स्वर्ग मैं गौ रहै; बल्किन बौ अपने आप बताथै। ‘प्रभु मेरे प्रभु से कही: मेरे दहने बैठ 35 जबले कि मैं तेरे दुस्मन के तेरे टाँग तेरी पुटली नाय कर दियौ।’ 36 “इस्त्राएल के सबै लोग, जौ सुनिश्चित करन के ताहीं जानथैं कि जौ ईसु, जोकै तुम क्रूस मैं चढ़ाय रहौ बौ बहे है जोकै परमेस्वर प्रभु और मसीहा बनाई है।” 37 जब लोग जौ सुनी, तौ परेसान भै और बे पतरस और दुसरे प्रेरितन से कही, “हम का करंगे भईय्यौ?” 38 पतरस उनसे कही, “पछताबौ और तुम सब अपने पापन की माफी के ताहीं ईसु मसीह के नाओं से बपतिस्मा लेयौ, तौ

तुम पवित्र आत्मा को दान पाबैगे। 39 काहँकि तुम और तुमरे बाले-बच्चन के ताहीं परमेस्वर वादा करी रहै, और बे सब जो भौत दूर हैं, जिनकै हमरो प्रभु और परमेस्वर बुलाथै।” 40 पतरस निरी बातन से उनके गभाई बताए के समझाई भी “कि खुदकै हठेली जातिन से बचइयो!” 41 उनमैं से तमान लोग उनके संदेस के मन से मानत रहैं और बपतिस्मा लेत रहैं, और बौ दिन समूह मैं लमसम तीन हजार लोगन को जोडा गौ रहै। बचन के अपनाओ बौ बपतिस्मा 42 बे प्रेरितन की सिक्छा पान ताहीं, और संगती रखन ताहीं, रोटी तोडन (प्रभु भोज) और प्रार्थना करन मैं मगन रहैं। 43 प्रेरितन के जरिया निरि चिन्ह चमत्कार होत रहैं, और कोई के मन मैं डर बैठगौ रहै। 44 सबै विस्वासी करीबी संगती मैं संग-संग चलत रहैं और एक दुसरे के संग अपने सामान के साझा करी। 45 बे अपनी-अपनी धन-दौलत और समान बेच-बेचकै जोकै जो चीज की जरूरत होत रहै बाँके बौ चीज दै देत रहैं। 46 और बे हर दिन एक मन हुईकै मंदिर मैं एक समूह के रूप मैं मिले, और बे अपने घरन मैं एक संग खुसी और विनम्र मन से खानु खाई, 47 परमेस्वर की बड़ोई करनो, और सबै लोगन ऊपर दया की इच्छा रखनो। और जिनकै बचाओ जात रहै हर दिन प्रभु अपने झुंड मैं मिलाय देत रहै।

3 एक दिन पतरस और यूहन्ना दुपारी के बाद तीन बजे प्रार्थना करन के मंदिर मैं गै। 2 और लोग एक जनम के लंगडा के लात रहै, बाँके बे रोजाना मंदिर के फाटक जो सुगड कहो जात रहै, बैठार देत रहैं, कि मंदिर मैं जान बारेन से भीख माँगै। 3 जब बौ पतरस और यूहन्ना के मंदिर भीतर जात देखी, तौ बौ उनसे कछु पान ताहीं नहारे करी। 4 बे सीधे बाँके देखी, और पतरस और यूहन्ना कही, “हमैं देख!” 5 तभई बौ उनके घाँई देखी, बौ कछु पान की आसा करी। 6 लेकिन पतरस बासे कही, “मेरे झोने पैसा, सोनो नाय है, लेकिन मैं तोकै बहे देखौ जो मेरे झोने है: नासत के ईसु मसीह के नाओं मैं, मैं तोकै उठन और नेगन को आदेस देथौ!” 7 फिरौकी बौ बाको दहनो हात पकड़कै बाँके उठाई। तुरंत बाँके पाँव और घूँटन मैं ताकत आए गई; 8 और बौ तुरंत कूदकै ठाड़गौ, फिर बौ चलन-फिरन लागो, और कूदत-फाँदत परमेस्वर की स्तुति करत भौ उनके संग मंदिर मैं गौ। 9 सब जनी बाँके चलत-फिरत और परमेस्वर की स्तुति करत भौ देखी, 10 और जब बे बाँके बौ भिखारी के रूप मैं पहचानी, जो मंदिर के सुगड दुआर मैं बैठो रहै, तौ बे सबै अचम्मो करी और बाँके संग जो भौ बौ देखकै हक्का-बक्का रहगौ। 11 तौ लंगडा भिकमंगा के पतरस और यूहन्ना के पच्छ-पच्छ नेगत देखकै, सब आदमी इत्तो अचम्मो करी कि जोकै सुलैमान की डेहरी कहत रहैं, उनके झोने दौडत भै आए। 12 जब पतरस लोगन के देखी, तौ बौ उनसे कही, “इस्त्राएल के लोगौ, तुम जौ बात मैं चकित काहे हो, और तुम हमैं काहे घरथौ? का तुमकै जौ लगथैं कि जौ हमरी सामर्थ्य या परमेस्वर की भक्ति के जरिये रहै कि हम जौ आदमी के बनाए? 13 अब्राहम, इसहाक और याकूब को परमेस्वर, हमरो पुरखन को परमेस्वर अपने सेवक ईसु की महिमा करी है, जोकै तुम पकड़वान को फैसला करे पर पिलातुस बाँके छोडन बारो रहे। 14 बौ पवित्र और धर्मी रहै, लेकिन तुम बाँके ना अपनाय, और जाके बजाय तुम पिलातुस के

सौप दे और कहे कि बौ बाकै एक कातिल के रूप मैं बदल दियै। 15 तुम जिंदगी के चाँई लै जान बारे कै मार डारे, लेकिन परमेस्वर बाकै मौत से उठाई और जौ बात के हम गभा है। 16 जौ बाके नाओं की सक्ति रहै कि लंगड़ा आदमी कै ताकत दई। जो तुम देखथौ और जानथौ बहे के नाओं मैं बिस्वास के जरिया भौ; जो ईसु मैं बिस्वास करन से अच्छो भौ, और जौ तुम सब देख सकथौ।” 17 “अब मेरे दोस्तौ, मोकै पता है कि तुम और तुमरे मुखिया ईसु के संग जो करीं बौ तुमरी अग्यानता के कारड रहै। 18 बहोत पहले जे बातन कै परमेस्वर सब भविष्यवक्तन से अगुए बताए दई रहे, कि बाको मसीह दुख भोगैगो, तौ ऐसे करकै बौ भविष्यवक्ता पूरी करी। 19 जहेमारे, परमेस्वर के झोने लौट आबौ कि बौ तुमरे पाप माफ करै अगर तुम पछताबौ, 20 प्रभु की सक्ति बहे के समय से आगी, और बौ ईसु के पनौरेगो, जो तुमरे ताहीं मसीहा ठहराय गौ है जोकै बौ तुमरे ताहीं पहलेई चुनी है। 21 जबले सबे चीजन कै नया बनान को ऐलान नाय करी जाबै, तौले स्वर्ग मैं रहने चाहिए, काहैकि परमेस्वर अपने पवित्र भविष्यवक्ता के जरिया ऐलान करी रहै। (aion g165) 22 काहैकि मूसा कही ‘तुमरो प्रभु तुमरो परमेस्वर तुमरे ताहीं एक भविष्यवक्ता भेज देगो, जैसी बौ मोकै भेजी रहै, और बौ तुमरेई लोगन मैं से एक होगो। तुम बौ सब कुछ मानन बारे हौ जो बौ तुमकै करन कै कहथै। 23 जो कोई भी बौ भविष्यवक्ता को पालन नाय करथै, बौ परमेस्वर के लोगन से अलग हुई जाबैगो और अपने आप मैं खतम हुई जागो।’ 24 और समूएल से लैकै बाके बाद के सब भविष्यवक्ता जोभी संदेस बोली रहैं, बे सब जेई दिनन की भविष्यवाँडी करी रहैं कि जे दिनन का ही रौ है। 25 अपने भविष्यवक्तन के जरिये परमेस्वर के वादा तुमरे ताहीं हैं, और तुम बौ वाचा मैं भागी बनथौ जोकै परमेस्वर तुमरे परखन के संग बनाई रहै। जैसो कि बे अब्राहम से कही, ‘तुमरे बंसज के जरिये मैं धरती मैं सबे लोगन कै आर्सीवाद दूंगो।’ 26 और जहे ताहीं परमेस्वर अपने सेवक कै चुनी और तुमरे झोने पनारी, ताकी तुम सबन के ऊपर से बुराई खतम करकै आसीस देबै।”

4 जब पतरस और यहून्ना लोगन से बात करत रहैं, तौ कुछ पुजारी, मंदिर के पहरेदारन के प्रभारी अधिकारी, और कुछ सदूकी पहोंचे। 2 बे गुस्सा रहैं काहैकि दुई प्रेरित लोगन कै सिखात रहैं कि ईसु मौत से जी उठ गौ रहै, जोसे जौ साबित हुई गौ कि मरो भौ आदमी जिंदगी मैं आगो। 3 तौ बे उनके पकड़कै दुसरे दिन तक कैदखाना मैं बंद कर दई, काहैकि पहलेई देर हुई चुकी रहै। 4 लेकिन उनको जौ संदेस सुनकै, उनमैं से निरे आदमी बिस्वास करी; और जिनको आँकड़ा पाँच हजार के लमसम हुई गौ। 5 दुसरे दिन यहूदि मुखिया, बड़े-बूढ़े और यहूदि नियम के सिक्छा देनबारे यस्सलेम मैं जुराने। 6 बे बड़े पुजारी हन्ना और कैफा, यहून्ना, सिक्न्दर के संग, और जितने बड़े पुजारी के परिवार के रहैं उनसे मिले। 7 बे प्रेरितन कै सबके सामने ठडबाए कै और उनसे पूँछी, “तुम जौ काम कौनकी सामर्थ्य और कौनके नाओं से करथो?” 8 तौ पतरस पवित्र आत्मा से भरकै उनके जबाब दई, “लोगौ और बड़े-बूढ़े के मुखिया: 9 आदमिन के मुखियौ और बड़े-बूढ़े जौ लंगड़ा

आदमी के संग तौ अच्छो करो गौ है, लेकिन आज हमसे जाके बारे मैं सवाल करथौ कि बौ कैसे अच्छो भौ है, 10 तौ तुम सब और पूरे इस्त्राएली आदमी जान लियो कि मसीह ईसु नासरी के नाओं से जोकै तुम सब क्रूस के ऊपर टोंगे, और परमेस्वर बाकै मरो भौ मैं से जिंदो कर दई, जौ बहे आदमी है तुमरे अगु अच्छो-भलो ठाड़ो है। 11 ईसु ही बौ है जोकै बारे मैं धर्मग्रंथ करथै, जौ बहे पथरा है जोकै राजमित्री बेकार समझी, ‘बौ सबन के ताहीं कोहने को खास पथरा बन गौ।’ 12 उद्धार कोई दुसरे के जरिया नाय है; काहैकि स्वर्ग के तेरे आदमिन मैं और कोई दुसरो नाओं ही नाय दौ गौ है, जोकै जरिया हम मुक्ति पाये सकथै।” 13 जब पंचायत के आदमी देखीं तौ बे अचम्मे मैं पड़ गै, पतरस और यहून्ना की हिम्मत देखकै जानगै कि जे अनपढ़ और साधारण से आदमी हैं बे बड़ा ताजुब करी; फिर उनके पता चल गौ, कि जे ईसु के संग रहत रहैं। 14 लेकिन ऐसो कुछ नाय रहै जो बे कह सकत रहैं, काहैकि बे बौ अच्छो आदमी कै देखी रहैं जो पतरस और यहून्ना के संग हूँआं ठाड़ो रहै। 15 जहे बजे से बे उन्हें पंचायत घर कै छोड़न के ताहीं कही, और फिर बे आपस मैं चर्चा करन लगे। 16 “हम जे आदमिन के संग का करंगे?” बे पूँछी। “यस्सलेम मैं हर कोई जानथे कि जौ असाधारण चिन्ह चमत्कार उनके जरिये करो गौ है और, हम बाकै नकार भी नाय सकथै। 17 लेकिन जौ बात आदमिन के बीच फैलन से रोकन के ताहीं, आबौ हम जे लोगन कै चितौनी देंमैं कि ईसु के नाओं से कह कोई से बात ना करै।” 18 तौ पतरस और यहून्ना कै बुलाएकै और चितौनी देत भै जौ कही, ईसु के नाओं से ना कुछ बोलियो और ना कुछ सिखईयो। 19 लेकिन पतरस और यहून्ना उनके जबाब दई, “तुम्हई न्याय करौ, ठीक काहैकि परमेस्वर की बात नाय मानकै तुमरी बात मान लेंमैं। 20 ऐसो तौ हम नाय कर पांगे, कि जो हम देखे और सुने, बौ ना सिखामैं।” 21 तौ बे उनके और कडी चितौनी देंकै छोड़ दई, बे देखीं कि उनके सजा देनो नामुमकिन रहै, काहैकि जो कुछ हूँआं रहै, बाके ताहीं सब जनी परमेस्वर की बड़ाई करत रहैं। 22 जो आदमी के ऊपर अच्छो करन को चिन्ह चमत्कार दिखाओ गौ रहै, बौ चालीस साल की उमर से भी जाधे को रहै। 23 पतरस और यहून्ना छुटकै अपने साथियन के झोने आए, और जो कुछ मुखिया पुजारिन और बड़े-बूढ़े कही रहैं, उनके सुनाए दई। 24 जौ सुनकै बे सब विस्वासी परमेस्वर से प्रार्थना करन लगे: “हे स्वर्ग, धरती, और समुंदर के मालिक और सब कुछ बनान बारे, जौ सब बापे है! 25 तै पवित्र आत्मा के जरिया अपने सेवक हमरे पुरखा दाऊद के मोहों से बोलो, जब बौ कही, ‘गैर यहूदि हलगदड़ काहे मचाथै; और देस-देस के आदमी काहे बेकार की बात सोचथै? 26 पृथ्वी के राजा अपने आपकै तैयार करी, और सासक आपस मैं मिल गै प्रभु और उनके मसीह के खिलाप।’ 27 काहैकि सच्ची मैं तेरे पवित्र सेवक ईसु के खिलाप मैं, जोकै तू अभिसेक करो, हेरोद और पुन्तियुस, पिलातस, गैर यहूदि और इस्त्राएलियों के संग जहे सहर मैं जुराए गै। 28 ताकी जो कुछ अगुए से ठहराओ रहै, तेरी ताकत और इच्छा से बैसो ही होबै। 29 और अब प्रभु, उनकी धमकियन मैं खयाल कर और अपने सेवकन कै बिना डराय तेरो बचन पूरी हिम्मत से सुनाए सकैं। 30 अच्छो करन के ताहीं तै अपनो हात हमरे अगु कर, ताकी चिन्ह चमत्कार और

अनोखे काम तरे पवित्र सेवक ईसु के नाओं से करे जायें।” 31 जब बे पूरी प्रार्थना कर डारी, जो जघा में सब जुराए रहैं, तौ सबके भीतर पवित्र आत्मा समाए गई, और बे बिना डरे परमेस्वर को बचन सुनात रहैं। 32 बिस्वास करन बारेन को एक बड़ो झुंड रहै, जोकी एक मनसा और एक मन के रहैं। कोइयो जौ नाय कहत रहै की बाकी चीज खुद की हैं। उनके झोने जो कछु रहे, बौ चीज के आपस में साझा लेत रहैं। 33 बड़ी सामर्थ्य के संग प्रेरित प्रभु ईसु के मौत से जी उठन की गभाई दई, और परमेस्वर उन सबन के ऊपर भरपूर अनुग्रह डारी। 34 समूह में ऐसो कोईये नाय रहै जो जरूरतमंद होबै। जो लोग खेतन के या धरन के मालिक रहैं, बे उनके बेंच देते और बासे जो भी पैसा मिलत रहै बाकै बे लायकै, 35 प्रेरितन के सौंप देत रहैं; और लोगन की जरूरतन के हिसाब से पैसा बाँट दौ जात रहै। 36 यूसुफ नाओं को एक लेवी जो साइप्रस में पैदा भौ रहै, लेकिन प्रेरित बाको नाओं बरनबास जोको मतलब है “हौंसला देन बारो,” 37 बौ अपने खेत के बेंच दई और पैसा लायकै, प्रेरितन के सौंप दई।

5 हनन्याह नाओं को एक आदमी रहै, और बाकी बईय्यर को नाओं सफीरा रहै, तौ बे जमीन को एक हिस्सा बेचीं। 2 बौ अपनी बईय्यर के संग मिलकै बायें से कुछ पैसा धर लई और बचे भैं पैसा प्रेरितन के दै दई। 3 तौ पतरस कही, “हनन्याह, तू सैतान के अपने मन में काहे घुसन दौ कि तू पवित्र आत्मा के अगु झूठ बोलो और जमीन बेचकै मिले भैं पैसन में से धर लौ? 4 जब तक सम्पत्ति तेरे झोने रहै, का बाको अधिकार तेरो नाय रहै? और जब तू बेंचो बौ पैसा का तेरे अधिकार में नाय रहै? तैं जौ बात अपने मन में काहे सोचो? तैं आदमिन से नाय, बल्किन परमेस्वर से झूठ बोलो है!” 5 जौ बात सुनकै हनन्याह जमीन में मोखरा गिर गौ और तुरतै बाकी ज्ञान निकर गई। तौ सब सुनन बारेन के बड़ा डर छाप गौ। 6 तौ ज्वान आदमी उठकै बाकी अर्थी बनाई और दुआरे लै जाएकै दफनाए दई। 7 लमसम तीन घंटा बाद, जो कुछ हूँना भौ रहै, बाकी बईय्यर के कछुए पता नाय रहै और बौ सीधे भीतर आई। 8 तौ पतरस बासे कही, “मोकै बता का तुम बौ जमीन के इते में बेंचे रहौ?” बौ कही, “हौं, इतेई मैं।” 9 तौ पतरस बासे कही, “तुम दोनों प्रभु की आत्मा की इम्तिहान लेन के ताहीं कैसे राजी ही गै? देख तेरे लोगा के दफनान बारेन के पाँव फाटक तक आए चुके हैं और बे तहँ के उठाएकै लै जांमगे!” 10 और बौ तुरतै उनके पाँव में गिर पड़ी और बौ खतम हुई गई, तौ ज्वान आदमी भीतर आए के बाकै मरी भइ पाई, और दुआरे लै जाएकै बहे के लोगा झोने बाकै दफनाए दई। 11 तौ पूरी कलीसिया में जे बात सब सुनन बारेन के ऊपर बड़ा डर छाप गौ। 12 प्रेरितन के हात से निरि चिन्ह और अनोखे काम आदमिन के बीच में दिखाए जात रहैं, और बे सब एक मन हुईकै सुलैमान की डेहरी में जुरात रहैं। 13 लेकिन औरन में से कोई की हिम्मत नाय होत रहै कि, उनमें मिल जायें; तहुँओ आदमी उनकी बड़ा बात करत रहैं। 14 लेकिन बिस्वास करन बारे निरि आदमी और बईय्यर प्रभु की कलीसिया में बड़ते जात रहैं। 15 प्रेरितन के कामन के हिसाब से आदमी बिमारन के सडकन में लाए लायकै, खटिया और मुंदरा में लिटाए देत रहैं, कि जब पतरस आबै, तौ बाकी छौई उनके

ऊपर पड़ जाबै। 16 और यरूसेलम के आस-पास के सहरन में से आदमिन की बड़ी भीड़, जो बिमार और प्रेत आत्मा के सताए भैन के लात रहैं; और सबन के अच्छे कर दौ जात रहै। 17 तौ बड़ो पुजारी और बाके सब संग के जो सदकी स्थानीय दल के सदस्य रहैं, बे जलन से भरकै प्रेरितन के बिरोध में सलाह करी और फैसला लई। 18 और प्रेरितन के पकड़कै उनहें सार्वजनिक कैदखाना में डार दई। 19 लेकिन रात के प्रभु को एक स्वर्गदूत कैदखाना के फाटक खोलकै, प्रेरितन के दुआरे निकारी, और उनसे कही, 20 “जाबौ मंदिर में ठाड़े रहाबौ, और लोगन के जौ नई जिंदगी की बातन के बताबौ।” 21 प्रेरित आग्या को पालन करी, और भोर होतै खिना मंदिर में जाएकै सिक्छा देन लागे। तौ बड़ो पुजारी और बाके सब संग बारे आयकै बड़ी पंचायत में इस्राएलियन के सब बड़े-बूढ़ेन के एक संग बुलाई; तौ बे प्रेरितन के कैदखाना से लान को आदेस दई। 22 लेकिन जब अधिकारी पहुँचे तौ प्रेरितन के कैदखाना में नाय पाई, और लौटकै पंचायत में खबर दई, 23 “हम कैदखाना के चौकीदारन के और फाटक के सई-सलामत बंद पाए; लेकिन जब खोले, तौ भीतर कोईये नाय मिलो!” 24 जब मंदिर के मुखिया पुजारी और चौकीदार के अधिकारी जे बात सुनी, तौ बड़ा सोच में पड़ गै कि प्रेरितन को का भौ। 25 तभइये एक आदमी आओ और उनसे कही, “सुनौ! जिनकै तुम कैदखाना में डारे रहौ, बे लोगन के मंदिर में उपदेस देरै हैं।” 26 तभइये अधिकारी, सिपईय्यन के संग जाएकै, प्रेरितन के लै आई लेकिन जबरजती से नाय, काहँकि बे आदमिन से डरात रहैं कि उनके ऊपर पथराव नाय कर दें। 27 बे प्रेरितन के लायकै बड़ी पंचायत के अगु ठडबाए दई; और बड़ो पुजारी उनसे पूँछताछ करी। 28 बे कही, “का हम तुमकै कडो आदेस ना दै रहैं कि तुम जौ आदमी के नाओं से उपदेस मत दियो; लेकिन देखौ तुम का करे हौ! तुम पूरे यरूसेलम में अपने उपदेसन के फैलाय दै हौ, और तुम बाके खून को इल्जाम हमरे ऊपर लगानो चाहथौ!” 29 पतरस और दुसरे प्रेरित उनके जबाब दई, “हम परमेस्वर के माननो चाहिए, ना कि आदमिन के। 30 हमरे परखन को परमेस्वर ईसु के जिंदो करी, जोकै तुम क्रूस में टँगाए के मार डारे रहौ। 31 परमेस्वर बाकै अपने दहने हाथ को नेता और उद्धारकर्ता के रूप में उठाई, ताकी इस्राएलियन के पछतान को मौका दौ जाए सवै और पापन के माफ कर देंबै। 32 हम जे बातन के गभा हैं, और बैसिये पवित्र आत्मा भी जोकै उपहार के रूप में परमेस्वर उनके दई है जो बाकी आग्या मानथैं।” 33 जब पंचायत के सदस्य जौ सुनी, तौ बे इतने गुस्सा में रहैं कि बे चाहत रहैं कि प्रेरितन के मौत के घाट उतार दौ जाबै। 34 लेकिन गमलीएल नाओं को एक फरीसी जौ नियम के सिक्छकन और सब आदमिन में बड़ा पहोंचो भौ रहै, पंचायत में ठाड़कै प्रेरितन के जरा देर दुआरे जान ताहीं कही। 35 तौ बौ पंचायत से कही “हे इस्राएलियौ, जो कुछ तुम जे आदमिन के संग करनो चाहथौ, सोच समझकै करियो। 36 तुमकै याद है कुछ समय पहले थियूदासो कहत भौ उठो, कि महुँ कुछ हौं; और बाके संग कम से कम चार सौ आदमी ही गै, लेकिन बौ मारो गौ, और जिते आदमी बाकै मानत रहैं तितर-बितर ही गै और बाको आन्दोलन खतम हुई गौ। 37 बाके बाद गलीलियन जगगडना के समय में यहदा दिखाई

दई, बौ बाके बाद एक भीड़ के अपने घोंई कर लई; लेकिन बहो खतम हुई गौ, और जिते आदमी बाकै मानत रहैं बे सब तितर-बितर ही गै। 38 और जहे ताहीं जौ मामले में, मैं तुमसे कहथौं, इनसे कोई मतलब भी मत रखियो; और इनकै अकेलो छोड़ देयौ! अगर जौ योजना आदमिन घोंई से होगी तौ अपने आपै खतम हुई जागी, 39 लेकिन अगर परमेस्वर के घोंई से है तौ तुम उनके कहए नाय रोक पाबैगे। कहैं ऐसो नाय होबै कि तुम अपने आपकै परमेस्वर के खिलाप लड़त भइ पाबौ!” तौ पंचायत गमलीएल की सलाह मान लई। 40 फिर बे प्रेरितन के भीतर बुलबाई, और कोड़ा लगवाई, और आदेस दई, कि बे फिर ईसु के नाओं से फिर कहए बात ना करैं; और फिर बे उन्हें आजाद कर दई। 41 प्रेरित जौ बात से खुस हुईकै पंचायत के अगु से निकर गै, कि हम ईसु के नाओं के ताहीं बेईज्जत होन के लायक तौ बने। 42 जाके बाद हर रोज मंदिर में और लोगन के घरन में जाए-जाएकै ईसु मसीह के बारे में सुसमाचार सुनाते और प्रचार करना जारी रखत रहैं।

6 कुछ समय बाद, जैसे-जैसे सेवकाई में चेलन की गिनती बढ़त रहे, यूनानी भासा बोलन बारे यहदिन के बीच और इब्रानी यहदियन के बीच लड़ाई होन लगी। यूनानी भासा बोलन बारे यहदि दाबा करी, कि खान-पीन में उनकी बिधवन की खैर-खबर नाय लई जाए रइ है। 2 तौ बे बारह चेलन के विस्वासी समूह के एक संग बुलाई और कही, “जौ तौ अच्छो नाय है कि आपन परमेस्वर के बचन को प्रचार छोड़ खबान-पिबान की सेवा में रहमैं। 3 जहे बजह से भईय्यौ, आपन में से सात भले आदमिन के जो पवित्र आत्मा और बुद्धि से भरे होमैं, छोट लेबो, कि हम उनके जौ काम में लगाए देंमैं। 4 तौ हम खुद, अपने पूरे समय प्रार्थना और प्रचार के काम में देंगे।” 5 जौ राय पूरे समूह के अच्छी लागी, तौ बे स्तिफनुस नाओं के एक आदमी के जौ बिस्वास और पवित्र आत्मा से भरो रहै, और फिलिप्पुस, प्रखुस्स, नीकानोर, तीमोन, परमिनास और अन्ताकिया में रहेन बारे नीकुलाउस जो यहदि धर्म में बदल गै रहैं, चुन लई। 6 समूह उन्हें प्रेरितन के अगु ठंडबाई और प्रार्थना करके उनके ऊपर हात धरी। 7 और परमेस्वर को बचन फैलत गौ। और यरूसलेम में चेलन की गिनती बड़ा बढ़त गई, और पुजारी को एक बड़ो समाज जौ बिस्वास के मानन बारो ही गौ। 8 स्तिफनुस, एक आदमी जो परमेस्वर के अनुग्रह पाओ भौ रहै और सामर्थ्य से भरपूर भरो रहै, बौ लोगन के बीच बड़े-बड़े अचम्बे काम और चिन्ह दिखात रहै। 9 लेकिन बौ कुछ आदमिन के जरिये बिरोध करो गौ रहै जो आजाद करन बारेन के सभाघरन के सदस्य रहैं, जैसो कि जाके कहो जाथै, जोंमैं कुरेनी और सिकन्दरिया के यहदि सामिल रहैं। बे और दूसरे आदमी किलिकिया और आसिया के देसन से स्तिफनुस के संग बहस कर लागे। 10 लेकिन आत्मा स्तिफनुस के ऐसो ग्यान दई कि जब बौ बोलो, तौ बे बाके अगु टिक ना पाई। 11 तौ बे कई लोगन के घूस दई जो कहेन लागे, “हम जाकै मूसा और परमेस्वर के खिलाप बुरो-भलो कहत सुने हैं।” 12 ऐसे करके बे आदमिन के, बड़े-बढ़ेन और यहदि नियम के सिक्ककन के हलाए दई। बे स्तिफनुस के पकड़के पंचायत में लै आए। 13 फिर बे कुछ आदमिन

के बाके बारे में झूठ गभन के ताहीं लै आए। बे कही, “जौ आदमी, हमेसा हमरे पवित्र मंदिर और मूसा के नियम के खिलाप बोलथै। 14 हम बासे जौ कहत सुने हैं कि जहे ईसु नासरी जौ मंदिर के उजाड़ देगो, और बे रीतियन के बदल देगो जोकी मूसा हमके दई है!” 15 तौ सब आदमी जो पंचायत में बैठे रहैं, स्तिफनुस के निहारके देखीं कि बाको मोहों एक स्वर्गदूत के मोहों के हानी दिखात रहै।

7 बड़ो पुजारी स्तिफनुस से पूँछी, “का जौ सच्ची है?” 2 स्तिफनुस जबब दई, “भईय्यौ और बड़े-बढ़े सुनौ! हमरो पुरखा अब्राहम हारान सहर में बसन से अगु जब मेसोपोटामिया में रहै; तौ महिमा में परमेस्वर बाकै दर्शन दई 3 और बासे कही, ‘अपने देस और अपने परिवार के छोड़के तू बौ जघा में चले जा, जो तोकै में दिखानगो।’ 4 और जहे बजह से बौ कसदियों के देस के छोड़के हारान में रहन चले गौ। अब्राहम के दऊवा के खतम होन के बाद, परमेस्वर बाकै हूँना से जौ जघा में लाई जहाँ अब तुम रहथौ। 5 परमेस्वर अब्राहम के कोई हिस्सा नाय दई, हियाँ तक कि बाके पास जमीन को एक मीटर तक नाय रहै, लेकिन परमेस्वर बाकै देन को वादा करी रहै, और जौ कि बौ बाके और बाके बंसज को होगो। जो समय परमेस्वर जौ बचन दई, बौ समय अब्राहम की कोई औलाद नाय रहै। 6 परमेस्वर बासे ऐसो वादा करी: ‘तेरी औलाद दुसरे देस में परदेसी होमंगे, और बे गुलाम बनंगे, और 400 साल तक बे दुख उठामंगे। 7 तौ मैं परमेस्वर कमईयन के मालिकन के ऊपर फैसला लेंगो और तुमरे बंसज बौ देस से निकरके जहे जघा में मेरी महिमा करंगे।’ 8 तौ परमेस्वर अब्राहम से खतना की वाचा भँदी। जहे बजह से अब्राहम इसहाक के पैदा होन के एक सप्ताह के बाद बाको खतना करी; इसहाक अपने लौड़ा याकूब को खतना करी, और याकूब अपने बारह लौड़न को खतना करी, हमरी जाति के प्रसिद्ध परखन को खतना भौ।” 9 “याकूब के लौड़ा अपने भईय्या यूसुफ से जलन लगे और बाकै मिश्र देस में गुलाम बनन के ताहीं बेंच दई। लेकिन परमेस्वर बाके संग रहै” 10 और परमेस्वर यूसुफ की सब परेसानी से छुड़ाय के मिश्र के राजा फिरोन के सामने आओ, तौ परमेस्वर बाकै खुस करन के तरीका अनुग्रह और ग्यान दई, और राजा बाकै मिश्र को और अपने पूरे घराने को राज्यधिकारी बनाई। 11 तौ मिश्र और कनान में आकाल पडो; और बड़ो संकट आओ, और हमरे बड़े-बढ़ेन के अन्न नाय मिलन लागो। 12 जब याकूब जौ सुनी, कि मिश्र में अन्न है, तौ बौ अपने लौड़न के, और हमरे परखन के पहली बार हूँना पनारी। 13 दुसरी बार यूसुफ अपने आपकै अपने ददा-भईय्यन के सामने लै आई, तौ यूसुफ के परिवार के बारे में फिरोन राजा के पता चलो। 14 जहे बजह से यूसुफ अपने आप से अपने दऊवा याकूब और अपने पूरे परिवार के, जो 75 जनी रहैं, मिश्र में आन की खबर पनारी। 15 तौ याकूब मिश्र गौ, और हूँना पर बौ और बाके लौड़ा हूँन खतम ही गै। 16 उनकी लास सेकेम में लै जाएकै, कबर में दफनाओ गौ रहै जोंकै अब्राहम पैसा दैकै हामोर जाति से खरीदी रहै। 17 जब परमेस्वर को वादा अब्राहम से पूरो करन को समय आओ तौ मिश्र में हमरे लोगन की गिनती निरी बढ़ गई रहे। 18 आखरी में एक राजा जो यूसुफ के नाय जानत रहै, मिश्र

में राज करन लग्यो। 19 बौ हमरे लोगन के संग विस्वासाघात करी और हमरे पुरखन के उनके नवजात बालकन के बाहर फेंकन के ताहीं बेबस करी ताकी बे मर जायें। 20 बहे समय मूसा को जनम भौ; और बौ परमेस्वर की नजर में भौत सुगड़ रहे। और बौ तीन महेना ले अपने घर में पालो पोखो गौ, 21 और जब बाकै अपने घर से बाहर कर दौ गौ, तौ फिरौन राजा की लौडिया बाकै उठाए लाई और अपनो लौडा करकै पाली। 22 और मूसा के मिश्रियन की सब सिक्छा दई गई, और बौ सब्दन में और कामन में एक महान आदमी बन गौ। 23 “जब मूसा चालीस साल को भौ, तौ बाके मन में जौ बात पता लगान को फैसला करी कि बाके संग के इस्राएलियन के संग कैसो बर्ताव कर रहें हैं। 24 बौ देखी कि उनमें से एक मिश्र के लोगन के संग अन्याय कर रहै हैं, जहे बजह से बौ बाकी मदत के ताहीं गौ और मिश्रियन के मारकै बाको बदला लाई। 25 मूसा सोची की बाके अपने लोग जौ समझंगे कि परमेस्वर बाके हातन से उनको उद्धार करैगो लेकिन बे नाय समझ पाई। 26 दुसरे दिन मूसा दुई इस्राएली आदमिन के लडत भइ देखी, बौ उनके बीच सांति बनान की कोसिस करी। और बौ कही, ‘सुनौ, तुम एक संग के इस्राएली हो; तुम एक दुसरे ऊपर काहे अन्याय करथो?’ 27 लेकिन जो दूसरे के संग अन्याय करत रहे, बौ मूसा के एक घाई धकियाए दई। बौ पूँछी, ‘कौन तोकै सासक बनाओ और हमरो फैसला करन के कही?’ 28 ‘तू जैसे कल मिश्री के मारो रहै, का मर्ह के मार डारनो चाहथे?’ 29 जब मूसा जौ सुनी, तौ बौ मिश्र से भाज गौ और मिश्रान देस में रहेन चले गौ। और हूँना बाके दुई लौडा पैदा भै।” 30 “जब पूरे चालीस साल गुजर गै, तौ एक स्वर्गदूत सीने पहाड़ के झोने रेगिस्तान में बाकै जलत भइ झाड़ी की लपट में दिखाई दई। 31 मूसा जौ देखकै अचम्मो भौ, और देखन ताहीं जब बौ झाड़ी के झोने गौ, तौ प्रभु की अबाज सुनाई दई: 32 ‘मैं तेरे पुरखा अब्राहम, इसहाक और याकूब को परमेस्वर हौँ।’ तौ मूसा कपकपाए गौ, हीना तक की बाकै देखन की हिम्मत नाय रही। 33 प्रभु बासे कही, ‘अपनी चप्पल खोल दे, जो जघा में तू ठाडो है, बौ पवित्र जघा है। 34 मैं मिश्र में अपने आदमिन की हालत के देखो हौँ; और उनको कराहनो सुनो हौँ, और उनके छुड़ान के ताहीं उतरो हौँ। अब अबौ; मैं तुमके मिश्र पनारंगो।’” 35 “मूसा बहे है जोकै इस्राएल के लोग जौ कहकै नकारी रहैं, बे पूँछी, ‘कौन तोकै सासक बनाओ और हमरो फैसला करन के कही?’ मूसा बौ है जोकै परमेस्वर लोगन के ऊपर सासन करन के ताहीं पनारी है और उनके स्वर्गदूत की मदत से आजाद करी जो जलत भइ झाड़ी में दिखाई दई रहै। 36 जहे मूसा मिश्र देस के लोगन के मिश्र और लाल समुंदर में और रेगिस्तान में चालीस साल तक चमत्कार और चिन्ह दिखाए-दिखाए के उनकै निकार लाई। 37 मूसा बहे है, जो इस्राएल के लोगन से कही रहै, ‘परमेस्वर तुमरे ताहीं एक भविष्यवक्ता भेजैगो, जेसे बौ मोकै भेजी, और बौ तुमरे लोगन में से एक होगो।’ 38 जौ बहे है, जोकै जो रेगिस्तान में जुराने इस्राएल के लोगन के संग रहै; बहे स्वर्गदूत के संग सीने पहाड़ में बासे बात करी रहै, और आपन के परखन के संग रहै, और बौ हमरे झोने जान के तहीं परमेस्वर के जिंदे संदेस लाई।” 39 “लेकिन हमरे परखा बाकी बात मानन से मन

8 और साऊल बाकै मारन की सहमति दई। बहे दिन से यरूशलेम के कलीसिया के ऊपर बड़ा सताव होन लगो। और प्रेरितन के छोट सब विस्वासी यहूदिया और सामरिया के देसन में तितर-बितर हुई। 2 कुछ धर्मप्रेमी लोग स्तिफनुस के दफन कर दई और बड़ा रोई। 3 पर साऊल कलीसिया के उजाड़त गौ; बौ घर-घर जाएँ विस्वासियन के, और आदमिन के और बईय्यरन के घसीट के कैदखाना में डार देत रहै। 4 जो विस्वासी बिखरे भै रहै, बे हर जघा जाएँ सुसमाचार देत रहै। 5 फिलिप्पुस सामरिया सहर में जाएँ और हुँआ लोगन के मसीह को उपदेस दई। 6 जो फिलिप्पुस कही, बापे भीड़ पूरा ध्यान दई, काहिकि बे बाकी बात सुनी और बाके जरिये करे गै चिन्ह चमत्कार के देखी। 7 निर जनिन में से बुरी आत्मा निकारी गई, और निर फालिस की बिमारी और लंगडन के अच्छो करो गौ। 8 जहे बजह से बौ सहर बड़ा खुस रहै। 9 सिमौन नाओं को एक आदमी रहै, जो जादू-टोना से सामरिया के आदमिन के अचम्मो करतो और खुदकै महान आदमी बतातो, 10 और सहर के सब जनी, समाज के सबे वर्गन से, बाके ऊपर पूरा ध्यान दई। बे कही, “कि परमेस्वर की सामर्थ्य ‘महान सामर्थ्य’ के रूप में जानी जाथै।” 11 बौ निर दिनन से उनके अपने जादू के कामन से चकित करत रहो, तभईये बे बाकै बड़ा ध्यान देत रहै। 12 लेकिन जब बे फिलिप्पुस को बिस्वास करीं जो परमेस्वर के राज्य और ईसू मसीह के नाओं को सुसमाचार सुनात रहै, तौ आदमी का बईय्यर बपतिस्मा लेन लगे। 13 तौ सिमौन भी बिस्वास करी और बपतिस्मा लैकै फिलिप्पुस के संग रहेन लगे और चिन्ह चमत्कार और बड़े-बड़े सामर्थ्य के काम होत भै देखकै बड़ा अचम्मो करतो। 14 जब यरूशलेम में प्रेरित सुनी, कि सामरिया के लोग परमेस्वर को बचन अपनाय लई हैं तौ पतरस और यहून्ना के उनके झोने पनारी। 15 जब बे हँना पुगे, तौ विस्वासिन के ताहीं प्रार्थना करी ताकी बे पवित्र आत्मा पावैं। 16 काहिकि पवित्र आत्मा अबले उनमें से कोईये ऊपर नाय उतरी रहै; बे सिर्फ प्रभु ईसू के नाओं से बपतिस्मा लई रहै। 17 तौ पतरस और यहून्ना उनके ऊपर हात धरी और बे पवित्र आत्मा पाई। 18 जब सिमौन देखी कि प्रेरितन के हात धरन से पवित्र आत्मा दौ जाथै, तौ पतरस और यहून्ना के पैसन की घूस देन की कोसिस करी, 19 और कही, “जहे अधिकार मोकै भी देबौ, कि जो कोई के ऊपर मैं हात धरौं, तौ बौ पवित्र आत्मा पावैं।” 20 लेकिन पतरस बाकै जबाब दई, “तेरे पैसा तेरे संग नरक में जावैं, जो सोचन के ताहीं कि तैं पैसन से परमेस्वर को वरदान मोल ले सकथै। 21 जो काम मैं ना तेरो कोई हिस्सा है और ना बाँट है, काहिकि तेरो मन परमेस्वर कि नजर में सई ना है। 22 पस्चाताप कर, फिर, अपनी जौ योजना ताहीं प्रभु से प्रार्थना कर कि बौ तोकै जौ तरहन की बात मन में सोचन के ताहीं माफ कर देबै। 23 काहिकि मैं देखरौ हौं कि तुम कटु ईर्सा से भरो भौ है और अधर्म को कैदी है।” 24 तौ सिमौन पतरस और यहून्ना से कही, “किरपा करकै मेरे ताहीं प्रभु से प्रार्थना करौ, ताकी तुमरे जरिये कही गई जे बातन में से कोई भी मेरे ताहीं ना होबै।” 25 फिरौकी पतरस और यहून्ना गभाई दैकै, सामरिया और निर गाँवन में प्रभु को सुसमाचार सुनात भै यरूशलेम के लौट गै। 26 प्रभु को एक दूत फिलिप्पुस से कही, “तैयार हुई जा और तरिहाँए

के घाँई जा रस्ता जो यरूशलेम से गाजा के जाथै।” जौ रेगिस्तान बारो रस्ता है। 27 इसलै फिलिप्पुस तैयार हुई गौ और चले गौ। तभई कूस देस को एक खोजा आत रहै, जो कूसियन की रानी के भंडार को एक खास अधिकारी रहै। बौ आराधना करन के ताहीं यरूशलेम में आओ रहै। 28 बौ अपनी रथ में घरे बापस जात रहै। जैसे-जैसे बौ अगु बढै, बौ यसायाह भविष्यवक्ता की किताब पढत भै जावै। 29 तौ पवित्र आत्मा फिलिप्पुस से कही, “बाके झोने जाएँकै जौ रथ के संग हुई ले।” 30 फिलिप्पुस दौड़कै यसायाह भविष्यवक्ता की किताब से पढत भै सुनी तौ बासे पूँछी, “तू जो पढ रहो है, का तू बाकै समझतौ है?” 31 अधिकारी जबाब दई, “जबले कोई मोकै नाय समझागो तौ मैं बाकै कैसे समझंगो?” और बौ फिलिप्पुस बासे बिनती करी की बौ चढकै बाके संग बैठे। 32 साम्राज को जौ अध्याय बौ पढत रहै, बौ जौ कहत रहै: “बौ एक भेंड के हानी रहै जोकै मारन के ताहीं लैजाओ जाथै, एक भेंड के मेम्ना के हानी जो कोई अबाज ना करथै जब बाको ऊन काट दौ जाथै। बौ एक सब्द ना कही। 33 बाकै बेईज्जत करो गौ, और बाकै न्याय से वचित कर दौ गौ। कोइयो बाके बंसज के बारे में नाय बताए पाओ। काहिकि पृथ्वी में बाकी जिंदगी खतम हुई गई।” 34 तौ अधिकारी फिलिप्पुस से पूँछी, “मैं तोसे बिनती करथौं, बता, जौ भविष्यवक्ता कौनके बारे में कहरौ है? अपने बारे में या कोई दुसरे के बारे में?” 35 तौ फिलिप्पुस कहेन लागो; और साम्राज के जौ अंस से सुरू हुईकै, बौ बाकै ईसू को सुसमाचार सुनाई। 36 जब बे रस्ता में जात रहै, तौ बे एक जघा में आए जहाँ पानी रहै, तौ अधिकारी कही, “देख हिंयाँ पानी है। और अब मोकै बपतिस्मा लेन में का कोई स्कावट है?” 37 फिलिप्पुस कही, “अगर तू पूरे मन से बिस्वास करथै तौ लै सकथै।” बौ कही “मैं बिस्वास करथौं।” 38 तौ अधिकारी रथ रोकन को आदेस दई, और फिलिप्पुस और अधिकारी दोनों पानी में उतर गै, और फिलिप्पुस बाकै बपतिस्मा दई। 39 जब बे पानी से बहार निकरकै आए, तौ प्रभु की आत्मा फिलिप्पुस के दूर लै गई। अधिकारी बाकै फिर से नाय देखी, लेकिन खुसी से अपने रस्ता में चलत रहो। 40 फिलिप्पुस अपने आपकै अस्टोद में पाई; बौ कैसरिया गौ, और रस्ता में बौ हर सहर में सुसमाचार को प्रचार करी।

9 साऊल अपने चेला जो प्रभु के चेलन के खिलाप मार डारन की धमकी दई। जौ बीच बौ बड़ो पुजारी के झोने गौ धमकान और घात करन के ताक में रहत रहै। 2 और बासे दमिस्क नाओं के सभाघर से जौ अधिकार को दस्तावेज माँगी कि आदमी का बईय्यर, जिनके बौ परमेस्वर के रहामें पावै तौ उनकै पकड़कै यरूशलेम में लै आबै। 3 जैसे-जैसे साऊल दमिस्क सहर के झोने आत गौ, अनकाचीति आसमान से बाके ऊपर एक उजियारो चमको। 4 बौ जमीन में गिर गौ और बाकै एक अबाज सुनाई दई, “साऊल, साऊल! तू मोकै काहेंके सताथै?” 5 बौ पूँछी, “प्रभु तैं कौन है?” अबाज कही, “मैं ईसू हौं; जोकै तू सताथौ।” 6 “लेकिन अब उठके और सहर में जा, जहाँ तोकै बताओ जागो कि तोकै का करनो चाहिए।” 7 जो आदमी साऊल के संग सफर करत रहै, बे चकाय

गै, काहेकि बे अबाज के सुनत तौ रहै, लेकिन कोई के देख नाय पात रहै। 8 तौ साऊल जमीन में से उठो, लेकिन जब आँखी खोली तौ बाकै कछु सुजान ना लगो। जहे बजह से बे बाको हात पकड़कै दमिस्क में लैगै। 9 बौ तीन दिन ले नाय देख सको, और बौ समय साऊल कछु ना खाए पी पाई। 10 दमिस्क में हनन्याह नाओं को एक चेला रहै, बासे प्रभु दर्शन में कही, “ए हनन्याह!” बौ जबाब दई, “परमेस्वर में हियाँ हौ।” 11 प्रभु बासे कही, “तैयार हुई जा और बौ गली में जा, जो सीधी कही जाथे, और यहूदा के घर में साऊल नाओं को एक तरसुस बासिन्दा के पँछ; बौ प्रार्थना कर रौ है, 12 और बौ सपने में देखी कि हनन्याह नाओं को एक आदमी बाके झोने आथेके बाके ऊपर हात रख रौ है, ताकी बौ फिर से देख सकै।” 13 हनन्याह जबाब दई, “प्रभु, मैं जहे आदमी के बारे में निरन से सुनो हौ कि जौ यरुसलेम में तेरे पवित्र आदमिन के ताहीं करो गौ सबे भयानक कामन के बारे में बताई है। 14 और बौ बडे पुजारिन के अधिकार के संग दमिस्क नाओं की जघा आए गौ है, जो तुमरी पूजा करथै।” 15 प्रभु बासे कही, “तू जा, काहेकि बौ तौ गैर यहूदि और राजन और इस्त्राएलिन के अगु मेरो नाओं उजागर करन के ताहीं, मेरो चुनो भौ जन है। 16 और मैं खुद बाकै बौ सब दिखगो, जो बाकै मेरे नाओं खातिर भुक्तने होगो।” 17 तौ हनन्याह उठैके बहे घर में गौ जौमें साऊल रहे, और बाके ऊपर हात धरैके कही, “भईय्या साऊल, जो रस्ता में ईसु तौके सुजाई दई रहे, बहे प्रभु मोकै पनारी है कि तैं दुबारा देख पाबै और पवित्र आत्मा से भर जाबै।” 18 तुरंत बाकी आँखी से मच्छी के सिन्नो जैसी पपड़ी झरी, और बाकै सुजाई देन लगो। तौ बौ उठैके बपतिस्मा लई; 19 बौ खानु खाई, तौ बाकी ताकत बापस आई। फिर साऊल कुछ दिन ले चेलन संग दमिस्क में रहो। 20 बौ तुरंत सभाघर में ईसु को उपदेस देन लगो, कि बौ परमेस्वर को लौडा है। 21 सब सुनन बारे अचम्मे भै और पँछी, “का जौ बहे नाय है जो यरुसलेम में रहे, जो बे आदमिन के मारत रहे जो ईसु के पूजत रहै? और का बौ हियाँ इसलै ना आओ कि बे लोगन के बंधी बनाएके बडे पुजारिन के झोने ले जाबै?” 22 लेकिन साऊल को उपदेस और सक्तिसाली ही गै, बौ प्रमाड देत रहो की ईसु मसीहा रहै, बौ इतनो आस्वस्त रहै कि दमिस्क में रहेन बारे यहूदि बाको उत्तर नाय दै सकत रहै। 23 जब निरे दिन गुजर गै, तौ यहूदिया के मिलकै साऊल के खतम करन की साजिस बनाई, 24 लेकिन उनकी साजिस की खबर साऊल के बताई गई। बे तौ बाकै खतम करन के ताहीं रात-दिन फाटकन घाँई देखत रहेत रहै। 25 लेकिन एक रात साऊल के चेला बाकै लै लई बाकै बिताला में बैठाई और दीवार में से लटकाए के उतार दई। 26 साऊल यरुसलेम गौ बौ चेलन से मिलन की कोसिस करी। लेकिन बे बिस्वास नाय करंगे कि बौ एक दास रहे, और बे सब बासे डरात रहै। 27 तौ बरनबास बाकी मदत के ताहीं आओ और बाकै प्रेरितन के झोने लैगौ। बौ उनके समझाई कि कैसे साऊल सड़क में प्रभु के देखी रहै और प्रभु बासे बात करी रहै। बौ जौ भी बताई रहै कि दमिस्क में ईसु के नाओं में साऊल कितनी हिम्मत से प्रचार करी रहै। 28 तब साऊल उनके संग यरुसलेम में रहो और बेधड़क हुईके प्रभु के नाओं से प्रचार करत रहो। 29 बौ यूनानी भासा बोलन बारे यहूदियन के संग

बोलचाल और बाद-विवाद करी, लेकिन बे बाकै मारन की कोसिस करी। 30 जब विस्वासी भईय्यन के जौ पता चलो, तौ बे साऊल के कैसरिया में लैगै और बाकै तरसुस के पनार दई। 31 जौ बजह से पूरे यहूदिया, गलील और सामरिया की कलीसिया में सांति को समय रहै। पवित्र आत्मा की मदत से हौसला पाई और संख्या में बढ़ोतरी भई, जो प्रभु के ताहीं सुदा रखत रहै। 32 पतरस सब जघा को सफर करी, और एक मौका में बौ परमेस्वर के पवित्र लोगन से मिलन के गौ, जो लुद्दा में रहेत रहै। 33 हँना बाकै ऐनियास नाओं फालिस को मारो एक आदमी मिलो, जो आठ साल से खटिया में पड़ो रहै। 34 पतरस कही, “ऐनियास, उठ और अपनी सितरी उठा; ईसु मसीह तौके ठीक करी है।” 35 तौ लुद्दा और सारोन के सब रहन बारे बाकै देखके प्रभु के घाँई मुरक गै। 36 याफा में तबीता नाओं की एक बईय्यर रहै, जो एक विस्वासन रहै। ग्रीक में बाको नाओं दोरकास है, जोको मतलब है “एक हीरन।” बौ अपनो सारो समय अच्छो करन और गरीबन की मदत करन में बिताई। 37 बहे दिनन में बौ बिमार पड़के मर गई; और आदमी बाकै हंदबाय के ऊपर एक आँटी में धर दई। 38 लुद्दा याफा से जद्दा दूर नाय रहै, जब लुद्दा में चेला सुनी की पतरस याफा में है, तौ बे दुई जनी के खबर के संग पनारकै नहारे करी, “कि जल्दी हमरे झोने आए जा।” 39 जौ बजह से पतरस तैयार हुई गौ और उनके संग चले गौ। जब बे पहुँचे, तौ उनके ऊपर कमरा में लैजाओ गौ, जहाँ सब बिधेँ उनके गोल घेर लई, और जो कुरता और लत्ता दोरकास उनके संग जीते जी रहेत भै बनाई रहै, बे दिखान लगी। 40 तौ पतरस सबके दुआरे कर दई, और घुपटियाय के प्रार्थना करी और बौ सरिर के घाँई मुडकै देखके कही, “ए तबीता, उठ!” तभई बौ अपनी आँखी खोल दई, और पतरस के देखके उठके बैठ गई। 41 पतरस जाएके बाकै उठन में मदत करी, और पवित्र विस्वासिन और बिधवन के बुलाएके बाकै जिंदो कर दई। 42 जौ खबर पूरे याफा में फैल गई, और निरे आदमी प्रभु के ऊपर बिस्वास करी। 43 पतरस याफा में कोई सिमौन नाओं के चमडा को कारोबार करन बारे के हीना निरे दिन तक रहो।

10 कैसरिया में कुरनेलियुस नाओं को एक आदमी रहै, जो रोमन सेना-दल में एक कप्तान रहै, जोके “इटालियन सेना-दल” कहो जात रहै। 2 बौ एक धार्मिक आदमी रहै; बौ और बाको पूरो परिवार परमेस्वर की आराधना करी। बौ गरीब यहूदि आदमिन की मदत करन के ताहीं भौत कुछ करी और लगातार परमेस्वर से प्रार्थना करतो। 3 बौ दिन के तीन बजे के आस-पास एक दर्शन देखी, कि परमेस्वर को एक स्वर्गदूत बाके झोने अंदर आए के कही, “कुरनेलियुस!” 4 तौ बौ स्वर्गदूत के निहारके देखी और डरात भौ कही, “गुरु, जौ का है?” स्वर्गदूत जबाब दई, “परमेस्वर तेरी प्रार्थना और दान के कामन से खुस है, और तेरो जबाब देन के ताहीं तैयार है। 5 और अब याफा में कोई आदमी के पनार दियो जो सिमौन नाओं के एक आदमी के बापस लै आबै जोके जो पतरस कहो जाथै। 6 बौ चमडा को कारोबार करन बारे सिमौन, के हीना हितुआ है, जोको घर समुंदर टिकारे है।” 7 जब स्वर्गदूत चले गौ, और कुरनेलियुस अपने दुई घर के सेवक और एक सिपईय्या के बुलाई, एक धार्मिक

आदमी जो उनके सबसे अच्छे सहयोगिन मैं से एक रहे। 8 और उनके सब बात बताए के याफा के पनारी। 9 दूसरे दिन जब बे अपने रहा मैं रहै और याफा सहर के झोने पुगे, तौ दुपारी मैं पतरस छत ऊपर प्रार्थना करन चढे। 10 बाँके भूँक लागी और कछु खानो चहात रहै; लेकिन जब बे खानु बानान की तैयारी करत रहै तौ बी एक दर्सन देखी। 11 बौ देखी कि आसमान खुल गौ है और कुछ नीचे आए रौ है, जो एक बड़ी चढ़र हानी दिखाए रौ है जो पृथ्वी के चारौ कोहने से उतारो जाएरौ है। 12 जौमें पृथ्वी के सब हानी के जानवर, नेगन बौ जानवर कीरा करमोला और आसमान के पकड़ी रहै। 13 आसमान से एक अबाज बासे कही, “उठ, पतरस; मार और खा!” 14 लेकिन पतरस कही, “ना प्रभु, कहए नाय! मैं कहए कोइये असुद्ध या छिया-पछारे चीज ना खाओ हौ।” 15 फिर दूसरी बार बाँके अबाज सुनाई दई, “जो कछु परमेस्वर सुद्ध ठहराई है, बाँके तू असुद्ध मत बोले।” 16 ऐसो तीन बार भौ; और फिर जौ चीज के बापस आसमान मैं लैजाओ गौ। 17 जब पतरस दर्सन के मतलब के बारे मैं सोचत रहै, कुरनेलियुस के जरिये पनारो गै आदमिन के पता रहै कि सिमोन को घर कहाँ है, बे मोहोट अगु जाएँक ठाडगै। 18 और बे अबाज दैके पूँछन लगे, “का सिमोन पतरस नाओ से हियाँ कोई हितुआ है?” 19 पतरस अभईयो समझन की कोसिस करत रहै कि दर्सन को का मतलब है, जब आत्मा कही, “सुन! तीन आदमी हियाँ तोकै ढूँड रहे हैं। 20 इसलै तैयार हुईके नीचे जाबौ, और उनके संग जान मैं संका मत करियो, काहैकि मैं उनके भेजो हौ।” 21 तौ पतरस तरे उतरकै बे आदमिन से कही, “देखौ, जोकै तुम ढूँड रहे हो, बौ मही हौ; तुम काहैके आए हो?” 22 बे जबाब दई, “कुरनेलियुस कप्तान हमें भेजी है। बौ एक धर्मी आदमी है और परमेस्वर की आराधना करथे और पूरी यहदि जाति मैं भलो है। परमेस्वर को पवित्र स्वर्गादूत बासे कही कि तौ बाँके अपने घरे बुलबा, ताकी बौ सुन सकै कि तोकै का बोलने है।” 23 तौ पतरस बे आदमिन के अंदर बुलाई और उन्हें रात स्कन ताहीं कही। दूसरे दिन बौ समर गौ और उनके संग चले गौ; और याफा के कुछ विस्वासी भईय्या बाके संग गै। 24 दूसरे दिन बे कैसरिया सहर मैं पुगे, हूँन कुरनेलियुस अपने कुरमा-टब्बर और साथियन के जोर के उनके असियात रहे। 25 जैसी पतरस भीतर घुसो, तौ कुरनेलियुस बासे मिलो, और लोहोक्कै बाके पाँव मैं गिर गौ। 26 तौ पतरस बाँके उठात भइ कही। “ठाड जा,” और कही, “मैं खुद सिरफ एक आदमी हौ।” 27 फिर पतरस बाके संग बात करत भइ घरे गौ, जहाँ बौ पाई कि निरे आदमी जुराने पडे हैं। 28 पतरस उनसे कही, “तुम खुद अच्छी तरह से जानथौ, कि कोई यहदि के उनके धर्म मैं जान से या गैर यहदिन के संग जुडन की इजाजत ना है। लेकिन परमेस्वर मोकै दिखाई है कि कोई भी आदमी के छिया-पछारे या असुद्ध ना समझनो चाहिए। 29 और जब मैं बुलाओ गौ, तौ मैं बिना कोई दिक्कत करे चले आओ। मैं तुमसे पूछथौ, कि मोकै कौन से काम के ताहीं बुलाओ गौ है?” 30 तौ कुरनेलियुस कही, “जौ तीन दिन पहले की बात है जब मैं अपने घरे दुपारी के तीन बजे प्रार्थना करत रहौ। अनकाचीति एक आदमी चमकीले लता पहने भै, मेरे अगु आए के ठाडगौ। 31 और कही, ‘कुरनेलियुस! परमेस्वर तेरी प्रार्थना सुन लई है और तेरे दान के कामन मैं ध्यान दई है। 32 जेहमारे कोई के याफा पनार जो सिमोन पतरस नाओ के आदमी के बुलाबै। बौ सिमोन के घरे, जो चमडा को कारोबार करन बारे को हितुआ है, जो समुंदर के टिकारे रहथै।’ 33 तौ मैं तुरतै तोकै बुलबाओ, और तौ जौ अच्छो करो कि आए गौ। अब हम सब हीना परमेस्वर की मौजूदगी मैं हैं, ताकी जो कछु प्रभु तोसे कही है बाँके सुनै।” 34 तौ पतरस बोलनो सुरू करी: “मोकै अब एहसास भौ है कि जौ सच है कि परमेस्वर सबन के संग एक बाँके भाथै, चँहि बे कोई भी जाति के होमै। 35 तुम इसु मसीह के जरिये सांति के सुसमाचार को ऐलान करत भइ इस्राएल के लोगन के भेजे गै संदेस के जानथौ, जो सबन को प्रभु है। 37 तुम यहदिया की बौ महान घटना के बारे मैं जानतै हौ जो यूहन्ना के बपतिस्मा के बचन को प्रचार के बाद गलील मैं सुरू भइ, जो इस्राएल की धरती मैं भइ रहै। 38 तुम इसु नासरी के बारे मैं जानथौ और परमेस्वर बाके ऊपर पवित्र आत्मा और सामर्थ्य कैसे अभिसेक करी। बौ सब जघा जातो, और जो सैतान के सताए भै रहै, अच्छो करत फिरतो, काहैकि परमेस्वर बाके संग रहै। 39 हम बे सब बातन के गभा है; जो बौ यहदा और यरूसेलेम मैं करी, और बे बाँके क्रूस मैं टाँग के मारडारी। 40 लेकिन परमेस्वर बाँके तिसरे दिन बाद मरे से जिंदो करी, और उजागर भी करी, 41 सब लोगन के नाय बल्कि उन गभन के जिन्हें परमेस्वर पहले से चुन लई रहै, मतलब हमकै जो बाके मरे भैन मैं से जी उठन के बाद बाके संग खाई पी। 42 और बौ हमकै हुकम दई कि आदमिन मैं सुसमाचार प्रचार करौ और गभाई देबौ, कि जौ बहे है जोकै परमेस्वर जिंदे और मरे भै को न्याय करन बारो ठहराई है। 43 सब भविष्यवक्ता गभाई देखै जो भी बाके ऊपर बिस्वास करैगो, बहकै बाके सामर्थी नाओ के जरिये पापन से माफी मिलेगी।” 44 पतरस जे बात करतै रहै, कि जो-जो बाको संदेस सुनत रहै बाके ऊपर पवित्र आत्मा उतर आई। 45 और जिते खतना करे भै विस्वासी पतरस के संग याफा से आए रहै, बे सब अचम्मै मैं पडे गै कि गैर यहदिन के ऊपर पवित्र आत्मा को दान अखनाओ गौ है। 46 काहैकि बे उनके तरह-तरह की भासा बोलत और परमेस्वर की महानता की तारिफि करत सुनी, जहे ऊपर पतरस कही: 47 “का अब कोई इनके पानी को बपतिस्मा लेन से कोई रोक सकथै, जेऊँ हमरे हानी पवित्र आत्मा पाई है?” 48 और बौ हुकम दई कि बे इसु मसीह के नाओ मैं बपतिस्मा लेमै। तौ बे बासे नहारे करी कि बौ कुछ दिन और उनके संग रहबै।

11 यहदिया मैं रहन बारे जो निरे प्रेरित और विस्वासी भईय्या रहै सुनी, कि गैर यहदि के भी परमेस्वर को बचन अपनाय लई हैं। 2 और जब पतरस यरूसेलेम गौ, तौ हूँन के लोग गैर यहदि को खतना करन बारेन के घाँई रहै, बे बाकी बुराई करत भै कही, 3 “तौ बिना खतना यहदि के घरे एक हितुआ रहै, और तौ उनके संग भी खाओ!” 4 तभई पतरस उन्हें सुरू से जो कुछ भौ रहै, बाको पूरो हिसाब दई: 5 “जब मैं याफा सहर मैं प्रार्थना करत रहौ, तौ मैं एक दर्सन में देखो कि आसमान से कुछ नीचे आए रौ है, जो स्वर्ग के चारौ कोने से एक बड़ी चढ़र के तराहनी उतारी जाए रइ है, और बौ

मेरे झोने आयकै ठहर गई। 6 जब बाकै झोने से देखो तौ मैं बापे पृथ्वी के तमान पालतू, नेगन बारे जानवर, कीरा-करमोला और आसमान के पकड़ी देखो। 7 तभई मोए एक अबाज सुनाई दई, ‘उठ, पतरस; मार और खा!’ 8 लेकिन मैं कहो, ‘हरगिज नाय प्रभु! कैसेो भी असुद्ध और छिया-पछारे खातू मेरे मोहों मैं नाय गौ है।’ 9 तौ आसमान से फिर से अबाज आई, ‘जो कुछ परमेस्वर सुद्ध ठहराई है, बाकै असुद्ध मत कहा।’ 10 तीन बार ऐसो ही भौ, और आखरी मैं सारो सामान आसमान मैं खींच लौ गौ। 11 बहे घड़ी कैसरिया से मेरे झोने पनारे गे तीन आदमी बहे घर पहुँचे जितै मैं स्को रहौ। 12 तौ आत्मा मोसे बिना हिचकिचाय उनके संग जानकै कही और याफा के जे छ: विस्वासी भईया मेरे संग कैसरिया गे, और हम सब कुर्नेलियस के घर में गे। 13 और कुर्नेलियस हमकै बताई कि कैसे एक दिन बौ अपनेई घरे एक स्वर्गदूत के देखी रहै, जो बासे कही, ‘याफा के ताहीं कोई ऐसो आदमी कै पनारे जोको पूरो नाओ समीन पतरस है। 14 बौ तोसे ऐसी बात कहगो, जोके बजह से तैं और तेरो पूरो परिवार बच जागो।’ 15 जब मैं बोलनो सुरु करो, तौ पवित्र आत्मा उनके ऊपर बैसिये उतरो, जैसो सुरु मैं हमरे ऊपर उतरो रहै। 16 तौ मोए प्रभु को बात याद आओ कि बौ का कही रहै: ‘यहून्ना तौ पानी से बपतिस्मा लई लेकिन तुमकै पवित्र आत्मा को बपतिस्मा दिओ जागो।’ 17 जौ सपा है कि परमेस्वर बे गैर यहूदिन के बहे दान दई है जो बौ आपन के दई रहै जब आपन प्रभु ईसू मसीह मैं बिस्वास करत रहै; तौ मैं कौन होथौ, जो, परमेस्वर के रोक सकत रहौ!” 18 जब बे ऐसो सुनी, तौ बे बुराई करनो बंद कर दई और परमेस्वर की बड़ाई करत भै कही, “तभई तौ परमेस्वर गैर यहूदिन के मन फिरान और जिंदगी जीन को मौका दई है!” 19 कुछ विस्वासी सताव के बजह से तितर-बितर भै रहै जब स्तिफन्स के मार डारो गौ रहै, तभई फीनीके, साइप्रस और अन्ताकिया की जघा मैं साऊल और बरनबास गे। जो सिरफ यहूदिन के संदेस देत रहै। 20 लेकिन गैरविस्वासी, जो साइप्रस और कुरेनी के रहै, अन्ताकिया गे और यूनानी भासा बोलन बारेन के भी संदेस, और उन्हें प्रभु ईसू मसीह को सुसमाचार सुनाई। 21 और प्रभु की ताकत उनके संग रहै, और तादात मैं लोग बिस्वास करी और प्रभु के घाँई मुड गे। 22 तौ उनकी खबर यरूसलेम की कलीसिया में पौहौंच गई, और तभई बे बरनबास कै अन्ताकिया मैं पनार दई। 23 जब बौ आयकै देखी कि परमेस्वर लोगन के कैसी सामर्थ्य और अनुग्रह दई है, तौ बौ मन मैं भौत खुस भौ और सबसे पूरे दिल से प्रभु के ताहीं बफादार और सचो होन की नहोरे करी। 24 काहैकि बरनबास एक अच्छो आदमी रहै; बौ पवित्र आत्मा और बिस्वास मैं भरो भौ रहै, और निर लोगन के प्रभु के झोने लाई रहै। 25 तौ बरनबास साऊल के देखन के ताहीं तरसुस कै निकर गौ। 26 जब बासे भेंटा भौ, तौ बाकै अन्ताकिया मैं लैगौ, और पूरो एक साल तक दोनो कलीसिया के लोगन संग मिले और एक बडे झुंड के पढाई। ऐसो अन्ताकिया मैं रहै कि चेलन के पहले मसीह कहां जात रहै। 27 बहे समय मैं कुछ भविष्यवक्ता यरूसलेम से अन्ताकिया आए रहै। 28 उनमें से एक, अगबुस नाओं को उठ खंडो भौ और पवित्र आत्मा की ताकत से भविष्यवाणी करी कि पृथ्वी मैं भैंकर सूखा पड़ेगो। जौ ऐसो जब क्लौदियुस महाराजा के समय आओ रहै।

29 तौ चेला सलाह करी कि बे हर एक विस्वासिन भईयन की सेवा करन के ताहीं उतौ ही पनारंगे, जितो कि बे यहूदिया मैं रहत रहै। 30 बे ऐसो ही करी, और बरनबास और साऊल के हात कलीसिया मैं बडे-बूढेन कै पैसा भेजी।

12 बेई दिनन हेरोद राजा कलीसिया के कुछ सदस्यन कै सतानो सुरु कर दई। 2 बौ यहून्ना के भईया याकूब के तलवार से मार डारी रहै। 3 जब बौ देखी, कि जासे यहूदि खुस हैं, तौ बौ अगु बढो और पतरस के पकड लई। बे दिन अखमीरी रोटी के दिन रहै। 4 बाकै पकडवान के बाद पतरस कै कैदखाना मैं डार दौ गौ, जितै उनके चार सैनिकन के चार झुंडन के जरिया हर एक के बचान के ताहीं सौंप दौ गौ रहै। हेरोद फसह के बाद बाकै जनता के मुकदमा मैं डारन की योजना बनाई। 5 तभई पतरस कै कैदखाना मैं रखो गौ, लेकिन कलीसिया के लोग बाके ताहीं परमेस्वर से प्रार्थना करत रहै। 6 जो रात हेरोद बाके लोगन के अगु लान बारो रहै, बासे पहले की रात पतरस दुई रखबरिया के बीच सोत रहै। बौ दुई जंजीर से भेंदो भौ रहै, और कैदखाना के मोहोंट मैं रखबारी करत रहै। 7 अनकाचीति प्रभु को एक स्वर्गदूत आयकै ठाडो रहै, और कुठरिया मैं एक रौसनी चमकत रहै। स्वर्गदूत पतरस के कंधा पकड़कै हलाई, बाकै जगाई और कही, “फटाफट कर! उठ जा!” बाके हात से जंजीर खुलकै गिर गई। 8 तौ स्वर्गदूत बासे कही, “करिहाँओ कस और अपनी चप्पल रख ले।” और पतरस बैसोई करी, और स्वर्गदूत बासे कही, “अपने लत्ता अपने चारों तरफ धर और मेरे पच्छू हुई ले।” 9 पतरस निकरकै बाके पच्छू हुई लई; लेकिन जौ नाय जानत रहै कि जो कुछ स्वर्गदूत कह रहो है, बौ सच्ची है, बल्किन जौ समझी कि मैं दर्सन देख रहो हौं। 10 तौ बे पहले और दूसरो पहरा से निकरकै बौ लोहे के फाटक मैं पुगे, जो सहर के घाँई रहै। तौ उनके ताहीं अपने आप फाटक खुल गौ, और बे एक गलियारे हुईकै दुआरे निकर गे। और तुरैंत स्वर्गदूत पतरस कै छोड़कै चले गौ। 11 तौ पतरस होस मैं आयकै कही, “अब मैं सच्ची मैं जानगौ कि प्रभु अपनो स्वर्गदूत पनारकै मोकै हेरोद के हाथ से छुडाय लई, और यहूदियन की सबै उमीद तोड दई।” 12 अपनी हालत जानकै, बौ पतरस यहून्ना की अईय्या मरियम के घर में आओ जो मरकुस नाओ से जानो जात रहै। हँना निर आदमी जुराए कै प्रार्थना करत रहै। 13 पतरस मोहोंट को फाटक खटखटाई, और जाको जबाब देन के ताहीं रोडा नाओं की एक सेविका आई। 14 बौ पतरस की अबाज पहचान लई और बौ भौत खुसी के मारे फाटक नाय खोली; बौ दौड़कै भीतर गई और बताई कि पतरस मोहोंट मैं ठाडो है। 15 बे बासे कही, “तू पागल है!” लेकिन बौ और जौ दैकै बोली कि ऐसो ही है। तौ बे कही, “बाको स्वर्गदूत होगो।” 16 लेकिन पतरस खटखटात रहो तौ बे फाटक खोली, और जब बे बाकै देखी तौ दंग रहगै। 17 तभई बौ उनके हात से इसारा करी की बे चुप रहमै; और उनके बताई कि प्रभु कौन तरीका से मोकै कैदखाना से निकार लाई है। फिर कही, “जौ याकूब और उनके विस्वासी भईयन के बताए दियो।” तौ निकरकै दूसरी जघा चले गौ। 18 भोरे कै सिपईयन मैं बडा खलबली मच गई कि पतरस कितै गौ? 19 जब हेरोद बाकै

हुँडबाई और नाय पाई, तौ रखबरियन के हुकम दई कि, बे पतरस के मार डारै और हेरोद यहूदिया के छोड़के कैसरिया में रहने लगे। 20 हेरोद सूर और सैदा के आदमिन से कतई सांति नाय रहै। तभई बे एक मन हुईकै बाके झोने आए और बलास्तुस के जो राजा को एक करमचारी रहै, बाकै राजी करकै मेल करने चाही; काहिकि राजा के देस से उनके देस को पालन-पोसण्ड होत रहै। 21 ठहराओ भौ दिन मैं हेरोद, राजा बारे लता पहनकै न्याय करन बारी जघा मैं बैठो; और उनके बखान करन लागो। 22 और आदमी चिल्लाए उठे, “जौ तौ आदमी को नाय परमेस्वर को बोलत है।” 23 बहे घड़ी प्रभु को एक स्वर्णादूत तुरंत चोट मारी, काहिकि हेरोद परमेस्वर की आदर नाय करी रहै; और बौ कीरा पड़के मरो। 24 लेकिन परमेस्वर को बचन बढत और फैलत गौ। 25 जब बरनबास और साऊल अपनी सेवा पूरी कर चुके तौ यहून्ना के जो मरकुस कहलात रहै, बाकै संग लैकै यरूसलेम लौट आओ।

13 अन्ताकिया की कलीसिया में कुछ भविष्यवक्ता और सिक्छक रहै; उनमें बरनबास, समीन जो नीगर कहो जाथे, लूकियुस कुरैनी, मनाहेम जोकै हेरोद राजा के संग लाओ गौ रहै, और साऊल। 2 जब बे बर्त रखकै प्रभु की प्रार्थना करत रहै, तौ पवित्र आत्मा उनसे कही, “मेरी सेवा ताहीं बरनबास और साऊल के बौ काम के ताहीं अलग करौ जोके ताहीं मैं उनैके बुलाओ हौं।” 3 तौ बे बर्त रखी और प्रार्थना करकै उनके ऊपर हात धरकै उनके बिदा करी। 4 तौ बरनबास और साऊल पवित्र आत्मा से भरकै सिलुकिया के गै; और हूँना से पानी के जहाज में साइप्रस जान के ताहीं चढे। 5 जब बे सलमीस में पहुँचे, तौ बे यहूदी सभाघरन में अधिकार से परमेस्वर के बचन को प्रचार करी। उनके काम करन में मदद करन के ताहीं यहून्ना उनके संग रहै। 6 और बे सब टापू में से होत भै, पाफुस तक पुगे। हूँना उनैके बार-ईसु नाओं को एक जादूगर मिलो, जो यहूदी और झटो भविष्यवक्ता रहै। 7 बौ टापू को राज्यपाल सर्जियस पौलुस को दोस्त रहै, जो एक बुद्धिमान आदमी रहै। राज्यपाल उनके सामने बरनबास और साऊल के बुलाई काहिकि बौ परमेस्वर को बचन सुननो चहात रहै। 8 लेकिन जादूगर एलीमास, ग्रीक भासा में बाको नाओं के जरिये बिरोध करो गौ, जो राज्यपाल के बिस्वास से दूर करन की कोसिस करी। 9 तौ साऊल जोको नाओ पौलुस भी है, पवित्र आत्मा से भरो भौ; बौ जादूगर घाँई देखी 10 और कही, “तैं सैतान को बालका है! तैं धार्मिकता को दुस्मन है। तैं सब तरहन की बुरी चालन से भरो भौ है, और तैं हमेसा प्रभु के सच्चाई के झूठ में बदलन की कोसिस करत रहथै। 11 प्रभु को हाथ अब तेरे ऊपर आगो; तैं अंधरा हुई जागो और कुछ समय के ताहीं दिन की उज्जीतो ना देख पागो।” एक बार के ताहीं एलीमास के लगे कि बाकी आँखी में अंधियारो छाए गौ है, और बाको हाथ पकड़के नेतृत्व करन के ताहीं कोई के हूँडन की कोसिस करन लागो। 12 जब राज्यपाल देखी कि का भौ रहै, तौ बौ बिस्वास करी, काहिकि बौ प्रभु के बारे में पढ़के भौत चकित भौ रहै। 13 पौलुस और बाके संग के पाफुस से रवाना भै और पंफुलिया के एक सहर पिरगा में आए, जहाँ यहून्ना उनके छोड़के बापस यरूसलेम में चले गौ। 14 बे पिरगा से

चले गै और पिसिदिया के अन्ताकिया में पहुँचे, और साबत के दिन सभाघर में जाएकै बैठगै। 15 तौ मूसा के नियम और भविष्यवक्ता को साझ पढन के बाद सभाघर के मुखिया उनके झोने एक खबर भेजी, “भईय्यो और बहेनियौ, अगर तुमरे पास जे लोगन के हौसला देन ताहीं संदेस है तौ तुम कहबौ।” 16 तौ पौलुस ठाड़गौ, और अपने हात से इसारा करके, कहने लगे: “इसाएलियौ और हिथौ के सब दूसरे लोग जो परमेस्वर की आराधना करथै: मोकै सुन लेबौ! 17 इस्राएल के लोगन को परमेस्वर हमरे बड़े-बूढ़ेन के चुनी, और मिस्र देस में परदेसी हुईकै रहन के दौरान लोगन के एक महान रास्ट्र बनाई। परमेस्वर उन्हें अपनी महान सक्ति से मिस्र से बाहर निकारी, 18 और चालीस साल तक बौरेगिस्तान में उनकी सहत रहो। 19 बौ कनान में सात देसन के नास कर दई और अपने जाति लोगन के जघा को मालिक बनाए दई। 20 जौ सब मैं लमसम 450 साल लगे। जाके बाद समूएल भविष्यवक्ता के समय ले बौ उनके ऊपर न्याय करन बारो ठहराई। 21 बाके बाद बे एक राजा माँगी; तौ परमेस्वर चालीस साल के ताहीं बिन्यामीन के खानदान में से एक आदमी मतलब कीस के लौड़ा साऊल के उनके ऊपर राजा ठहराई। 22 बाकै हटान के बाद, परमेस्वर दाऊद के उनको राजा बनाई। परमेस्वर बाके बारे में गभाई दई: ‘मोकै एक आदमी, यिसे को लौड़ा दाऊद, मेरे मन के हिसाब से मिलगौ है। बहे मेरी सब इच्छा पूरी करैगो।’ 23 दाऊद की पीढ़ी में से परमेस्वर अपने वादा के मुताबिक इस्राएलिन के झोने एक उद्धारकर्ता, यानी ईसु के पनारी। 24 ईसु को काम सुरू करन से पहले, यहून्ना इस्राएल के सब लोगन के उपदेस दई कि उन्हें अपने पापन से मन फिरान और बपतिस्मा लेनो चाहिए। 25 और जब यहून्ना अपनी सेवा पूरी करन बारो रहै, तौ बौ कही, ‘तुम मोकै का समझथौ? मैं बौ नाय हौं! जोको तुम इंतजार करै रहो। लेकिन सुनो! मेरे बाद एक आनबारो है, और जोके मैं पाँव के जूतन की तनी भी खोलन के लायक ना हौं।’” 26 “मेरे साथी इस्राएलियौ, अब्राहम के बंसज और हिथौ के सब गैर यहूदी, जो परमेस्वर की आराधना को मान रखथै: जौ हमरे ताहीं है कि जौ उद्धार को संदेस भेजो गौ है! 27 यरूसलेम में रहन बारो और उनके सासक के जौ पता ना रहै कि बौ उद्धारकर्ता है, और ना बे भविष्यवक्ता की बे न्याय की बातन के समझत रहै जो हर साबत के दिन पढ़ी जात रहै। फिर भी बे ईसु की बुराई करके भविष्यवक्ता की बातन के सच कर दई। 28 बे बाकै मार डारन को ऐसो कोई दोस बापे नाय पाई, तहँओ बे पिलातुस से कही कि बौ बाकै मौत के घाट उतार देबै। 29 और जब बे बाके बारे में पवित्र साझ में लिखी भइ सब बात पूरी करी, तौ बे बाकै क्रूस से नीचे उतारके कबर में रखी। 30 लेकिन परमेस्वर बाकै मरे भै में से जिंदो करी, 31 और बौ उनके जो बाके संग गलील से यरूसलेम आए रहै, निरे दिन तक बे लोगन के दिखाई देत रहो। बे अब इस्राएल के लोगन के ताहीं बाके गभा है। 32 और हम तुम्हें बौ वादा के बारे में जो बड़े-बूढ़ेन से करी गई रहै, जौ सुसमाचार सुनाथै, 33 कि परमेस्वर ईसु के जिंदो करके, बहे प्रतिग्या हमारी औलाद के ताहीं पूरी करी; जैसो कि दूसरे भजन संहिता में लिखो गौ है: ‘तू मेरो बालका है; आज मैं तेरो दऊवा बन गौ हौं।’ 34 और परमेस्वर बाकै मरे भैन में ऊपर उठन के बारे में कही, कहए कबर में सडन के ताहीं

नाय: 'मैं तुम्हें पवित्र आर्शिवाद दूंगा मैं दाऊद से वादा कर रहा हूँ।' 35 करत थे, जो बे साबित करी कि उनकी किरपा के बारे में उनको जैसो कि बास्तव मैं बौ एक और भजन संहिता मैं कहथे: 'तैं अपने अनुग्रह को संदेस उन्हें चिन्ह चमत्कार और अचम्मे काम करन वफादार जन के कबर मैं सड़न ना देगो।' 36 काहैकि दाऊद अपने की सक्ति देन के ताही गभाई देथे। 4 लेकिन सहर के आदमिन के समय मैं परमेस्वर के उद्देश्यन की सेवा करी, और फिर बौ मर गौ, बीच मैं फूट पड़ गई रहे; और जासे किते तौ यहूदिन के घाँई, और अपने पुरखन के संग दफनाओ गौ, और बाके सर्री के कबर मैं रखो किते प्रेरितन के घाँई हुईगै। 5 तौ कुछ गैर यहूदि और यहूदि अपने गौ। 37 पर जौ बाके संग ना भौ जोकै परमेस्वर मौत मैं से जिंदो। 38 मुखियन के संग मिलकै प्रेरितन के संग बुरो बर्ताव करन के ताही और उन्हें पथरा मारन को फैसला करी। 6 जब प्रेरितन के जाके हम तुमकै जाननो चाहथें, मेरे साथी इझ्राएलियो, कि जौ ईसु के बारे में पता चलो, तौ बे लुकाओनिया मैं लुष्पा और दिरबे के सहरन जाथे; जिन्से मूसा को नियम तुम्हें माफ नाय कर सकथे। 39 और और आसपास के छेत्र मैं भाज गै। 7 हूँना बे सुसमाचार को प्रचार जौ कोई बाके ऊपर बिस्वास करथे बौ बे उन सब पापन से मुक्त हुई करी। 8 लुष्पा सहर मैं एक आदमी रहै, बौ जनम से लंगड़ा रहै, जाथे। 40 ध्यान रखियो, फिर, ताकी भविष्यवक्ता जो कुछ कही हैं और कहए नाय नेंगी रहै। 9 बौ हूँना बैठके पौलुस की बात सुनी। पौलुस बाकै देखी कि बौ बिस्वास करथे और अच्छो हुई सकथे, जौ बजह से बौ बाकै एक टक भाँटके देखी 10 और बासे ऊँचे बोल मैं कही, "अपनी टाँग के बल सीध ठाड़ जा।" तौ बौ कूदकै चलन 42 जैसो कि पौलुस और बरनबास सभाघर से निकरत रहैं, लोग उन्हें फिरन लगो। 11 जब भीड़ पौलुस को जौ काम देखी, तौ बे अपनी अगले साबत के रोज बापस आन और अपनी बातन के बारे में और लुकाओनियाई भासा मैं चिल्लानो सुरू कर दई, "दुईता आदमिन के जाधे बतान के ताही नहोरे करी। 12 और बे बरनबास के ज्यूस, और पौलुस के हिरमेस नाओ दई, काहैकि बे मुख्य वक्ता रहैं। 13 और ज्यूस दुईता को बौ पुजारी रहै, जोको मंदिर सहर के बाहर तराहनी ही गै है और हमरे झोने आए गै है।" 14 और बे बरनबास के खडो रहै, बौ बरधा और फूलन की माला के सहर के मोहोंट मैं लाई, काहैकि बौ और भीड़ प्रेरितन के ताही बलिदान देनो चहात रहैं। 15 "तुम लता फाड़ी और भीड़ के बीच मैं भाजत बे चिल्लाई, 16 "तुम की काहे कर रै हो? हमउं तौ तुमरे जैसी इंसान हैं! हम हिंयां तुमकै सुसमाचार सुनाथे, कि तुम जे बेकार चीजन से अलग हुईकै जिंदे परमेस्वर के घाँई फिरौ, जो स्वर्ग और धरती और समुंदर और जौ कछु बापे है बनाई। 17 लेकिन बौ हमेसा अपनी मौजूदगी को सबूत दई है कि बौ जे अच्छो काम करथे: बौ तुमकै सई समय मैं स्वर्ग से मेंहें, और फसल दई है; बौ तुमकै खानु देथे और तुमरे मन के साति और खूसी से भर देथै।" 18 जे सबदन के संग प्रेरित सायद भीड़ के उनके ताही बलिदान देन से रोक सकैं। 19 कुछ यहूदि अन्ताकिया और इकुनियुम से आए रहैं; आदमिन के अपने घाँई कर लई, और पौलुस के ऊपर पथराव करी, और बाकै मरो भौ समझकै सहर के दुआरे घसीटत लैगै। 20 लेकिन जब चेला बाके घाँई आयकै ठाड़गै, तौ बौ उठकै सहर मैं गौ और दुसरे दिन बरनबास के संग दिरबे के घाँई चले गौ। 21 और बे दिरबे सहर के आदमिन के सुसमाचार सुनाए के, और निर चेला बनाएकै, लुष्पा, इकुनियुम से अन्ताकिया के लौट आए। 22 बे चेलन के मजबूत करत रहैं और उनके जौ सुसमाचार देत रहैं कि बिस्वास के ताही सच्चे मन से रहाबौ; और जौ कहत रहैं, हमकै बड़ा कलेस सह के परमेस्वर के राज्य मैं घुसन होगो 23 और बे हर एक कर्लीसिया मैं उनके ताही बड़े-बूढ़े चुनत रहैं, और बर्त के संग प्रार्थना करकै उनके प्रभु की बड़ाई करी, जौमें बे अपनो बिस्वास रखी रहैं। 24 और पिसिदिया परदेस से होत भे बे पंफुलिया परदेस मैं पुगे। 25 और पिरगा नगर मैं बचन सुनाए के अन्तालिया नगर मैं आए। 26 और हूँना से बे अन्ताकिया लौट आए, जौ जघा बे

14 इकुनियुम मैं भी जहे बात भइ: कि पौलुस और बरनबास यहूदिन के सभाघर मैं गै, और ऐसी बात करी, कि यहूदि और गैर यहूदि लोग विस्वासी बन गै। 2 लेकिन जौ यहूदि बिस्वास ना करी रहैं, बे गैर यहूदिन के भडकाए के उन्हें विस्वासी भईय्यन के खिलाप कर दई और उनके मन मैं जहर भर दई। 3 और बे प्रेरित लंबे समय तक हूँना स्के रहे, प्रभु के बारे में निडर हुईकै बात

परमेश्वर के अनुग्रह और किरपा की देखाभारी करने के ताहीं सराहे गै रहैं जो अब बे पूरा कर चुके हैं। 27 जब बे अन्ताकिया पुगे, तौ बे कलीसिया के लोगन के एक संग इखटो करी और उनके बे सबन के बारे में बताई जो परमेश्वर उनके संग करी रहै और कैसे बे गैर यहूदि के बिस्वास करने को फाट खोल दई। 28 और बे चेलन के संग लंबे समय ले हूँना रहे।

15 फिर यहूदिया से कुछ आदमी अन्ताकिया आयकै विस्वासी भईयन के जौ सिखान लगे; “अगर तुमरो खतना मूसा के नियम से नाय होथै तौले तुम उद्धार नाय पाए सकथौ।” 2 जब पौलुस और बरनबास की उनसे खूब लड़ाई और बहेस भइ तौ जहे ठहराओ गौ, कि पौलुस और बरनबास, और अन्ताकिया से कुछ आदमी जौ बात के बारे में प्रेरितन और बड़े-बूढ़ेन के झोने यरूसेलम के जाएके पता करै। 3 तौ कलीसिया उनके कुछ दूर ले छोड़न आई; और बे फीनीके और सामरिया से होत भै गुजरे, तौ बे बताई कि कैसे गैर यहूदि परमेश्वर के घोंई फिरे हैं; जौ खबर सुनके सब विस्वासी भईयन के बड़ा खुसी भइ। 4 जब बे यरूसेलम में पुगे, तौ कलीसिया और प्रेरित और बड़े-बूढ़े उनसे खुसी के संग भेटा करी, और बे बताई कि परमेश्वर उनके संग हुईके कैसे-कैसे काम करी रहे। 5 लेकिन फरीसिन के झुंड में से कुछ विस्वासी ठाड़गै और कही, “गैर यहूदिन के खतना करने चाहिए और मूसा के नियम को पालन करने चाहिए।” 6 तौ प्रेरित और बड़े-बूढ़े मिलकै जौ सवाल में बिचार करी। 7 बड़ा बहस के बाद पतरस ठाड़कै कही, “मेरे भईय्यो और बहेनियौ, तुम जानथौ कि भौत समय पहले परमेश्वर मोकै तुम में से चुनी रहै कि हम गैर यहूदिन के सुसमाचार सुनावै, ताकी बे सुन सकैं और बिस्वास कर सकैं। 8 और परमेश्वर, जो सबन के बिचारन के जानथै, गैर यहूदिन के अपनी पवित्र आत्मा दैके उन्हें अपनाय लई, जैसो बौ हमरे संग करी। 9 बौ हमरे और उनके बीच कोई भेद-भाव ना करी; काहैकि बौ बिस्वास से उनके मन के सुद्ध करी। 10 तौ अब तुम परमेश्वर की काहे इम्तिहान लेथौ। कि चेलन की घेंट में ऐसो जुआ धरौ, जोकै ना हमरे बड़े-बूढ़े ठडबाए सक्त रहैं और ना हम ठडबाए सकथैं। 11 ना हम बिस्वास करथैं और प्रभु ईसु के अनुग्रह और किरपा से बच जाथैं, जैसे बे हैं।” 12 तौ पूरी सभा चुपेचाप से बरनबास और पौलुस की बात सुनन लागी, जो कि परमेश्वर गैर यहूदिन में उनके जरिये कैसे-कैसे चिन्ह दिखाई, और अचम्मे काम करी रहे। 13 जब बे बोलनो बंद कर दई, तौ याकूब बोलो: “मेरे भईय्यो और बहेनियौ, मेरी सुनो। 14 सिमोन बताई, कि परमेश्वर पहली बार गैर यहूदि में कैसे किरपा दृष्टि करी, उनमें से अपने नाओं के ताहीं उनके अपनो बनाए लई। 15 भविष्यवक्तन के बचन जासे पूरी तरह सहमत हैं। जैसो कि साम्प्र कथै, 16 ‘प्रभु कथै, जाके बाद मैं लौटंगो, और दाऊद को मिलाप बारो तम्बु फिर से बनांगो। और मैं जाके खंडर के फिर से मजबूत बनांगो। 17 कि बची भइ मानव जाति प्रभु के दूँडै, और सब गैर यहूदि जो मेरो नाओ लेथैं, यहोवा की जहे वॉंटी है, जो जे कामन के करथैं। 18 तौ परमेश्वर कथै, जो सुखाते से जान लई रहे।” (aion g165) 19 यहून्ना की, “जौ मेरी राय है, हमै गैर यहूदिन के परेसान

नाय करने चाहिए जो न्याई परमेश्वर के घोंई मुड़ रहैं हैं। 20 पर उनके चिट्ठी लिखके पनोरै कि बे मूर्तिन के चढ़ाय भै अमसूद खानु होन से और व्यभिचार और घेंट अमेठे भै जानवर के मास से और बाके खून से दूर रहामैं। 21 काहैकि पुराने समय से सहर-सहर में मूसा की नियम को प्रचार करने बारे होत चले आए हैं, और बौ हर साबत के दिन सभाघर में पढ़ो जात रहै।” 22 तौ प्रेरित और बड़े-बूढ़े पूरी कलीसिया के संग मिलकै कलीसिया के कुछ लोगन के चुनन और उनके पौलुस और बरनबास के संग अन्ताकिया में भेजन को फैसला करी। बे दुई आदमिन के चुनीं, जो विस्वासियन, यहूदा जोकै बरसब्बास कहो जाथै, और सीलास के चुनीं, जो भईयन में प्रमुख रहैं। 23 और बे उनके जरिया जे चिट्ठी भेजी: “अन्ताकिया, सीरिया और किलिकिया देस के रहन बारे, हम प्रेरित और बड़े-बूढ़े तुमरे भईयन के जो गैर यहूदि हैं जनम-जनम के ताहीं सुभकामना भेजथैं। 24 हम सुने हैं कि कुछ लोग हमरी आग्या के बिना हमसे बाहर चले गै और बे तुमकै परेसान करी, बे तुमरे मन के परेसान करी। 25 और तभई हम एक संग मिले हैं और सब कुछ दूत चुनन और उनके तुमकै भेजन के ताहीं सहमति उजागर करी है। बे हमरे प्रिय दोस्त बरनबास और पौलुस के संग जांगे। 26 जो अपनी ज्यान हमरे प्रभु ईसु मसीह के नाओं की सेवा के ताहीं खतरा में डारी हैं। 27 तभईये हम यहूदा और सीलास के बहै बात कहेन ताहीं पनारे हैं, जो हम लिखे हैं। 28 पवित्र आत्मा, और जरूरी बातन के अलावा; हम तुमरे ऊपर कोई और बोझ नाय डारे हैं। 29 कि जो मूर्तिन के चढ़ाओ गौ होबै और घेंट अमेठो भौ जानवर के खून; मास के नाय खावैं, और छिनरइपना से दूर रहामैं; इनसे दूर रहगे तौ तुम्हरो भलो होगो। तुमरे ताहीं अच्छी कामना के संग।” 30 दूतन के भेज दौ गौ और अन्ताकिया चले गै, जितै बे विस्वासियन के पूरे झुंड के जोरी और उनके चिट्ठी दई। 31 और जब आदमी जाए पढ़ी, तौ बे प्रोत्साहित से भरो संदेश से खुसी से भर गै। 32 और यहूदा और सीलास जो खुद भविष्यवक्ता रहैं, बे भईयन से निरी लम्बी बात करी जोसे बे हौसला और ताकत से भर गै। 33 कुछ समय हूँना बितान के बाद, उनके भईयन के जरिया सांति के संग पनार दौ गौ, और जो लोग उनके भेज डारी रहैं, बे वापस चले गै। 34 लेकिन सीलास के हूँना रहनों अच्छो लगे। 35 पौलुस और बरनबास कुछ समय अन्ताकिया में बिताई; और कइयो लोगन के संग में बे प्रभु को सुसमाचार सुनात और प्रचार करत रहे। 36 कुछ समय बाद पौलुस बरनबास से कही, “जो-जो सहरन में हम जो प्रभु को बचन सुनाए रहैं, आबौ, उनके झोने जाएके बे भईयन और बहेनियन को हाल-खबर लेमैं।” 37 बरनबास की इच्छा रहै कि बौ यहून्ना जोको दुसरो नाओ मरकुस है के भी अपने संग लै चले, 38 लेकिन पौलुस बाकै अपने संग लै जानो सई ना समझी, काहैकि बौ उनके मिसन के संग आखरी ले ना स्को रहै, बल्कि उनकै पंफूलिया में छोड़ दई रहै। 39 और जे दोनों के बीच में ऐसी बहस भइ कि बे एक दुसरे से अलग हुईगै; तौ बरनबास, मरकुस के लैके साइप्रस के चले गै। 40 जबकी पौलुस सीलास के छौंटी, और प्रभु को अनुग्रह और किरपा भईयन की देखाभारी करने के ताहीं सराहना करी। 41 सीरिया और किलिकिया से होत भै निकरो, जोसे कलीसियन के मजबूती मिली।

16 पौलुस दरिबे और लुक्का में भी गौ, और हूँना तीमथियुस नाओ खडो कर रे है। **21** और बे ऐसी रीति रिवाज सिखाए रे हैं जो को एक चेला रहे। बाकी अईय्या यहदि बिस्वासी रहे, लेकिन बाको दऊवा यूनानी रहे। **2** लुक्का और इकुनियम में सबे बिस्वासी भईय्यन तीमथियुस की अच्छी बात करी। **3** पौलुस तीमथियुस के अपने संग लै जानो चहात रहे, जहे बजह से बौ बाको खतना करी काहेकि बे जघा रहेन बारे सबे यहदि जानत रहे कि तीमथियुस को बाबा यूनानी रहे। **4** और सहर-सहर जात भै बे उन नियम के जो यस्सलेम के प्रेरित और बडे-बूढे ठहराई रहे, मानन और परखन के ताहीं उनके झोने जात रहे। **5** जो बजह से कलीसियन के बिस्वास में मजबूत बनाओ गौ और रोजाना संख्या में बढ़त भइ। **6** बे फूगिया और गलातिया देसन में से हुईके गै, काहेकि पवित्र आत्मा उनके आसिया के देसन में बचन सुनान से मना कर दई। **7** बे मूसिया की सीमा में पुगै बितुनिया में जान की कोसिस करी, लेकिन ईसू की आत्मा उनके जान की इजाजत ना दई। **8** जो बजह से बे मूसिया से हुईके तरोआस में आए। **9** हूँना पौलुस रात के एक दर्सन देखी कि एक मकिदुनी आदमी ठाडो भौ, बासे नहोरे करके कहथै, “मकिदुनिया में आ और हमरी मदद कर!” **10** बाके जो दर्सन देखतै हम तुरतै मकिदुनिया रवाना होन के ताहीं तैयार हुइ, काहेकि हम तै करे कि परमेस्वर हमें हूँना के लोगन के सुसमाचार सुनान के ताहीं बुलाई है। **11** हम तरोआस से जहाज के जरिया सीधे समुद्राके रवाना भै और दूसरे दिन के नियापुलिस में आए। **12** हूँना हम फिलिप्पी में गै, जो मकिदुनिया जिला को खास सहर, और रोमन की बस्ती रहे; हम बौ सहर में कुछ दिन तक रहे; **13** साबत के दिन हम सहर के दुआरे नदिया के टिकारे जौ समझके गै कि हूँना प्रार्थना करन की जघा होगी; और बे हूँना बैठी भइ बईय्यरन से बात करन लगे। **14** जो बईय्यर हमें सुनी, उनमें से एक थुआतीरा सरह में की लुदिया नाओ की बईय्यर रहे, जो बैगनी लतन को ब्यापार करत रहे। बौ एक बईय्यर रहे जो परमेस्वर की आराधना करे करत रहे, और प्रभु बाको मन खोली, ताकी पौलुस की बातन में ध्यान लगाबै। **15** और बाके बाद बाके घर के लोग बपतिस्मा लई, बौ हमके बुलवाई, “आबौ और मेरे घर में रहबौ अगर तुम फैसला करे हो कि मैं प्रभु में सच्चो बिस्वास रखथौ।” और बौ हमके नहोरे करके जान के ताहीं मनाए लई। **16** एक दिन जब हम प्रार्थना करन बारी जघा में जात रहे, तो हमरो भेटा एक ज्वान सेविका बईय्यर से भइ, जोमैं एक प्रेत आत्मा रहे, जो बाके भविष्य की भविष्यवांड़ी करन में माहिर बनाई। बौ अपने मालिकन के भाग्य बताए के बडा पैसा कमाई। **17** बौ पौलुस और हमरे पच्छ आत भै कही, “जे आदमी परमप्रधान दऊवा परमेस्वर के सेवक है। बे तुमरी घोसडॉ करत है कि तुमरो कैसे उद्धार हुई सकथै!” **18** बौ मिर दिन तक ऐसो करी, जबले की पौलुस इतो परेसान नाय भौ कि बौ चक्कर लगाई और आत्मा से कही, “ईसू मसीह के नाओ मैं, मैं तुमके बासे बहार आन के कहथौ!” आत्मा बहे घड़ी निकरके चली गई। **19** “जब बाके मालिकन के पता लगे कि हमरी कमाई की आसा खतम हुई जाए रहो है, तो पौलुस और सीलास के पकड़के चौराहे में मुखिया के झोने खींचत भै लैगै। **20** बे उनके रोमन अधिकारिन के झोने लाए और कही, जे आदमी यहदि है, और जे हमरे सहर में बाखेडो

खडो कर रे है। **21** और बे ऐसी रीति रिवाज सिखाए रे हैं जो हमरे नियम के खिलाप है; हम रोमन नागरिक हैं, और हम जे रीति रिवाजन के नाय अपनाय सकथै या उनके नाय पढ़ सकथै।” **22** और भीड़ पौलुस और सीलास के खिलाप जुराए के उनके ऊपर चढ़ गई। तौ हाकिम पौलुस और सीलास के लता फाड़ दई, और उनके बेंथ से मारन के कही। **23** खूब पिटाई के बाद, उनके कैदखाना में डरबाए दई और दोगा से कही कि उनके तंग करके रखियो। **24** उनके कहनो के मुताबिक दोगा उनके भीतर की कुठरिया में लैजाय के और उनकी टाँग कटा के खपचा में कस दई। **25** करीबन आधी रात के पौलुस और सीलास प्रार्थना करत भै परमेस्वर के भजन सहिता गात रहे और दूसरे कैदी उनकी बातें सुनत रहे। **26** कि इते में अनकाचीति एक बडो हालाचाला आओ, जो कैदखाना की बुनियाद को पथरा तक हलाए दई। एक बार सब फाटक खुल गै, और सबन की साँकर खुल गई। **27** दोगा जग गौ, और जब बौ कैदखाना के फाटक खुले देखके समझी कि कैदी भाज गै हैं, तभईये बौ अपनी तलवार से खुदके मारनो चाही। **28** लेकिन पौलुस तेज अबाज से चिल्लाए के कही, “अपने के कुछ नुकसान मत करे, काहेकि हम सब हीन हैं।” **29** तभई दोगा दिया मंगवाए के भीतर आओ और कपकपात भौ पौलुस और सीलास के पाँव में गिर गौ। **30** फिरौकी उनके दुआरे लाए के कही, “हे मालिक उद्धार पान ताहीं मैं का करौ?” **31** बे जबाब दई, “प्रभु ईसू के ऊपर बिस्वास कर, तौ तैं और तेरो पुरो परिवार उद्धार पागो।” **32** तौ बे बाके पूरे घर के आदमिन के प्रभु को बचन सुनाई। **33** और रात के बहे समय बौ उनके लै जाएके उनके घाव के धोई, और बौ अपने सब आदमी समेत तुरतै बपतिस्मा लई। **34** फिर बौ पौलुस सीलास के अपने घर में लै जाएके कुछ उनके खानु खान के दई। और बाको पूरो परिवार परमेस्वर ऊपर बिस्वास करके खुसी मनाई। **35** अगले भोर रोमन अधिकारी पुलिस अधिकारिन के आदेस देके भेजी, “कि बे आदमिन के छोड़ देबौ।” **36** फिर कैदखाना को अधिकारी पौलुस से कही, “अधिकारियें तोके और सीलास के छोड़ देन को आदेस दई हैं। अब तुम छोड़के सांति से जाए सकथौ।” **37** लेकिन पौलुस पुलिस अधिकारी से कही, “हमैं कोई भी गुनाह को कसूरवार नाय पाई, फिर भी बे हमैं सबन के सामने मारी, हम रोमन नागरिक हैं! से फिर भी बे हमैं कैदखाना में डार दई। और अब बे हमैं चुपके से भेजनो चाहथैं। ऐसो ना हुई सकथै! रोमन अधिकारिन के खुद हीना आनो चाहिए और हमैं बाहर लैके जायें।” **38** पुलिस अधिकारी जे बातन की खबर रोमन अधिकारिन के दई; और जब बे सुनी कि पौलुस और सीलास रोमन नागरिक हैं, तौ बे डराय गै। **39** जौ बजह से बे जाएके उनसे नहोरे करी और माफी माँगी; और बे उन्हें कैदखाना से बाहर निकारी और उनसे सहर छोड़न के ताहीं कही। **40** पौलुस और सीलास कैदखाना से निकरके लुदिया के घरे गै। हूँना बे बिस्वासी भईय्यन से मिलके उनके हौसला दई, और चले गै।

17 पौलुस और सीलास अम्फिपुलिस और अपुल्लोनिया से होत भै थिस्सलुकी में आए, जिते यहदियन को एक सभाघर रहे। **2** पौलुस साधारण चाल-चलन के जरिया उनके झोने गौ, और हूँना

तीन साबत दिन के दौरान आदमिन से साझ की बातचीत करी। 3 और उनके साझ से फोड़-फोड़के मतलब समझात रहे, और साबित करी कि “मसीह को दुख उठाओ, और मरे भैं मैं से जिंदो होओ जरूरी रहे,” पौलुस कही, “जहे ईसू की जोकी मैं बात सुनाथों, मसीह है।” 4 उनमें से कुछ यहदिन के राजी कर लौ गौ, और भक्त यूनानिन मैं से निरे और निरी सारी बईय्यै परमेस्वर के अपनाई, और पौलुस और सीलास के संग सामिल हुईगै और परमेस्वर की आराधना करी। 5 लेकिन यहदिन जलन से भर गै और फालतू आदमी जुराए के एक बडी भीड़ बनाएके सहर मैं हुलगादड़ मचान लागे। और पौलुस और सीलास के ढूँडन लगे ताकी और लोगन के बहार लाय सकें, जहे कोसिस मैं यासोन नाओं के एक आदमी के घर मैं हमला कर उनके आदमिन के बीच लानो चाँहीं। 6 लेकिन जब उनके हूँना नाय पाई तौ बे चिल्लात भै सहर के हाकिम झोने यासोन और कुछ विस्वासी भईय्यन के खीच लाई, “जे लोग दुनिया मैं गलत माहौल बनाए दई हैं! और अब हियाँ भी आए गै हैं, 7 और यासोन उनके अपने घर मैं रखी है। बे सबे कैसर के नियम के तोड़ी रे हैं कि एक और राजा है, जोको नाओ ईसू है।” 8 जब भीड़ नगर और हाकिम जे बात सुनी, तौ बे बाकी बात में आए गै। 9 हाकिम यासोन और बाकी आदमिन के जमानत के ताही पैसन को भुगतान करी, और फिरौकी उनके छोड़ दई। 10 तौ भईय्या तुरैं रातौ-रात पौलुस और सीलास के बेरीया मैं पनार दई। जब बे हूँना पुाके, यहदिन के सभाघर में गै। 11 जे आदमी थिस्सलुनीके के यहदिन से समझदार रहैं तभईये बे पूरी लगन से बचन अपनाई, और रोजाना पवित्र साझन में ढूँडते कि जे बात पौलुस सच कही है कि नाय। 12 उनमें से निरे लोग बिस्वास करी; और ऊँची खानदान की निरी यूनानी बईय्यै और निरे आदमी भी बिस्वास करी। 13 लेकिन जब थिस्सलुनीके के यहदिन जानगै कि पौलुस बेरीया में भी परमेस्वर को बचन सुनाई है, तौ बे हूँना आयके भीड़ के भडकान लागे। 14 तभई भईय्या पौलुस के समुंदर के टिकारे पनार दई; लेकिन सीलास और तीमुथियुस बेरीया में लौट गै। 15 पौलुस के भेजन बारे बाँके एथेंस ले लैगै, और फिर पौलुस से आग्या लैके बेरीया लौटे कि सीलास और तीमुथियुस जल्दिये बाके संग मिल जायें। 16 जब पौलुस एथेंस में सीलास और तीमुथियुस के असीयात रहे, तौ नगर के मूर्तिन से भरो भौ देखके बौ मन से भौत परेसान भौ। 17 तभई बे यहदि और यहदि सभाघर में बतकाई की, हर दिन बे नगर की चौक में आनबारेन के संग परमेस्वर की आराधना करी। 18 कुछ इपिकूरी और स्टोईकी गुरु बासे बहस करन लगे। उनमें से कुछ कही, “जौ अग्यानी का कहनो चाहथे?” लेकिन दुसरे लोग जबाब दई, “बौ दुसरे विदेसी दूर्तन के बारे में बात कर रौ है।” बे जौ इसलै कही काहेकि पौलुस ईसू और बाके दुबारा जी उठन और सुसमाचार को प्रचार करत रहे। 19 जौ बजह से बे पौलुस के अपने संग अरियुपगुस सहर के घेरा की एक बैठक में लै आई, जहाँ बे बासे कही, “का हम जानथे की जौ नया सिक्छड़ का है जो तुम दिखाए रहे हौ? 20 काहेकि तू अलोखी बात हमें सुनाए रहो है, तभईये हम जाननो चाहथे कि इनको मतलब का होथे।” 21 तभईये सबे एथेंस नगर बारे और बाहर के जो हूँना रहेत रहैं, अपनो समय बितान के अलावा और कछ नाय करत रहैं और नये बिचारन के सुनत रहैं।

22 पौलुस अरियुपगुस सहर परिसद के सामने ठाड़के कही, “एथेंस मैं रहन बारेयौ, मैं देखथों कि तुम सब बड़ा धर्मी हौ। 23 काहेकि मैं तुमरे नगर से चलत भौ आत रहौं, और बे जघन के देखो, जितै तुम आराधना करथौ, तौ मोके एक बेदी मिली, जोमैं लिखो रहे, ‘अनजानो परमेस्वर।’ तभई मैं तुमके बाके बारे में बतानो चाहथों जेके तुम बिना जाने पूजथौ। 24 परमेस्वर, जो धरती और बाँमे सब कछ बनाई है, बौ स्वर्ग और दुनिया को प्रभु है और इंसान के हातन से बने भै मंदिरन में नाय रहथे। 25 ना बाँके कोई ऐसी चीज की जरूरत है जेके हम बाके ताहीं काम करके पूरो कर सकें, काहेकि बौ तौ खुद ज़िंदगी और सांस और सब कछ देथे। 26 बौ एके इंसान से धरती में सब तरह की जाति बनाई और उनके पूरी पृथ्वी रहेन ताहीं दई। और जघन की सीमा तै करी, जितै बे रहेत रहैं। 27 बौ ऐसो जहेमारे करी ताकी बे बाँके ढूँडें, और सायद बे बाँके पाए लेंमें जैसो कि बे बाके बारे में महसूस करी रहैं। फिर भी परमेस्वर बास्तव में हममें से कोई से दूर ना है; 28 जैसो कि कोई कहो है, ‘बाँमे हम जिथैं और अगु बढथैं और मौजूद रहथैं।’ जैसो कि तुमरे कुछ कवि कही है, ‘हमउँ उनके बालका हैं।’ 29 काहेकि हम परमेस्वर के बालक हैं, हमके जौ नाय माननो चाहिए कि बाको स्वभाव सोनो या चाँदी या पथरा की छवी जैसो है, जेके इंसान की कला और सोच से बनाओ गौ है। 30 परमेस्वर बौ समय के अनदेखो कर दई जब लोग बाँके नाय जानत रहैं, लेकिन अब बौ उन सबन के हर जघा आग्या देथे कि बे अपनी बुरी रहा से मुड़ें। 31 काहेकि बौ एक दिन ठहराई है जेमें बौ बहे धार्मिकता से दुनिया को न्याय करैगो, जो आदमी के बौ ठहराई है और बाँके मरे भैन में से जिंदो करके जौ बात सबन के बीच में साबित कर दई है।” 32 जब बे पौलुस के पुनस्थान के बारे में बोलत सुनी, तौ उनमें से किते बाकी मजाक उड़ाई, लेकिन दुसरे लोग कही, “हम तोकै बाके बारे में फिर से बोलत भौ सुननो चाहथें।” 33 और पौलुस उनकी बैठक छोड़के उनके बीच से चले गौ। 34 लेकिन कुछ आदमी बाके संग जुड़ गै, और बिस्वास करी, जिनेमें से दियुनसियुस, जो परिसद को सदस्य रहे; एक बईय्यर रहे, जोको नाओ दमरिस रहे, और कुछ दुसरे लोग भी रहे।

18 जाके बाद पौलुस एथेंस के छोड़के कुरिन्थुस में चले गौ। 2 हूँना बाँके अक्विला नाओं को एक यहदि मिलो, जोको जन्म पुन्तुस में भौ रहे, बौ अपनी बईय्यर प्रिस्किल्ला के संग हाल ही में इटली से आओ रहे, काहेकि सम्राट क्लौडियुस सब यहदिन के रोम से निकर जान को आदेस दई रहे। जहे बजह से पौलुस उनके देखन गौ, 3 और बाको और उनको एके काम रहे; जहे बजह से बौ उनके संग रहो, और बे काम करन लगे, उनको काम तम्बु बनान को रहे। 4 और बौ हर साबत के दिन सभाघर में बात-चीत करके यहदि और यूनानिन दोनों के समझान की कोसिस करत रहे। 5 जब सीलास और तीमुथियुस मकिदुनिया से आए, तौ पौलुस अपनो पूरो समय संदेस प्रचार करन के ताहीं दई, यहदिन के गभाई देत भइ कि ईसू ही मसीह है। 6 जब बे बाको बिरोध करी और बाके बारे में बुराई करी, तौ बौ अपने लतन से धृदर झारके बिरोध करी और उनसे कही, तुमरो खन तुमरेई मुडियन में होबे! “अगर तुम हराए गै हौ, तौ

तुम्हें जाके ताहीं खुदकै दोसी माननो चाहिए! मैं जिम्मेदार ना हौं। अब से मैं गैर यहूदिन मैं जांगो।” 7 जौ बजह से बौ उन्हें छोड़ दई और तीतुस यस्तुस नाओं के एक गैर यहूदि के घर मैं रहन लगे, जो परमेस्वर की आराधना करे करत रहै; बाको घर सभाघर के बगल मैं रहै। 8 क्रिस्तुस, जो सभाघर को मुखिया रहै, अपने पूरे घरबारेन समेत प्रभु मैं बिस्वास करी; और निरे कुरिन्थवासी भी सुनकै बिस्वास करी और बपतिस्मा लई। 9 एक रात प्रभु दर्सन के जरिया पौलुस से कही, “मत डराबै, बल्कि बोलत रहा और हार मत माने, 10 काहेकि मैं तेरे संग हौं, और कोई भी तोकै नुकसान नाय पहुँचाए सकथै, काहेकि जो सहर मैं मेरे भीत से आदमी हैं।” 11 जौ बजह से पौलुस उनके परमेस्वर को बचन सिखात भै डेढ़ साल ले रहो। 12 जब गल्लियो के अखाया देस को राज्यपाल बनाओ गौ, तौ हूँआ के यहूदि जुराने, और पौलुस के पकड़ लई और बाकै न्याय करन बारी जघा मैं लैगै। 13 और बे कही, “जौ आदमी, लोगन के जो नियम के खिलाफ है बौ तरीका से परमेस्वर की आराधना करन के ताहीं कहथै।” 14 जब पौलुस बोलन बारो रहै, तौ गल्लियो यहूदिन से कही, “अगर जौ कोई बुरे अपराध या गलत काम की बात रहै, तौ यहूदिन के संग रहनो मेरे ताहीं सई होगो। 15 लेकिन अगर जौ सब्दन और नाओं और तुमरे अपने नियम के बारे मैं एक तर्क है, जहे बजह से जाके तुम्हें खुदे निपटाने होगो। मैं ऐसी चीजन को न्याय ना करनो चाहथौं।” 16 और बौ उनके न्याय करन बारी जघा से निकार दई। 17 तौ सब जनी सभाघर के मुखिया सोस्थिनेस के पकड़कै न्याय करन बारी जघा के अगु मारी। लेकिन गल्लियो जे बातन की कुछ फिकर ना करी। 18 पौलुस कुरिन्थ भईयन के संग निरे दिन ले हूँना रहो, फिर उनके छोड़ दई और सीरिया के ताहीं प्रिस्किल्ला, और अक्विला के संग रवाना भै। किछिया से नईयों में चढन से पहले बौ अपनो मूढ़ मुडबाय लई रहै काहेकि बौ जो बर्त लई रहै। 19 बे इफिसुस पहुँचे, जहाँ पौलुस प्रिस्किल्ला और अक्विला के छोड़ दई। बौ सभाघर मैं जाएँ यहूदिन के संग सलाह-मसौराहर करन लगे। 20 लोग जब बासे लम्बे समय ताहीं रहने के कही, लेकिन बौ राजी नाय भौ। 21 लेकिन जौ कहकै, बौ उनके छोड़ दई, जैसो बौ कही, “अगर परमेस्वर की इच्छा भइ तौ मैं तुमरे झोने आंगो।” और बौ इफिसुस से रवाना भौ। 22 जब बौ कैसरिया पहुँचो, तौ बौ यस्सलेम के गौ और क्लीसिया के नमस्ते करी, और फिर अन्ताक्रिया में गौ। 23 हूँना कुछ समय बितान के बाद। बौ सबै चेलन के मजबूत करत भै, गलातिया और फ्रिगिया छेत्र से चले गौ, सबै विस्वासियन के मजबूत करत रहो। 24 बौ समय अपुल्लोस नाओं को एक यहूदि जोको जनम सिकन्दरिया में भौ रहै, इफिसुस में आओ रहै। जो एक ग्यानी आदमी रहै और पवित्र साक्ष को अच्छो जानकार रहै। 25 बाकै प्रभु के रहा को निर्देस दौ गौ रहै, और बडे उत्साह के संग बौ ईसु के बारे मैं तथ्यन के ढंग से बताई और सिखाई। काहेकि बौ सिरफ यूहन्ना के बपतिस्मा के जानत रहै। 26 बौ सभाघर में बेखोफ हईके बोलन लगे। जब प्रिस्किल्ला और अक्विला बाकै सुनी, तौ बे बाकै अपने संग घरे लैगै और बाकै और सई ढंग से समझाई कि परमेस्वर की रहा है। 27 तौ अपुल्लोस अखाया के झोने जान को फैसला करी, जहे बजह

से इफिसुस के भईय्या अखाया मैं चेलन के लिखकै मदत करी, उनको स्वागत करन को बड़ाबा करी। जब बौ आओ, तौ बौ बे लोगन के ताहीं एक बडो मदतगार रहै, जो परमेस्वर के अनुग्रह और किरपा से बिस्वास करन बारे रहै। 28 अपने मजबूत तर्कन के संग बौ सार्वजनिक बहस मैं यहूदिन के साक्षन जौ साबित कर दई कि ईसु ही मसीह है।

19 जब अपुल्लोस कुरिन्थुस में रहै, तौ पौलुस ऊपर के सबै देस से होत भौ इफिसुस में पहुँचो। और हूँना कुछ चेला मिले, 2 और उनसे पूँछी, “का तुम बिस्वास करन पोती पवित्र आत्मा पाए?” बे जबाब दई, “हम तौ पवित्र आत्मा के बारे मैं सुने तक नाय हैं।” 3 पौलुस पूँछी, “तौ फिर तुम कैसो बपतिस्मा लै?” बे जबाब दई, “यूहन्ना को बपतिस्मा।” 4 पौलुस कही, “यूहन्ना को बपतिस्मा बे लोगन के ताहीं रहै जो अपने पापन से मुक्त गै; और बौ इस्राएल के लोगन से कही कि जो मेरे बाद आनबारे हैं, बहै ईसु मैं बिस्वास करियो।” 5 जब बे जौ सुनी, तौ उनके प्रभु ईसु के नाओं को बपतिस्मा दौ गौ। 6 जब पौलुस उनके ऊपर हाथ धरी, तौ उनके ऊपर पवित्र आत्मा उतरी; और बे अलग-अलग जबान में ऐलान करी और परमेस्वर को संदेस भी सुनाई। 7 बे सब करीबन बारह आदमी रहै। 8 पौलुस सभाघर में गौ और तीन महेना के दौरान लोगन के संग बेखोफ बात करी, बौ परमेस्वर के राज्य के बारे मैं बात करतो और समझान की कोसिस करत रहो। 9 लेकिन उनमें से कुछ जिद्दी रहै और बिस्वास ना करत रहै, पूरे समूह से बे प्रभु के रहा के बारे मैं बुरी बात कही। जौ बजह से पौलुस उनके छोड़ दई और चेलन के अपने संग लैगै, और रोजाना बौ तुरन्सुस की स्कूल में बात-चीत करतो। 10 जौ दूई साल ले चलो, ताकी जो लोग जो कि आसिया के देसन में रहत रहै, यहूदि और गैर यहूदि दोनों प्रभु के बचन के सुनी। 11 परमेस्वर पौलुस के जरिया सामर्थ्य के अचम्मे काम करत रहै। 12 हियाँ ले कि स्माल और अंगोछा जो बौ पहने रहै, उनके बिमारन के झोने लैजाओ गौ रहै, और उनकी बिमारियन के ठीक करो गौ रहै, और प्रेत आत्मा उनसे बाहर निकर जांगी। 13 बुरी सफर करन बारे और प्रेत आत्मा के भजान बारे कुछ यहूदि ऐसो करन के ताहीं प्रभु ईसु के नाओं को उपयोग करन को भी हिम्मत करी, बे बुरी आत्मा से कही, “मैं तुम्हें ईसु के नाओं से आग्या देथौं, जोके पौलुस प्रचार करथै।” 14 सात भईय्या, जो स्किक्वा नाओं के एक यहूदि बडे पुजारी के लौड़ा रहै, जो ऐसो करत रहै। 15 लेकिन प्रेत आत्मा कही ईसु के मैं जानथौं और पौलुस के भी जानथौं, पर तुम कौन हो? 16 जौ आदमी मैं प्रेत आत्मा रहै, बौ उनके झपटी और काबू में करके ऐसो परेसान करी कि बे नंगे और चोट खाएँ बौ घर से निकरके भाजे। 17 इफिसुस के रहन बारे सब यहूदि और गैर यहूदि जौ बात सुनी; बे सबन के ऊपर डर छाए गौ, और प्रभु ईसु के नाओं की बडौई भइ। 18 विस्वासिन में से कई, सबन के सामने स्वीकार करथै और खुलासा करथै कि बे का करी रहै। 19 जादू के सिकन बारेन में से तमान अपनी किताबन के एक संग लाई और उन्हें सबके सामने जलाए दई। बे किताबन की कीमत के जोड़ी, और सब मिलाएँ पचास हजार चाँदी के सिक्का भै। 20 जौ तरीका से प्रभु

को बचन सामर्थ्य से फैलत गौ और मजबूत होत गौ। 21 जे बात होन के बाद, पौलुस मन में ठान लई कि मकिदुनिया और अखाया से हुईकै यरूस्लेम के जामौ। और कही, “हूँना जान के बाद मोकै रोम के भी देखनो चाहिए।” 22 इसलै बौ अपने दुई सेवा करन बारेन में से तीमुथियुस और एरास्तुस के मकिदुनिया में भेजी, जबकी बौ आसिया के सहर में जाधे समय बताई। 23 जौ बौ समय रहै कि प्रभु के रहा की बजह से इफिसुस में गंभीर संकट रहै। 24 दिमेटिरियुस नाओ को एक चाँदी को कारीगर रहै, जो अरतिमिस देवी के मंदिर चाँदी के बनाए करत रहै, जोसे कारीगरन को एक बड़ो काम चले करत रहै। 25 इसलै बौ बे सबन के दुसरेन के संग बुलाई, जिनको काम उनके जैसो रहै और उनसे कही, “आदमियौ, तुम जानथौ कि जौ काम से हमरी समृद्धि आथै। 26 अब, तुम खुद देख सकथौ और सुन सकथौ कि जौ पौलुस का कहतौ है। बौ कहथै कि हाथ से बने भै देवता बिल्कुल भी देवता ना हैं, और बौ इफिसुस और आसिया के लमसम पूरे देसन में, कई लोगन के समझान में कामयाब रहो है। 27 तौ खतरा है, अब सिरफ जहे एक बात को डर नाय है कि हमरे जौ कारोबार को मान-सम्मान चले जागो बल्कि जौ महान देवी अरतिमिस को मंदिर बेकार समझो जागो और बाकी महानता खतम हुई जागी। जौकै आसिया और पूरी दुनिया पूजथै।” 28 जैसी भीड़ जे सब्दन के सुनी, बे गुस्सा से भर गै और चिल्लान लगे, “महान तौ इफिसुस की देवी अरतिमिस है!” 29 और पूरे सहर में हंगामा फैल गौ। भीड़ मकिदुनिया परदेस से आए पौलुस के साथी गयुस और अरिस्तर्खुस के पकड़ लई, और उनके संग रंगसाला में पहुँचे। 30 पौलुस खुद भीड़ के सामने जानो चहात रहै, लेकिन चेला बाकै जान ना दई। 31 कुछ आसिया के देसन के अधिकारी, जो उनके दोस्त रहै, बे उन्हऊँ के खबर भेजी नहारे करी कि रंगसाला में नाय आमे। 32 जौ बीच पूरी बैठक हंगामा में रहै: कोई कुछ चिल्लातो, दूसरो कुछ और चिल्लातो, काहेकि उनमें से मिनन के तौ जहो नाय पता रहै की बे काहे ताहीं जुराने हैं। 33 कुछ लोग निस्कर्स निकाारी कि सिकन्दर जिम्मेदार है, काहेकि यहूद बाकै मोर्चा में जान के ताहीं बनाई रहै। तौ सिकन्दर लोगन के चुप रहन के ताहीं अपने हाथ से इसारा करी, और बौ बचाव के ताहीं भँसड़ देन की कोसिस करी। 34 लेकिन जब बे जानगै कि बौ यहूद है तौ सबके सब एकै अबाज में करीब दुई घंटा तक चिल्लात रहे, “इफिसुस की देवी अरतिमिस, महान है!” 35 आखिरकार सहर को संत्री भीड़ के सांत करन में कामयाब रहो। बौ कही, “साथी इफिसियों! हर कोई जानथै कि इफिसियों सहर महान देवी अरतिमिस के मंदिर और पवित्र पथरा जो स्वर्ग से नीचे गिर गौ है बाको रखक है। 36 कोई भी जे बातन के नकार नाय सकथै। तौ फिर, तुमकै सांत हुई जानो चाहिए और लापरवाही कछु ना करनो चाहिए। 37 तुम जे आदमिन के हियाँ लै आए हो, जो जे मंदिर के ना लटी है और ना हमरी देवी के बारे में बुराई करी है। 38 अगर दिमेटिरियुस और बाके संग बारे कारीगरन के कोई के खिलाप आरोप है। तौ हमरे पास अधिकारी और अदालत के नियमित दिन हैं; हूँआँ आरोप लगाए जा सकथै। 39 लेकिन अगर तुम कुछ और चाहथौ तौ जाकै नगरन की एक नियम की बैठक में तैं करने होगो। 40 आज जो कुछ भी भौ है, बाके बाद हमरे ऊपर दंगा

करन को आरोप लगाओ जागो। जौ सब हंगामा के ताहीं को बहाना ना है, और हम जाके ताहीं एक अच्छो बजह ना दै पांगे।” 41 जौ कहने के बाद, बौ बैठक के बिदा कर दई।

20 हंगामा खतम होन के बाद, पौलुस चलन के एक संग बुलबाए के समझाई और उनसे बिदाई लई। फिर बौ मकिदुनिया के चले गौ। 2 बौ सब परदेसन से होत भौ छिरो और लोगन के संदेस के संग हौसला दई। फिर बौ यूनान में आओ। 3 जहाँ बौ तीन महेना रहो। बौ सीरिया के जान के ताहीं तैयार होत रहै जब बाकै पता चलो कि हूँआँ तौ यहूद बाके खिलाप साजिस रचरे हैं; जौ बजह से बौ मकिदुनिया से हुईकै बापस चले जान को फैसला करी। 4 बिरिया को रहन बारो पुरूस को लौडा सोपतुस; और थिस्सलूनिकियों को रहन बारो अरिस्तर्खुस और सिकुन्दस; और दिरबे को गयुस; और तीमुथियुस और आसिया के देस को तुखिकुस और तुस्फिमस; बाके संग हुई लई। 5 बे अगु जाएकै तरोआस में हमें असियान लगे। 6 और हम अरखमीरी रोटी के त्योहार के बाद फिलिप्पी से रवाना भै, और पाँच दिन बाद हम उन्है तरोआस में मिले, जहाँ हम एक सप्ताह बिताए। 7 सप्ताह के पहले दिन हम रोटी तोड़न के ताहीं एक संग आए। तौ पौलुस जो दुसरे दिन के जान बारो रहै, उनसे बात करी और आधी रात तक बात करत रहो। 8 जो ऊपर के कमरा में हम जुराने रहै, बाँमे निरे दिया जलत रहै। 9 यतुखुस नाओ को एक ज्वान आदमी खिड़की में बैठो भौ नीद से उँघात रहै, और पौलुस जब बात करत रहै तौ बौ नीद आन से तिसरे मंजिला से गिर पड़ो, और जब बे बाकै उठाई तौ बौ खतम हुई चुको रहै। 10 लेकिन पौलुस तरे आयकै बाकै अकोरी में भर लई, और कही, “फिकर मत करो; बौ अभऊ जिंदो है!” 11 फिरौकी बौ ऊपर जाएकै, रोटी तोड़ी, और खाएकै। इत्ती देर तक उनसे बात करत रहो कि भुकभुको हुई गौ; फिर बौ चले गौ। 12 और बे बौ ज्वान आदमी के जिंदो घरे लैगै, और भौत सांति पाई। 13 हम पहले से जहाज में चढ़कै अस्सुस के झोने जौ सोचकै रवाना भै, कि हूँना से हम पौलुस के चढ़ाय लेंगै। बौ हमसे ऐसिये करन ताहीं कही रहै, काहेकि अपना पैदल जात रहै। 14 जब बासे हमरो अस्सुस में भेटा भौ तौ हम बाकै जहाज में चढ़ायकै और मितुलेने में चले गै। 15 हम हूँना से रवाना भै और अगले दिन खियुस पहुँचे। और एक दिन बाद हम सामुस पहुँचे, फिर दुसरे दिन हम मीलेतुस में पहुँचे। 16 पौलुस इफिसुस के झोने से हुईकै जान को फैसला करी रहै, कि कहीं ऐसो न होवै, कि बाकै आसिया में देर लागै। बौ जल्दी में रहै, कि अगर हुई सकै, तौ बौ पिन्तेकुस्त के दिन ले यरूस्लेम में रहबै। 17 पौलुस मीलेतुस से इफिसुस में खबर भेजी, जौमें कलीसिया के बड़े-बूढ़े से मिलन के ताहीं कही। 18 जब बे बाके झोने आए, तौ बौ उनसे कही, “तुम जानथौ कि मैं पहलिये दिन से जब मैं आसिया में पुगो, मैं तुमरे संग हर समय कैसे रहो। 19 मैं पूरी नमरता से और आँसु बहाए-बहाएकै, और बे इम्तिहान में जौ यहूदियन की साजिस के बजह से जो समय मेरे ऊपर आओ, प्रभु के सेवक के रूप में मैं अपना काम करो। 20 तुम जानथौ कि जौ-जो बात तुमरे फायदा की रहै उनके सबन के बतान से और घर-घर प्रचार करन से मैं कहू संकोच ना करो। 21 यहूद और गैर यहूदियन

कै एक हानी चितौनी देत रहौ कि परमेस्वर के घाँई मन फिराबौ, और हमरे प्रभु ईसु मसीह में बिस्वास करौ। 22 और अब, मैं पवित्र आत्मा के कहने में यरूशलेम के जाएँ हौं, ना जानै हूँ मेरे संग का होगो। 23 मैं सिर्फ इतने जानथौ कि पवित्र आत्मा हर सहर में मौके चितौनी दई है कि कैदखाना की साँकर और मुसीबतें मेरो इंतजार कर रई हैं। 24 लेकिन मैं अपनी खुद की जिंदगी के ताहीं मेरो कुछ भी प्रिय ना है; मैं सिर्फ अपने काम के पूरे करने चाहथौ और बौ सेवा पूरे करने चाहथौ जो प्रभु ईसु मौके चितौनी के जरिया करने के ताहीं दई रहै, जो कि परमेस्वर के अनुग्रह और किरपा के बारे में सुसमाचार की घोसड़ाँ करने हौ।” 25 मैं तुमरे सबन के बीच मैं परमेस्वर के राज्य को प्रचार सुनात फिरो हौ। और अब मौके पता है कि तुम में से कोई भी मौके फिर ना देख पागे। 26 जो बजह से मैं पूरी तरह से तुम्हें आज के दिन ऐलान करथौ: अगर तुम में से कोई भी भटक जावै, तौ मैं बाके खून से निर्दोस हौ। 27 काहिके मैं तुम्हें परमेस्वर के पूरे उद्देश्य की घोसड़ाँ करने से नाय झिझको। 28 तभीयै अपनी और पूरे झुंड की देखा-भारी करौ; जौमें पवित्र आत्मा तुम्हें अगुवा ठहराई है कि तुम परमेस्वर की कलीसिया की रखबारी करौ, जो बौ अपने खून के जरिये अपने बनाई। 29 मैं जानथौ, कि मेरे जान के बाद फाइन बारे भेड़िया तुमरे बीच मैं आंगे, और बे झुंड के नाय छोड़ंगे। 30 बौ समय आगे जब तुमरे खुद के झुंड के आदमी चलन के अपने पच्छु लान ताहीं झूठ कहमंगे। 31 देखौ, और याद करौ कि मैं तीन साल तक आँसु बहाए-बहाएकै, रात-दिन हर एक के सिक्का देनो नाय छोड़ो। 32 “और अब मैं तुम्हें परमेस्वर की दया को बचन सौंप देथौ; जो तुम्हें बढाए सकथै, और परमेस्वर तुम्हें बे सब आदमिन के पवित्र करथै। 33 मौके कोई को चाँदी या सोनो या लता नाय चाहिए रहै। 34 तुम खुद जानथौ कि जहे हाथ मेरो और मेरे संग बोरन की जरूरतन के पूरे करी। 35 मैं तुम्हें सब कछु करकै दिखाओ, कि जौ तरीका से मेहनत करकै कमजोरन की मदत करै, और प्रभु ईसु की बातन के याद धरनो जरूरी है, जो बौ खुद कही रहै: ‘लेन से जाधे देन मैं खुसी मिलथै।’” 36 जब पौलुस कहनो बंद करी, तौ बौ उनके संग धूँटेक के प्रार्थना करी। 37 तौ बे सब रोन लगे और पौलुस के गले से लग के बाकै चूमी और पनार दई। 38 बे खासकर के जौ बात को दुखी रहै कि बौ कही रहै, कि तुम फिर कहु मौके नाय देखैगे। जौ बजह से बे बाकै जहाज ले पुगान गै।

21 हम उनसे न्यारे हुईके रवाना भै। सीधे रहा से कोस मैं आए; दूसरे दिन रूदस मैं, और हूँना से पतरा मैं। 2 और एक जहाज फीनीके के जात भै मिलो, तभीयै हम बाके ऊपर चढ़के चले गै। 3 जब साइप्रस दिखाई दई, तौ हम बाकै उल्टा छोड़कै, सीरिया के चलकै सूर मैं उतरे। काहिके हूँना जहाज को समान उतारने रहै। 4 हम हूँना कुछ चलन से मिले और उनके संग सात दिन ले रहे। बे आत्मा के सिखे भै पौलुस से कही कि यरूशलेम मैं मत जईये। 5 लेकिन जब उनके संग हमरो समय खतम हुई गौ, तौ हम हूँना से अपनी रहाँमें नेग दै। और बे सब बईय्यरन और बालकन समेत, हमें नगर के दुआरे तक छोड़न आए और हम समुंदर टिकारे घुपटियाय

के प्रार्थना करे। 6 तौ एक दुसरे से बिदाई लैके, हम जहाज मैं चढ़ गै, और बे अपने-अपने घर लौट गै। 7 फिरौकी हम लगातार सफर करकै सूर से पतुलिमयिस मैं पुगे, और भईय्यन के नमस्ते करकै उनके संग एक दिन ठहरे। 8 दुसरे दिन हम हूँना से नेग के कैसरिया मैं आए, और फिलिप्पुस प्रचारक के घर मैं जौ सातन मैं से एक जौके यरूशलेम मैं सहायकन के रूप मैं चुनो गौ रहै, जाएकै बाके हीना रहे। 9 बाकी चार कुवॉरी लौडिया रहै; जो परमेस्वर के संदेशो को ऐलान करी। 10 जब हम हूँना कुछ दिन रह लै, तौ यहूदिया से अगबुस नाओ को एक भविष्यवक्ता आओ। 11 बौ हमरे झोने आए के पौलुस की कमरबंद लाई, और अपने हाथ पाये भाँदके कही, “पवित्र आत्मा जौ कहथै: कि जौ आदमी कि जौ कमरबंद है, बाकै यरूशलेम मैं यहूदि ऐसिये भाँदगे, और गैर यहूदिन के हाथ मैं दै देंगे।” 12 जब हम जे बात सुने, तौ हम और हूँना के आदमी बासे नहोरे करे, कि यरूशलेम के मत जावै। 13 लेकिन पौलुस जबाब दई, “तुम का कर रहै हौ, कि तुम ऐसे रोए रहे हौ, और मेरो मन तोड़ रहै हौ? मैं तौ प्रभु ईसु के नाओ के ताहीं यरूशलेम मैं ना सिर्फ बंधन ताहीं बल्किन मरनो ताहीं तैयार हौ।” 14 जब बौ नाय मानो तौ हम जौ कहके चुप हई, “कि प्रभु की मरजी पूरी होवै।” 15 हूँना कुछ समय बितान के बाद हम अपनी चीजें तैयारी करे और यरूशलेम के चल दै। 16 कैसरिया के भी कुछ चेला हमरे संग हुई लई, और मनासोन नाओ के साइप्रस के एक पुराने चेला के संग लै आए, कि हम बाके घरे स्कैं। 17 जब हम यरूशलेम मैं पुगे, तौ हूँना के भईय्या बड़ा खुसी से हमरो स्वागत करी। 18 दुसरे दिन पौलुस हमें लैके याकूब के झोने गौ: जिते कलीसिया के सब बडे-बूढे जुरे रहै। 19 तौ बौ उनके नमस्ते करकै, जो-जो काम परमेस्वर बाकी सेवकाई के जरिया गैर यहूदि मैं करी रहै, एक-एक करके सब बताई। 20 जौ सुनकै बे परमेस्वर की बड़ाई करी और बे कही, “भईय्या पौलुस, तौ तौ देखो कि यहूदिन मैं हजारौ आदमी हैं, जो बे बिस्वास करी हैं। और सब नियमन के ताहीं जोसीले हैं। 21 और उनके तेरे बारे मैं बताओ गौ है कि तैं गैर यहूदिन के बीच मैं रहन बारे यहूदिन के जौ सिखाथै कि मूसा कि सिक्का के छोड़ दिओ और कहथै, कि न तौ बालकन को खतना करौ और नाय पुरानी रीतियन के हिसाब से चलौ। 22 तौ फिर का करो जावै? बे तौ जरूर सुनंगे कि तैं हीना आओ है। 23 तभीयै जौ हम तोसे कहथै, बौ कर। हमरे हीना चार आदमी हैं, जो बर्त रखी रहै। 24 उनके संग लैजाय के उनसे अपने आपकै सुद्ध कर; और उनको खचां दे, कि बे मूड मुडबाय लैमैं। तौ सब जान जांगे, कि जौ बात उनके तेरे बारे मैं बताई है, बे सच नाय है बल्कि तैं खुद मूसा के नियम के मानत भै चलथै। 25 लेकिन बे गैर यहूदिन के बारे मैं जौ बिस्वास करी हैं, हम जौ फैसला करकै लिखके पनारे हैं कि बे मूर्तिन के अगु चढाय भै मास से, और खून से, और घेंट अमेठे भैन के मास से, और छिनरइपना से, बचे रहाबौ।” 26 तौ पौलुस बे आदमिन के लैके, और दुसरे दिन उनके संग सुद्ध हुईके मंदिर मैं गौ, और हूँना बताये दई, सुद्ध होन के दिन, मतलब उनमें से सबन के ताहीं चढावा चढाय जान के दिन कब पूरे होंगे। 27 जब सात दिन पूरे होन बारे रहै, तौ आसिया के कुछ यहूदि लोग पौलुस के मंदिर मैं देखके सब आदमिन के

भड़काई। और ऐसे चिल्लाए-चिल्लाए कै बाकै पकड़ लई, 28 बे लोग चिल्लाई। “इस्त्राएल के लोगनो!” मदत करौ! “जौ बहे आदमी है, जो सब जगहा इस्त्राएल के लोगन में, मूसा को नियमन और जौ मंदिर के खिलाफ हर कोई के पढावै। हीना तक कि बौ यूनानिन कै भी मंदिर में लाए कै जौ पवित्र जगहा के अपवित्र कर दई है!” 29 काहिकि जासे अगु बे तुस्फिस नाओं के इफिसस के बाके संग नगर में देखी रहै, और जौ समझी कि पौलस बाकै मंदिर में लाई है। 30 तौ पूरे सहर में कोहराम मच गौ, और लोग दौड़कै जुराए गे, और पौलस के पकड़कै मंदिर के दुआरे घसीटत लाई, और तुरतै फाटक बन्द कर दई। 31 जब बे बाकै मार डारनो चहात रहै, तौ सिपईयन के सरदार के झोने खबर पुगी कि पूरे यरुसलेम में कोहराम मच गौ है। 32 एक सिपईयन कुछ सुबेदारन के लैके भीड़ के झोने पुग गौ। जब लोग बाकै सैनिकन के संग देखी, तौ बे पौलस के पीटनो बन्द कर दई। 33 सरदार झोने आयकै पौलस के पकड़ लई, और दुई जंजीर से भौंदन को आदेस दई। फिरौकी बौ पूँछन लागो, “जौ आदमी कौन है, और बौ का करी है?” 34 लेकिन भीड़ में से कोई कछु और कोई कछु चिल्लात रहे और जब हुलगदड़ के बजह से सई सच ना जान सको, तौ पौलस के किला में लै जान को हुकम दई। 35 जब बौ सिडी में पुगो, तौ एसो भौ कि भीड़ के दाब की बजह से सिपईयन के बाकै उठाएकै लै जान पडो। 36 लोगन की भीड़ जौ चिल्लात भै बाके पच्छ पडी, “बाकै खतम कर दियो!” 37 जब सिपईयन पौलस के किला में लै जान बारे रहै, बौ सेना के सरदार से कही: “का मोकै इजाजत है कि मैं तोसे कछु कहमौ?” बौ पूँछी, का तैं यूनानी भासा जानथै? 38 “का तैं बौ मिस्री नाथ है, जो जेई दिनन से अगु क्रांति सुरू करकै रेगिस्तान में चार हजार हथियारबन्द आतंकवादी लोगन के लैगो रहै?” 39 पौलस जबाब दई, “मैं तौ तरसु को यहदि इंसान हौं किलिकिया के जाने-माने नगर को निवासी हौं। और मैं तोसे बिनती करथौं, कि मोकै लोगन से बात करन दे।” 40 सेनापति बाकै हुकम दई, तौ पौलस सिडी में ठाड़के लोगन के चुप रहन के ताहीं अपने हात से इसारा करी। जब बे चुप हुईगी, तौ पौलस इब्रानी भासा में उनसे बात करी:

22 “मेरे यहदिया देस के दोस्तो, मेरी बात सुनौ काहिकि मैं तुमरे सामने अपनो बचाव करथौं!” 2 बे जौ सुनकै कि बौ उनसे इब्रानी भासा में बोल रहो है, बे सांत ही गे; तभई पौलस ऐसे कहकै चले गौ: 3 “मैं तौ यहदि हौं, किलिकिया के तरसुस में पैदा भौ, लेकिन यरुसलेम में गमलीएल के छातर के भेस में आओ। और मोकै बड़े-बूढ़ेन के नियम मैं सक्त हिदायत मिली रहै और परमेस्वर के ताहीं ऐसी धुन लगाओ रहौं जैसी तुम सब आज लगाए हौ। 4 मैं जौ रहामैं चलन बारे लोगन के मौत के घाट उतारो। मैं ही लोग और बईय्ठरन के पकड़ी और कैदखाना में डारो। 5 खुद बडे पुजारी और पूरी पंचायत गभा है कि मैं सई कर रहो हौं। मोए उनसे दमिस्क में यहदिन के दोस्तन की लिखी भई चिट्ठी मिली, जहेमारे में जे लोगन के पकड़न ताहीं सौकर मैं भौंदके सजा देन के ताहीं यरुसलेम गौ।” 6 “जब मैं सफर करकै दमिस्क के झोने पहाँचो, तौ एसो भौ कि दुपारी में अनकाचीति से एक बडो उजियारो आसमान से मेरे चारो

घाँई चमको। 7 और मैं जमीन में गिर गौ और मोकै एक अबाज सुनाई दई, ‘साऊल, साऊल! तैं मोकै काहे सताथै?’ 8 मैं पूँछो, ‘तैं कौन है प्रभु?’ मैं नासरत को ईसु हौं, जोकै तू सताथै,’ बौ मोसे कही। 9 और मेरे संग बारे उजियारो तौ देखी, लेकिन जो मोसे बोलत रहै बाकी अबाज नाथ सुनी। 10 मैं पूँछो, ‘प्रभु, मैं का करौ?’ प्रभु मोसे कही, ‘उठ और दमिस्क में जा, और हूँना तोकै बौ सब कुछ बताए दौ जागो जो परमेस्वर तोए करन ताहीं ठहराई है।’ 11 जब मैं तेज चमक के बजह से अंधरा हुई गौ, तभई मेरे संग बारे मेरो हात पकड़कै दमिस्क में लै आई।” 12 “बहे सहर में हनन्याह नाओ को एक भलो आदमी रहै, जो हमरे नियम को पालन करत रहै और हूँना के रहन बारे यहदियन को भौत आदर करत रहै। 13 बौ मेरे झोने आयकै, मेरे झोने ठाड़गो, और मोसे कही, ‘भईय्या साऊल, फिर से देख!’ बहे घड़ी मेरी आँखी खुली और मैं बाकै देखो। 14 तौ बौ कही, हमरे पुरखा को परमेस्वर तोकै जहेमारे चुनी है कि तैं बाकी मरजी के जानैं, और बौ धर्मी के देखे, और बाके मोहों की बात सुनै। 15 काहिकि तैं बाके घाँई से सब आदमिन के अगु बे बातन को गभा होगो, जो तैं देखो और सुनो है। 16 और अब, का को आसरो करथै? उठ बपतिस्मा ले, और बाको नाओं लैके अपने पापन के धोय डार।” 17 “मैं यरुसलेम में बापस गौ, और जब मैं मंदिर में प्रार्थना करत रहौं, तौ मोए एक दर्शन मिलो, 18 जोमैं मैं प्रभु के देखो, जैसो कि बौ मोसे कही रहै, ‘जल्दिये यरुसलेम से निकर जा; काहिकि बे मेरे बारे में तेरी गभाई नाथ मानगे।’ 19 मैं कहो, ‘प्रभु, बे तौ अच्छी तरह से जानथै कि मैं तेरे ऊपर बिस्वास करन बारेन के कालकोठरी में डारत रहौं और जघा-जघा सभाघर में पिटवात रहौं।’ 20 और जब तेरो गभा स्तिफनुस को खून बहाओ गौ, तौ मैं खुद हूँन रहौं, और बाकी हत्या की मंजूरी होत रहै तौ बाके हत्यारेन के लतन को ध्यान धरत रहौं।’ 21 तौ प्रभु मोसे कही, ‘जा, काहिकि मैं तोकै गैर यहदि मैं दूर पनारंगो।’ 22 लोग पौलस की बात सुनी जबले जौ बात न सुनी; फिरौकी बे तेज अबाज में चिल्लान लागे, “बासे दूर रहाबौ! जाए मार देबौ! जाके धरती से मिटाए दियो, जौ जिंदो रहन के लायक नाथ है!” 23 बे चिल्लात रहै, और अपने लत्ता लहरात रहै और ब्यार में धूँर उडारत रहै। 24 तौ रोमी सेना को सरदार अपने आदमिन संग पौलस के किला में लै जान को आदेस दई, और जाकै कोडा मारकै उन्है परखौ, कि लोग का बजह से बाके खिलाप में चिल्लाए रहे है। 25 जब बे बाकै कोडा मारन के ताहीं भौंद दई, तौ पौलस हूँना ठाडे अधिकारी से कही, “का तेरे ताहीं रोमी वासी के कोडा मारनो सई है, और बौ भी बिना दोस को?” 26 तभई सेनापति पौलस के झोने गौ और बासे पूँछी, “मोकै बता, का तैं रोमी वासी है?” 27 तभई सेना को सरदार बाके झोने आयकै कही, “मोकै बता, का तैं रोमी है?” “हाँ,” पौलस जबाब दई। 28 जौ सुनकै सेनापति कही, “मैं रोमी होन को पद भौत स्पईया दैके पाओ हौं।” पौलस कही, “लेकिन मैं तौ जन्म से रोमी हौं।” 29 तौ जौ आदमी बाकी जाँच करन बारे रहै, बे तुरतै बाके झोने से हट गे; और सेनापति भी जौ जानकै कि पौलस रोमी वासी है, और बौ बाकै सौकरन से भौंदी है, डराय गौ। 30 सेनापति जौ मालुम करनो चहात रहै कि यहदि पौलस के ऊपर का आरोप लगात रहै; तभई दुसरे दिन पौलस की

साँकर खोल दई और मुख्य बड़े पुजारी और पूरे पंचन के मिलन को आदेस दई। और फिर पौलुस के लै जाएँके उनके सामने ठडबाए दई।

23 पौलुस सीधे बड़ी सभा के घोंई देखी और कही, “मेरे संगी इस्त्राएलियो! मैं आज तक परमेस्वर के ताहीं कतई सच्चे मन से और अच्छे से जिंदगी गुजारी हौं।” 2 हनन्याह बडो पुजारी बे लोगन के आदेस दई, जो मोहों में हमला करने के ताहीं पौलुस के झोने ठाड़े रहैं। 3 तौ पौलुस बासे कही, “चूना पुति भइ दीवार, परमेस्वर पक्का तेरे ऊपर हमला करैगो! तैं नियम के हिसाब से मेरो फैसला करने ताहीं बैठो है, फिर काहे नियम के खिलाफ मोँके मारन ताहीं कहरो है।” 4 पौलुस के करीबी लोग बासे कही, “तैं परमेस्वर के बड़े पुजारी को अपमान कर रौ है।” 5 पौलुस जबाब दई, “मेरे इस्त्राएल के संगी, मैं नाय जानत रहौं, कि बौ बडो पुजारी रहै। सान्त्र कहथै, ‘अपने लोगन के मुखिया की बुराई ना करने चाहिए।’ 6 तौ पौलुस जौ जानकै, कि एक गुट सदूकियन को और दुसरो फरीसियन को है, महासभा में चिल्लाए के कही, संगी इस्त्राएलियो! मैं फरीसी और फरीसियन के पीढी को हौं, मेरे भेन की आसा और दुबारा जी उठन के बारे में मेरो फैसला हुई रहौ है।” 7 जैसिये बौ जौ कही, तौ फरीसी और सदूकियन में लड़ाई होन लागी; और सभा में फूट पड़ गई। 8 सदूकी तौ जौ कहथैं, कि न कोई पुनरुत्थान होथै, और नाय स्वर्गदूत होथैं और नाय आत्मा होथै; लेकिन फरीसी इन सब में बिस्वास करथैं। 9 तौ बडा हल्ला मचो और कुछ यहूदि नियम के सिक्छक जो फरीसिन के गुट के रहैं, उठकै जोरदार बिरोध करी: “हम जौ आदमी में कछु बुरो ना पाये! सायद एक आत्मा या स्वर्गदूत सच में बासे बोली है!” 10 जब भौत लड़ाई भइ, तौ सेना को सरदार जौ डर से कि बे पौलुस के टुकड़ा-टुकड़ा न कर डौरें, सेना के दल के आदेस दई कि उतरकै बाँके उनके बीच में से जबरजती निकारो, और किला में लैजाओ। 11 बे रात प्रभु पौलुस के ठडबाए के कही, “हिम्मत बाँद! काहँकि जैसी तैं यरूसेलम में गभाई दौ, बैसिये तौके रोम में भी गभाई देने होगो।” 12 अगले सुबेरे कुछ यहूदि मिलकै योजना बनाई। और कसम खाई कि जबले हम पौलुस के खतम न कर डौरें, तौले खामै या पीमंगे नाय। 13 जौ जौ योजना बनाई रहैं, बे चालीस आदमी से जुद्धा रहैं। 14 बे बडो पुजारी और बड़े-बूढ़ेन के झोने आयकै कही, “हम एक पवित्र कसम खाए हैं कि हम पौलुस के खतम न कर डौरें, तौले कछु भी ना खामै, ना पीमैं। 15 तभईये अब सभा समेत सेना के सरदार के समझाबो, कि बाँके तुमरे झोने लै आवैं, समझ लियो कि तुम बाँके बारे में और भी सई से जाँच करने चाहथौ। और हम बाँके पुगन से अगु बाँके मार डारन के ताहीं तैयार रहंगे।” 16 तौ पौलुस की बहेनिया को लौडा सुनी कि बे बाकी घात में हैं; तौ किला में जाएँके पौलुस के खबर दई। 17 पौलुस कप्तानन के अपने झोने बुलाएँके कही, “जौ ज्वान आदमी के सेना के सरदार के झोने लै जाबो, जौ बासे कछु कहनो चाहथै।” 18 तभई अधिकारी बाँके सेना के सरदार के झोने लै जाएँके कही, “कैदी पौलुस मोँके बुलाएँके नहोरे करी, कि जौ ज्वान आदमी सेना के सरदार से कछु कहनो चाहथै; जाँके बाँके झोने लै जा।” 19 सेना को

सरदार बाको हाथ पकड़कै, और बाँके अलग लै जाएँके पँछी, “तू मोसे का कहनो चाहथै?” 20 बौ कही, यहूदि अधिकारी तोसे जौ नहोरे करने के ताहीं एक मत ही गै हैं कि तू कल पौलुस के बड़ी सभा के अगु लाबै, कि मानौ बे बाकी और भी जाधा जानकारी लेनो चाहथै। 21 लेकिन तू उनकी मत सुनिये, काहँकि उनमें से चालीस से जाधा आदमी बाकी घात में हैं, बे जौ ठान लई हैं कि जबले बे पौलुस के खतम ना कर लेमैं, तब तक ना खांगे ना पीगे, और अब बे तैयार हैं और तेरे कहने के असियाय रहै हैं। 22 तौ सेना को सरदार ज्वान आदमी के जौ संकेत दैके बिदाई करी, “कोईये से मत कहिये कि तैं मोँके जे बात बताओ है।” 23 तभई सेनापति अपने दुई सरदारन के बुलाएँके कही, “दुई सौ सिपईय्या, सत्तर घुडसवार के और दुई सौ सैनिक कैसरिया जान ताहीं तैयार रख, तैं आज रात नौ बजे ले निकर जान के ताहीं समरो रहिये। 24 और पौलुस की सवारी के ताहीं घोडा तैयार रखौ और बाँके फेलिक्स राज्यपाल के झोने सबसे बचाए के सई सलामत पुगाए दियो।” 25 तौ सेनापति एक चिट्ठी लिखी जो ऐसे करकै रहै: 26 “महाप्रतापी, फेलिक्स लिसियास: राज्यपाल के क्लौदियुस को नमस्ते। 27 जौ आदमी के यहूदि लोग पकड़कै मार डारनो चाँही, मोँके पता चलो कि बौ रोमी नागरिक है, तौ सिपईय्यन के लै जाएँके छुड़बाए लाओ। 28 और मैं जाननो चहात रहौं, कि बे बाँके ऊपर कौनसी बजह से दोस लगाथैं, तभईये बाँके उनकी बड़ी सभा में लैगौ। 29 तभई मैं जान लौं, कि बे खुद अपने नियम के झमेल में बाँके ऊपर दोस लगाथैं, लेकिन बाँके मार डारन हानी या भँदि जाने जैसो कोईये दोस नाय है। 30 और जब मोँके बताओ गौ, कि बे जौ आदमी की घात में लगे हैं, तैं तुरतै बाँके तेरे झोने पनारन को फैसला करो। और दोस लगान बारेन के भी हुकम दौ, कि, तेरे अगु बाँके ऊपर दोस लगामैं।” 31 तभई जैसे सिपईय्यन के हुकम दौ गौ। बैसिये पौलुस के लैकै रातों-रात अतिपतरिस में लाई। 32 दुसरे दिन सैनिक घुडसवारन के बाँके संग जान के ताहीं छोड़कै बे किला में लौट आए। 33 बे कैसरिया में पुगकै राज्यपाल के चिट्ठी दई, और पौलुस के बाँके हवाले कर दई। 34 गवर्नर चिट्ठी पढ़कै पौलुस से पँछी, तैं कौन परदेस को है। जब बे जान लई कि किलिकिया को है, 35 बौ कही, “जब तेरे इल्जाम लगान बारे आंगे, तभई मैं तेरो फैसला करंगो।” तौ बौ पौलुस के हेरोद गवर्नर के महल में रखबारी करने को हुकम दई।

24 पाँच दिन बाद हनन्याह बडो पुजारी कुछ बड़े-बूढ़े और तिरतुल्लुस नाओ के एक वकील के संग कैसरिया गै। बे राज्यपाल के अगु पौलुस के ऊपर इल्जाम लगाई। 2 तौ पौलुस बुलाओ गौ, और तिरतुल्लुस बाँके ऊपर इल्जाम लगाएँके कहने लागो, जौ ऐसे करकै है: “महामहिम! तेरे बुद्धिमान नेतृत्व हमें सांति लंबे समय दई है, और हमरी जाति की भलाई के ताहीं कई जरूरी सुधार करे जाए रैं हैं। 3 हम हर जघा और हर समय फेलिक्स स्वागत करथैं, और हम तेरे प्रति भौत आभारी हैं। 4 अब मैं तेरो और जाधा समय खराब नाय करकै, तोसे दयालु होन और हमरे दुई बोल सुनन के ताहीं नहोरे करथौ। 5 हम जौ आदमी के खतरनाक उधम्मी पाए; जौ दुनिया भर में यहूदिन के बीच दंगा की सुस्वात

करथे और नासरियन के झुंड को नेता है। 6 जो मंदिर के अपवित्र करन की भी कोसिस करी, और हम जाँके गिरफ्तार कर लैं। 7 लेकिन सेना को सरदार लूसियास आयकै बाँके जबरजती हमरे हात से छीन लई। 8 अगर तैं जौ आदमी के ऊपर सवाल उठाथै, जे सब बातन कै जिनके बारे में हम जाँके ऊपर इल्जाम लगाथै, तैं खुदै बाँके बारे में पता करकै जान लेगो।” 9 यहूदि भी आरोप में सामिल हुईगी और कही कि जौ सब सच रहै। 10 राज्यपाल पौलुस कै बोलन को मौका दई, और पौलुस कही, “मोकै पता है कि तैं भौत सालन से जौ जाति को न्यायधीस रहो है, और जौ बजह से मैं तेरे सामने अपनो बचाव करन के ताहीं खुस हौं। 11 तैं खुदै जान सकथै, कि जब से मैं यरूसेलेम में आराधना करन आओ हौं, मोकै बारह दिन से जद्दा नाय भै है। 12 यहूदि मोकै ना तौ मंदिर में ना सभाघरन में और ना तौ सहर में बहस करत भइ पाई, और ना ही भीड लगात भै पाई। 13 ना बे तोकै बे आरोपन को सबूत दे सकथैं जो बे मेरे खिलाप कहथैं। 14 जौ मैं तेरे अगु मानथौं: मैं अपने पुरखन के परमेस्वर की आराधना बौ तरीका से करथौं जो बे कहथैं कि जौ गलत है। लेकिन मैं मूसा के नियम और भविष्यवक्तन की किताबन में लिखी हर बातन के ऊपर बिस्वास करथौं। 15 परमेस्वर से मेरी जहे आसा है कि जे खुदै, मतलब, गैरबिस्वासी, धर्मी और अधर्मी दोनों, मौत से जी उठंगे। 16 और जौ बजह से मैं हमेसा परमेस्वर और लोगन के सामने साफ मन रखन की पूरी कोसिस करथौं।” 17 “निरि सालन तक यरूसेलेम से दूर रहन के बाद, मैं अपने लोगन के ताहीं दान पुगान और भेंट चढान आओ रहौं। 18 जब मैं ऐसो करत रहौं, तौ बे मोकै मंदिर में, सुद्ध करन बारी रसम पूरी होन के बाद देखी। मेरे संग कोई भीड ना रहै और ना कैसियो गडबडी रहै। 19 लेकिन आसिया के देस के कुछ यहूदि हुँआँ रहैं; अगर बे मेरे खिलाप कुछ भी करथैं, तौ बे खुदै तेरे सामने आयकै मेरे ऊपर आरोप लगाथैं। 20 या जे खुदै कहमैं, कि जब मैं महासभा के अगु ठाडो रहौं, तौ बे मेरे मैं कौन सो अपराध को दोसी पाई रहै। 21 एक बात कै छोड़कै जौमैं उनके बीच मैं ठाँके चिल्लाए कै कहो रहौं: जौ पुनस्थान के बारे में आज मेरो तुमरे अगु फैसला ही रहो है।” 22 तौ फेलिक्स, जोकै रहा के बारे में अच्छी जानकारी रहै, बौ सुनवाई रोक कै कही, “जब सेनापति लिसियास आए जागो, तौ मैं तुमरे मुकदमा को फैसला सुनांगो।” 23 और प्रभारी अधिकारी से कही, कि पौलुस कै पूरी छूट दैकै रखबारी करन कै कहिये, और बाँके संग बारन में से कोई कै भी बाकी सेवा करन से मत रोकिये। 24 थोड़ी दिनन के बाद फेलिक्स अपनी बीइय्यर दूस्लिला कै, जो यहूदि रहै, संग लैकै आओ और पौलुस कै बुलबाए कै बौ ईसू मसीह के बिस्वास के बारे में बासे बिरोधी खडे भै, तौ बे बाँके ऊपर कोई भी बुरो अपराध को इल्जाम सुनी। 25 लेकिन जैसे-जैसे पौलुस धार्मिकता, संयम और आनबारे न्याय की बात करन लागो, तौ फेलिक्स डराय गौ और कही, “हबैं तैं जा। मौका मिलैगो तौ मैं तोकै फिर बुलांगो।” 26 बहे समय बौ उमीद करत रहै कि पौलुस बाँके थोड़ी भौत पैसा देगो; और जौ बजह से बौ जद्देतर बुलाए-बुलाएकै बासे बात करत रहै। 27 दुई साल बीत जान के बाद, परकियुस फेस्तुस, फेलिक्स की जघा मैं राज्यपाल बनकै आओ। फेलिक्स यहूदियन ऊपर दया देन के इरादा से पौलुस कै कैदखाना में छोड़ गौ।

25 फेस्तुस बौ देस मैं पुगकै तीन दिन के बाद कैसरिया से यरूसेलेम कै गौ, 2 जहाँ बडो पुजारी और यहूदि नेता पौलुस के खिलाप अपने आरोप लगाई। बे फेस्तुस से नहारे करी 3 कि पौलुस के यरूसेलेम मैं आन को दया उनके ऊपर करो जाबै, काहैकि बे रास्ते मैं बाँके खतम करन ताहीं घात लगाए भै रहै। 4 फेस्तुस जबाब दई, “पौलुस कैसरिया मैं कैदी है, और मैं खुद जल्दी हूँना जांगो। 5 अपने नेतन कै मेरे संग कैसरिया भेजौ और बौ आदमी के ऊपर इल्जाम लगाबौ।” 6 फेस्तुस उनके झोने लमसम आठ-दस दिन रहकै कैसरिया गौ। और दुसरे दिन न्याय करन बारी जघा मैं बैठगो और पौलुस कै लान को आदेस दई। 7 जब पौलुस आओ, तौ जो यहूदि यरूसेलेम से रहैं, बे आस-पास ठाँके बाँके ऊपर निरे इल्जाम लगामैं, जिनकै बे साबित ना कर पात रहैं। 8 लेकिन पौलुस खुद को बचाव करी: “मैं यहूदिन के नियम या मंदिर या रोमन सम्राट के खिलाप कुछ गलत ना करौ हौं।” 9 लेकिन फेस्तुस यहूदिन ऊपर दया करनो चाहत रहै तौ पौलुस से पूछी, “का तैं चाहथै कि मैं जे दोस लगान बारन को फैसला यरूसेलेम में करौ?” 10 पौलुस कही, “मैं सम्राट कैसर के न्याय करन बारी जघा के अगु ठाडो हौं, मेरे मुकदमा को फैसला हीनै होनो चाहईये। जैसे तैं अच्छी तरहन से जानथै, यहूदिन को मैं कुछ अन्याय नाय करौ। 11 अगर मैं कानून तोडो हौं और कुछ करौ हौं, तौ जाके ताहीं मैं मौत की सजा के लायक हौं, और मैं जासे बचन के ताहीं ना कहथौं। लेकिन जो बातन को जे मेरे ऊपर इल्जाम लगाथैं, अगर उनमें से कोईये की बात एक सी नाय बैठी, तौ कोई मोकै उनके हात मैं नाय सौंप सकथै। मैं सम्राट कैसर से अपील करथौं।” 12 तौ फेस्तुस अपने सलाहकारन के संग बैठक करन के बाद जबाब दई, “तैं सम्राट कैसर से अपील करौ है, जौ बजह से तैं सम्राट कैसर के झोने जागो।” 13 कुछ समय बाद राजा अग्रिप्पा और बिरनीकै कैसरिया मैं आयकै फेस्तुस से भेटा करी। 14 उनके निरे दिन हुँआँ रहन के बाद, फेस्तुस पौलुस के बारे में राजा कै समझाई: “हियाँ एक आदमी है, जोकै फेलिक्स कैदी छोड़ दई रहै; 15 और जब मैं यरूसेलेम में रहौं, तौ बडो पुजारी और यहूदि और बडे-बुडे बाँके खिलाप आरोप लगाई और मोकै बाकी बुराई करन के ताहीं कही। 16 लेकिन मैं उनसे कहो कि जौ रोमियन को रिवाज नाय है, कि कोई भी आदमी कै सजा देन के ताहीं सौंप देबै, जब तक मुजरिम कै इल्जाम लगान बारन के अगु ठडबाए कै खुद के बचाव मैं जबाब देन को मौका ना मिलै। 17 जब बे हियाँ आए, तौ, मैं कुछ देरा दारी नाय करौ, बल्किन दुसरे दिन न्याय करन बारी जघा मैं बैठकै बौ आदमी कै लान ताहीं कहो। 18 जब बाँके बिरोधी खडे भै, तौ बे बाँके ऊपर कोई भी बुरो अपराध को इल्जाम ना लगाई, जैसो मोकै लगत रहै कि बे कहंगे। 19 लेकिन बे खुद के तर्क, और ईसू नाओं के कोई इंसान के बारे में जो मर चुको रहै; और पौलुस बाँके जिंदो होन को दाबा करत रहै, बहस करत रहै। 20 मैं ऐसी उलझन में रहौं, कि जे बातन को पता कैसे लगामौ? जौ बजह से मैं पौलुस से पूछो का तैं यरूसेलेम जान ताहीं तैयार होगो जहाँ हुँआँ जे बातन को फैसला करौ जागो। 21 लेकिन पौलुस अपील करी; कि मेरो मुकदमा को फैसला सम्राट के हियाँ होबै। जौ बजह से बाँके सम्राट कैसर के झोने भेजन को आदेस दौ, जब तक मैं बाँके

सम्राट के झोने ना भेज दियौ तब तक बाकी रखबारी करी जाबै।” मैं गिर पड़े, तौ मैं इब्रानी भासा मैं, मोसे कहत भै जौ अबज सुनो, 22 अग्रिप्पा फेस्तुस से कही, “महँ बौ इसान की सुनो चाहथौ।” ‘साऊल, साऊल, तै मोके काहे सताथै? पैना मैं लात मारनो तेरे ताहीं फेस्तुस जबाब दई, तै कल सुन लेगो।” 23 दुसरे दिन अग्रिप्पा और बिरनीके भौत धूमधाम से आयकै सेना के सरदारन और सहर के खास आदमिन के संग दरबार मैं अंदर आओ। फेस्तुस आदेस दई, कि पौलुस कै अंदर लायै। 24 फेस्तुस कही, “राजा अग्रिप्पा, और सब आदमी जो हियाँ हमरे संग हौ: तुम जौ आदमी कै देखथौ, जोके खिलाप पूरे यहूदी लोग, यरूसेलेम मैं और हीनौ चिल्लाए-चिल्लाए कै मेरे झोने सिकायत लाई हैं। कि जाको जिंदो रहनो ठीक नाय है। 25 लेकिन मैं जान लौ कि बौ ऐसो कुछ नाय करी कि बाकै मार डारो जाबै। और जब कि बौ खुदे सम्राट से एक अपील करी, तौ मैं बाकै पनारन को फैसला करो। 26 लेकिन मैं बाके बारे मैं कोईये ऐसी बात नाय पाओ कि सम्राट कै लिखौ। जौ बजह से मैं बाकै तुमरे सामने और खासकर कै राजा अग्रिप्पा तेरे अगु लाओ हौ! जाके अलावा, बाके मामले कि जाँच-पड़ताल के बाद, मेरे पास कुछ लिखन ताहीं हई सकथै। 27 जाके ताहीं मोकै साफ तरीका से बाके खिलाप आरोपन के संकेत दे बिना एक कैदी कै भेजनो सई ना लगथै।”

26 अग्रिप्पा पौलुस से कही, “तोकै खुद के बचाओ मैं बोलन की अनुमति है।” तौ पौलुस अपने हाथ बढ़ाई और अपने बचाव ऐसे करके करी: 2 “राजा अग्रिप्पा! जितनी बातन को यहूदी मेरे ऊपर इल्जाम लगाथै, आज तेरे अगु उनके जबाब देन मैं खुदकै भाग्यसाली मानथौ, 3 खासकर जब से तैं सबै यहूदी रीति-रिवाज और बहेस कै अच्छी तरह से जानथै। मैं तोसे धीरज के संग मेरी बात सुनन के ताहीं कहथौ।” 4 “सब यहूदी जानथै कि जब मैं छोटे रहौ तौ मैं कैसो रहत रहौ। बे जानथै कि मैं अपनी पूरी जिंदगी कैसे बिताओ, पहले अपने देस मैं और फिर यरूसेलेम मैं। 5 बे हमेसा से मोकै पहचानथै अगर बे गभाई देनो चाहथै, कि मैं पहले से हमरे धर्म, फरीसियन के सबसे सक्त समूह को सदस्य रह चुको हौ। 6 और अब बौ वादा की आसा के बजह से जो परमेस्वर हमरे बड़े-बूढ़ेन से करी रहै की आज मेरो फैसला ही रौ है। 7 बहे वादा के पूरे होन की आसा करत भै, हमरे बारह जनजाति अपने पूरे मन से रात-दिन परमेस्वर की आराधना करथै। हे राजा, जहे की बजे से यहूदी मेरे ऊपर दोस लगाएरै हैं! 8 तुम हियाँ काहे हौ, जौ बिस्वास करनो नामुमकिन है कि न्याई परमेस्वर मेरे भै कै जिंदो करथै?” 9 “महँ सोचो रहौ कि ईसु नासरी के नाओ के खिलाप मोकै भौत कुछ करनो चाहिए। 10 जहे मैं यरूसेलेम मैं करो। मैं बड़ो पुजारी से अधिकार लैके परमेस्वर के निर पवित्र आदमिन कै कैदखाना मैं डार दो; और जब उन्हें मौत की सजा सुनाई गई, तौ महँ उनके खिलाप बोट डारो। 11 तमान बार मैं उन्हें सभाघर मैं सजा देत रहौ और मैं उनके प्रभु की बुराई करन के ताहीं मजबूर करन की कोसिस करत रहौ। मैं उनसे इतनो भडको भौ रहौ की मैं बाहर के सहरन मैं भी जाएँकें उन्हें सतात रहौ।” 12 “जौ सब जौ उद्देश्य के ताहीं रहै कि मैं बड़े पुजारिन से अधिकार और आदेस लैके दमिस्क गौ। 13 तौ राजा, रस्ता मैं दुपारी के समय आसमान से सूरज की तुलना से उजियारो, अपने और अपने संग बारन के चारो तरफ चमकत भै देखो। 14 और जब हम सब जमीन

मैं गिर पड़े, तौ मैं इब्रानी भासा मैं, मोसे कहत भै जौ अबज सुनो, ‘साऊल, साऊल, तै मोके काहे सताथै? पैना मैं लात मारनो तेरे ताहीं मुस्किल है।’ 15 मैं कहो, ‘प्रभु, तै कौन है?’ प्रभु कही, ‘मैं ईसु हौ, जोकै तैं सताथै। 16 लेकिन तैं उठ, अपनी टाँग के बल ठाड़ जा; काहैकि मैं तोकै जहे ताहीं दर्शन दौ हौ कि तोकै बे बातन को भी सेवक और गभा ठहरामौ, जो तैं देखो है, और उनको भी जौमें तोकै दर्शन दिखंगो। 17 मैं तोकै इस्राएलियन और गैर यहूदियन के हात से छुड़ांगो जिनके झोने मैं तोकै पनारंगो। 18 कि तैं उनकी आँखी खोलै, कि बे अधियारे से उजियारे के घाँई, और सैतान के अधिकार से परमेस्वर के घाँई लौटै; कि पापन की माफी, और बे लोगन के संग जो मेरे ऊपर बिस्वास करन से पवित्र करे गै हैं, बिस्वास पायै।’ 19 तभईये राजा अग्रिप्पा, मैं बौ स्वर्गिय दर्शन की बात नाय टालो, 20 लेकिन पहले दमिस्क के, फिर यरूसेलेम के रहन बारन कै, फिर यहूदिया के पूरे देस मैं और गैर यहूदियन के समझात रहो, कि मन फिराबौ और परमेस्वर के घाँई लौटैके मन फिरन के जैसे काम करौ। 21 जेई बातन के बजह से यहूदी मोकै मंदिर मैं पकड़के मार डारन की कोसिस करत रहै। 22 लेकिन परमेस्वर की मदद से हबै ले बनो हौ और छोटे-बड़े सबन के अगु गभाई देखौ, और बे बातन के अलावा कुछ ना कहथौ, जो भविस्यवक्ता और मूसा भी कही, कि होन बारी हैं, 23 कि मसीह कै दुख उठाने होगो, और बहे सबसे अगु मेरे भैन मैं से जी उठके हमरे लोगन मैं और गैर यहूदियन मैं जोती को प्रचार करैगो।” 24 जब बौ जौ तरह से जबाब देत रहै, तौ फेस्तुस तेज अबज से कही, “पौलुस तैं पागल है। भौत विद्या तोकै पागल कर दई है।” 25 लेकिन पौलुस कही, महाप्रतापी फेस्तुस, “मैं पागल नाय हौ, लेकिन सच्ची और सिक्छा की बात करथौ।” 26 “राजा भी जोके अगु मैं बिना डरे बोल रौ हौ, जे बात जानथै, और मोकै बिस्वास है, कि जे बातन मैं से कोई बासे लुकी नाय है, काहैकि बौ बात कोई कोहने मैं नाय भई है। 27 राजा अग्रिप्पा, का तैं भविस्यवक्तान मैं बिस्वास करथै? हौं, मैं जानथौ, कि तैं बिस्वास करथै।” 28 अब अग्रिप्पा पौलुस से कही, “का तैं जरा सो समझाए कै मोकै मसीह बनानो चाहथै?” 29 पौलुस कही, “परमेस्वर से मेरी प्रार्थना जौ है कि जरा से मैं, का भौत मैं, सिरफ तहीं नाय, लेकिन जितने लोग आज मेरी सुनथै, मेरे जे बेडियन कै छोड़के बे मेरे जैसी हई जायै।” 30 तौ राजा और राज्यपाल और बिरनीके और उनके संग बैठन बारे ठाड़गै; 31 और अलग जाएँकें आपसैं मैं कहन लागे, “जौ आदमी ऐसो तौ कछु ना करथै, जो मौत की सजा या कैदखाना के बंधन मैं डारो जाबै।” 32 अग्रिप्पा फेस्तुस से कही, “अगर जौ आदमी कैसर की अपील न देतो, तौ छुट सकत रहै।”

27 जब जौ उनको पक्को फैसला ही गौ कि हम इटली जायै, तौ बे पौलुस और थोडी और कैदियन कै भी यूलियुस नाओ के औगुस्तुस की सेना के एक कप्तान के सौंप दई, जो रोमन सेना-दल को एक अधिकारी रहै, जिनकै “सम्राट को सेना-दल कहो जायै।” 2 हम आसिया परदेस के बन्दरगाहन कै जान बारे अद्रमुत्तियुम नगर के एक जहाज मैं सवार हुईके रवाना हुईगै। मकिदुनिया देस के थिस्सलुनीके नगर को रहन बारो अरिस्तर्खुस नाओ को एक

विस्वासी भी हमरे संग रहै। 3 दुसरे दिन हम सैदा पुगे। यूलियस अगु ठाडने जरूर है। और देख, परमेस्वर सबन के जो तेरे संग पौलुस के ऊपर दया करके बाकै अपने दोस्तन के झोने जान को सफर कर रहे हैं, तोकै सौंपी है। 25 तबइये, भईय्यो! हिम्मत भौंदो; हुकम दई, जोकी उनके जरूरत रहै। 4 हूँना से हम साइप्रस द्वीप काहैकि मैं परमेस्वर मैं बिस्वास रखयौं, कि जैसो मोसे कही है, की आड मैं हुईकै अगु बढे काहैकि ब्यार हमरे खिलाप रहै। 5 बैसिये होगो। 26 लेकिन हमें कोई टीला मैं आसरो मिलैगो।” 27 और किलिकिया और पंफुलिया के समुंदर पार करके लूसिया मैं मायरा आए। 6 हूँना कप्तान के सिकन्दरिया को एक जहाज मिलो जो इटली के ताही जान बारो रहै, तबइये बौ हमें बहे मैं चढाय दई। 7 हम भौत दिन तक धीरे-धीरे नेंग के मुस्किल से कनिदुस सहर पुगे। तौ जहेमारे कि ब्यार हमें अगु न बढन देत रहे, हम सलमोने के अगु से हुईकै क्रेते द्वीप की आड मैं नीचे मोहोकि निगे। 8 और बाके टिकारे-टिकारे मुस्किल से नेंगत भै सुभलंगरबारी नाओं की एक जघा मैं पुगे, जितै से लसया नगर झोने रहे। 9 हम हूँना भौत समय गुजारे, जबले कि सफर जारी रखनो खतरनाक ना हुई गौ, काहैकि अबले बर्त को दिन पहलेई बीत चुको रहै। तबई पौलुस उनके जौ सलाह दई: 10 “भईय्यो, मोकै ऐसो लग रहो है कि जौ सफर मैं परेसानी और भौत नुकसान, खाली समान और जहाज को नाय बल्कि आपन की ज्यान को भी है।” 11 लेकिन कप्तान और जहाज के मालिक की बातन के पौलुस की बातन से जद्धा मानी। 12 बन्दरगाह जाडो काटन ताही अच्छो ना रहे; जहेमारे लमसम सबै लोग समुंदर से बहार निकरन और फीनिक्स मैं पुगन की कोसिस करत रहैं, अगर हुई सकै, तौ सदिनन के बीतन के ताही। फीनिक्स क्रेते को एक बन्दरगाह है जो तरिहौए-पछार और सरि-पछार को सामना करथै। 13 जब तरिहौए की ब्यार धीरे-धीरे चलन लागी, तौ आदमी सोची कि उनके अपनी योजना के पुरो कर सकथैं, तबइये लंगर उठाई और टिकारे-टिकारे क्रेते के झोने से होत भै जान लगे। 14 लेकिन जल्दिये एक भौत तेज ब्यार उठी, जोकै “यूरकुलीन” कहथै, द्वीप से नीचे गिरन लागी। 15 जब आँधी जहाज से टकराई, तौ जहाज ब्यार के अगु रुक न पाओ, तौ हम जहाज के ब्यार के संग पुहिन दै, और कोसिस करनो छोड दै। 16 तौ कौदा नाओं के एक छोटे से टापू की आड मैं हमें कुछ आसरो मिलो। हूँना, कुछ मुस्किल के संग हम जहाज की छोटी नईयों के सई सलामत बनान मैं कामयाब रहे। 17 फिर जहाज चलान बारे डोंगी के उठाई और जहाज के रस्सन से तेरे से ऊपर तक कसकै भौंदी और सुरतिस टापू के उथले जघा मैं फसन के डर से पाल और समान के उतारकै ब्यार से पुहात भै चले गै। 18 भयानक आँधी चलतै रई, तबई दुसरे दिन बे कुछ समान जो जाधे रहै फेकन लागे, 19 और तीसरे दिन के बे जहाज को समान भी फेक दई। 20 और जब भौत दिनन तक नाय सूरज नाय तारा दिखाई दै, और भौत आँधी चलत रहै। तौ आखरी मैं हमरे बचन की सब आसा जान लागी। 21 जब बे भौत दिन तक भुंके रह डारी, तौ पौलुस उनके बीच मैं ठाडकै कही, “लोगो, ठीक तौ जौ रहे की तुम मेरी बात मानकै, क्रेते से जौ जहाज नाय खोलते; नाय जौ परेसानी आती और नाय जौ नुकसान उठाने पडतो। 22 लेकिन अब मैं तुमकै समझायौं कि हिम्मत भौंदो! काहैकि तुम मैं से कोई की ज्यान के नुकसान न होगो; बस खाली जहाज के। 23 काहैकि जो परमेस्वर को मैं हौं और जोकी सेवा करथौं बाको स्वर्गादत आज रात मेरे झोने आयकै 24 और कही पौलुस, मत डराय! तोकै कैसर के

28 जब हम सई सलामत बच निकरे, तौ पता चलो कि जौ टापू के माल्टा कहथै। 2 और हूँआँ के परदेसी हमसे अच्छे ढंग से पेस आए। मेंहें बरसन लागो और ठंड रहै, तबई बे आगी पजार के हम सबन को आदर करी। 3 जब पौलुस कठिया को गश्ता इखटो करी और बाकै आगी मैं डारत रहे तौ एक सौंप आँच लगन के बजह से बाहर आओ और बौ बाके हात मैं लिपट गौ। 4 जब हूँआँ के परदेसी सौंप के बाके हात मैं लिपटो भौ देखी तौ आपस मैं कही, “सच्ची मैं जौ आदमी खुनी है, लेकिन जाको भाग्य जाकै जिंदो

रहेन नाय देगो, भले बौ समुंदर के जोखिम से बच निकरो है।” 5 तौ अविस्वासी बने रहे। 25 काहैकि पौलुस जब उनसे जौ बात कही पौलुस सौंप के बिना नुकसान पहुँचाए आगी मैं झटक दई। 6 लेकिन तौ बे आपस मैं असहमत हीकें चले गै: “पवित्र आत्मा यसायाह बे असियात रहै कि बौ सृज जागो, या अनकाचीति गिरकै मर जागो, भविष्यवक्ता के जरिये तुमरे बुजुर्गन से कितने अच्छे से बात करी लेकिन जब बे भौत देर तक देखत रहे और देखी कि बाको कछु भी रहै! 26 काहैकि बे कहीं, ‘जाबौ और जे लोगन से कहबौ: तुम सुनैगे और सुनैगे, लेकिन समझ मैं नाय आगो; तुम देखी और देखी, लेकिन नाय देखैगे, 27 काहैकि जे लोगन को दिमाक सुस्त है, और बे अपने पुब्लियुस नाओं के आदमी के रहै बे हमरो स्वागत करी और तीन कान बन्द कर लई और बे अपनी आँखी मूंद लई। नाय तौ उनकी दिन तक हम उनके हितुआ रहै। 8 पुब्लियुस को दऊवा तेज बुखार आँखी देख लेमंगी, उनके कान सुनंगे, उनको दिमाक समझ जाबैगो, और पेंचिस से बिमार पड़ो रहे। पौलुस कमरा मैं गौ, प्रार्थना करी, और बे मोसे कहमंगे, प्रभु कहथै, और मैं उनकै अच्छो कर दूंगो।” 28 और पौलुस बाको मतलब निकारी: “तुम जौ जाननो चाहथौ कि, और बे मोसे कहमंगे, प्रभु कहथै, और मैं उनकै अच्छो कर दूंगो।” 29 जब बौ जौ कही तौ यहूदि आपस मैं गजब विवाद करन लगे और परमेस्वर के उद्धार को संदेस गैर यहूदियन कै भेजो गौ है। बे सुनंगे!” 30 पौलुस पूरे दुई साल अपने किराय के घर मैं हूँआँ से चले गै। 31 बौ परमेस्वर के राज्य के बारे मैं प्रचार करी और प्रभु ईसु हूँआँ से चले गै। 32 पौलुस पूरे दुई साल अपने किराय के घर मैं रहो, और हूँआँ बौ बे सबन को स्वागत करी जो बासे मिलन आए हैं। 33 बौ परमेस्वर के राज्य के बारे मैं प्रचार करी और प्रभु ईसु मसीह के बारे मैं सिखाई, जो बेझिजक और आजादी के संग बोलत रहै।

12 हम सरकसा सहर मैं रहै। 13 हूँना हमर रवाना भै और रेगियुम सहर पहुँचे। अगले दिन तरिहॉए की ब्यार चलनो सुरू भई तौ दुई दिन मैं हम पुतियुली सहर मैं आए। 14 हूँना हमकै कुछ विस्वासी भईय्या मिले जो हमसे एक सप्ताह संग रहेन के ताहीं नहोरे करी। और जहेमारे हम रोम मैं आए। 15 रोम के विस्वासी भईय्या हमरे बारे मैं सुनी और हमसे भेंटा के ताहीं अपियुस के चौहराय और तीन सराय लै आए। जब पौलुस उनकै देखी, तौ परमेस्वर कै धन्यवाद दई और बड़ा बढावा दई। 16 जब हम रोम मैं पुगे, तौ पौलुस कै एक सिपईय्या के संग जो बाकी रखबारी करत रहै, खुदै रहेन को आदेस मिलो। 17 तीन दिन के बाद बौ हूँआँ के रहेन बारे यहूदिन के नेतन के एक बैठक मैं बुलाई। जब बे जुराए, तौ उनसे कही, “मेरे संग के इस्राएलियो, भले मैं अपने लोगन कै या बडे-बूढेन के रीति-रिवाज के खिलाप मैं कुछ भी नाय करो, मोकै यरुसलेम मैं कैदी बनाए दौ गौ और रोमियों के हात सौंप दौ गौ। 18 मोसे सवाल करन के बाद रोमियों मोकै छोडनो चाँही, काहैकि बे पाई मैं कछु नाय करो, जोके ताहीं मैं मरन के लायक रहौ। 19 लेकिन जब यहूदि जाको बिरोध करी, तौ मोकै कैसर से अपील करन के ताहीं बेबस होन पड़ो, भले मोकै अपने लोगन के खिलाप बनान को कोई आरोप नाय रहे। 20 जहेमारे मैं तुमकै देखो और तुमसे बातचीत करन के ताहीं कहो। बास्तव मैं, मैं बाके ताहीं जौ तरहन से जंजीर मैं बंधो भौ हो, जोके ताहीं इस्राएल के लोग आसा करथैं।” 21 बे बासे कही, “हम तेरे बारे मैं यहूदियन से कोई चिठी नाय पाए हैं, और ना हमरे कोई आदमिन के डोने तुमरे बारे मैं कहेन के ताहीं कोई खबर या कोई बुरी बात है। 22 लेकिन हम तुमरे बिचारन कै सुनो चाहमंगे, काहैकि हम जानथैं कि सब जघा लोग जौ दल के खिलाप बोलथैं जोसे तुम बंधे भै हो।” 23 तौ बे पौलुस के ताहीं एक तारीक छाँटी, और बौ दिन बड़ी संख्या मैं लोग बौ जघा मैं आए जहाँ पौलुस रहत रहै। भोर से लैकै रात तक बौ उनकै परमेस्वर के राज्य के बारे मैं अपनो संदेस समझाई, बौ मूसा के नियम और भविष्यवक्ता की किताबन से उनकै ईसु के बारे समझान की कोसिस करी। 24 उनमैं से कुछ लोग पौलुस की बाकी बातन कै मान लई, लेकिन कुछ लोग

रोमियों

1 पौलस के घाँई से जो ईसु मसीह को सेवक है, और प्रेरित होन के ताहीं मस्काओ गौ, और परमेस्वर के बौ सुसमाचार के ताहीं अलग करो गौ है। 2 सुसमाचार की प्रतिग्या भौत पहले परमेस्वर अपने भविष्यवक्तन के जरिये करी रहै, जैसो कि पवित्र साख्र मै लिखो है। 3 अपनेई लौडा हमरे प्रभु ईसु मसीह के बारे मै वादा करी है बौ सरीर से तौ राजा दाऊद की पीढी से भौ है। 4 और पवित्रता की आत्मा से भरकै मेरे भौ से, जिंदो होन की बजह से सामर्थ्य के संग परमेस्वर को लौडा प्रभु ईसु मसीह ठहरो है। 5 बहे की बजह से हमकै दया और प्रेरिताई मिली की बाके नाओ से सबे जाति के लोग बिस्वास करकै बाकी मानै, 6 जिते है उन्हऊँ मै से तुम्हऊँ ईसु मसीह के होन के ताहीं बुलाए गै हौ। 7 बे सबन के जो रोम देस मै परमेस्वर के प्रिय है और पवित्र होन के ताहीं मस्काए गै है: आपन के परम दऊबा परमेस्वर और प्रभु ईसु मसीह के घाँई से तुमकै दया और सांति मिलत रहबै। 8 सबसे पहले मै तुम सबन के ताहीं ईसु मसीह के घाँई से अपने परमेस्वर कै धन्यवाद करथौं, काहैकि तुमरे बिस्वास की बात पूरी दुनिया मै हुई रइ है। 9 परमेस्वर जो की सेवा मै अपनी आत्मा से बाके लौडा के सुसमाचार के बारे मै कहथौं, बहे मेरो गभा है कि मै तुमकै कैसे करकै हमेसा याद करत रहथौं, 10 और हमेसा अपनी प्रार्थना मै नहोरे करथौं कि कैसियो करकै अब तुमरे झोने आन ताहीं मेरो सफर परमेस्वर की मरजी से पूरो होबै। 11 काहैकि मै तुमसे मिलन की इच्छा करथौं, ताकी तुम्है ऐसो आध्यात्मिक वरदान को उपहार देमौं जोसे तुम मजबूती से बने रहाबौ; 12 मतलब की जब मै तुमरे बीच मै होमौं, तौ हम बौ बिस्वास से जो मेरे मै है और तुम मै है, एक दुसरे कै उकसात जायें। 13 भईय्यौ और बहेनियौ, मै नाय चाहथौं कि तुम जासे बेखबर रहबौ कि मै, निरे बार तुमरे झोने आनो चाहो, कि जैसो मोकै दुसरे गैर यहदि मै बिस्वास रूपी फल मिलो, बैसिये तुम्हऊँ मै मिलै, लेकिन हबै ले दिक्कत आत गई। 14 मै यूनानियन और परदेसी, और अकल बारेन और बेअकलिन को कर्जदार हौं। 15 मै तुम्हऊँ कै जो रोम देस मै रहथौं, सुसमाचार सुनान के ताहीं कतई तैयार हौं। 16 काहैकि मै सुसमाचार से नाय सरमाथौं, जहेमारे बौ सबे बिस्वास करन बारेन के ताहीं पहले तौ यहदि फिर यूनानी के उद्धार के ताहीं परमेस्वर की सामर्थ्य है। 17 काहैकि सुसमाचार मै परमेस्वर की धार्मिकता बिस्वास से और बिस्वास के ताहीं दिखाई देथै; जैसो कि लिखो है, “बिस्वास से धर्मी लोग जिंदे रहमगे।” 18 परमेस्वर को गुस्सा उन लोगन की अभक्ति और अधर्म जो स्वर्ग से दिखाई देथै, जो सच्चाई कै अधर्म से दबाय के रखथै। 19 परमेस्वर उनके सजा देगो, काहैकि परमेस्वर को ग्यान उनके मन मै दिखाई दौ है, और परमेस्वर बाकै दिखाई है। 20 काहैकि परमेस्वर के अनदेखे गुन, मतलब बाकी अनंत सामर्थ्य, और परमेस्वरत्व दुनिया की उत्पत्ति के समय से बाके काम के जरिया देखन मै आथै, इसले उनके झोने कोई उत्तर नाय है। (aidios g126) 21 जहे वजह से परमेस्वर कै जानत मै बाके काबिल कोई बडाँई और धन्यवाद नाय करी, पर बे बेकार बिचार करन

लागे, हियाँ तक कि उनको निबुद्धि मन अधियारो हुई गौ। 22 बे अपने आपकै अकल बारे जताथै, पर बे मूर्ख है; 23 और अविनासी परमेस्वर की महिमा कै, नास होन बारे इंसान, चिरईयौं, जानवर और घिसटन बारे कीरा करमोला की मूर्ति के हानी बदल दई। 24 जहे बजह से परमेस्वर उनके उनकी मन की अभिलासा के जरिया असुद्धता ताहीं छोड दई कि बे आपस मै अपनेई सरीर को बुरो करन लागे। 25 काहैकि बे परमेस्वर की सच्चाई कै बदलकै झूठ कर दई, और जो कुछ परमेस्वर बनाई रहै; बहे की उपासना करी, ना की बौ बनान बारे की जो हमेसा ताहीं धन्य है! आमीन। (aiōn g165) 26 तभई परमेस्वर उनके बेकार इच्छा के वस मै छोड दई; हियाँ ले की उनकी बईय्यौं जो अपने लोगा संग सम्बंध रखनो चाहिए रहै छोडकै परायन के संग गलत सम्बंध रखन लागीं। 27 ऐसिये आदमियौ अपनी बईय्यर संग सम्बंध छोडके एक दुसरे संग इच्छा मै जलन लागे। और आदमी-आदमी के संग गलत काम करन लागे। उनके अपनेई बुरे काम की बजह से बुरो फल मिलन लागो। 28 जब बे परमेस्वर कै नाय पहेचाननो चाँही, तौ परमेस्वरौ उनके उनके निठल्ले मन मै छोड दई कि बे ना करन बारे भी काम करै। 29 तभईये बे सबे तरहन के अधर्म, दुस्टता, लालच और एक दुसरे को बुरो करन बारे बन गै; और डहान बारे और मारन और लडन और धोका, और जलन से भर गै। बे चुगल्या, 30 और बदनामी करन बारे, परमेस्वर कै अच्छो ना मानन बारे, दुसरेन को आदर नाय करन बारे, अभिमानी, फोकिया, बुरी बात करन बारे, अपने अईय्या-बाबा को कहनो नाय मानन बारे; 31 बेअकली, भरोसो तोडन बारे, प्यार ना करन बारे और दया ना करन बारे हुईगै हैं। 32 बे तौ परमेस्वर की जौ नियम जानथै, कि ऐसे-ऐसे काम करन बारे मौत की सजा के लायक है, तहुँओ बे ऐसो काम करथै, बल्किन करन बारेन कै बढावा देथै।

2 मेरे भईय्यौ, का तुम दुसरेन के ऊपर दोस लगाथौ? तुमरे झोने कोईये बहाना नाय है, तुम चाँहे जो होबौ; जब तुम दुसरेन को फैसला, और फिर बहे काम करथौ, जो बे करथै, तौ तुम खुद को तिरस्कार करथौ। 2 और हम जानथै ऐसे-ऐसे काम करन बारेन के ऊपर परमेस्वर घाँई से सच्चे सजा की आग्या होथै। 3 लेकिन तुम, मेरे भईय्यौ, बेई चीजन कै करथौ जिनके ताहीं तुम दुसरेन ऊपर फैसला सुनाथौ, का तुमकै लगथै कि तुम परमेस्वर के फैसला से बच जागे? 4 का तै बाकी दया, और सकारन, और तसल्लती रूपी धन कै तुच्छ जानथै, का जौ नाय समझथै कि परमेस्वर की भलाई तेरो मन फिरान के सिखाथै। 5 पर अपने हठीले और जिद्दी मन के बजह से, परमेस्वर के न्याय के दिन ताहीं, अपनी सजा कै और बढात जायै हौ। 6 परमेस्वर सबन कै उनके करमन के हिसाब से फल देगो। 7 जो अच्छे कामन मै टिके रहकै इज्जत और आदर, और अमरता कै ढूँडै हैं, उनके बौ अनंत जिंदगी देबेगो; (aiōnios g166) 8 लेकिन जो मतलबी हैं, और सच्चाई कै नाय मानकै अधर्म के पच्छ चलथै, उनके ऊपर गुस्सा और परमेस्वर को परकोप पड़ेगो। 9 और कलेस और भीतरी पेरसानी सब इंसान की ज्यान ऊपर आमांगी, अग्यु यहदि ऊपर फिरौकी यूनानी ऊपर; 10 पर महिमा और आदर और सांति

सबन के मिलेगी, जो भलाई करथे, अगु यहदि के फिरौकी यूनानिन और सबे इंसान को न्याय होगो, जैसे कि लिखो है, “जब तुम बोलथो के। 11 काहेकि परमेस्वर कोई को भेद-भाव ना करथे। 12 तभईये तो तुमके सई से बोलनो चहाईये; और जब तुमरे ताहीं कोसिस करी जो बगैर नियम पाए पाप करी, बे बिना नियम के खतमौं हुई जांगे जात होबै तो तुमके अपनो मुकदमा जीतनो चहाईये।” 5 पर अगर और जो नियम पाएके पाप करी, उनके सजा भी नियम से मिलेगी। हमरो अधर्म परमेस्वर की धार्मिकता होथे, तो हम का कह सकथे? 13 काहेकि परमेस्वर के झोने नियम के सुनन बारे धर्मी नाय हैं, का जो कहमै की परमेस्वर सजा देथे तभईये गुस्सा करथे? जो तौ लेकिन नियम के मानन बारे धर्मी होमंगे। 6 कतई नाय! नाय तौ परमेस्वर कैसे में इंसानन के जैसी कहथौं। 7 पर का होगो अगर मेरो झूठ बाकी दुनिया को फैसला करैगो? सच्चाई के और जट्टे सपा तरीका से बनाये के परमेस्वर की महिमा को काम करथे? तौ फिर काहे पापी के हानी में सजा के काबिल मानो जाथौं? 8 “काहे ना कहे, तौ हमें बुराई करन दिवौ ताकी अच्छाई आबै?” कुछ लोग, सच्ची में मेरे ऊपर जौ बात कहेन को दोस लगाएके मेरो अपमान करी हैं! उनकी बुराई करी जागी, जैसी उनके संग होनो चाहिए। 9 तौ फिर का भौ? का हम यहदि गैर यहदियन से अच्छे हैं, नाय कतईये नाय! काहेकि हम जौ दिखाए दै हैं कि चँहि यहदि होमै, चँहि गैर यहदि सबै पाप के वस में हैं। 10 जैसो साझ में लिखो है: “कोई धर्मी नाय है, एक्को नाय है। 11 कोई भी समझदार नाय है, कोईये परमेस्वर के ढूँडन बारे नाय है। 12 सबे परमेस्वर से दूर हुईये हैं; बे सब गलत हुईये हैं; कोई भलाई करन बारो नाय है। कोइयो सई नाय है, एक्को नाय। 13 उनके बोल चोट पहोंचान बारे कपट से भरे कबर हैं; बे अपनी जीभ से छल कपट करी हैं, उनके ओठन में साँपन को जहर है। 14 उनको मोहों बददुअन और कस्रआन बारी बातन से भरो है। 15 उनकी टाँग खन बहान ताहीं तैयार हैं, 16 उनके रस्ता में नास और कलेस है। 17 बे सांति को रस्ता नाय जानी हैं, 18 उनकी आँखी अगु परमेस्वर को डर हईये नाय।” 19 हम जानथे कि नियम जो कछु कहथे उन्हीं से कहथे, जो नियम में चलथे; तभईये कि सबन को मोहों बंद करो जाबै और पूरी दुनिया परमेस्वर की सजा पान के ठहरे, 20 काहेकि कोई के नियम की जरूरत के अनुसार कोई इंसान परमेस्वर की नजर में सई नाय रखो गौ है; नियम जो करथे बौ हमें जौ बतान के ताहीं की हम पाप करे हैं। 21 लेकिन अब परमेस्वर की धार्मिकता के जरिया आदमिन के अपने संग रखन को तरीका सामने आओ है। जाको नियम से कोई लेनो देनो नाय है, हालाकि मूसा को नियम और भविष्यवक्ता जाकी गभाई दई हैं। 22 मतलब जौ कि, परमेस्वर की बौ धार्मिकता जो ईसु मसीह में बिस्वास करन से सबै बिस्वास करन बारेन ताहीं है, काहेकि कछु चीज को भेद-भाव हईये नाय: 23 तभईये सबै पाप करी हैं और परमेस्वर की महिमा से दूर हैं, 24 लेकिन बाकी दया और बाके छुटकारा से जो ईसु मसीह में हैं, सेंट-मेंत में धर्मी हुई जाथे, 25 बाके परमेस्वर ईसु के खन के बजह से ऐसे पछताबा करबाई, जो बिस्वास करन सेई होथे, कि जो पाप पहले करे गे और जिनके ऊपर परमेस्वर बरदास करन की बजह से ध्यान नाय दई। उनके बारे में बौ अपनी धार्मिकता दिखाई है। 26 ऐसे करके परमेस्वर दिखाथे कि बौ खुद धर्मी है और जो कोई ईसु पर बिस्वास करथे, बाके बौ सई ठहराथे। 27 तौ घमंड करनो रहए नाय? बाकी तौ जया हईये नाय! कौन से नियम से? का करमन के नियमन से? नाय, बल्किन बिस्वास के नियम से। 28 काहेकि हम जौ नतीजा में पहोंचे हैं कि एक आदमी के बिस्वास के जरिया

3 का यहदियन के गैर यहदि से फायदा भौ है? या खतना को का मोल रहगौ? 2 सब तरहन से भौत कुछ! सबसे पहले परमेस्वर को उपदेस बिस्वास करके तौ उन्हीं के सौंपो गौ रहे। 3 अगर उनमै से एकाद वफादार ना होमै तौ का होगो? का जाको मतलब जौ है कि परमेस्वर वफादार ना होगो? 4 कतई नाय! पर परमेस्वर सच्चो है

परमेस्वर के संग धर्मी मानो जायै, और ऐसो करन से नाय कि नियम का कहयै। 29 का परमेस्वर सिरफ यहदियन को है? का गैर यहदिन को नाय है? हाँ, गैर यहदिन को भी है। 30 काहैकि एक्के परमेस्वर है, और बौ अपने बिस्वास के आधार मैं खतना करान बारे यहदियन के अपने संग रखैगो, और गैर यहदिन के उनके बिस्वास के जरिया धर्मी ठहरागो। 31 का जाको मतलब जौ है कि जौ बिस्वास से हम नियम को पालन करयै? नाय, कतई नाय; जाके अलावा, हम नियम के बनाये रखयै। बल्किन नियम के निठाठौर एक्के जघा रखयै।

4 तौ हम का कहयै, कि हमरे सारीरिक दऊवा अब्राहम? बाको अनुभव का रहै? 2 अगर अब्राहम परमेस्वर के संग सई काम करयै, बाके पास घमंड के ताहीं कुछ होगो लेकिन परमेस्वर की नजर मैं नाय। 3 पवित्र साक्ष का कहयै? जौ कि “अब्राहम परमेस्वर ऊपर बिस्वास करी, और बाके बिस्वास के बजह से परमेस्वर बाकै धर्मी के रूप मैं अपनाई।” 4 काम करन बारे आदमी के दिहाडी देनो दान ना होयै, लेकिन बाको अधिकार होयै। 5 पर जो काम ना करयै बल्किन बिना काम के धर्मी ठहरान बारे ऊपर बिस्वास करयै, बाको बिस्वास बाके ताहीं धार्मिकता गिनो जायै। 6 दाऊद को जौ मतलब है कि जब बौ आदमी कि खुसी की बात करयै जोकै परमेस्वर धर्मी के तराहनी अपनायै, जाके अलावा बौ आदमी जो कुछ भी करयै: 7 “धन्य हैं बे जिनके अधर्म माफ हुईगी, और जोके पाप ढोंक दै गै। 8 धन्य है बौ इंसान जोकै प्रभु पापी नाय मानै।” 9 तौ जौ खुसी की दाऊद सिरफ खतना करन बारेन से जुड़े होन कि बात करी रहै? सच मैं नाय! जाको सम्बंध बे आदमिन से भी है जिनको खतना ना भौ है। काहैकि पवित्र साक्ष मैं लिखो है “अब्राहम परमेस्वर के ऊपर बिस्वास करी और परमेस्वर बाकै धर्मी मानी।” 10 तौ अब्राहम कैसे गिनो गौ? खतना हानी नाय लेकिन बगैर खतना हानी गिनो गौ। 11 बौ खतना को चिन्ह पाई कि बौ बिस्वास की धार्मिकता ऊपर मुहर हुई जाबै, जो बौ बगैर खतना के हानी रहै, जोसे बौ सबन को बाबा होबै जो बगैर खतना हानी बिस्वास करयै ताकी बेऊँ धर्मी होयै; 12 और बौ खतना करे भौ को बाबा होबै, जो नाय तौ सिरफ खतना करे भै हैं, पर हमरे बाबा अब्राहम के बौ बिस्वास की पटक मैं चलथै जो बौ बगैर खतना के हानी करी रहै। 13 परमेस्वर जो अब्राहम से वादा करी रहै कि दुनिया को वारिस होगो, ना तौ अब्राहम के, ना तौ अब्राहम मूसा के नियम के मानन के जरिये, बल्किन बिस्वास के जरिये अब्राहम धर्मी मानो गौ रहै। 14 काहैकि अगर नियम बारे वारिस हैं, तौ बिस्वास बेकार और वादा बिना फल को है। 15 नियम परमेस्वर के गुस्सा के कम करयै, पर जहाँ नियम नाय है, नियम की कोई आग्या ना मानयै। 16 और जहे बजह से वादा बिस्वास और अनुग्रह मैं आधारित रहै, ताकी वादा के अब्राहम के सबै बंसज के ताहीं परमेस्वर के मुफ्त उपहार के रूप मैं पक्को करनो चाहिए सिरफ बे आदमिन के ताहीं नाय जो नियम को पालन करयै, पर बे आदमिन के ताहीं जौ अब्राहम के जैसी मानयै काहैकि अब्राहम हम सबन को आत्मिक दऊवा है; 17 जैसो कि साक्ष मैं लिखो है, “मैं तोकै भौत से देसन को दऊवा बनाओ हौ।” परमेस्वर की नजर मैं अब्राहम हमारो दऊवा है। बे बौ परमेस्वर

मैं बिस्वास करी, जो मेरे भैन के जिंदो करयै और जोकी आग्या अस्तित्व मैं लायै, जो की अस्तित्व मैं रहिये नाय। 18 अब्राहम निरासा मैं भी आसा धरकै बिस्वास करी, हियँ ले कि जब उमीद के ताहीं कोई कारड नाय रहै, और तभइयै “निरे देसन को बाबा बन गौ।” जैसी साक्ष कहयै, “तेरो बंसज तारा जितो होगो।” 19 बौ जब सौ साल को रहै, पर बाको बिस्वास बौ समय कमजोर ना पडो जब बौ अपने सर्रीर के बारे मैं सोची, जो पहलिये से बहार से मरो भौ रहै, या जौ बात से कि सारा को बालका ना हुई सकयै। 20 और ना कहए बगैर बिस्वास के बाके वादा ऊपर संका करी, लेकिन बिस्वास मैं टिको रहो; बाको बिस्वास बाकै सक्ति से भर दई, और बौ परमेस्वर की महिमा करी। 21 और बाकै पूरो यकीन रहै कि परमेस्वर जो वादा करी रहै, बौ पूरो करैगो। 22 जहे बजह है कि अब्राहम, बिस्वास से, “परमेस्वर के जरिया धर्मी हुईकि गिनो गौ।” 23 और जहे बचन, “बिस्वास बाके ताहीं धार्मिकता गिनो गौ,” ना सिरफ बहे के ताहीं लिखो गौ। 24 बेऊँ हमरे ताहीं लिखे गै रहैं जिनके धर्मी के रूप मैं अपनाओ जाने है, जो बाके ऊपर बिस्वास करयै जो हमारे प्रभु ईसू के मौत से जिंदो करी। 25 हमरे पापन के बजे से बाकै मरन के दौ गौ रहै, और बौ हमें जिंदगी देन के ताहीं उठाओ गौ रहै ताकी हम परमेस्वर के संग सई करे जायैं।

5 अब जब हमकै बिस्वास के जरिये परमेस्वर के संग सई से रखो गौ है, तौ हम अपने प्रभु ईसू मसीह के जरिया से परमेस्वर के संग सांति रखयै। 2 जोके जरिया बिस्वास के बजह से बौ अनुग्रह तक, जौमैं हम बने हैं, हमरी पहँचो भइ, परमेस्वर की महिमा! और आसा मैं घमंड करै। 3 सिरफ जहे नाय, बल्किन हम कलेसनौ मैं गरब करै, जौ जानकै की कलेस से धीरज, 4 और धीरज से खरो निकरनो, और खरो होन से आसा मिलयै। 5 और जौ आसा हमकै उदास नाय करयै, काहैकि पवित्र आत्मा जो हमकै दई गौ है बासे परमेस्वर को प्यार हमरे मन मैं डार दौ गौ है। 6 जब हम हबऊ बगैर सहारा के रहै, मसीह बौ समय पापिन के ताहीं मर गौ जोकै परमेस्वर चुनी रहै। 7 अगर कोई इंसान धर्मी के ताहीं मरे; जौ अनहोनो है। और कोई अच्छे इंसान ताहीं ऐसियौ तौ होबै जो मरन की हिम्मतौ करै। 8 लेकिन परमेस्वर अपने प्यार की भलाई ऐसे करकै दिखयै कि जब हम पापिये रहै तभई मसीह हमरे ताहीं मरो! 9 अब जब हम बाके खून से धर्मी हिये गै हैं, तौ बैसिये परमेस्वर के गुस्सो से काहे नाय बचंगे! 10 हम परमेस्वर के दुस्मी रहै, लेकिन बौ हमें अपने बालक की मौत के जरिया अपनो दोस्त बनाई। अब जब हम परमेस्वर के दिलबर हैं, हम मसीह की जिंदगी से कितो बचंगे! 11 लेकिन ऐसो कतई नाय है; हमरे प्रभु ईसू मसीह के जरिया परमेस्वर जो कुछ करी है, बाके बजह से हम खुस होयै, जो अब हमें परमेस्वर से मेल-मिलाप करबाई है। 12 ऐसिये जैसे एक इंसान से पाप जौ दुनिया मैं आओ, और पाप से मौत आई, और ऐसे करकै मौत सबै इंसानन मैं फैल गई, काहैकि सबै पाप करी। 13 हीना दुनिया मैं नियम दौ जान से पहले पाप रहै; लेकिन जहाँ नियम नाय है, कोई भी खाता पापन को नाय है। 14 पर आदम के समय से मूसा के समय ले, मौत सबै इंसानन ऊपर राज्य करी, हियँ ले कि बे आदमिन

ऊपर भी, जो आदम परमेस्वर की आग्या ना मानी रहै बैसिये पाप नाय करी। आदम जो आनबावो रहै बहो को एक आँकड़ा रहै। 15 लेकिन जो हाल गलतियन को है, बौ हाल अनुग्रह के वरदान को हईये नाय, काहेकि जब एक इंसान के अपराध से निरे इंसान मेरे, तौ परमेस्वर की अनुग्रह और बाको जौ दान एक इंसान के, मतलब ईसू मसीह के, अनुग्रह से भौ, भौत से लोगन ऊपर सच्चियैयें मैं खूबै-खूब भौ। 16 और परमेस्वर के उपहार और एक आदमी के पाप के बीच अंतर है। एक पाप के बाद “दोसी” को न्याय के काम को फैसला आओ; पर इते सारे पापन के बाद, “कोई दोसी नाय है उपहार आथै!” 17 जौ सच है कि एक इंसान के पाप के जरिये मौत बौ एक इंसान के बजह से राज्य करन लगी। लेकिन जो एक आदमी, ईसू मसीह करी, बाको फल कितनो बडो है! बे सबै जौ परमेस्वर को गजब अनुग्रह है पाथै और बाके संग स्वतंत्र ऊपर से न्याय पाथै, मसीह के जरिये जिंदगी मैं राज करंगे। 18 तभई, एक अपराध सब इंसानन के ताहीं सजा की आग्या को बजह बनो, बैसिये एक धर्म को काम सब आदमिन के जिंदगी के ताहीं, धर्मी को बजह बनो। 19 और जैसी सब आदमिन के पापी बनाओ गौ रहै, बैसिये एक आदमी की आग्या के कारड, बैसिये बे सबै एक आदमी के आग्या मानन के फलस्वरूप परमेस्वर के संग धर्मी हुई जांगे। 20 नियम जो रहै बीच मैं आए गौ कि अपराध भौत होबै, पर जिते पाप खूबै भौ हूँआँ परमेस्वर को अनुग्रह बहो से जाधे भौ, 21 तौ फिरौकी, जैसी पाप मौत के फैलात भै राज करी, बैसिये हमरे प्रभु ईसू मसीह से अनुग्रह भी अनंत जिंदगी के ताहीं धर्मी होत भै राज करै। (aiōnios g166)

6 तौ हम का कहमै? का हम पाप करत रहमै, कि परमेस्वर को अनुग्रह खूबै होबै? 2 कतईये नाय! हम जब पाप के ताहीं मर गै तौ फिर अग्यु के बायै जिंदगी कैसे करके बितामै? 3 का तुम नाय जानथौ, कि हम जिते ईसू मसीह को बपतिस्मा लै हैं, तौ बाके मरन को बपतिस्मा लै हैं। 4 सो बाके मौत को बपतिस्मा पाए लेने से हम बाके संग गडार दै गै, ताकी जैसे मसीह परमपिता की महिमा से मेरे भै मैं से जिंदो करो गौ, बैसिये हमउं नई जिंदगी की चाल चलै। 5 काहेकि अगर हम बाके मौत से बाकी समानता मैं हईये हैं, तौ जैसे बौ जिंदो हई गौ बैसिये हमउं जिंदे हई जांगे। 6 और हम जानथै की हमरो पुरानो चाल-चलन बाके संग क्रूस मैं चढ़ाय दौ गौ, ताकी पाप को सरिी बरबाद हई जाबै, और हम अग्यु के पाप की गुलामी मैं नाय रहमै। 7 काहेकि जो मर गौ, बौ पाप से छुटके धर्मी ठहरो। 8 तौ अगर हम मसीह के संग मर गै, तौ हमरो बिस्वास जौ है कि बाके संग हम जीमंगे भी। 9 काहेकि हम जौ जानथै मसीह मेरे भै मैं से जिंदो भौ फिर दुबारा मरन बावो हईये नाय; बाके ऊपर मौत राज्य कह नाय करैगी। 10 और तभई, काहेकि बौ मर गौ, पाप की बाके ऊपर कोई सक्ति नाय है; और अब जिंदो है तौ सिरफ परमेस्वर के ताहीं जिंदो है। 11 ऐसिये तुहऊँ अपने आपकै मरो भौ समझथौ, जहाँ ले पाप को सवाल है, लेकिन मसीह ईसू के जरिया परमेस्वर के संग संगती मैं जिंदे रहियो। 12 अब पाप तुमरे खतम होन बारे सरिी मैं राज्य ना करै, ताकी तुम अपने प्राकृतिक सरिी की इच्छन को

पालन ना कर सकौ। 13 और ना अपने सरिी के कोई भी हिस्सा के अधर्म को हथियार होन के ताहीं पाप के सौपौ, पर खुदके मेरे भै मैं से जिंदो करो गौ जानके परमेस्वर के सौपौ, और अपने सरिी के एक-एक हिस्सा के धर्मी को हथियार होन के ताहीं परमेस्वर के सौपौ। 14 पाप तुमरो मालिक ना होनो चाहिए; काहेकि तुम नियम के तहत नाय; बल्किन परमेस्वर के अनुग्रह और किरपा के अधीन रहथौ। 15 तौ का भौ? का हम जहे के मारे पाप करै कि हम नियम के अधीन नाय बल्किन अनुग्रह के अधीन है? कतईये नाय! 16 का तुम ना जानथौ, कि जो कि आग्या मानन ताहीं तुम अपने आपके दास के हानी सौप देथौ बहे के दास हो: और जोकी मानथौ, चाँहे पाप के, जोको अंत मौत है, या चाँहे आग्या मानन बारे होमै जोको अंत धार्मिकता है, जोके फलस्वरूप परमेस्वर के संग सई करो जाएँ। 17 लेकिन परमेस्वर को धन्यवाद होबै! हालाकि एक समय तुम पाप के दास रहौ, तुम जो कुछ पढाए, बायै मिली सच्चाईयन के अपने दिल से माने। 18 और पाप से छुड़ाय जाएँ धर्म के गुलाम हईगै हौ। 19 मैं तुमरे सरिी की कमजोरी के बजह से इंसान की रीत मैं कहथौ। जैसे तुम अपने सरिी के अंग के असुद्ध करन के ताहीं अधर्म के बजह से गुलाम बनाए दै रहौ, बैसिये अब अपने सरिी के हिस्सन के पवित्रता के ताहीं धर्मी के दास करके सौप देबौ। 20 जब तुम पाप के दास रहौ, तौ बौ समय धार्मिकता से आजाद रहौ। 21 अब जो-जो बातन से तुम समथौ, बौ समय उनसे का फल पात रहौ? काहेकि उनके अंत मैं तौ मरनोई लिखे है! 22 लेकिन अब तुम पाप से छुटके और परमेस्वर के दास हो। तुमरो फायदा पूरे तरीका से बाकै सौपौ भौ जीवन है, और जाको नतीजा अनंत जिंदगी है। (aiōnios g166) 23 पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसू मैं अनंत जिंदगी है। (aiōnios g166)

7 हे भईय्यो और बहनियो, का तुम नाय जानथौ मैं नियम के जानन बारेन से कहथौ कि जबले इंसान जिंदो रहथै, तौले बाके ऊपर नियम को राज्य रहथै। 2 काहेकि सादी सुदा बईय्यर, नियम के आधार मैं अपने आदमी के जीते जी बासे भँदी है, पर अगर बाको आदमी खतम हई जाबै, तौ बौ अपने लोगा के नियम से छुट गई। 3 तभई अगर, आदमी के जीते जी बौ कोई पराए आदमी की हई जाबै, तौ बौ छिनरइ कही जाबैगी, लेकिन अगर आदमी खतम हई जाबै, तौ बौ नियम से छुट गई, हियाँ तक कि अगर कोई पराए आदमी की हई जाबै तौ तहुँओ छिनरइ नाय मानी जागी। 4 बैसिये मेरे भईय्यो और बहनियो, तुहऊँ मसीह के सरिी से नियम के ताहीं मेरे भै हईगै, कि बे दुसरेन के हई जाबौ, जो मेरे भौ मैं से जिंदो हई गौ: ताकी हम परमेस्वर के ताहीं फल लाभै। 5 काहेकि जब हम सारीरिक रहै, तौ पापन की इच्छा जो नियम के जरिया रहै, मरन को फल देन ताहीं हमरे सरिी के अंगन मैं काम करत रहै। 6 अब, हालाकि जोके बंधन मैं हम भँदे रहै बाके ताहीं मर कै, अब नियम से ऐसे करके छुट गै, कि लिखी भइ पुरानी रीत मैं नाय, बल्किन आत्मा की नई रीत से। 7 तौ हम का कहमै? फिरौकी का नियमै पापी है? कतईये नाय! बल्किन बगैर नियम के मैं पाप कै जानिए ना

सकथौ। अगर नियम कहतो कि “जो कोई और कोई को है बाकी इच्छा मत करे,” तौ मैं ऐसी इच्छा के जानतोई नाय। 8 लेकिन बौ आग्या के जरिया पाप मेरे मैं सबे तरह की लालची इच्छन के जगान को मौका पाई। काहेकि बगैर नियम के तौ पाप मरो भौ है। 9 मैं तौ पहले बगैर नियम के जिंदो रहौं लेकिन जब आग्या मिली, तौ पाप जी गौ, और मैं मर गौ। 10 और बहे आग्या जो मेरी जिंदगी के ताही रहै, मेरे ताही मरन की बजह बनी। 11 काहेकि पाप मौका मारकै आग्या से मोके फुसलाई, और बहे की बजह से मोके मारियो डारी। 12 तभई के मारे नियम पवित्र है, और आग्या पवित्र, धर्मी और अच्छी है। 13 तौ का बौ जो अच्छो रहै, मेरे ताही मौत ठहरो? कतईये नाय! लेकिन पाप बौ अच्छी चीजन से मेरे ताही मौत के पैदा करन बारो भौ, ताकी पाप को असली रूप सामने आए सकै। और तभई आग्या के जरिया पाप के औरो खतरनाक तरीका से पाप के रूप में दिखाओ गौ है। 14 हम जानथैं कि नियम तौ आध्यात्मिक है, लेकिन मैं सारीरक हौं और पाप के हात में बिको भौ हौं। 15 मोके समझ में नाय आए रौ है कि मैं का करौं; काहेकि मैं बौ ना करथौं जो मोके करनो चाहिए, लेकिन जाके बजाय मैं बहे करथौं जोसे मैं नफरत करथौं। 16 काहेकि मैं जो कहथौं, बहे करथौं, जासे पता लगथे कि मैं मानथौं कि नियम ठीक है। 17 तौ ऐसे हालत में बाके करन बारो मैं नाय, बल्किन बौ पाप है जो मेरे भीतर है। 18 मैं जानथौं, कि मेरे सरीर के भीतर कोई अच्छी चीज नाय बास करथै, मन तौ मेरो होथै, भलेई अच्छो करन की इच्छा मेरे मैं है, लेकिन भले काम मोसे होतै ना हैं। 19 काहेकि जो अच्छो काम करन को मेरो मन होथै, बौ तौ मैं करतै नाय हौं, लेकिन जो खराब काम के ताही मन नाय करथै, बहे काम करथौं। 20 अगर मैं बे काम करथौं जोको मेरो मन नाय करथै, जाको मतलब बे काम के करन बारो मैं नाय रहौं, लेकिन पाप जो मेरे भीतर है बहे जे काम करथै। 21 तौ मोके जो नियम मिलथै कि जब मैं भले काम करन की सोचथौं: जब मैं बौ करनो चाहथौं जो अच्छो है, तौ बुराई मेरे झोने आथै। 22 काहेकि मैं अपने अंदर की इसानियत से तौ परमेस्वर के नियम से भौतै खुस रहथौं। 23 लेकिन मोके मेरे सरीर के हिस्सन में कुछ अलगै जैसो नियम दिखाई देथै, जो मेरे अकल के नियम से लड़थै और मोके पाप के नियम के बँदना में डरात रहथै जो मेरे सरीर के हिस्सन में है। 24 मैं कैसो दुखी आदमी हौं! जौ सरीर से मोके कौन छुड़ाबेगो जो मोके मौत के घाट उतार रहो है? 25 हमरे प्रभु ईसु मसीह के जरिये, परमेस्वर को धन्यवाद होबै! जौ फिर मेरी स्थिति है: अपने दम पर मैं अपने मन से सिर्फ परमेस्वर के नियम की सेवा करथौं, जबकी मेरो इंसान को स्वभाव पाप के नियम को काम करथै।

8 तौ अब मसीह ईसु के संग रहन बारेन के ताही कोई सजा नाय है। 2 आत्मा के नियम के ताही, जो हमें मसीह ईसु के संग जिंदगी में लाथै, मोके पाप और मौत के नियम से छुटकारो दै दई है। 3 काहेकि जो काम नियम सरीर की बजह से कमजोर हुईके नाय कर पाई, बाके परमेस्वर करी, मतलब अपनोई लौड़ा के पाप बारे सरीर के हानी और पाप बलि होन के ताही भेजकै, सरीर में पाप ऊपर

सजा की आग्या दई। 4 परमेस्वर ऐसो तभई करी ताकी नियम की धर्मी मोंगे पूरी तरीका से हम्मे तसल्ली कर सकैं जो आत्मा के अनुसार चलथैं, और इंसान की प्रकृति के हानी नाय। 5 काहेकि जो लोग सारीरक होथैं बे सरीर की बातन में मन लगाथैं; जो लोग आत्मा के रूप में जीथैं उनकै, आत्मा जो चाहथै बहे के जरिया अपने मन के नियंत्रित करो जाथै। 6 सरीर में मन लगानो तौ मौत है, लेकिन पवित्र आत्मा में मन लगानो जिंदगी और सांति है। 7 और सरीर में मन लगानो तौ परमेस्वर से दुस्मनी रखनो है, काहेकि ना तौ हम परमेस्वर के नियम के भरोसे है और ना हुई सकथै; 8 और जो सरीर के प्रकृति के वस में है, बे परमेस्वर के खुस नाय कर सकथैं। 9 पर जबकी परमेस्वर को आत्मा तुमरे भीतर रहथै, तौ तुम सारीरक प्रकृति में नाय लेकिन आत्मा के हालत में होबौ। अगर कोई के भीतर मसीह की आत्मा नाय है तौ बौ बाको इंसान हईये नाय। 10 अगर मसीह तुमरे में है, तौ सरीर पाप की बजह से मरी भइ है; लेकिन आत्मा धर्म के बजह से जिंदी है। 11 अगर बहे को आत्मा जो ईसु के मेरे भौ मैं से जिंदो करी, तुमरे भीतर बसो पड़ो है; तौ जो मसीह के मेरे भौ मैं से जिंदो करी, बहे तुमरे नास होन बारे सरीर के अपनी आत्मा से जो तुमरे में बसी भइ है, जिंदो करेगो। 12 भईय्यो और बहेनियो, हम सरीर के कर्जदार नाय हैं कि सरीर के हिसाब से जिंदगी काटै, 13 काहेकि अगर तुम सरीर के हानी दिन काटेंगे तौ मरेगे, अगर आत्मा से सरीर के कामन के मारोगे तौ जिंदे रहाबेगे। 14 तभईये जिते आदमी परमेस्वर की आत्मा के चलाय चलथैं, बेई परमेस्वर के बालका हैं। 15 परमेस्वर तुमके जो आत्मा दई है, बौ तुमके गुलाम नाय बनाथै, और ना तुमके डरपाथै; बल्किन, उल्टा आत्मा तुमके परमेस्वर को बालका बनाथै, और आत्मा के बल से हम परमेस्वर के पुकारथैं, “परमपिता! मेरे परमपिता!” 16 परमेस्वर की आत्मा खुदे हमरी आत्मा के संग गभाई देथै, कि हम परमेस्वर के बालका हैं। 17 और अगर बालका हैं तौ बाके वारिस हैं, बल्किन परमेस्वर के हकदार और मसीह के संगी हकदार हैं, कि जब हम बाके संग दुख उठामैं तौ बाके संग महिमा पांगे। 18 मोके लगथै कि जौ समय के दुख और कलेस बाकी महिमा के अगु, जो हमरे ऊपर दिखन बारी है, कछुए नाय है। 19 दुनिया खूबे आसा बारी नजर से परमेस्वर के बालकन के दिखाई देन की रहा निहार रइ है। 20 सृष्टि अपनी मरजी से नाय पर अधीन करन बारे के चाँई से, लेकिन परमेस्वर को ऐसो करन की इच्छा है। तहँओ आसा रहै 21 कि सिरस्टी खुद एक दिन अपनी गुलामी से छुटके खतम होन लगैगी और परमेस्वर के बालकन की महिमा की आजादी लेबेगी। 22 हम जानथैं कि पूरी दुनिया हबै तक मिलकै कांखथै और परेसानी में पड़ी भइ तड़पत रहथै। 23 और सिर्फ बहे नाय लेकिन हमउं बाके झोने आत्मा को फल हैं, अपने आपे मैं कांखथैं; और बालक होन ताही मतलब अपनी सरीर के छुटकारे की रहा तकथैं। 24 हमरो उद्धार जौ आसा से भौ है लेकिन जो चीज की आसा करी जाथै, जब बौ देखन में आथै तौ फिर आसा रहिये कहां? काहेकि जो चीजन के कोई देखरो है बाकी आसा कहां करेगो? 25 पर जो चीज के हम देखतै नाय हैं, अगर बाकी आसा रखथैं तौ, धीरज से बाकी रहा तकथैं। 26 ऐसिये आत्मो हमरी कमजोरी में मदद करथै, काहेकि हम जानतै ना

हैं, कि प्रार्थना कैसे करके करना चाहिए; आत्मा खुद ऐसे आँह भर-भरके जो बखान करन से परे है, हमरे ताही मिनत करथै। 27 और मन के परखन बारो जानथै कि आत्मा की का मरजी है? काहैकि बौ पवित्र आदमिन के ताही परमेस्वर की इच्छा से बिनती करथै। 28 और हमउं जानथै, कि जो आदमी परमेस्वर से प्यार करथै, उनके ताही सबै बात मिलकै भलाइये पैदा करथै; मतलब उन्हीं के ताही जो बाकी इच्छा से बुलाए भै हैं। 29 काहैकि जिनकै बौ पहलिये से जान लई है उनके पहलिये से ठहराए भी दई है कि बाके लौडै हानी होमै जोसे बौ निरे भईयनौ मैं पहलोठो होबै। 30 फिरौकी जिनकै बौ पहलिये से ठहराए दई है, उनके मस्काई भी, और जिनकै मस्काइयो, उनके धर्मी ठहराई, और जिनकै धर्मी ठहराई, उनके महिमा भी दई है। 31 तौ जे बातन के बारे मैं का कहमै? अगर परमेस्वर हमरे घाँई है, तौ हमरो बिरोधी कौन हुई सकथै? 32 जो अपने खुद के बालक के नाय छोडी, लेकिन बौ ईसु के हम सबन के ताही सौप दई, तौ बाके संग हमकै और सबै कुछ काहे नाय देगो? 33 परमेस्वर के चुने भै के ऊपर कौन दोस लगाए पागो? परमेस्वर बौ है जो उनके धर्मी बनानबारो है! 34 फिर कौन है जो सजा की आग्या देगो? ईसु मसीह बौ है जो मर गौ बल्किन मे भो मैं से जिंदो भी हुई गौ, और परमेस्वर के दहने है, और हमरे ताही बिनितो करथै! 35 कौन है जो हमकै मसीह के प्यार से अलग कर सकथै? का कलेस, या मुसीबत, या संकट, या अकाल, या कंगाली, या उपद्र, या जोखिम, या तलवार या मौत? 36 जैसे कि साक्ष्य मैं लिखो है, “तुमरे खातिर हमै हर समय मौत को खतरा है; हमरे संग मरन बारी भेंड-बकरियन के जैसे बर्ताव करो जाएरौ है।” 37 नाय! इन सब चीजन मैं हमै बाके जरिया से पूरी जीत मिली है जो हमसे प्यार करी है! 38 काहैकि मोकै पक्को बिस्वास है, कि ना तौ मौत ना जिंदगी, ना स्वर्गदूत, ना हुई प्रधानताए, ना समय जो चल रहो है, ना आनबारो समय, ना सामर्थ्य, ना ऊँचो, 39 ना गहरो और ना सुस्ति, हमकै परमेस्वर के प्यार से, जो हमरे प्रभु ईसु मसीह मैं हैं, अलग कर पागो।

9 मैं मसीह मैं सच्ची कहथौ, और झूठ नाय बोलथौ और मेरो मन पवित्र आत्मा मैं गभाई देखै। 2 जब मैं कहथौ कि मेरो दुख कितनो बडो है, मेरे दिल मैं कितनो दर्द है 3 काहैकि मैं हियाँ तक चाहथौ, कि मेरे लोगन के ताही जो सरिर के हिसाब से तौ मेरे कुरमा टब्बर हैं, बे अपने आपै मसीह से स्थापित और न्यारे हुई जाते। 4 बे परमेस्वर के लोग इस्राएली हैं; बौ उन्हीं अपने बालका बनाई, और अपनी महिमा उनके ऊपर दिखाई; बौ उनके संग अपनी वाचा भौंटी और उन्हीं नियम दई; उनके पास सच्ची आराधना है; बे परमेस्वर की प्रतिग्यन के पाई हैं; 5 नामी इब्रानी पुरखा उन्हीं के हैं, मसीह सरिर के भाव से उन्हीं मैं से भौ। सबन के ऊपर परम परमेस्वर हमेसा-हमेसा धन्य होबै। आमीन। (aion g165) 6 लेकिन ऐसो ना है कि परमेस्वर को बचन टल गौ, तभईये कि जो इस्राएल के बंस हैं बे सब इस्राएली नाय हैं; 7 और ना अब्राहम के बंस होन के बजह से सबै बाके बालका भै, लेकिन लिखो है “इसहाक से तेरो बंस कहलाओ जागो।” 8 जाको मतलब सरिर से पैदा भै बालका परमेस्वर के बालका ना हैं; जाके बजाय, परमेस्वर के वादा के हिसाब से पैदा भै

बालका सच्चे बंसज माने जाथै। 9 परमेस्वर को वादा जे बचन से है: “मैं सई समय मैं दुबारा आंगो, और सारा को लौडा होगो।” 10 और जो काफी ना है; रिबका के दुई लौडन को बाबा एकै रहै, हमरे पुरखा इसहाक। 11 फिर भी, जासे पहले कि जुडवा बालका पैदा होमै या बे कछु अच्छो या बुरो करै, ताकी चुनन मैं परमेस्वर को उईस्य खडो हुई सकै: 12 काम से नाय, बल्किन बाके जरिये जो बुलाथै-बाके बताओ गौ रहै, “बडो छोटे कि सेवा करै।” 13 जैसो कि साक्ष्य मैं लिखो पडो है, “मैं याकूब से प्यार करो, पर एसाव के नफरत करत रहौ।” 14 तौ हम का कहमै? का परमेस्वर के हियाँ अधर्म और अन्याय है? कतई नाय। 15 काहैकि बौ मूसा से कहथै, “मैं जोके ऊपर दया करना चाहमौ बाके ऊपर दया करंगो, और जो कोई ऊपर किरपा करना चाहमौ, बहे ऊपर किरपा करंगो।” 16 तौ फिर, जो इंसान चाहथै और जो करथै बाके ऊपर कछु निर्भर नाय करथै, लेकिन खाली परमेस्वर कि दया के ऊपर निर्भर करथै। 17 काहैकि पवित्र साक्ष्य मिस्र के राजा फिरौन से कहो गौ, “मैं तोकै तभईये ठडबाओ हौ कि तेरे मैं हुईके अपनी सामर्थ्य दिखामौ, और मेरे नाओ को प्रचार पूरी दुनिया मैं होबै।” 18 तभईये परमेस्वर जोकै चाहथै बहे के ऊपर दया करथै, और जोकै चाहथै बाको मन कररो कर देथै। 19 अब तैं मोसे कहेगो, “बौ फिर से काहेकै इल्जाम लगाथै? कौन बाकी मरजी को सामना करथै?” 20 इंसान, तू भला कौन है जो परमेस्वर को सामना करथै? का गद्दी भइ कोई चीज गडनबारे से कह सकथै, “तैं मोकै ऐसो काहे बनाओ है?” 21 का कुम्हरा के मट्टी मैं अधिकार ना है कि एकै लोटा मैं से एक बर्तन आदर के ताही, और दुसरेन के अनादर के ताही बनाबै? 22 और परमेस्वर जो करी है बहे सच है; बौ अपने गुस्सा के दिखानो चात रहै, और अपनी ताकत को परिचय देनो चात रहै; लेकिन बौ बे लोगन के धीरज देन मैं भौतै धीरज रखत रहै, जो बाके गुस्सा होन कि चीज रहै, जो बिनास के ताही बरबाद रहै। 23 और बौ अपनी प्रचुर महिमा के दिखानो चात रहै, जोकै हमरे ऊपर डारो गौ रहै जो बाकी दया कि चीज है, हममै से जिनकै बौ अपनी महिमा पान के ताही तैयार करी है। 24 मतलब हमरे ऊपर जिनकै बौ नाय सिरफ गैर यहूदियन मैं से, बल्किन गैर यहूदिन मैं से मस्काई। 25 जैसे कि बौ होसे नाओ कि किताब मैं भी कहथै, जो मेरे लोग ना रहै, उनके मैं अपने लोग कहंगो, और जो लोगन से मैं प्यार नाय करथौ, उनके प्रिय कहंगो। 26 और, “ऐसो होगो कि जो जया मैं उनसे ऐसो कहो गौ रहै कि तुम मेरे लोग नाय हो, बहे जया बे जिंदे परमेस्वर के बालका कहे जांगो।” 27 और यसायाह भविष्यवक्ता इस्राएल देस के बारे मैं चिल्लाए के कही है, “चौहे इस्राएल के बालका की गिनती समुंदर के रेता के बराबर होबै, तहँओ उनमै से थोडी एक बचंगे। 28 काहैकि प्रभु अपने बचन दुनिया मैं जल्दिये पूरो करैगो।” 29 जैसे कि यसायाह भविष्यवक्ता पहले भी कही रहै, “अगर सेना को प्रभु हमरे ताही एकौ बंस नाय छोडतो, तौ हम सदोम के हानी हुई जाते, और अमोरा के हानी होते।” 30 अब हम का कहमै? कि गैर यहूदि जो धार्मिकता की खोज नाय करत रहै, धार्मिकता के लै लई, यानी की बौ धार्मिकता के जो बिस्वास से है; 31 लेकिन परमेस्वर के आदमी इस्राएली, जो धर्म के नियम की खोज

करत रहें बौ नियम तक नाय पुगे। 32 कौनके ताहीं? तभईये कि बे बिस्वास से नाय, लेकिन जैसे मानौ करमन से बाकी खोज करत रहें। और इसलै बे बौ ठोकर के “पथरा से ठोकर खाई” 33 जैसे कि साङ्ग मै लिखो है, “देखौ मै सिय्योन पहाड मै एक ठेस लगन को पथरा, और ठोकर खान की चट्टान रखथौ, और जो बाके ऊपर बिस्वास करैगो बौ कहु उदास नाय होगो।”

10 भईय्यौ और बहेनियौ, मेरे मन की इच्छा और मेरे लोगन के ताहीं परमेस्वर से मेरी प्रार्थना है, कि बे उद्धार पावैं! 2 का काहैकि मै उनकी गभाई देखौ कि बे परमेस्वर की धुन मै रहथैं, पर अकल के ताहीं नाय। 3 काहैकि बे परमेस्वर की धार्मिकता से अनजान हुईकै, और अपनी धार्मिकता बनान ताहीं खूबे कोसिस करकै, परमेस्वर की धार्मिकता के हवाले नाय भै। 4 काहैकि मसीह नियम कै खतम कर दई है, ताकी जो कोई बिस्वास करथै, बौ परमेस्वर के सामने धार्मिक ठहराओ जाथै। 5 काहैकि मूसा जौ लिखी है कि जो इंसान बौ धार्मिकता मै जो नियम से है चलथै, बौ बहे से जिंदो रहबैगो। 6 लेकिन जो धार्मिकता बिस्वास से है, बौ ऐसे कहथै, “तैं अपने मन मै जौ मत कहिये कि स्वर्ग मै कौन जागो?” मतलब मसीह कै उतार लान ताहीं! 7 या अधोलोक मै कौन आगो? मतलब कि ईसु मसीह कै मेरे भौ मै से जिंदो करकै ऊपर लान ताहीं। (Abyssos g12) 8 लेकिन बौ का कहथै? जौ कि “बचन तेरे झोने है, तेरे मोहों और मन मै है,” जौ बहे बिस्वास को बचन है, जोको हम प्रचार करथैं। 9 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन मै बिस्वास करकै कि परमेस्वर बाकै मेरे भैन मै से जिंदो करी है, तौ तू सच्ची मै उद्धार पायगो। 10 काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै। 11 पवित्र साङ्ग ऐसो कहथै कि, “जो भी चँहे जो होबै ईसु मै बिस्वास करैगो बौ कहु समिदा ना होगो।” 12 यहदियन और यूनानिन मै कछु भेद हईये नाय, तभई तौ बौ सबन को प्रभु है और अपने सब नाओं लेन बारेन के ताहीं इमानदार है। 13 जैसो कि पवित्र साङ्ग कहथै, “जो कोई भी मदत के ताहीं प्रभु कै पक़ारैगो, बौ बच जाबैगो।” 14 पर जोके ऊपर बिस्वास नाय करी, बे बाको नाओं काहैकै लेमै? और जोके बारे मै सुनिये नाय बाके ऊपर कैसे करकै बिस्वास करै? और प्रचार करन बारे के बिना कैसे सुनै? 15 और अगर भेजे ना जावैं, तौ कैसे प्रचार करै? जैसे कि साङ्ग कहथै, “उनकी टाँग कैसी सुहानी है, जो अच्छी बातन को सुसमाचार सुनाथैं।” 16 लेकिन जितने हैं सुसमाचार मै कान नाय लगाई: यसायाह भविष्यवक्ता कहथै, “प्रभु, कौन है जो हमरे समाचार मै बिस्वास करी है?” 17 अब बिस्वास सुनन से और सुननो मसीह ईसु के बचन से होथै। 18 लेकिन मै कहथौ, का बे नाय सुनी? सुनी तौ जरूरै है, काहैकि साङ्ग मै लिखो है, “उनकी अबाज पूरी पृथ्वी में, और बाके बचन दुनिया की छोर ले पुग गै हैं।” 19 मै फिर पूछथौ: का इस्त्राएल के लोग नाय समझथैं? पहले तौ मूसा भविष्यवक्ता कहथै, “मै उनसे जो जाति मेरी ना है, तुमरे मन मै जलन भरंगो; और मूर्खन के देस के जरिये मै मूढ़ी लोगन से तुमकै

खिजरबांगो।” 20 फिरौकी यसायाह भविष्यवक्ता खूब हिम्मत दैकै कहथै, “जो मोकै ना ढूँडत रहैं, बे मोकै पायलाई; और जो मोकै पूँछत तक नाय रहैं, उनके ऊपर मै दिखाई दौ।” 21 लेकिन इस्त्राएल के बारे मै बौ ऐसो कहथै, “मै अपनो हात पूरे दिन एक आग्या ना मानन बारी और बहस करन बारे लोगन के चाँई फैलाय रखाओ।”

11 मै पूछथौ, तौ: का परमेस्वर अपने लोगन कै ना अपनाई? कतईये नाया मै खुद एक इस्त्राएल हौं अब्राहम को बंस और बिन्यामीन के बंस को एक सदस्य हौं। 2 परमेस्वर अपने लोगन कै नाय छोड़ी है, जोकै बौ पहलिये से चुनी। तुम जानथै कि पवित्र साङ्ग एलिय्याह भविष्यवक्ता के बारे मै का कहथै, जितै बौ इस्त्राएल के बिरोध मै परमेस्वर से प्रार्थना करी: 3 “हे प्रभु, बे तेरे भविष्यवक्तान के मार डारी हैं और तेरी बेदियन के गिराय दई हैं; मै सिरफ़ एकै बचो हौं, और बे मेरी ज्यान लेन की कोसिस करै हैं।” 4 परमेस्वर बाकै का जबाब दई? “मै अपने ताहीं सात हजार आदमियन को खयाल लौ हौं जो झुठे बाल देवतन की पूजा नाय करी हैं।” 5 जौ अब बहे तरह है: बे लोगन की एक छोटी संख्या बची है जिनकै परमेस्वर उनके अनुग्रह और किरपा के कारड चुनी है। 6 उनकी पसंद अनुग्रह मै आधारित है, बे जो करी हैं बाँमे नाय। अगर परमेस्वर की पसंद मै लोग का करथै, जाके आधार मै, तौ उनकी किरपा सच्ची की किरपा नाय होगी। 7 तौ का? इस्त्राएली लोग जोकै ढूँडत रहैं, बौ उनके नाय मिलो, जौ एक छोटी झुंड रहैं जोकै परमेस्वर चुनी, जो जाकै पाई; बाकी परमेस्वर के बुलान मै बेहरा हुई। 8 जैसे कि साङ्ग मै लिखो है, “परमेस्वर उनके मन और दिलन के मंद बनाये दई; जौ दिन बे देख और सुन नाय सकथैं।” 9 और राजा दाऊद कहथै, “उनको खानु उनके ताहीं जार है; बे गिर सकथैं, उनके सजा दौ जाए सकथै! 10 उनकी आँखिन के अंधो कर दौ जाबै ताकी बे देखिये नाय पावैं; और तैं हमेसा उनके परेसानी के ताहीं नीचे झुकाए रखबै।” 11 मै पूँछथौ, तौ: जब यहदि लडखडाय गै, तौ का बे अपने खंडर मै गिर गै? कैसियौ नाय! बे पाप करी, गैर यहदि लोगन के ताहीं उद्धार आओ है, तही के मारे यहदियन के उनसे जलन होथै। 12 यहदियन को पाप दुनिया के खूब आर्सिवाद दई, और उनकी आध्यात्मिक गरीबी गैर यहदियन के खूब आर्सिवाद दई। फिरौकी, यहदियन की पूरी संख्या मै सामिल होन से आर्सिवाद किनो बडो होगो! 13 गैर यहदियौ मै तुमसे अब बात कर रहो हौं: जबले मै गैर यहदियन के ताहीं प्रेरित हौं, मै अपने सेवा के बडौं के काम मै गरब करंगो। 14 सायद मै अपनी जाति के लोगन के अंदर जलन पैदा कर सकथौ, और तभई उनमै से कुछन के बचान मै काबिल हौं। 15 जब उनके नाय अपनाओ गौ, तौ दुनिया के सबै लोग परमेस्वर के दुस्मन से दोस्त मै बदल गै। तौ का होगो जब उनके अपनाय लौ जागो। जौ मेरे भैन के ताहीं जिंदगी होगी! 16 अगर पवित्र रोटी को पहलो टुकड़ा परमेस्वर के दौ जाथै, तौ पूरी पवित्र रोटी बहे की है; और अगर रखन की जडै परमेस्वर के चढाई जाथै, तौ हँगईय्यो बहे की हैं। 17 खेती करी भइ जैतून के पेंड की एकाद हँगईय्या के तोड दौ गौ है, और बन के जैतून के जड की एक हँगईय्या जावै मिल गई है। तुम गैर यहदि जंगली जैतून के पेंड के हानी हैं, और अब तुम यहदियन

के भागीदार थे। 18 तौ तुमकै बे लोगन से नफरत नाय करनो चाहिए जो डंघईयन के जैसी टूट गै रहैं। तुम कैसे घमंड कर सकथौ? तुम सिर्फ एक डंघा हो; तुम जडन के नाय पकड़े हो पर जडै तुमके पकड़े हैं। 19 पर तैं कहबैगो, “हाँ, पर मेरे ताहीं जघा बाना के ताहीं हँगाईयन के तोड़ दौ गौ रहैं।” 20 सई है, बिस्वास ना होन की बजह से बे टूट गै; जब तुम जघा में बने रहथौ काहैकि तुम बिस्वास करथौ। लेकिन तैं घमंडी मत बनै, पर जाके बजाय डर मान। 21 परमेस्वर यहूदियन के नाय छोड़ी, जो प्राकृतिक डंघईयन के हानी हैं; का तोकै लगथै कि बौ तोए छोड़ देगो? 22 हीना हम देखथैं कि परमेस्वर किते दयालु और गंभीर हैं। बौ बे लोगन के ताहीं गंभीर है जो गिर गै हैं लेकिन तुमरे ऊपर दया करथै अगर तुम बाकी दयालुता बनाये रखाथौ तौ। लेकिन अगर तुम नाय करथौ, तौ तुम्हें टूट जागो। 23 और अगर यहूद उनके अविस्वास के छोड़ दई, उनके फिरौकी से बहे जघा रखो जागो जिते बे रहैं; काहैकि परमेस्वर ऐसो करन के काबिल है। 24 तुम गैर यहूदियौ एक जंगली जैतून के पेंड की डंघईयन के जैसी होथौ जो टूट जाथै और फिरौकी, प्रकृति से हटके, एक खेती जैतून के रखा में मिलगो है। यहूद जो खेती के रखा के जैसी हैं; और परमेस्वर के ताहीं जे टूटी-फूटी डंघईयन के फिरसे अपने रखा के संग जोडन के ताहीं सरल हई जागो। 25 भईय्यौ और बहेनियौ, एक लुकी भइ सच्चाई है, जोमैं तुमकै बतावो चाहथौ, ऐसो है जो तुमकै ऐसो करके सोचन से बचागो कि तुम किते ग्यानवान हो। ऐसो है कि इस्त्राएल देस के लोगन की जिद टिकी भइ नाय है, पर इनकी जिद तौले चलैगी जबले गैर यहूद की पूरी संख्या परमेस्वर के झोने ना आए जाबै। 26 और ऐसो करके पूरो इस्त्राएल के बचाओ जागो। जैसे कि साङ्ग मैं लिखो है, “उद्धारकर्ता सिय्योन पहाड़ से आगो, और याकूब के बंसज से बुरी बात दूर करैगो। 27 और उनके संग मेरो जहे वाचा होगो, जब खिन मैं उनके पापन के दूर कर दोगो।” 28 काहैकि बे सुसमाचार के नकारथैं, यहूद तुम में गैर यहूद ताहीं परमेस्वर के दुस्मी हैं। लेकिन परमेस्वर के चुनन के बजह से, बे अपने परखन के बजह से प्रिय हैं। 29 परमेस्वर अपनो मन नाय बदलथै, जोकै बौ चुनथै और आर्सिवाद को उपहार देथै। 30 जैसी की तुम गैर यहूदियन के ताहीं, तुम पहले परमेस्वर की आग्या नाय माने रहौ; लेकिन हबै उनके आग्या नाय मानन से तुमरे ऊपर दया भइ। 31 बैसिये दया की बजह से जो तुमकै मिलो है, यहूद अब परमेस्वर की आग्या ना मानथैं, ताकी अब बेऊँ परमेस्वर की दया पाय सकैं। 32 परमेस्वर सबन के आग्या नाय मानन के बजह से भाँद लई है, ताकी बौ सबन के ऊपर दया करै। (eleese g1653) 33 परमेस्वर को धन कितो महान है! बाकी बुद्धि और ग्यान कैसो गहरो है! बाके फैसलन को बखान कौन कर सकथै? बाके तरीका कौन समझ सकथै? 34 जैसे कि साङ्ग मैं लिखो है: “प्रभु के मन के कौन जानथै? कौन बाके सलाह देन में काबिल है? 35 कौन बाके कह कछु दई है, ताकी बाके बापस भुगतान करन पड़े?” 36 काहैकि बहे के घाँई से, और बहे से, और बहे के ताहीं सब कछु है। सच में बाकी महिमा हमेसा-हमेसा होत रहबै! आमीन। (aiōn g165)

12 तभईये, भईय्यौ और बहेनियौ, मैं तुमसे परमेस्वर की दया याद करबाय के नहोरे करथौ कि अपने सरिर के जिंदो, और पवित्र, और परमेस्वर के मन से लगन बारो बलिदान करके चढ़ाबौ। जहे तुमरी आत्मिक सेवा है। 2 जो युग के जैसे मत बनौ; लेकिन तुमरे मन के नये हई जान से तुमरो चालचलनौ बदलत जाबै, जोसे तुम परमेस्वर के अच्छी, और बाकै भान बारी, और परख की सिद्धि इच्छा अनुभव से मालुम करत रहबौ। (aiōn g165) 3 काहैकि मैं बहे अनुग्रह के बजह से जो मोकै मिलो है, तुम जितने हो सबन से कहथौ, कि जैसो समझनो चाहिए, बासे जाधे कोई अपने आपकै नाय समझै; जाके अलावा अपनी सोच में विनम्र बनौ, लेकिन जैसे परमेस्वर सबन के बिस्वास से नाप तौल से बाँट दई है, बैसिये सई बुद्धि के संग अपने आपकै आँकै। 4 जैसे हमरे सरिर में भीत से अंग हैं, और सब अंगन को एक सो काम नाय है। 5 बैसिये हमउँ निरै हैं, मसीह में एक सरिर हईके आपस में एक सरिर के अलग-अलग अंग हैं। 6 इसलै हम अपने अलग-अलग उपहार को इस्तमाल बौ अनुग्रह के हिसाब से करथैं, जो परमेस्वर हमकै दई है; अगर हमरो उपहार परमेस्वर के संदेस के बोलनो है, तौ हमकै बौ बिस्वास के हिसाब से करनो चाहिए जो हमरे पास है; 7 अगर सेवा करन को दान मिलो है, तौ बौ सेवा करत रहबै, अगर कोई सिखान बारो है, तौ सिखातै रहबै; 8 जो हौसला देथै, बे हौसला देत रहमैं; और दान देनबारे इच्छा से देंमैं, जो अगुवाई करै, बौ कड़ी मेहनत से करै, जो कोई दया दिखाथै, बौ खुसी से दया दिखाबै। 9 प्यार पूरी तरह से इमानदारी से होने चाहिए, जो बुराई है बासे नफरत करौ, जो अच्छो है बाकै पकड़ौ। 10 एक दुसरे से मसीह भईय्यौ और बहेनियन के हानी प्यार करै; एक दुसरे को आदर करन में एक दुसरे से बढत चले जाबौ। 11 कड़ी मेहनत करै और आलसी ना बनै; आत्मिक धुन और हौसला से भरे रहबौ प्रभु की सेवा करत रहबौ। 12 आसा मैं खुस रहबौ; कलेस मैं टिके रहबौ; प्रार्थना हमेसा करत रहबौ। 13 परमेस्वर के पवित्र लोगन के जो-जो चीजन की जरूरत होबै, बाँमै उन सबन की मदत करौ; खातिरदारी करत रहबौ। 14 अपने सतान बारन के आसीस देबौ; हौँ, आसीस देबौ बददुआ मत देबौ। 15 खुसी मनान बारन के संग खुसी मनावौ, और रोन बारन के संग रोबौ। 16 आपस में एकै सो मन और सोच रखाबौ; घमंडी मत होबौ, लेकिन गरीबन के संग भी संगती रखन को मन रखौ; खुद की नजर में ग्यानी मत बनौ। 17 बुराई के बदला मैं बुराई मत करौ; जो-जो बात सबन के ताहीं भली हैं, उनकी चिंता करौ। 18 जितो हई सकै, तुम सब आदमिन के संग मेल करके रहबौ। 19 मेरे प्रिय भईय्यौ, बहेनियौ, बदला मत लियो, लेकिन परमेस्वर के गुस्सा के मौका देबौ, काहैकि साङ्ग मैं लिखो है, “बदला लेनो मेरो काम है, प्रभु कहथै महीं बदला लेंगो।” 20 लेकिन “अगर तेरो बैरी भूँको होबै तौ बाकै खानु खबा, और अगर प्यासो होबै तौ बाकै पानी पिबा; काहैकि ऐसो करन से तू बाकी मुडिया मैं आगी के अंगरन की ढेरी लगागो।” 21 बुराई से मत हारियो, पर भले काम करके बुराई के जीत लियो।

13 सबै आदमी अपने आप सासकीय अधिकारियन के सुपंत रहमैं, काहैकि कोई को अधिकार ऐसो हईये नाय जो परमेस्वर

के चाँई से ना होबै; और जो अधिकार हैं, बे परमेस्वर के बनाये भे हैं। 2 तभईये जो भी कोई अधिकार को बिरोध करथै, बौ परमेस्वर के नियम को सामना करथै, और सामना करन बारे सजा पायंगे। 3 पर सासक अच्छे काम के ताहीं नाय, पर बुरे काम के ताहीं डर को कारड हैं; अगर तुम अधिकारिन से डरानो नाय चाहथौ तौ अच्छे काम करौ। और जो ताहीं है बहे करौ, तौ बे तुमरी बडाँई करंगे, 4 काहैकि बौ तेरी भलाई ताहीं परमेस्वर को सेवा करन बारो है। लेकिन अगर तैं बुरे काम करथै तौ-तौ डरा, काहैकि बे तलवार खालिमूलि में नाय लै हैं; और परमेस्वर की सेवा करन बारे सेवक हैं कि बाके गुस्सा से बुरे काम करन बारन कै सजा देबै। 5 तभईये अधिकारिन के सुपुर्त में रहनो नाय सिरफ बाके गुस्सा के डर से जरूरी है, बल्किन विवेक भी जहे गभाई देथै। 6 तभईये चुंगी भी देबौ काहैकि सासन करन बारे परमेस्वर की सेवा करन बारे हैं और हमेसा जहे काम करत रहथैं। 7 जहे बजह से उनको कर्तव्य उनके दे करौ; जौके चुंगी चहाईये बाकै, चुंगी देबौ; जोसे डरानो चहाईये, बासे डराबौ; जोको आदर करनो चहाईये, बाको आदर करौ। 8 आपस के प्यार के छोड़ और कोई सी बात में कोई के कर्जदार मत हइयो; काहैकि जो दूसरेन से प्यार करथै, बहे नियम के मानी है। 9 काहैकि “व्यभिचार मत करियो, हत्या मत करियो, चोरी मत करियो, लालचौ मत करियो,” और इनके छोड़के औरौ कोई सी आग्या होबै तौ जौ पूरे को तोड़ जौ बात में मिलथै, कि “अपने पड़ोसियन से अपनेई हानी प्यार करियो।” 10 प्यारै है जो पड़ोसियन की कुछ बुराई नाय करथै, तभईये प्यार रखनो तौ नियम के माननो है। 11 समय के देखभार कै एसिये करौ, तभई कि अब तुमरे ताहीं नींद से जगन की बेरा आए गई है; काहैकि जो घड़ी हम बिस्वास करे रहैं, बौ समय की सोच से अब आपन को उद्धार झोने है। 12 रात बीतन बारी है, और दिन निकरन बारो है; तभई हम अधियारे के कामन कै छोड़के उज्जीतो के हथियार भौंद लैमैं। 13 जो-जो दिन जैसे-जैसे सोभा देथैं, बैसिये हम सई ढंग से चलैं, ना कि मौज मस्ती और पीन-पान में, ना व्यभिचार, और ना घटिया काम करन में, और लडाई और नफरत से दूर रहमैं। 14 बल्किन प्रभु ईसु मसीह के पहन लेबौ, और सरिर की इच्छन कै पूरो करन को मत सोचौ।

14 जो बिस्वास में कमजोर हैं, उनके अपने अच्छे विवेक के चाल-चलन में मिलाए लेबौ, लेकिन उनकी राय में बहस करन के ताहीं नाय। 2 कोई कै बिस्वास है कि सब कुछ खानो सई है, लेकिन जो बिस्वास में कमजोर हैं सागपात खाथैं। 3 सब कुछ खान बारो ना खान बारे के ऊपर दोस लगान को फैसला ना करे और ना खान बारो सब कुछ खान बारे के ऊपर दोस ना लगाबै; काहैकि परमेस्वर बाकै अपनाय लई है। 4 तू कौन है जो दूसरेन की सेवा करन बारेन के ऊपर दोस लगाथै? बाको बनो रहनो या गिर जानो बाके मालिक से रिस्ता रखथै; बल्किन बौ एकै जघा कर दौ जागो; काहैकि न्याई प्रभु बाकै टिकाय सकथै। 5 कोई तौ एक दिन के दूसरे दिन से बढ़के मानथै और कोई तौ सबे दिनन के एक जैसो मानथै। सबे अपने-अपने दिमाक में का बिस्वास करने हैं बाकै जानन ताहीं फैसला करनो जरूरी है। 6 जो, जे दिन कै मानथैं; बौ प्रभु के ताहीं

मानथैं। जो मन से खाथैं, बे प्रभु के ताहीं खाथैं, काहैकि बे परमेस्वर को धन्यवाद करथैं, और जो नाय खाथैं बेऊँ प्रभु के ताहीं नाय खाथैं और परमेस्वर को धन्यवाद करथैं। 7 काहैकि हममें से ना तौ कोई अपने ताहीं जीथै और ना कोई अपने ताहीं मरथै। 8 अगर हम जिंदे हैं तौ प्रभु के ताहीं जिंदे हैं; और अगर मरथैं तौ, प्रभु के ताहीं मरथैं; अब चाँहे हम मरें या जर्मिं प्रभुए के हैं। 9 काहैकि मसीह तभई मरो और जिंदो भी भौ कि बौ मरे भैन और जिंदेन दोनो को प्रभु होबै। 10 फिर तुम, जो खाली साग सब्जी खाथैं, तुम दूसरेन के ताहीं फैसला काहे सुनाथौ? और तुम जो कुछ भी खाथौ, तुम दूसरे बिस्वासी भईय्यन को तिरस्कार काहैके करथौ? हम सब परमेस्वर के सामने खड़े होंगे कि बाके जरिये न्याय करो जाबै। 11 काहैकि साझ मैं लिखो है, प्रभु कहथै, “जैसे मैं हमेसा से जिंदो परमेस्वर हौं, सबे मेरे अगु प्यूटे टेक देंगे, और सबन की जीब परमेस्वर को अंगीकार करैगी कि महीं परमेस्वर हौं।” 12 तभईये हम सबन में से सबे परमेस्वर के अपनो-अपनो हिसाब देमंगे। 13 अब हम एक दूसरे के ऊपर दोस ना लगामैं, लेकिन तुम जौ ठान लेबौ कि खुद से कहूँ ऐसो करन को फैसला नाय करनो चाहिए, जोसे दूसरे भईय्यन कै ठोकर लगे या बे पाप में गिरैं। 14 मैं जानथौँ और प्रभु ईसु को चेला होन के नाते मेरो बिस्वास है कि कोई चीज अपने आप से असुद्ध ना है, लेकिन जो बाकै असुद्ध समझथै बाके ताहीं असुद्ध है। 15 अगर तुमरे कोई चीज के खान से तुम दूसरे भईय्यन कै ठेस पहाँचाथौ, तौ तुम प्यार से नाय चलथौ। अगर कोई कै बुरो लगथै तौ बौ चीज खान कै मत देबौ नाय तौ तुम बौ आदमी कै बरबाद करथौ, जोकै ताहीं ईसु मसीह मर गौ रहै। 16 अब जो तुमरे ताहीं भलो है बाकी बुराई मत करौ। 17 काहैकि परमेस्वर को राज्य खान-पीन को ना है, लेकिन धर्म और मेल-मिलाप और बौ खुसी सांति को है जो पवित्र आत्मा से मिलथै। 18 जो ऐसे करके मसीह ईसु की सेवा करथै बौ परमेस्वर कै भाथै और ईसानन के बीच में अपनाओ जाथै। 19 इसलै हम उन बातन में लगे रहमैं, जोसे सांति कै बढ़ावा मिलथै और जिनके जरिये हम एक-दूसरे को निर्माड कर सकैं। 20 खान-पीन के ताहीं परमेस्वर को काम मत बिगाडै। सब कुछ सुद्ध तौ है, लेकिन ऐसो कुछ नाय खानो चाहिए जो कोई और कै पाप में डार देबै। 21 ठीक तौ जौ है कि तू ना तौ सिकार खा और ना दाखरस पी, और नाय कुछ ऐसो कर जोसे तेरो भईय्या और बहेनिया ठोकर खाबै। 22 तेरो जो बिस्वास होबै, बाकै परमेस्वर के अगु अपनेई मन में धर। धन्य है बौ जो बौ बात में, जौके बौ सई समझथै, और बाके परखे जाने में गलत ना बताथै। 23 पर जो संका करके खाथै, बौ सजा देन ताहीं हुई चुको, काहैकि बौ बिस्वास से नाय खाथै; और जो कुछ बिस्वास से नाय है, बौ पाप है।

15 हम जो बिस्वास में मजबूत हैं उनके अपनो बोझ दोन के ताहीं मदत करनो चाहिए। हमें खुदके खुस नाय करनो चाहिए। 2 जाके अलावा हम सब भईय्या और बहेनियन कै बिस्वास में बढ़ान के ताहीं उनकी भलाई के लै दूसरे बिस्वासियन कै खुस करनो चाहिए। 3 काहैकि मसीह महिमा के ताहीं खुस नाय करी, जाके बजाय, जैसो साझ मैं लिखो है: “जो अनादर तेरो भौ है, बौ मेरे ऊपर भौ है।” 4

साक्ष में लिखी हर बात हमें पढ़ान के ताही लिखी गई है, कि आदेस करन ताही यरूसलेम नगर के जाथौ। 26 काहेकि मकिदुनिया और मैं हम धीरज और प्रोत्साहन के जरिया से आसा कर सकयौं जो साक्ष अखाया कलीसिया के आदमिन के अच्छे लगे, कि यरूसलेम नगर हमें देखे। 5 और परमेस्वर धीरज और प्रोत्साहन के देन बारो है, ईस के परमेस्वर के पवित्र लोगन के कंगालन की सहभागिता में कुछ मसीह के उदाहरड के अपनाय के आपस मैं एक जैसी सोच के चन्दा दें। 27 बे अपने मन से जौ करी; पर बे उनके कर्जदार भी हैं, काहेकि अगर गैर यहूदि उनकी आत्मिक बातन में मिले थे हैं, तौ उन्हऊँ के ताही सई है, कि सरिर की बातन में उनकी सेवा करें। 28 तभईये जौ छाप और काम मैं पूरे करके और उनको जौ चन्दा दें के लिखौ, जैसे मसीह भी तुमके अपनाई है। 8 काहेकि मैं तुमसे कहथौं, कि परमेस्वर की सच्चाई के घाँई से मसीह यहूदिन को सेवक बने, तुमरे घाँई से होत भौ स्पेन के चलो जांगो। 29 और मैं जानथौं, कि कि पुरखन से करे गे वादा के पूरे करो जाबै, जब मैं तुमरे झोने आंगो, तौ मसीह की पूरी आसीस के संग आंगो। 9 और गैर यहूदिन के 30 और भईय्यो और बहेनियो, मैं ईस मसीह के जो हमरो प्रभु है और भी बाकी दया के ताही परमेस्वर की महिमा करन के काबिल बनाने पवित्र आत्मा के प्यार के याद दिबाए के, तुमसे नहारे करथौं: कि मेरे है। जैसी कि साक्षन मैं लिखो है: “तभईये मैं गैर यहूदिन मैं तुमरी ताहीं परमेस्वर से प्रार्थना करन मैं मेरे संग मिलके डटे रहाबौ। 31 बड़ाई करंगो; और तेरे नाओ को गीत गांगो।” 10 फिर से कही है, प्रार्थना करें कि मैं यहूदिना देस के अविस्वासियन से बचो रहामौ, “गैर यहूदियो, परमेस्वर के संग खुसी मनाबौ।” 11 और फिर “गैर और मेरी बौ सेवा जो यरूसलेम के ताही है, पवित्र आदमी अपनाय यहूदियो, प्रभु की स्तुति करौ; सब जनी बाकी प्रसंसा करौ!” 12 लेमैं। 32 और मैं परमेस्वर की इच्छा से तुमरे झोने खुसी से आयवैके और फिरौकी यसायाह भविष्यवक्तौ कहथै, “यिसे के घराने की तुमरे झोने सस्तामौ। 33 सांति को परमेस्वर सच्ची मैं तुम सबन के जड दिखाई देबेगी, और गैर यहूदिन को सासन होन के ताही एक संग रहबै। आमीन।

13 परमेस्वर जो आसा को देन बारो है तुमके बिस्वास करन मैं सब हानी खुसी और सांति से भरे, कि पवित्र आत्मा की सामर्थ्य से तुमरी आसा बढत चली जाबै। 14 मेरे भईय्यो और बहेनियो; मैं पक्को बिस्वास है कि तुम लोग भलाई से भरे हो, और तुमरियो पास ग्यान है, और तुम एक दुसरे के सिखान ताही समझाए सकथौ। 15 तहँओ मैं कह-कभार याद दिबान ताही तुमके जौ खूबे हिम्मत करके लिखो हौं, जौ बौ अनुग्रह के कारड भौ, जो परमेस्वर मौके सामर्थ्य दई है। 16 कि मैं गैर यहूदि के ताही मसीह ईसु को सेवक हुईके परमेस्वर के सुसमाचार की सेवा पुजारी के हानी करौ; कि गैर यहूदि पवित्र आत्मा के जरिये बाँके समर्पित करी गई भेंट होयें, जो परमेस्वर के भाँति है। 17 तभईये बे बातन के बारे मैं जो परमेस्वर से जुडी हैं, मैं मसीह ईसु मैं बड़ाई कर सकथौ। 18 मैं निडर रहंगो और खाली बाके बारे मैं बोलंगो जो मसीह परमेस्वर के हुकम को पालन करन के ताही गैर यहूदिन के अगुवाई मैं करी है। मसीह सब्दन और करमन के जरिये ऐसो करी है, 19 और चिन्ह, अचम्मे कामन से और परमेस्वर के आत्मा के सामर्थ्य से पूरे करे गे हैं। हियाँ तक मैं यरूसलेम से लैके सबे घाँई इल्लुरिकुम तक मसीह के सुसमाचार के पूरे फैलाओ। 20 पर मेरो मन जौ है, कि जितै-जितै मसीह को नाओ नाय लौ गौ, हँई सुसमाचार सुनामौ; ऐसो ना होबै, कि दुसरेन की बुनियाद मैं घर बनामौ। 21 लेकिन जैसो साक्ष मैं लिखो है: “जोके बारे मैं नाय बताओ गौ रहै, बे देखंगे, और जो नाय सुनी बेई समझंगे।” 22 और तभईये मोँके निरे दाँव तुमरे झोने आन से रोक रखाई रहै। 23 लेकिन अब जे देसन मैं मेरे काम के ताही जघा ना रइ, और निरे सालन से मेरो तुमरे झोने आन को मन रहै, 24 और बौ अभई करन कि आसा रखथौ। तभईये जब मैं स्पेन देस जांगो तौ तुमरे झोने होत भौ जांगो, काहेकि मोँके आसा है कि सफर मैं तुमसे भेंटा करंगे, और जब तुमरी संगती से थोडी सो मेरी इच्छा भर जागी, तौ तुम्हई मोँके थोडी दूर अगु पुनार दियो। 25 लेकिन हबै तौ पवित्र आदमिन की सेवा

करन ताही यरूसलेम नगर के जाथौ। 26 काहेकि मकिदुनिया और अखाया कलीसिया के आदमिन के अच्छे लगे, कि यरूसलेम नगर के परमेस्वर के पवित्र लोगन के कंगालन की सहभागिता में कुछ चन्दा दें। 27 बे अपने मन से जौ करी; पर बे उनके कर्जदार भी हैं, काहेकि अगर गैर यहूदि उनकी आत्मिक बातन में मिले थे हैं, तौ उन्हऊँ के ताही सई है, कि सरिर की बातन में उनकी सेवा करें। 28 तभईये जौ छाप और काम मैं पूरे करके और उनको जौ चन्दा दें के लिखौ, जैसे मसीह भी तुमके अपनाई है। 8 काहेकि मैं तुमसे कहथौं, कि परमेस्वर की सच्चाई के घाँई से मसीह यहूदिन को सेवक बने, तुमरे घाँई से होत भौ स्पेन के चलो जांगो। 29 और मैं जानथौं, कि कि पुरखन से करे गे वादा के पूरे करो जाबै, जब मैं तुमरे झोने आंगो, तौ मसीह की पूरी आसीस के संग आंगो। 9 और गैर यहूदिन के 30 और भईय्यो और बहेनियो, मैं ईस मसीह के जो हमरो प्रभु है और भी बाकी दया के ताही परमेस्वर की महिमा करन के काबिल बनाने पवित्र आत्मा के प्यार के याद दिबाए के, तुमसे नहारे करथौं: कि मेरे ताहीं परमेस्वर से प्रार्थना करन मैं मेरे संग मिलके डटे रहाबौ। 31 प्रार्थना करें कि मैं यहूदिना देस के अविस्वासियन से बचो रहामौ, और मेरी बौ सेवा जो यरूसलेम के ताही है, पवित्र आदमी अपनाय लेमैं। 32 और मैं परमेस्वर की इच्छा से तुमरे झोने खुसी से आयवैके तुमरे झोने सस्तामौ। 33 सांति को परमेस्वर सच्ची मैं तुम सबन के संग रहबै। आमीन।

16 मैं तुमके हमरी बहेनिया फीबे के सौपथौं, जो किखिया मैं कलीसिया की सेवकी है। 2 जैसी तुम पवित्र आदमिन के अपनाथौ, बैसिये प्रभु मैं बाँके अपनाबौ; और जो-जो बात मैं बाँके तुमरी जरूरत होबै, बाकी मदत करौ, काहेकि बहो निरन की बल्किन मेरियो मदत करी रहै। 3 प्रिस्क्लिला और अक्विला के जो ईसु मसीह मैं मेरे संग काम करन बारो हैं, नमस्ते। 4 बे मेरे ताही अपनी ज्यान के खतरा मैं डारथैं, मैं उनको बडा एहसान मंद हौं, और नाय सिरफ मही, बल्किन गैर यहूदि की सबे कलीसियो उनको धन्यवाद करथैं। 5 और बहो कलीसिया के नमस्ते जो उनके घर मैं बनी हैं। मेरे प्रिय दिलबर इपेनितुस (इफिसस) के जो मसीह के ताही आसिया को पहलो फल है, नमस्ते। 6 मरियम के जो तुमरे ताही खुबे मेहनत करी, नमस्ते। 7 अन्टूनीकुस और यूनियास के जो मेरे हितुआ-नातेदार हैं, और मेरे संग कैदखाना में गे रहै, प्रेरित होन मैं खुब नाओ बारो हैं, और मोसे पहले मसीह बन गे रहैं, उनके नमस्ते। 8 अम्पलियातुस के, जो प्रभु मैं मेरो प्रिय है, नमस्ते। 9 उरबानुस के, जो मसीह मैं हमरे संग कामन मैं चलन बारो हैं, और मेरो प्रिय इस्तखुस के नमस्ते। 10 अपिल्लेस जो मसीह मैं खरो निकरो, उनको नमस्ते, बे लोगन के नमस्ते जो एरिस्टोबुलस के परिवार से सम्बन्धित हैं। 11 मेरे संग के यहूदि हेरोदियोन के नमस्ते। नरकिस्सुस के घराने के जो लोग प्रभु मैं हैं, उन्हऊँ के नमस्ते। 12 बहेनिया तुस्फेना और बहेनिया तुस्फोसा के जो प्रभु मैं मेहनत करथैं, नमस्ते। प्रिय पिरसिस के जो प्रभु मैं खुब मेहनत करी, नमस्ते। 13 स्फुस के जो प्रभु मैं चुनो भौ है, और बाकी आईय्या के भी नमस्ते, जो हमेसा मोँके अपनो बेटा हानी मानी। 14 असुक्रितुस और फिलगोन और हर्मास, पतस्बास, हिरमेस और उनके संग के दुसरे मसीह भईय्या और बहेनियन के नमस्ते। 15 फिल्लुगुस और यूलिया और मेरेउस और बाकी बहेनिया, और उलुपास और उनके संग के सब परमेस्वर के पवित्र लोगन के नमस्ते। 16 आपस मैं पवित्र चुम्मी से नमस्ते

करौ: तुम्हऊँ कै मसीह की पूरी कलीसियन की तरफ से नमस्ते। 17 अब मेरे भईय्यो और बहेनियो; मैं तुमसे नहोरे करथौँ, कि तुम बे आदमिन से सावधान रहाबौ, जो फूट डारथैं और दूसरेन के ताहीं पाप को बजह बनथैं। ऐसो व्यवहार बौ सिक्छा से मेल ना खाथैं, जो तुमकै मिली है, तुम ऐसे लोगन से दूर रहबौ। 18 काहेंकि ऐसे आदमी हमरे प्रभु मसीह कि नाय, लेकिन अपने पेट की सेवा करथैं; और चिकनी चुपड़ी बातन से सीधे-सादे मन बारे लोगन कै बहकाये देथैं। 19 सबै तुमरे सुसमाचार की इमानदारी के बारे मैं सुन लई हैं, जौ मेरे ताहीं खुसी की बात है, तहुँओ मेरी जहे इच्छा है कि तुम भलाई के ताहीं अकलदार और बुराई के ताहीं भोले बने रहबौ। 20 सांति को परमेस्वर जल्दियै सैतान कै तुमरी टाँग के तेरे कुचल देगो, हमरे प्रभु ईसु मसीह की दया तुमरे ऊपर बनी रहबै। 21 मेरे संगी तीमुथियुस को और मेरे साथी यहूदि लुकियुस, यासोन और सोसिपतस्स को तुमकै नमस्ते। 22 जौ लेख को लिखन बारो, तिरतियुस को तुमकै प्रभु मैं नमस्ते। 23 गयुस को, जोके हियौँ मैं हितुआ हौँ और जोके घर मैं कलीसिया के लोग आराधना करथैं, तुम्हऊँ कै नमस्ते। सहर के कोसाध्यक्छ एरास्तुस और हमरे भईय्या क्वार्टुस को तुमकै नमस्ते। 24 हमरे प्रभु ईसु मसीह को अनुग्रह तुमरे ऊपर हमेसा रहबै आमीन। 25 अब जो तुमकै मेरे सुसमाचार मतलब ईसु मसीह के बारे मैं उपदेस के अनुसार निठाठौर कर सकथैं, बौ भेद के उजियारे के अनुसार जो अनंत से लुको रहो। इसलै आबौ आपन परमेस्वर कि महिमा करै! (aiōnios g166) 26 लेकिन अब दिखाई दौ है कि अनंत परमेस्वर की आग्या से भविष्यवत्तन के साम्न के जरिया सब जाति कै बताओ गौ है, कि बे बिस्वास से आग्या मानन बारे हुई जाँमै। (aiōnios g166) 27 बहे इकल्लो परमेस्वर जो बुद्धिमान है, की ईसु मसीह के जरिये सच मैं हमेसा-हमेसा महिमा होत रहबै। आमीन। (aiōn g165)

1 कुरिन्थियों

1 पौलुस के घाँई से जोकै परमेस्वर की मरजी से ईसु मसीह को प्रेरित कहो गौ रहै, और भईय्या जोको नाओं सोस्थिनेस है के तरफ से। 2 परमेस्वर की बौ कलीसिया जो कुरिन्थुस नगर में है, बे सब जो मसीह में पवित्र लोग कहे जाथैं, और हर जघा जो हमरे प्रभु ईसु मसीह के नाओं से प्रार्थना करथैं: 3 हमरे परम दऊवा परमेस्वर और प्रभु ईसु मसीह के घाँई से तुमकै दया और सांति मिलत रहबै। 4 मैं तुमरे बारे में अपने परमेस्वर को धन्यवाद हमेसा करथौं, जहे बजह से परमेस्वर को जौ दया तुमरे ऊपर ईसु मसीह में भौ। 5 कि बाँमे हुईकै तुम सबै बातन में मतलब सबै बचन और सबै ग्यान में सेठ करे गै। 6 कि मसीह को संदेस तुमरे में पक्को हुई गौ है 7 हिंयों ले कि कोई आध्यात्मिक उपहार मैं तुमकै कमी नाय भइ, और तुम हमरे प्रभु ईसु मसीह के दिखाई देने के असियात रहथौं। 8 बौ तुमकै आखरी ले कसे रखागो, कि तुम हमरे प्रभु ईसु मसीह के दिनन में बिना गलती के माने जाबौ। 9 परमेस्वर भरोसेमंद है; जो तुमकै अपने लौडा हमरे प्रभु ईसु मसीह की संगती में मस्काई है। 10 भईय्यौ और बहेनियौ, मैं तुमसे ईसु मसीह जो हमरो प्रभु है बाके नाओं से नहारे करथौं, कि तुम सब एकै बात कहबौ और तुम मैं फूट ना पड़ै, लेकिन एकै मन और एकै मकसद में रहकै मेल-जोल से रहबौ। 11 काहैकि मेरे भईय्यौ, खलोए नाओं की बईय्यर के घराने के आदमी मोकै तुमरे बारे में बताई है, कि तुमरे बीच में लडाई होथै। 12 मेरो जौ कहनो है, कि तुम में से कोई तौ अपने आपकै कहथै कि मैं “पौलुस को पछलगुआ हौं,” कोई कहथै मैं “अपुल्लोस को पछलगुआ हौं,” कोई कहथै “कैफाको पछलगुआ हौं,” और कोई दुसरे कहथै कि मैं “मसीह को पछलगुआ हौं।” 13 का मसीह के झुंड में बाँटो गौ है? का पौलुस तुमरे ताही कूस में चढाओ गौ? या तौ तुम पौलुस के चेला हौ या बाके नाओं से बपतिस्मा मिलो है? 14 मैं परमेस्वर को धन्यवाद करथौं, कि क्रिस्पुस और गयुस नाओं के आदमी के छोड़कै, मैं तुम में से कोई के बपतिस्मा नाय दौ हौं। 15 कहुँ ऐसो ना होबै, कि कोई कहबै, कि तुमकै मेरे नाओं से बपतिस्मा दौ गौ है और तुम मेरे चेला हौ। 16 ओ हौं, मैं स्तिफनास के घराने के भी बपतिस्मा दौ हौं; लेकिन मोकै याद ना है कि इनकै छोड़कै मैं कोई के बपतिस्मा दौ कि ना। 17 काहैकि मसीह मोकै बपतिस्मा देन ताही नाय, बल्किन सुसमाचार सुनान के भेजी है, और जहो इंसानन के बोल के ग्यान के हानी नाय, ऐसो ना होबै कि मसीह को कूस बेकार मानो जाबै। 18 कूस की कहानी नास होन बारेन के ताही मूर्खता है; लेकिन हमरे ताही जो हम बचाए भै हैं, परमेस्वर की सामर्थ्य है। 19 साझ कहथै: “मैं अकल बारेन के अकल के खतम करंगो, और समझदारन की समझकै बेकार कर दंगो।” 20 कितै गौ जौ दुनिया को ग्यानी? कितै गौ यहदि नियम के सिक्छक? कितै गौ जौ युग को बहस करन बारो? का परमेस्वर युग के ग्यान के बेबकूफी की बात ना बताई! (aiōn g165) 21 जब परमेस्वर के ग्यान के हानी, दुनिया ग्यान से परमेस्वर के नाय जानी तौ परमेस्वर के जौ अच्छो लगे, कि जौ उपदेस की “बेबकूफ” बात से बिस्वास करन बारेन के

बचाबै। 22 यहदि तौ सबूत के ताही चिन्ह माँगथैं, और ग्यानी ग्यान के ढूँड रहे हैं। 23 लेकिन हम तौ बौ कूस में चढाय भै मसीह को प्रचार करथैं जो यहदियन के झोने ठोकर की बजह, और गैर यहदि के झोने बकवास की बात है; 24 पर जो मस्काए गै हैं का यहदि, का ग्यानी, उनके झोने मसीह परमेस्वर की सामर्थ्य, और परमेस्वर को ग्यान है। 25 काहैकि परमेस्वर की मूर्खता इंसानन के ग्यान से कहीं ग्यानवान है; और परमेस्वर की निर्बलता इंसानन के बल से भौत बलवान है। 26 भईय्यौ और बहेनियौ, खुद के मस्काए जान के बारे में सोचो, कि नाय तौ सररी से भौत ग्यान बारे, और नाय भौत सामर्थी, और ना भौत समाज मैं नाओं बारे मस्काए गै रहौ। 27 लेकिन परमेस्वर दुनिया के मूर्खन के चुन लई है, कि ग्यान बारेन के सरम बाँमे; और परमेस्वर दुनिया के निर्बलन के चुन लई है, कि बलवानन के सरम बाँमे। 28 और परमेस्वर दुनिया के गिरे भै और बेकारन के, बल्किन उन्हऊँ के जो ना के बराबर हैं, चुन लई है, जिनकै खतम करन के ताही दुनिया सोचथै। 29 जोसे कोई इंसान परमेस्वर के सामने घमंड ना दिखबै। 30 लेकिन परमेस्वर तुमकै मसीह में धार्मिकता के संग जोड़के सौंप दई है, और परमेस्वर मसीह ईसु के हमरो ग्यान बनाये दई है। बहे के लिहाज से हम परमेस्वर के संग सई माने गै हैं, कि हम परमेस्वर के पवित्र जन और छुटकारा पाँमैं। 31 ताकी जैसो साझ कहथै “जो घमंड करे तौ बौ प्रभु मैं घमंड करे।”

2 भईय्यौ और बहेनियौ, जब मैं परमेस्वर को भेद सुनात भौ तुमरे झोने आओ, तौ बचन या ग्यान की अच्छाई के संग नाय आओ। 2 मैं जौ ठान लौ रहौं, कि तुमरे बीच ईसु मसीह, बल्किन कूस में चढाय भै मसीह के परखौ और कोई बात के नाय जानौ। 3 तभई जब मैं तुमरे झोने आओ, मैं कमजोर रहौं और डर से कपकपात रहौं, 4 और मेरो प्रचार और संदेस के इंसानी ग्यान के कुसल सबदन के संग नाय दौ गौ, लेकिन परमेस्वर की आत्मा के सामर्थ्य के संग। 5 जहे बजह से कि तुमरो बिस्वास इंसानन के ग्यान में नाय, लेकिन परमेस्वर की सामर्थ्य के ऊपर आसरो होबै। 6 फिर भी मैं बे लोगन के ग्यान को संदेस देथौं जो आत्मिक रूप से मजबूत है। लेकिन जौ ग्यान ना है जो जौ युग से संबंधित है या बे सक्तियन से जो जौ दुनिया के मुखिया राज करथैं, ऐसी सक्तियें जो अपनी सक्ति खोए रइ हैं। (aiōn g165) 7 जो ग्यान की मैं घोसड़ाँ करथौं, बौ परमेस्वर की लुकी भइ बुद्धि है, जो इंसानन से लुको भौ है, लेकिन जोकै बौ युग बनान से पहलिये हमारी महिमा के ताही चुनी रहै। (aiōn g165) 8 जोके जौ युग के मुखियन मैं से कोईथे बाकी महिमा ना जानी, काहैकि अगर जानते, तौ बे प्रकासमान प्रभु के कूस मैं ना चढाते। (aiōn g165) 9 हालाकि, जैसो साझ कहथै, “जो आँखी नाय देखी, और जो कान नाय सुनी, और जो बात इंसान के मन में नाय चढ़ी, बेई है, जो परमेस्वर अपने प्यार करन बारे के ताही समारी हैं।” 10 लेकिन परमेस्वर उनकै अपनी आत्मा से हममें दिखाई; आत्मा सबै बातन, बल्किन परमेस्वर की गहरी बातन के भी परखथै। 11 इंसानन में से कौन इंसान की बातन के जानथै, सिरफ इंसान की आत्मा जो बाँमे है? बैसिये परमेस्वर की बातन के भी

कोई नाय जानथे, सिर्फ परमेस्वर की आत्मा जानथे। 12 हमें जो दुनिया की आत्मा नाय मिली है; जाके बजाय, हमें परमेस्वर के जरिया भेजी भइ आत्मा मिली है, ताकी हम बौ सब जान सकैं, जो परमेस्वर हमकें सौंपी है। 13 तौ फिर, जिनकें हम इंसानन के ग्यान की सिखाई भइ बातन में नाय, लेकिन पवित्र आत्मा की सिखाई भइ बातन में, आत्मा, आत्मिक ग्यान से आत्मिक सच्चाई के बारे में बताथे। 14 जो इंसान पास आत्मा नाय है, बौ परमेस्वर की आत्मा से आनबारे वरदानन के नाय पाय सकथे। ऐसो आदमी हकीकत में उनके नाय समझथे, और बे बकबास कर रहे हैं, बे बहे की नजर में बेकार की बातें हैं, और ना बौ उनके जान सकथे काहेंकि बाकी परिकछा आत्मिक तरहन से होथे। 15 हालाकि, जो भी आत्मिक है, सब चीज के परखन में काबिल है, लेकिन कोई भी बाको परिकछा करन में काबिल नाय है। 16 जैसे की साब्र कहथे: “प्रभु के मन के कौन जानथे? प्रभु के कौन सलाह द सकथे?” हालाकि, हम मसीह को दिमाक रखथे।

3 मेरे भईय्यो और बहेनियो, हकीकत में, मैं तुमसे बात नाय कर सकथे मैं बे आदमिन से बतकाथे जो आत्मिक है; जैसी तुम जौ सरिर से हो, बैसिये मोए तुमसे बात करने रहै, और उनसे जो मसीह मैं बालका हैं। 2 मैं तुमकें दू पिबाओ हौं, खानु नाय खबाओ हौं; काहेंकि तुम बाकें नाय खाए पाते; बल्किन हबै ले नाय खाए पाथौ, 3 काहेंकि तुम अभैले अपने सरिर के स्वभाव से काबू मैं हौ। तुम एक दूसरे से नफरत करथौ और एक दूसरे से लडथौ। का जौ साबित ना होथे कि तुम अपने सरिर के स्वभाव से काबू मैं हौ? का तुम दुनिया के लोगन के हानी नाय जीरे हौ? 4 जब एक कहथे, “मैं पौलुस को हौं,” और दूसरो, “मैं अपुल्लोस को हौं,” का तुम दुनिया के लोगन के हानी बताव ना करै हौ? 5 अपुल्लोस कौन है? और पौलुस कौन है? सिर्फ सेवा करन बारे सेवक हैं, जोसे तुम बिस्वास करे, जैसे कि सबन के प्रभु दई: 6 मैं बीज लगाओ, अपुल्लोस छींची, लेकिन परमेस्वर बढ़ाई। 7 तभईये ना तौ लगान बारो कछु है और ना छीचन बारो, लेकिन परमेस्वर सब कछु है जो बढ़ान बारो है। 8 लगान बारो और छीचन बारो एक है; लेकिन सबे आदमी अपनी मेहनत से अपनिए कमाई पागमो। 9 हम परमेस्वर के सहकर्म हैं। तुम परमेस्वर की खेती और परमेस्वर के बनाये भे इमारत हौ। 10 परमेस्वर जो मेरे ऊपर दया करी, बाको इस्तमाल करकें, मैं एक अच्छे मिश्री को काम करो और बुनियाद डारो, और कोई अब बाके ऊपर काम कर रौ है। लेकिन हर के सावधान रहनो चाहिए कि बौ कैसे बनाथे। 11 बौ बुनियाद के छोड़के जो पड़ी है, और बौ ईसु मसीह है, दूसरो कोई बौ बुनियाद नाय डार सकथे। 12 अगर कोई जौ बुनियाद में सोनो या चाँदी या खूबे कीमती पथरा या कठिया या घाँस-फूस को रद्द रखै। 13 तौ सबन को काम दिखाई दै जागो; काहेंकि बौ दिन बाकें बतागो, तभईये कि आगी के संग दिखाई देगो और बौ आगी सबन को काम परखेगी कि कैसो है। 14 जो-जोको काम बागै बनो भौ टिको रहागो, बौ दिहाड़ी पागो। 15 अगर कोई को करम बाकी आगी में जर जागो, तौ बाको नुकसान उठान पड़ेगो; लेकिन फिरौकी बौ खुदे बैयसिये बच जागो जैसे कि

कोई आगी लगे भै घर में से भाज के निकर जाथे। 16 का तुम ना जानथौ, कि तुम खुदे परमेस्वर को मंदिर हो, और परमेस्वर को आत्मा तुमरे में रहथे! 17 अगर कोई परमेस्वर के मंदिर के खतम कर देगो तौ परमेस्वर बाकें खतम कर देगो; परमेस्वर को मंदिर पवित्र है, और बौ तुम हो। 18 कोई अपने आपके धोका ना देबै। अगर तुम मैं से कोई जौ युग में अपने आपके ग्यानी समझै, तौ मूर्ख बने कि ग्यानी हुई जाबै। (aiōn g165) 19 जौ दुनिया को ग्यान परमेस्वर के झोने मूर्खता की बात है, जैसो साब्र कहथे, “बौ ग्यानियन के उनकी चलौकी में फसाए देथे” 20 और फिर, “प्रभु ग्यानियन के मन की बातन के जानथे, कि बे मन की बात बेकार हैं।” 21 तभईये इंसानन के ऊपर कोई घमंड ना करै, काहेंकि सबे कछु तुमरो है: 22 का पौलुस, का अपुल्लोस, का कैफा, का दुनिया, का जिंदगी, का मौत, का हबै को समय, का गुजरो समय, सबे कछु तुमरो है, 23 और तुम ईसु मसीह के हो, और मसीह परमेस्वर को है।

4 तुमकें हमें मसीह को सेवक के रूप में सोचनो चाहिए, जिनकें परमेस्वर कि गुप्त सच्चाईयन को प्रबंधक बनाओ गौ है। 2 ऐसे सेवकन के ताही एक बात जरूरी है कि बे अपने प्रबंधक के प्रति भरोसेमंद रहमैं। 3 अब, मैं तुमरे जरिये या कोई भी मानवीय मानक के बारे में चिंतित ना हौं; मैं खुद की भी नाय परिकछा करथौ। 4 मेरो मन मौकें दोसमुक्त ठहराथे, काहेंकि मेरो प्रभु मौकें अजमाथे। 5 इसलै तुमकें सई समय आन से पहले कोई के ऊपर फैसला लागू ना करनो चाहिए। आखरी फैसला प्रभु के आन तक असियानो चाहिए; बौ अधियारे रहस्यन के उजिते में लागो और लोगन के मन के छिपे उद्देश्यन के उजागर करैगो। और तौ सब परमेस्वर से बे बड़ौ पांगे जिनके बे हकदार हैं। 6 भईय्यो और बहेनियो, मैं जे बातन में तुमरे ताही अपनी और अपुल्लोस की बात-चीत कहानी के जैसी करो हौं, तभईये कि तुम हमसे जौ सीखौ, “कि साब्र मैं जौ लिखो है बासे अगु मत बढौ,” और एक के पाँई से और दूसरे के बिरोध मैं घमंड मत करियो। 7 तुमकें दूसरे से बडो कौन बनाओ? का परमेस्वर तुमकें बौ सब कछु ना दई जो तुमरे पास है? ठीक है, तौ, तुम कैसे भेद-भाव कर सकथौ, जैसे कि तुमरे पास कोई उपहार नाय है? 8 का तुमरे झोने पहले से सब कछु है जो तुमकें चाहिए? का तुम पहलेई से सेठ हौ? का तुम राजा ना हो, भलेई हम ना है? खैर, मेरी इच्छा है कि तुम बास्तव में राजा रहो, ताकी हम तुमरे संग मिलकें राजा बन सकैं। 9 मेरी समझ से परमेस्वर हम प्रेरितन के सबन के बाद बे आदमिन के हानी मानी है, जो-जो कि मौत की आग्या हुई चुकी है; काहेंकि हम दुनिया और स्वर्गदूतन और इंसानन के ताही एक खिलबाड बन गै हैं। 10 हम मसीह में बेअकली हैं; लेकिन तुम मसीह के संग समझदार हौ! हम कमजोर हैं, लेकिन तुम मजबूत हौ! तुम आदर पाथौ लेकिन हमरो आदर नाय होथे! 11 हम आज तक भूके-प्यासे हैं; और नंगे हैं, और घूसा खाथे और मारे-बितारे फिरथे; 12 और अपनेई हातन के काम करकें मेहनत करथे, आदमी बुरो कहथे, हम आसीस देथे; बे सताथे, हम सकार लेथे; 13 जब हमरी बेजती होथे, तौ हम दयालु सबदन के संग नहोरे करथे। हम दुनिया के मेल हैं और बन गै हैं। हम कछुए नाय हैं! 14 मैं तुमकें सर्मबान ताही

जे बातन के नाय लिखथौ, लेकिन अपने प्रिय बालका जानकै तुमकै चिताथौ। 15 अगर मसीह मैं तुमरे सिखान बारे दसौ हजार होते, तहूँओ तुमरे बाबा भौत से नाय होते, तभई ईसु मसीह मैं सुसमाचार के जरिया मैं तुमरो बाबा बन गौ हौं। 16 मैं तुमसे नहोरे करथौ, कि मेरे हानी चाल चलौ। 17 तभईये मैं जोको नाओ तीमुथियूस है, और जो मेरो प्रिय और भरोसा बारो लौडा है, तुमरे झोने पनारो हौं, और बौ तुमकै प्रभु ईसु मसीह मैं मेरे बर्ताव के याद दिबागो, जैसे कि मैं सबै जघा सब कलीसियन मैं उपदेस देथौ। 18 तुम मैं से कुछ लोग गरब महसूस करथै कहैकि तुम सोचे हो कि मैं तुमसे मिलन ना आंगो। 19 अगर प्रभु तैयार है, हालाकि, मैं जल्दिये तुमरे झोने आंगो, और फिर मैं अपने ताहीं बौ सामर्थ्य को पता लगांगो जो जे गरब करन बारे लोगन के पास है, और ना कि सिर्फ बे जो कहथै। 20 परमेस्वर को राज्य बातन मैं नाय है, लेकिन सामर्थ्य मैं है। 21 तुम का पसंद करैगे? का मैं लाठिया लैकै तुमरे झोने आमौ या प्यार और नमरता की आत्मा के संग आमौ?

5 अब हिंयों ले सुनन मैं आओ है, कि तुम मैं व्यभिचार होथे, बल्किन ऐसो व्यभिचार जो गैर यहूदि मैं भी नाय होथे, कि एक लोग अपनी सौतेली अईय्या के संग सोथै। 2 फिर, का तुम गरब कर सकथौ? जाके उल्टा, तुमकै उदासी से भरो होनो चाहिए, और जो आदमी ऐसो करी है बाकै तुमरी संगती से बाहर निकार देने चाहिए। 3 भलेई मैं सररी मैं तुमरे सामने नाय हौं, मैं आत्मा मैं तुमरे संग हौं। लेकिन जब हूँआँ रहौं, तौ मैं जौ आदमी के ताहीं पहलेई से फैसला लागू कर चुको हौं। 4 प्रभु ईसु के नाओ मैं तुम कलीसिया कि एक बैठक बुलाए सकथौ। मैं आत्मा मैं तुमरे संग मौजूद रहंगो, और ऐसिये हमरे प्रभु ईसु कि सामर्थ्य होगी। 5 इसान के सररी के बिनास के ताहीं सैतान के सौपो जाबै, ताकी बाकी आत्मा प्रभु ईसु के दिन बच पावै। 6 तुमरो घमंड करनो अच्छो नाय है! का तुम नाय जानथौ, “की जरा सो खमीर पूरे मडे भै चून कै खमीर कर देखै।” 7 तुमकै पाप के पुराने खमीर कै निकारने होगो ताकी तुम पूरी तरह सुद्ध हुई जाबौ। फिर तुम बिना कोई खमीर के चून को नै घना के हानी होगो, जैसो कि मैं जानथौ कि तुम बास्तव मैं हौं। हमरे फसह के त्योहार के ताहीं तैयार है, अब जब कि मसीह, हमरे फसह को मेमना, बलिदान करो गौ है। 8 सो तुम आबौ हम परब मैं खुसी मनमैं, नाय तौ पुराने खमीर से और नाय बुराई और दुस्तरता के खमीर से, बल्किन सीदे और सच्चाई की अखमीरी रोटी से। 9 मैं अपनी चिठी मैं तुमकै लिखो हौं, की व्यभिचारियन की संगती मत रखियो। 10 जौ नाय, कि तुम कतईये जौ दुनिया के व्यभिचारियन, लालचिन, अंधेर करन बारे, या मूर्ति पूजा करन बारे की संगती करन के बाध्य बनौ; कहैकि जौ हाल मैं तौ तुमकै दुनिया मैं से निकर जानो चाहिए। 11 मेरो जौ कहनो है की; अगर कोई भईय्या कहवाएकै, व्यभिचारी, लालची, मूर्ति पूजा करन बारे, गारी देन बारे, पियक्कड़, या अंधेर करन बारे होबै, तौ बाके संग संगती मत रखियो; बल्किन ऐसे इसानन के संग खानुओ मत खईयो। 12 मोकै बहार बारेन को फैसला करन से का मतलब? का तुम भीतर बारेन को हिसाब ना करथौ? 13

लेकिन बहार बारेन को फैसला परमेस्वर करथै, “तभईये बौ बुरे काम करन बारे के अपने झुंड मैं से निकार देबौ।”

6 का तुम मैं से कोई के पास इतनी हिम्मत है, की जब दुसरे संग लडाई होबै, तौ फैसला करन के ताहीं अधर्मियन के झोने जाबै; और पवित्र लोगन के झोने नाय जाबै? 2 का तुम नाय जानथौ, की पवित्र लोग दुनिया को फैसला करंगे? और जब तुमकै दुनिया को हिसाब करन है, तौ का तुम छोटी से छोटी लडाई को भी मुकदमा करन के भी काबिल नाय हौ? 3 का तुम नाय जानथौ, कि हम स्वर्गदूतन को हिसाब करंगे? तौ का दुनिया की बातन को फैसला नाय कर सकथै! 4 अगर तुमकै दुनिया की बातन को मुकदमा करन होबै, तौ का उन्हई के बैठागे जो कलीसिया मैं कुछ नाय समझे जाथै? 5 मैं तुमकै लज्जित करन ताहीं जौ कहथौ! का तुम मैं से एकौ अकल बारे नाय हौं, जो अपने मसीह भईय्यन के बीच फैसला कर सकै। 6 बल्किन भईय्या-भईय्या मैं फैसला होथै, और बहो गैरबिस्वासियन के सामने! 7 सच्ची को तुम मैं बडो दोस तौ जौ है, कि आपस मैं मुकदमा करथौ, बल्किन अन्याय काहे नाय सहथौ? अपनो नुकसान काहे नाय उठाथौ? 8 बल्किन अन्याय करथौ और नुकसान पहुँचाथौ, और बहो भईय्यन और बहेनियन कै! 9 का तुम नाय जानथौ, की अधर्मी परमेस्वर के राज्य के बारिस ना होगे? धोका मत खाबौ, नाय व्यभिचारी, नाय मूर्ति पूजा करन बारे, नाय दुसरेन की बईय्यर कै अपनो बनाये लेन बारे, नाय लुच्चे, नाय कोई आदमी कै अपनो बनान बारे बनौ 10 नाय चुट्टा, ना लालची, ना पियक्कड़, ना गारी देनबारे, ना अंधेर करन बारे परमेस्वर के राज्य के बारिस होमंगे। 11 और तुम मैं से किते समर्पित रहैं, लेकिन तुम प्रभु ईसु मसीह के नाओ से और हमरे परमेस्वर की आत्मा से धोए गै हौ, और पवित्र भै और धर्मी बने। 12 सबै चीज की मेरे ताहीं इजाजत है, हौं; लेकिन सब चीज सई नाय हौं, और “मैं कोई बात के सुपुर्त नाय होंगो।” 13 “खानु पेट के ताहीं, और पेट खानु के ताहीं है,” हौं; लेकिन परमेस्वर जाकै और बाकै दोनो कै खतम करैगे, लेकिन सररी व्यभिचार के ताहीं नाय, बल्किन प्रभु के ताहीं है; और प्रभु सररी के ताहीं है। 14 और परमेस्वर अपनी सामर्थ्य से प्रभु कै मेरे मैं से जिंदो करी, और हमउँ कै जिंदो करी। 15 का तुम नाय जानथौ, की तुमरो सररी मसीह को अंग है? तौ का मैं मसीह के सररी को अंग लैकै उनके वेस्व्या को अंग बनामौ? कतई नाय! 16 का तुम नाय जानथौ की जो कोई वेस्व्या से संगती रखथै, बौ बाके संग एक सररी हुई जाथै साफ़ कहथै, “बे दोनो एक तन होंगे।” 17 और जो प्रभु की संगती मैं रहथै, बौ बाके संग एक आत्मा हुई जाथै। 18 व्यभिचार से बचे रहबौ और जिते पाप इसान करथै, बे सररी के बहार हौं, लेकिन व्यभिचार करन बारे अपनई सररी के खिलाप पाप करथै। 19 का तुम नाय जानथौ, कि तुमरो सररी पवित्र आत्मा को मंदिर है, जो तुम मैं बसो भौ है और तुमकै परमेस्वर के घाँई से मिलो है? और तुम अपने नाय हौ, लेकिन परमेस्वर हौ; 20 परमेस्वर तुमकै दाम दैकै मोल लई है, तभईये अपने सररी से परमेस्वर की महिमा करौ।

7 बे जे बातन के बारे में जो तुम लिखे हो, जो अच्छे है। की लोग लै भै हो, इंसानन के दास मत बनौ। **24** हे भईय्यो और बहेनियो, बईय्यर के ना छुड़बै। **2** लेकिन व्यभिचार के डर से सब लोगन जो कोई जैसे हाल में बुलाओ गौ है, बौ बहे में परमेस्वर के संग की अपनी बईय्यर, और सब बईय्यर के अपने लोगा होनो चाहिए। रहबै। **25** कुर्वोरिन के बारे में प्रभु से मोके कोई आग्या नाय मिली है, पर भरोसेमंद होन के ताहीं जैसी दया प्रभु मेरे ऊपर करी है, बहे भरोसे सलाह देथौ। **26** सो मेरी समझ से जो अच्छो है, की आज कल कलेस की बजह से इंसान जैसी है बैसिये रहबै। **27** अगर तेरी बईय्यर है तौ, अलग होन की कोसिस मत करै: और अगर तेरी बईय्यर नाय है, तौ बईय्यर की खोज मत करै। **28** और अगर तैं बिहा करै, तौ पाप नाय है; अगर कुर्वोरी बिहाई जाए तौ कोई पाप नाय है; पर एसेन के सारीरिक दुख होगो, और मैं बचानो चाहथौ। **29** भईय्यो मैं जौ कहथौ, कि समय कम करो गौ है, तभई चहाईये कि जोकी बईय्यरें हैं, बे ऐसे होमैं मानौ उनकी बईय्यरें नाय हैं। **30** और रोन बारे ऐसे होमैं, मानो बे रोते नाय हैं; और आनन्द करन बारे ऐसे होमैं, मानो आनन्द नाय करथैं; और मोल लेन बारे ऐसे होमैं, कि मानो उनके झोने कुछ हईये नाय। **31** और जौ दुनिया के संग रबईय्या करन बारे ऐसे होमैं, कि दुनिया के नाय हई लेंमैं; जौ दुनिया की रीत और रबईय्या बदलत जाथैं। **32** मैं जौ चाहथौ, कि तुमकें चिंता नाय होबै। बिना बिहा के आदमी प्रभु की बातन की चिंता में रहथैं, कि प्रभु के कैसे करके खुस रखै। **33** लेकिन बिहा बारे आदमी दुनिया की बात की चिंता में रहथै, कि अपनी बईय्यर के कौन सी रीति से खुस रखै। **34** बिहा बारी और कुर्वोरी में भी फरक है: बिना बिहा बारी प्रभु की चिंता में रहथै, की बौ सरीर और आत्मा दोनों में पवित्र होबै, लेकिन बिहा बारी दुनिया की चिंता में रहथै, की अपने लोगा के खुस रखै। **35** जौ बात तुमरिये फायदे के ताहीं कहथौ, नाय की तुमकें फसान के ताहीं, बल्कि जैसो सुहाथै बैसिये करो जाए; की तुम एक चित्त हईके प्रभु की सेवा में लगे रहबौ। **36** और अगर कोई जौ समझै, कि मैं अपनो कुर्वोरीपन को हक मार रहो हौं, जोकी जवानी ढल रइ है, और जोको इरादो होबै, तौ बौ बाध्य नाय है उनके ताहीं सई है, जाँमैं कोई पाप नाय है, बौ बाको बिहा होन देबै। **37** पर जो मन में फैसला करथै, और बौ अपने अधिकारन के मार सकथै, तौ बौ कुर्वोरी रहे के अच्छो करथै। **38** तौ जो अपनी कुर्वोरी को बिहा कर देथै, बौ अच्छो करथै और जो बिहा ना कर पाथै, बौ औरौ अच्छो करथै। **39** जब तक कोई बईय्यर को लोगा जिंदो रहथै, तब तक बौ बासे बंधी भइ है, लेकिन जब बाको लोगा मर जाए तौ, जोसे चाहबै बिहा कर सकथै, लेकिन सिरफ प्रभु मसीह में। **40** और जैसी है अगर बैसिये रहबै, तौ मेरी समझ से औरौ धन्य है, और मैं समझथौ, की परमेस्वर को आत्मा महँ में है।

8 अब मूर्तियन के अगु चढाई भइ बलि के बारे में हम जानथैं। की हम सबन के ग्यान है: ग्यान घमंड पैदा करथै, लेकिन प्यार से उन्नति होथै। **2** अगर कोई समझै, कि मैं कुछ जानथौं, तौ जैसो जाननो चहाईये बैसो अब तक नाय जानी। **3** अगर कोई परमेस्वर के प्यार करथै, तौ बाँके परमेस्वर जानथै। **4** तौ मूर्तियन के अगु चढाई बलि के खान के बारे में हम जानथैं, की मूर्ति दुनिया में कोई चीज नाय है, और एक के छोड़के कोई परमेस्वर हईये नाय। **5** अगर स्वर्ग और धरती में निर ईस्वर कहे जाथैं, जैसे कि निर ईस्वर और निर प्रभु

हैं, 6 तहुँओ हमरे झोने तो एकै परमेस्वर है, मतलब; दऊवा परमेस्वर जोके घाँई से सबै चीज हैं, और हमउं बहे के ताहीं हैं, और एकै प्रभु है, मतलब ईसु मसीह जोसे सब चीज हैं और हमउं बहे से हैं। 7 लेकिन सबन के जो ग्यान नाय है; पर किते तो अब तक मृत के मन में कछु समझथैं, मूर्तियन के अगु बलि करी भइ चीजन के समझकै खाथैं। उनके ऐसो करन से उनकी आत्मा कमजोर होन के बजह से असुद्ध हुई जाथै। 8 खानु हमकै परमेस्वर के झोने नाय लै जागो, अगर हम बाकै नाय खाथैं तो कछु नुकसान नाय, और अगर खाएँ तो कछु फायदा नाय। 9 पर चौकन्ने रहबौ, ऐसो ना होबै कि, तुमरो जो अधिकार कहैं बिस्वास मैं कमजोरन के ताहीं ठोकर ना हुई जाए। 10 अगर तैं “अग्यानी” के मूर्ति के मंदिर मैं बलि खात देखै, और बौ बिस्वास मैं कमजोर है, तो का बाके मन मैं मूर्ति के अगु चढ़ाई भइ चीज के खान की हिम्मत नाय हुई जागी? 11 ऐसे तैरे ग्यान के बजह से बौ कमजोर भईया जोके ताहीं मसीह मरो, अपने ग्यान के ताहीं नास हुई जागो! 12 तौ मसीह भईयन के गलती करन से और बाके कमजोर मन के चोट लगान से तुम मसीह के ताहीं पाप करथौ। 13 जौ बजह से अगर खानु मेरे भईया और बहेनिया के ठोकर खाबाबै, तौ मैं कहूँ कैसियो रीति से सिकार नाय खांगो, ऐसो ना होबै कि मैं अपने भईया के ताहीं ठोकर को बजह बनौ। (aion g165)

9 का मैं आजाद ना हौ? का मैं प्रेरित ना हौ? का मैं ईसु को जो हमरो प्रभु है, ना देखो? का तुम प्रभु मैं मेरे बनाये भै ना हौ? 2 अगर मैं औरन के ताहीं प्रेरित नाय हौं, तहुँओ तुमरे ताहीं तौ हौं! काहैकि तुम प्रभु मैं मेरे प्रेरित होन को प्रमाद रहौ। 3 जो मौकै अजमाथैं, उनके ताहीं मेरो जहे जबाब है: 4 का हमकै खान-पीन को अधिकार नाय है? 5 का हमकै जौ अधिकार नाय है, की कोई मसीह बहेनिया के बिहा करकै संग लैकै घूमै, जैसे की दुसरे प्रेरित और प्रभु के भईया और कैफा करथै? 6 या सिरफ मौकै और बरनबास के जौ अधिकार नाय कि कमाई करनो छोड़ै? 7 कौन कहूँ अपनी झुंड से खाएकै सिपईया को काम करथै? कौन अगर की बारी लगाएकै बाको फरा ना खाथै? कौन भेंडन की रखबारी करकै उनको दूद ना पीथै? 8 मौकै अपने आपकै जे रोज मर्रा के उदाहरड ले सीमित ना रखने है, काहैकि नियम एकै बात कहथै। 9 का नियम जौ नाय कहथै? कि मूसा के नियम मैं जौ लिखो है “दौए लगात पोती बरधन के मोहो मैं मुसीका मत भाँदिये।” का परमेस्वर बरधनौ की फिकर करथै? 10 या जरूरी करकै हमरे ताहीं कहथै। हौं, हमारिये ताहीं लिखो गौ है, ठीक है, कि जोतन बारो आसा से जौतै, और दौए लगान बारो भागीदार होन की आसा से दौए लगावै। 11 अगर हम तुमरे ताहीं आत्मिक चीज के बोए हैं, तौ का जौ बड़ी बात है? की तुमरी सररी के चीजन की फसल काटै। 12 जब औरन को तुमरे ऊपर जौ भागीदारी और अधिकार है, तौ हमरो जासे जाधे ना होगो? लेकिन जौ हक हम काम मैं नाय लाए; पर सबै कछु सकाथैं, कि हमसे मसीह के सुसमाचार की कछु रोक-टोक ना होबै। 13 का तुम ना जानथौ की जो मंदिर मैं सेवा करथैं; बे मंदिर से खाथैं: और बेदी मैं चढ़ावा चढ़ान बारन के बलि को हिस्सा मिलथै। 14 जहे रीति से प्रभु भी ठहराई है, कि जो आदमी सुसमाचार सुनाथैं, उनकी जीविका

सुसमाचार से होबै। 15 लेकिन मैं इमै से एकी बात काम ना लाओ! और जे बेकार की बातन के मैं जहे के मारे ना लिखो, कि मेरे ताहीं ऐसो होबै, काहैकि जासे तौ मेरो मरनोई भलो है; कि कोई मेरो घमंड खाली मूली ठहराबै। 16 अगर मैं सुसमाचार सुनामौ, तौ मेरो कछु घमंड नाय है; जौ मेरे ताहीं जरूरी है; और अगर मैं सुसमाचार ना सुनामौ, तौ मेरे ताहीं कितनो भयानक है! 17 काहैकि अगर अपनी मरजी से जौ करथौं, तौ दिहाड़ी मौकै मिलथै, और अगर अपनी मरजी से ना करतो, तहुँओ बिस्वास से भंडारी पन मौकै सौपो गौ है। 18 तौ फिर मेरी कौन सी दिहाड़ी? जौ की सुसमाचार सुनान मैं, मैं मसीह को सुसमाचार सेत मेंत कर देओ; हियाँ ले की सुसमाचार मैं जौ मेरो अधिकार है, बाकै मैं पूरी तरहन से काम मैं लामौं। 19 सबसे आजाद होन मैं भी मैं अपने आपकै सबन को गुलाम बनाये दौ हौं; कि जाधे आदमिन के जीत लामौं। 20 मैं यहदिन के ताहीं यहदि बनो कि यहदियन के खीच लामौं, जो आदमी नियम के अधीन हैं उनके ताहीं मैं नियम के अधीन नाय होन मैं भी नियम के अधीन बनो, कि उनके जो नियम के अधीन हैं, जीत लामौं। 21 बैसिये, जब गैर यहदियन के संग काम करत समय, मैं अधमी गैर यहदियन के जीतन के ताहीं, यहदि नियम के बाहर गैर यहदियन के तराहनी रहथौं। जाको मतलब जौ ना है कि मैं परमेस्वर के नियम को पालन ना करथौं; मैं बास्तव मैं मसीह के नियम के अधीन हौं। 22 मैं बिना बल बारन के ताहीं बिना बल को सो बनो, की बिना बल बारन के खीच लामौं, मैं सबै इंसानन के ताहीं सबै कछु बनो हौं, कि कैसियो ना कैसियो करकै निरन के बचामौं। 23 और मैं सब कछु सुसमाचार के ताहीं करथौं, कि मैं औरन के ताहीं भागीदार हुई जामौं। 24 का तुम नाय जानथौ, की दौड मैं दौडत सबै है, लेकिन इनाम एकै लै जाथै। तुम बैसिये करकै दौडो, की जीत जाबौ। 25 और सबै खिलाड़ी सबै तरहान को संयम रखथै, बे तौ एक मुरझान बारे मुकुट के पान ताहीं जौ सब करथैं, लेकिन हम तौ बौ मुकुट के ताहीं करथैं, जो अमर है। 26 तभई मैं तौ ऐसई करकै दौडथौं, लेकिन बगैर ठिकाने को नाय, महुँ ऐसिये करकै मुक्कन से लडथौं, लेकिन बाके हानी नाय जो ब्यार मैं मुक्का चलाथै। 27 लेकिन मैं अपनी सररी के मारत कूटत, और बस मैं लाथौं; ऐसो ना होबै की औरन के प्रचार करकै, मैं अपने आपै कोई रीति से निकम्मो ठहरौं।

10 भईय्यो और बहेनियो, मैं नाय चाहथौं, कि तुम जौ बात से अनजान रहबौ, कि हमरे सब पुरखा जो मूसा के पच्छु हुई लई रहैं बादर की छाँई मैं सफर करत रहैं, और लाल समुंदर के बीच से बौ पाँजर चले गै। 2 और बे सब बादर मैं, और समुंदर मैं मूसा से बपतिस्मा लेत रहैं। 3 और सबै एकै आत्मिक खानु खाई हैं। 4 सबै एकै आत्मिक पानी पी, काहैकि बे बौ आत्मिक चटान से पीत रहैं, जो उनके संगे-संग चलत रहै; और बौ चटान ईसु मसीह रहै। 5 लेकिन परमेस्वर उनमै से निरन से खुस नाय रहै, तभईये बे बन मैं मर के ढेर हुईगी। 6 जे बातैं हमरे ताहीं उदाहरड बनी, कि जैसे बे लालच करी, बैसिये हम बुरी चीजन को लालच नाय करै। 7 तुम मूर्ति पूजा करन बारो मत बनौ; जैसे कि उनमै से किते बन गै रहैं, जैसे कि साध्र कहथै, “आदमी खान-पीन के एक दावत मैं

बैठगै, जो पीन-पान और व्यभिचार को खुल्लो नाच बन गौ।” 8 जो कछु करने होबै करौ, सबै कछु परमेस्वर की महिमा के ताहीं करौ। 32 तुम नाय तौ यहदि, नाय यूनानि, और नाय परमेस्वर की कलीसिया के ताहीं ठोकर को कारड बनौ। 33 जैसे कि महुँ सबै बातन मैं सबन के खस रखथौं, और अपनो नाय, लेकिन निरेन को फायदा होबै ऐसो कछु दूँडथौं, कि बे बच जाँमै।

11 जैसे मैं मसीह के हानी चलथौं बैसिये तुम्हऊँ मेरे हानी चलौ। 2 मैं तुमरी बडाँई करथौं, कि तुम सबै बातन मैं मोकि याद करथौ; और जो रीत रबईय्या मैं तुमके सौंप दौ हौं, उनके माने करथौ। 3 लेकिन मैं जौ चाहथौं कि तुम जौ जानलेबौ कि सब लोगन को मूड मसीह है, और बईय्यर को मूड लोग है और मसीह को मूड परमेस्वर है। 4 जो लोग मूड ढोंकके प्रार्थना या भविष्यवाँडी करथे, बौ अपने मूड मसीह की बदनामी करथे। 5 और जो बईय्यर अपनो मूड उत्कार के सार्वजनिक प्रार्थना मैं भविष्यवाँडी करथे, बौ अपने मूड की बेजती करथे, बौ टकली होन के बराबर है। 6 अगर बईय्यर अर्घना नाय ओहोडे, तौ उस्तरा लगबाए लेबै; अगर बईय्यर के ताहीं बार कटबानो या फिर उस्तरा धरबानो सरम की बात है, तौ अर्घना ओहोडे। 7 लेकिन लोग के अपनो मूड जरूरी ढोंकों सँ नाय है, बौ परमेस्वर को स्वरूप और महिमा के दिखाये, लेकिन बईय्यर लोग की छाप है; 8 लोग बईय्यर से नाय भौ है, पर बईय्यर लोग से भइ है। 9 और लोग बईय्यर के ताहीं नाय सिरजो गौ है पर बईय्यर लोग के ताहीं सिरजी गई है। 10 तभईये स्वर्गदूतन के कारड बईय्यरन को अच्छो है, कि अपने लोगा के अधिकार मैं रहके, अपने मूड के तोप के रखे। 11 प्रभु मैं हमरे जीवन मैं, हालाकि, बईय्यर आदमी से आजाद ना हैं, और ना हि आदमी बईय्यरन से आजाद हैं। 12 जैसे बईय्यर आदमी से बनी रहै, बैसिये बईय्यर से आदमी पैदा होथे; और जौ परमेस्वर है जो सब कछु अस्तित्व मैं लाथे। 13 अब तुम्हई अजमावौ: का बईय्यर के मूड उत्कार के परमेस्वर से प्रार्थना करनो सोभा देखे। 14 का प्रकृति अपने आपे जौ नाय बताथे कि लम्बे बार रखानो लोगन के ताहीं सरम की बात है, 15 जाके बाबजूद बईय्यरन के लम्बे बार उनकी महिमा हैं काहेकि जे बाके ओढनी के ताहीं दै गे हैं। 16 लेकिन अगर जौ बारे मैं कोई और है जो जिरहबाजी करनो चाहथे तौ, बौ जो समझ लेबै कि परमेस्वर की कलीसिया मैं ऐसिये रीत है। 17 लेकिन जौ आग्या देत भौ मैं तुम्हारी बडाँई नाय कररौ हौं: सभाघरन मैं तुमरे जुरान से भलाई नाय लेकिन बुराईये होथे। 18 सबसे पहली बात तौ जौ है कि मैं सुनौं हौं तुम जो आपस मैं कलीसिया मैं जब जुराथौ तौ तुमरे बीच मैं लडाई होथे ऐसो मेरे सुनन मैं आओ है और मोके थोडी सो विस्वासी है। 19 काहेकि जौ बात सच्ची है कि तुमरे बीच मैं बटबरो होनो जरूरी है कि बे, जो परमेस्वर मैं खरे निकरे हैं, उजीतो मैं आए जाँमै। 20 सो तुम जो एक जघा मैं इखटे होथौ, तौ प्रभु भोज खान के ताहीं नाय। 21 खानु खान की बेरा एक दूसरे से पहले अपनो खानु खाए लेथौ, सो कोई तौ भुंको रह जाथे और कोई मतवरो हुई जाथे। 22 का खान पीन के ताहीं तुमरे अपने घर नाय है? या परमेस्वर की कलीसिया के तुच्छ जानथौ और जिनके पास कछुए नाय है उनके समिदा करथौ, मैं तुमसे का कहमौ? का जौ बात मैं तुम्हारी बडाँई करौ? कतईये नाय!

23 मोँके जो सिक्खा प्रभु से मिली रहै, बौ मै पहलिये से तुमकै दे दौ: एकै आत्मा से एक सरिर होन के ताहीं बपतिस्मा लै, और हम सबन जो रात ईसु के पकड़बाओ गौ रहै, मसीह रोटी लई, 24 धन्यवाद दई के एकै आत्मा के पीन के ताहीं दौ गौ है। 14 सरिर खाली एक और बाकै तोड़ी और कही, “तुमरे ताहीं मेरो जौ सरिर है, ऐसो मेरी हिस्सा से ना, बल्कि कई हिस्सन से बनो है। 15 अगर टाँग कहबै, याद के ताहीं करे करियो।” 25 ऐसियै रीति से खानु खान के बाद “मै एक हात नाय हौं, मै सरिर से जुड़ो ना हौं,” जो जाकै सरिर को बौ कटोरा लई और कही, “जौ कटोरा मेरे खून मै नई वाचा है, जब हिस्सा होन से नाय रखैगो। 16 और अगर कान कहबै, “मै आँखी कहु तुम जाकै पीबौ तौ मेरी याद मै ऐसोई करे करियो।” 26 जब नाय हौं, तौ का बौ सरिर को ना है,” तौ का बौ जौ बजह से सरिर कभई तुम जौ रोटी खाथौ, और जौ कटोरा मै से पीथौ, तौ तुम प्रभु को ना है। 17 अगर पूरो सरिर आँखी होती तौ, जौ कैसे सुन सकथै? की मौत को जब तक बौ नाय आए, प्रचार करथौ। 27 तभई जौ कोई और अगर जौ खाली एक कान होतो, तौ जौ कैसे सुंग सकत रहै? गलत तरीका से प्रभु की रोटी खाथै, या बाके कटोरा मै से पीथै, बौ आंगन के सरिर मै बैसोई रखी जैसी बौ चात रहै। 18 हालाकि, जौ है कि परमेस्वर के जैसो ठीक लागो, बैसिये सब अंग एकै होते तौ सरिर ना होती! 19 तौ अगर सब अंग एकै होते तौ सरिर ना होती! 20 लेकिन अब अंग तौ निरे हैं, पर सरिर एकै है। 21 आँखी हात से नाय कह सकथै, कि मोँके तेरी जस्सरत नाय है। “और फिर ऐसियै मूड, टाँग से नाय कह सकथै, कि मोँके तेरी जस्सरत नाय है!” 22 लेकिन सरिर के बे अंग जो दूसरे से कमजोर मालुम पड़थै, बेई भौतै जरूरी हैं; 23 और सरिर के बे अंग जो हम आदर करनो नाय समझथै उन्हई के हम जट्टे आदर देथै; और हमरे सोभाहीन अंग औरौ सोभाएमान हुई जाथै, 24 तहुँओ हमरे सुगड अंगन के जाकी जरूरत ना है। परमेस्वर खुद सरिर के ऐसे करकै एक संग रखी है कि बे हिस्सन के जाधे से जाधे सम्मान दौ जाए सकै जिनके जाकी जरूरत है। 25 जोसे सरिर मै फूट नाय पड़ै, लेकिन जाके सबे अलग-अलग अंगन मै एक दूसरे के ताहीं बराबर चिंता है। 26 तभई अगर एक अंग के चोट लगथै; तौ सब अंग चोट खाथै; और अगर एक अंग की बड़ोई करी जाथै, तौ बाके संग सब अंग खुसी मनाथै। 27 ऐसिये तुम सब मिलकै मसीह की सरिर हौ, और बटे भै अंग हौ। 28 परमेस्वर कलीसिया मै सबन के रखी है: पहली जघा मै प्रेरितन के, दुसरी जघा मै भविष्यवक्ता के, तिसरी जघा मै सिक्खा देनबारे के, फिर जो लोग सामर्थी काम करथै, उनके बाद जो उनैके चंगो करनो या दूसरेन कि मदत करनो या उनैके सई रहा दिखानो या अजीब जीभ मै बोलन के वरदान दई जाथै। 29 का सबे प्रेरित या भविष्यवक्ता या सिक्खक हैं? का हर कोई सामर्थी काम करथै? 30 का सबन के बिमारियन के ठीक करन को वरदान है? का सबे अजीब भासा मै बोलथै? का सबे अनुवाद करथै? 31 इसलै तुमके इमानदारी से सबसे उपयोगी वरदान कि इच्छा करनी चाहिए। लेकिन अब मै तुमके जिंदगी को एक रस्ता दिखाथौ जो सबसे अच्छो है।

12 भईय्यो और बहेनियो, मै नाय चाहथौ कि तुम आत्मिक वरदानन के बारे मै अनजान रहबौ। 2 तुम जानथौ कि जब तुम गैर यहूदि रहौ, तौ जो मूर्ति बोलते नाय है तुम उन्हई के रहामै चलत रहौ। 3 तभई मै तुमसे जौ कहथौ कि कोई आदमी जो परमेस्वर की आत्मा के घाँई है, बौ ऐसो कहु नाय कहथै कि “ईसु सापित है!” और पवित्र आत्मा के बौर कोई ऐसियो नाय कह सकथै कि “ईसु प्रभु है।” 4 निरे तरहन के वरदान हैं, लेकिन आत्मा तौ एकै है। 5 और सेवकाई भी निरे तरहन की हैं, लेकिन एकै प्रभु कि सेवा करी जाथै। 6 और प्रभावसाली काम निरे तरहन के हैं, लेकिन परमेस्वर एकै है, जो सब मै सबे तरहन को प्रभाव पैदा करथै। 7 सबन की भलाई के ताहीं सबे आदमिन मै आत्मा कि उपस्थिति केसियो करके दिखाई दै जाथै। 8 एक के आत्मा जरिये बुद्धि से भरो संदेस दौ जाथै, जबकी दूसरे के बहे आत्मा अनुसार ग्यान से भरो संदेस देथै। 9 और एकै आत्मा एक आदमी के बिस्वास देथै, जबकी दूसरे आदमी के बहे आत्मा चंगो करन को वरदान देथै। 10 आत्मा एक आदमी के सामर्थी काम करन की सक्ति देथै; तौ हौने दूसरे आदमी के प्रभु को संदेसो बोलन को वरदान देथै; और कोई-कोई के तौ भली-बुरी आत्मन के बीच मै अंतर जानन की सक्ति देथै; कोई-कोई के अलग-अलग हानी की भासा बोलन की सक्ति देथै, तौ कोई के भासा के भेद को मतलब बतान की सक्ति देथै। 11 लेकिन जौ बहे आत्मा है जो, जो-जोकै जैसो-जैसो समझथै, बौ सबे आदमिन के एक अलग वरदान देथै। 12 जैसे सरिर एक है, और बाके अंग निरे हैं, पर अंग भौत होत भै भी बासे सरिर एकै बनथै, बैसिये मसीह है। 13 हम सबे का यहूदि होमै, या का यूनानी, का दास, का छुटबगगर

13 मै इंसानन और हियौं तक कि स्वर्गदूतन कि भासा बोलन मै सकळम हुई सकथौ, लेकिन मन मै प्यार ना है, तौ मै गूँजत भौ घंटा या झनझनात भइ मंजीरा सो हौ। 2 अगर मै भविष्यवाँडी कर लेमौ, और सबे तरहन के भेद की बात और निरे तरहन के ग्यान के समझ लेमौ, और तौ और मोँके हिनौ ले बिस्वास होबै कि मै पहाडन के हटाय देमौ, और लेकिन मै प्यार नाय रखौ, तौ मै कछु नाय हौ। 3 अगर मै अपनी पूरी सम्पत्ति कंगालन के बाँट देमौ, या अपनी सरिर जलान के दै देमौ, और मन मै प्यार नाय रखौ, तौ मोँके कछु फायदा नाय है। 4 प्यार धीरज और दयालु है, प्यार डाह ना करथै; प्यार अपने बारे मै बड़ोई नाय करथै, और गरब ना है; 5

प्यार असभ्य या स्वार्थी या चिड़चिड़ी ना है; प्यार गलतियन को हिसाब ना रखथै; 6 बौ अधर्म से खुस नाय होथै बल्कि जब सच्चाई की जीत होथै तो खुस होथै। 7 प्यार कहु हार ना मानथै; और जाको बिस्वास, उमीद, और धीरज कहु असफल ना होथै। 8 प्यार अमर है; भविष्यवाँडी तो खतम हुई जांगी, भासा कै बोलन बारी जीबैं एक दिना चुप्पा हुई जांगी, और जो ग्यान है बहो मिट जागो। 9 हमरो ग्यान अधुरो है, और हमरी भविष्यवाँडियौ अधूरी है। 10 लेकिन जब सर्व सिद्ध आगो, तो अधुरोपन मिट जागो। 11 जब मैं बालका रहौ, तो मेरी बोली, भावना और बिचार सबै एक बालका कि रहे; अब जब मैं बड़ो भौ, तो मैं बचकानोपन छोड़ दौ। 12 अब हमैं दरपन में धुंधरो सो दिखाई देथै, पर जब सर्व सिद्ध आगो तो हम पूरे तरीका से आमने-सामने देखेंगे। अब जौमैं जानथौ बौ खाली थोड़ी भौत है; तौ जौ पुरो होगो, जैसो कि प्रभु को मोकै ग्यान है। 13 पर अब बिस्वास, आसा, प्यार जे तीनों स्थाई हैं, और जे तीनों मैं सबसे बड़ो प्यार है।

14 प्यार कि रहामैं चलत रहबौ, और आत्मिक वरदानन कि लौ मैं रहबौ; ताकि तुम खासकर भविष्यवाँडी करौ। 2 जो दूसरी भासा मैं बतकाथै, बे इंसानन से नाय पर परमेस्वर से बतकाथै, काहैकि कोई भी उनके ना समझथै। बे आत्मा कि सक्ति से गुप्त सच्चाई बोल रहै हैं। 3 लेकिन जो भविष्यवाँडी करथै, बे इंसानन की बढोतरी और सीख और सांति के बढावा की बात करथै। 4 जो दूसरी भासा मैं बतकाथै, बौ अपनिए बढोतरी करथै; पर जो भविष्यवाँडी करथै, बौ पूरी कलीसिया की मदत करथै। 5 मैं चाहथौ कि तुम सबै जनी अजीब जवान मैं बोलौ; लेकिन और जाधे कि तुमरे पास भविष्यवाँडी करन को वरदान होबै। जो भविष्यवाँडी करथै, बौ अजीब जवान मैं बोलन बारे कि तुलना मैं जाधे मतलब रखथै, जब तक कि कोई ऐसो आदमी मौजूद ना होबै जो समझाए जान बारे कि ब्याख्या कर सके, ताकी पूरी कलीसिया कि बढोतरी हुई सके। 6 भईय्यौ और बहेनियौ तभईये, अगर मैं तुमरे झोने आयकै दूसरी भासा मैं बतकामौ और उजीतो या ग्यान या फिर भविष्यवाँडी या सीख की बातन कै तुमसे नाय कहमौ, तौ मोसे तुमकै का फायदा होगो? 7 ऐसियै अगर बगैर ज्यान की चीजें, जिनमैं से अबाज निकरथै, जैसे कि बसली या बीन, अगर उनके स्वर मैं भेद ना होबै तौ, जब बायें फूँको या बायें बजाओ जाथै, बौ कैसे करकै पहचान मैं आगो? 8 और अगर तुरहई को बोल सपा नाय होबै, तौ कौन लड़ाई के ताहीं समरेगो? 9 बैसिये, कोई भी कैसे समझैगो कि तुम काके बारे मैं बात कर रहै हो अगर तुमरो संदेस अजीबो गरीब भासा मैं दौ गौ है, स्राप ना है तौ तुमरे सब्द ब्यार मैं गायब हुई जांगो! 10 दुनिया मैं किंतेउ तरहन की भासा काहे ना होमैं, लेकिन उनमैं से बगैर मतलब की कोई होमंगिये नाय। 11 तभई अगर मैं कोई भासा को मतलब नाय समझौ, तौ बोलन बारे की नजर मैं परदेसी मानो जांगो और बौ बोलन बारो मेरी नजर मैं परदेसी मानो जागो। 12 तभई तुम्हँ जब आत्मा के वरदानन की धुन मैं होबौ, तौ ऐसो जोर देंकै कोसिस करौ कि तुमरे वरदानन की मदत से कलीसिया की बढोतरी होबै। 13 जौ आदमी अजीब जीभ मैं बोलथै, बाके बरदान

के ताहीं प्रार्थना करनो चाहिए कि बौ का कहरौ है। 14 अगर मैं ऐसे करकै दूसरी भासा मैं प्रार्थना करथौ, तौ मेरी आत्मा बास्तब मैं प्रार्थना करथै, लेकिन मेरे दिमाक को जौमैं कोई हिस्सा ना है। 15 तौ अब का करनो चहाईये? मैं आत्मा मैं भरकै प्रार्थना करंगो, और दिमाकौ मैं हुईकै प्रार्थना करंगो, मैं आत्मा से गांगो, और दिमाक से भी गांगो। 16 नाय तौ अगर तैं आत्मा से ही धन्यवाद करैगो, तौ फिर बगैर आसीस को आदमी तैं धन्यवाद मैं “आमीन” कैसे कहैगो? काहैकि बौ तौ जानतै नाय है कि सच मैं तैं का कहरौ है। 17 हियौ तक कि अगर परमेस्वर के ताहीं धन्यवाद कि तुमरी प्रार्थना काफी अच्छी है, तौ दुसरे लोगन कि मदत नाय करी जाथै। 18 मैं अपने परमेस्वर को धन्यवाद करथौ, कि मैं तुम सबन मैं से सबसे जूदे दूसरी भासा मैं बोलथौ। 19 लेकिन कलीसिया मैं दूसरी भासा मैं दस हजार बातें कहेन से तौ मोकै जौ औरी अच्छो मालूम पड़थै, कि दुसरेन के सिखान के ताहीं अपनी बुद्धि से पाँच बात कहमौ। 20 भईय्यौ और बहेनियौ, तुम समझ मैं बालका मत बनौ: पर बुराई के मामला मैं बालका बने रहबौ, और समझ मैं स्याने बनौ। 21 जौ नियम मैं लिखो है: कि प्रभु कहथै “मैं दूसरी भासा बोलन बारन के जरिया, और दुसरे मोहों से, जे आदमिन से बात करंगो भी, तहँओ बे मेरी नाय सुगो।” 22 तभई दूसरी भासा जौ है विस्वासियन के ताहीं नाय है, लेकिन अविस्वासियन के ताहीं चिन्ह हैं; और परमेस्वर के संदेस को ऐलान करनो अविस्वासिन के ताहीं नाय हैं, लेकिन विस्वासियन के ताहीं चिन्ह हैं। 23 अगर कलीसिया एक जघा जुराए जाबै, और सबै दूसरी भासा बोलैं, और बहार के अनपढ़ अविस्वासी आदमी भीतर आए जौमैं तौ का बे तुमकै ऐसे देखकै पागल ना समझैगो? 24 लेकिन अगर सबै भविष्यवाँडी करन लगैं, और कोई अविस्वासी या आम आदमी इंसान भीतर आए पहोंचे, तौ सब बाकै कसूरवार ठहराए देंगे, और अजमाय लेंगे, 25 और बाके मन को भेद पकड़ मैं आए जागो, तौ फिर बौ मोखरा गिरकै परमेस्वर की आराधना करैगो, और मान लेंगे “कि सच्ची मैं परमेस्वर तुमरे बीच में है।” 26 भईय्यौ और बहेनियौ, बताबौ का करनो चहाईये? जब तुम कलीसिया मैं जुराथौ, तौ सबन के मन मैं भजन संहिता या उपदेस या दुसरे भासा या उजियारो या तौ दुसरी भासा को मतलब बतावे होथै। सबै कछु आत्मिक बढोतरी के ताहीं होनो चहाईये। 27 अगर दूसरी भासा मैं बात करने होबै तौ दुई जनी या फिर निरे जनी होमैं तौ तीन जनी पाली-पाली से बोलैं, और एक आदमी सब बातन को मतलब बताबै। 28 लेकिन अगर मतलब बतान बारो नाय होबै तौ, जौ-जौ दूसरी भासा बोलथै बे कलीसिया मैं चुप्पा रहमैं। और खाली अपने आप से और परमेस्वर से बात करनो चाहिए। 29 और भविष्यवक्ता मैं से भी दुई या तीन जनी बोलैं, बाकी के आदमी उनके बचन को फैसला करैं। 30 लेकिन अगर और कोई भी जौ बैठो पड़ो है, परमेस्वर के घाँई से बाकै ईस्वीय उजीतो होबै तौ, पहलो बारो चुप हुई जाबै। 31 तुम सबै एक-एक करकै भविष्यवाँडी कर सकथौ जोसे सबै सीख जौमैं और सब सांति पायें। 32 आत्मा को वरदान भविष्यवक्ता के बस मैं होनो चाहिए, 33 परमेस्वर गड़बड़ी को नाय, लेकिन सांति को कर्ता है। जैसे कि पवित्र आदमिन की सबै कलीसियन मैं है, 34 बईय्यौ कलीसिया की सभा मैं चुप बैठी रहमैं,

उनके बोलन को हक नाय है, लेकिन अदब मैं रहने को नियम है, जैसे कि यहूदि साब्र मैं लिखोउ है। 35 अगर बे कुछ सिखनो चहामैं, तो घरे अपने-अपने लोगो से पूँछे, बईस्थरन को कलीसिया मैं बोलनो सरम की बात है। 36 का परमेस्वर को बचन तुमरे भीतर से निकरो है? या सिरफ तुमरेई झोने ले पुगो है? 37 अगर कोई इंसान अपने आपकै भविष्यवक्ता या आत्मिक जन समझै, तो जो जान लेबै कि जो बातन कै मैं तुमकै लिखरौ हौं, बे प्रभु की आग्या हैं। 38 लेकिन अगर बौ जाके ऊपर ध्यान ना देखै, तो बाकै नाय जानै तौ, ना जानै। 39 सो हे भईय्यौ और बहेनियौ, भविष्यवाँडी करन की लौ मैं रहौ और तुमरे भासा बोलन से मना मत करौ। 40 पर सब बातन कै सई तरीका और नियम से करो जाबै।

15 हे भईय्यौ और बहेनियौ, अब मैं तुमकै बहे सुसमाचार बताथौ जो पहलिये सुनाए चुको हौं, जोकै तुम अंगीकार भी करो रहौ, और जोमैं तुम टिकेउ हो। 2 बहे से तुमरो उद्धार भी होथे, अगर बौ सुसमाचार कै जोमैं तुमकै सुनाओ रहौं याद रखाथौ तौ, नाय तौ तुमरो बिस्वास करनो बेकार है। 3 जहे बजह से मैं तुमकै सबसे पहले जहे बात पहुँचाए दौ रहौं, जो मोकै पहुँची रहै कि पवित्र साब्र के बचन के अनुसार ईसु मसीह हमरे पापन के ताही मर गौ; 4 और गडारो गौ, और पवित्र साब्र के अनुसार तिसरे दिन जिंदो हुई गौ; 5 फिर बौ कैफा के दिखाई दई और फिर बाके बाद बारहौ चेलन के बौ दिखाई दई। 6 फिरौकी बौ पाँच सौ से जट्टे भईय्यन के एक संग दिखाई दई, जिनमें से निरे तौ हबै ले जिंदे हैं पर कुछ मर चुके हैं। 7 फिरौकी बौ याकूब के दिखाई दई बाके बाद सब प्रेरितन के दिखाई दई। 8 सबन के बाद महुँ के दिखाई दई, जो मानौं अथुरे दिनन को जनमो हौं। 9 मैं तौ प्रेरितन मैं सबसे छोटो हौं। हिंयौं ले कि मैं प्रेरित कहबान के लायक भी नाय हौं काहैकि मैं तौ परमेस्वर की कलीसिया कै सताए करत रहौं। 10 लेकिन मैं जो कुछ भी हौं, परमेस्वर की दया से हौं, बाकी दया जो मेरे ऊपर है बौ बेकार नाय गई; लेकिन मैं बे सब बातन से बढ़कै मेहनत करो हौं: तहुँओ जो मेरी तरफ से नाय भौ लेकिन परमेस्वर की दया से भौ जो मेरे ऊपर रहे। 11 तभई चँहैं मैं होमौं, चँहैं बे होमैं, हम जहे प्रचार करथैं, और जहे से तुम बिस्वास भी करे। 12 तभई मसीह को जो प्रचार करो जाथै कि बौ मेरे भै मैं से जिंदो हुई गौ, तौ तुम मैं से किते ऐसे कह लेथैं कि मेरे भैन को पुनरुत्थान हईये नाय? 13 अगर मेरे भैन को पुनरुत्थान नाय है, तौ मसीह भी जिंदो नाय उठो; 14 और अगर मसीह मेरे भैन मैं से जिंदो नाय भौ है, तौ हमरो प्रचार करनो बेकार है, और तुमरो विस्वासो बेकार है। 15 बल्किन हम परमेस्वर के झुठे गभा ठहरे; हम परमेस्वर के बारे मैं जो गभाई दै कि बौ परमेस्वर ईसु मसीह कै जिंदो करी। 16 और अगर मेरे भै जिंदे नाय होते तौ, ईसु मसीह भी जिंदो नाय होतो। 17 और अगर ईसु मसीह जिंदो नाय भौ है, तौ तुमरो बिस्वास करनो बेकार है, और तुम हबै ले पापन मैं फसे पड़े हौ। 18 बल्किन जो मसीह मैं रहैं अब हमरे बीच मैं नाय रहे, बेऊँ मर गै। 19 अगर हम सिरफ जहे जिंदगी मैं मसीह मैं उमीद लगाथै तौ, हम सब जनी सारे इंसानन से जुट्टे, अभागो हैं। 20 लेकिन सच्ची मैं मसीह मेरे भै मैं से जिंदो भौ है, काहैकि पक्को है कि जो

लोग मौत कि नींद सोथैं उनके भी उठाओ जागो। 21 जैसे इंसान के जरिये से मौत आई, बैसिये पुनरुत्थान इंसान के जरिये से होथे। 22 और जैसे आदम के मरने के बजह से सब मरथैं, बैसिये ईसु मसीह मैं जिंदे करे जांगे। 23 लेकिन हर एक कै सई लैन बारी से उठाओ जागो: मसीह, सबसे पहले; फिर, बाके आन पोती, जो लोग बाके हैं। 24 जाके बाद सब अंत होगो; बौ समय बौ सब सासकन कै, और सब हक और सामर्थ्य कै खतम करकै राज्य कै परमेस्वर दऊवा के हात मैं सौंप देगो। 25 जबले परमेस्वर अपने बैरियन कै अपने टाँगन तेरे नाय लैयाबै, तौले मसीह को राज्य करनो जरूरी है। 26 सबसे आखरी बैरी जो खतम करो जागो, बौ मौत है। 27 “काहैकि साब्र कहथै, परमेस्वर अपने पैर के तेरे जो सब कुछ करी।” जो सपा है कि पक्के रूप से, “सब बाँतें” बाके हक मैं कर दौ गौ है, तौ जरूर है कि जो सबै कुछ बाके हक मैं कर दई, बौ खुदे अलग रहो। 28 लेकिन जब सबै बाँतें बाके हक मैं कर दौ जागो तौ, बाको लौडा खुदे बाके हक मैं हुई जागो, जो सबै बातन कै बाके हात मैं कर दई; जोसे सब मैं परमेस्वरै सब कुछ है। 29 अब नाय तौ जो आदमी मेरे भैन के ताही बपतिस्मा लेथै बे का करंगे? अगर मुर्दा जिंदे होतिये नाय तौ फिर काहैके उनके ताही बपतिस्मा लेथै? 30 और हमउँ काहे हर घडी जोखिम मैं पड़े रहथै? 31 ओरे भईय्यौ और बहेनियौ, मैं घमंड करथौं उनके ताही जो प्रभु ईसु मसीह मैं बिस्वास करथैं, मैं सैदे कहथौं कि उनके ताही मैं रोज मरथौं। 32 मैं उन आदमिन के ताही इफिसस मैं जंगली जानवर से लडो, अगर मेरे भै नाय जिंदे होमंगे, तौ मोकै का फायदा भौ “तौ आबो खाए-पी लेमैं, कल तौ मरिये जांमंगे।” 33 धोका मत खईयो, “बुरी संगत अच्छे चरित्र कै बिगाड देथै।” 34 होस मैं आबो। पाप करनो बंद करौ, तुमरे मैं से तमान तौ ऐसे हैं, जो परमेस्वर के बारे मैं कुछए नाय जानथैं, मैं तुमकै सई मैं लज्जित करन ताही जौ करथौं। 35 अब कोई जौ कहगो, “कि मुर्दा कौन सी रीति से जी उठथै? और कौन सी सरिर के संग आथै?” 36 ओरे बेअकली! जो कुछ तू बोथै, बहे दानो जबले नाय मेरे जिंदो नाय होथै। 37 और जो तैं बोथै, जौ बौ सरिर नाय जो पैदा होन बारी है, पर सिरफ गूदा है, तुम जमीन मैं पौधा नाय दानोंई बोथौ, चँहैं गेहूँ को, चँहैं कुछ और अनाज को। 38 लेकिन परमेस्वर जैसो चाहथै, बैसिये रूप बाकै दै देथै। सबै बीज कै बौ उनकै उनकोई सरिर दै देथै। 39 सबै सरिर एक हानी के नाय है। इंसानन की सरिर और है, जानवरन की सरिर और है; चिरईयँ की सरिर और है; मच्छियन की सरिर और है। 40 और स्वर्गिय सरिर है, और मरी भइ सरिर है: लेकिन स्वर्गिय सरिर को तेज और है, और मरी को और। 41 सूरज की चमक और है, और जोनी की चमक और है, और तारन की और है, एक तारा से दूसरो तारा के तेज मैं फरक है। 42 मुर्दा को पुनरुत्थान हुई जानो ऐसोई है। सरिर जो है नासवान की हालत मैं बोई जाथै और अविनासी रूप मैं जी उठथै। 43 बौ अनादर के संग बोई जाथै, और महिमा मैं जी उठथै; बिना बल के संग बोई जाथै; और सामर्थ्य के संग जी उठथै। 44 जब इंसान दफन करो जाथै, तौ एक भौतिक सरिर है; जब जी उठाओ जागो, तौ जो एक आत्मिक सरिर होगो। बेसक, एक भौतिक सरिर है, इसलै आत्मिक सरिरौ है। 45 साब्र कहथै: “पहलो इंसान अपने आप नाय

आओ मतलब आदम और जिंदो आदमी बनो।” और आखरी आदम (ईसु मसीह) जीवन देन बारे आत्मा बनो। 46 सुरू इंसान आत्मिक ना रहै, पर स्वाभाविक रहै, जाके बाद आत्मिक भौ। 47 धरती की धूल से आओ पहलो आदम; दूसरो आदम स्वर्ग से आओ। 48 जैसे बौ इंसान के मट्टी से बनाओ गौ, बैसिये सबै आदमी मट्टी से बने; और जैसो बौ स्वर्गिय है, बैसिये औरै स्वर्गिय हैं। 49 और जैसे हम बाको रूप जो मट्टी को रहै धारड करै, बैसिये बौ स्वर्गिय को रूप धारड करंगे। 50 भईय्यौ और बहेनियौ, मेरो मतलब है; कि मास और खून परमेस्वर के राज्य के हकदार नाय होंगे। और ना बिनास अविनासी के अधिकारी हुई सकथैं। 51 सुनो; मैं तुमके सैदे को एक राज की बात बताथौं: हम सब नाय मरंगे, बल्किन हम सब बदल जांगे। 52 जब सबसे बाद की तरहई बजैगी तौ पलक झपकतै खिना एक घडी मैं ऐसो हुई जागो, काहैकि तरहई बजैगी और मेरे भै अमर हुईके जी उठंगे और हम जो हबै जिंदे हैं, बदल जांगे। 53 जरूरी है कि जौ नासवान सर्रीर अविनासी सर्रीर के पहन ले, और जौ मरनहार सर्रीर अमरता के पहन लेथै। 54 और जब जौ नासवान सर्रीर अविनास के पहन लेगो, और जौ मरनहार अमरता के पहन लेगो, तौ साख्र मैं लिखो भौ बचन पूरो हुई जागो: “मौत खतम हुई जाथै; जीत पूरी हुई गई है!” 55 “ओ मौत तेरी जीत कितै गई? ओ मौत तेरो डंक कहाँ रहो?” (Hades 986) 56 मौत को डंक पाप है; और पाप को सामर्थ्य नियम है। 57 लेकिन परमेस्वर को धन्यवाद होबै जो कि प्रभु ईसु मसीह के बजह से हमके जीत मिलथै! 58 तौ मेरे प्रिय भईय्यौ और बहेनियौ, मजबूत रहके अटल रहबौ, प्रभु के काम मैं सदा बढ़ते जाबौ, तुम जानथौ कि तुमरी मेहनत प्रभु मैं बेकार नाय है।

16 अब, बौ चन्दा के बारे मैं जो यहदा के पवित्र लोगन के ताहीं इखटो करो जाथै, जो आग्या मैं गलातिया की कलीसियन के दौ, बैसिये तुम्हऊँ करौ। 2 तुम मैं से हर सप्ताह के पहले रोज के अपनी कमाई मैं से कुछ अपने पास धरनो चाहिए और बाकै इखटो करनो चाहिए, ताकी मेरे आन मैं धन इखटो करन कि जरूरत ना रहबै। 3 जब मैं आंगो, तौ जिनके तुम परखेगो, उन्हें मैं चिठी देंके पनार देंगो, कि तुमरो भेंट यरूसेलम पहुँचाए देंमैं। 4 और अगर मेरो जानो ठीक रहो, तौ बे मेरे सगै चले जांगे। 5 और मैं मकिदुनिया होत भौ तुमरे झोने आंगो; काहैकि मोकै मकिदुनिया हुईके जानेई है। 6 हुई सकथै कि तुमरे हीना स्क जामौ और सर्दी को मौसम तुमरे हियाँ गुजारौ, तौ जितै मोकै जाने होबै, उतै तुम मोकै पनार सकौ। 7 मैं अब रहामैं तुमसे भेंट करनो नाय चाहथौं; पर मोकै जौ उमीद है, कि अगर प्रभु चाही तौ मैं थोडी समय तुमरे सगै रहंगो। 8 मैं पिन्तेकुस्त के दिन तक इफिसस मैं रहंगो। 9 मेरे ताहीं एक बडो और उपयोगी फाटक खुलो है, और बिरोधियो तमान हैं। 10 अगर तीमथियुस आए जाबै, तौ देखियो बौ तुमरे झोने बगैर डराय रहबै; बौ मेरिये हानी प्रभु को काम करथै। 11 तभई बाकै कोई तुच्छ नाय जानै, लेकिन बाकै सांति और कुसल से जौ पाँजर पनार दियो, कि मेरे झोने आए जाए; मैं बाकी रहा निहार रौ हौं, कि बौ भईय्यन और बहेनियन के संग आबै। 12 अब, भईय्या अपुल्लोस से मैं बडा नहारे करो हौं कि तुमरे झोने दूसरे विस्वासियन के संग जाबै; लेकिन बौ जौ घडी जान

की इच्छा नाय करी, पर जब मौका पाएगो तौ आए जागो। 13 जगते रहबौ, बिस्वास मैं मजबूत रहबौ, हिम्मती बनौ, बलवन्त होबौ। 14 जो कछु करथौ प्यार से करौ। 15 मैं तुमसे, मेरे भईय्यौ और बहेनियौ, नहारे करथौ की तुम स्तिफनास के घराने के तौ जानतै हो, कि बे अखाया की फसल के पहले फरा हैं, और पवित्र लोग की सेवकाई के ताहीं समरे रहथैं। 16 कि ऐसेन के अधीन मैं रहबौ, बल्किन हर एक के जो जौ काम मैं मेहनती और संग देनबारे हैं। 17 और मैं स्तिफनास और फूरतूनातुस और अखईकुस के आन से खुस हौं, बे तीनौ तुमरी घटी के पूरो करी हैं 18 और बे मेरी और तुमरी आत्मा के चैन दई हैं, इसलै ऐसियनों की मानौ। 19 आसिया की कलीसिया के घाँई से तुमके नमस्ते; अक्वेला और प्रिस्किल्ला को और उनके घर की कलीसिया को भी तुमके प्रभु मैं भौत-भौत नमस्ते। 20 सब भईय्यन को तुमके नमस्ते। पवित्र चूमि से आपस मैं नमस्ते करे करौ। 21 मैं पौलस अपने हातन से नमस्ते लिखरौ हौं। 22 अगर कोई तुम मैं से प्रभु से प्यार नाय करथै, तौ बौ छापित है। प्रभु! आ! 23 प्रभु ईसु की दया तुमरे संग है। 24 मेरो प्यार ईसु मसीह मैं तुम सबन के संग रहबै।

2 कुरिन्थियों

1 पौलस के घाँई, से जो परमेस्वर की इच्छा से मसीह ईसू को प्रेरित है और भईय्या तीमथियुस के घाँई से परमेस्वर की बौ कलीसिया को नाओ जो कुरिन्थुस में है, और सबै अखाया के संत और पवित्र लोगन (विस्वासियन) के लिखथै। 2 हमरे परम दऊवा परमेस्वर और प्रभु ईसू मसीह के घाँई से तुम्हें अनुग्रह, किरपा और सांति मिलत रहबै। 3 धन्य हो हमरे प्रभु ईसू मसीह के परमेस्वर, जो कि दया को परम दऊवा है और सांति को परमेस्वर है। 4 बौ हमरी सबै मुसीबतन में सांति देथै, ताकी हम औरन के जो मुसीबत होमैं राहत दे सकैं, बहे दिलासा जो हम खुद परमेस्वर से पाथैं। 5 जैसे मसीह के भौत कस्टन में हमरो हिस्सा है, बैसिये मसीह के जरिये से भी हम परमेस्वर कि महान दिलासा में हिस्सा लेथैं। 6 अगर हमकें कलेस मिलथै; तौ जौ तुमरे बढावा और उद्धार के ताहीं है; और अगर राहत मिलथै, तौ जौ तुमरी दिलासा के ताहीं है; जोके असर से तुम धीरज के संग के कलेसन के झेल लेथौ, जोकें हमउं झेलथैं। 7 और हमरी आसा तुमरे बारे में मजबूत है: हम जानथैं कि जैसे तुम हमरे दुखन में भागीदार हो, बैसिये दिलासा देन में भी संग हो। 8 भईय्यो और बहेनियो, हम तुम्हें याद दिबानो चाहथैं, आसिया के देस में हमें जो पेरसानी भइ रहैं। बे बोझ इतने भारी और सामर्थी रहैं कि हम जिंदे रहन कि सबै उमीद छोड़ दें। 9 लेकिन हम अपने मन में समझ गै रहैं, कि हमकें मौत की सजा मिल चुकी है, ताकी हम अपने भरोसो नाय रखैं, पर परमेस्वर जो मेरे भेन के जी उठाथे, बाके ऊपर भरोसो करनो चाहिए। 10 बहे हमकें मौत के ऐसे बड़े भयानक खतरन से बचाई, और बचाबैगो; और बासे हमरी जौ उमीद है, कि बौ अगुओ बचात रहबैगो, 11 जैसो कि तुम हमरे ताहीं अपनी प्रार्थना के जरिये से हमारी मदद करथौ। तौ जौ होगो कि हमरे ताहीं भौत सी प्रार्थना को जबाब दी जागो, और परमेस्वर हमकें वरदान देगो; और भौत से लोग हमरे ताहीं धन्यवाद देन के ताहीं उनकी अबाज उठांगो। 12 हम बिस्वास और एक साफ मन के संग कह सकथैं कि हम अपने सबै ब्यवहारन में परमेस्वर को वरदान पवित्रता और इमानदारी के गभा रहैं। हम परमेस्वर के अनुग्रह और किरपा पर निर्भर हैं, अपने सरिर के ग्यान में ना। जहे बहे है कि हम खुदकें दुनिया के सामने, और खासकर के तुमरे घाँई करे हैं। 13 हम तुम्हें और कछु नाय लिखथैं, खाली बौ जो तुम पढ्यौ या मानत भी हो, और मोकें उमीद है कि तुम हमकें पूरी तरह से समझ पाबैगो, 14 जैसो कि तुम में से किते जनी मान लई हैं, कि हम तुमरे गरब करन की बजह हैं; बैसिये तुम्हें प्रभु ईसू के दिन हमरे ताहीं गरब करन की बजह बनैगो। 15 मोकें जौ बात में इतनो यकीन रहै कि मैं पहली बार तुमरे सफर को योजना बनाओ रहौं, ताकी तुम पर दुसरी बार अनुग्रह और किरपा हुई सकें। 16 और तुमरे झोने से हुईकें मकिदुनिया के जांमों, और फिर मकिदुनिया से तुमरे झोने आमों और तुम मोकें यहदिया के घाँई थोड़ी दूर ले पुगाबौ। 17 इसलै मैं जो जौ इच्छा करो रहौं, तौ का मैं चंचलता दिखाओ? या फिर जो करनो चाहत रहौं का सरिर के अनुसार करनो चाहथौ, कि मैं बातन में

“हाँ, हौं” करौ; और “ना, ना” भी करौ? 18 जैसो कि पक्के रूप से परमेस्वर सच्चो है, मेरो तुमसे “हाँ” और “ना” ना रहै। 19 परमेस्वर को लौडा ईसू मसीह जोको हमरे जरिये मतलब कि मेरे और सिलवानुस और तीमथियुस के जरिये तुमरे बीच में प्रचार भौ; बांमै “हाँ” और “ना” दोनों नाय रहैं। पर बांमै “हाँईए, हौं” भइ; 20 परमेस्वर की सब वादा में उनमें “हाँईए” है, इसलै हम परमेस्वर की महिमा के ताहीं मसीह ईसू के जरिये “आमीन” कहथैं। 21 जौ खुद परमेस्वर है जो हमें बनाथे, तुमरे संग मिलकै, मसीह के संग हमरी जिंदगी के सुनिश्चित करथे; जौ खुद परमेस्वर है जो हमकें अलग रखी है, 22 जो हमरे ऊपर छाप लगाए दई है और ब्याने में अपनी आत्मा के हमरे मन में दई है। 23 परमेस्वर मेरी जौ सच्चाई को गभा है, बौ मेरे मन और दिल के जानथै! जौ तुम्हें अलग करन के ताहीं रहै कि मैं कुरिन्थुस के ना आन को फैसला करौ। 24 जौ नाय, कि हम बिस्वास के ऊपर अपने हक जतामै तुम अपने बिस्वास में टिके पड़े हो, हम तौ तुमरिये खुसी के ताहीं तुमरी मददथे।

2 तभईये मैं अपने मन में जौ ठान के फैसला कर लौ रहौं कि मैं फिरसे हूँआं तुम्हें उदास करन के नाय आमांगो। 2 काहैकि अगर मैं तुम्हें उदास करंगो, तौ मोकें खुसी देन बारो कौन होगो, खाली बहे जोकें मैं उदास करौ हौं? 3 और मैं जहे बात तुम्हें इसलै लिखो कि कहूँ ऐसो नाय होबै कि मेरे आन में, जोसे मोकें खुसी मिलनो चाहिए कहूँ मैं उनसे उदास होमौं; काहैकि मोकें तुम सबन के ऊपर जौ बात को भरोसो है कि जो मेरी खुसी है, बहे तुम सबन की खुसी है। 4 बडा कलेस, और मन के दुख से मैं बडा आँसू बहाए-बहाएकें तुम्हें चिठी लिखो हौं, जौ ताहीं नाय कि तुम उदास होबौ पर जौ ताहीं कि तुम बौ बड़े प्यार के जानलेबौ, जो मोकें तुमसे है। 5 अगर कोई उदास करौ है, तौ बौ मुहीं के नाय पर थोड़ी हद तक तुम सबन के उदास करी है। 6 ऐसे आदमी के ताहीं जौ सजा जो सब जनी दई है, भौत है। 7 इसलै जासे अच्छो जौ है कि बाकी गलती के माफ करौ और प्रोत्साहन दियौ, कहूँ ऐसो नाय होबै कि ऐसो आदमी उदासी में डूब जाबै। 8 जौ बजह से मैं तुमसे नहोरे करथौ कि बाकें अपने प्यार की निसानी देबौ। 9 काहैकि मैं जहे ताहीं लिखो रहौं कि तुम्हें परख लेमौं, कि तुम मेरी सब बातन के मानन ताहीं राजी हो कि नाय। 10 जोकें तुम कछु बात में माफ करथौ बाकें महुँ माफ करथौ, काहैकि जो बात में माफ करौ हौं, अगर करौ हौं, तौ तुमरी बजह से मसीह की जघा में हुईकें माफ करौ हौं। 11 कि सैतान हमरी हालत को कोई फायदा ना उठाए पाबै, आपन बाकी चालन से बेखबर ना हैं। 12 और जब मैं मसीह को सुसमाचार, सुनान के तरोआस सहर आओ, और हूँआं प्रभु मेरे ताहीं फाटक खोल दई, 13 हूँआं अपने भईय्या तीमथ के नाय पान से मेरे मन में बेचेनी हुई गई, इसलै उनसे बिदाई लैकें मैं मकिदुनिया के चले गौ। 14 परमेस्वर को धन्यवाद होबै! जो मसीह में हमेसा हमकें जय के त्योहार में ले फिरथे, और अपने ग्यान की खुसबू आपन के जरिये सब जघा फैलाथे। 15 काहैकि हम परमेस्वर के झोने उद्धार पानबारेन और खतम होन बारे दोनों के ताहीं मसीह की खुसबू हैं। 16 जो

लोग हराएँ हैं, उनके ताही जो एक खतरनाक बदबू है जो मारथे; लेकिन जो बचाए जा रहे हैं, उनके ताही जो एक खुसबू है जो जिंदगी लाथे। फिर, ऐसे काम के ताही कौन काबिल है? 17 काहेंकि हम बे गजब जनिन के हानी नाय हैं, पर मन की सच्चाई से और परमेस्वर के घाँई से और परमेस्वर के हियाँ हुईके जानकै मसीह मैं बोलथैं।

3 का फिर से हम अपनी बड़ाई करन लागे? या फिर हम कितनेन के हानी सिफारिस की चिठिन की जरूरत है? 2 हमरी चिठी तौ तुम्हई हौ, जो हमरे मन मैं लिखी पड़ी है और बाकै सब जनी जानथैं और पढ़थैं। 3 जो सपा है कि मसीह खुद जौ चिठी लिखी रहै और जाकै हमरे जरिया भेजो गौ रहै। जौ सेवा के काम को नतीजा स्याई से नाय बल्किन जिंदे परमेस्वर की आत्मा से लिखो गौ है, और पथरा की पठियन मैं नाय बल्किन इंसान के मन मैं। 4 हमकै मसीह के जरिये परमेस्वर के ऊपर ऐसोई भरोसो है। 5 जौ नाय, कि हम अपने आप से जाके काबिल हैं, कि अपने घाँई से कोई बात सोच-समझ सकैं, लेकिन हमरी काबिलियत तौ परमेस्वर के घाँई से है, 6 जो हमकै नई वाचा को काम करन के काबिल सेवक बनाई, जौ वाचा लिखे भै नियम के ना हैं पर आत्मा के हैं, लिखो भौ नियम मौत के पैदा करथैं, और आत्मा जिंदगी देथे। 7 अगर पथरा की पठिया मैं लिखे भै अखरन मैं मौत के वाचा मैं इतो उजीतो रहै कि इस्पाएल बंस के सेवक मूसा के मोहों मैं अपनी नजर टिकान तक कि हिम्मत ना रहै, और तहुँओ उजीतो धीर-धीर मद्दो होत जात रहै। 8 तौ फिर आत्मा के वाचा की सेवा मैं औरौ अगरो उजीतो ना होगो? 9 काहेंकि बुराई करन बारी धार्मिकता को प्रचार प्रडाली महान रहै; कितनो जाधे महिमा की गतिविधि है जो उद्धार लाथे! 10 हम कह सकथैं कि दूर की महिमा के बजह से अब बौ गौरव जो अतीत मैं इतनो उज्ज्वल रहै, चले गौ है। 11 जो कम होत जात रहै बौ उजीतो रहै, और बौ जो टिको रहागो, तौ बौ औरौ अगरो उजीतो काहे ना देगो! 12 जहे बजह से हम ऐसे आस धरकै हम हिम्मत करकै बोलथैं। 13 हम मूसौ के हानी नाय हैं, जो अपनो मोहों जौ ताही लुकाए रखत रहै कि इस्पाएल के लोग भौ धीर-धीर कम होत भइ उजिते कै नाय देख पायें। 14 सई मैं इस्पाएल बारेन की मन्ती खराब हुई गई रहै, अभैले पुराने वाचा के नियम कै पढत पोती उनके मन मैं बहे परदा पड़ो रहथे, और जौ परदा खाली मसीह मैं हटाओ जाथे। 15 और अभैले जब कह मूसा की किताब पढ़ी जाथे, तौ उनके मन मैं परदा पड़ो रहथे। 16 पर जब कह उनको मन प्रभु के घाँई होगो, तौ बौ परदा हट जागो। 17 अब, “प्रभु” तौ आत्मा है; और जहाँ कहँ प्रभु को आत्मा है हुँआँ आजादी है। 18 और हम, जो उनके मोहों से प्रभु की महिमा निहारथैं, उनके हानी धीर-धीर बढ़त भइ महिमा के संग बदलत जाएँ हैं, जौ महिमा प्रभु से, जो आत्मा है, दुआरे निकरथे।

4 इसलै कि जौ सेवकाई हमकै परमेस्वर की दया से मिली है, तौ हम हिम्मत नाय छोड़थैं। 2 हम सरमान बारे लुके कामन के करकै छोड़ दें हैं, और ना तौ हमरे बर्ताव मैं कैसियो चलाँकी है और ना तौ हम परमेस्वर के बचन कै तोड़-मरोड़ के देथें, पर सच्चाई कै दिखाने के हम परमेस्वर के अगु खूदकै हर एक के मन

के ताही देथैं। 3 अगर हमरे सुसमाचार मैं परदा पड़ो है, तौ जौ उन्हई के ताही परदा पड़ो है, जो नास होन ताही जाएँ हैं। 4 और बे अविस्वासिन के ताही, जिनकी अकल जौ युग को भगवान अंधरा कर दई है, ताकी मसीह जो कि परमेस्वर को रूप है, बाके उजीते सुसमाचार को उजीतो उनके ऊपर नाय चमकै। (aiōn g165)

5 हम अपनो नाय, बल्किन मसीह ईसू के उपदेस कै फैलाथैं कि बौ प्रभु है; और अपने बारे मैं ऐसे करकै कहथैं कि हम ईसू की बजह से तुमरे दास हैं। 6 परमेस्वर, जो कही, “अंधियारे मैं उजियारो चमकै,” बहे परमेस्वर है, जो हमरो मन चमकाय दई कि हमकै ईसू मसीह के मोहों मैं चमकत भइ परमेस्वर के उजीते के ग्यान को उजीतो दें देमैं। 7 पर हमरे झोने बौ धन मट्टी के बरतनन मैं रखो है, कि जौ कह नाय खतम होन बारी सक्ति हमरे घाँई से नाय है, बल्किन परमेस्वर के घाँई से है। 8 हम सब घाँई से कलेस भोगथैं, पर परेसानी मैं नाय पड़थे; और डरात तौ हैं पर उदास नाय होथैं। 9 सताए तौ जाथे, पर छोड़े नाय जाथे; गिराय तौ जाथे, पर खतम नाय करे जाथे। 10 हम हमेसा मसीह ईसू की मौत के अपने सरिर मैं लै फिरथे, कि मसीह ईसू की जिंदगी हमरे सरिर मैं दिखाई देबै। 11 हम जीते जी हमेसा ईसू की बजह से मौत के हाथ मैं सौंपे जाथे कि ईसू की जिंदगी हमरे मरन बारी सरिर मैं दिखाई देबै। 12 ऐसे करकै मौत तौ हमरे ऊपर असर डारथे और जिंदगी तुमरे ऊपर। 13 इसलै कि हममें बहे बिस्वास की आत्मा है, जोके बारे मैं लिखो है, “मैं बिस्वास करो, इसलै मैं कहो।” और हमउं बिस्वास करथे, इसलै हम बोलथैं। 14 हम जानथैं कि जो प्रभु ईसू मसीह के जिंदो करी है, बहे हमउं के ईसू मसीह के संग जिंदो करेगो और तुमरे संग हमउंकै अपनी हाजरी मैं लै जागो। 15 सबे चीज तुमरे ताही है, ताकी परमेस्वर को अनुग्रह गजबन के जरिये गजब हुईके परमेस्वर की महिमा के ताही धन्यवाद की बजह बनै। 16 जौ बजह से हम कह निरास नाय होथैं। भलेई हमरो भौतिक रूप धीर-धीर खतम हुई रौ है, फिर भी हमरे आध्यात्मिक दिन प्रतिदिन नै हुईरें हैं। 17 और जौ छोटी और स्थाई परेसानी जो हम झेलथे, बौ हमें एक जरूरी और अनंत महिमा देबेगी, जो मूसीबत से भौत बड़ी है। (aiōnios g166)

5 हमकै जौ पता है कि जब हमरो घर (हमरी सारीरिक सरिर) के गिराय दौ जागो, तौ हमरे ताही परमेस्वर के घाँई से एक ऐसो घर मिलेगो, जो आदमिन के हात से नाय बनो भौ होगो बल्किन स्वर्गिय होगो और अनंतकाल के ताही होगो। (aiōnios g166) 2 जौ एक सच्चाई है कि हम आँह भरथे, जो घर मैं रहै रें हम बायें बौ स्वर्गिय घर के पहनन ताही मरे जाथें। 3 जाके संग लता पहने बिना हम सरिर के बिना ना रहमगे। 4 सच्ची जौ है कि जौ घर मैं रहत भइ हम बोझ मैं दबे भै क्राहत रहथे, हम चाहथे कि हम नगे ना रहमैं, और सरिर मैं लता पहने कि जो कछु सारीरिक है, बौ जिंदगी को कौरा बन जाबै। 5 परमेस्वर बौ है जो हमकै जौ बदलाव के ताही

तैयार करी है, और वो हमें अपनी आत्मा के बे सबन कि गारंटी के रूप में दई है जो बाके ताहीं हमरे पास है। 6 जहे ताहीं हम हमेसा हिम्मत भँदे रहथैं और जौ जानथैं कि जबले हम जौ सरिर में रहथैं, तौले प्रभु से अलग हैं। 7 हम रूप के देखके नाय, बल्किन बिस्वास से चलथैं। 8 जहे ताहीं हम हिम्मत भँदे रहथैं, और सरिर से अलग हुईकै प्रभु के संग रहनो औरौ अच्छो समझथैं। 9 जौ बजह से हमरे मन की इच्छा है कि चाँहे संग रहमैं, चाहे अलग रहमैं पर हम प्रभु के पसंद आत रहमैं। 10 काहैकि हम सबके बाके सामने न्याय करन के ताहीं, मसीह के अगु हाजिर होनो चाहिए। हम हर एक पापगो जो हमरे लायक है, हम जो कुछ अपने सरिर के जरिया करे हैं बाके हिसाब से, हमरे जिंदगी में अच्छो या बुरो। 11 हम जानथैं कि प्रभु से डरान को का मतलब है, और इसले हम दूसरे के मानन कि कोसिस करथैं। परमेस्वर हमें पूरी तरह से जानथैं, और मोँके उमीद है कि तुमरे दिलन में भी तुम मोँके जानथौ। 12 हम तहँओं अपनी बड़ाई तुमरे अगु नाय करथैं, पर जौ तुमरे ताहीं ऐसो मौका है कि तुम हमरे ऊपर गरब करौ कि तुम उनके जबाब दै सकौ, जो अपने मन की बजाय दिखावटी बातन में घमंड करथैं। 13 का हम बास्तव में पागल हैं? जौ परमेस्वर के ताहीं है। या हम समझदार हैं? फिर जौ तुमरे खातिर है। 14 मसीह को प्यार हमकै जौ परखन ताहीं मजबूर कर देथैं; जहे ताहीं कि हम जौ समझथैं कि जब एक जनी सबन ताहीं मरो तौ सब जनी मर गै। 15 और बौ जो की सबन के ताहीं मरो, कि जो जिंदे हैं, बे अगु के अपने ताहीं नाय जाँमैं बल्किन बाके ताहीं जो उनके ताहीं मरो और फिर से जी उठो। 16 और अब से हम कोई के सरिर की नजर से नाय देखंगे। और हम मसीह के सरिर की नजर से जाने रहैं, पर अब से बाके ऐसो नाय जानंगे, अब हम बाके जानंगे हैं। 17 जहे ताहीं कि अगर कोई मसीह में है, तौ बौ नई दुनिया है; पुरानी बात बीत गई है; देखो, सब बातें नई हुई गई हैं। 18 जौ सब परमेस्वर के जरिये करो जाथैं, जौ मसीह के जरिये हमें दुस्मन से अपने दोस्त में बदल दई और हमें दूसरे के भी अपनो दोस्त बनान को सेवकाई को काम दई। 19 हमरो संदेसो जौ है कि परमेस्वर मसीह के जरिये से पूरी दुनिया के अपनो दोस्त बनात रहैं। परमेस्वर उनके पापन को लेखा-जोखा ना रखी, और बौ हमकै बौ संदेस दई है, जो बताथैं कि बौ कैसे उनके अपनो दोस्त बनाथैं। 20 जहे ताहीं हम मसीह के राजदूत हैं; परमेस्वर हमरे जरिये तुमसे नहोर कररी है, हम मसीह के घाँई से तुमसे नहोर करथैं कि परमेस्वर के संग मेल-जोल कर लेबौ। 21 मसीह पाप से अनजान रहै, बहकै बौ हमरे ताहीं पाप बनाए दई, कि हम उनमैं हुईकै परमेस्वर की धार्मिकता बन जाँमैं।

6 परमेस्वर के सहकर्मों होन की बजह से हम तुमकै जौ समझाथैं, कि परमेस्वर की दया जो तुमरे ऊपर है, बाके बेकार मत जान दियो। 2 परमेस्वर तौ कहथे: “अपने खुस होन के पोती में तेरी सुन लौ, और उद्धार के दिन में तेरी मदद करौ।” देखो, अबै खुसी को समय है; देखो, अबै बौ उद्धार को दिन है! 3 हम कोई बात में ठोकर खान को कोई मौका नाय देथैं, ताकी हमरी सेवा में कोई दोस न आबै। 4 लेकिन हर बात में परमेस्वर के सेवकन के हानी अपने

अच्छे गुडन के दिखाथैं, बड़ा धीरज से, कलेसन से, दरिद्रता से, परेसानी से, 5 कोडा खान से, कैद होन से, दंगा से, मेहनत से, जगत रहन से, बर्त रखन से। 6 पवित्रता से, बुद्धि से, धीरज से, नमरता से, पवित्र आत्मा से दयालुता से और कपटरहित सच्ची जिंदगी के जरिये, सच्चे प्यार से, 7 सच्चाई के बचन से, परमेस्वर की सामर्थ्य से, धार्मिकता के हथियारन से जो दौए-बाँए हातन में है, 8 आदर और निरादर से, निंदा और बड़ाई से। हमकै झूठो मानो जातो है, जबकी हम सच बोलथैं; 9 हमकै गुमनाम समझो जाथैं, जबकी हमकै सबै जानथैं। हमकै मरो भौ जैसो समझो जाथैं, पर देखो हम तौ जिंदे हैं। हमकै सजा भुगतत भौ समझो जाथैं, तहँओ देखो हम जान से मोरे नाय जाथैं; 10 हम दुखी होत तौ हैं, पर हमेसा खुस रहथैं; कंगालन के हानी हैं, पर भौतन के सेठ बनाए देथैं; ऐसे हैं जैसे हमरे झोने कछुए नाय है तहँओ सबै कछु धरथैं। 11 प्रिय दोस्तौ कुरिन्थ के रहन बारेयौ, हम कतई तुमसे खुलकै बतकाए हैं, हमरो मन तुमरे ताहीं खुलो भौ है। 12 तुमरे ताहीं हमरे दिल में कोई संकोच नाय है, पर तुमरेई दिल में संकोच है। 13 अपने बालका समझकै तुमसे कहथौ कि तुमहँकें अपनो मन हमरे अगु खोलकै धर दियो! 14 अविस्वासिन के संग आसमान जुआ में मत जुतौ, धार्मिकता और अधर्म को का मेल-जोल? या उजियारे और अधियारे को का मेल? 15 मसीह और बलियाल को कैसो मेल या विस्वासी के संग अविस्वासी को का रिस्ता? 16 और मूर्तिन के संग परमेस्वर के मंदिर को का रिस्ता? हम तौ जिंदे परमेस्वर के मंदिर हैं; जैसो कि परमेस्वर को कहनो है: “मैं उनमैं बसंगो और उनके बीच चले फिरे करंगो; और मैं उनको परमेस्वर होमंगो, और बे मेरे लोग होंगे।” 17 जहे ताहीं प्रभु कहथे, “उनके बीच से निकरौ और अलरथ्यौओ रहबौ; और असुद्ध चीजन के मत छूबौ, तौ मैं तुमकै अपनांगो; 18 और मैं तुमरो परम दऊवा होमंगो, और तुम मेरे लौडा और लौडिया होगे। जौ सर्वसक्तिमान प्रभु परमेस्वर को वाचा है।”

7 मेरे प्रिय भईय्यो, जब खिन कि जे प्रतिग्याएँ हमकै मिली हैं, तौ आबौ, हम अपने आपकै सरिर और आत्मा की सब मलिनता से सुद्ध करैं, और परमेस्वर को डर मानत भै पवित्रता के पूरो करैं। 2 हमकै अपने दिल में बिच्चा देबौ। हम तौ कोई के संग अन्याय नाय करे, और ना कोई को कुछ बिगाडे, और ना कोई के ठगे। 3 मैं तुमरे ऊपर इल्जाम लगान ताहीं जौ नाय कहरी हौ। मैं अगुए कह चुको हौ कि तुम हमरे दिल में ऐसे बस गै हौ कि हम तुमरे संग मरन जीन के ताहीं तैयार हैं। 4 मैं तुमसे बड़ा हिम्मत से बोल रौ हौ, मोँके तुमरे ऊपर बड़ा घमंड है! मैं सांति से भरगौ हौ; अपने सब कलेसन में, मैं खुबै खुस रहथौ। 5 जब हम मकिदुनिया में आए, तहँओ हमरे सरिर के सुकून नाय मिलो, और हमकै सब घाँई से कलेस मिले करत रहै; बाहर लड़ाई रहैं, और भीतर भैकर डर रहैं। 6 लेकिन परमेस्वर, जो निरास लोगन के प्रोत्साहित करथे, हमके तीतुस के आन के संग प्रोत्साहित करी। 7 और ना खाली बाके आन से बल्किन बाकी बौ सांति सेयौ, जो बाके तुमरे घाँई से मिली रहै। बौ तुमरी इच्छा, तुमरे दुख, और मेरे ताहीं तुमरी धुन की खबर हमकै सुनाई, जोसे मैं और खुस हुई गौ। 8 मैं अपनी चिड़ी से तुमकै दुखी करो, पर मैं बासे

पछताता ना हौं जैसो कि अगु पछतात रहौं, मैं देखथौं कि बौ चिठी ईसु मसीह के अनुग्रह और किरपा के जानथौ; बौ जितनो सेठ रहै, से तुमकै दुख तौ भौ लेकिन बौ जरा देर को रहै। 9 अब मैं खुस हौं बौ तुमरी खातिरदारी के ताहीं खुदकै कंगाल बनाए दई, ताकी तुम पर जाके ताहीं नाय कि तुमकै दुख भौ, बल्किन जौ ताहीं कि तुम बौ दुख की बजह से मन फिराए, तुमरो दुख परमेस्वर की इच्छा से रहै, कि तुमकै हमरी बजह से कैसियो नुकसान नाय होबै। 10 बौ दुख, जो परमेस्वर के घाँई से आथै, उद्धार देनबारे पछतान की बजह बन जाथै, जहाँ पछतानो के ताहीं कोई जघा नाय रहथै, जबकिन कि संसारिक दुख मौत के पैदा करथै। 11 देखौ कि परमेस्वर तुमरी जौ उदासी के संग का करी: जौ तुमकै कितनो आसान बनाए दई है, है। 12 अगर कोई की दान देन की इच्छा है, तौ जो कछु बाके झोने तुमरी मासुमियत के साबित करन के ताहीं कितनो उत्सुक है! ऐसो आक्रोस, ऐसो डर, ऐसी भावना, ऐसी भक्ति, गलत काम के सजा देन कि ऐसी जल्द बाजी! तुम पूरे मामले मैं गलती के बिना खुदकै दिखाए हो। 12 और जौ चिठी मैं ना तौ तुमकै जौ ताहीं लिखो कि मौके उनकी फिरकर रहै, जो अन्याय करथै और ना तौ बाके ताहीं, जो अन्याय झेलथै पर जौ ताहीं कि परमेस्वर के अगु खुद तुम्हई जौ देख लेथौ कि तुम हमरे ताहीं कितने सच्चे और उत्सुक हो। 13 इसलै हमकै प्रोत्साहित करो गो। ना खाली हमकै प्रोत्साहित करो गो; जैसे करके तुम सबै बाके खुस करन मैं मदत करे, बैसिये तीतुस हमरो मन खुसी से भर दई! 14 अगर मैं तीतुस के अगु तुमरे बारे मैं कछु घमंड दिखाओ, तौ मैं लज्जित नाय भौ हौं, पर जैसे हम तुमसे सब बात सच्ची-सच्ची कह दै रहैं, बैसिये हमरो घमंड दिखानो तीतुस के अगु सच्ची निकरो। 15 और इसलै तुमरे ताहीं बाको प्यार और मजबूत हुई जाथै, काहेंकि बाके याद है कि तुम सबै बाके निर्दसिन को पालन करन के ताहीं कैसे तैयार रहो, तुम डर और काँपत भै बाको स्वागत कैसे करे। 16 मैं कितनो खुस हौं कि मैं तुमरे ऊपर पूरी तरह से निर्भर हुई सकथौं!

8 मेरे भईय्यो और बहेनियो हम तुमकै परमेस्वर के बौ अनुग्रह की खबर देथैं जो मकिदुनिया की कलीसियन मैं भौ। 2 बडा खतरनाक परेसानी मैं उनकी बडा खुसी और भारी कंगाली मैं एक हुईकै उनकी बडी दया छलक पडी है। 3 उनके बारे मैं मेरी जौ गभाई है कि बे ना खाली उतनोई दई, जितनी उनकी सामर्थ्य रहै पर कहैं अगरो दई है, जौ बे अपने मन से दई है। अपनी इच्छा से 4 बे तौ हमसे खूबे नहारे करत भइ आनो चौंहीं कि उनके पवित्र लोगन के अनुग्रह की मदत मैं यहदिया की सेवकाई की संगती मैं आन को मौका मिल जाबै। 5 और जैसी हम आस रखे रहैं! बैसिये नाय; और बे प्रभु कै, फिर परमेस्वर की मरजी से हमकै भी अपने आपकै दै दई। 6 जहे ताहीं हम तीतुस के समझाए कि जैसो बौ अगु सुरू करी रहै, जाके जारी रखन और प्यार की जौ खास सेवा अनुग्रह के जरिया पूरो करन मैं तुमरी मदत करन के ताहीं। 7 जहे ताहीं जैसो तुम हर बात मैं मतलब बिस्वास, बचन, ग्यान, और हर तरहन की परेसानी मैं, और प्यार मैं जौ तुम हमसे करथौ, बढ़त जाथौ, बैसिये जहो अनुग्रह और दान के काम मैं उत्सुकता से बढ़त जाबौ। 8 मैं कोई आग्या नाय बनाए रो हौं। पर जौ दिखान ताहीं कि दुसरेन कि मदत करन के ताहीं कितनो खुस हौं, मैं जौ परखन की कोसिस कर रहो हौं, कि तुमरो खुद को प्यार कितनो सच्चो है। 9 तुम हमरे प्रभु

ईसु मसीह के अनुग्रह और किरपा के जानथौ; बौ जितनो सेठ रहै, बौ तुमरी खातिरदारी के ताहीं खुदकै कंगाल बनाए दई, ताकी तुम बाकी गरीबी की बजह से सेठ बन सकौ। 10 जौ बात मैं मेरी राय जहे है, जाँमे तुमरो भलो है पिछले साल तुम दान दै भी और दान देन की इच्छा मैं तुम अगु रहो। 11 जहे ताहीं, जो काम तुम सुरू करे रहो, बाँके पूरो करौ, जौ काम के खतम करन ताहीं बैसिये तेजी दफे अपनी बेई पूँजी और हिम्मत से करौ, जो जौ समय तुमरे पास दफे अपनी बेई की दान देन की इच्छा है, तौ जो कछु बाके झोने है, बहे के हिसाब से बाको दान अपनाओ जागो, ना कि बाके हिसाब से, जोके झोने नाय है। 13 हमरो मतलब जौ नाय है कि दुसरेन की भलाई करन के चक्कर मैं तुम खुद दुख झेलौ, हमरो लक्छ खाली फैसला करनो है। 14 जौ समय तौ तुमरी बढोतरी उनकी जरूरत पूरी करन ताहीं काफी है, कहू जहो हुई सकथै कि तुम्हऊँ के जरूरत पडै, और बे अपनी बढोतरी मैं से तुमरी मदत करै, तौ दोनों पक्छ बराबर हुई जांगे। 15 साझ मैं जैसो लिखो है, “जो गजब जोरी है, बौ कछुए अगरो नाय पाई, और जो कम जोरी है, बौ कछु कमी महसूस नाय करी।” 16 तीतुस के मन की उत्सुकता से मैं तुमरे ताहीं ऐसी खुसी जगान ताहीं मैं परमेस्वर को धन्यवाद देथौं! 17 बौ हमरो तुमरे झोने गो है। 18 हम बाके संग बहो भईय्या के भेजे हैं, जोको नाओ सुसमाचार के बारे मैं सब कलीसियन मैं फैलो पडो है। 19 इतनोई नाय, और बौ कलीसिया के जरिये ठहराओ भी गो है, कि जौ दान के काम ताहीं हमरे संग जाबै। हम जौ सेवा जौ ताहीं करथै, कि प्रभु की महिमा और हमरे मन की तैयारी दिखाए जाबै। 20 हम जौ बात मैं चौकन्ने रहथै, कि जे भले काम के बारे मैं, जोकी सेवा हम करथै, कोई हमरे ऊपर उँगरिया नाय उठाए पाबै। 21 हमरो लक्छ खाली बहे है, जो ना खाली प्रभु की नजर मैं, बल्किन दुसरेन की नजरों मैं सई है। 22 जहे ताहीं हम अपने भईय्या के उनके संग भेजे रहैं; हम तमान बार बाँके परखे, और देखे कि बौ हमेसा मदत के ताहीं बडा बेचैन रहै, और सब जब बाँके अपने आप मैं इतनो भरोसा है, तौ बौ मदत के ताहीं औरौ भौत बेचैन है। 23 अगर कोई तीतुस के बारे मैं पूँछे, तौ बौ मेरो संग को और तुमरी मदत करन ताहीं मेरे संग काम करथै; और अगर हमरे भईय्यन के बारे मैं पूँछे, तौ बे कलीसियन के भेजे भै और मसीह की महिमा है। 24 और अपनो प्यार और हमरो घमंड जौ तुमरे बारे मैं है, कलीसियन के अगु पूरो करके उनके दिखाबौ।

9 यहदिया मैं परमेस्वर के पवित्र लोगन के भेजी जान बारी सेवकाई की मदत के बारे मैं तुमकै लिखन के ताहीं सई मैं मेरी कोई जरूरत नाय है। 2 मौके पता है, कि तुम मदत करन ताहीं समरे हौ, और मैं मकिदुनिया के आदमिन के अगु तुमरे ऊपर घमंड दिखाथौं, “कि भईय्यो और बहेनियो अखाया के भईय्यो और बहेनियो एक साल से समरे हैं, और तुमरी धुन और गजबन के भी उभारी है।” 3 अब मैं भईय्यो और बहेनियो के जौ ताहीं भेजो हौं, कि हम जो घमंड तुमरे बारे मैं दिखाए, बौ जौ बात मैं बेकार नाय जाबै; और

जैसी मैं कहो, बैसिये तुम समरे रहबौ। 4 ऐसो नाय होबे कि अगर कोई मकिदुनिया मैं रहन बारे मेरे संग आंमै, और तुमकै समरे भै नाय पांमै, तौ हई सकथै कि जौ भरोसे कि बजह से हमकै सरम लागै, अपनी सरम कि बात करन के ताहीं ना, ऐसो महसूस करन के ताहीं! 5 इसलै मैं सोचो कि जे भईयन और बहेनियन से नहोरे करनो जरूरी है कि तुम मेरे अगु जाबो और जो वरदान तुम देन को वादा करे रहो, बांमै पहलेई से तैयार हई जाबो। तौ जौ तैयार हई जागो जब मैं आंगो, और जौ दिखगो कि तुम देथौ काहैकि तुम चाहथौ, इसलै नाय कि तुमकै करनै है। 6 पर बात जौ है जो थोड़ी बोथे, बौ थोड़ी काँटिगो भी; और जो जाधे बोथे, बौ जाधे काँटिगो। 7 हर एक जनी जैसो मन देन को सोची है, बैसोई दान करै; जौ नाय कि कुड़-कुड़ाएँ और ना कोई के दबाब से देंमै; परमेस्वर खुसी से देनबारे से प्यार करथै। 8 परमेस्वर सब तरहन की दया तुमकै खूबै करकै दे सकथै, जोसे हर बात मैं और हर समय, सबै कछु, जो तुमकै जरूरी है, तुमरे झोने रहबै; और हर एक भले काम के ताहीं तुमरे झोने भौत कछु होबै। 9 जैसो साझ कहथै: “बौ बिगदाए दई, बौ कंगालन कै दान दई, बाको धर्म हमेसा बनो रहबैगो।” (aion g165) 10 और जो बोन बारे बीज, और खान के ताहीं रोटी देथे, बौ तुमकै बीज देगो, और बाँके फल लान बारो बनागो; और तुमरे धर्म के फलन कै बढ़ाबैगो। 11 बौ हमेसा तुमकै हर समय दानियेल बनान के ताहीं हिसाब को सेठ बनागो, ताकी भौत से लोग तुमरे वरदान के ताहीं परमेस्वर को धन्यवाद करै जो बे हमेसा लेथै। 12 जौ सेवा कै पूरो करन से ना खाली पवित्र आदमिन की जरूरत पूरी होथे, बल्किन आदमिन के घाँई से परमेस्वर को भी गजब धन्यवाद होथे। 13 जौ सेवा को सबूत अपनाय कै बे परमेस्वर की महिमा दिखायै, कि तुम मसीह के सुसमाचार कै मानकै बाके नीचे रहथौ, और उनकी, और सबकी मदत करन मैं दया दिखात रहथौ। 14 और बे तुमरे ताहीं प्रार्थना करथै; बौ जौ ताहीं कि तुमरे ऊपर परमेस्वर की बड़ी दया है, तुमरी तडप लगी रहथै। 15 आबौ हम परमेस्वर को, बाके दे भै दान के ताहीं जो कहो नाय जाए सकथै, बाके ताहीं बाको धन्यवाद देंमै!

10 मैं बहे पौलुस जो तुमरे अगु दीन हौं, और तुमसे दूर होन मैं नाय डरान बारो बन जाथौं, तुमकै मसीह की दया और कोमलता की बजह से समझाथौं 2 मैं तुमसे बिनती करथौं, कि मेरे आन मैं मोकै कठोर होन ताहीं मजबूर नाय करै; मोकै बिस्वास है, कि मैं उन इंसानन के संग कठोरता से निपट सकथौं, जो कहथै, कि हम सररी के इरादे से काम चलन बारे समझथै। 3 काहैकि अगर हम सररी में चलथै फिरथै, तहँओ सररी के हिसाब से नाय लडथै। 4 हम अपनी लडाई मैं जो हथियारन को इस्तमाल करथै, बे दुनिया के हथियार नाय हैं, बल्किन परमेस्वर के ताकतबर हथियार हैं, जोको इस्तमाल हम गढ़ कै खतम करन ताहीं करथै। हम झूठी गभाईयन कै खतम करथै; 5 हम परमेस्वर के ग्यान के बिरोध मैं उठन बारी हर गौरवपूई बाधा कै नीचे खींचथै; हम हर बिचार कै बंधी बनाथै और जाकै मसीह को पालन करते है। 6 और समरे रहथै कि जब तुमरो काम पूरो हई जाबे, तौ हर एक जैसिन के आग्या नाय मानन बारेन कै सजा देंमै। 7 तुम चीजन कि बाहरी उपस्थिति कै देखै हो। का कोई

ऐसो आदमी है जो खुदकै या खुदकै मसीह से संबंधित मानथै? ठीक है, उनके फिर से अपने बारे में सोचन देंमै, काहैकि हम मसीह के उतनोई हैं जितने बे करथै। 8 तुमरे बिनास के ताहीं ना, बल्कि तुमरे आध्यात्मिक निर्मांड के ताहीं हमें प्रभु से जो अधिकार मिलो है, अगर मैं बाके ऊपर जाधे गरब कर रौ हौं, तौ मोकै जौ बात की कोई सरम ना है। 9 जौ मैं इसलै कहरो हौं, कि चिठिन के जरिये तुमकै डरपान बारो ना बनौ। 10 बे कहथै, “कि पौलुस की चिठियाँ तौ गंभीर और मजबूत है, लेकिन जब बौ आदमी मैं हमरे संग होथे, तौ बौ सररी मैं कमजोर होथे, और बाके सब कुछ भी ना होथै!” 11 ऐसे आदमिन कै जौ समझनो चाहिए कि जब हम दूर होथै तौ हम अपनी चिठिन मैं जो लिखथै बांमै कोई अंतर ना होथै और जब हम तुमरे संग होथै तौ हम का करंगे। 12 हमरी इतनी हिम्मत ना है कि हम अपने आपके उनके संग मैं गिनैं। या फिर उनके अपने से मिलामै! जो अपनी मोहो बडौई खुदे करथै, और खुदकै आपसे मैं नाप तोलकै एक दुसरे से मिलाएँकै गधन जैसी करथै! 13 हम तौ हद से जाधा कतई घमंड ना करंगे, खाली बहे हद तक घमंड करंगे, जितनो परमेस्वर हमकै हक दई है, और बांमै तुहऊँ आए गै हौ, और बहे के हिसाब से घमंड करंगे, और जांमै हमरो काम भी सामिल है। 14 हम अपनी औकात से बाहर अपने आपके बडानो नाय चाहथै, जैसे कि तुमरे ले नाय पुगन की हालत मैं होतो, लेकिन मसीह को सुसमाचार सुनात भइ तुमरे ले पुग चुको है। 15 और हम अपनी हद से बाहर दुसरे के काम मैं गुमान नाय करथै; लेकिन हमकै आस है, कि जैसे-जैसे तुमरो बिस्वास बढ़त जागो, बैसिये हम अपनी हद के हानी तुमरी बजह से औरो बडतै जांगे। 16 फिर हम तुमरे अलावा दुसरे देसन मैं सुसमाचार को प्रचार कर सकथै और कोई छेत्र मैं पहले से करे गै काम के बारे मैं घमंड ना करनो चाहिए। 17 लेकिन जैसो कि साझ कहथै, “जो कोई घमंड करनो चाहथै बाँके जौ बात मैं घमंड करनो चाहिए कि प्रभु का करी है।” 18 काहैकि जौ बे लोगन के ताहीं है जिनकै प्रभु अच्छी तरह से समझथै जो बास्तव मैं अपनाओ जाथै, ना बे लोग जो खुद के बारे मैं अच्छे सोचथै।

11 अगर तुम मेरी मूर्खता झेल लेते तौ का भलो होतो; हौं, मेरी झेलियो लेथौ! 2 मैं तुमरे बारे मैं परमेस्वर कि धुन लगाए रखाथौं, जौ ताहीं कि मैं एँके आदमी से तुमरी बात चलाओ हौं, तुमकै सुद्ध कुवौरी के हानी मसीह के संग बिहा करन को वादा करो हौ। 3 मोकै डर है कि तुमरे दिमाक भ्रष्ट हई जांगे और तुम मसीह के ताहीं अपनी पूरी पवित्रता कै छोड देगे, बसिये जैसे हत्वा कै साँप को चालाँक झूठ धोका दई रहै। 4 काहैकि तुम खुसी-खुसी कोई कै भी बरदास कर लेथौ जो तुमरे झोने आथै और एक अलग ईसु को प्रचार करथै, ना कि बौ जो हम प्रचार करे रहै; और तुम आत्मा और सुसमाचार कि आत्मा और तुमसे मिले भै सुसमाचार कै पूरी तरह से अपनाथौ! 5 मोकै ना लागथे, कि मैं कोई से कछु बात मैं बडे से बडे “प्रेरितन” से कम नाय हौं। 6 अगर मैं बोलन मैं अनाडी हौं, लेकिन अकल मैं नाय हौं। हम जाकै हर बातन मैं सब तरहन से तुमरे लै दिखए हैं। 7 जब मैं तुमकै परमेस्वर को सुसमाचार को

उपदेस दौ तो मैं तुमसे को फीस ना लौ; मैं तुमके जस्सी बनान के ताही खुदके विनम्र बनाओ। का बौ मेरे ताही पाप रहै? 8 मैं और दूसरी कलीसियन के लटो, मतलब मैं उनसे दिहाड़ी लौ ताकी तुमरी सेवा करौ। 9 और जब मैं तुमरे संग रहौं और मोके घटी पडी, तौ मैं कोई के ऊपर बोझ नाय डारो, भईय्या मकिदुनिया से आयकै मेरी घटी के पूरो करी; और मैं हर बातन मैं अपने आपके तुमरे ऊपर बोझ बनन से रोको: और रोके रखांगो! 10 अगर मेरे अंदर मसीह की सच्चाई है, तौ अखाया देस मैं कोई मोके जौ घमंड से ना रोकैगो। 11 काहेके? का जौ ताही कि मैं तुमसे प्यार नाय करथौ? परमेस्वर जौ जानथे, कि मैं प्यार करथौ! 12 लेकिन जौमें करथौ, बहे करत रहेंगो; कि जो “प्रेरित” दौव ढूँडथैं, उनके मैं दौव मिलन नाय देमौ, ताकी जो बात से बे घमंड करथैं, बाँमे बे हमरे बराबर माने जाँमैं। 13 ऐसे लोग झठे प्रेरित, और छल से काम करन बारे हैं, और मसीह के असली प्रेरितन के हानी दिखन के ताही खुदके भटकाथैं। 14 और जौ अचम्मो होन बारी बात नाय है! सैतान खुदै ज्योतिर्मैं स्वर्गदूत को रूप धरथै। 15 जहे ताही अगर बाके सेवा करन बारेयौ धर्म सेवा के सेवक के तराहनी रूप धरै, तौ कोई बडी बात नाय है, लेकिन उनको खात्मा उनके कामन के हिसाब से होगो। 16 मैं फिर से कहथौ, कोई मोके मूर्ख नाय समझै; ना तौ मूर्खें समझकै मेरी सह लेयौ, ताकी थोडी सो मूर्खें घमंड कर सकौ। 17 जौ आत्मविस्वासी बेधडक घमंड से जो कुछ मैं कहथौ, बौ प्रभु की अग्या के हिसाब से नाय पर मानौं मूर्खतै से कहथौ। 18 जबकी भौत से लोग सररी के हिसाब से घमंड करथैं, तौ मूर्खें ऐसोई करंगो। 19 तुम तौ समझदार हुईके खुसी से मूर्खन की सह लेथौ! 20 तुम कोई के भी झेलथौ जो तुमरे बारे मैं आदेस देखै या तुमरो फायदा उठाथै या तुमके फसाथै या तुमके नीचो दिखाथै या तुमके चाँटा मारथै। 21 मोके सरम आथै कि हम बे चीजन के करन के ताही बड़ा डराय गै रहै! अगर कोई मैं कोई चीज के बारे मैं सेखी मारन कि हिम्मत करथै, मैं मूर्खता से कहथौ, तौ मूर्खें हिम्मत करथौ। 22 का बेई इब्राही हैं? मूर्खें हौं; का बेई इस्राएली हैं? मूर्खें हौं। का बेई अब्राहम के बंस हैं? मूर्खें हौं। 23 का बेई मसीह की सेवा करन बारे हैं (मैं पागल हानी कहथौ) मैं उनसे अच्छो सेवक हौं! जूदे मेहनत करन मैं; बार-बार कैद होन मैं; कोडे खान मैं; बार-बार मौत के जोखिमन मैं। 24 पाँच बार मैं यहूदियन के हाथ से उन्तालीस कोडे खाओ; 25 तीन बार मैं बेथ कि मार खाओ; एक बार मेरे ऊपर पथराव करो गौ; तीन बार जहाज जिनमें मैं चढो रहौं, एक बार मैं चौबीस घंटा पानी मैं बिताओ। 26 मैं बार-बार सफर मैं; नदियन के खतरन मैं; डाँकुअन के खतरन मैं; अपने संग बारे यहूदिन से खतरन मैं, और गैर यहूदि के खतरन मैं; सहरन मैं खतरन, बन के खतरन मैं; ऊँचे समुंदर के खतरन मैं; झठे दोस्तन के बीच खतरन मैं रहो। 27 मैं भौत रातन कि नीद हराम करत भइ मेहनत और लंबे समय ले काम करो हौं। मोके भूँक और प्यास लग्गी है और मैं अक्सर बिना खानु खाए चलो जाथौ। मैं ठंड मैं कपकपाए रौ हौं, बिना लतन के मोके गरम रखत के ताही। 28 और दूसरी बातन के छोड़के जोकी बात मैं नाय करथौ, सब कलीसियन की फिकर रोजाना मोके दबाथैं। 29 कौनकी कमजोरी से मैं कमजोर नाय होथौ? कौनके ठोकर खान से मेरो जी नाय दुखथै।

30 अगर घमंड करनो जस्सी है, तौ मैं अपनी निर्बलता की बातन मैं घमंड करंगो। जौ दिखाथै कि मैं कितनो कमजोर रहौं। 31 प्रभु ईसू को परमेस्वर और परम दऊवा जो हमेसा धन्य है! बौ जानथै कि मैं झूठ नाय बोलथौ। (aion g165) 32 जब मैं दमिस्क मैं रहै, तौ राजा अरितास के अधीन राज्यपाल मोके गिरफ्तार करन के ताही सहर के फाटक मैं पहस्वा लगबाए दई। 33 पर मैं बिताला मैं खिडकी से हुईके दीवार मैं से उतारो गौ, और बाके हात से बच निकरो।

12 अबै घमंड करनो मेरे ताही ठीक नाय तहूँओ करन पडथै; जहे मैं प्रभु को दौ भौ दर्शन और प्रकासन की बात करत रहांगो। 2 मैं एक पक्के मसीह आदमी के जानथौ, जौ चौदह साल पहले बाके सररी के उच्चतम स्वर्ग ले छीन लौ गौ रहै, मोके नाय पता है कि जौ बास्तव मैं भौ रहै या का बाके पास एक नजरिया रहै, खाली परमेस्वर जानथै। 3 हौं, खाली परमेस्वर जानथै कि मैं अपने सररी मैं रहौं या अपने सररी के बाहर। लेकिन मोके पता है। 4 मैं स्वर्ग मैं फस गौ और इती अचम्मि बात सुनो कि उनके सबदन मैं कहो नाय जाए सकथै, जिन चीजन के कोई आदमी के बतान कि इजाजत ना है। 5 ऐसे आदमिन के ऊपर तौ मैं घमंड करंगो, लेकिन अपने ऊपर अपनी कमजोरी के छोड़, अपने बारे मैं घमंड नाय करंगो। 6 अगर मैं घमंड करनो चाहमौं तौ मूर्ख ना होंगो, मैं सच्ची बोलंगो; तहूँओ स्क जाथौं, ऐसो नाय होबै कि जैसो कोई मोके देखथै या मोसे सुनथै, मोके बासे बढकै समझै। 7 लेकिन मोके भौत सानदार चीजन की बजह से गरब से भर जान से रोकन के ताही, मोके एक दर्दनाक सारीरिक बिमारी दई गई, जो सैतान के दूत के रूप मैं मोके मारन और मोके गरब करन से रोकन को काम करथै। 8 जाके बारे मैं, मैं प्रभु से तीन बार प्रार्थना करो, कि मोसे जौ दूर हुई जाबै। 9 लेकिन उनको जबाब रहै: “मेरो अनुग्रह और किरपा तुम सबन कि जरूरत है, काहेकि मसीह की सन्ति मेरे ऊपर सबसे बडी है जब तुम कमजोर होथौ।” 10 मैं मसीह के खातिर कमजोरियन मैं, अपनान मैं, तकलीफन मैं, जुल्मन मैं और मुश्किल मैं संतुष्ट हौं। काहेकि जब मैं कमजोर होथौं, तौ मैं मजबूत होथौं। 11 मैं मूर्ख तौ बनो, लेकिन तुम्हई मोके जौ करन ताही मजबूर करे। तुमके तौ मेरी बडौई करनो चाहिए रहै, अबै मैं कुछ नाय हौं, लेकिन मैं बे खास लोगन के ताही कोई भी तरह से नीच ना हौं जो तुमरे “प्रेरितन” के ताही है। 12 कई चिन्ह चमत्कार और चमत्कार जो जौ साबित करथैं कि मैं एक प्रेरित हौं, भौत धीरज के संग तुमरे बीच करो गौ। 13 खाली एक चीज जौमें करन मैं असफल रहो, जौमें दूसरे कलीसियन मैं करत रहौं, बौ जौ कि तुमरे ताही वित्तिय बोझ बननो। किरपा करके मोके जौ अधर्म के ताही माफ करौ! 14 देखौ, मैं तिसरी बार तुमरे झोने आन के ताही तैयार हौं, और मैं तुमरे ऊपर कोई बोझ नाय डारंगो, मैं तुमरी जायदाद नाय हौं लेकिन तुम्हई के चाहथौं। बालकन के अईय्या-बाबा के ताही धन नाय बटोरनो चाहिए, पर अईय्या-बाबा के बालकन ताही जोडनो चाहिए। 15 मोके तुमरी मदत करन के ताही मेरे पास, और खुद के संग-संग सबे खर्चा करन मैं खुसी होगी। का तुम मोके कम प्यार करैगे काहेकि मैं तुमसे भौत प्यार करथौ? 16 तुम सहमत होगे, फिर, कि मैं तुमरे ताही बोझ ना

रहौ। लेकिन कोई कहगो कि मैं चालाँक रहौ, और तुमकै झूठ से अभिवादन भेजथैं। 13 सब परमेस्वर के पवित्र लोग तुमकै नमस्ते फ्लाए लौ। 17 कैसे? भलो जिनकै मैं तुमरे झोने कोई दूत के पनारो, भेजथैं। 14 प्रभु ईसु मसीह को अनुग्रह, परमेस्वर को प्यार और पवित्र आत्मा कि सहभागिता तुम सबन के संग रहबै। 18 मैं तीतुस के समझाए के बाके संग दूसरे मसीह भईय्या के पनारो, तौ का तीतुस तुमसे छल करके तुमसे कछु लई? का हम एकै आत्मा के चलाय ना चले? का एकै रहामैं नाय चले? 19 सायद तुम सोचथौ कि हम सब तुमरे सामने खुदकै बचाव करन कि कोसिस करै हैं। न! हम बोलथैं कि मसीह हममैं परमेस्वर कि उपस्थिति मैं बोलन कि कोसिस करैगो, और हम जो कुछ भी करथैं, प्रिय दोस्तौ, तुमरी मदत करन के ताहीं करो जाथैं। 20 मोकै डर है, कहैं ऐसो नाय होबै कि मैं आयकै जैसो चाहथौ, बैसो तुमकै नाय पामौ; और महुँ के जैसी तुम ना पसंद करथौ बैसिये पाबौ; और तुमसे लडाई, सताव, गुस्सा, बिरोध, नफरत, चुगली, गुमान और बखेडा होमैं। 21 और कहैं ऐसो नाय होबै कि मेरो परमेस्वर मोकै फिर से तुमरे झोने आन ताहीं जबरजती करै, और मोकै भौतन के ताहीं फिर से दुखी होन पडै, जो पहले पाप करी रहैं और असुद्ध काम, व्यभिचार और लुचपन से, जो कि बे करी, मन नाय बदलीं।

13 अब तिसरी बार मैं तुमरे झोने आथौ। “दुई या तीन गभन” के मोहों से हर बात मानी जागी-जैसी कि साझ कहथै। 2 मैं बे लोगन से कहनो चाहथौ जो पहले पाप करी हैं, और सब दूसरेन के ताहीं; मैं तुमकै अपनी दूसरी सफर के दौरान पहले कहो रहौ, लेकिन मैं जाके अब फिर से कहमंगो कि मैं दूर हौ: अगली बार जब कोई ना आगो तौ मैं सजा से बचंगो। 3 तुमरे झोने सबै सबत होंगे जो तुम चाहथौ कि मसीह मेरे जरिये से बोलथैं। जब बौ तुमरे संग बर्ताव करथै, तौ बौ कमजोर ना होथै; जाके बदले, बौ तुमरे बीच अपनी सक्ति दिखाथै। 4 भलेई जौ कमजोरी रहै कि बाकै क्रूस मैं लटकाए दौ गौ रहै, जौ परमेस्वर कि सक्ति से है कि बौ जिंदो है। बाके संग हमउँ कमजोर हैं; लेकिन तुमरे संग हमरे रिस्ता मैं हम बाकी जिंदगी मैं परमेस्वर कि सक्ति के सामिल करै। 5 अपने आपकै परखौ, कि बिस्वास मैं हौ कि नाय हौ। अपने आपकै परखौ। का तुम अपने बारे मैं जौ नाय जानथौ, कि ईसु मसीह तुम मैं है? नाय तौ तुम निकम्मे निकरे हौ। 6 मोकै भरोसा है कि तुमकै पता होगो कि हम असफल ना हैं। 7 हम अपने परमेस्वर से जौ प्रार्थना करथैं कि तुम कोई बुराई नाय करौ, जौ ताहीं नाय कि हम तुमकै खरे दिखाने, पर जौ ताहीं कि तुम भलाई करौ, चाँहे हम निकम्मे माने जायें। 8 काहैकि हम सच्चाई के बिरोध मैं कछु नाय कर सकथैं, लेकिन सच्चाईये के ताहीं कर सकथैं। 9 जब हम कमजोर हैं और तुम ताकतवर हौ, तौ हम खुस होथैं, और जहो प्रार्थना करथैं कि तुम मजबूत हुई जाओ। 10 इसलै मैं तुमसे दूर रहन के दौरान जौ लिखथौ; जौ इतनो है कि जब मैं पौहोचंगो तौ प्रभु मोकै जो अधिकार दई है, बाको इस्तमाल करन के ताहीं तुमकै अधिकार ना देने पड़ेगो। 11 और अब, मेरे भईय्यौ और बहेनियौ, अलविदा! हमेसा के ताहीं कोसिस; मेरी मिन्नत के सुनौ; एक दूसरे से सहमत; सांति से जियो। और प्यार और सांति के परमेस्वर तुमरे संग रहमगे। 12 एक पवित्र चुम्पी के संग एक दुसरे के नमस्ते करौ। सबै परमेस्वर के लोग तुमकै अपनो

गलातियों

1 पौलस से, जोको प्रेरित होन को बुलावा इंसानन या इंसानन से ना है, बल्किन ईसु मसीह और दऊवा परमेस्वर से भौ, जो बाकै मेरे भै में से जिंदो करी। **2** सबै भईय्यन और बहेनियन के घाँई से और जो मेरे संग गलातिया की कलीसिया के हैं: उनके प्रभु में नमस्ते। **3** परमेस्वर दऊवा और हमरे प्रभु ईसु मसीह के घाँई से तुमकै अनुग्रह और सांति मिलत रहबै। **4** आपन सबन कै जौ बुरे वर्तमान युग से छुड़ान ताहीं, मसीह खुदकै हमरे पापन के ताहीं दै दई, ताकी हमरे परमेस्वर दऊवा की इच्छा के जरिया पूरो हुई सकै। (aiōn g165) **5** परमेस्वर की हमेसा स्तुति होत रहाबै! आमीन। (aiōn g165) **6** मोकै अचम्मो होथै! कि जो तुमकै मसीह के अनुग्रह में बुलबाई बासे तुम इत्ती जल्दी लौटकै औरो दुसरे तरहान के सुसमाचार के घाँई झुकन लागे। **7** बास्तव मैं, “दुसरो सुसमाचार” हईये नाय, लेकिन बात जौ है कि किते ऐसे हैं जो तुमकै घबड़बाए देते, और मसीह को सुसमाचार के बदलनो चाहथैं। **8** लेकिन अगर हममें से या स्वर्ग से कोई दूत भी बौ सुसमाचार के छोड़ जो हम तुमकै सुनाए हैं, कोई और तुमकै सुनाथै तो स्रापित होबै। **9** जैसे हम पहलिये कह चुके हैं, बैसिये मैं अब दोहराए के कहथौ: कि बौ सुसमाचार के जौके तुम अपनाय हो अगर कोई दुसरो सुसमाचार सुनाथै, तो स्रापित होबै! **10** का मैं इंसानी अबाज के जीतन की कोसिस कर रौ हौ? बास्तव मैं नाय! मैं जो चाहथौं बाँये परमेस्वर की रजामंदी है! का मैं लोगन के बीच एक तैयार नामी इंसान होन की कोसिस कर रौ हौ? अगर मैं अप्पे भी ऐसो करन की कोसिस करथौं, तो मैं मसीह को सेवक नाय बन पांगो। **11** भईय्यो और बहेनियो मैं तुमकै बताए देथौ कि जो सुसमाचार मैं सुनो हौं, बौ इंसान को नाय। **12** बौ मोकै आदमिन के घाँई से नाय पुगो, और ना मोकै सिखाओ गौ। लेकिन ईसु मसीह के दर्सन से मिलो। **13** यहदि मत मैं जो अगु मेरो चाल-चलन रहै, तुम बाके बारे में सुन चुके हो। मैं परमेस्वर की कलीसिया के भौत सतात और उजाड़त रहौ। **14** मेरे खुद के देस मैं और भौत से आदमिन की तुलना मैं जो यहदि मत के रहै, मैं अगु बढ चुको रहौं, अपने बड़े-बूढ़ेन की रीति रिवाजन से जूढ़े उनकी तुलना मैं मेरे भीतर जोस रहै। **15** लेकिन परमेस्वर जो मेरी अईय्या के गरब से मोकै ठहराई और मोकै बाकी सेवा करन के ताहीं अपने अनुग्रह से बुलाई **16** और जब अपनी इच्छा भइ कि मेरे मैं अपने लौडा के उजागर करै कि मैं गैर यहदियन मैं ईसु को सुसमाचार सुनामो तौ ना मैं मास और खून से राय लौ, **17** और ना यरूसलेम के उनके झोने गौ जो मोसे अगु प्रेरित रहै, और तुरंतै अरब देस के चले गौ और फिरौकी हूँअँ से दमिस्क के लौटियाओ। **18** फिरौकी तीन साल के बाद मैं कैफा से भेटा करन के ताहीं यरूसलेम गौ, और बाके झोने पन्द्रह दिन ले रहो। **19** लेकिन प्रभु के भईय्या याकूब के छोड़ और कोई प्रेरितन से भेटा नाय भौ। **20** लेकिन मैं जो लिखथौं बौ सच्ची है। परमेस्वर जानथै कि मैं लबारी नाय दे रौ हौं! **21** जाके बाद मैं सीरिया और किलिकिया के जघन में गौ। **22** बौ समय यहदिया परदेस की कलीसिया के लोग, जो मसीह मैं हैं, मोकै निजी तौर से

नाय जानत रहै। **23** बे सिर्फ बहे जानत रहै जो दुसरे कहत रहै: “जो आदमी हमकै सतात रहै, बौ अब बहे बिस्वास को सुसमाचार प्रचार कर रहो है, जौके पहले उजाड़त रहै!” **24** और तभई जौ बजह से बे मोकै ऐसे जानन के बाद परमेस्वर की महिमा करी।

2 चौदह साल बाद मैं बरनबास के संग यरूसलेम के गौ, संग मैं तीतुस के भी लागौ। **2** मैं गौ काहेकि परमेस्वर मेरे जहन में बात डारी कि मोकै हूँना जाने है। अगुवन के संग एक निजी बैठक मैं गौ और सुसमाचार संदेस के बारे में समझाओ कि मैं गैर यहदि के लोगन के उपदेस देथौं। मैं न चाहत रहौं कि मेरो काम बीते भै या आनबारे समय मैं बेकार जाबै। **3** मेरो जोडीदार तीतुस, भले हुई बौ यूनानी है, खतना करन के ताहीं मजबूर नाय करो गौ रहै, **4** हालाकि कुछ लोग बतात रहै। संग बारे विस्वासी होन को दिखाबा करत भै, जे आदमी हमारी टोली मैं जासूस की सकल मैं सिकल आए, कि बौ आजादी जो ईसु मसीह मैं हमै मिली है, भेद लैके हमै गुलाम बनामै, **5** हम एक घड़ी के ताहीं उनकी गुलामी नाय अपनाय, कि सुसमाचार कि सच्चाई तुम सबन में बनी रहबै। **6** लेकिन जो लोग अगुवा लगत रहै, मैं जहे कहथौं काहेकि मोकै कोई फरक नाय पड़थै कि बे का हैं; परमेस्वर बाहरी दिखाबा से इसाफ नाय करथै। बे अगुवन से, मैं कहथौं, मोए कोई नया सुझाव नाय दौ गौ। **7** लेकिन जाके उल्टा, बे देखी कि परमेस्वर मोकै गैर यहदिन में सुसमाचार प्रचार करन को काम दई है, जैसे पतरस के यहदिन के बीच सुसमाचार प्रचार करन को काम मिलो रहै। **8** परमेस्वर के सामर्थ्य से मोकै गैर यहदियन के ताहीं प्रेरित बनाओ गौ, जैसे पतरस के यहदिन के ताहीं प्रेरित बनाओ गौ रहै। **9** याकूब, पतरस और यहन्ना जो कलीसिया के खम्मा समझे जात रहै, बे मान लई कि परमेस्वर के अनुग्रह के जरिया मोकै जौ खास काम मोकै मिलो है; तभई बरनबास और मोसे हात मिलाई, जौ दिखान के ताहीं कि हम सब भागीदार हैं। हम सब जाँये राजी रहै कि बरनबास और मैं गैर यहदि और यहदिन के बीच मैं काम करंगे। **10** बे सब एक दुसरे से पूँछी कि हमै उनके झुंड में जरूरत मंदन के याद करनो चाहिए, जो कि मैं ऐसो करन के ताहीं भौत उताबलो हौं। **11** लेकिन जब पतरस अन्ताकिया मैं आओ, तौ मैं पूरी तरह से बाको बिरोध करो, काहेकि बौ सपा तरह से गलत रहै। **12** तभई याकूब के घाँई से कुछ पनारे भै लोग के आन से अगु बौ गैर यहदि भईय्या और बहेनियन के संग खानु खात रहै। लेकिन जब बे लोग आए, तौ बौ बापस चले गौ, और गैर यहदियन मैं खानु नाय खाई काहेकि बौ बे लोगन से डरत रहै, जो उनको खतना करन के पक्क में रहै। **13** और यहदि बहेनिया का भईय्या पतरस के संग गलत काम करनो सुरू कर दई; और हियँ तक कि बरनबास भी उनके संग कपट मैं पड़ गौ। **14** और जब मैं जौ देखो कि बे आदमी सुसमाचार की सच्चाई मैं नाय चल पाए रहे हैं, तौ मैं सबन के सामने पतरस से कहो, “तुम एक यहदि हुईके गैर यहदि के हानी जिंदगी जी रहै हो तौ का तुम गैर यहदियन के यहदिन के तराहनी जिंदगी जीन ताहीं मजबूर कर सकथौं?” **15** सच्ची मैं, हम जन्म से यहदि हैं और “गैर यहदि पापी,” मैं से नाय, जैसो कि उनके कहो जाथै। **16** तौभी हम जानथै कि एक इंसान सिर्फ ईसु

मसीह मैं बिस्वास करन के जरिया परमेस्वर झोने धर्मी ठहराओ जागो, हमउँ ईसु मसीह के ऊपर बिस्वास करथैं कि हमरे बिस्वास के जरिया परमेस्वर के झोने धर्मी ठहराव जायें, और नाय कि जायें नियम की जरूरत है। काहेंकि कोई भी नियम जरूरत के जरिया परमेस्वर के संग सई नाय समझो गौ है। 17 हम जो मसीह मैं धर्मी ठहराए जान की खोज कर रहे हैं, अगर खुदे पापी निकरे, तो का मसीह पाप को सेवक है? कतईये नाय! 18 जोकैं मैं एक बार खतम कर चुको हौं, अगर बाकै फिर से बनाथौं तो खुदकैं दोसी ठहराथौं। 19 मैं तौ नियम के जरिया नियम के ताही मर गौ, कि परमेस्वर के ताही जीमौ। मैं मसीह के संग क्रूस मैं चढाओ गौ, 20 और अब मैं जिंदो नाय रहो, पर मसीह मेरे मैं जिंदो है और मैं सरीर मैं जो जिंदो हौं तौ सिर्फ बौ बिस्वास से जिंदो हौं, जो परमेस्वर के लौडा मैं है, जो मोसे प्यार करी, और मेरे ताही अपने आपकैं दै दई। 21 मैं परमेस्वर के अनुग्रह के बेकार नाय मानथौं, काहेंकि अगर नियम के जरिया धार्मिकता होती, तौ मसीह को मरनो बेकार होतो!

3 अरे मंदबुद्धि गलातिया के लोगौ! कौन तुमरे ऊपर टोना कर दई? तुमरी आँखी के अगु ईसु मसीह के क्रूस मैं मारो भौ सपा दिखाओ गौ! 2 मोकैं जौ बताबौ: का तुमकैं नियम कि जरूरत है या सुसमाचार सुनकैं और बाके ऊपर बिस्वास करकैं परमेस्वर कि आत्मा मिली? 3 तुम लोग इते मूर्ख कैसे हुई सकथौ! तुम परमेस्वर की आत्मा से सुरु भै; अब का खुद अपनी सक्ति से खतम करनो चाहथौ? 4 का तुम तुमरे तजुरबा को मतलब कुछ नाय रहै? बाकई मैं जाको मतलब रहै! 5 परमेस्वर जो तुम्हैं आत्मा देथै और तुमरे ऊपर सामर्थ्य के काम करथै बौ का नियम के कामन से या बिस्वास के सुसमाचार से ऐसो करथै? 6 अब्राहम के अनुभव मैं बिचार करौ; जैसो कि साब्र मैं लिखो है, “बौ परमेस्वर ऊपर बिस्वास करी और जौ बाके ताही धर्मी के रूप मैं अपनाई।” 7 तुमकैं जौ एहसास होनो चाहईये, कि जो बिस्वास करन बारे हैं, बेई अब्राहम के बंस हैं। 8 साब्र पहले से भविष्यवाँडी करी रहै, कि परमेस्वर गैर यहदिन के बिस्वास से धर्मी बनागो, और तभई पवित्र साब्र अब्राहम के सुसमाचार सुनाई: “तेरे जरिया परमेस्वर सब जनी के आसीस देगो।” 9 अब्राहम बिस्वास करी और धन्य भौ; तभई जो बिस्वास करथैं बे धन्य हैं। 10 लेकिन जो लोग नियम के कामन के आसरे हैं बे सबे स्राप के गुलाम हैं, काहेंकि लिखो है, “जो कोई नियम की किताब मैं लिखी सबै बातन को पालन नाय करथै, बौ स्रापित है।” 11 तभईये जौ साफ है कि नियम के जरिया परमेस्वर की नजर मैं कोईये धर्मी नाय ठहरथै, काहेंकि “धर्मी लोग बिस्वास से जिंदो रहगो।” 12 लेकिन नियम साब्र को बिस्वास से कछु लगाओ नाय है; पर “जो उनके मानैगो, बौ उनके जरिया जिंदो रहबैगो।” 13 मसीह जो हमरे ताही स्रापित बनो, हमकैं मोल लैकैं नियम के स्राप से छुड़ाई; काहेंकि साब्र कहथै, “जो कोई पेंड मैं लटकाओ जाथै बौ परमेस्वर के स्राप के अधीन है।” 14 मसीह जौ हुकम इसलै दई कि परमेस्वर अब्राहम के जौ आसिवाद देन को वादा करी रहै बौ गैर यहदिन के ईसु मसीह के जरिये से दौ जाए सकथै, ताकी बिस्वास के जरिये से हम परमेस्वर के जरिये वादा करो गौ आत्मा पाए सकैं।

15 भईय्यो और बहेनियो, मैं एक साधारण जिंदगी को इस्तमाल करन जाएरौ हौं: जब दुई जनी कोई मामले मैं सहमत होथैं, और एक समझौता मैं वाचा को हस्ताकछर करथैं, तौ कोई भी तोड नाय सकथै या जायें कछु भी जोड नाय सकथै। 16 अब परमेस्वर अब्राहम और बाकी पीढी से अपनो वादा करी। साब्र बहुबचन “पीढी” को इस्तमाल ना करथै, जोको मतलब है भौत जनी, लेकिन एकबचन “पीढी,” जोको मतलब खाली एक जनी है, मतलब मसीह। 17 मेरे कहने को मतलब जौ है कि जो वाचा के परमेस्वर अगुए से ठहराए दई रहै, बाकै जौ नियम जो चार सौ तीस साल बाद दौ गौ, खारिज नाय कर सकथै और नाय बाके वादा के बेकार ठहराए सकथै। 18 काहेंकि उत्तराधिकार नियम के ऊपर टिको है जो वादा के ऊपर टिको नाय रह सकथै, लेकिन परमेस्वर अब्राहम के जौ वादा के जरिया सौप दई। 19 तौ फिरौकी नियम की का जरूरत रह? बौ अपराध के वजह से बाद मैं दई गई कि बौ अब्राहम के पीढी के आन तक रहाबै जोको वादा करो गौ रहै। और बौ स्वर्गदूतन से एक बिचौलिया के हात से ठहराई गई। 20 बिचौलिया एक को ना होथै, लेकिन परमेस्वर एकै है। 21 तौ का नियम परमेस्वर के बादन के खिलाप मैं है? कतई नाय! काहेंकि अगर ऐसो नियम दौ जातो जो जिंदगी दै सकत रहै, तौ सच्ची मैं धार्मिकता नियम से होती। 22 लेकिन साब्र कहथै कि पूरी दुनिया पाप की सक्ति के गुलामी मैं है; और जहेमारे ईसु मसीह मैं बिस्वास के बुनियाद पर जो भेंट देन को वादा करो जाथै, बौ बिस्वास करन बारेन के दौ जाथै। 23 लेकिन बिस्वास के आन से अगु नियम की गुलामी मैं हम कैदी रहैं, और बौ बिस्वास के आन तक जो उजागर होन बारो रहै, हम बहे के कब्जा मैं रहैं। 24 और तभईये मसीह के आन तक नियम हमरे झोने रहै, ताकी हम बिस्वास से धर्मी ठहरै। 25 लेकिन जब बिस्वास आए गौ, तौ हम नियम के गुलाम ना रहे। 26 काहेंकि तुम सब बौ बिस्वास करन के जरिया जो मसीह ईसु मैं है, परमेस्वर के बालका हौ। 27 और तुम मैं से जिते मसीह मैं बपतिस्मा लै हौ बे मसीह के पहन लई हैं, इसलै खुद मसीह के जिंदगी के संग बात करन के ताही। 28 तौ ना अब कोई यहदिन रहो और ना यूनानी; ना कोई दास, ना आजाद; ना कोई लोग, ना बईय्यर; काहेंकि तुम सबै मसीह ईसु मैं एक हौ। 29 और अगर तुम मसीह के हौ, तौ अब्राहम के पीढी और वादा के जरिया बारिस भी हौ।

4 मैं जौ कहथौ कि वारिस जबले बालका है, फिर भी सब चीजन को मालिक, तौभी बापे और दासन मैं कुछ अंतर नाय। 2 लेकिन दऊवा के ठहराए भे समय तक बचान बारो और भंडारी उनकी देखाभारी करथै। 3 बैसिये जब हम बालक रहैं, तौ दुनिया की सिक्छा के कब्जा मैं दास बने रहैं। 4 लेकिन समय पुरो भौ, तौ परमेस्वर अपने लौडा के पनारी, जो बईय्यर से जनमो, और नियम के तेरे पैदा भौ, 5 और जो लोग नियम के मैं अधीन रहैं, उनके बौ मोल लैकैं छुड़ाय लई, ताकी हम परमेस्वर के बालका बन सकैं। 6 जौ दिखान के ताही कि तुम बाके लौडा और लौडिया हौ, परमेस्वर अपने लौडा कि आत्मा के हमरे मन मैं भेजी, आत्मा जो बोलथै, “पिता, मेरे पिता।” 7 तभईये तू अब दास नाय, बल्कि एक लौडा

या लौडिया है; और बौ बहे है जो तुम हो, परमेस्वर तुमके बौ सब देगो जो बाके बारिसन के ताहीं है। 8 लेकिन एक समय ऐसो रहै जो परमेस्वर के नाथ जानत रहै तौ स्वभाव से उनके गुलाम रहै, परमेस्वर के नाथ। 9 लेकिन अब जो तुम परमेस्वर के जान लै हो बल्किन परमेस्वर तुमके पहचानी, तौ बे कमजोर और निठल्लू सिक्छा की बातन के घाँई काहे फिरथौ, जिनके दुबारा तुम गुलाम होनो चाहथौ? 10 तुम दिन और महेना और मौसम के समय और सालन के मानथौ। 11 मैं तुमरे ताहीं डराथौ, कहँ ऐसो ना होबै! कि जो मेहनत मैं तुमरे ताहीं करो हौ, बौ बेकार जाबै? 12 ए मेरे भईय्यो और बहेनियो, मैं तुमसे नहोरे करथौ, तुम मेरे हानी हुई जाओ: काहेकि तुमरे हानी भौ हौ; तुम मेरो कछु अन्याय नाथ करे हौ। 13 लेकिन तुम जानथौ कि सुरु मैं सरिरी की कमजोरी के बजह से तुमके सुसमाचार सुनाओ। 14 मेरे सरिरी मैं मोके जो कमजोरी के सहनो पड़ो बाके नाथ तौ तुम कम जाने ना मजाक उड़ाए लेकिन मोके परमेस्वर के स्वर्गदूत के हानी अपनाय हीना तक की मोके मसीह ईसु के हानी समझे। 15 तुम भौत खुस रहौ! अब बौ तुम्हारी खुसी कहँ गई? मैं तुमरो गभा हौ, कि अगर हुई सकतो, तौ तुम मोके अपनी आँखी निकारके दै देते। 16 तौ का तुमसे सच बोलन के बजह मैं तुम्हारो दुस्मी हुई गौ हौ? 17 बे तुमके दोस्त बनानो तौ चाहथै, लेकिन अच्छी मनसा से नाथ; बल्किन तुमके मोसे अलग करनो चाहथै, कि तुम उन्हीं के संग हुई जाबौ। 18 लेकिन जौ भी अच्छो है कि अच्छी बात मैं हर समय दोस्त बनान की कोसिस करी जाबै, ना सिर्फ बहे समय, कि जब मैं तुमरे संग रहथौ। 19 मेरे प्रिय बालकौ! जब तक तुम मैं मसीह को गुलाम रूप ना बन जाबै, तौले मैं तुमरे ताहीं एक बच्चा के जनम देत भइ अईय्या के हानी दुख सहथौ। 20 मन तौ जौ होथे, कि अब तुमरे झोने आयके दुसरे तरीका से बोलौ, काहेकि मैं तुमरे ताहीं दुबिधा मैं हौ! 21 तुम जो नियम के तेरे होनो चाहथौ, मोके बताबौ: का तुम नियमन की नाथ सुनथौ? 22 जौ लिखो है, कि अब्राहम के दुई लौडा भै; एक सेविका से, और एक आजाद बईय्यर से। 23 लेकिन जो सेविका से भौ, बौ सारिरीक तरीका से पैदा भौ, और जो आजाद बईय्यर से भौ, बौ परमेस्वर के वादा के मुताबिक पैदा भौ। 24 जे बातन मैं कहानिया हैं, जे बईय्यर मानौ दुई वाचा हैं, एक तौ सीने पहाड़ की जोसे दास पैदा होथै; और बौ हाजिरा है। 25 और हाजिरा मानौ अरब को सीने पहाड़ है, यरूसेलेम के वर्तमान सहर को एक रूप है, जो अपने सबे लोगन के संग गुलामी में है। 26 लेकिन स्वर्गिय यरूसेलेम आजाद है, और बौ हमारी अईय्या है। 27 जैसो साझ मैं लिखो है: “खुस रहे, तैं बिना बालका कि बईय्यर है! तोकै जो दर्द नाथ उठथै; मोहों खोलके जयजयकार कर, काहेकि छोडी भइ के बच्चा सुहागन के बच्चा से भी जाधा हैं।” 28 अब तौ मेरे भईय्यो और बहेनियो, आपन इसहाक के हानी वादा से होन बारे बच्चा हैं। 29 और जैसो बौ समय सरिरी से जनमो भौ आत्मा से पैदा भै के परेसान करत रहे, बैसिये अभऊ होथै। 30 लेकिन पवित्र साझ का कहथै: “सेविका और बाके लौडा के निकार दे, काहेकि नौकरानी को लौडा आजाद बईय्यर के लौडा के संग हकदार नाथ होगो।” 31 इसले, मेरे भईय्यो और बहेनियो, आपन सेविका के नाथ बल्कि आजाद बईय्यर के बालका हैं।

5 मसीह आजादी के ताहीं हमके आजाद करी है! और गुलामी के जुआ मैं फिर से नाथ जुतौ। 2 सुनौ! मैं पैलुस तुमसे कहथौ, कि अगर खतना करागो, तौ मसीह से तुम्हें कछु फायदा नाथ होगो। 3 एक बार और मैं कोई भी आदमी के चितौनी देथौ, जो खुद को खतना करवाथै, बाके सबे नियम मानन पड़ेगो। 4 तुम जौ नियम के जरिया धर्मी ठहरनो चाहथौ, मसीह से अलग और अनुग्रह से गिर पड़े हौ। 5 हमरे ताहीं, हमरी आसा जौ है कि परमेस्वर हमें धार्मिक ठहरागो; और जौ बौ है जो हम अपने बिस्वास के जरिये से काम करत भै परमेस्वर कि आत्मा कि सन्ति के असियाथै। 6 और जब हम ईसु मसीह के संग होथै, तौ ना खतना होथे और ना जाकी कमी से कोई फरक पड़थै; बिस्वास जो कोई मायने रखथे बौ प्यार के जरिया काम करथै। 7 तुम तौ निरे अच्छी तरह से एक मसीह को जीवन जीत रहौ! लेकिन अब कोई तुम्हें रोक दई, कि सच्चाई के नाथ मानौ? 8 ऐसी सीख तुमरे बुलान बारेन के घाँई से नाथ। 9 “जरा सो खमीर सबे मडे भै चुन के खमीर कर डारथै।” 10 मैं प्रभु मैं तुमरे ऊपर भरोसो धरथौ, कि तुमरे भीतर कोई दुसरे बिचार ना होगो; लेकिन जो तुम्हें परेसान करथै, बौ कोई भी होबे सजा पाबेगो। 11 लेकिन भईय्यो, अगर मैं खतना को प्रचार करतो, तौ काहे हबै ले सताओ जाथौ। अगर जौ सच होतो, तौ मसीह के क्रूस के बारे मैं मेरे प्रचार करन से कोई परेसानी नाथ होती। 12 अच्छो होतो कि जो तुम्हें परेसान करथै, कास बे पूरे रस्ता जाते और खुदके मिटाए देते! 13 तुमरे ताहीं, मेरे भईय्यो और बहेनियो, आजाद होन के ताहीं बुलाए गै हौ। लेकिन ऐसो ना होबै कि जौ आजादी सरिरी के कामन ताहीं मौका बनै, बल्किन प्यार से एक दुसरे के गुलाम बनौ। 14 काहेकि सब नियम जौ एक बात मैं पूरी हुई जाथै, तैं अपने परोसी से अपने हानी प्यार रख। 15 लेकिन अगर तुम जंगली जानवरन के हानी, एक-दुसरे के दाँत से काटत और फाड़त हौ, तौ चहाचीते रहियो कि एक-दुसरे को नाओनिसान मत मिटाए दियौ। 16 मैं कहथौ आत्मा के जरिया चलौ, तौ तुम अपनी सरिरी की इच्छा के पूरी नाथ करैगो। 17 हमरो सारिरीक स्वभाव जो चाहथै, बाके उल्टा आत्मा जो चाहथै, और जो आत्मा चाहथै, बाको बौ बिरोध करथे जो हमरो मानव स्वभाव चाहथै। जे दोनो दुस्मन हैं, और जाको मतलब है कि तुम बौ नाथ कर सकथौ जौ तुम करनो चाहथौ। 18 और अगर तुम आत्मा के चलाय मैं चलथौ तौ तुम नियम के चलाय मैं चलथौ। 19 सरिरी के काम तौ स्पस्ट है, यानी, व्यभिचार, लुचपन, असुद्ध काम; मानव स्वभाव जो करथे बौ बिल्कुल साफ है। जौ खुदके अनेतिक, गंदी और असोभनीय हरकतन मैं दिखथै; 20 मूर्ति पूजा, टोना, बैर, लड़ाई, जलन, गुस्सा, खिलापत, फूट, विधर्म, 21 बे जलन रखथै, नसा मैं धुत हुई जाथै, काम वासना मैं पड़े रहथै और इन्हई तराहनी के और-औरे काम करथै, मैं तुम्हें पहलिये चौकन्ना करथौ: जो आदमी जे कामन के करथै, बे परमेस्वर के राज्य को वारिस नाथ होंगे। 22 पर आत्मा को फल प्रेम, खुसी, सांति, धीरज, दया, भलाई, बिस्वास, 23 नमरता और संयम है; ऐसे-ऐसे कामन के खिलाप मैं कोईये नियम नाथ है। 24 जो मसीह ईसु के हैं, बे सरिरी के बाकी लालसा और इच्छा समेत क्रूस मैं चढाय दई हैं। 25 आत्मा हमके जिंदगी दई है, बौ भी हमरी जिंदगी के वस मैं करनो चाहिए।

26 हमें एक दुसरे पर गर्व या जलन नाय होनी चाहिए या एक दुसरे से जलनो ना चाहिए।

6 मेरे भईय्यो और बहेनियो अगर कोई इंसान कोई गलत काम मैं पकड़ो जाबै तौ तुम जो आत्मिक हौ, नम्रता के संग ऐसेन के साधौ, और अपनियो चौकसी करौ कि तुम्हऊँ परिक्रछा मैं नाय पड़ौ। 2 तुम एक दुसरे को बोझ उठाबौ, और ऐसे करके मसीह के नियम के पूरो करौ। 3 अगर कोई के लगथै कि बौ कछु है और सच्चि मैं बौ कुछ नाय है, तौ बौ अपनिए आपके धोका दे रौ है। 4 काहैकि हर जनी अपने कामन के परख लेबै, तौ दुसरे के कामन के बारे मैं नाय लेकिन अपनिए कामन के बारे मैं घमंड करन को मौका होगो। 5 हमरे ताहीं हर एक के झोने अपनो बोझ है। 6 जिन आदमिन के मसीह संदेस पढ़ाओ जाएँ हैं, उनके अपने दासन के सबै अच्छी बात बतानी चाहिए। 7 अपनिए के धोका मत देबौ; कोई परमेस्वर के धोका नाय दे सकथै। आदमी जैसो बोथै बैसोई काटैगो। 8 अगर बे अपनी सरिर की इच्छा के ताहीं बोथै, तौ जासे बे मौत की फसल काटेंगे; अगर बे आत्मा के ताहीं बोथै। तौ बे आत्मा से अनंत जिंदगी की फसल काटेंगे। (aiōnios g166) 9 हम अच्छो करन के ताहीं थके भे ना बनै, ठीक समय मैं हम कटनी काटेंगे। 10 काहैकि हमरे झोने मौका होथै, कि हर एक के ताहीं और खास तौर पर बे आदमिन के ताहीं अच्छो करनो जो हमरे परिवार के बिस्वास मैं है। 11 देखौ कि मैं तुमरे ताहीं कैसे बड़े-बड़े हरूप मैं अब अपने हातन से लिखो हौं! 12 जो आदमी तुमके खतना करन के ताहीं मजबूर कर रहे हैं, बे दिखाबा और घमंड करथै। जहे बजह से कि लोग मसीह के क्रूस के ताहीं उनके सताओ नाय जाए। 13 जो आदमी खतना करथै, बे नियम को पालन नाय करथै; बे जहे चाहथै कि उनको खतना करो जाबै ताकी बे तुमके सरिर की इच्छा के ताहीं भड़काए सकै। 14 जहे ताहीं मैं खाली हमरे प्रभु ईसु मसीह के क्रूस के ऊपर घमंड करंगो; काहैकि ईसु के हानी संसार मेरे ताहीं मरगौ और मैं दुनिया के ताहीं मरगौ हौ। 15 जासे कोई फरक नाय पड़थै की बाको खतना भौ है या नाय का बात है कि एक आदमी नया हुई रौ है। 16 जिते जौ नियम मैं चलंगे उनमें, और परमेस्वर के इस्पाएल मैं सांति और दया होत रहाबै! 17 तोड़ निकारन के ताहीं: कोई भी मोके और जाधे पेसानी मत देबौ, काहैकि मेरे सरिर मैं जो निसान है, बे बताथै कि मैं ईसु को सेवक हौं। 18 भईय्यो और बहेनियो! हमारे प्रभु ईसु मसीह को अनुग्रह तुम लोगन के ऊपर बनो रहबै। आमीन।

इफिसियों

1 पौलस के घाँई से जो परमेस्वर की मरजी से ईसु मसीह को प्रेरित है, बे पवित्र और ईसु मसीह मैं बिस्वासी आदमिन के नाओं जो इफिसस मैं हैं: जो ईसु मसीह के संग मिलकै अपनी जिंदगी मैं परमेस्वर के जो लोग हैं उनके लिखी हैं। **2** हमरे परम दऊवा परमेस्वर और प्रभु ईसु मसीह के घाँई से तुमकै अनुग्रह और सांति मिलथै। **3** हमरे प्रभु ईसु मसीह के परमेस्वर और दऊवा को धन्यवाद होबै कि बौ हमकै मसीह मैं स्वर्गिय जघा मैं कि सबै तराहनी की आत्मिक आसीस दई है। **4** जैसे कि बौ हमकै दुनिया बनन से पहलिये से बांमे चुन लई कि हम बाके संग एक होन के बजह से पवित्र और निर्दास होयें। **5** प्रेम के बजह से और अपनी मरजी से, अच्छे मन से हमें अपने ताहीं पहलिये से बनाई कि ईसु मसीह के जरिया हम बाके गोद लै बै बालका होयें, जहे बाकी खुसी और मरजी रहै। **6** कि बाके बौ दया की महिमा की स्तुति करन के ताहीं, जो बौ हमें अपने प्रेम में आजादी से दई है। **7** बांमे हमकै बाके खून से छुटकारा, मतलब गलित्यन की माफी, बाके बौ अनुग्रह के धन के तराहनी मिलो है, **8** जोकै बौ पूरे ग्यान और समझ समेत हमरे ऊपर खबै करी। **9** काहेंकि परमेस्वर बहे करी जो बौ खुदकै ही बनाई रहै, और हमकै बौ लुकी भइ बात कै जताई जो बौ पहलिये से मसीह के जरिया पूरा करन को फैसला लई रहै। **10** की समय के पूरा होन को ऐसो बंदोबस्त होबै कि जो कुछ स्वर्ग मैं है और जो कुछ पृथ्वी मैं है, सबै कुछ बौ मसीह मैं जोडै। **11** सबै कुछ परमेस्वर सोचथै बहे होथै; और परमेस्वर अपने खुद के वजह से हमकै मसीह के संग अपने खुद के लोगन के रूप में चुनी, जो बात कै बौ सुए से ठान लई रहै। **12** फिरौकी जो-जो मसीह मैं आस लगाए रहै, परमेस्वर की महिमा कै करथै। **13** और बहे मैं तुम्हऊँ, परमेस्वर के बालका बन गै जब तुम सच्चो बचन सुने, जो तुमरे उद्धार को सुसमाचार है और जोके ऊपर तुम बिस्वास करे, और परमेस्वर तुमरे जरिया बौ पवित्र आत्मा जो मालिकाना हक को छाप है देन की ठानी, और जहे ताहीं बौ जो बात को वादा करी रहै। **14** आत्मा जो कहथे कि हमकै बौ सब मिलैगो जो परमेस्वर अपने लोगन से वादा करी है, और हमकै जो बिस्वास दिलाथै कि परमेस्वर बे आदमिन कै पूरी आजादी देगो जो बाके हैं। हम बाकी महिमा की गांयें। **15** जो बजह से, जब से मैं प्रभु ईसु मैं तुमरे बिस्वास और परमेस्वर के सबै पवित्र लोगन के ताहीं तुमरे प्रेम के बारे में सुनो हौं, **16** मैं तुमरे ताहीं परमेस्वर कै धन्यवाद देनो नाय छोडो हौं। मैं तुमकै अपनी प्रार्थना मैं याद करत रहथौं। **17** और, कि हमरे प्रभु ईसु मसीह को परमेस्वर जो महिमा को परम दऊवा है, तुमकै ऐसी आत्मा देगो जो तुमकै ग्यानी बनाए और परमेस्वर को प्रगट करे ताकी तुम अच्छे तरह से पहचान सकौ। **18** बौ तुम लोगन के मन की आँखिन कै जोती देबै, जोसे तुम जो देख सकौ कि बाके जरिये बुलाए जान के बजह से तुम लोगन की आसा कितनी महान है और सन्तन के संग तुम लोगन कै जो बिरासत मिली है, बौ कितनी अदभुत और महिमामय है, **19** हम जो बिस्वास रखथे बाकी सक्ति जो हममें काम कर रइ है बौ

कितनी महान है! जो जो सक्ति जो हममें काम करथै; बौ बाको महान बल के नाई है। **20** जोकै जरिये बौ मसीह कै मोत से जिंदो करी और बाकै स्वर्गिय जघा मैं अपने दहने और बैठारी। **21** हूँ मसीह सब स्वर्गिय सासक, अधिकारी, सामर्थ्य और सेठन के ऊपर राज करथै; बाको ऐसो नाओं है बाके पास जो युग मैं और आनबारी युग मैं अधिकार के सबै खिताब से सेस्ट एक उपाधि है। (aiōn g165) **22** और सबै कुछ बाकी पाँव तरे कर दई; और बाकै सबै चीजन ऊपर मड़ बनाये कै कलीसिया कै दई दई। **23** कलीसिया मसीह की सरिर है, और बहे की भरपूरी है जो सबे मैं सब कुछ पूरा करथै।

2 बीते भे समय मैं तुम आग्या को उलंघन के बजह से आत्मिक तरीका से पाप मैं मर गै रहौ। **2** बौ समय तू दुनिया की बुरी चाल पर चलो; तै आकास मैं आध्यात्मिक सक्तियन की आग्या मानो, बौ आत्मा जो अब बे लोगन के वस मैं करथे जो परमेस्वर के बिरोधिन मैं चलथै। (aiōn g165) **3** सच्च्वी मैं हम सबै उन्हई के तराहनी रहै और अपनी सरिर की इच्छा के हानी रहत रहै। बहे स्वभाव के मन की इच्छा के अनुसार चलत रहै और दुसरेन के हानी स्वभाविक रीति से परमेस्वर के क्रोध के सिकार बने भै रहै। **4** लेकिन परमेस्वर की दया इतो जुदे है, और हमरे ताहीं बाको प्रेम इतो महान है, **5** कि बौ समय हम अपनी आग्या उलंघन की बजह से मर गै रहै तो हमकै मसीह के अनुग्रह से जिंदो करे गौ, **6** और मसीह ईसु मैं बाके संग उठाई, और स्वर्गिय जघा मैं बहे के संग बैठाए दई ताकी बाके संग राज्य करन के ताहीं। **7** प्रभु ईसु मसीह मैं हमसे प्रेम करी बौ प्रेम की दया की महानता कितनी है जो दिखान ताहीं के बौ पूरे आनबारे युग मैं बौ ऐसो करी। (aiōn g165) **8** काहेंकि बिस्वास के अनुग्रह सेई तुमरो उद्धार भौ है; और जो तुमरे करमन से नाय है, बल्किन परमेस्वर को दान है, **9** और ना करमन के बजह से, काहेंकि ऐसो नाय होबै कि कोई गुमान करै। **10** परमेस्वर हमकै बौ बनाई है जो हम हैं, और मसीह ईसु के संग हमरे मिलन से बौ हमकै अच्छे करमन की जिंदगी के ताहीं बनाई है, जो बौ हमकै करन के ताहीं पहलिये से समारी। **11** तुम जो जनम से गैर यहूदि और खतना करे भै यहूदि लोगन के जरिये खतना हीन कहे जाथै; याद करौ तुम कि बीते दिनन मैं तुम कौन रहौ, **12** बौ समय तुम मसीह से अलग रहौ, तुम दुसरे देस के रहौ और परमेस्वर के चुने भै इस्लामी आदमिन से जुडे भै ना रहौ। जो वादा को वाचा परमेस्वर बाके लोगन के संग करी रहे बांमे तुमरो कोई भी हिस्सा नाय रहै, तुम ऐसी दुनिया में रहत रहौ जो आसाहीन और परमेस्वर हीन रहै। **13** लेकिन अब, मसीह ईसु के संग, जोसे तुम निरी दूर रहत रहौ, तुमकै मसीह के खून के झोने लाओ गौ है। **14** ईसु मसीह खुद यहूदियन और गैर यहूदि कै एक आदमी बनाये कै हमकै सांति दई है। अपने खुद के सरिर के संग बौ भितिया कै तोड दई जो बाकै न्यारे कर दई दुई लोग के एक करके एक नया लोग बनाई। **15** बौ सांति बनान ताहीं ऐसो करके दुई नया आदमिन कै आपस मैं एक करन ताहीं यहूदि कानून कै अपनी आग्यन और नियमन के संग खतम कर दई। **16** क्रूस मैं उनके मरन से मसीह ईसु उनकी दुस्मनी कै खतम कर दई; क्रूस के जरिया बौ दोनों तरफा बारेन कै एक सरिर मैं एकजुट

करी और उनके परमेश्वर के झोने लौटाय लाई। 17 तबईये ईसु मसीह आयेक आपन सबन के सांति के अच्छे सुसमाचार को उपदेस दई तुम गैर यहदि के जो परमेश्वर से दूर रहै, और यहदिन से जो उनके झोने रहै। 18 जौ सब ईसु मसीह के बजह से भौ कि हम सबै, यहदि और दुसरी जाति, एक आत्मा मै हुईकै परम दऊवा की मौजूदगी मै आन ताहीं काबिल हैं। 19 तौ अब तुम दुसरी जाति दुसरे देस के या अनपहचान नाय हौ; अब तुम परमेश्वर के पवित्र लोग और प्रभु के परिवार के आदमी हुईकै एक परिवार हौ। 20 बैसे तौ प्रेरितन और भविष्यवक्तन के जरिया चुनी भइ बुनियाद के ऊपर बनाओ गौ है, पर फिर भी सब चीजन की नीव को पथरा खुद ईसु मसीह है। 21 एक बहे है जो पूरी इमारत के एक संग जोड़के रखथे और जाके प्रभु के सौंप के एक पवित्र मंदिर मै ढाल देथै। 22 बाके संग एक होन के बजह से तुम्हँकें दुसरे आदमिन के संग मिलकै एक ऐसी रहन की जघा होन के ताहीं जहाँ परमेश्वर बाकी आत्मा के दुआर रहथै।

3 जौ बजह से, मै पौलुस, मसीह ईसु को कैदी, तुम गैर यहदि के खातिर, परमेश्वर से प्रार्थना करथौ। 2 सच मै तुम सुने हौ कि परमेश्वर मोकै उनके अनुग्रह और किरपा से जौ काम दई है कि मै तुमरे भले के ताहीं काम करौं। 3 परमेश्वर अपनी लुकी भइ बातन के खोल दई है और मोकै जाके बारे मै बताई मै जाके बारे मै छोटो सो लिखो हौ। 4 और अगर तुम जो लिखे हौ बाकै पढ़ेगे तौ, तुम मसीह के राज के बारे मै मेरी सोच का है जान सकथौ। 5 बीते भै समय मै इंसानन के जौ राज नाय बताओ गौ रहै, लेकिन परमेश्वर पवित्र आत्मा के जरिया अब अपने पवित्र प्रेरितन और भविष्यवक्तन के अगु जाके दिखाए दई है। 6 जौ राज की बात सुसमाचार के जरिया से गैर यहदि मै परमेश्वर की आसीस मै यहदिन के संग एक हिस्सा है और बौ प्रतिग्या के भागी हैं जो परमेश्वर ईसु मसीह के जरिया से करी रहै। 7 मोकै परमेश्वर को अनुग्रह के बौ दान के जरिया सुसमाचार देन को सेवक बनाओ गौ, जो बौ मोकै अपनी सामर्थ्य के काम के जरिया से दई रहै। 8 मै परमेश्वर के सब पवित्र लोगन मै से छोटो से छोटो हौ; तहँओ परमेश्वर मोकै जौ हक दई कि हम गैर यहदि के मसीह के कहू खतम नाय होन बारे धन के अनुग्रह के बारे मै सुसमाचार सुनाउं, 9 और सबै पवित्र लोगन के जौ देखन ताहीं की परमेश्वर की लुकी भइ योजना के कैसे चलाओ जाबै। परमेश्वर जो सबै चीजन के बनाई है, बौ बीते भै सबै युगन मै से अपने भेद के लुकाए रखाई, (aion g165) 10 ताकी अब कलीसिया के जरिया से परमेश्वर के तमान तरहान को ग्यान, उन प्रधानन और सक्तिन मै जो स्वर्गिय जघा मै हैं, उन पर प्रगट करो जाए 11 परमेश्वर अपने अनंत मकसद के अनुसार ऐसो करी, जो बौ मसीह ईसु हमरे प्रभु के जरिया से हासिल करी। (aion g165) 12 मसीह के संग मिल जान से और बाके बिस्वास के जरिया से हममै पूरे धीरज के संग परमेश्वर के अगु जान की हिम्मत है। 13 मै तुमसे नहोरे करथौ, तौ उदास मत होबौ काहेकि मै तुमरे ताहीं जौ कलेस सह रौ हौ; जौ सब तुमरे फायदे के ताहीं है। 14 मै जहे बजह से दऊवा के अगु घँटो टेकथौ, 15 जोसे स्वर्ग और पृथ्वी मै सबै परिवारन को असली

नाओ धरो जाथै। 16 कि बौ अपनी आत्मा के जरिये तुम लोगन के अपनी महिमा मै धन अनुसार तुमके सक्ति और सामर्थ्य देबै, 17 और मै प्रार्थना करथौ कि मसीह बिस्वास के जरिया से तुमरे मन मै अपनो घर बनाबै। मै प्रार्थना करथौ कि तुम अपनी जरन और प्रेम की बुनियाद रख सकौ, 18 ताकी तुम सबै परमेश्वर के पवित्र लोगन के संग मिलकै जौ समझन की सक्ति रख सकौ कि, मसीह के प्रेम की चौड़ाई और लम्बाई, ऊचाई और कितो गहरो है। 19 हौं, का तुम मसीह के प्रेम के जान सकौ-हालाकि जौ कहूए पूरी तरीका से जान नाय सकथै-और जबले पूरे तरहन से परमेश्वर के स्वभाव से भरपूर हुई जाए। 20 अब, जो ऐसो सामर्थी है जो की सक्ति हमरे भीतर इतो जाधे काम कर सकथै, जितो हम कहू भी सोच तक नाय सकथै: 21 परमेश्वर की हर समय और हमेसा के ताहीं कलीसिया मै ईसु मसीह मै बाकी महिमा पीढी से पीढी तक युगानुयुग होत रहबै! आमीन। (aion g165)

4 मै जो प्रभु मै कैदी हौं तुमसे नहोरे करथौ, काहेकि मै प्रभु की सेवा करथौ: कि जो बुलाहट से तुम बुलाए गै रहो, बहे के योग्य चाल चलौ। 2 हमेसा विनम्र, कोमल और धीर धरन बारे बनौ। एक दुसरे के संग सब कुछ सहत भै अपने प्रेम के जताबौ। 3 आत्मा की सांति से एकता के बनाये रखन के ताहीं अपनो सबसे अच्छो से अच्छो चाल-चलन दिखाबौ। 4 एकै सरिर है, और एकै आत्मा; जैसे कि जो आसा के ताहीं परमेश्वर तुमके बुलाई है बौ भी एक है। 5 एक प्रभु है, एक बिस्वास, और एक बपतिस्मा है; 6 सबै लोगन को एकै परमेश्वर और दऊवा है; जो सबन को प्रभु है, बौ सबन के जरिया से काम करथै, और सबन मै है। 7 हममे से हर एक के मसीह जो बौ दई है, बाके नपना मै एक खास अनुग्रह और दान मिलो है। 8 जैसे सांझ कहथै, “जब ईसु खूब उचाई ले गौ, तौ बौ अपने संग निरै कैदियन के लैगौ; बौ आदमिन के दान दई।” 9 अब, “ईसु ऊपर गौ” को का मतलब है? जाको मतलब जौ है कि पहले बौ पृथ्वी की सबसे तरे की गहराई ले उतर गौ रहै। 10 तौ जो तरे गौ बौ ईसु है जो ऊपर और आसमान से ऊपर गौ, पूरी दुनिया के अपनी मौजूदगी से भरन के ताहीं। 11 जौ बहे रहै जो “आदमिन के दान दई” बौ कुछन के प्रेरित ठहराई, दुसरेन के भविष्यवक्ता, औरन के प्रचारक, कोई के रखबारे और सिक्छक बनन के ताहीं चुनी। 12 बौ मसीह की सेवा के काम के ताहीं परमेश्वर के सबै पवित्र लोगन के समारन के ताहीं, जोसे मसीह के सरिर के बनाओ जाए सकै। 13 और तबई हम सब जनी मिलकै बौ बिस्वास और परमेश्वर के लौडा के बारे मै अपने ग्यान के पाए लेंगे; हम मसीह के पूरे कद के भीत ऊँचे ले पहोचन बारे मजबूत आदमी बनंगे। 14 तौ हम अगु के बालका नाय रहमै जो इंसान की ठगी और चलौंकी से, उनकी गलतफैमि की चालन के और उपदेस के सब झोंकन से उछालो और इतै-उतै घुमाओ जाथै। 15 जाके बजाय, प्यार की आत्मा मै सच बोलकै, हमकै हर तरह से मसीह के ताहीं बढनो चाहिए, जो मुडिया है। 16 बाके बस मै सरिर के सबै अलग-अलग हिस्सा एक संग ठीक तरीका से बैठे होथै, और पूरे सरिर के एक संग हर जोर गाँठ से रखो जाथै, जैसे कि होनो चाहिए तबई जब हर

अलग हिस्सा काम करथे तौ पूरो सर्रीर बढ़थे, कि बौ प्रेम मै उन्नति करत जाए। 17 प्रभु के नाओ से, मै तुमके चितौनी देखौ: कि जैसे गैर यहिद जो बेकार बिचार करथे, बैसो तुम मत चलो। 18 और उनकी बुद्धि अधियारी हुई गई है। उनकी जिंदगी मै कोई हिस्सा नाय है जो परमेस्वर देखे, काहेकि बे पूरे तरीका से बिना दिमाक के और जिदी हैं। 19 बे सरम के महसूस नाय करन लगे हैं; बे खुदे बड़े बनके असुद्धता और अनुसासन के बिना सब तरह के असलील हरकत के काम करथे। 20 पर तुम तौ मसीह की ऐसी सिक्छा ना पाए। 21 पर तुम सच्ची मै बहे की सुने, और बाके चेला होन के नाते जो ईसु की सच्चाई है, बहे मै सिखइयो गै। 22 जेहे बजह से अपने पुराने चाल-चलन से छुटके, जो तुमके बौ तरीका से जिंदो करी जैसे कि तुम बौ पुराने चाल-चलन मै चलत रहौ जो अपने धोकेबाज इच्छन से खतम होत रहे। 23 और अपने मन और दिमाक के पूरे तरीका से नया बनाबौ, 24 और नये इंसानियत के पहन लेबौ, जो परमेस्वर के ही तराहनी सच्ची धार्मिकता और सई जिंदगी मै खुदके दिखाथे जो इमानदार और पवित्र है। 25 जौ बजह से झूठ बोलनो छोड़के सब अपने परोसिन से सच्ची बोलौ, काहेकि हम आपस मै एक दुसरे के अंग हैं। 26 अगर तुम गुस्सा हुई जाथौ, तौ अपने गुस्सा मै आयके पाप मत करौ, दिन मुदन तक तुमरे गुस्सा न रहबै। 27 सैतान के मौका कतई मत दियौ। 28 अगर तुम चोरी करत रहौ, तौ तुमके चोरी करनो छोड़ देनो चाहिए और भले काम करनो सुरू कर देनो चाहिए, ताकी तुम अपने ताहीं इमानदारी को जीवन जी सकौ और गरीबन की मदत कर सकौ। 29 कोई गंदे बोल तुमरे मोहों से ना निकरै लेकिन भलाई की बात निकरै, पर सिर्फ अनुग्रह की बढ़ोतरी के हिसाब से बहे बोल निकरै जो तुमरे सुनन बारे को भलो कर सकै, जोसे तुमरे सुनन बारेन के फायदा होबै। 30 और परमेस्वर की पवित्र आत्मा के दुखी मत करौ; काहेकि आत्मा तुमरे ऊपर परमेस्वर के गुरुजी होन की छाप है, और बौ जौ बात के पक्को करथे कि बौ दिन आगो जब परमेस्वर तुमके छुटकारा देगो। 31 सब तराहनी की कड़वाहट, और राग और गुस्सा से छुटकारा पाबौ, और कोई बदनामी करन बारी बात, कोई तरहन की जेद खराब सोच मत पालौ। 32 जाके अलावा एक दुसरे के ताहीं दया करन बारे और कोमल मन के रहबौ, और एक दुसरे के माफ कर दियौ, काहेकि परमेस्वर तुमके मसीह के जरिये माफ करी है।

5 जब तुम परमेस्वर के प्रिय बालका हौ, तौ तुमके बाके जैसो बनन की कोसिस करनो चाहिए। 2 तुमरी जिंदगी के प्रेम से रस्ता मै लाओ जानो चाहिए, जैसी मसीह हमके प्रेम करी है और हमरे ताहीं अपनी जिंदगी एक प्यारी महाकनबारी भेंट के रूप मै दई और अपने आपके भेंट दई, जौ सब परमेस्वर के खुस करथे। 3 जब तुम परमेस्वर के पवित्र लोग हौ तौ, तुम मै छिनरइ और कोई तरहन के असुद्ध काम या लालच की बातचीत भी ना होनी चाहिए। 4 ना निर्जलता, ना मूर्खता की बात, तुमके ऐसो बोलनो ठीक नाय है जो बगैर सरम को, और अयोग्य है। बल्किन तुमके परमेस्वर के धन्यवाद देनो चाहिए। 5 तुम जौ जानथौ कि, कोई भी दुराचारी, असुद्ध या लालची आदमी, काहेकि लालच मूर्ति पूजन के बराबर है

मसीह और परमेस्वर के राज्य मै भागीदार नाय होगो। 6 कोई भी तुमके बेकार की बातन से धोका ना देबे; काहेकि जेई कामन के करइ परमेस्वर को गुस्सा आग्या ना मानन बारेन के ऊपर भडकथे। 7 जहे बजह से ऐसे आदमिन के सहभागी मत बनौ। 8 तुम खुदे अधियारे मै चलते रहौ, लेकिन जब से तुम प्रभु के आदमी बने हौ, तुम उज्जीते मै हौ। तभई से तुमके ऐसे आदमिन के जैसो रहनो चाहिए, जो उज्जीते के हैं, 9 जौ बौ उज्जीतो है, जो सबे तरहन की भलाई, न्यायपन और सच्चाई को एक पूरो फल लाथे। 10 और जौ परख के सीखौ कि प्रभु के का भाथे। 11 लोगन के बेकार की चीजन से कोई लेनो देनो नाय है, जे सब भागीदारी के अलावा जो चीज अधियारे से जुडी है, उनके उज्जीते मै लाबौ। 12 काहेकि उनके लुके छिपे कामन की बात करनो भी सरम की बात हैं। 13 और जब सबे चीजन के उज्जीतो मै लाओ जाथे। तौ उनकी असलियत सच मै दिखाई देथे; 14 जो कछु ठीक तरीका से दिखाई देथे, बौ प्रगट हुई जाथे। तभई कहो जाथे, “सोन बारे जगौ, और मुर्दन मै से जिंदे हुई जाबौ, तौ मसीह तुमरे ऊपर जगमगाय उठेगो।” 15 तौ चहाचीते रहबौ कि तुम कैसे चलथौ, बिना ग्यान के आदमी हानी मत रहबौ, बल्किन दिमाकदारन के हानी रहबौ। 16 तुमसे जितनो हुई सके समय को अच्छो इस्तमाल करौ, काहेकि जे दिन बुरे हैं। 17 फिर बेअकली मत बनौ, लेकिन जौ पता निकारन की कोसिस करौ कि प्रभु का करनो चाहथे। 18 दाखरस पीके नसा मत करौ, जौ तुमके सिर्फ बरबादे करेगो; जाके अलावा, आत्मा से भर जाबौ। 19 पवित्र और आत्मिक गीत के एक दुसरे के संग गाबौ; अपने मन मै स्तुति के संग प्रभु के गीतन और स्तुति के गाबौ। 20 हमरे प्रभु ईसु मसीह के नाओ से, हमेसा दऊवा परमेस्वर के हर बातन के ताहीं धन्यवाद देबौ। 21 और मसीह के डर मै एक दूसरे के अधीन रहबौ। 22 हे बईय्यरौ, अपने आपके अपने लोगा के अधीन करौ, जैसे की प्रभु के। 23 एक लोगा को अपनी बईय्यर ऊपर हक होथे जैसे कि मसीह को कलीसिया ऊपर हक होथे; और मसीह खुदे सर्रीर मतलब कलीसिया को उद्धारकर्ता है। 24 और बईय्यरन के खुदके पूरे तरीका से अपने लोगा के सौंप देनो चाहिए जैसे कलीसिया खुदके मसीह के अधीन करथे। 25 लोगा अपनी बईय्यर के बहे तराहनी प्रेम करै जैसी मसीह कलीसिया से प्रेम करी और बाके ताहीं अपनी ज्ञान दै दई। 26 बौ कलीसिया के अपने बचन से पानी से हंदबाय के सुद्ध करन के बाद परमेस्वर के समर्पित करन के ताहीं, जौ सब करी रहे। 27 और बाके एक ऐसी? कलीसिया बनाये के अपने झोने ठडबाबै, जोमें ना कलंक, ना झुर्री, ना कोई और ऐसी चीज होबै, बल्कि पवित्र और निर्दोस होबै। 28 अपनी बईय्यर से ऐसो प्रेम करनो चाहिए जैसो अपने सर्रीर से करथौ। एक आदमी जो अपनी बईय्यर से प्रेम करथे बौ अपने आप से प्रेम करथे। 29 हममें से कोईये अपने सर्रीर के कहओ धिनौनो नाय मानथे। जाके अलावा हम बाके खबाथे, और बाकी देखाभारी करथे; जैसो मसीह कलीसिया की करथे। 30 हम बाके सर्रीर के हिस्सा हैं। 31 जैसे कि साब्र कहथे, “जौ बजह से लोग अपने बाबा और अईय्या के घर के छोड़ देंगे और अपनी बईय्यर के संग एक हुईके मिलो रहगो, और दोनों एक हुई जांगे।” 32 जौ लुकी भई बात गहरी और सच्ची है, जो साब्र मै प्रकट करी

गई है और बौ मेरे अनुसार मसीह और कलीसिया के बारे में है। 33 बाकै इसलै तुम लोगन के झोने भेज रौ हौ कि तुम मेरे बारे में पूरो लेकिन जौ तुमरे ऊपर लागू है: सब लोगन के अपनी बईद्वर से प्रेम समाचार जान जाबौ और इसलै भी कि बौ तुमरे मन के प्रोत्साहित करनो चाहिए, और सब बईद्वरन के अपने लोगा को आदर करनो करै। 23 परमेस्वर दऊवा और प्रभु ईसु मसीह सब मसीह भईद्वन के सांति और बिस्वास के संग प्रेम देबै। 24 परमेस्वर को अनुग्रह और किरपा बे सबन के संग होबै, जो हमरे प्रभु ईसु मसीह से लगातार प्रेम करथै।

6 बालकौ, जौ तुमरो प्रभु में कर्तव्य है कि तुम अपने अईय्या-बाबा को कहनो मानौ, ऐसो करन के ताहीं ठीक काम करने है। 2 “और अईय्या-बाबा को आदर करौ” जौ पहली आग्या है जोमै एक वादा के जोडो गौ है: 3 “ताकी सबै तुमरे संग अच्छे से चल सकै; और तुम धरती में लंबे समय ले रह सकौ।” 4 अईय्या-बाबा, अपने बालकन के संग ऐसो बर्ताव नाय करै; जोसे उनके गुस्सा आबै। जाके अलावा, उनके प्रभु ईसु मसीह को अनुसासन और समझाए के अगु बढाबौ। 5 हे दासौ, जो लोग सरिर के आधार से तुमरे मालिक हैं, अपने मन की सिधाई से डरात भै और काँपत भै, जैसे मसीह की, बैसिये उन्हई की बात मानै। 6 इंसानन के खुस करन के ताहीं दिखाबे की सेवा मत करौ, पर मसीह के दास के तराहनी मन से परमेस्वर की मरजी से चलौ। 7 अपने काम के गुलाम के रूप में खुसी से करौ, जैसे तुम प्रभु की सेवा करे, ना कि सिर्फ इंसानन की। 8 जौ याद रखाबौ कि प्रभु हमै से सबन के, चँहै बौ दास होबै या छोटो भौ, हम जो भी अच्छो काम करंगे, बाके ताहीं इनाम पांगे। 9 और हे स्वामियों, अपने गुलाम के बिना धमकी दै बैसिये बर्ताव करौ; काहैकि तुम जानथौ कि उनको और तुमरो दोनों को गुरूजी स्वर्ग में है, और बौ कोई को भेद-भाव नाय करथै। 10 तभई प्रभु की एकता में और बाकी सत्ति के प्रभाव में ताकतबर बनौ। 11 परमेस्वर जो भी हथियार दई है, बे सब भाँद लेबौ, जोसे तुम सैतान की बुरी चालन के खिलाप ठाडे रह सकौ। 12 काहैकि हमारी हर लडाई इंसानन से ना है, बल्किन प्रधानन से अधिकारियन से और जौ अंधकारमै दुनिया की ताकतन से, और स्वर्गिय जघा के बे दुस्ट आत्मिक फौज के खिलाप हैं जो अंतरिक्छ में हैं। (aiōn g165) 13 तौ अब परमेस्वर के सबै हथियार भाँद लेयौ, कि तुम बुरे दिनन में दुस्मन को सामना कर सकौ, और सब कछु पूरो करके टिके रह सकौ। 14 तौ सच्चाई से अपनो करिहाँओं कसकै, और न्यायपन की झिलम पहनकै, 15 और पाँव में सांति के सुसमाचार की तैयारी के जूता पहनकै; 16 और हमेसा बिस्वास की ढाल लैकै स्थिर रहबौ; जहे के ताहीं तुम बौ दुस्ट के सब जलत भै तीरन के बुताय सकौ। 17 और उद्धार को टोप, और आत्मा की तलवार जो परमेस्वर को बचन है, लै लेबौ। 18 और हर समय और सब तरहन से आत्मा में प्रार्थना, और बिनती करत रहबौ, और जगत रहबौ, कि सब पवित्र लोगन के ताहीं लगातार बिनती करे करौ। 19 और मेरियौ ताहीं प्रार्थना करौ, कि जब मैं बोलन ताहीं समरंगो, तौ परमेस्वर मौके एक संदेसो देगो, ताकी मैं हिम्मत के संग बोल सकौ और सुसमाचार को भेद जाहिर कर सकौ। 20 जो सुसमाचार के खातिर मैं जंजीर से भँदो भौ एक राजदूत कैदखाना में हौ, प्रार्थना करौ, कि मैं जितनो हुई सकै, सुसमाचार सुनान के बारे में मजबूत हुई सकौ। 21 तुखिकुस, हमरो प्रिय भईय्या और प्रभु के काम को वफादार सेवक, तुमके मेरे बारे में सब खबर देगो, ताकी तुम जान सकौ कि मैं कैसो हौ। 22 मैं

फिलिप्पियों

1 इसु मसीह को दास पौलुस और तीमथियुस के घाँई से सब पवित्र लोगन के नाओं, जो इसु मसीह में हुईकै फिलिप्पी में रहथैं, कलीसिया के अगुवा और सेवक समेत: **2** हमरे दऊवा परमेस्वर और प्रभु इसु मसीह के घाँई से तुमकै अनुग्रह और सांति मिलत रहबै। **3** मैं हर बार तुमरे बारे में सोचन ताहीं अपने परमेस्वर के धन्यवाद करथौं; **4** और हर बार मैं तुम सबन ताहीं, मैं खुसी के संग प्रार्थना करथौं, **5** जैसे तुम पहले दिन से अबले सुसमाचार के काम में मेरी मदद करे हो। **6** और तभईं मौकै यकीन है कि परमेस्वर, जो तुम में जौ अच्छो काम सुरू करी है, बहे बाकै मसीह इसु के दिन ले खतम करेगो। **7** तुम हमेसा मेरे दिल में हो! और तभईं मैं खाली जौ सोचथौं कि मैं तुमरे ताहीं मैं का करौं। काहिकै तुम सब मेरे संग जौ विसेसाधिकार के अनुग्रह मैं भागीदार भै हो जौ न्याई परमेस्वर मौकै सामर्थ्य दई है, अब मैं जेल में हौं और सगै-संग मैं सुसमाचार की रक्खा करन और जाके मजबूती से समर्पित करन ताहीं बंधन से आजाद रहौं। **8** परमेस्वर मेरो गभा है कि मैं सच्ची कहथौं जब मैं कहथौं कि तुम सबन ताहीं मेरी गहरी भावना खुद इसु मसीह के दिल से आथै। **9** मैं प्रार्थना करथौं कि तुमरो प्रेम जाधे से जाधे बढ़त रहबै और तुम सई ग्यान का है जौ जानौ और पूरी तरह से सई न्याय कर सकौ, **10** ताकी तुम चुन सकौ कि सबसे अच्छो का है। फिर तुम मसीह के परखे जाने के दिन सब असुद्धता और दोस से मुक्त होगे। **11** तुमरी जिंदगी बास्तव में धार्मिकता के अच्छे गुडन से भरो होगे जो खाली इसु मसीह पैदा कर सकथै, परमेस्वर की महिमा और बड़ाई के ताहीं। **12** मैं तुमकै जाननो चाहथौं, मेरे भईय्यो, कि जो चीजें मेरे संग भई हैं, वे बास्तव में सुसमाचार के बढन में मदद करी है। **13** हियाँ तक कि, कैसर के पूरे महल के पहरेदार और हियाँ के बचे भै सब जनी जानथैं कि मैं कैदखाना के बंधन में हौं काहिकै मैं मसीह को सेवक हौं। **14** और मेरे कैदखाना के बंधन में रहन से भौत से विस्वासी भईय्या के प्रभु के ऊपर जाधे बिस्वास हुई गौ है, जोसे वे हमेसा के ताहीं निडर हुईकै उपदेस देथैं। **15** उनमें से कुछ मसीह को प्रचार करथैं काहिकै वे जलन बारे और झगडाल होथैं, लेकिन असली और अच्छे इरादे से दुसरे। **16** जे प्रेम से ऐसो करथैं, काहिकै वे जानथैं कि परमेस्वर मौकै सुसमाचार को बचाव करन को काम दई है। **17** दुसरे लोग इमानदारी से मसीह को ऐलान नाय करथैं, लेकिन स्वार्थी इच्छा की भावना से; उनकै लगथै कि कैदखाना के बंधन में रहत भै वे मेरे ताहीं और मुसीबत खडी कर देंगे। **18** जौ मायने ना रखथैं मैं जाके बारे मैं खुस हौं। बस इसलै मसीह हर तरहन से संभव है, चाँहे गलत या सच्चे काम से। और मैं खुस रहेंगो, **19** काहिकै मौकै पता है कि तुमरी प्रार्थना और इसु मसीह की आत्मा की मदद से जो कछु भौ है, मैं बच जांगो। **20** मेरी गहरी इच्छा और आसा है कि मैं अपने काम में कहु असफल नाय होमंगो, लेकिन हर समय और खासकर अब, मैं पूरी हिम्मत से भरो रहमंगो, ताकी मैं अपने पूरे पहचान के संग मसीह को सम्मान दिबामौं, चाँहे मैं जिंदो रहमौं या मेरो सरिर मर क्यू ना जाबै। **21**

काहिकै मेरे ताहीं जिंदो रहनो मसीह है, और मर जानो फायदा है। **22** पर अगर सरिर मैं जिंदो रहनोई मेरे काम के ताहीं फायदेमंद है तौ मैं नाय जानथौं कि कौनकै चुनौं। **23** मौकै दुई तरफ खींचो गौ है। मैं जौ जिंदगी के छोडनो चाहथौं और मसीह के संग रहनो चाहथौं, जो कि भौत अच्छी बात है; **24** लेकिन तुम लोगन के ताहीं जौ भौत जरूरी है कि मैं सरिर मैं जिंदो रहमौं। **25** मौकै जाके ऊपर भरोसो है, और इसलै मौकै पता है कि मैं रहमंगो। मैं तुम सबके संग रहेंगो, बिस्वास मैं अपनी प्रगति और खुसी के जोडन के ताहीं, **26** ताकी जब मैं तुमरे संग फिर से रहमौं, तौ तुमरे पास इसु मसीह के संग अपनी जिंदगी मैं मेरे ऊपर गरब करन की और भी बजह होगी। **27** खाली इतनो करौ, कि तुमरो चाल-चलन मसीह के सुसमाचार के काबिल होबै, कि चाँहे मैं तुमकै खुद आए के देखौं, चाँहे ना भी आमौं, तुमरे बारे मैं जौ सुनौ कि तुम एके आत्मा में टिके हो, और एक चित्त हुईकै सुसमाचार के बिस्वास के ताहीं मेहनत करत रहथौं। **28** अपने दुस्मियन से मत डराबौ; हमेसा हिम्मत बारे बनौ, और जौ उनके ताहीं साबित होगो, कि वे हार जांगे और तुम जीत जाबेंगे, काहिकै बौ परमेस्वर है जो तुमके बचाए देथै। **29** काहिकै न सिरफ बाके ऊपर बिस्वास करन से, वरन बाके ताहीं दुख उठान के बजह से भी तौकै मसीह की सेवा करन और खुदकै सौपन को सौभाग्य मिलो है। **30** अब तुम मेरे संग लडाई मैं भाग ले सकथौं। जौ बहे लडाई है जो तुम मौकै अतीत में लडत भई देखे रहौ, और जैसो कि तुम सुने हो, मैं अभईयो लड रौ हौं।

2 मसीह मैं तुमरी जिंदगी तुमकै मजबूत बनाथै, और बाको प्यार तुमकै दिलासा देथै। तुमरे झोने आत्मा के संग संगती है, और तुमरे झोने एक दुसरे के ताहीं दया और करुणा है। **2** मैं तुमसे आग्रह करथौं, जो मौकै पूरी तरह से खुस करेगो, एके बिचार रखौ, बहे प्रेम के बाटौ, और आत्मा, मन मैं एक होबौ **3** स्वास्थी इच्छा से या घमंड करन की सस्ती इच्छा से कछु मत करौ, लेकिन एक दुसरे के प्रति विनम्र रहबौ, हमेसा दुसरेन के अपने आप से अच्छो मानौं। **4** और एक दुसरेन के हित की सोचें, ना कि खाली अपने बारे में। **5** जैसो इसु मसीह को स्वभाव रहै बैसिये तुमरो भी स्वभाव और सोच होबै: **6** बाके पास हमेसा परमेस्वर को स्वरूप रहै, लेकिन बौ जौ नाय सोची रहै कि जबरजती बाकै परमेस्वर के बराबर रहन की कोसिस करनो चाहिए। **7** जाके बजाय, बौ अपनी मरजी से अपनो सब कछु छोड दई, और एक दास को स्वरूप ले लई। बौ एक इंसान की तरह बन गौ और इंसान की बराबरी मैं दिखाई दई। **8** बौ विनम्र रहै और आग्याकारिता के रहामैं चलत भौ मौत तक पौहौच गौ, क्रूस की मौत। **9** जौ बजह से परमेस्वर बाकै सबसे ऊँची जघा मैं से ऊपर उठाई और बाकै बौ नाओं सौंप दई जो सब नाओं से बडो है। **10** और इसलै, जो स्वर्ग मैं और पृथ्वी मैं और जो पृथ्वी के तरे हैं; वे सब इसु के नाओं में घंटौ टेकें, **11** और परमेस्वर दऊवा की महिमा के ताहीं और सब खुलेआम ऐलान करेगो कि इसु मसीह ही प्रभु है। **12** इसलै, प्रिय दोस्तौ, जैसो कि तुम हमेसा मेरी आग्या माने जब मैं तुमरे संग रहौं, तौ जौ और भी जरूरी है कि तुम मोसे दूर रहकै अब मेरी बात मानौ। अपने उद्धार के पूरो करन के ताहीं डर और काँपत

भे काम करत रहबौ, 13 काहैकि परमेस्वर हमेसा तुमरे में काम करन ताहीं तैयार है ताकी तुम अपने उद्देश्य के मान सकौ। 14 सब कछु खतना करो गौ रहै। मैं जनम सेई इस्त्राएल को हौं, बिन्यामीन गोत्र बिना सिकायत या बहस के करौ, 15 ताकी तुम निर्दोस और सुद्ध बन सकौ परमेस्वर के पूरी औलाद के रूप में, जो भ्रष्ट और पापी लोगन की दुनिया में रहथैं। तुम उनके बीच चमकते रहबौ, जैसे आसमान में चमकन बारे तारा, 16 जैसो कि तुम उनके जिंदगी के संदेस देथौ। अगर तुम ऐसो करथौ, तौ मेरे पास मसीह के दिन में गरब करन की बजह होगी, काहैकि जौ दिखगो कि मेरी पूरी कोसिस और काम बेकार नाय भौ है। 17 अगर मोकै तुमरे बिस्वास के बलिदान और सेवा के संग अपनो खूनौ बहान पड़े तौभी मैं खुस हौं, और तुम सबके संग खुस रहथौ। 18 बैसिये, तुम्हें खुस रहबौ और अपनी खुसी मेरे संग बाटौ। 19 अगर जौ प्रभु की इच्छा है, तौ मोकै आसा है कि मैं जल्दिये तीमथियुस के तुमरे झोने भेज सकंगो, ताकी मोकै तुमरे बारे में खबर मिलै तौ मोकै बढ़ावा मिलै। 20 बहे एकमात्र आदमी है जो मेरे मन की बात समझथै। और जो बास्तव में तुमरी परवाह करथै। 21 काहैकि सब अपने फायदा के ढूँडत रहथैं, ना कि ईसु मसीह के। 22 पर बाकै तौ तुम जानियो ले हो, कि अपनी काबिलियत के कैसे सिद्ध करी है, कि जैसो लोड़ा दऊवा के संग करथै, बैसिये बौ सुसमाचार के फैलान में मेरे संग सेवा करी। 23 इसलै मोकै उमीद है कि जैसिये मोकै पता चलैगो, कि मेरे ताहीं चीजें कैसे बदल जांगी, मौका मिलतै मैं बाकै भेजंगो। 24 और मोए प्रभु के ऊपर भरोसो है कि मैं खुद जल्दिये तुमरे झोने आए सकंगो। 25 मैं सोचो हौं कि तुमरे झोने मेरो भईय्या इफ्रुदीतुस के भेजने जरूरी है, जो मेरी तरफ से काम करी है, और जो मेरी सेवा करन में तुमरे खबरेया के रूप में काम करी है। 26 काहैकि बाको मन तुम सब में लगे रहथै, जौ बजह से बौ बेचैन उतावलो रहथै, काहैकि तुम सुने रहौ कि बौ बिमार रहे। 27 बात जौ रहे कि बौ बिमार रहे, और लमसम मरिये गौ रहै। लेकिन परमेस्वर बाके ऊपर दया करी, और ना खाली बाके ऊपर बल्किन मेरियो ऊपर दया करी, ताकी मेरे ऊपर दुख में दुख नाय पड़े। 28 मैं भौत बेचैन हौं, फिरसे, बाकै तुमरे झोने भेजने के ताहीं, ताकी तुम बाकै देखन के बाद फिर से खुस हुई जाबौ, और मेरियो दुख खतम हुई जांगे। 29 इसलै तुम प्रभु में बासे भौत खुसी के संग मिलियो, और ऐसन को आदर करियो, 30 काहैकि बौ अपनी जिंदगी के खतरा में डार दई और लमसम मसीह के कामन ताहीं मर गौ रहै, ताकी मोकै बौ मदत मिल सकै जो तुम खुद नाय दे सकत रहौ।

3 आखरी मैं, मेरे भईय्यो, प्रभु के संग खुस रहबौ। मैं जो पहले लिखो हौं बाकै दुबारा लिखन में मोकै कोई दिक्कत ना है, और अगर मैं ऐसो करथौ, तौ तुमरिये भलाई है। 2 कुतन से चौकन्ने रहबौ, बे बुरे काम करन बारेन से चौकन्ने रहबौ, बे काटा-कूटी करन बारेन से चौकन्ने रहबौ। 3 काहैकि सच्चे खतना बारे तौ हम हैं जो परमेस्वर की आत्मा की अगुवाई से उपासना करथैं, और ईसु मसीह के ऊपर घमंड करथैं और सर्रीर के ऊपर भरोसा नाय रखथैं। 4 मैं सई मैं सर्रीर में अपनो भरोसा रख सकथौ, अगर तुम में से कोई के लगथै कि तुम सर्रीर में भरोसा रख सकथौ, तौ मेरे झोने ऐसे महसूस

करन की और भी बजह है। 5 जब मैं एक सप्ताह को रहौ, तौ मेरो खतना करो गौ रहै। मैं जनम सेई इस्त्राएल को हौं, बिन्यामीन गोत्र को हौं, जो सुद्ध खन बारो इब्राही हौं, जहाँ ले यहदि नियम के बनाए रखन की बात है, मैं एक फरीसी रहौ। 6 और मैं इतनो जोस में रहौं, कि मैं कलीसिया के सताओ; जहाँ ले एक आदमी बेबस रहै की नियमन को पालन करकै न्याई हुई सकथै, मैं निर्दोस रहौ। 7 लेकिन बे सब चीजें जिनकै मैं फायदा के रूप में गिनाए सकत रहौं, अब मैं मसीह के ताहीं नुकसान के रूप में मानथौं। 8 खाली बे चीजन के नाय; मोकै सब कछु के ताहीं पुरो नुकसान के रूप में लगथै, कि का इतनो अगरो कीमती है, ईसु मसीह मेरे प्रभु को ग्यान, बाके खातिर मैं सब कछु फेंक दौ हौं; मैं जाके खाली कचड़ा मानथौं, ताकी मैं मसीह के पाए सकौ। 9 और जाके संग पूरी तरह से एकजुट रहबौ, मेरे पास अब खुद की न्यायीपन नाय है, जो नियम के मानन से मिलथै; अब मेरे पास न्यायीपन है जो मसीह में बिस्वास के जरिये से दई गई है, न्यायीपन जो परमेस्वर से आथै, और बिस्वास से मिलथै। 10 मैं बस जहे चाहथौं, कि मसीह के जानै और बाके पुनस्तथान की सामर्थ्य के महसूस करै, बाके दुखन में भागीदार होमै और बाकी मौत में बाके जैसो बनै, 11 जौ आसा मैं कि मैं खुद मौत से जिलाओ जांगो। 12 मैं जौ दाबा नाय करथौं, कि मैं अगुए कामयाब हुई चुको हौं या पहलेई से परिपुई हुई गौ हौं; मैं बौ इनाम के जीतन के ताहीं कोसिस करत रहथौं जोके ताहीं ईसु मसीह मोकै पहले सेई खुदके जीती है। 13 बेसक, मेरे भईय्यो, मैं बास्तव में जौ नाय सोचथौं कि मैं पहलेई जाकै जीत लौं हौं; हालाकि, एक बात जो मोकै याद है, बौ जौ है कि मेरे पिच्छू जो है, बाकै भूल जाबौ और जो अगु है, हूँआँ पौहोचन की पूरी कोसिस करौ। 14 इसलै मैं इनाम जीतन के ताहीं सीधे लक्छ के घाँई दौडथौं, जोके ताहीं परमेस्वर मोकै ईसु मसीह में ऊपर बुलाई है। 15 हम सब जो आध्यात्मिक रूप से मजबूत हैं, उनके जहे रबईय्या होनो चाहिए; लेकिन अगर तुम में से कोई के रबईय्या अलग है, तौ परमेस्वर तुमरे बिचारन के प्रकट कर देगो। 16 हालाकि, हम अबले बेई नियमन के हिसाब से अगु बढे, जिनकै हम पालन करथैं। 17 मेरे भईय्यो, मेरी नकल करते रहबौ बे लोगन के ऊपर ध्यान देबौ जो हमरे जरिये तुमरे ताहीं निर्धारित सई उदाहरड को पालन करथैं। 18 मैं तुमकै पहलेऊ तमान बार जौ बताओ हौं, और अब मैं जाकै आँसु के संग दोहराथौं: ऐसे भौत से लोग हैं जिनकी जिंदगी उनके क्रूस में मसीह की मौत के दुस्मन बनाए दई। 19 बे नरक में बिनास होन के जाएरें हैं, काहैकि उनके परमेस्वर उनकी सारीरिक इच्छाएं हैं; उनके जौ बात को गर्व है कि उनके काहैकि सरम आनी चाहिए, और बे खाली बे चीजन के बारे में सोचथैं जो जौ दुनिया से मिलत-जुलत हैं। 20 हालाकि, हम स्वर्ग के नागरिक हैं, और हम बेसबरी से अपने उद्धारकरी, प्रभु ईसु मसीह को इतजार करथैं। 21 बौ हमरे कमजोर खतम होन बारी सर्रीर के बदल देगो, और उनके अपनी महिमामय सर्रीर के हानी बनाए देगो, बौ सक्ति के इस्तमाल करकै जोके जरिये बौ सबे चीजन के अपने अधीन में करन में सक्छम है।

4 तौ, मेरे प्रिय भईय्यो, तुम मोके कितने प्रिय लगथौ, और मैं तुमकै के पूरे करैगो। 20 हमरे परमेस्वर और दऊवा की महिमा सदा सर्वदा कैसे याद करथौ! तुम मोके कितने खुस करथौ, और मोके तुमरे ऊपर कितने गरब है! मेरे प्रिय दोस्तौ, तुमकै प्रभु मैं मुकुट के ताहीं अपनी जिंदगी मैं मजबूत रहनो चाहिए। 2 यहदिया और सुन्तुखे, किरपा, मैं तुमसे नहारे करथौ, प्रभु मैं बहेनियन के हानी एक बात मैं सहमत होन की कोसिस करौ। 3 और तुम्हँ, मेरे दूसरे सहकर्मी हैं उनके संग भौत मेहनत करी हैं मैं चाहथौ कि तुम इन बईय्यरन की मदत करौ; काहेकि बे मेरे संग सुसमाचार कै फैलान के ताहीं बड़ा मेहनत करी हैं, संग मैं क्लेमिस और मेरे संग के मेहनत करी, जिनके नाओ परमेस्वर के पास जिंदेन की किताब मैं लिखे हैं। 4 प्रभु मैं हमेसा खुस रहबौ; मैं फिर से कहथौ, खुस रहबौ। 5 सबके ताहीं अपनो रबईय्या अच्छो बनाए रखै; प्रभु जल्दिये आए रहो है। 6 कछु चीज की चिंता मत करौ, तुमरे हर प्रार्थना मैं जो चाहिए बौ धन्यवाद के संग परमेस्वर से माँगौ। 7 तौ परमेस्वर की सांति, जो इंसानन की समझ से परे है, ईसु मसीह मैं एक होन के बजह से तुमरे दिल और दिमाक कै ठीक रखैगो। 8 आखरी मैं, मेरे भईय्यो, अपने दिमाक कै बे चीजन से भरौ, जो धार्मिक हैं, अच्छी हैं और जो बडौई के काबिल हैं: ऐसी चीजें जो सच्ची, महान, सई, सुद्ध, प्यारी और आदर के काबिल हैं। 9 मेरे बातन से और मेरे कामन से, तुम जो सीखे और जो पाए, बाकै अपने चाल-चलन मैं लाबौ; और जो परमेस्वर हमें सांति देगो, बौ तुमरे संग रहागी। 10 प्रभु के संग मेरी जिंदगी मैं जौ मेरे ताहीं बड़ा खुसी की बात है, कि इतने लंबे समय के बाद एक बार फिर तुमकै जौ दिखान कै मौका मिलो, कि तुम मेरी देखभार करथौ; मेरो मतलब जौ नाय है कि तुम मेरी देखभार करना बंद कर दे हो, तुमरे झोने जाकै दिखान कै कोई मौका नाय रहे। 11 और मैं जौ नाय कहरौ हौं, काहेकि मैं खुदकै कमी महसूस कररौ हौं, काहेकि मैं जो कुछ भी हौं बांमे संतुस्ट रहनो सीख लौ हौं। 12 मोकै पता है कि जरूरत मैं कैसे रहनो चाहिए और भरपूरी मैं कैसे रहनो चाहिए। और जरूरत से जद्दा जोडनो का है, मैं जौ राज कै सिको हौं, कि कहीं भी, कभी संतुस्ट कैसे रहने है चाहे मैं त्त होमैं या भुंको होमौं, चँहे मेरे पास भौत कछु होबै या कुछ ना होबै। 13 जो मोकै ताकत देथै बौ मसीह के जरिये मैं सब परिस्थियन को सामना कर सकथौ। 14 लेकिन मेरी परेसानी मैं भागीदारी करना तुमरे ताहीं भौत अच्छो रहे। 15 तुम फिलिप्पियन कै अच्छी तरह से पता है, कि जब मैं सुसमाचार के प्रचार के सुस्वाती दिनन मैं मकिदुनिया छोड दो रहौं, तौ तुम मेरी मदत करन बारे इकलौती कलीसिया रहौ; तुम्हई मेरे फायदा और नुकसान कै साझा करन बारे रहौ। 16 ऐसिये जब मैं थिस्सलुनीके मैं रहौं; तहुँओ तुम मेरी घटी पूरी करन के ताहीं एक बार का दुई बार कछु भेजे रहौ। 17 ऐसो ना है कि मैं सिर्फ दान लेनो चाहथौ; बल्किन, मैं तुमरे खाता मैं जुडे भै फायदा देनो चाहथौ। 18 मैं सब कछु पाओ हौं, बल्किन अगरो करकै पाओ हौं; जो चीजें तुम इपफ्रुदीतुस के हाथ से भेजे रहौ, बे चीजन के पाएके मैं भरपूर हुई गौ हौं, बाकी खुसबू तौ सुकून देन बारी और अपनान के काबिल बलिदान है, जो कि परमेस्वर कै अच्छो लगथै। 19 और मेरो परमेस्वर भी अपने बौ महिमामय धन के हिसाब से जो महिमा समेत मसीह ईसु मैं है, तुमरी हर एक घटी

कुलुस्सियों

1 पौलुस के चाँई से जो, परमेस्वर की इच्छा से ईसु मसीह को प्रेरित है, और भईय्या तीमुथियुस के चाँई से, **2** मसीह मैं बे पवित्र और विस्वासी भईय्यन के नाओं जो कुलुस्से मैं रहत रहै: हमरे दऊवा परमेस्वर के चाँई से तुमकै अनुग्रह और सांति मिलत रहबै। **3** हम तुमरे ताहीं प्रार्थना करैके अपने प्रभु ईसु मसीह के दऊवा परमेस्वर के हमेसा धन्यवाद करथैं। **4** काहैकि हम सुने हैं ईसु मसीह मैं तुमरो बिस्वास है। और सब पवित्र लोगन से प्रेम रखथौ। **5** जब सच्चो संदेस, सुसमाचार, पहली बार तुमरे झोने आओ, तौ तुम बौ आसा के बारे मैं सुने जो जौ प्रदान करथै। तौ तुम्हारे बिस्वास और प्रेम बाके ऊपर आधारित है जोकी तुम आसा करथौ, जो तुम्हारे ताहीं स्वर्ग मैं सुरक्छित रखो जाथै। **6** सुसमाचार जो पूरी दुनिया मैं फैलो है और फल लाए रौ है। बौ बढ़त जाथै, जो दिन से तुम बाकै सुने, सच्चाई से परमेस्वर के अनुग्रह के समझे, बौ तुम्हऊँ मैं काम करत जाए रहो है। **7** बहे की सिक्छा तुम हमरे प्रिय साथी सेवक इफ्रास से पाए, जो हमरे ताहीं मसीह को भरोसेमंद सेवक है। **8** बहे तुमरे प्रेम के जो आत्मा तुमकै दई है हमरे ऊपर दिखाई। **9** काहैकि जो दिन से जौ सुने हैं, हमउँ तुमरे ताहीं प्रार्थना और बिनती करन से नाय चूकथैं कि तुम परमेस्वर की इच्छा और सब ग्यान और समझ जो आत्मा देथै, बासे परिपूई हुई जाबौ। **10** ताकी तुमरो चाल-चलन प्रभु के लायक होबै और सब तरहन से खुस होबौ, तुम मैं अच्छे काम के फल लगैं और तुम परमेस्वर की पहचान मैं बढ़ते चले जाबौ, **11** बाकी महिमा की सक्ति के अनुसार सब तरहन जैसी सामर्थ्य और ताकतबर होते जाबौ, हिर्यो ले कि खुसी के संग सब तरहन से धीरज और सहनशीलता दिखाए सकौ। **12** और दऊवा को धन्यवाद करत रहबौ, जो हमकै जौ लायक बनाई कि जोती मैं पवित्र लोगन के संग उत्तराधिकार मैं सहयोगी होमैं। **13** बहे हमकै जौ अंधकार कि सक्ति से छुड़ाये के अपने प्रिय लौडा के राज्य मैं आन दई, **14** जामैं हमकै छुटकारा मतलब पापन कि माफी मिलथै। **15** मसीह अदृश्य परमेस्वर को दृश्य प्रतिरूप है और बौ पूरी दुनिया मैं पहलोठो है। जो सब निर्मित वस्तुन से स्पेस्ट है। **16** काहैकि बहे मैं सबै चीजन के बनाओ गौ, चाहे स्वर्ग की होमैं या पृथ्वी की, या देखी या बगैर देखी, या आत्मिक सक्ति, सिंहासन होबै या प्रभुता, का प्रधानता, का अधिकार, सबै चीज बहे से और बहे के ताहीं सिरजी गई हैं। **17** मसीह सब चीजन मैं पहले है, और बाके संग सब चीजन को एक सई ठिया रहै। **18** बौ अपने सररी को मुखिया है, मतलब कलीसिया को मूड; बहे तौ सररी की जिंदगी को सोत है। बौ पहलोठो लौडा है। जहे मारे बाकै मरन से उठाओ गौ रहै। ताकी बौ सबै चीजन मैं पहली जघा पाबै। **19** काहैकि जौ परमेस्वर के खुद के फैसला से रहै, कि खुद लौडा मैं परमेस्वर को पूरो स्वभाव बास करै। **20** तौ, परमेस्वर पूरे विस्व के अपने लौडा के जरिया, बापस लान को फैसला करी। परमेस्वर अपने लौडा के खून के जरिया क्रूस पर सांति स्थापित करी ताकी पृथ्वी और स्वर्ग कि सब चीजें क्रूस के जरिया मेल कर सकैं। **21** तुम जो पहले पराए रहौ और तुमरे सोचे भै

और बुरे कामन कि बजह से मन से बैरी रहौ। **22** फिर भी बौ अपनी सारीरिक सररी मैं मरन के जरिया तुमसे मेल कर लई कि तुमकै अपने सामने पवित्र, निस्कलंक और निर्दोस बनाएके लाबै। **23** जौ तभई हुई सकथै जब तुम बिस्वास के बुनियाद मैं मजबूत हुईके बने रहबौ और सुसमाचार की बौ आसा के जो तुम सुने हौ मत छोडौ, जोको प्रचार आसमान के तरे सब लोगन के करी गौ; और जोको मैं पौलुस सेवक बनौ। **24** अब मैं बे दुखन की बजह से खुसी मनाथौ, जो तुमरे ताहीं दुख उठाथौ, और मसीह के कलेस की घटी बाके सररी के ताहीं जैसो कि कलीसिया के ताहीं अपने सररी मैं पूरी कर देथौ। **25** परमेस्वर मोकै कलीसिया को सेवक बनाई, और जौ काम तुमरो मोकै दई कि मैं तुम्हारी भलाई के ताहीं करौं, जौ काम बाको संदेस पूरी तरह से फैलाय सकौ। **26** जो कि बौ रहस्य है जोकै बौ सबै इंसानन से पिछले सबै युग मैं लुकाई रहै लेकिन अब अपने पवित्र लोगन के सामने प्रकट करी है। (aiōn g165) **27** परमेस्वर की योजना है कि बौ अपने लोगन के अपनो रहस्य बताबै, जौ समूद और गौरवसाली रहस्य जो बाके पास सब जनी के ताहीं है। और रहस्य जौ है कि मसीह तुमरे मन मैं बास करथै, जोको मतलब है कि तुम परमेस्वर की महिमा मैं आस रखथौ। **28** इसलै हम सबन के मसीह को प्रचार सुनाथैं। हर संभव ग्यान के संग हम उनहें चितौनी देथैं और सिखाथैं ताकी हर एक के मसीह मैं एक होन के बजह से परिपक्व आदमी के रूप मैं परमेस्वर की उपस्थिति मैं लाओ जाए सकैं। **29** जाकै पूरो करन के ताहीं मैं बौ महान सक्ति को इस्तमाल करैके परिस्रम और संघर्ष करथौ, जो मोकै मसीह से मिलथै और जो मेरे मैं काम करथै।

2 मैं चाहथौ कि तुम जानलेबौ, कि मैं तुम लोगन के ताहीं, और उनके जो लौदीकिया मैं है, और बे सबन के ताहीं जो मेरो मोहों तक नाय देखी कि मैं कितो मेहनत करथौ। **2** ताकी उनके मन के धीरज मिलै और बे प्रेम से आपस मैं बने रहमैं, बे पूरी समझ को धन पाए लेमैं। ऐसे करके बे परमेस्वर को भेद जो खुद मसीह है जान लेमैं। **3** जामैं बुद्धि और ग्यान के सबै भंडार छिपे भै है। **4** जौ मैं जहे ताहीं कहथौ कि कोई इंसान तुमकै लुभान बारी बातन से धोका नाय देबै। **5** काहैकि मैं सररी से तौ तुमसे दूर हौं लेकिन आत्मा से मैं तुमरे झोने हौं, और तुमरी बिधि के हानी तुमरो बिस्वास जो मसीह मैं है मजबूत देखके खुस होथौ। **6** काहैकि जैसे तुम ईसु मसीह के प्रभु करके अपनाय ले हौ, बैसिये संगती मैं चलत रहबौ। **7** बहे मैं जड़ पकड़त और बढ़त जाबौ; जैसो तुमके सिखाओ गौ बैसिये बिस्वास मैं मजबूत होत जाबौ, और परमेस्वर को हमेसा धन्यवाद करते रहबौ। **8** तैयार रहबौ कि कोई तुमके खाली और बहकानबारे तत्व ग्यान और बेकार की बातन से अपने चाँई नाय कर लेबै, जो इंसान की रीत और दुनिया की सिक्छा से आथै है, लेकिन जौ मसीह से बौ ना आथै। **9** और मसीह मैं सच बाके मनुस्वत्व मैं परमेस्वर को स्वभाव पूरी तरह से बास करथै, **10** और तुमकै मसीह के संग पूरी जिंदगी दई गई है। बौ हर आत्मिक सासक और अधिकार को सर्वोच्च मालिक है। **11** मसीह के संग एकता मैं, तुमरो खतना बौ खतना से नाय भौ जो इंसान के जरिये करो जाथै, बल्कि मसीह के जरिये करो

गौ खतना से होथै, जौमैं जौ पापी मन की सक्ति से मुक्त होनो सामिल है। 12 काहैकि जब तुम बपतिस्मा लै, तौ मसीह के संग गाड़े गै, और जिंदे भै। जौ तुमरे बौ बिस्वास के जरिये भौ जौ परमेस्वर के सामर्थ्य में है जोकै जरिये मसीह के मौत से जिलाओ गौ। 13 तुम लोग एक समय में अपने पापन के वजह से आत्मिक रूप से मरे भै रहौ, पर परमेस्वर अब तुमकै मसीह के संग जिंदो कर दई है। परमेस्वर हमरे सब पापन के माफ करी; 14 बौ अपने बाध्यकारी नियमन के संग हमरे रीडन के प्रतिकूल लेख के रद्द कर दई और जाकै पूरी तरह से क्रूस में चढ़ावकै खतम कर दई। 15 क्रूस के ऊपर मसीह खुदकै आत्मिक सासक और अधिकारिन की सक्ति से अपने आपकै मुक्त कर लई, और उनके बिजय जुलूस में बंधक बनाएकै उनको सरेआम तमासा बनाई। 16 काहैकि खान-पीन या त्योहार या नई जोनी, या साबत के बारे में तुमरो कोई नियम बनान को फैसला करै। 17 काहैकि जे सब आनबारी बात इंसान के ताहीं छाया है, लेकिन मूल चीजें मसीह की हैं। 18 अपने आपकै कोई ऐसे आदमी के जरिये दोसी ना ठहरान देमैं, जो खास दर्शन के बजह से बड़ो होन को दाबा करथै और जो झूठी विनम्रता और स्वर्गदूतन की उपासना करन में जोर देथै। अकारड ही, ऐसे लोग अपनी मानवीय सोच से फूले ना समाएरै हैं। 19 मूड जो मसीह है बाकै पकड़े नाय रहथै जैसे सारो सरिर जोडो और पशो से पालन-पोसंड पाएकै एक संग गठकै, परमेस्वर के घोंई से बढ़तै जाथै। 20 जबकी तुम मसीह के संग दुनिया के मूल तत्व से मर गै हो, तौ फिर काहेंके उनके हानी जौ दुनिया में जिंदगी बिताथौ, ऐसी बिधियन के बस में काहे रहथौ? 21 “कि जौ मत छुड़ये, बाकै मत चखियो, और बाकै हात मत लगइये?” 22 काहैकि जे सब चीज काम में लाते-लाते खतम ही जायंगी, काहैकि जे सब आदमियन की आग्या और सिक्छा के हानी है। 23 निसंदेह ऐसे नियम स्वर्गदूतन की उनकी जबरजस्ती उपासना, और झूठी नमरता, और सरिर से कठोर बर्ताव में जोर देथै बुद्धि के ऊपर आधारित प्रतीत होथै; लेकिन सारीरिक जुनून के नियंत्रित करन में उनको कोई वास्तविक मूल्य ना है।

3 तौ जब तुम मसीह के संग जिंदे भै, तौ स्वर्ग की चीजन की खोज में रहबौ, जहाँ मसीह अबै है और परमेस्वर के दहने घोंई बैठो है। 2 पृथ्वी में कि नाय लेकिन स्वर्गिय चीजन की सोच में ध्यान लगाएकै बैठौ। 3 काहैकि तुम तौ मर गै, और तुमरी जिंदगी मसीह के संग परमेस्वर में छिपी भइ है। 4 जब मसीह जो हमरी जिंदगी है, आगो, तौ तुम भी बाकी महिमा में बाकै संग आबैगे! 5 तुम अपने अंग के मार देबौ, जो पृथ्वी में हैं, जैसे कि लैंगिक अनेतिकता, असुद्धता, छिनरइपना, बुरी लालसा और लालच जो मूर्ति पूजा के बराबर है। 6 जेई बुरे कामन की बजह से परमेस्वर को प्रकोप आग्या नाय मानन बारेन के ऊपर पडथै। 7 और तुम्हँ जब जे बुराईन में जिंदगी बितात रहौ, तौ इन्हई के हानी पूरी तरह चलत रहो। 8 पर तुम्हँ अब इन सबन के जैसे गुस्सा, रोस, बैर-भाव, बदनामी, और मोहों से गारी बकनो जे सब बातन के छोड़ देबौ। 9 एक दुसरे से झूठ मत बोलौ काहैकि तुम अपने पुराने इंसान के बाकी बुरी आदतन के संग निकार दै हो, और पुराने चाल-चलन के छोड़ दै हो। 10

और नये चाल-चलन के पहन लै हो। जौ बौ नया अस्तित्व है जोकै परमेस्वर, बाकै बनानबरो, अपनी छाप में लगातार नवीन कर रौ है, ताकी तुमकै खुद के पूरे ग्यान में लाओ जाए सकै। 11 बायें नाय तौ गैर यहदि रहो, न परदेसी, न खतना बारो, न खतना रहित, न जंगली, न असभ्य, न दास, और न आजाद सिर्फ मसीह सब कछु और मसीह सबन में है। 12 तुम परमेस्वर के पवित्र लोग हो; बौ तुमसे प्यार करथै और तुम्हें अपने ताहीं चुनी है। इसलै, तुमकै अपने आपकै कस्ना, भलाई, नमरता, सोम्यता और धीरज पहननो चाहिए। 13 अगर कोई किसी के खिलाप है तौ कोई बजह होबै, तौ एक दुसरे के सहन कर लेबौ, और एक दुसरे के अपराध के माफ करौ; जैसे प्रभु तुमरे अपराध के माफ करी, बैसिये तुम्हँ करौ। 14 जे सब गुडन के ऊपर प्रेम के जो सिद्धता की कमरबंद है भौंद लेबौ। 15 मसीह की सांति, जोकै ताहीं तुम एक सरिर हईकै बुलाए गै हो, तुमरे मन में राज करै, और तुम धन्यवादी बने रहबौ। 16 मसीह के बचन के अपने दिल में अधिकाई से बसन देबौ; और सिद्ध ग्यान से एक दुसरे के सिखाबौ, बताबौ, अपने-अपने मन में कृतगता और धन्यवाद के संग परमेस्वर के ताहीं गीत, स्तुतिगान और आत्मिक गीत गाबौ। 17 तुम जो भी कुछ करौ या कहबौ, बौ प्रभु ईसु के नाओं से करौ, और बाके घोंई से परमेस्वर पिता को धन्यवाद करौ। 18 अरे बईय्यरौ, जैसो प्रभु में ठीक है, बैसिये अपने-अपने लोगा के अधीन रहबौ। 19 अरे लोगो, अपनी-अपनी बईय्यर से प्रेम रखौ, और उनसे कठोरता मत करौ। 20 अरे बालकौ सब बातन में अपनी अईय्या-दऊवा की आग्या को पालन करौ, काहैकि जासे प्रभु खुस होथै। 21 अरे दुवों अपने बालकन के भडकाए मत करौ, ऐसो नाय होबै की उनकी हिम्मत टूट जाबै। 22 अरे सेवकौ, जो सरिर से तुमरे मालिक है, सब बातन में उनकी आग्या को पालन करौ, इंसान के खुस करन बारे के हानी दिखान के ताहीं नाय, लेकिन मन कि सिधाई और परमेस्वर के डर से। 23 और जो कछु तुम करथौ, तन मन से करौ, जौ समझके कि आदमिन के ताहीं नाय लेकिन प्रभु के ताहीं करते रहबौ 24 काहैकि तुम जानथौ कि जाके बदले प्रभु में तुमके बिरासत मिलैगी। काहैकि मसीह ही तुमरो असली स्वामी है जोकी तुम सेवा करथौ। 25 काहैकि परमेस्वर सबको न्याय एक्के तखरी से करैगे, जो बुरो करथै, बौ अपनी बुराई को फल पागो; हँना कोई के संग भेद-भाव नाय होगो।

4 अरे मालिकौ, अपने-अपने दासन के संग न्याय और सई-सई व्यवहार करौ, जौ समझके कि स्वर्ग में भी तुमरो एक मालिक है। 2 प्रार्थना में लगे रहबौ, परमेस्वर के धन्यवाद देत भै प्रार्थना करत समय सतर्क रहबौ। 3 और जहे के संग-संग हमरे ताहीं भी प्रार्थना करते रहबौ, कि परमेस्वर बचन सुनान के ताहीं ऐसो फाटक खोल देबै, कि हम मसीह के बौ भेद के बारे में बताए सकौ जोकी बजह से सैं में कैद में हौ। 4 और प्रार्थना करौ, कि मैं ऐसो बोलौं, जोसे जौ साप हुई जाबै। 5 मौका के कीमती समझके दुसरेन के संग अच्छे से बर्ताव करौ। 6 तुमरो बचन हमेसा अनुग्रह से भरो सुखद से रोचक और अच्छो होबै, कि तुमकै हर आदमी के अच्छे से जबाब देनो आए जाबै। 7 प्रिय भईय्या और बिस्वास करन बारे

सेवक, तुखिकुस जोको सहयोगी प्रभु है, मेरी सब बातन के तुमकै बताए देगो। 8 बाकै मैं जहे ताहीं तुमरे झोने पनारो हौ, कि तुमकै हमरी हालत को पता चलै और बौ तुमरे दिल के प्रोत्साहित करै। 9 और बाके संग उनेसिमस के भी पनारी है; जो बिस्वास के काबिल प्रिय भईय्या और तुम्हई मैं से है, बे तुमकै हीना की सब बातन के बताए देमगे। 10 अरिस्तरुस जो मेरे संग कैदी है, और मरकुस जो बरनबास को भनेज है तुम लोगन के नमस्ते कहथै। मरकुस के बारे मैं तुमकै सिक्छा मिल चुकी है। अगर बौ तुमरे हियाँ आबै, तौ उनको स्वागत करियो। 11 और ईसु जो यूस्तस कहो जाथै, तुमकै नमस्ते कहथै। खतना करे भे आदमी मैं से सिरफ जेई परमेस्वर के राज्य के ताहीं मेरे सहकर्मी और धीरज ठहरे हैं। 12 इपफ्रास जो तुम मैं से है, ईसु मसीह को दास है, तुमकै नमस्ते करथै और तुमरे ताहीं प्रार्थना मैं कोसिस करथै, ताकी तुम सिद्ध हुईके पूरे बिस्वास के संग परमेस्वर की इच्छा मैं बने रहबौ। 13 मैं बाको गभा हौ कि बौ तुमरे ताहीं लौदीकिया और हीयरापुलिस बारेन के ताहीं भौत कोसिस करतै रहथै। 14 प्रिय बैद लूका और देमास तुमकै नमस्ते। 15 लौदीकिया के भईय्यन के नुम्फा और बाकी घर कि कलीसिया के नमस्ते कहियो। 16 और जो चिट्ठी जब तुमरे हीना पढ़ी जाबै, तौ ऐसो करियो कि लौदीकिया कि कलीसिया मैं भी पढ़ी जाबै, और जो चिट्ठी लौदीकिया से आबै बाकै तुम्हऊँ पढियो। 17 फिर अरखिप्पुस से कहियो कि जो सेवा प्रभु मैं तोकै सौपी गई है, बाकै साबधानी के संग पूरी करियो। 18 मैं पौलुस के अपने हातन से लिखो भौ नमस्ते। मेरी बेडियन के याद रखियो; तुमरे ऊपर दया होत रहबै। आमीन।

1 थिस्सलुनीकियों

1 पौलस और सीलास और तीमुथियुस के धाँई से थिस्सलुनीकियों की कलीसिया के नाओ जो दऊवा परमेस्वर और प्रभु ईसु मसीह मै है। अनुग्रह और सांति तुमकै मिलत रहबै। **2** हम अपनी प्रार्थना मै तुमकै हर दम याद करथैं, और हर दम तुम सबन के बारे मै परमेस्वर को धन्यवाद करथैं। **3** हम अपने परमेस्वर और दऊवा के सामने तुमरे बिस्वास के काम, और प्रेम की मेहनत, और हमरे प्रभु ईसु मसीह मै आसा की मजबूती कै लगातार याद करथैं। **4** हमरे भईय्यौ और बहेनियौ, हम जानथैं कि परमेस्वर तुमसे प्रेम करथै और बौ तुमकै अपनो होन के ताहीं चुनी है। **5** हम तुमरे ताहीं सुसमाचार लाए हैं, ना खाली बचन के संग, बल्कि सामर्थ्य और पवित्र आत्मा के संग, और जाकी सच्चाई के पूरे बिस्वास के संग। तुम जानथौ, कि जब हम तुमरे संग रहैं, तौ हम कैसे रहत रहैं; जौ तुमरे खुद के भले के ताहीं रहै। **6** तुम हमरे प्रभु और परमेस्वर कि नकल करे; और भलेई तुमकै भौत दर्द भौ होगो, तुमकै पवित्र आत्मा से मिलन बारी खुसी के संग खबर मिली। **7** इसलै तुम मकिदुनिया और अखाया के सब विस्वासिन के ताहीं तुम आदर्स बने। **8** तुमरे हियाँ से ना खाली मकिदुनिया और अखाया मै प्रभु को बचन सुनाओ गौ, पर तुमरो बिस्वास जो परमेस्वर के ऊपर है, जौ खबर हर जघा ऐसी फैल गई है, कि हमकै कहन कि जरूरत ना है। **9** बे सब लोगन के बारे मै कहथैं, कि जब हम तुमसे मिले रहैं, तौ तुम कैसे मिले रहौ और तुम कैसे करकै मूर्तिन से दूर परमेस्वर के धाँई चले गै, सच्चे और जिंदे परमेस्वर की सेवा करन के ताहीं। **10** और बाके बालका कै स्वर्ग से आन तक असियात रहाबौ, जौकै परमेस्वर मेरे भै मै से जिंदो करी है, मतलब ईसु कै, जो हमकै आनबारे परकोप से बचाथै।

2 मेरे भईय्यौ और बहेनियौ, तुम खुद जानथौ, कि हमरो तुमरे झोने आनो खाली बेकार नाय भौ। **2** तुम जानथौ कि थिस्सलुनीके मै तुमरे आन से पहलेई हम कैसे फिलिप्पी मै दुख और बेजती होन पर भी हमरो परमेस्वर हमैं ऐसी हिम्मत दई, कि हम परमेस्वर को सुसमाचार गजब बिरोध होन के बादौ तुमकै सुनाए। **3** हमरो उपदेस हौसला देन से है और ना असुद्धता से, और ना छल के संग है। **4** जाके बदले, हम हमेसा बोलथैं और ब्याख्या करथैं कि परमेस्वर हमसे चाहथै, बौ हमकै जौ भरोसेमंद समझी है कि हमैं सुसमाचार सौपी। हम लोगन के खुस करन की कोसिस नाय करथैं, बल्कि परमेस्वर कै खुस करन की कोसिस करथैं, जो हमरे मन कै परखथै। **5** तुम जानथौ, कि हम ना तौ कहू चापलूसी की बात करथैं, और ना कहू लालच के ताहीं बहाना करथैं-परमेस्वर हमरो गभा है। **6** हम कोई से अपनी मोहों बढाई और महिमा करवान कि कोसिस नाय करे, ना तुमसे और ना दूसरेन से, **7** भलेई हम मसीह के प्रेरितन के रूप मै तुमसे माँग कर सकत रहै। जैसे अईय्या अपने बालकन कै पाल-पोसथै, बैसिये हमउँ तुमरे बीच मै रहकै कोमलता दिखाए। **8** और बैसिये हम तुमरी इच्छा करत भै, ना खाली परमेस्वर को सुसमाचार, पर अपनी-अपनी ज्यान देन के तैयार रहैं। इसलै कि तुम खुद हमरे मन मै प्रिय रहौ। **9** जरूर करकै तुमकै याद होगो, मेरे

भईय्यौ और बहेनियौ, हम कैसे काम करे और मेहनत करे! हम दिन-रात काम करे ताकी तुम कोई दिक्कत मै ना पडौ, हम तुमकै परमेस्वर के सुसमाचार को प्रचार सुनाए। **10** तुम हमरे सई रूप मै गभा हौ, और परमेस्वर भी गभा है, कि तुमरे ताहीं हमरो चाल-चलन बिस्वास जो सीधा और पवित्र, सई, और बिना गलती के है। **11** तुम जानथौ कि हम हर एक के संग बैसिये बर्ताव करथैं, जैसे दऊवा अपने बालकन के संग करथैं। **12** हम तुमकै बढावा दै, हम तुमकै दिलासा दै, और हम तुमसे बौ तरह की जिंदगी जीन की नहोरे करत रहै जो परमेस्वर के खुस करथै, जो तुमरी गभाई के जरिया तुमकै अपने राज्य मै और महिमा मै बुलाथै। **13** एक और बजह है कि हम हमेसा परमेस्वर को धन्यवाद देथैं। जब हम तुमरे ताहीं परमेस्वर को सुसमाचार लैंके आए, तौ तुम जाकै सुने और तुम जौ इंसानन को नाय, बल्किन परमेस्वर को बचन समझके अपनाय, जो कि सच मै जौ है। परमेस्वर तुमरे ऊपर बिस्वास करथै। **14** इसलै कि तुम, मेरे भईय्यौ और बहेनियौ, परमेस्वर की बे कलीसियन के हानी चलन लगे, जो यहदिया मै जो ईसु मसीह के हैं, तुमहँ अपने लोगन से बैसिये दुख पाए, जैसो बे यहदिया से पाई रहैं, **15** जो प्रभु ईसु कै और भविष्यवक्तन कै भी मार डारी और हमकै सताई, परमेस्वर उनसे खुस नाय है; बे सबन के कितने दुस्मन हैं! **16** हियाँ ले कि बे हमैं गैर यहदि के उपदेस देन से रोकन की कोसिस करी, जोसे उनकै उद्धार मिलतो। ऐसे करकै बे अपने पापन को घल्ला भरै हैं, जो बे हमेसा करथैं। और अब परमेस्वर को गुस्सा उनके ऊपर आए चुको है! **17** हमरे ताहीं, भईय्यौ और बहेनियौ, हमरे बिचारन मै नाय, बेसक, तुमसे थोड़ी देर के ताहीं सर्रीर मै अलग हुईगै रहैं, हम तुमकै मन मै कितनो याद करे और हम तुमकै फिर से देखन की कितनी कोसिस करे! **18** हम तुमरे झोने आनो चहात रहैं, मै खुद (पौलस) तमान बार जान की कोसिस करो, लेकिन सैतान हमकै रोके रहाई। **19** आखिरकार, जे तुमहई हौ, तुम दूसरेन से कम नाय हौ! जो हमरे प्रभु ईसु कि हाजरी मै हमरी आसा, हमरी खुसी या कडाई को मुकुट का है? और हमारी जीत कि बजह है, जब बौ आगो। **20** बास्तव मै, तुम हमरे महिमा गरब और हमरी खुसी हौ!

3 आखरी मै, हम जाकै और नाय सहन कर सकथैं। इसलै हम एथेस मै इकल्ले रहन को फैसला करे हैं **2** जब हम तीमुथियुस के पनारे, हमरो भईय्या जो मसीह के बारे मै परमेस्वर को सुसमाचार सुनान मै सहकमी हैं, हम बाकै तुमकै बिस्वास मै सांति देन ताहीं पनारे हैं, **3** ताकी जे कलेसन की बजह से तुम मै से कोई पच्छ ना हटै, तुम खुद जानथौ, कि ऐसे कलेस हमरे ताहीं परमेस्वर की मरजी को हिस्सा हैं। **4** जबले हम तुमरे संग रहैं, हम तुमसे कहे करत रहैं, कि हमैं कलेस उठान पडंगे, और ऐसो भौ है; और तुम अच्छी तरह से जानथौ, बहे भौ। **5** इसलै मौकै तीमुथियुस कै भेजन पडो। मै जाकै अब और सहन नाय कर सकत रहौ, इसलै मै बाकै तुमरे बिस्वास के बारे मै पता लगान के ताहीं भेजो। ऐसो हुइये नाय सकथै कि सैतान लालच से तुमकै लुभाई ना होबै, और हमरी पूरी मेहनत बेकार हुई गई होबै। **6** अब तीमुथियुस बापस आयगौ है, और बौ हमकै तुमरे बिस्वास और प्रेम के बारे मै सुसमाचार दई है। बौ

हमके बताई कि तुम हमेसा हमरे बारे में अच्छो सोचथौ, और तुम हमें उतनोई देखन ताहीं उतावले हो, जितनो हम तुम्हें देखन के उतावले हैं। 7 इसलै भईय्यौ और बहेनियौ, हमरी हर परेसानी और दुख में हमें तुमरे बारे में प्रोत्साहित करो गो, जो तुमरो बिस्वास रहै, जो हमें प्रोत्साहित करी, 8 अब हम बास्तव में जीथैं, अगर तुम प्रभु के संग अपनी जिंदगी में मजबूत रहबौ। 9 अब हम तुमरे ताहीं हमरे परमेस्वर को धन्यवाद दे सकथैं। हमरी खुसी जो तुमरी वजह से परमेस्वर के सामने है, जाके ताहीं हम परमेस्वर को धन्यवाद करथैं। 10 हम रात-दिन परमेस्वर से पूरे दिल से बिनती करथैं, कि हम तुम्हें आमने-सामने देखैं, और जो तुमरे बिस्वास में जरूरी है, बौ घटी के पूरे करैं। 11 हमरे परमेस्वर और दऊवा खुद और हमरे प्रभु ईसु हमरे ताहीं तुमरे झोने आन को रस्ता तैयार कर सकथैं। 12 प्रभु ऐसो कर दे, कि जैसो प्रेम हम तोसे करथैं; बैसिये तेरो प्रेम भी आपस में, सब जनी के संग बढ़े, और बढ़ते जाबैं। 13 ऐसे बौ तुम्हें मजबूत करैगो, कि जब हमरो परम प्रभु ईसु अपने पवित्र लोगन के संग आबैं, तौ बे हमरे परमेस्वर और दऊवा के सामने तुमरे मन और पवित्रता में सच्चे और निर्दोस निकरैं।

4 आखरी में तुमसे पूछथौ, हमरे भईय्यौ और बहेनियौ, तुम हमसे सीखे कि परमेस्वर के खुस करन ताहीं तुम्हें कैसे रहनो चाहिए, और अब हम तुमसे और भी जाधा प्रभु ईसु के नाओं से नहोरें करथैं, जैसे तुम रह रहै हो, बैसिये बढ़त जाबौ। 2 तुम जानथौ, कि हम प्रभु ईसु मसीह की पाँई से तुम्हें कौन-कौन से उपदेस पुगाए। 3 परमेस्वर चाहथे कि तुम पवित्र बनौ और व्यभिचार से बचे रहाबौ। 4 तुम में से हर एक जनी के जाननो चाहिए कि पवित्र और आदर से अपनी बईय्यर के संग कैसे रहने हैं, 5 मूर्ति पूजा करन बारेन के हानी वासना में नाय जो परमेस्वर और बाके तरीकन के गैर यहदि ना जानथैं। 6 जौ मामले में, तुम में से कोई के भी दुसरे विस्वासिन भईय्यन के संग गलत नाय करनो चाहिए या उनको फायदा ना उठानो चाहिए। हम तुम्हें जासे पहले बताए हैं, और हम तुम्हें चिताए हैं कि जो लोग ऐसो करथैं, उनके प्रभु सजा देगो। 7 परमेस्वर हमके असुद्ध होन के ताहीं नाय, बल्कि पवित्र होन के ताहीं बुलाई है। 8 इसलै जो जाके तुच्छ समझथे, बौ इंसान के नाय, बल्कि परमेस्वर के तुच्छ समझथे, जो अपनो पवित्र आत्मा तुम्हें देथै। 9 भाईचारा के बारे में मोके कुछ भी लिखन की जरूरत नाय है। काहिके खुद तुम्हें परमेस्वर के प्रेम की बात सिखाओ गो है कि आपस में प्रेम-भाव रखौ। 10 और पूरे मकिदुनिया के सब भईय्यन के संग ऐसो व्यवहार करथैं। तौ भईय्यौ और बहेनियौ, हम तुमसे नहोरें करथैं, कि और भी जाधे प्रेम करत जाबौ। 11 एक सांत जिंदगी जीन के ताहीं, अपने खुद के काम के ध्यान में रखके और खुद की जिंदगी कमान के ताहीं जाके अपनो लक्ख बनाबौ, जैसे कि हम तुम्हें पहले बताए रहैं। 12 ऐसे करके तुम उन लोगन को मन जीतोगे, जो विस्वासी नाय हैं, और तुम्हें कोई के ऊपर निर्भर ना रहन पड़ेगो, जो तुम्हें चाहिए होगो। 13 हमरे भईय्यौ और बहेनियौ, हम चाहथे कि तुम बे लोगन के बारे में सच्चाई जानौ, जो मर चुके हैं, ताकी तुम दुखी ना होबौ, जिनकी कोई आसा ना है। 14 अगर हम बिस्वास करथैं, कि ईसु

मरो, और जिंदो भी हुईगो, तौ बैसिये परमेस्वर उनके भी जो ईसु में सोए गै हैं, बहे के संग लै आगो। 15 अब हम जो कुछ तुम्हें सिखाए रहैं, बौ प्रभु को उपदेस है: हम जो प्रभु के आन के दिन जिंदे हैं, बे मरन बारेन से अगु नाय होगे। 16 हूँआ आग्या कि जयजयकार, अर्चना कि अबाज, परमेस्वर की तरहई की अबाज, और खुद प्रभु परमेस्वर स्वर्ग से उतैरैगो। जो लोग मसीह में बिस्वास करत भइ मर गै हैं बे पहले जिंदगी के ताहीं उठंगे; 17 तौ हम जो बौ समय जिंदे होंगे, बे बादर के संग इखटो हुईके ब्यार में प्रभु से मिलंगे। और इसलै हम हमेसा प्रभु के संग रहमंगे। 18 इसलै जे बातन से एक दूसरेन के प्रोत्साहित करत रहबौ।

5 भईय्यौ और बहेनियौ, जाको मतलब नाय, कि समय और काल के बारे में तुम्हें कुछ लिखो जाबैं। 2 तुम अपने आप जानथौ कि जैसो रात के चुट्टा आथैं, बैसिये प्रभु को दिन आनबारा है। 3 जब लोग कहेंगे, “सब कुछ सांति और ठीक है,” तौ अनकाचीति बिनास उनके मार डारैगो! जौ अनकाचीति से दर्द के रूप में आए जाबैगो जो एक बईय्यर के गर्भवती हो के समय आथैं, और लोग बच ना पांमंगे। 4 पर तुम भईय्यौ और बहेनियौ, तुम तौ अधियारे के नाय हो, और दिन तुम्हें एक चुट्टा के हानी नाय चौहोकनो चाहिए। 5 तुम सब जोती के बालका हो, और दिन के बालका हो, हम रात या अधियारे के ना हैं। 6 इसलै हम दुसरेन के हानी सोत ना रहमैं, हमें जगते और सांत होनो चाहिए। 7 जो सोथैं, बे रात के सोथैं, और जो नसींडे होथैं, बे रात के नसा करथैं। 8 लेकिन हम दिन के हैं, और हमके सांत रहनो चाहिए; हमें बिस्वास और प्रेम की झिलम पहनके, और उद्धार के आसा को टोप पहनके चौकनो रहमैं। 9 परमेस्वर हमें गुस्सा के पीड़ित करन के ताहीं नाय चुनी है, बल्कि हमरे प्रभु ईसु मसीह के जरिये उद्धार पान के ताहीं चुनी है, 10 बौ हमरे ताहीं जौ बजह से मरो, कि हम चँहि जिंदे रहैं, चँहि मर गै होमैं, सब मिलके बहे के संग जीमैं। 11 और इसलै एक दुसरेन के प्रोत्साहन देंमैं और एक दूसरे की मदद करैं, जैसे तुम अप्ने कठोर हो। 12 हमरे भईय्यौ और बहेनियौ, हम तुमसे पूँछ के नहोरें करथैं, कि जो तुमरे बीच में काम करथैं और जो तुम्हें प्रभु मसीह जिंदगी में रस्ता दिखथे और निर्देस देथैं, उनके मानो उनकी इज्जत करौ। 13 और उनके काम की बजह से प्रेम के संग उनको खुबे आदर के काबिल समझौ, आपस में सांति से रहाबौ। 14 हम तुम्हें, हमरे भईय्यौ और बहेनियन से नहोरें करथैं कि जो ठीक से ना चलथे उनके चितौनी देंमैं, डरान बारेन के बढ़ामे, कमजोरन कि मदत करैं, सबन के संग धीरज से रहमैं। 15 देखौ कि कोई, कोई से बुराई के बदले बुराई नाय करै; लेकिन हर समय अच्छाई करन के ताहीं तैयार रहबौ, आपस में और सबन से भी भलाई करन की कोसिस करौ। 16 हमेसा खुस रहबौ। 17 हर समय प्रार्थना में लागे रहबौ, 18 हर बात में धन्यवाद करै। तुमरे ताहीं ईसु मसीह में परमेस्वर की जहे इच्छा है। 19 पवित्र आत्मा के मत बुझाबौ; 20 प्रेत संदेसन से नफरत मत करौ। 21 और सब बातन के परख के ब्याख्या करौ: जो अच्छी हैं उनके पकडे रहाबौ 22 और हर तरहन की बुराई से बचौ। 23 सांति को परमेस्वर खुद तुम्हें पूरी तरह सीध और पवित्र करै; तुमरी आत्मा, ज्यान और सररी हमरे प्रभु

ईसु मसीह के आन तक पूरी और बेकसूर अच्छी रहाबै। 24 तुमकै बुलान बारो भरोसा के लायक है, और बौ एसोई करैगो। 25 भईय्यौ और बहेनियौ, हमरे ताही प्रार्थना करौ। 26 सब विस्वासी भईय्यन कै एक पवित्र चुम्मी से नमस्ते। 27 मै तुम सब विस्वासी भईय्यन कै जौ चिट्ठी कै पढन के ताही प्रभु के हक से बिनती करथौ। 28 हमरे प्रभु ईसु मसीह की किरपा और अनुग्रह तुमरे संग है।

2 थिस्सलुनीकियों

1 पौलुस, सीलास और तीमुथियुस से थिस्सलुनीकियों में कलीसिया के लोगन के ताहीं, जो हमरे परमेस्वर दऊवा और प्रभु ईसु मसीह के हैं: 2 हमरे परमेस्वर दऊवा और प्रभु ईसु मसीह तुमके अनुग्रह और सांति देत रहबै। 3 हमरे भईय्यो और बहेनियो, हमके तुमरे ताहीं हर समय परमेस्वर को धन्यवाद करने चाहिए। हमरे ताहीं ऐसो करने सई है, तुमरो बिस्वास बढत जायै, और तुममें से सबन को प्रेम दुसरेन के ताहीं जट्टे होत जायै। 4 तभई हम खुदै परमेस्वर की कलीसिया में तुमरे बारे में घमंड करथैं कि जिते दुख और कलेस तुम सहथौ, उन सब में तुमरो सकारनो और बिस्वास दिखाई देथै। 5 जो सब साबित करथैं कि परमेस्वर को न्याय सई न्याय है और सिर्फ तुम बाके राज्य के काबिल बनैगे, जोके ताहीं तुम दुख उठाए। 6 परमेस्वर बहे करथै जो ठीक है: बौ सिर्फ बे लोगन के ऊपर दुख लागो जो तुमके दुखी करथैं, 7 और बौ तुम जो कलेस पाथौ, तुमके सांति देगो। बौ समय जब प्रभु ईसु अपनी सामर्थ्य से स्वर्गदूतन के संग स्वर्ग से दिखाई देगो, 8 धधकत भइ आगी की लपटन के संग, बे लोगन के सजा देन ताहीं जो परमेस्वर के अपनात नाय हैं और जो हमरे प्रभु ईसु के बारे में सुसमाचार नाय मानथैं। 9 जो प्रभु की मौजूदगी से और उनकी महिमा से अलग हुई जागो, बे अनंत बिनास की सजा भुगतगे, (aiōnios g166) 10 जब बौ दिन अपने सब पवित्र लोगन से महिमा और विस्वासिन से आदर लेन ताहीं आगो। तुम्हें उनमें से गभा होगे, तुम बौ सुसमाचार में बिस्वास करे हो जो हम तुमके बताए रहें। 11 जहे बजह है कि हम हमेसा तुमरे ताहीं प्रार्थना करथैं। हम अपने परमेस्वर से तुमके बौ जीवन के काबिल बनान ताहीं कहथैं जो बौ तुमके जीन के ताहीं कही है, हुई सकथै, कि बौ अपनी सामर्थ्य से तुमरी भलाई की सबै इच्छन के पूरी करै और तुमरे बिस्वास को काम पुरो करै। 12 जो तरीका से हमरे प्रभु ईसु को नाओं तुमसे और तुमरे जरिया, हमरे महिमाय परमेस्वर और प्रभु ईसु मसीह की किरपा से तुम्हें अनुग्रह मिले।

2 भईय्यो प्रभु ईसु मसीह के आन और बाके संग रहन के ताहीं हमरे होन के बारे में: मैं तुमसे नहोरे करत भै पूछथौं, मेरे दोस्ती, 2 अपनी सोच में इत्ती आसानी से भ्रमित मन हइयो या जौ दाबा से परेसान होनो कि प्रभु को दिन आए गौ है। सायद जौ सोचो जाबै कि हम भविष्यवांड़ी या आत्मा में उपदेस देन पोती जौ करे रहैं, या कि हम जाके एक चिट्ठी में लिखे रहैं। 3 कोई के कैसे भी करके धोका मत दियो। जबले अधर्म को त्याग नाय होथै और बदमास आदमी अराजकता फैलाथै, तौले दिन नाय आगो, जोको भाग नरक में है, तब तक बिनास होन को बौ दिन नाय आगो। 4 बौ हर तथाकथित दुईतन या पूजा की चीज को बिरोध करैगो और खुदैके सबन से ऊपर रखैगो। हिंयों ले कि बौ परमेस्वर के मंदिर में जाएके बैठ जागो और अपने आपके परमेस्वर होन को दाबा करैगो। 5 का तुमके याद नाय है? मैं तुमरे संग रहौं तौ जौ सब बताओ। 6 तहुँओं कुछ ऐसो है जो अब होन से रोकथै, और तुम जानथौ कि जौ का है। तौ सई समय मैं, हम दिन-रात काम करत रहे ताकी तुममें से कोई के ताहीं खर्चा ना दुस्ट आदमी दिखाई देगो। 7 रहस्यमयी अराजकता भरी अधर्म

के काम पहलेई से करी है, लेकिन जो होन बारो है बौ तौले नाय होगो जबले कि जाके बापस रखन बारे के राह से हटाय नाय दौ जागो। 8 तौ एक अधर्मी दिखाई देगो, लेकिन जब प्रभु ईसु आगो, तौ बौ बाके अपने मोहों से सास के संग मार देगो और बाके बाकी चमकदार हाजरी के संग बाकी आत्मा के खतम कर देगो। 9 दुस्ट आदमी सैतान की सामर्थ्य के संग आगो और सब तरह के अचम्मे चिन्ह चमत्कार करैगो, 10 और जो नास होंगे उनके ऊपर सब तरह के अधर्म छल करियो। बे नास हुई जांगे काहैकि बे उद्धार पान के ताहीं सच को स्वागत और प्रेम के नाय अपनाई। 11 और तभई परमेस्वर उनके काम करन के ताहीं गलती की सक्ति भेजथै ताकी बे बिस्वास करै कि का झूठ है। 12 जाको नतीजा जौ है कि जो सब जनी सच्चाई के ऊपर बिस्वास नाय करी हैं, पर पाप में खुसी मनाई हैं, उनकी बातन के परख के उनकी बुराई करी जागी। 13 पर भईय्यो, हमें हर समय परमेस्वर को धन्यवाद करने चाहिए, दोस्ती, जोके तुम्हें प्रभु प्रेम करथै। काहैकि परमेस्वर तुमके सबसे पहले उद्धार के ताहीं चुन लई है कि पवित्र आत्मा की सक्ति से पवित्र लोग बनान के ताहीं और सच्चाई में तुमरे बिस्वास के जरिया बचाबो। 14 परमेस्वर तुमके जौ बात के ताहीं मस्काई है कि हम तुमके सुसमाचार सुनायें; बौ तुमके हमरे प्रभु ईसु मसीह की महिमा को हिस्सा बताई। 15 तौ, हमरे भईय्यो और बहेनियो, मजबूती से ठाडे रहबौ और बे सच्चाई की सिक्का के थामें रहबौ जो रीत हम तुम्हें सिखाए, अपने उपदेस और हमरी चिट्ठी में। 16 हमरे प्रभु ईसु मसीह खुद और हमरे दऊवा परमेस्वर, जो हमरे संग अच्छाई और प्रेम करी अपने अटूट साहस अनुग्रह और मजबूत अनंत आसा और सांति दई है, (aiōnios g166) 17 तुमके प्रोत्साहन करै और तुमके हमेसा ऐसो करन के ताहीं तुमरे मन मजबूत करै और कहमें कि अच्छो है।

3 आखरी में, हमरे भईय्यो और बहेनियो, हमरे ताहीं प्रार्थना करौ, कि प्रभु को संदेसो तेजी से फैलै और बडौंई के संग मिलत रहबै, जैसे कि तुमरे बीच भौ। 2 जहो प्रार्थना करौ कि परमेस्वर हमें दुस्ट और बुरे लोगन से बचाबै; सबन के संदेस के ऊपर बिस्वास ना है। 3 लेकिन प्रभु वफादार और भरोसे के लायक है, और बौ तुमके मजबूत करैगो और तुमके सैतान से बचाए रखागो। 4 और प्रभु हमके तुमरे ऊपर भरोसो दिलाथैं, और हमके यकीन है कि तुम करै हो और हम तुमके जो बताथैं बौ करत रहागो। 5 प्रभु तुमके परमेस्वर के प्रेम और मसीह के जरिया दी गई मन में सहनसक्ति की समझ में ले जाबै। 6 भईय्यो और बहेनियो, हम तुमके हमरे प्रभु ईसु मसीह के नाओं में बे सब विस्वासिन से दूर रहन की अग्या देथैं जो आलसी जिंदगी जीं रहें और जो हमरे जरिया दै गई सिक्का के निर्देसन को पालन नाय करथैं। 7 तुम खुदै अच्छे तरहन से जानथौ कि तुमके बहे करनो चहाईये जो हम करे। जब हम तुमरे संग रहें तौ हम आलसी नाय रहें। 8 हम जाके ताहीं भुगतान करे बिना कोई के समर्थन के नाय अपनाया। जाके अलावा, हम काम करे और अब्बल आए; हम दिन-रात काम करत रहे ताकी तुममें से कोई के ताहीं खर्चा ना होबै। 9 हम ऐसो तभई करे, हमें अपने समर्थन की माँग करन को

अधिकार नाय है; हम तुमके अनुसरेंड करन के ताहीं एक उदाहरण दे। 10 जब हम तुमरे संग रहैं, हम तुमके बतात रहैं, “जो कोई काम करन से मना करथै बाकै खान की अनुमति नाय है।” 11 हम ऐसो इसलै कहथै काहैकि हम सुनथै कि तुमरे बीच कुछ आदमी रह हैं जो आलसी जिंदगी जीथैं और जो दुसरे आदमिन के व्यवसाय में टाँग अडान के अलावा कुछ नाय करथैं। 12 प्रभु ईसु मसीह के नाओ ऊपर हम जे आदमिन के आग्या देत उनसे नहोरे करथैं कि बे कहे के अनुसार जिंदगी बितामैं और अपनो गुजारो चलान के ताहीं काम करैं। 13 लेकिन भईय्यो और बहेनियो, अच्छो काम करन के ताहीं तुमके थकनो ना चहाईये। 14 ऐसो हुई सकथै कि कोई जो चिट्ठी में तुमरे जरिया भेजे गै संदेसो को पालन नाय करंगे। अगर हाँ, तौ उनके ऊपर ध्यान देबौ और कोई लेनो देनो उनसे नाय है, जोसे उनके सरम आबै। 15 लेकिन भईय्यो उनके बैरी मत समझौ; जाके अलावा, उनके विस्वासियन के रूप में चितौनी देबौ। 16 खुद परमेस्वर, जो सांति को हमरो सोता है, तुमके हर घड़ी चिन्ह और सब तरह से सांति देथै। प्रभु तुम सबन के संग रहमैं। 17 मैं पौलस अपने हात से नमस्ते लिखथौ: मेरे हर एक चिट्ठी की पहचान चिन्ह जहे है; मैं ऐसिये करके लिखथौ। 18 हमरे प्रभु ईसु मसीह को अनुग्रह और किरपा तुम सबन ऊपर बनी रहबै।

1 तीमथियुस

1 पौलुस के घाँई से जो हमरो उद्धारकर्ता परमेस्वर, और हमरी आसा की बुनियाद ईसु मसीह के हुकम से ईसु मसीह को प्रेरित है। 2 तीमथियुस को नाओ जो बिस्वास मैं मेरो सचको लौड़ा है: दऊवा परमेस्वर, और हमरे प्रभु ईसु मसीह के घाँई से, तौके अनुग्रह और दया, और सांति मिलत रहबै। 3 जैसे मैं मकिदुनिया के जान पोती तौके समझाओ रहौं, कि इफिसुस मैं रहकै कुछ लोगन के समझइये कि बे गलत सिक्का ना देंमैं। 4 और बे कहानियन और बड़े-बूढ़ेन की पुरानी बातन मैं मन ना लगाबौ, जो खाली तर्क पैदा करथैं; बे परमेस्वर की योजना कि सेवा नाय करथैं, जौके बिस्वास से जानो जाथै। 5 जौ हुकम को लक्छ है, एक सुद्ध मन और अच्छो विवेक, और बिना कपट के बिस्वास के प्रेम के जगाने है। 6 कुछ लोग इनसे दूर हुइगै हैं, और बेकार की बातन मैं खोए गै हैं। 7 बे परमेस्वर के नियम के सिक्छक बननो चाहथैं, लेकिन बे खुद के सब्दन के या बे मामलेन के नाय समझथैं, जिनके बारे मैं बे बड़ा बिस्वास के संग बोलथैं। 8 हम जानथैं कि नियम अच्छो है, अगर जाको इस्तमाल करो जाथै, जैसो कि जाको इस्तमाल करो जानो चाहिए। 9 जौ जरूर समके रहनो चाहिए, कि नियम अच्छे लोगन ताहीं नाय बनाए जाथैं, बल्किन नियम तोड़न बारेन ताहीं और अपराधिन के ताहीं, भक्तिहीन और पापिन के ताहीं, जो धार्मिक या आध्यात्मिक नाय हैं, और नियम उनके ताहीं बनाए जाथैं, जो अपने अईय्या दऊवा की हत्या करथैं, हत्यारेन ताहीं, 10 अनैतिक के ताहीं, पुस्सगामियन के ताहीं, अपहरनकर्ता के ताहीं, और झूठी गभाई देन बारेन ताहीं, और इनकै छोड़के खरे सिक्का के सबै बिरोधिन के ताहीं ठहराई गई है। 11 जहे परमधन्य परमेस्वर की महिमा के बौ सुसमाचार के हिसाब से है, जो मोके घोसित करन के ताहीं सौंपो गौ है। 12 मैं हमरे प्रभु ईसु मसीह को, जो मोके ताकत और सामर्थ्य दई है, धन्यवाद करथौं; कि बौ मोके भरोसेमंद समझकै अपनी महिमा और सेवा के ताहीं योग्य ठहराई। 13 पहले मैं बाकी बुराई करो, और सताओ, और बाकी बड़ा बेजती करो; लेकिन परमेस्वर मेरे ऊपर दया करी, काहैकि मोके अभैले बिस्वास नाय रहै, और जहे बजे से मोके मालुम नाय रहै, कि मैं का कर रौ हौं। 14 और हमरो प्रभु मेरे ऊपर अपने अनुग्रह और करी और मोके बिस्वास और प्रेम दई, जैसी ईसु मसीह मैं एक होन के नाते हमरो है। 15 जौ एक सचची बात है, जौके हमैं अपनाओ चाहिए और बिस्वास करनो चाहिए: ईसु मसीह पापिन के बचान के ताहीं दुनिया मैं आओ, मैं उनमैं से सबसे बड़ो पापी खराब हौं, 16 पर मेरे ऊपर इसलै दया भइ कि मेरे जैसे सबसे बड़ो पापी मैं ईसु मसीह अपनी पूरी सहनशीलता दिखाबै, कि जो लोग बाके ऊपर अनंत जिंदगी के ताहीं बिस्वास करंगे, उनके ताहीं मैं एक आदर्स बनौ। (aiōnios g166) 17 सदा काल के राजा के ताहीं, अमर और अनदेखे, एकमात्र परमेस्वर बाके ताहीं हमेसा और हमेसा के ताहीं आदर और महिमा होबै! आमीन। (aiōn g165) 18 तीमथियुस, मेरो बालका, मैं तौके जौ हुकम सौंपथौं, जो तेरे बारे मैं अतीत मैं भविष्यवांड़ी बोली गई रहै, बे सब्दन के अनुसार, अच्छी

तरह से लड़न के ताहीं बे सब्दन के हथियार के हानी इस्तमाल कर, 19 और अपने बिस्वास और अपने अच्छो विवेक सपा रख। थोड़ी लोग उनके विवेक की अबाज नाय सुनी और उनके बिस्वास के बरबाद कर दई है। 20 उन्हई मैं से हुमिनयुस और सिकन्दर हैं, जिनकैं मैं सैतान के हाथ मैं सौंप दौ, कि बे बुराई करनो ना सीखैं।

2 अब मैं सबसे पहले जौ आग्रह करथौं, कि बिनती, प्रार्थना, निवेदन, धन्यवाद, सब जनी के ताहीं परमेस्वर के सौंपो जाए; 2 सब राजा और सब ऊँचे पद बारेन के खातिर, हम परमेस्वर के प्रति सबै आदर और सई चाल-चलन के संग एक सांत और सांतिपूर्ड जिंदगी जी सकैं। 3 जौ हमरे उद्धारकर्ता परमेस्वर के अच्छो लगथै, और बाके खुसी भी मिलथै, 4 जो कि बौ चाहथै कि सब जनी के बचाओ जाए सकैं, और सच्चाई के जान सकैं। 5 काहैकि एकै परमेस्वर है, और एक जनी है जो परमेस्वर और ईसान के एक संग लाथै, बौ ईसु मसीह है, 6 जो पूरी मानव जाति के छुड़ान के ताहीं खुदकै दई। जौ सई समय मैं गभा रहै, कि परमेस्वर चाहथै, कि सबकै बचाओ जाए सकैं, 7 और जहे बजे है कि मोके बिस्वास और सच्चाई को उपदेसक के ताहीं प्रेरित और गैर यहूदिन के गुरु के रूप मैं भेजो गौ रहै। मैं झूठ नाय बोल रौ हौं; मैं सचची कहरौ हौं! 8 हर एक कलीसिया सेवा मैं होमैं मैं चाहथौं, बे आदमी जो परमेस्वर के समर्पित हैं, बे आदमी हर जघा बिना गुस्सा और तर्क के पवित्र हातन के उठाएके प्रार्थना कर सकथैं। 9 मैं जौ भी चाहथौं कि बईय्यरैं अपने लतन मैं ध्यान देंमैं और समझदार बनै और ठीक से लता पहन सकैं; न कि बार सुदारन मैं, और सोने के जेबर मैं, मोतियन मैं, और महंगे लतन मैं ध्यान देंमैं, 10 लेकिन अच्छे कामन के संग, जैसो कि बे बईय्यरन के ताहीं सई है, जो धार्मिक होन को दाबा करथैं। 11 बईय्यरन के सांति से और सब कुछ विनम्रता से सिकनो चाहिए। 12 मैं उनकै सिखान या आदमिन के ऊपर अधिकार चलान की इजाजत नाय देथौं; बईय्यरन के चुप रहनो चाहिए। 13 काहैकि पहले आदम आओ रहै, बाके बाद हव्वा आई रहै। 14 और आदम नाय बहको, पर बईय्यर बहकाबे मैं आयकै, परमेस्वर को नियम तोड़ी और धोका खाई। 15 तहूँओ बईय्यर बालका पैदा करन के जरिये उद्धार पागी, अगर बौ बिस्वास और प्रेम और पवित्रता के संग सालीनता के संग रहथै।

3 जौ बात सचची है कि जो कलीसिया को नेता बननो चाहथै, बौ भले काम करन की इच्छा रखथै। 2 जहो जरूरी है कि नेता निर्दोस, और एकै बईय्यर को लोगा होनो चाहिए, सांतचित्त, खुद मैं नियंतरित और व्यवस्थित होबै; और हितुअन को आदर भाव करन बारो, और सिखान मैं अच्छो होनो चाहिए; 3 बौ दह्सा या मारपीट करन बारो ना होबै; पर बौ कोमल होबै, ना कि लौड़ा, और ना पैसन को लालची होबै; 4 बौ अपने परिवार को अच्छी तरह से खयाल रखन मैं सकच्छम होनो चाहिए, और अपने बालकन के पूरी गंभीरता से अपने अधीन रखत होबै। 5 अगर कोई आदमी अपने परिवार को खयाल रखनो नाय जानथोबै, तौ बौ परमेस्वर कि कलीसिया की देखभार कैसे कर सकथै? 6 बाके बिस्वास मैं मजबूत होनो चाहिए, ऐसो ना होबै कि घमंड करकै सैतान के हानी सजा पाबै। 7 बाके

एक ऐसो आदमी होना चाहिए, जो कलीसिया के बाहर लोग बाकी इज्जत करथे मैं, ताकी बौ बेईज्जत ना होबैं और सैतान की चाल मैं ना पड़े। 8 कलीसिया के सहायक सेवकन के पास एक अच्छो चरित्र और इमानदारी होनी चाहिए; उनके जाधे दाखरस ना पीनो चाहिए, और पैसन को लालच ना करनो चाहिए; 9 उनके साफ मन से बिस्वास और प्रकट सत्य के पकड़े रहनो चाहिए। 10 उनके पहले परखो जानो चाहिए, फिर जब बे परखे जनें मैं निर्दोस निकरें, तौ बे सेवा करन के ताही हैं। 11 उनकी बईय्यरें भी अच्छी चरित्र और भरोसा के काबिल होनी चाहिए और एक दुसरेन की निंदा करन बारी न होना चाहिए; उनके हर चीज मैं सांत और इमानदार होना चाहिए। 12 एक कलीसिया के सेवक के पास खाली एकै बईय्यर होनी चाहिए, और अपने बालकन और अपने परिवार के अच्छी तरह से देखभार करन मैं सक्रम होना चाहिए। 13 बे सेवक जो अपनो सेवा को काम अच्छे से करथें, बे अपने ताही लोगन की नजर मैं अच्छो स्थान हासिल करंगे, और ईसु मसीह मैं अपने बिस्वास के बारे मैं, हिम्मत से बोलन मैं सक्रम होथैं। 14 मैं तेरे झोने जल्दी आन की आसा रखन पर भी जे बाँतें तौके इसले लिखथैं। 15 कि अगर मेरे आन मैं देरी होगी, तौ जो चिड़ी तुमके बतागी कि हमें परमेस्वर के घर मैं खुदके कैसे करके चलते रहने हैं, तौ तू जान ले, कि परमेस्वर के घराने मैं जो जिंदे परमेस्वर कि कलीसिया है, और जो सच्चाई को खम्मा और बुनियाद है। 16 जौ बात से कोई मना ना कर सकथें कि हमरी भक्ति को रहस्य कितनो महान और सई है: बौ इंसान के रूप मैं आओ, आत्मा मैं न्याई मानो गौ, और स्वर्गदूतन के दिखाई दई रहै, दुसरे-दुसरे रास्टून मैं बाको प्रचार भौ, दुनिया भर के लोग बाके ऊपर स्वर्ग तक बिस्वास करी, और स्वर्ग तक लैजाओ गौ।

4 आत्मा साफ-साफ कहथे, कि आनबारे समय मैं कुछ लोग बिस्वास के छोड़ देंगे; बे झूठ बोलन बारी आत्मा की आग्यन के मानके प्रेत आत्मा की सिक्का के अनुसार चलंगे। 2 जो झूठे और कपटी आदमी के जरिये फैलाओ जाथें, जिनको मन मर चुको है, जिनको मन मानों जलत भै लोहो से भुज गौ होबैं। 3 जो बिहा करन से रोकंगे, और खाने कि चीज मैं खान के ताहीं पेरज करन ताहीं कहंगे; जिनके परमेस्वर जौ ताहीं सिरजाई कि विस्वासी और सच्चाई के जानन बारे उनके धन्यवाद देंके खायें। 4 काहैकि परमेस्वर जो कछु भी बनाई है बौ हर चीज अच्छी है; और कछु चीज को निरादर नाय करने हैं, लेकिन सब कछु चीज धन्यवाद कि प्रार्थना के संग खाई जाए, 5 काहैकि परमेस्वर को बचन और प्रार्थना बाँके परमेस्वर के समर्पित करन के योग्य बनाथे। 6 अगर तू सब विस्वासी भईय्यन के जे बातन की खबर देत रहगो, तौ ईसु मसीह को अच्छो सेवक मानो जागो; जो बिस्वास और अच्छी सिक्का मैं बढ़ाओ गौ। 7 अभक्ति की खराब और बेकार की बातन से दूर रहबौ; जाके बजाय, खुदके ईस्वीय बनन के ताहीं प्रसिक्छित करै। 8 सारीरिक व्यायाम को थोड़ी फायदा है, लेकिन भक्ति हर तरहन से फायदेमंद है, काहैकि जो समय और आनबारे समय दोनों के ताहीं जिंदगी को वादा करथे। 9 जौ एक सच्ची कहाबत है, जोकै पूरी तरह से अपनाओ जाए और बिस्वास करो जाबै। 10 जोके ताहीं हम

कड़ी मेहनत करथें, काहैकि हम अपनी आस के जिंदे परमेस्वर मैं रखे हैं, जो सबन को उद्धारकर्ता है और खासकर बे आदमिन को जो बिस्वास करथैं। 11 उनके जौ हुकम देंके और सिखात रहा। 12 कोई तेरी जवानी के मामूली ना समझ पाबै; पर बचन, चाल चलन, प्रेम, बिस्वास, और पवित्रता मैं विस्वासिन के ताहीं आदर्स बन जा। 13 जबले मैं ना आमों, तौले पढन और प्रोत्साहित की सिक्का देन और सिखान मैं समर्पित रहा। 14 बौ वरदान को दुरप्रयोग मत कर, जो तेरे मैं है, जो तौके तब दौ गौ रहै, जब भविष्यवाँडी करन बारे बोली रहै और बड़े-बूढ़े तेरे ऊपर हाथ रखी रहै। 15 जे चीजन की अभ्यास कर और बाँके अपने आपके सौंप दे, ताकी तेरी उन्नति सबन के दिखाई देंबै। 16 अपने आप मैं और अपनी सिक्का मैं चहाचीतो रहा, जे बाँतें करते रहीये, काहैकि अगर ऐसो करत रहगो, तौ तू अपने, और अपने सुनन बारेन ताहीं भी उद्धार को वजह बनैगो।

5 कोई बड़े-बूढ़े के मत झुका; बाँके अपनो दऊवा समझाके समझायदे, और ज्वानन के अपनो भईय्या समझ, 2 पूरी पवित्रता के संग बूढ़ी बईय्यरन के अईय्या के हानी, और ज्वान बईय्यरन के बहेनिया के हानी समझ। 3 बे बिधवन को जो सच्ची मैं बिधवा हैं आदर कर। 4 और अगर कोई बिधवा के बालका या नतिया-पोता हैं, तौ बे पहले अपने परिवार के प्रति अपने धार्मिक कर्तव्य को पालन करनो सीखनो चाहिए और ऐसे करके अपने अईय्या-दऊवा और दादो-दादी को कर्जा चुकानो चाहिए, काहैकि जहे परमेस्वर के खुस करथे। 5 एक बिधवा, जो अकेली है, बाकी देखभार करन बारे कोई नाय है, और बौ परमेस्वर मैं अपनी आस रखथे और रात-दिन बाकी मदत के ताहीं प्रार्थना करत रहथे। 6 पर जो बिधवा अपने आपके मजा देथे, गलत काम करथे, तौ बौ जीते जी मर गई है। 7 लोगन के जहो बाँतें भी सिखाए कर ताकी बे निर्दोस रहामें। 8 लेकिन अगर कोई भी अपने हितुअन, खासकर अपने खुद के परिवार के लोगन की देखभार नाय करै, तौ बौ बिस्वास से मुकर गौ है और एक अविस्वासी से भी बुरो बन गौ है। 9 कोई बिधवा को, बिधवन के नाओं मैं तौले मत जोडो जबले कि बाकी उमर साठ साल से अगरी ना हुई जाबै। जाके अलावा, बौ एकै आदमी कि बईय्यर बनी होबै, 10 और अच्छे कामन के ताहीं एक इज्जत दार होबै: एक बईय्यर जो अपने बालकन के अच्छी तरह से पाली, अपने घरे हितुअन कि सेवा आदर करी होबै, पवित्र लोगन के पाँव धोई होबै, और विस्वासिन की मेहमानदारी करी होबै, लोगन की पोरसानी मैं मदत करी होबै, और उनके ताहीं अच्छो करन के ताहीं खुदके सौंपी होबै। 11 लेकिन ज्वान बिधवन के नाओं मत लिखियो, काहैकि जब बे मसीह से दूर जाएँके सुख और गलत कामन में पड़ जाथें, तौ बे बिहा करनो चाहथें, 12 और दोसी मानी जाथें, काहैकि बे अपनो पहलो वादा के छोड़ देथें। 13 और जाके संग-संग बे घर-घर फिरके आलसी होनो सिक जाथें, और खाली आलसी नाय, और बक-बक करत रहथें और दुसरेन के काम मैं हाथ डारथें, और उल्टा सीधी बात बोलथें। 14 इसले मैं चाहंगे कि ज्वान बिधवन को बिहा होबै, उनके बालका हमें और बे अपने घर कि देखभार करै, ताकी हमरे दुस्मनन के हमरी बुराई बतकान को मौका नाय मिलै। 15 एकाद तौ

बहक के सैतान के पच्छू हुई चुकी है। 16 अगर कोई भी विस्वासी के घरे बिधवा हैं, तौ घरबारेन के बाकी देखभार करने चाहिए और कलीसिया में बोझ नाय डारने चाहिए, ताकी बौ उन बिधवन की देखभार कर सकै जो सच्ची में बिधवा और अकेली हैं। 17 जो बड़ो-बूढो अच्छो काम करथै, खासकर बे जो बचन सुनान और सिखान में मेहनत करथै, दुई गुना आदर के काबिल समझो जाबै। 18 काहैकि पवित्र साष्ट्र कहथै, “दाव लगान बारे बरधा को मोहों मत भौंदियो, काहैकि मजदूर अपनी मजदूरी को हकदार है।” 19 अगर कोई बड़े-बूढे ऊपर दोस लगाबै, तौ दुई या तीन गभन के बिना बाँके मत मानियो। 20 पाप करन बारेन के सबके सामने समझाए दे, ताकी और लोग पाप करन से डरगै। 21 परमेस्वर और ईसू मसीह, और चुने भै स्वर्गदूतन के हियाँ मानकै में तौके चितौनी देथौ, कि तू मन खोलकै जे बातन के माने कर, और कोई काम भेदभाव से मत करे कर। 22 परमेस्वर की सेवा में उनके सौंपन के ताही लोगन के ऊपर हाथ रखन कि कोई जल्दी नाय है। और दुसरेन के पापन में भागी मत हुइयो; अपने आपकै सुद्ध बनाए रखा। 23 खाली पानी मत पीबै, अपने पाचन में मदद करन के ताहीं थोड़ी सी दाखरस ले, काहैकि तुम गजब बार बिमार पड़थौ। 24 कुछ लोगन के पाप दिखाई दे जाथै, और फैसला के ताही पहले से पुग जाथै, लेकिन दुसरेन के पाप बाद में दिखाई देथै। 25 बैसिये कुछ भले काम स्पस्ट दिखाइयौ दे जाथै, और जो ऐसे नाय होथै, बेऊँ लुक नाय सकथै।

6 जो लोगन के ऊपर दास को जुआ रखो पड़ो हैं, उनके अपने मालिक के पूरे सम्मान के काबिल समझनो चाहिए, ताकी कोई भी परमेस्वर और हमरी सिक्खा के नाओं की बुराई न करे। 2 विस्वासी मालिकन से जुड़े भै नौकरन के उनकी बेजती नाय करनो चाहिए, काहैकि बे विस्वासी भईथ्या हैं। जाके बजाय, बे उनके और अच्छी सेवा दे सकथै, काहैकि जो लोग उनके काम से फायदा उठाथै, बे विस्वासी होथै, जिनके बे प्रेम करथै। तुमकै जे चीजन के सिखानो और इनको प्रचार करनो चाहिए। 3 जो कोई अलग सिद्धांत सिखाथै, और हमरे प्रभु ईसू मसीह की सच्ची बातन के और हमरे धर्म कि सिक्खा के नाय मानथै, 4 तौ बौ घमंडी है और कछु नाय जानथै, उल्टा बाँके बखेड़ा करन की और बातन के ऊपर तर्क लगान कि बिमारी है, जो डाह, और लड़ाई, और बुराई कि बातें, और बुरे-बुरे सक, 5 और बे लोगन से लगातार तर्क जिनके मन काम नाय करथै, और जिनके पास अब सच्चाई नाय है। उनके लगथै, कि धर्म सेठ बनन को एक तरीका है। 6 ठीक है, धर्म हमै गजब कामयाब बनाथै, अगर हमरे पास जो कछु है बासे संतुष्ट होमै तौ। 7 हम जौ दुनिया में का लैकै आए? कछु नाय! हम जौ दुनिया से का लैकै जांगे? कछुए नाय! 8 इसलै, अगर हमरे पास खानू और लत्ता-कपड़ा है, तौ हमै इतनेइ मै खुस रहनो चाहिए। 9 लेकिन जो लोग सेठ बननो चाहथै, बे लालच में पड़ जाथै, और गजब मूर्ख और खराब इच्छा के जार में फस जाथै, जो तुमके बरबाद करन और सत्यानास करन के ताहीं खींचथै। 10 काहैकि स्पईया को प्रेम तुमकै जे चीजन के सिखानो और इनको प्रचार करनो चाहिए। तमान तरहन कि बुराइयन कि जड़ है, जौके पान ताही कितने जनी बिस्वास

से भटक के अपने आपकै गजब तरहन के दुखन से उनको दिल टूट गौ है। 11 पर हे परमेस्वर के जन, तैं जे बातन से भाज; और न्यायीपन, भक्ति, बिस्वास, प्रेम, धीरज, और सोम्यता को पीछा कर। 12 बिस्वास की दौड़ में अपनो पहलो जघा बना, और अपने ताहीं अनंत जिंदगी जीत; जौ जिंदगी के ताहीं जौ रहै कि परमेस्वर तुमकै बुलाई, जब तुम भौत से गभन के सामने अपने बिस्वास के मजबूती से अपनाय। (aiōnios g166) 13 परमेस्वर की उपस्थिति में, जो सब चीजन के ताहीं जिंदगी देथे, और ईसू मसीह के उपस्थिति में, जो पुन्तियुस पिलातुस के सामने अपने बिस्वास के मजबूती से अपनाई, मैं तुमकै आग्या देथौ। 14 जौ आग्या के मानिये और बौ दिन ले बिस्वास करिये जबले हमरो निर्दोस प्रभु ईसू मसीह आए ना जाबै। 15 परमेस्वर जौके बौ सई समय में दिखगो, जो परमधन्य और एकमात्र सासक और राजाओं को राजा, और प्रभुअन को प्रभु है, 16 बौ अकेलो अमर है; बौ ऐसे उजिते में रहथे कि कोई बासे मिल नाय सकथै, बाँके कोई कहू ना देखो; कोई बाँके कहूए ना देख सकैगो। बाकी इमानदारी और अनंत ताकत है! आमीन। (aiōnios g166) 17 जौ युग की सम्पत्ति बारेन के हुकम दे कि बे घमंडी ना होमै और बेकार के पैसन के ऊपर आस नाय रखै, पर परमेस्वर के ऊपर आस रखौ जो हमरे सुख दुख के ताहीं सब कछु खूबै करकै देथै। (aiōn g165) 18 उनहै हुकम दे कि भलाई करौ, भले कामन में सेठ बनौ, और दयालु बनौ और मदद करन ताहीं तैयार रहबौ, 19 ऐसे करकै बे अपने ताहीं एक खजाना जमा करंगे, जो आनबारे समय के ताहीं एक मजबूत बुनियाद होगी, तौ बे बौ जिंदगी के जीतन के लायक होंगे जो सच्ची जिंदगी है। 20 तीमथियुस, जो तुमरी देखभार करन के ताहीं सौंपो गौ है, बाकी देखाभारी करे रखईयो, और अभक्ति और बुरी बातन से बचै, और बेकार की बातन से बचै जौके कुछ लोग गलती से “ग्यान” समझथै, उनसे बचै। 21 कुछ लोग जाँके अपने पास रखन को दाबा करी हैं, और जबकी बे बिस्वास खोए दई हैं। परमेस्वर को अनुग्रह और किरपा तुम सबन के ऊपर बनी रहबै।

2 तीमुथियुस

1 पौलुस के चाँई से, परमेस्वर की मरजी से मसीह ईसु को एक प्रेरित, जो हमें दौ गौ है बौ जिंदगी को वादा करन ताहीं भेजो गौ है, जो हमरे झोने ईसु मसीह के संग एक होन के नाते। 2 तीमुथियुस के ताहीं, मेरे प्रिय लौडा: मैं परमेस्वर दऊबा और ईसु मसीह हमरो प्रभु तुमके अनुग्रह, दया और सांति देबै। 3 मैं परमेस्वर को धन्यवाद देथौं, जिनको मैं साफ मन से सेवा करथौं, जैसी मेरे पुरखा करी रहैं। मैं बाकै धन्यवाद देथौं काहेकि मैं तुमके हमेसा रात-दिन प्रार्थना मैं समकथौं। 4 मैं तुमरे आँसुअन के समकत रहाथौं, और मेरी भावना तुमके देखन ताहीं तरस गई है, ताकी तुमके देखके मैं खुसी से भर जायौं। 5 मोकै तेरी बौ इमानदारी बारो बिस्वास समक मैं आथै, जो पहले तेरी नानी लोइस और तेरी अईय्या यूनीके मैं रहैं, और मोकै सच मैं पता है कि तहँ मैं है। 6 जौ बजह से मैं तुमके समकथौं, जब मैं तुमरे ऊपर हाथ रखो तौ परमेस्वर तुमके जो उपहार दई, बाकै जिंदो रखैं। 7 जो आत्मा परमेस्वर हमके दई है बौ हमके डरपुकना नाय बनाथै; जाके अलावा, बाकी आत्मा हमके सक्ति, प्रेम और अपने आपके काबू मैं रखान की आत्मा दई है। 8 तभई हमरे प्रभु की गभाई से, और मोसे जो बाको कैदी हौं, सरमाबे मत्ती, पर बौ परमेस्वर की सामर्थ्य से सुसमाचार के ताहीं दुख मैं सहभागी हो। 9 बौ हमें बचाई और हमके पवित्र बुलाहट से अपने लोगन के रूप मैं बुलाई, ना कि हम जो करे हैं, बाके बजह से, पर अपने उद्देश्य और अनुग्रह के बजह से। बौ हमके जौ अनुग्रह दई है कि अनंत समय के सुरू होन से पहलिये ईसु मसीह के जरिया भौ है, (aiōnios g166) 10 पर जौ हमरे उद्धारकर्ता, ईसु मसीह के आन से हमें पता चलो हैं। बौ मोत की सक्ति के खतम कर दई है और सुसमाचार के जरिया अनंत जिंदगी के दिखाई है। 11 परमेस्वर मोकै सुसमाचार सुनान के ताहीं एक प्रेरित और सिक्छक के रूप मैं चुनी है, 12 जौ बजह से कि मैं जे चीजन के भुगत्यौं, पर मैं अभऊ बिस्वास से भरो हौं, काहेकि मैं जानथौं कि जोके ऊपर मैं भरोसो करो हौं, और मोकै यकीन है कि बौ बहे दिन ले समारे रखान मैं कामयाब है, जो बौ मोकै सौपी है। 13 जिन खरी बातन कै तैं मेरे मोहों से सुनो, उनके दृढ़ता से सच्चे सबदन कै जौमैं तुमके सिखाओ, जैसो की ईसु मसीह के संग, हमरो बिस्वास और प्रेम को पालन करन के ताहीं और हमरे संग बने रहने के ताहीं उदाहरद है। 14 पवित्र आत्मा की सक्ति, जो हमरे मैं रहथै, बे अच्छी चीजन के अपने झोने रख जो तुमके सौपी गई हैं। 15 तुम जानथौ कि फिगेल्स और हर्माजेनेस समेत आसिया के सबे देस मैं मोकै छोड दौ गौ है। 16 प्रभु उनेसिफुस्स के परिवार ऊपर दया करी, काहेकि मोकै निरे बार मेरे जी के ठंडो करी, और मेरी जंजीरन से लज्जित नाय भौ; 17 पर जब बौ रोम मैं आओ, बौ मोकै ढूँडनो सुरू कर दई, जबले कि बौ मोकै पाय ना डारी। 18 प्रभु बौ दिन बाकै अपनी दया दिखाबै! और तुम अच्छे तरीका से जानथौ कि बौ इफिसुस मैं मेरे संग कितो कुछ सेवा करी।

2 जैसे कि, मेरे लौडा, तेरे ताहीं अनुग्रह के जरिया से मजबूत हुई जा जो मसीह ईसु के संग एक होन के नाते है। 2 बे उपदेसन कै

ले जो तैं मोकै निरे गभा की मौजूदगी मैं सुनाओ, और उनके बिस्वास बारे लोगन कै सौपे, जो दूसरेन कै भी सिखान मैं कामयाब होंगे। 3 ईसु मसीह के एक बफादार सैनिक के रूप मैं, दुख को अपने हिस्सा ले लियौ। 4 जब कोई सैनिक लडन कै जाथै, तौ जहे बजह से कि अपने आग्या देनबारे अधिकारी कै खुस करै, और खुदके दुनिया के दैनिक जिंदगी के कामन मैं नाय फसाथै। 5 एक दौड को खिलाडी दौड मैं हिस्सा लेथै, जबले कि बौ नियमन को पालन नाय करै, इनाम नाय पाय सकथै। 6 जो किसान मेहनत करी है, बाके पास फसल को पहलो हिस्सा होनो चाहिए। 7 जौमैं कहरौ हौं, बाके बारे मैं सोचौ, काहेकि प्रभु तुमके जो सब समझन मैं कामयाबी देगो। 8 ईसु मसीह कै याद करौ, जो मोत से जी उठ गौ रहै, जो दाऊद के बंस को रहै, जैसे कि जो सुसमाचार मैं सुनाथौं बायें पढाओ जाथै। 9 काहेकि मैं सुसमाचार को प्रचार करथौं, मोकै तकलीफ होथै और मैं एक गुन्हेगार के तराहनी बेडियन मैं भंद जाथौं। पर परमेस्वर को बचन बेडियन मैं नाय है, 10 और तभई मैं परमेस्वर के चुने भै लोगन के खातिर सब कुछ सह लेथौं, ताकी बेकै ईसु मसीह के जरिया आनबारे उद्धार कै ले सकै और अनंत महिमा लाय पायें। (aiōnios g166) 11 जौ एक सच्ची कहाबत है: “अगर हम बाके संग मर गे हैं, तौ हमउं बाके संग जिंदे रहेंगे। 12 अगर हम सहैत रहाथैं, तौ हमउं बाके संग राज्य करंगे। अगर हम बाकै नकारथैं, तौ बहो हमके नकारेंगे। 13 अगर हम वफादार नाय हैं, तौ बौ वफादार रहथै, काहेकि बौ खुद से झूठ नाय बोल सकथै।” 14 अपने लोगन कै जाके बारे मैं समकाबो, और उनके परमेस्वर की मौजूदगी के ताहीं गंभीर तरीका से सुधी दिबाए देबौ कि बे सबदन के ऊपर नाय लडैं। जौ फायदेमंद ना है, पर सिरफ सुनन बारेन कै बरबाद करथै। 15 परमेस्वर की नजर मैं पूरी पसंद आन के ताहीं पूरी कोसिस करौ, एक ऐसे करमचारी के रूप मैं जो अपने काम से सरमात नाय है, बौ जो परमेस्वर की सच्चाई के संदेसो के सई ढंग से सिखाथै। 16 अपवित्र और अभक्ति की बेकार की बातन से परे रहाबौ, जो सिरफ आदमिन के परमेस्वर से दूर ले जाथैं। 17 उनको बचन सडे भै घाव के हानी फैलत जागो: दुई लोग हुमिनयूस और फिलेटस हैं जो ऐसी बातन कै सिखाथैं। 18 बे सच्चाई की रहा छोड दई हैं और जौ कहकै कुछ विस्वासिन के परेसान करै हैं कि हमरो पुनस्तथान पहले हुई चुको है। 19 लेकिन परमेस्वर जो ठोस बुनियाद डारी है बाकै हीलाओ नाय जाए सकथै; और बाके ऊपर जे सबद लिखे गे हैं: “प्रभु जानथै कि जो बाको नाओं लेथैं, उनके अधर्म के कामन से दूर रहनो चाहिए।” 20 एक बडे घर मैं सबै तराहनी के भोज और कटोरा होथै: कुछ सोने और चाँदी से बने होथै, दूसरे कठिया और मट्टी से; एकाद खास मौका के ताहीं हैं, और दूसरे ऐसिये इस्तमाल करन ताहीं हैं। 21 जो आदमी बे सब बुरी चीजन से खुदके सपा करथै, उनको इस्तमाल खास उद्देश्य के ताहीं करो जागो, काहेकि बे अपने गुरू के ताहीं समर्पित और उपयोगी हैं, हर अच्छे काम के ताहीं इस्तमाल होन के ताहीं तैयार हैं। 22 जवानी की अभिलासा से बचौ, और न्यायीपन, बिस्वास, प्रेम और सांति के ताहीं कोसिस करौ, बे लोगन के संग जो साफ मन से मदत के ताहीं प्रभु कै पुकारथैं। 23 पर मूर्ख और अग्यानी तर्कन से दूर रहबौ; तुमके पता है कि बे लडाई

मैं खतम होथैं। 24 प्रभु के सेवक के रूप मैं तुमकै लड़ाई करन बारो नाय होनो चहाईये। तुम सबन के एक अच्छो और धीर धरन बारो सिक्छक बननो चहाईये। 25 जो तुमरे बिरोधिन कै सई करन के समय विनम्र है, काहेकि जो हुई सकथै कि परमेस्वर उनके पछताबा करन और सच्चाई जानन को मौका देगो। 26 और जो-जो उनके पकड़ी रहैं और उनकी इच्छा को पालन करी रहैं। फिरौकी बे अपने होस मैं आगे और सैतान के चाल से बच जांगे।

3 याद रखौ कि अंत के दिनन मैं मुस्किल को समय होगो। 2 लोग अपनो काम बनान बारे, पैसा से भौत प्यार करन बारे, लालची, घमंडी, और डींग हॉकन बारे होंगे; बे आदर नाय करन बारे, अपने अईय्या-दऊवा को कहनो नाय मानन बारे, कृतघ्न, और अधार्मिक होंगे; 3 बे निरदई, माफ ना करन बारे, निंदक, हिंसा करन बारे और उग्र होमंगे; बे अच्छाई से नफरत करंगे; 4 बे बिस्वासघाती, लापरवाह, और घमंड से फूले भै होंगे; बे परमेस्वर के बजाय सुखविलास से प्रेम करंगे; 5 बे धर्म के बहारी रूप कै धरंगे, लेकिन धर्म की सच्चाई की सक्ति कै ना मानथैं; ऐसे आदमिन से दूर रहाबौ। 6 उनमैं से एक-काद आदमिन के घरे जाएँ के कमजोर बईय्यरन के वस मैं करथैं, जो पापन से दबी और सबे जैसी इच्छा के वस मैं हैं, 7 जो बईय्यरैं हमेसा सिखन की कोसिस कर रहैं पर बे कहू सच्चाई नाय जान सकथैं। 8 जैसे कि जेनेस और जैम्ब्रिज मूसा के बिरोधी रहैं, तहँओ जे लोग सच्चाई के बिरोध मैं हैं, ऐसे आदमी जिनके दिमाक काम नाय करथैं और जो बिस्वास मैं असफल होथैं। 9 पर बे भौत दूर नाय जाए पांगे, काहेकि हर कोई देखेंगो कि बे किते बेअकली हैं। बेसिये भौ जेनेस और जैम्ब्रिज को। 10 लेकिन तैं मेरी सिक्छा, मेरे चाल-चलन और जिंदगी मैं मेरे उईय्य को पालन करो है; तैं मेरो बिस्वास, मेरो सबर, मेरो प्रेम और मेरी सहनसक्ति, 11 मेरो सताव, और मेरी पोरसानी जानथैं, कि अन्ताकिया, इकुनियुम और लुब्ना मैं मेरे संग जो भौ, बौ भयानक सताव रहै जेकै मैं सहो! पर प्रभु मोकै बे सबन से बचाई। 12 सबे जनी जो ईसू मसीह के संग एक भक्ति मैं जीवन जीनो चाहथैं, बाके सताओ जागो; 13 और दुस्ट लोग और बहकानबारे बुरे से बुरे होत जांगे, और औरन कै और अपने आपकै धोका देत रहंगे। 14 पर तुम बे सच्चाई मैं चलते जाबौ, जो तुमकै सिखाई गई रहैं और मजबूती से बिस्वास करौ। तुम जानथौ कि तुमरे सिक्छा देनबारे कौन रहैं, 15 और तुम समक रखाए हौ कि जब तुम बालका रहौ, तौ से पवित्र साक्ष मैं लिखे बचन के जानथौ, जो तुमकै ईसू मसीह मैं बिस्वास के जरिया से उद्धार के घाँई लै जान बारो ग्यान देन मैं जाके काबिल है। 16 पूरो साक्ष परमेस्वर से प्रेरित है और सच्चाई कै सिखान, गलती कै झुकाने, दोसन कै सुधारन, धार्मिकता और सई जिंदगी जीन के निर्देस देन के ताहीं काम मैं आनबारे है, 17 ताकी परमेस्वर की सेवा करन बारो आदमी पूरे तरीका से लायक और काबिल हुई सकै और सबै तरहन के अच्छे काम कर सकै।

4 परमेस्वर और मसीह ईसू की मौजूदगी मैं, जो जिंदे और मेरे भै हैं, लोगन को न्याय करैगो, काहेकि बौ राजा के रूप मैं सासन करन के ताहीं आए रौ है, मैं तुमकै राज्य की सुधी दिबात भै नहोरे करथौ 2 तैं सदेसो को प्रचार कर; बेरा अबेरा समरो रहा, बडे धीरज

के संग सिक्छा कै देत रहा और लोगन कै सुधार, झुकाए और प्रोत्साहित कर। 3 समय आगो जब आदमी अच्छे सिद्धांत कै नाय सुनंगे, लेकिन अपनी मरजी को चलंगे और अपने ताहीं जद्दे से जद्दे सिक्छकन कै जोडंगे जो उनके बतांगे जो बे सुनो चाहथैं, जो सुनन के ताहीं उनके कान मैं खजली ही रहै है। 4 बे सच्चाई कै ना सुनंगे और कहानी-कहानियन मैं अपनो ध्यान देमंगे। 5 पर तुमकै हर हाल मैं खुदकै काबू मैं रखनो चाहिए, दुख सहबौ, सुसमाचार प्रचारक को काम करौ और अपनी पूरी जिम्मेदारी परमेस्वर के सेवक के रूप मैं निभाबौ। 6 मेरे ताहीं बलिदान होन को समय आए गौ है; जो जिंदगी कै छोड़न को समय हीनैं है। 7 मैं अपनी दौड अच्छी दौडो हौं, मैं जित्ती दूरी है उन्ति दौड लगाओ हौं, और मैं बिस्वास कै बनाए रखाओ हौं। 8 और अब परमेस्वर के संग होन को जीत को इनाम मोकै अशियाय रौ है कि, जो न्याई प्रभु, मोकै बौ दिन देगो और नाय सिर्फ मेरे ताहीं, बल्किन बे सबन के ताहीं जो उनके संग प्यार कै अशियाथैं। 9 जल्दिये मेरे झोने आन की पूरी कोसिस करौ। 10 देमास कै जो वर्तमान युग से प्रेम हुई गौ है और बौ मोकै छोड दई, थिस्सलुनीके के ताहीं चलो गौ, और केसेन्स गलातिया कै और तीतुस दलमतिया कै चलो गौ। (aiōn g165) 11 सिर्फ लूका मेरे संग है, मरकुस कै अपने संगे लैया, काहेकि बौ सेवा के काम मैं मेरी मदत कर सकथै। 12 मैं तुखिकुस कै इफिसस भेजो हौं। 13 जब तुम आबौ, तौ मेरो कोट लियईयो जेकै मैं करपुस के संग तरोआस मैं छोडयाओ रहौं और किताबन कै जो खासकर कै चर्म पत्र से बने हैं। 14 सिकन्दर ठठेरा मेरो भौत नुकसान करी है; जो कुछ बौ करी है बहे से प्रभु बाकै इनाम चुकागो। 15 बाके के खिलाप चौकन्ने रहाबौ, काहेकि बौ बडा बुरे तरीका से हमरे सदेसो को बिरोध करत रहै। 16 जब मैं पहली दफा खुदकै बचानो चाहो तौ, कोइयो मेरे संग नाय ठाडो रहै; सब मोकै छोड दई। परमेस्वर जाकै उनके खिलाप नाय गिराय सकथै! 17 पर प्रभु मेरे संग रहै और मोकै सक्ति दई, जोसे कि मैं सबे गैर यहदिन कै सुनन के ताहीं पूरो सुसमाचार को प्रचार करन मैं काबिल रहौं; और प्रभु मोकै सेरा के मोहों से बचाई। 18 और प्रभु मोकै सब बुराइयन से बचांगे और मोकै अपने स्वर्गिय राज्य मैं सई सलामत लै जांगे। बाकी महिमा हमेसा और हमेसा के ताहीं होबै! आमीन। (aiōn g165) 19 मैं प्रिस्क्विल्ला और अक्विल्ला और उनेसिफुस्स के परिवार कै सुभकामना भेजथौ। 20 एरास्तुस कुरिन्थ मैं रहो, और मैं तुस्फिमस कै मीलेतुस मैं छोड दौ, काहेकि बौ बिमार रहै। 21 सदीं से पहले आन की कोसिस करियो: युबलुस, पुदेन्स, लीनुस और क्लौदिया और सबे मसीह भईय्या तोकै नमस्ते भेज रे हैं। 22 प्रभु तुमरी आत्मा के संग रहबै, परमेस्वर को अनुग्रह और किरपा तुम सबन ऊपर बनी रहाबै।

तीतुस

1 परमेस्वर को सेवक और ईसू मसीह को प्रेरित पौलुस के घाँई से।
मौकै जौ ताहीं चुनो गौ, ताकी परमेस्वर के लोगन के बिस्वास में
और धर्म की सच्चाई के ग्यान में बढ़न के ताहीं मदत करौ। **2**
जौ बिस्वास और ग्यान अनंत जिंदगी की आसा ऊपर टिकी है।
परमेस्वर, जो झूठ नाय बोलथै, हमें समय के सुस्वात से पहले जौ
जिंदगी देन को वादा करी। (aiōnios g166) **3** और अब सई समय में
बौ अपने सुसमाचार में जाकै प्रकट करी। तभई हमरे उद्धारकर्ता
परमेस्वर की आग्या के जरिया मौकै सौपो गौ, ताकी मैं बाको प्रचार
करौ। **4** तीतुस जो मेरो साझा करे भै बिस्वास में मेरो लौड़ा है
बाकै में लिखथौ। कि बौ मेरो सच्को लौड़ा है। और बाकै दऊवा-
परमेस्वर और उद्धारकर्ता ईसू मसीह के घाँई से अनुग्रह और सांति
मिलत रहाबै। **5** मैं तौकै क्रेते में जौ बजह से छोड़कै आओ ताकी तै
बची बातन को सुधार करै और मेरी आग्या के जरिया कलीसिया
में बड़े-बूढ़ेन के चुनै। मेरे निर्देस याद रखै: **6** एक ज्वान आदमी
के निर्देस और निस्कलक होनो चाहिए; बाके झोने एकै बईय्यर
होबै और बाके बालका विस्वासी होमैं, और ना इज्जत खराब बारो
जंगली फ्राँडी और ना ही जिद्दी होबै। **7** काहैकि एक कलीसिया को
अगुवा परमेस्वर के काम को करमचारी होथै, बौ निर्देस, घमंडी,
गुस्सेवाज, पियक्कड़, लालची और मारपीट करन बारो ना होबै।
8 बौ खातिरदारी और जो अच्छो होबै बाकै प्रेम करन बारो होबै।
बौ समझदार, सच्चो, धर्मी, पवित्र, और अनुसासित होबै। **9** जो
भरोसो को बचन है, बौ बाकै मजबूती से पकड़े रहाबै। और जो
सिद्धांत से सहमत है। ऐसो करकै बौ सई सीख से दूसरेन को हौसला
बढ़ागो और संग में जाको बिरोध करन बारोने को मोहों बंद करन
में भी सामर्थी होगो। **10** काहैकि हूँना कइयो लोग हैं, खासकर
के खतना बारो, जो खुद की बकवास से दूसरेन के धोका देथैं। **11**
ऐसनो को मोहों बंद करनो भौत जरूरी है, जे लोग नीच कमाई के
ताहीं गलत बात सिखाएकै घर के घर बिगाड़ देथैं। **12** खुद केता,
नगर के आदमी में से, उन्हाँ को भविष्यवक्ता कही, क्रेते के लोग
हमेसा “झूठ बोलन बारो” जंगली जानवर, पेड़ और कसरी होथैं। **13**
जौ गभाई सच्ची है, जहे बजह से उन्हाँ सखताई से चितौनी दैकै,
कि बे बिस्वास में मजबूत हुई जायें। **14** और ना यहदिन की कथा
कहानियाँ और बे इंसानन के आग्यन में मन नाय लगामैं, जो सच्चाई
के नकारी। **15** सुद्ध इंसानन के ताहीं सब कुछ सुद्ध है, लेकिन भ्रष्ट
अविस्वासी के ताहीं कुछ भी सुद्ध नाय है, बल्किन उनके मन और
बुद्धि दोनों अस्वुद्ध हैं। **16** बे परमेस्वर के जानन को दावा करथैं,
लेकिन अपने काम से बाको इंकार करथैं। बे धिनौनो, आग्या ना
मानन बारो और कोई भी अच्छे काम के काबिल नाय है।

2 लेकिन तैं ऐसी बात सिखा कर जो खरे सिद्धांत से मिलत होबै। **2**
बड़े बूढ़े आदमिन के सयंमी, समझदार और अपने खुद के ऊपर
काबू रखन की बात सिखा; ताकी उनको बिस्वास, प्रेम, और धीरज
में मजबूत होमैं। **3** ऐसिये बर्जुग बईय्यरन के सिखा कि बेऊँ पवित्र
जिंदगी जीमैं। बे ना तौ एक दूसरेन की निंदा करन बारी और ना

दाखरस की गुलाम होमैं। पर बे अच्छी बात सिखान बारी होमैं, **4**
जोसे बे ज्वान बईय्यरन के आग्या दिथैं कि बे अपने लोगा और
बालकन से प्रेम करैं, **5** बे अपने बलबूते खड़ी और सुद्ध, घर को
काम-काज करन बारी, भली और अपने लोगा के अधीन रहन बारी
होमैं, ताकी कोई भी परमेस्वर के बचन की बुराई ना होबै। **6** ऐसिये
ज्वान आदमिन के समझा, कि बे सयंमी बनै। **7** सब बातन में तू खुद
भले काम को नमूना बना; तैरे उपदेस में गंभीर और इमानदार रहै। **8**
ऐसे सब्दन को इस्तमाल करौ जोकी बुराई ना करी जाबै, ताकी हमरे
दुस्मन के हमरी निंदा करन को मौका ना मिलै कि लज्जित होमैं। **9**
सेवकन के समझा, कि बे अपने मालिक के अधीन रहामैं, और सब
बातन में उनके खुस रखै, और पलट के जबाब ना देंमैं। **10** स्यान
ना करै, जाके बजाय पूरी तरह जौ दिखाबौ कि हम अच्छे और
इमानदार हैं, ताकी हम सब हर तरहन से उद्धारकर्ता परमेस्वर के
बचन को से बढ़ामैं। **11** काहैकि परमेस्वर को अनुग्रह सब इंसान के
उद्धार को कारड़ है। **12** और हमैं जौ अनुग्रह चितौनी देथैं, कि हम
अभक्ति और सांसारिक अभिलासा से मन फेरकै जौ युग में संयम,
धार्मिकता और भक्ति से सई जीवन बितामैं; (aiōn g165) **13** जैसो
कि हम बौ आसीस के दिन को इंतजार करथैं जोकी हमैं आसा है,
जब हमरे महान परमेस्वर और उद्धारकर्ता ईसू मसीह की महिमा
दिखाई देगी। **14** बौ खुदके हमरे ताहीं दै दई, हमैं सब अधर्म और
बुराई से बचान के ताहीं हमकै एक सुद्ध इंसान बनान के ताहीं जे जो
खाली बाके हैं अच्छो करन के ताहीं उत्सुक है। **15** जे बातन के पूरे
अधिकार से कह समझा और सिखात रहै। और तौकै कोई दबाय ना
पावै।

3 अपने लोगन के याद दिला कि सासकन और अधिकारिन के
अधीन रहामैं, और उनकी सुनै, हर एक अच्छे काम के ताहीं
तैयार रहामैं। **2** उनसे कह कि कोई की बुराई ना करै, बल्किन सांत
और मिलनसार होमैं और हमेसा सबके संग नम्रता से रहामैं। **3**
काहैकि हम खुद एक बार मूर्ख, आग्या ना मानन बारो और गलत
रहैं। हम सब तरहन की इच्छा और सुख के गुलाम रहैं। हम जो
अपनी जिंदगी, डाह और जलन ऐसी जिंदगी जीत रहैं, और दुसरे
हमसे नफरत और हम उनसे नफरत करत रहैं। **4** लेकिन जब हमरो
उद्धारकर्ता परमेस्वर की दयालुता और प्रेम प्रकट भौ, **5** बौ हमैं
बचाई। हमरे अच्छे और धार्मिक काम के जरिया नाय, बल्किन
बाकी खुद की दया की बजह से बौ हमकै बचाई। पवित्र आत्मा के
जरिया से जो हमैं धोएकै हमैं नया जनम और नई जिंदगी दई। **6**
परमेस्वर हमरो उद्धारकर्ता ईसू मसीह के जरिया हमरे ऊपर पवित्र
आत्मा के बहुतायत से उडेली। **7** ताकी बाके अनुग्रह से हम परमेस्वर
के संग सई रिस्ता में रखे जायें, और अनंत जिंदगी के वारिस बनौ
जोकी हमैं आसा है। (aiōnios g166) **8** जौ एक सच्ची कहाबत है।
मैं चाहथौ कि तुम जे मामलन में खास जोर देबौ, ताकी जो लोग
परमेस्वर में बिस्वास करथैं, बे अच्छे काम करन के ताहीं अपनो
समय दै सकैं, जो सबन के ताहीं अच्छो और जरूरी है। **9** लेकिन
बेबकूफी कानूनी तर्क, परखन की लम्बी सूची, और बे लड़ाई,
झगडा, जो व्यवस्था के बारे में हैं बे सबसे बचै, काहैकि बे बेकार हैं।

10 मतभेद की बजह बनान बरेन कै कम से कम दुई बार चितौनी दे, और उनके झोने ऐसो करन के अलावा कुछ ना है। 11 तुम जानथौ कि ऐसे लोग बेईमान है, और उनके खुद के पाप जौ साबित करथैं कि बे गलत हैं। 12 जब मैं तुमरे झोने अरतिमास और तुखिकुस कै पनारथौ, तौ निकोपुलिस मैं मेरे झोने आन की पूरी कोसिस करियो, काहैकि मैं हनौ जाडो काटन को फैसला करो हौं। 13 वकील जेनास और अपुल्लोस के सफर मैं तू पूरी कोसिस करकै मदत कर, और उनके कोई चीज की कमी ना होबै। 14 हमरे आदमिन की जरूरत पूरी करन के ताही अच्छे काम करन कै सिखाबौ ताकी बे कामयाब बनै। 15 बे सब जो मेरे संग हैं नमस्ते करथैं। बिस्वास के बजह से जो लोग प्यार रखथैं उनके भी नमस्ते कहथैं। तुम सबन के ऊपर अनुग्रह होबै।

1 पौलुस के घाँई से जो ईसु मसीह को कैदी रहै, और भईय्या तीमुथियुस के घाँई से हमरे प्रिय सहकर्मी फिलेमोन, **2** और बहेनिया अफफिया, हमरे संग को सिपईय्या अरखिप्पुस और फिलेमोन के घर मिलन बारी की कलीसिया के नाओं: **3** हमरे दऊवा परमेस्वर और प्रभु ईसु मसीह के घाँई से अनुग्रह और सांति तुमकै मिलत रहबै। **4** भईय्या फिलेमोन, जब भी मैं प्रार्थना करथौं, मैं हमेसा परमेस्वर को धन्यवाद देथौं और तोकै याद करथौं। **5** तेरो बिस्वास जो प्रभु ईसु मैं है और तेरो प्रेम परमेस्वर के पवित्र लोगन मैं है बाके बारे मैं सुन रौ हौं। **6** मैं प्रार्थना करथौं कि, बिस्वास मैं तुमरी सहभागिता हर अच्छी बात के ग्यान के ताहीं असरदार होबै जो मसीह मैं हमरे पास है। **7** काहैकि भईय्या मोकै तेरे प्यार से भौत खुसी और बढ़ावा मिलो है! जहे बजह से तोसे परमेस्वर के पवित्र लोगन के मन हरे भरे हुईगै हैं। **8** काहैकि मोकै मसीह मैं भाई होन के नाते बड़ो साहस है कि मैं सई बात करन के ताहीं मैं तोकै आग्या दै सकथौं। **9** लेकिन मैं तोकै प्रेम करथौं इसलै मैं तोसे नहोरे करथौं। जौ मैं बिनती कर रौ हौं जाके बावजूद कि मैं पौलुस मसीह ईसु को राजदूत हौं और बाके ताहीं हालात मैं मौजूदा कैदी भी हौं। **10** उनेसिमस जो मसीह मैं मेरो लौड़ा है, बाके ताहीं मैं जौ नहोरे तोसे कर रौ हौं; काहैकि जब मैं कैदखाना के बंधन मैं रहौं तभई मैं बाको आत्मिक दऊवा बनो। **11** बौ तौ अगु तेरे कोई काम को ना रहै, पर अब बौ तेरे और मेरे दोनों काम को है। **12** बहैके जो दिल को टुकड़ा है, मैं तोकै लौटाय दो हौं। **13** बाकै मैं अपने झोने रखनो चाहत रहौं कि बौ तेरे घाँई से जब तक कैदखाना के बंधन मैं सुसमाचार की बजह से है, मेरी मदत करै। **14** पर मैं तेरी इच्छा के बिना कुछ भी करनो नाय चाहो, ताकी जौ तेरो अच्छो काम दबाब से नाय पर दिल से होबै। **15** काहैकि का पता जहे बजह से उनेसिमस कुछ समय के ताहीं अलग भौ कि बौ फिर अनंतकाल के ताहीं तेरे झोने रहबै। (aiōnios g166) **16** काहैकि अब बौ सिरफ दास नाय बल्कि दास से भी अच्छो मसीह मैं प्रिय भईय्या है। इंसान होन के नाते और प्रभु मैं भईय्या होन के नाते बौ तेरो और जाधे मायने रखैगो। **17** और अगर तू मोकै सहभागी समझथै, तौ बाकै ऐसे अपनाय ले जैसे मोकै। **18** अगर बौ तेरे संग कुछ अन्याय करी है, या तेरो कुछ कर्जा है, तौ बाकै मेरे नाओं मैं लिख लिये। **19** मैं पौलुस अपने हाथ से लिखथौं कि मैं अपने आप भर देंगो: और जासे कहेन की जरूरत नाय है कि जोके ऊपर मेरो कर्जा है बौ तहीं है। **20** तौ हे मेरे प्रिय भईय्या, प्रभु के ताहीं और मसीह मैं तेरो भईय्या होन के नाते किरपा करकै जे अच्छी बातें मेरे ताहीं कर, और मेरे दिल के हरो भरो कर दे। **21** मोकै यकीन है, जैसो कि मैं जौ लिखथौं, कि तुम बहे करैगे जौमैं पूछथौं, सच्ची मैं मोकै यकीन है, कि तुम और भी बासे जाधे करैगे। **22** और मेरे रहन की जघा तैयार रख मोकै आसा है कि तुमरी प्रार्थना से मैं तुमकै सौंप जांमंगो। **23** इपफ्रास जो ईसु मसीह ताहीं मेरे संग कैदी है, तोकै अपनो नमस्ते भेजथै, **24** मरकुस और अरिस्तर्खुस,

इब्रानियों

1 पुराने समय मैं परमेस्वर पुरखन से निरे दौब और अलग-अलग तरीकन से भविष्यवक्तन के जरिया बात करी, **2** पर आखरी दिनन मैं बौ हमसे लौडा के जरिया बात करी है, जोकै परमेस्वर सबै चीजन को वारिस होन के ताही चुनी है। और बौ सब चीजन को वारिस ठहराई, बहे के जरिया बौ पूरो युग भी बनाई। (aiōn g165) **3** बौ परमेस्वर की महिमा को उजियारो और बाके तत्व की छाप है, और सब चीजन कै अपनी सामर्थ्य के बचन से सम्भालथे: बौ पापन कै धोकै महान परमेस्वर के दहने जाए बैठो। **4** लौडा के स्वर्गदूतन से उतनोई महान ठहराओ गौ, जितनो भी उनसे बडे पद को वारिस हुईकै महान नाओं पाई। **5** काहैकि स्वर्गदूतन मैं से परमेस्वर कब कोई से कही, “तू मेरो लौडा है; आजै मैं तेकै जन्माओ हौं।” और न ही परमेस्वर कोई स्वर्गदूत के बारे मैं जौ कही, “मैं बाको दऊवा होंगो, और बौ मेरो लौडा होगो?” **6** और जब परमेस्वर पहलोठे कै दुनिया मैं लाथै, तौ कहथै, “परमेस्वर के सब स्वर्गदूत बाकी आराधना करै।” **7** और स्वर्गदूतन के बारे मैं परमेस्वर जौ कहथै, “परमेस्वर अपने स्वर्गदूतन के आत्मा, और अपने सेवकन के धकत भइ आगी बनाथै।” **8** लेकिन लौडा के बारे मैं परमेस्वर कहथै, “हे धर्मी परमेस्वर, तेरो सिंहासन हमेसारेहगो, तेरे राज्य को राजदंड न्याय को राजदंड है। (aiōn g165) **9** तू धार्मिकता से प्रेम और अधर्म से बैर रखो; जहे के मारे परमेस्वर, तेरो परमेस्वर, तेरे संग बारेन से बढ़ाये कै खुसी रूपी तेल से तेरो अभिसेक करी।” **10** और जौ कि, “हे प्रभु, सुस्वात मैं तू पृथ्वी की बुनियाद डारो, और स्वर्ग तेरे हातन की कलाकारी है। **11** बे तो खतम हुई जामगे; लेकिन तैं हमेसारेहगो और बे सब लता के हानी पुराने हुई जामगे। **12** और तू उनके चढ़र के हानी लपेटेगो, और बे लता के हानी बदल जामगे; पर तैं बहे है और तेरी जिंदगी कहू खतम नाय होथै।” **13** परमेस्वर अपने स्वर्गदूतन मैं से कोई से कहू भी कही होबै, “तू मेरे दहने बैठ, जब तक कि मैं तेरे बैरियन कै तेरे पोंव के तेरे की चौकी न कर दियौ?” **14** का बे सब परमेस्वर की सेवा करन बारे स्वर्गदूत की आत्मा नाय है; जो उद्धार पानबारे की सेवकाई करन के ताहीं पनारे जाथै?

2 जहेमारे जो सच्चाई हम सुने हैं, कि हम बे बातन मैं जाधे ध्यान दिथै, ऐसो न होबै कि बहक कै उनसे दूर चले जायें। **2** काहैकि जो बचन स्वर्गदूतन के जरिया कहो गौ रहे, जब बौ टिको रहो और हर एक गलत काम और आग्या न मानन को सई-सई बदला मिलो जोके बे लायक है। **3** तौ आपन सब जनी ऐसे बडे उद्धार से बिना खटके कैसे रह सकथै? जोकी बातचीत पहले-पहलान प्रभु के जरिया भइ, और सुनन बारेन के जरिया हमकै बिस्वास भौ। **4** और सगै परमेस्वर भी अपनी इच्छा के अनुसार चिन्ह चमत्कार के अचम्मे काम, निर तरह के सामर्थ्य के काम और पवित्र आत्मा के वरदानन कै बॉटन के जरिया जाकी गभाई देत रहो। **5** परमेस्वर, बौ आनबारी दुनिया के जोकी बात हम कर रै हैं, स्वर्गदूतन के हात न करी। **6** जाके बजाय जैसो की साझ मैं कहूँ पर कहो गौ है, “इंसान

का है, कि तू बाकी खबर लेथै? या इंसान को लौडा का है, कि तू बाके ऊपर नजर करथै? **7** तू बाकै स्वर्गदूतन से थोडिये कम करो; तू बाके ऊपर महिमा और आदर को मुकुट रखो और बाकै अपने हातन के कामन मैं अधिकार दौ। **8** तू सब कछु बाके पोंए तेरे कर दौ।” जहेमारे जब कि बौ सब कछु बाके अधीन कर दई, तौ बौ कुछ भी न रख छोडी, जो बाके अधीन न है। पर हम अब तक सब कछु बाके अधीन नाय देखथै। **9** पर हम ईसु कै जो स्वर्गदूतन से थोडिये कम करो गौ है, मौत को दुख उठान के बजह से महिमा और आदर को मुकुट पहने भै देखथै; ताकी परमेस्वर के अनुग्रह से बौ हर एक इंसान के ताहीं मौत को स्वाद चखै। **10** काहैकि जोके ताहीं सब कछु है, और जोके जरिया सब कछु है, बाकै जहे अच्छो लोगो कि जब बौ भौत से लौडन के महिमा मैं पहोंचावै, तौ उनके उद्धार करन बारे कै दुख उठान के जरिये सिद्ध करै। **11** काहैकि पवित्र करन बारो और जो पवित्र करे जाथै, सब एकै मूल से है, मतलब परमेस्वर, जहे के मारे ईसु उनके भईय्या कहेन से नाय सरमाथै। **12** लेकिन बौ परमेस्वर से कहथै, “मैं तेरो नाओं अपने भईय्यन के सुनांगो, मैं सभा के बीच मैं तेरो गाना गांमंगो।” **13** बौ जहो कहथै, “मैं बाके ऊपर भरोसा रखंगो।” और बौ जहो कहथै, “देख, मैं बे बालकन के संग हौं जोके परमेस्वर मोकै दई है।” **14** जहेमारे जब कि बालका मास और खून के भागीदार हैं, तौ ईसु खुद भी उनके तरह उनको सहभागी हुई गौ; ताकी मौत के जरिया बाकै जोके मौत ऊपर सक्ति मिली रहै, मतलब सैतान कै निकम्मो कर देबै, **15** और जितने मौत के डर के मारे जिंदगी भर दास बने भै रहे, उनके छुडाय लेबै। **16** काहैकि बौ तौ स्वर्गदूतन के नाय बल्कि अब्राहम के बंस के संभालथै। **17** जहेमारे बाकै जस्री रहै, कि सब बातन मैं अपने भईय्या-बहेनियन के जैसे बनै; जोसे बौ बे बातन मैं जो परमेस्वर से जुडी भइ है, एक दयालु और बिस्वास के लायक बडो पुजारी बनै ताकी लोगन के पापन के ताहीं पछतावै। **18** काहैकि जब बौ परिकछा की घडी मैं भी दुख उठाई, तौ बौ उनकी भी मदद कर सकथै, जिनकी परिकछा होथै।

3 जहेमारे, हे पवित्र भईय्यो और बहेनियौ, तुम जो स्वर्गिय बुलावा के भागीदार हौ, बौ प्रेरित और बडे पुजारी ईसु के ऊपर ध्यान करौ। **2** बौ अपने परमेस्वर के प्रति भरोसेमंद रहे, जो बाकै जौ काम करन के ताहीं चुनी रहै, ठीक बैसोई जैसो मूसा भी परमेस्वर के घर मैं अपने काम मैं भरोसेमंद रहै। **3** काहैकि ईसु मूसा से इतनो बढ़कै महिमा के लायक समझो गौ है, जितनो की घर बनानबारो घर से बढ़कै आदर पाथै। **4** काहैकि हर एक घर के कोई न कोई बनानबारो होथै, लेकिन जो सब कछु बनाई बौ परमेस्वर है। **5** मूसा तौ परमेस्वर के पूरे घर मैं सेवक के तरह भरोसेमंद रहो, कि जिन बातन को वर्डन आनबारे समय मैं हीन बारो रहै, उनकी गभाई दिथै। **6** लेकिन मसीह लौडा के जैसी परमेस्वर के घर को अधिकारी है, और बाको घर हम है, अगर हम हिम्मत मैं, और अपनी आसा के घमंड मैं आखरी तक मजबूती से बिस्वास मैं टिके रहे। **7** जहेमारे जैसो पवित्र आत्मा कहथै, “अगर आज तुम बाकी अबाज सुनौ, **8** तौ अपने मन के कठोर मत करौ, जैसो कि तुमरे बडे-बूढे परमेस्वर

से बलवा करन के समय करी रहै, जैसी जब बौ दिन बे बन में रहै, दुईधारी तलवार जो फ्राँड, आत्मा, गॉंठी-गॉंठी और गूदा-गूदा के जब बे बाकी परिकछा लई। 9 परमेस्वर कहथै जितै बे मोकै जाँची और परखी और चालीस साल ले मेरे काम देखी। 10 जहे के मारे मैं बे लोगन से गुस्सा रहौ, और कहो, ‘इनके मन हमेसा भटकत रहथै, और जे मेरे रहा और मेरी आग्या के नाय मानी।’ 11 तौ मैं गुस्सा मैं आए के कसम खाओ, ‘बे बौ जघा मैं कहू ना पौहौंच पांगे, जितै मैं उनके आराम तौ।’ 12 हे भईय्यो, चहाचीत रहबौ, कि तुम मैं ऐसो बुरो और अविस्वासी मन न होबै, जो जिंदे परमेस्वर से दूर हुई जाबौ। 13 बल्कि पवित्र साख्र मैं जो दिन आज को दिन कहो जाथै, हर दिन एक दूसरे के समझानो चाहिए, ऐसो नाय होबै, कि तुम मैं से कोई आदमी पाप के धोका मैं आए के कठोर हुई जाबै। 14 काहैकि हम मसीह के भागीदार भै हैं, अगर हम अपने पहले बिस्वास मैं आखरी ले मजबूती से टिके रहमैं। 15 जैसो साख्र कहथै, “अगर आज तुम परमेस्वर की अबज सुनौ, तौ अपने मन के कठोर मत करौ, जैसो कि तुमरे पुरखा परमेस्वर से बलवा करन के समय करी रहै।” 16 बे लोग कौन रहैं जो परमेस्वर की अबज सुनी और बाके विष्ट बलवा करी? का बे सब नाय जो मूसा के जरिया मिस्र से निकरे रहैं। 17 और बौ चालीस साल तक कौन लोगन से गुस्सा रहो? का उन्हई से नाय, जो पाप करी, और उनके सरिर बन में पड़े रहे? 18 और बौ कौन से कसम खाई, कि तुम मेरे आराम मैं नाय घुस पागे: खाली उनसे जो-जो आग्या न मानी? 19 जौ तरह हम देखथैं, कि बे अविस्वास के बजह से बौ देस मैं घुस नाय सकै।

4 तभई जबकी बाके विसराम मैं घुसन को वादा अब तक है, तौ हमकै डरनो चाहिए; ऐसो नाय होबै, कि तुम मैं से कोई आदमी बासे अलग रह जायैं। 2 काहैकि हमैं उन्हई के जैसी सुसमाचार सुनाओ गौ है, लेकिन सुने भै बचन से उनके कछु फायदा न भौ; काहैकि सुनन बारेन के मन मैं बिस्वास के संग नाय बैठौ। 3 और हम जितने बिस्वास करे हैं, बौ आराम के पाथै; जैसो बौ कही, “मैं अपने गुस्सा मैं कसम खाओ, कि बे मेरे आराम मैं घुस नाय पांगे।” बे जहो कही कि दुनिया की उत्पत्ति के समय से बाके काम हुई चुके हैं। 4 काहैकि सातवें दिन के बारे मैं बौ कहैं पर ऐसो कही है, “परमेस्वर सातवें दिन अपने सब कामन के निपटाए के आराम करी।” 5 और जौ जघा फिर ऐसो कहथै, “बे मेरे आराम मैं घुस नाय पांगे।” 6 तौ जब जौ बात बाकी है कि कितने और हैं जो बौ आराम मैं घुसैं, और इस्राएलिन के, जिनके बाको सुसमाचार पहले सुनाओ गौ, बे आग्या न मानन के बजह से बायें घुस नाय पाई। 7 तभई परमेस्वर एक दिन मतलब “आज को दिन” ठहराएकै दाऊद की किताब मैं, जैसो कहो गौ है, “अगर आज को दिन बाको सब्द सुनौ, तौ अपने मन के कठोर मत करौ।” 8 अगर यहोसू उनके आराम करन बारी जघा मैं लै जातो, तौ दुसरे दिन की कोई बातचीत न होती। 9 तभईये जान लियौ कि परमेस्वर के लोगन ताहीं साबत को दिन बाकी है। 10 जो कोई भी बाके विसराम मैं गौ है, बौ भी परमेस्वर के अगु अपने काम के पूरो करकै विसराम करी है। 11 जहे ताहीं हम बौ विसराम मैं घुसन के ताहीं कोसिस करैं, ऐसो न होबै, कि कोई उनके हानी आग्या न मानकै गिरै। 12 परमेस्वर को बचन जिंदो, मजबूत, और

दुईधारी तलवार जो फ्राँड, आत्मा, गॉंठी-गॉंठी और गूदा-गूदा के अलग करकै सबै तरहन से काटथै, और जहाँ मन, आत्मा मिलथै बौ मन की इच्छा और बिचारन के जौंचन मैं सकछम है। 13 ऐसो कुछ भी न है जो परमेस्वर से छिपाओ जाए सकथै; पूरी दुनिया मैं सब कुछ उजागर है, और बाकी आँखी के अगु सबै चीज खुली हैं। और जौ बहे के ताहीं है जो हमैं सबन के अपनो-अपनो हिसाब देने है। 14 तौ हम बौ बिस्वास के मजबूत से पकड़थैं जोकै हम मानथैं। काहैकि हमरे झोने एक महान बड़ो पुजारी है जो परमेस्वर के झोने स्वर्ग मैं गौ है, परमेस्वर को लौडा ईसु। 15 हमरो महान बड़ो पुजारी बौ ना है जो हमारी कमजोरी मैं सहानुभूति महसूस कर पाबै। इनकी जघा मैं हमरे झोने एक महान बड़ो पुजारी है, जोकी हर तरहन से परिकछा भइ लेकिन बौ पाप नाय करी। 16 तभई आबौ, हम अनुग्रह के सिंहासन के झोने हिम्मत भौंदकै चलैं, कि हमरे ऊपर दया होबै, और बौ अनुग्रह पायैं, जो जरूरत के समय हमरी मदद करै।

5 हर एक बड़ो पुजारी अपने संगी लोगन मैं से चुनो जाथै, और बाकै परमेस्वर से जुड़े भै मामलेन मैं लोगन को प्रतिनिधित्व करन के ताहीं, पापन के ताहीं भेंट और बलिदान चढ़ान के ताहीं चुनो जाथै। 2 बौ अग्यानी और भूले भटकन के संग नमी से पेस आन मैं सकछम है, काहैकि बौ खुदें कई मायनेन मैं कमजोर है। 3 जहे बजह से जौ जरूरी हुई जाथै कि बौ लोगन के ताहीं बल्कि अपने ताहीं भी पापन को बलिदान चढ़ाय करै। 4 कोई भी अपने आप बड़ो पुजारी होन को सम्मान नाय चुनथै। सिरफ परमेस्वर के बुलावे सेई एक आदमी के बड़ो पुजारी बनाओ जाथै, जैसे हास्न रहै। 5 बैसिये मसीह भी बड़ो पुजारी बनन को सम्मान अपने ऊपर नाय लई, जाके बजाय, परमेस्वर बासे कही, “तू मेरो लौडा है; आज मैं ही तोकै जन्माओ हौ।” 6 ऐसिये बौ दुसरी जघा मैं कहथै, “तू मेलिकिसिदक की रीति मैं हमेसा के ताहीं पुजारी है।” (aiōn g165) 7 जब ईसु पृथ्वी मैं सरिर की अवस्था मैं रहै, बौ अपनी जिंदगी मैं परमेस्वर से प्रार्थना और बिनती आँसु बहाएकै करी, जो बाकै मौत से बचाए सकत रहै। लेकिन बौ विनम्र और समर्पित रहै, तभई परमेस्वर बाकै सुनी। 8 लौडा होने के बाबजूद भी बौ दुख उठाए-उठाएकै आग्या मानन सीखो। 9 और सिद्ध बनकै अपने सब आग्या मानन बारेन के ताहीं अनंत उद्धार को सोता बन गौ। (aiōnios g166) 10 और बाकै परमेस्वर के घाँई से मेलिकिसिदक की रीति मैं बड़ो पुजारी को पद मिलो। 11 हमैं बाके बारे मैं भौत बातें कहनी है, लेकिन तुमके समझनो मुश्किल है; काहैकि तुम ऊँचो सुनन लागे हौ। 12 तुमके अबले तौ गुस्की बन जानो चाहिए रहै। फिर भी जौ जरूरी ही गौ है कि कोई तुमके परमेस्वर को बचन की सुस्वाती सिक्छा दुबारा से सिखाए। तुम तौ ऐसे बन गै हौ कि अन्न के बदले दूद की जरूरत है। 13 जो कोई भी दूद पीथै, बौ हबै भी बालक है बाकै न्याय के मामले की कोई पहचान ना है। 14 पर अन्न स्थानो के ताहीं है, जिनकी इन्द्रियों अभ्यास के जरिया भले-बुरे की पहचान करन मैं सकछम है।

6 तौ आबौ हम अगु बढै, परिपक्व सिक्छा के ताहीं और मसीह संदेस के पहले पाठन के छोड़ देंमैं। हमैं फिर से बेकार के कामन

से मन फिरनो और परमेस्वर के ऊपर बिस्वास करन की बुनियाद न रखनो चाहिए; 2 बपतिस्मा और हात रखन की, और मरे भैन के पुनरुत्थान और अनंत न्याय के बारे में सिक्छा मत दियो। (aiōnios g166) 3 चलो अगु बढ्थै! अगर परमेस्वर जैसो चाहगो तौ हम बैसिये करंगे। 4 जो लोग अपने बिस्वास के छोड़ देथैं, उनके दुबारा पश्चाताप करन के ताहीं कैसे लाओ जाए? बे पहले परमेस्वर के उज्जीते में रहें; बे स्वर्गिय दान को सुआद चर्खी और पवित्र आत्मा के भारीदार बने। 5 बे अनुभव से जानत रहैं कि परमेस्वर को बचन अच्छो है, और बे आनबारे युग के अचम्मे काम के महसूस करी रहैं। (aiōn g165) 6 और फिर बे अपनो बिस्वास छोड़ दई। उन्हें मन फिरान के ताहीं दुबारा से नया बनानो नामुमकिन है, काहेकि बे अपने ताहीं परमेस्वर के लौड़ा के दुबारा क्रूस में टाँगथैं, और खुलेआम बाकी बेजती करथैं। 7 जो जमीन बार-बार होन बारी बरखा को पानी पीथैं और जोतन-बोन बारेन के ताहीं साग-पात उपजाथैं, बौ परमेस्वर की आसीस पाथैं। 8 पर अगर बौ काटेदार झाड़ी और ऊँटकटार उपजाबैं तौ बौ निकम्मी और घापित होन की कगार में है, और बाकै आखरी में जलाओ जाने है। 9 लेकिन प्रिय दोस्तो, भलेई हम जौ तरीका से बोलथैं, तहँओ हम तुम्हारे बारे में पक्का जानथैं कि तुम्हारे झोने अच्छी आसीस है, जो तुम्हारे उद्धार से जुड़ी बातन में भरसा करथैं। 10 परमेस्वर अधर्मी नाथ है। जो तुम करे रहौ या तुमरे जरिया करी गई सेवा में तुम बाके ताहीं जो प्रेम दिखाए रहौ और अभऊ पवित्र लोगन के देरै हौ, बौ बे कामन के नाथ भलैगो। 11 हमारी भौत इच्छा है कि तुम में से हर एक आखरी ले बढावा से रहियो, ताकी जिन बातन की तुम आसा करथौ बे पूरी होमैं। 12 हम ना चाहथैं कि तुम आलसी बनौ, बल्कि उन लोगन के हानी बनौ जो बिस्वास करथैं और धीरज धरन बारे हैं, और ऐसे करकै परमेस्वर जो वादा करी है बाकै पाबौ। 13 परमेस्वर जब अब्राहम से वादा करी तौ कसम खान के ताहीं बाके सामने खुद से बड़ो और कोई न रहे, इसलै बौ अपनिए नाओं से जौ कसम खाई, 14 बौ कही, “मैं तोसे वादा करथौ, कि मैं तोकै आसीस देगो, और तेरे बंस के बढात जांगो।” 15 अब्राहम धीरज धरन बारो रहै, इसलै बौ, बौ सब पाय लई जो परमेस्वर बासे वादा करी रहै। 16 जब लोग कोई कसम खाथैं, तौ अपने से बड़े कोई को नाओं लैकै कसम खाथैं, और कसम खान से पूरी बहस बाजी सुलझ जाथै। 17 परमेस्वर भी खुदकै एक कसम के संग भाँदी, ताकी जो लोग वादा के पाई हैं बे पूरी तरहन से संतुष्ट हई सकैं कि बौ अपनो मन कह ना बदलैगो। 18 इसलै परमेस्वर अपनो वादा और अपनी कसम दोनों दई है। जे दुई चीजें कह ना बदलन बारी हैं काहेकि परमेस्वर के ताहीं झूठ बोलनो असंभव है। इसलै हम जो बाके संग सुरक्छा पाए हैं, हमरे सामने रखी आसा के मजबूती से पकड़न के ताहीं भौत उत्साहित होथैं। 19 हमरे पास जौ आसा हमारी जिंदगी के ताहीं एक लंगर के रूप में है। बौ सुरक्छित और पक्को है, और स्वर्गिय मंदिर के परदा से होत भै भीतरी पवित्र स्थान में जाथै। 20 हमारे घाँई से ईसु हमसे पहले हँआँ गौ, और मेलिकिसिदक की रीति से हमेसा के ताहीं बड़ो पुजारी बनो। (aiōn g165)

7 जौ मेलिकिसिदक सालेम को राजा, और परमप्रधान परमेस्वर को पुजारी रहै, जब अब्राहम बौ लड़ाई से लौटत रहै जायें बौ चार राजन के हराई रहै, बासे मेलिकिसिदक मिलो और बाकै आसीस दई, 2 और अब्राहम जो कछु लई रहै बाको दसमों भाग बाकै दई। मेलिकिसिदक नाओं को पहलो मतलब “धार्मिकता को राजा” है; और बौ सालेम को राजा रहै, बाके नाओं को मतलब “सांति को राजा” भी है। 3 मेलिकिसिदक की अईय्या-बाबा या बाके बुजुर्गन में से कोई के बारे में नाथ लिखो है; बाके जनम या बाकी मौत को कोई लेखा नाथ है। बौ परमेस्वर के लौड़ा के जैसो है; बौ हमेसा के ताहीं पुजारी ठहरो है। 4 तौ तुम देखो, बौ कितनो महान रहै। अब्राहम, हमरो प्रसिद्ध पुरखा, बाकै युद्ध में मिले सबको दसमों भाग दई। 5 लेवी के बालकन में से जो पुजारी को पद पाथैं, उनके आग्या मिली है, कि लोगन, मतलब अपने भईय्यो से चाहे, बे अब्राहम के ही सररी से काहे न जनमें होयें, नियम के अनुसार दसमों भाग लिथैं। 6 मेलिकिसिदक लेवी को बंसज नाथ रहै, लेकिन बौ अब्राहम से दसमों भाग इखटो करी और बाकै आसीस दई, जो परमेस्वर के वादा के पाई रहै। 7 जायें कोई संका ना है कि जो आसीस देथे बौ आसीस लेन बारे से बड़ो होथे। 8 पुजारी के मामले में दसमों भाग मरन बारे लोगन के जरिये इखटो करो जाथै; पर मेलिकिसिदक के बारे में दसमों भाग बाके जिंदे रहेन बारे के जरिये गभाई दई गई, जैसो पवित्र साङ्ग में कहो गौ है। 9 तौ हम जहो कह सकथैं, कि लेवी भी, जो दसमों भाग लेथैं, अब्राहम के जरिये दसमों भाग भुगतान करी। 10 काहेकि लेवी हबै जनमो ना रहै, पर जब मेलिकिसिदक बासे मिलो, तौ बौ अपने पुरखा अब्राहम के सररी में रहै। 11 तौ अगर लेवी पुजारी पद के जरिया सिद्ध हई सकथै (जोके सहारे से लोगन के नियम मिली रहै) तौ फिर का जरूरत रहै, कि दुसरो पुजारी मेलिकिसिदक की रीति में ठाड़ै, और हासून की रीति को न कहलबै? 12 काहेकि जब पुजारी को पद बदलो जाथै? तौ नियम को भी बदलनो जरूरी है। 13 जोके बारे में जे बातें कही गई हैं, बौ दूसरे गोत्र को रहै, और बौ गोत्र में से कोई भी पुजारी बनकै बेदी की सेवा में भाग ना लई। 14 तौ साफ है, कि हमरो प्रभु यहूदा के गोत्र में से निकरो है और जौ गोत्र के बारे में मूसा पुजारी पद की कछु बात ना करी। 15 हमरो दाबा और भी अच्छे से दिखाई दै जाथै, जब मेलिकिसिदक के जैसो एक और पुजारी जनम लेन बारो रहै। 16 बौ इंसानी नियमन और विनियमन आग्या के जरिया नाथ बल्कि अविनासी जिंदगी की सक्ति के आधार पर पुजारी बन गौ है। 17 काहेकि पवित्र साङ्ग में बाके बारे में जौ गभाई दई गई है, “तैं मेलिकिसिदक के रीत के अनुसार हमेसा के ताहीं पुजारी ठहरेगो।” (aiōn g165) 18 तौ पुराने नियम की आग्या के छोड़ दी जाथै, काहेकि जौ कमजोर और बेकार रहै। 19 मूसा को नियम भी साबित नाथ कर सकत रहै। इसलै बाकी जघा में एक बहेतर आसा दई गई है जोके जरिया हम परमेस्वर के झोने आथैं। 20 जोके अलावा, परमेस्वर की कसम भी है। जब दूसरेन के पुजारी बनाओ गौ रहै तौ ऐसी कोई कसम ना रहै। 21 पर ईसु कसम के जरिया पुजारी बन गौ, जब परमेस्वर बासे कही, “प्रभु कसम खाई है और बौ अपनो मन ना बदलैगो: ‘तैं हमेसा के ताहीं पुजारी है।’” (aiōn g165) 22 इसलै जौ

अंतर, ईसु के एक बहेतर वाचा की गारंटी भी देखें। 23 बे तौ भौत से पुजारी बनत आए, जाकी बजह जौ रहै कि मौत उन्हें रहने ना देत रहै। 24 लेकिन ईसु हमेसा जिंदो रहथै; जौ बजह से बाको पुजारी को पद अटल है। (aiōn g165) 25 जौ बजह से बाके जरिया परमेस्वर के झोने आथैं, बौ उनको पुरो-पुरो उद्धार कर सकथैं, काहैकि बौ उनके ताहीं प्रार्थना करन ताहीं हर हमेसा जिंदो है। 26 काहैकि ऐसोई बडो पुजारी हमरे लायक रहै, जो पवित्र, और कपट न करन बारो और निरमल, और पापिन से अलग, और स्वर्ग से भी ऊँचो करो गौ होबै। 27 और बे बडे पुजारिन के जैसी बाकै जरूरी नाय है कि रोजाना पहले अपने पापन के और फिर लोगन के पापन के ताहीं बलिदान चढ़ावै; काहैकि बौ अपने आपकै बलिदान चढ़ाथकै बाकै एके बार निपटाए दई। 28 काहैकि मूसा को नियम तौ कमजोर आदमिन के बडो पुजारी बनाथै; लेकिन बौ कसम को बचन जो नियम के बाद खाई गई, बौ लौडा के चुनथै जो हमेसा के ताहीं सिद्ध करो गौ है। (aiōn g165)

8 हम जो कहँ हैं, बाको पुरो मतलब जौ है कि हमरे झोने एक ऐसो बडो पुजारी है, जो स्वर्ग में महान परमेस्वर के सिंहासन के दहने पाँई बैठथै। 2 बौ पवित्र जघा में बडे पुजारी सेवक के रूप में काम करथै, मतलब बौ सच्चे तम्बु के जोकै कोई आदमी नाय, बल्कि प्रभु ठडबाई रहै। 3 हर एक बडे पुजारी के भेंट और जानवर की बलि चढ़ान के ताहीं चुनो जाथैं, जौ बजह से जरूरी है, कि बडे पुजारी के झोने भी कछु चढ़ान के ताहीं होनो चाहिए। 4 और अगर मसीह पृथ्वी में होतो, तौ कहए पुजारी नाय होतो, काहैकि ऐसे पुजारी तौ हैं जो यहूदी नियम के हिसाब से भेंट चढ़ाथैं। 5 बे एक ऐसे पुजारी के रूप में आराधना करथैं बौ बास्तव में स्वर्ग में जो कुछ है बाकी एक नकल और खाली छाया है। जौ बेसोई है जैसो मूसा के संग रहै। जब बौ पवित्र तम्बु के बनानबारो रहै, तौ परमेस्वर बासे कही, “सब कछु बौ नमूना के हिसाब से बनइये जो तोकै पहाड में दिखाओ गौ रहै।” 6 पर अब, ईसु के पुजारिन से बढ़कै सेवा मिली है, ठीक बेसिये जैसे बौ वाचा जो बौ परमेस्वर और बाके लोगन के बिचवई में भाँदी गई रहै बौ एक बहेतर वाचा है, काहैकि जौ बहेतर नियम की वाचा पर आधारित है। 7 अगर बौ पहली वाचा बेकसूर होती, तौ दुसरी वाचा की कोई जरूरत नाय होती। 8 लेकिन परमेस्वर अपने लोगन में गलती पाथै तौ बौ कहथै, “प्रभु कहथै, बे दिन आए हैं, जब मैं इस्राएलियन और यहूदियन के लोगन के संग एक नई वाचा भाँदंगो। 9 जौ बौ वाचा के जैसी ना होगी जौमें उनके पुरखन के संग भाँदो रहों जब मैं उनको हाथ पकड़कै उनकै मिस्र देस से बाहर निकार लाओ। बे बौ वाचा के ताहीं बिस्वास के काबिल न रहैं, जौमें उनके संग करो रहों, और जौ बजह से मैं उनसे दूर हूँ गौ, प्रभु को जहे कहनो है। 10 फिर प्रभु कहथै, कि जो वाचा मैं बे दिन के बाद इस्राएल के लोगन से भाँदंगो, बौ जौ है, कि मैं अपनी नियम के उनके मन में डारंगो और बाकै उनके दिलन में लिखंगो। और मैं उनको परमेस्वर बनंगो, और बे मेरे लोग होंगे। 11 और उनमें से कोई के भी अपने दोस्तन के सिखान या अपने पड़ोसियन के बतान की जरूरत ना पड़ेगी, कि तुम ‘प्रभु के जानौ’ काहैकि छोटे से लैंकै

बडे तक सब मौकै जान लेंगे। 12 काहैकि मैं उनके अधर्म के बारे में दयावान होंगो, और उनके पापन के फिर याद नाय करंगो।” 13 परमेस्वर नई वाचा की बात करकै पहली वाचा के पुरानो करी; और जो कुछ भी पुरानो और घिसो-पिटो हुई जातै, बौ जल्दिये मिट जाथै।

9 पहली वाचा में भी सेवा के नियम रहैं; और आराधना के ताहीं पृथ्वी में पवित्र जघा भी रहै। 2 काहैकि एक तम्बु बनाओ गौ, पहले तम्बु में डीट, मेज, और भेंट की रोटी परमेस्वर के चढ़ाई गई रहैं और बौ पवित्र जघा के नाओं से जानो जात रहे। 3 और दूसरे परदा के पिच्छू बौ तम्बु रहै, जो परम पवित्र जघा के नाओं से जानो जात रहे। 4 बायें सोने की धूपदान, और पूरो सोने से मढो भौ वाचा को बक्सा और जायें मन्ना से भरो भौ सोने को घड़ा और हासून की छड़ी जायें फल फूल आए गै रहैं और उनमें लिखी आग्यन के संग पथरा की दुई पट्टी रहैं। 5 बक्सा के ऊपर परमेस्वर की मौजूदगी में महिमा करन बारे प्रॉडि जिनके पखमा रहैं, उनके पखमा बौ माफी की जघा ले फैले रहैं, जितै पाप माफ करे जात रहैं। लेकिन हबै इनके बारे में एक-एक करकै बतान को समय ना है। 6 जे चीज जौ तरीका से तैयार हुई चुकी, बौ पहले तम्बु में तौ पुजारी हर समय घुसकै सेवा के काम पूरे करथैं, 7 लेकिन दुसरे में बस बडो पुजारी साल भर में एके बार जाथै; और बिना खून लैंकै नाय जाथै; जोकै बौ अपने ताहीं और लोगन की भूल चूक के ताहीं चढ़ाथैं। 8 जासे पवित्र आत्मा जहे दिखथै, कि जब तक पहलो तम्बु ठाडो है, तब ले पवित्र जघा को रस्ता साफ नाय भौ है। 9 और जौ तम्बु तौ आज के समय के ताहीं एक कहानी है; जायें ऐसी भेंट और बलिदान चढ़ाय जाथैं, जिन्से आराधना करन बारेन के मन सिद्ध नाय होबै सकथैं। 10 काहैकि जे खाली खान-पीन बारी चीज, और तरह-तरह के हंदान के नियम के मुताबिक सररी के नियम हैं, जो सुधार के समय तक के ताहीं ठहराए गै हैं। 11 लेकिन जब मसीह आनबारी अच्छी-अच्छी चीजन को बडो-पुजारी हुईकै आओ, तौ बौ औरो बडे और सिद्ध तम्बु से हुईकै जो हाथ को बनाओ भौ नाय है, मतलब दुनिया नाय है। 12 और बकरन और बछड़न के खून के जरिया नाय, लेकिन अपने ही खून के जरिया एके बार पवित्र जघा में घुसो, और अनंत छुटकारा पावौ। (aiōnios g166) 13 काहैकि जब बकरन और बरधन के खून और कलोर की राख अपवित्र लोगन के ऊपर छिड़कन से सररी की सुदृता के ताहीं पवित्र करथै। 14 तौ मसीह को खून जो अपने आपकै अनंत आत्मा के जरिया परमेस्वर के अगु निर्दोस चढ़ाई, तुम्हारे मन के मेरे भै कामन से काहे नाय सुद्ध करैगो, ताकी तुम जिंदे परमेस्वर की आराधना करौ। (aiōnios g166) 15 और जहे बजह से बौ नई वाचा को बिचवई है, ताकी बौ मौत के जरिया जो पहली वाचा के समय की गलतियन से छुटकारा पान ताहीं भइ है, बूलाए भै लोग वादा के जरिया अनंत बिरासत के पायें। (aiōnios g166) 16 काहैकि जितै वाचा भाँदी गई है हूँना वाचा भाँदन बारे की मौत के समझ लेनो भी जरूरी है। 17 काहैकि ऐसी वाचा मरन के बाद पक्की होथै, और जब तक वाचा बाँधन बारो जिंदो रहथै, तब तक वाचा काम की नाय होथै। 18 जहेमारे पहली वाचा बिना

खून के नाय भाँदी गई। 19 काहेकि जब मूसा सब लोगन के नियम की एका एक आग्या सुनाए चुको, तौ बौ बछड़न और बकरन को खून लैंके, पानी और लाल ऊन, और जफा के संग, बौ किताब मैं और सब लोगन मैं छिडक दई। 20 और कही, “जौ बौ वाचा को खून है, जोकी आग्या परमेस्वर तुम्हारे ताहीं दई रहै।” 21 और जहे तरीका से बौ तम्बु और सेवा के सब सामानन के ऊपर खून छिडकी। 22 और नियम के हिसाब से हमेसा सब चीज खून के जरिया सुद्ध करी जाथै; और बिना खून बहाए माफी नाय मिलथै। 23 इसलै जरूरी है, कि स्वर्ग मैं की चीजन के प्रतिरूप जे बलिदानन के जरिया सुद्ध करे जायें; लेकिन स्वर्ग मैं की चीज खुद इनसे अच्छे बलिदानन के जरिया सुद्ध करी जाथै। 24 काहेकि मसीह तौ बौ हाथ के बनाए भै पवित्र जघा मैं जो सच्चे पवित्र स्थान को नमूना है, नाय घुसो, लेकिन स्वर्ग मैं ही घुसो, ताकी हमरे ताहीं अब परमेस्वर के अगु दिखाई देबै। 25 जौ ना कि बौ अपने आपकै बार-बार चढाबै, जैसो कि बड़ो-पुजारी हर साल जानवर को खून लैंके पवित्र जघा मैं घुसथै। 26 नाय तौ दुनिया के बनन से लैंके बाके बार-बार दुख उठाने पड़तौ; लेकिन अब युग के अंत मैं बौ एक बार प्रगट भौ है, ताकी अपनिए बलिदान के जरिया पाप के दूर कर दियै। (aiōn g165) 27 और जैसी इंसानन के ताहीं एक बार मरनो और बाके बाद न्याय को होनो ठहराओ गौ है। 28 बैसिये मसीह भी भौतन के पापन के ताहीं एक बार बलिदान चढाओ गौ और जो लोग बाको इंतजार करथै, उनके उद्धार के ताहीं दुसरी बार बिना पाप के दिखाई देगो।

10 काहेकि नियम को विधान तौ आनबारी अच्छी बातन की छाया मात्र देथै, लेकिन उनको असली स्वरूप नाय है, जहेमारे बे एकै जैसे बलिदानन के जरिया, जो हर साल चढाय जाथै, झोने आनबारेन के कभी सिद्ध नाय कर सकथै। 2 नाय तौ उनको चढानो बन्द काहे नाय ही जाथै? काहेकि जब आराधना करन बारे एकै बार मैं सुद्ध हई जाते, तौ फिर उनको मन उनके पापी ना ठहरातौ। 3 लेकिन उनके जरिया हर साल पापन के याद दिवान को काम करथै। 4 काहेकि ऐसो कभी ना हई सकथै, कि बरधन और बकरन को खून पापन के दूर करै। 5 जहे बजह से मसीह जौ दुनिया मैं आओ तौ कही, “बलिदान और भेंट तैं नाय चाहो, लेकिन मेरे ताहीं एक सरिर बनाओ। 6 होमबलियन और पापबलियन से तैं खुस नाय भौ। 7 तौ मैं कहो, ‘देख, मैं आए गो हौं, पवित्र साक्ष मैं मेरे बारे मैं लिखो भौ है ताकी हे मेरे परमेस्वर मैं तेरी इच्छा पूरी करौं।’” 8 पहले तौ बौ कही, “न तैं बलिदान और भेंट और होमबलियन और पापबलियन के चाहो, और नाय उनसे खुस भौ,” बल्कि जे बलिदान तौ नियम के मुताबिक चढाय जाथै। 9 फिर जहो कहथै, “देख, मैं आए गो हौं, ताकी तेरी इच्छा पूरी करौं,” बौ पहले के हटाय देथै, ताकी मसीह के बलिदान के रख सकै। 10 तौ परमेस्वर की इच्छा से हम ईस मसीह के सरिर के एकै बार बलिदान चढाय जान के जरिया पवित्र करे गै हैं। 11 हर एक पुजारी और सेवक तौ ठाड़के हर दिन सेवा करथै, और एकै तरह के बलिदान के जो पापन के कभी दूर नाय कर सकथै; बार-बार चढाथै। 12 लेकिन मसीह हमरे पापन के बदले एकै बार बलिदान हुईके हमेसा के ताहीं चढागौ और परमेस्वर

के दहने जाए बैठो। 13 और बहे समय से परमेस्वर उनकी रहा देख रहो है, कि बाके बैरी बाके पाँए तरे कि चौकी बने। 14 काहेकि बौ एकै बलिदान के जरिया उनकै जो पवित्र करे जाथै, हमेसा के ताहीं सिद्ध कर दई। 15 और पवित्र आत्मा हमें जहे गभाई देथै; काहेकि बौ पहले कही रहे 16 “प्रभु कहथै; कि जो वाचा मैं बे दिनन के बाद उनसे भाँदंगो बौ जौ है कि मैं अपने नियमन के उनके मन मैं लिखंगो और उनके मन मैं डारंगो।” 17 फिर बौ जौ कहथै, “मैं उनके पापन के, और उनके अधर्म के कामन के फिर कहए याद नाय करंगो।” 18 और जब इनकी माफी मिल गई है, तौ फिर पाप को बलिदान नाय रहो। 19 तौ भईय्यौ और बहेनियौ, जब हमें ईसु के खून के जरिया पवित्र जघा मैं जान की पूरी आजादी है, 20 बौ हमरे ताहीं एक नई राह बनाये के देगो, एक जिंदगी की राह, परदा के जरिया मतलब अपने सरिर के जरिया हमरे ताहीं खोल दई है। 21 हमरे झोने परमेस्वर के मंदिर को एक महान बड़ो पुजारी है। 22 तौ आबौ हम, सच्चे मन और पूरे बिस्वास के संग, और मन के दोस दूर करन के ताहीं दिल मैं छिडकाव लैंके, और सरिर के साफ पानी से धोएके परमेस्वर के झोने आमै। 23 और अपनी आसा के अंगीकार के मजबूती से पकड़े रहमैं; काहेकि जो वादा करो है, बौ बिस्वास लायक है। 24 और प्रेम, और भले कामन मैं बढ़ान के ताहीं एक दुसरे की चिंता करे करै। 25 और एक दुसरे के संग इखटो होनो नाय छोड़ै, जैसे कि कितनेन कि आदत है, पर एक दुसरे के समझात रहमैं; और जैसी-जैसी बौ दिन के झोने आत देखैं, बैसिये-बैसिये औरौ जाधा जौ करे करौ। 26 काहेकि सच्चाई जानन के बादौ अगर हम जान बूझके पाप करत रहे, तौ पापन के ताहीं फिर कोई बलिदान बाकी नाय है। 27 जाके बाद जो कुछ बचो है बौ आनबारे न्याय और भयानक आगी को जलनो बचो है जो बिरोध करन बारेन के कतई जलाए देगो। 28 जब मूसा के नियमन के नाय मानन बारो दुई या तीन जनी की गभाई मैं, बिना दया के मार दौ जाथै। 29 तौ सोच लियौ कि बौ कितने औरौ कितने बड़े दण्ड के लायक ठहरैगो, जो परमेस्वर के लौड़ा के पाँव से रौंदो, और वाचा के खून के जोके जरिया बौ पवित्र ठहराओ गौ रहे, अपवित्र जानी है, और अनुग्रह की आत्मा की बेजती करी। 30 काहेकि हम बाके जानथैं, जो कही, “बदलो लेनो मेरो काम है, मही बदलो देंगो।” और फिरौकी जौ, कि “प्रभु अपने लोगन को न्याय करैगो।” 31 जिदे परमेस्वर के हात मैं पड़नो एक भयानक बात है। 32 लेकिन तुम पुराने दिन के याद करौ, जो तुम जोती पाएकै और दुख के संघर्ष मैं निठाठौर रहे। 33 कुछ तौ जौ, कि तुम बुराई, और कलेस सहत भै तमासा बने, और कुछ जौ, कि तुम उनके संगी बने जिनकी दुर्सा करी जात रहे। 34 काहेकि तुम कैदियन के दुखन मैं भी दुखी भै, और अपनी जायदाद भी खुसी से लुटन दै; जौ जानकै, कि तुम्हारे झोने एक औरौ अच्छी और हर हमेसा ठहरन बारी जायदाद है। 35 तभईये, अपनी हिम्मत मत छोड़ौ काहेकि बाको प्रतिफल बड़ो है। 36 काहेकि तुमके धीरज धरनो जरूरी है, ताकी परमेस्वर की इच्छा पूरी करके तुम वादा बारो फल पाबौ। 37 “काहेकि अब थोडिये समय रहगौ है जब कि आनबारे आबैगो, और देर नाय करैगो। 38 मेरो धर्मी जन बिस्वास से जिंदोरैहगो, और अगर बौ पिच्छ हट जाबै तौ मेरो मन बासे खुस

नाय होगो।” 39 लेकिन हम हटन बारे नाय हैं, कि खतम हुई जाए बाकै फिर मिलो। 20 बिस्वास से इसहाक याकूब और एसाव के आनबारी बातन के बारे मैं आसीस दई। 21 बिस्वास से याकूब मरत समय यूसुफ के दोनों लौडन मैं से एक-एक के आसीस दई, और छडी को सहारो लैंकै परमेस्वर की आराधना करी। 22 बिस्वास से यूसुफ जो बौ मरन मैं रहै, तौ इस्राएल की संतान के निकर जान की बात करी, और अपने सरिर के बारे मैं भी आग्या दई। 23 बिस्वास से मूसा के अईय्या दऊबा बाके पैदा होन के तीन महेना तक लुकाए रखाई; काहैकि बालका सुगड रहे, और बे राजा की आग्या से नाय डरे। 24 बिस्वास से मूसा स्यानो हुईकै फिरौन की लौडिया को लौडा होन से मना कर दई। 25 काहैकि बाकै पाप मैं थोड़ी दिन सुख भोगन से परमेस्वर के लोगन के संग दुख भोगनो औरो अच्छो लगो। 26 और मसीह के ताही निन्दित होन के मिश्र के खजाना से बडो धन समझी काहैकि बाकी आँखी फल पान के चाँई लगी रहैं। 27 बिस्वास से राजा के गुस्सा से नाय डराय के बौ मिश्र के छोड दई, काहैकि बौ अनदेखे के मानौ देखत भै मजबूत रहो। 28 बिस्वास से बौ फसह और खून छिडकन की विधि मानी, कि पहलोटेन के खतम करन बारो इस्राएलिन के ऊपर हाथ नाय डारे। 29 बिस्वास से बे लाल समुंदर के पार ऐसे उतर गे, जैसी सूखी धरती मैं से; और जब मिश्रिओ बैसिये करनो चाँही, तौ सब डूब मरे। 30 बिस्वास से यरीहो की दीवार, जब सात दिन तक बाको चक्कर लगाए चुके तौ बौ टूट गई। 31 बिस्वास से राहाब वेस्या आग्या नाय मानन बारन के संग खतम नाय भइ; जहे बजह से कि बौ इस्राएली भेदियन के ठीक सांति से रखी रहे। 32 अब और का कहमौ? काहैकि समय नाय बचो है, कि गिदोन की, और बाराक की, और सिमसोन की, और यिफतह की, और दाऊद की, और समूएल की, और भविष्यवक्तन की बात करौ। 33 जे बिस्वास के जरिया राज्य जीती; धार्मिकता के काम करी; वादा करी भइ चीज पाई, सेरन को मोहों बन्द करी, 34 आगी की गमी के ठंडो करी; तलवार की धार से बच निकरे, कमजोरी मैं तगडे भै; लडाई मैं ताकतबर निकरे; विदेसी सिपईयन के डेरा के मार भजाई। 35 बईय्यरें अपने मरे भैन के फिर जिंदो पाई; कितने तौ मार खात-खात मर गे; और छुटकारा नाय चाँही; काहैकि अच्छी जिंदगी के पानबारे बनै। 36 दूसरे लोग तौ मजाक मैं उड़ाए जान; और कोडा खान; बल्कि भाँदे जान; और कैद मैं पडन के जरिया परखे गे। 37 पथरा से मारे गे; आरे से चरि गे; उनकी परिकछा करी गई; तलवार से मारे गे; बे कंगाली मैं और कलेस मैं और दुख भुगतत भै भंडन और बकरियन की खाल ओढे भै, इतै-उतै मारे-मारे फिरें। 38 और जंगलन, पहाडन, गुफन, और धरती की दरानन मैं भटकत फिरें। 39 दुनिया उनके लायक नाय रहे और बिस्वास के जरिया जे सबन के बारन मैं अच्छी गभाई दई गई। तहँओ उनके बौ चीज नाय मिली जोकी परमेस्वर उनसे वादा करी रहे। 40 काहैकि परमेस्वर हमरे ताही पहले से एक अच्छी योजना बनाई रहे। बाको मकसद रहे कि बौ हमरे संग मिलकै उनके और सिद्ध बनावै।

11 बिस्वास रखन के ताही बे सब चीज होमैं जोकी हम आसा रखथैं, बे चीजन के बारे मैं जो हम नाय देख पाथैं। 2 जौ उनके बिस्वास के जरिया गभाई रहै, कि पुराने समय के लोग परमेस्वर की इच्छा से जीत रहैं। 3 बिस्वास से आपन जानथैं कि परमेस्वर के बचन के जरिया युग की रचना ऐसी करी गई जो कुछ देखन मैं आथैं, बौ दिखाई देन बारी चीजन से नाय बनाओ गौ रहै। (aiōn g165) 4 बिस्वास से हाबिल परमेस्वर के ताही केन से अच्छो बलिदान चढाई, जोके जरिया बाके धर्मी होन की गभाई भी दई गई: काहैकि परमेस्वर बाकी भेंट के बारे मैं गभाई दई; और बहे जरिया बौ मरन के बादौ अब तक बात करथैं। 5 बिस्वास से हनोक उठाओ गौ, कि मौत के नाय देखै, और बाको पता नाय लगे; काहैकि परमेस्वर बाकै उठाए लई रहे, और बाके उठाए जान से पहले बाकी गभाई दई गई रहे, कि बौ परमेस्वर के खुस करी है। 6 और बिस्वास बिना बाकै खुस करनो मुस्किल है, काहैकि परमेस्वर के झोने आनबारे के बिस्वास करनो चाहिए, कि बौ है; और अपने हूँडन बारन के प्रतिफल देखै। 7 बिस्वास से नूह बे बातन के बारे मैं जो बौ समय दिखाई नाय पडत रहैं, चितौनी पाएकै भक्ति के संग अपने परिवार के बचाव के ताही जहाज बनाई, और बाके जरिया परमेस्वर पूरे दुनिया के दोसी ठहराई; और बौ धार्मिकता को बारिस भौ, जो बिस्वास से होथै। 8 बिस्वास से अब्राहम जब बुलाओ गौ तौ आग्या मानकै ऐसी जघा निकर गौ जोकै बौ अपने हक मैं लेन बारो रहे, और जौ नाय जानत रहे, कि मैं किते जाथौ; तहँओ निकर गौ। 9 बिस्वास से बौ वादा करे भे देस में परदेसी रहकै इसहाक और याकूब समेत जो बाके संग बहे वादा के वारिस रहैं, तम्बुन मैं बसेरा करी। 10 काहैकि अब्राहम बौ मजबूत बुनियाद बारे नगर को इंतजार करत रहे, जोको रचन बारो और बनानबारो परमेस्वर है। 11 बिस्वास से सारा खुद बूढ़ी होन पर भी गरब धारड करन की सामर्थ्य पाई; काहैकि बौ वादा करन बारे के सचको जानी रहे। 12 जौ बजह से एकै जनी से जो मरो भौ सो रहे, आसमान के तारन और समुंदर किनारे के रेता के जैसी, अनगिनत बंस उत्पन्न भै। 13 जे सब बिस्वास की दसा मैं मरे; और बे वादा करी भइ चीज नाय पाई; लेकिन उनकै दूरे से देखकै खुसी भै और मान लई, कि हम धरती मैं परदेसी और बाहरी है। 14 जौ ऐसी-ऐसी बात कहथैं, बे जाहिर करथैं, कि स्वदेस की तलास मैं है। 15 और जौ देस से बे निकर आए रहैं, अगर बाके बारे मैं सोचते तौ उन्हें लौटन को मौका रहे। 16 लेकिन बे एक उत्तम मतलब स्वर्गिय देस के अभिलासी रहैं, जहेमारे परमेस्वर उनको परमेस्वर कहबान मैं नाय सरमाथै, काहैकि बौ उनके ताही एक सहर तैयार करी है। 17 बिस्वास से अब्राहम, परखे जान के समय अपने इकलौते लौडा इसहाक के बलिदान चढान के तैयार ही गौ रहे, जो बाके वादा के सच मानी रहे। 18 और परमेस्वर बासे कही रहे, “इसहाक ही से तेरे झोने ऐसे बंसज होमंगे जिनकी मैं प्रतिग्या करो रहौ।” 19 काहैकि बौ मान लई, कि परमेस्वर सामर्थी है, कि बाकै मरे भयन मैं से जियावै, जौ तरह उन्हई मैं से कहानी की रीत मैं बौ

बाकै फिर मिलो। 20 बिस्वास से इसहाक याकूब और एसाव के आनबारी बातन के बारे मैं आसीस दई। 21 बिस्वास से याकूब मरत समय यूसुफ के दोनों लौडन मैं से एक-एक के आसीस दई, और छडी को सहारो लैंकै परमेस्वर की आराधना करी। 22 बिस्वास से यूसुफ जो बौ मरन मैं रहै, तौ इस्राएल की संतान के निकर जान की बात करी, और अपने सरिर के बारे मैं भी आग्या दई। 23 बिस्वास से मूसा के अईय्या दऊबा बाके पैदा होन के तीन महेना तक लुकाए रखाई; काहैकि बालका सुगड रहे, और बे राजा की आग्या से नाय डरे। 24 बिस्वास से मूसा स्यानो हुईकै फिरौन की लौडिया को लौडा होन से मना कर दई। 25 काहैकि बाकै पाप मैं थोड़ी दिन सुख भोगन से परमेस्वर के लोगन के संग दुख भोगनो औरो अच्छो लगो। 26 और मसीह के ताही निन्दित होन के मिश्र के खजाना से बडो धन समझी काहैकि बाकी आँखी फल पान के चाँई लगी रहैं। 27 बिस्वास से राजा के गुस्सा से नाय डराय के बौ मिश्र के छोड दई, काहैकि बौ अनदेखे के मानौ देखत भै मजबूत रहो। 28 बिस्वास से बौ फसह और खून छिडकन की विधि मानी, कि पहलोटेन के खतम करन बारो इस्राएलिन के ऊपर हाथ नाय डारे। 29 बिस्वास से बे लाल समुंदर के पार ऐसे उतर गे, जैसी सूखी धरती मैं से; और जब मिश्रिओ बैसिये करनो चाँही, तौ सब डूब मरे। 30 बिस्वास से यरीहो की दीवार, जब सात दिन तक बाको चक्कर लगाए चुके तौ बौ टूट गई। 31 बिस्वास से राहाब वेस्या आग्या नाय मानन बारन के संग खतम नाय भइ; जहे बजह से कि बौ इस्राएली भेदियन के ठीक सांति से रखी रहे। 32 अब और का कहमौ? काहैकि समय नाय बचो है, कि गिदोन की, और बाराक की, और सिमसोन की, और यिफतह की, और दाऊद की, और समूएल की, और भविष्यवक्तन की बात करौ। 33 जे बिस्वास के जरिया राज्य जीती; धार्मिकता के काम करी; वादा करी भइ चीज पाई, सेरन को मोहों बन्द करी, 34 आगी की गमी के ठंडो करी; तलवार की धार से बच निकरे, कमजोरी मैं तगडे भै; लडाई मैं ताकतबर निकरे; विदेसी सिपईयन के डेरा के मार भजाई। 35 बईय्यरें अपने मरे भैन के फिर जिंदो पाई; कितने तौ मार खात-खात मर गे; और छुटकारा नाय चाँही; काहैकि अच्छी जिंदगी के पानबारे बनै। 36 दूसरे लोग तौ मजाक मैं उड़ाए जान; और कोडा खान; बल्कि भाँदे जान; और कैद मैं पडन के जरिया परखे गे। 37 पथरा से मारे गे; आरे से चरि गे; उनकी परिकछा करी गई; तलवार से मारे गे; बे कंगाली मैं और कलेस मैं और दुख भुगतत भै भंडन और बकरियन की खाल ओढे भै, इतै-उतै मारे-मारे फिरें। 38 और जंगलन, पहाडन, गुफन, और धरती की दरानन मैं भटकत फिरें। 39 दुनिया उनके लायक नाय रहे और बिस्वास के जरिया जे सबन के बारन मैं अच्छी गभाई दई गई। तहँओ उनके बौ चीज नाय मिली जोकी परमेस्वर उनसे वादा करी रहे। 40 काहैकि परमेस्वर हमरे ताही पहले से एक अच्छी योजना बनाई रहे। बाको मकसद रहे कि बौ हमरे संग मिलकै उनके और सिद्ध बनावै।

12 जहाँ ले हमारी बात है, हमरे आस-पास गभा की इतनी बडी भीड है, कि हम रस्ता मैं आनबारी सबै चीजन से छुटकारा पावैं, और बौ पाप से छुटकारा पावैं जो हमकै इतनी कसकै पकडथै,

और हमकै बिस्वास के संग भाजो चाहिए। 2 और बिस्वास के कर्ता और सिद्ध करने बारे ईसु के घोंई ताकते रहमैं; जो बौ खुसी के ताही जो बाके अगु धरी रहे, सरम की कोई चिंता नाय करकै, कूस को दुख सई; और परमेस्वर के सिंहासन के दहने जाए बैठो। 3 जेहमारे बाके ऊपर पूरे मन से ध्यान करौ, जो अपने खिलाप पापिन को इतनो बिरोध सह लई कि तुम निरास हुईकै हिम्मत ना छोड़ दिवौ। 4 तुम पाप से लड़त बै बासे इतनो मुटभेंट नाय करे हौ, कि तुम्हारे खून बहो होबै। 5 और बौ जो तुमकै लौड़न के हानी उत्साहित करने के ताही परमेस्वर बचन दई है का तुम भूल गै हौ? “मेरो लौड़ा, प्रभु की ताड़ना कै हल्की बात मत समझिए, और जब बौ तोकै घुड़कै तौ हिम्मत मत छोड़िये। 6 काहैकि प्रभु जोसे प्रेम करथै, बाकै सुधारथै; और जोकै लौड़ा बनाए लेथै, बाकै कोडौ लगाथै।” 7 तुम दुख के सजा समझकै सह लेबौ; परमेस्वर तुमकै लौड़ा समझकै तुम्हारे संग बर्ताव करथै, बौ कौन सो लौड़ा है, जोकी सजा दऊवा नाय करथै? 8 अगर बौ सजा जोके भागीदार सब होथै, तुम्हारी नाय भइ, तौ तुम लौड़ा नाय, बल्किन व्यभिचार के बालका ठहरै! 9 फिर जबकी हमरे इसानी दऊवा भी हमारी सजा करत रहै और हम उनको आदर करे, तौ का आत्मन के दऊवा के औरो संग नाय रहमैं जोसे हम जिंदे रहमैं। 10 बे तौ अपनी-अपनी समझ के मुताबिक थोड़ी दिनन के ताही सजा करत रहै, पर जौ तौ हमरे फायदा के ताही करथै, कि हमउं बाकी पवित्रता के भागी हुई जायैं। 11 और आज के समय मैं हर तरह की सजा खुसी की नाय, बल्किन दुखै की बात सुजाई पड़थै, तहँओं जो बाकै सहत-सहत पक्के हुईगै है, बाद मैं उनकै चैन के संग धार्मिकता को प्रतिफल मिलथै। 12 जेहमारे ढीले हातन और कमजोर घटनन के मजबूत करौ। 13 और अपने पाँव के ताही सुदे रस्ता बनाबौ, कि लंगड़ा भटक नाय जाबै, बल्किन भलो चंगो हुई जाबै। 14 सबके संग सांति और निस्टा से रहन की कोसिस करौ, और पवित्र जिंदगी जीन की कोसिस करौ, काहैकि जाके बिना कोई भी प्रभु के नाय देख पागो। 15 और ध्यान से देखत रहबौ, ऐसो नाय होबै, कि कोई परमेस्वर के अनुग्रह पान से छूट जाबै, या कोई कड़वी जड़ फूट के दुख देबै, और बाके जरिया निरे लोग असुद्ध हुई जायैं। 16 ऐसो नाय होबै, कि कोई आदमी व्यभिचारी, या एसाव के जैसी भक्तिहीन होबै, जो एक बार के भात के बदले अपना पहलोठो होन को अधिकार बेंच डारी। 17 तुम जानथौ, कि बाद मैं जब बौ आसीस पानो चाही, तौ बौ बेकार पाओ गौ, और आँसु बहाए बहाएकै ढूँडन पर भी बाकै मन फिरान को मौका नाय मिलो। 18 तुम तौ बौ पहाड़ के झोने जो छुओ जाए सकत रहै और आगी से धक्कत रहे, और कारे बादर, और अधियारो, और आँधी के झोने। 19 और तुरहई की अबाज, और बोलन बारे के ऐसे सब्द के झोने नाय आए, जोके सुनन बारे बिनती करी, कि अब हमसे और बात नाय करी जायैं। 20 काहैकि बे बौ आग्या के नाय सह पाई “अगर कोई जानवरौ पहाड़ कै छूबै, तौ पथराव से मार दौ जाबै।” 21 और बौ नजारा ऐसो डराबनो रहे, कि मूसा कही, “मैं भौत डराय रौ हौ और कौप रौ हौ।” 22 लेकिन तुम सिष्योन के पहाड़ के झोने, और जिंदे परमेस्वर के नगर स्वर्गिय यरुसलेम के झोने हजारौ स्वर्गदूतन के संग आए हौ। 23 और बे पहलोठेन की सूदी सभा और कलीसिया जिनके

नाओं स्वर्ग मैं लिखे भै है। तुम जो परमेस्वर के झोने आए हौ, जो सबको न्याई है, और धर्मी लोगन की आत्मन कै सिद्ध बनाओ गौ है। 24 और नई वाचा को बिचवई ईसु, और छिड़काव के बौ खून के झोने आए हौ, जो हाबिल के खून से अच्छी बात कहथै। 25 चहाचीते रहबौ, और बौ कहनबारे से मोहों मत मुरकाबौ, काहैकि लोग जब धरती मैं के चितौनी देनबारे से मोहों मुरकाए के नाय बच सके, तौ आपन स्वर्ग मैं से चितौनी देनबारे से कैसे बच पांगे? 26 बौ समय तौ बाके बोल धरती कै हलाए दई लेकिन अब बौ वादा करी है, “एक बार फिर मैं बस पृथ्वी के नाय बल्किन आसमान कै भी हलाए दंगो।” 27 और जौ बोल “एक बार फिर” जौ बात कै दिखथै, कि जो चीज हलाई जाए सकथै, बे बनाई भइ चीज होन के बजह से खतम ही जांगी; ताकी जो चीज हलाई नाय जाथै, बे हमेसा बनी रहमैं। 28 जौ बजह से हमकै ऐसो राज्य मिलो है जो हलन बारो नाय है, आपन सब आभारी है। अबौ आपन बौ परमेस्वर की आराधना बड़ी सुद्धा और बिस्वास के संग करै, जोसे बौ खुस होथै। 29 काहैकि हमरो परमेस्वर भसम करने बारी आगी है।

13 एक-दुसरे से मसीह भईयन-बहेनियन के जैसी प्यार करत रहबौ। 2 अनजान लोगन को आदर-सम्मान करने मत भूलियो, काहैकि जाके जरिया कितने लोग बिना जाने स्वर्गदूतन को आदर-सम्मान करी हैं। 3 कैदियन की ऐसी खबर लियौ, कि मानौ उनके संग तुम्हऊँ कैद हौ; और जिनके संग बुरो बर्ताव करो जाथै, उनकियौ जौ समझकै खबर सुद्ध लियौ, कि हमारुओ सरीर है। 4 बिहा सबमै आदर की बात समझी जाबै, और बिहा बिछौना पवित्र होनो चाहिए; काहैकि परमेस्वर व्यभिचारियन, और छिन्नेयन को न्याय करैगो। 5 तुम्हारी जिंदगी मैं पैसन को लालच नाय होबै, और जो तुम्हारे पास होबे बहे मैं राजी रहबौ; काहैकि बौ अपने आपै कही है, “मैं तोकै कभी नाय छोड़ंगो, और नाय कभी त्यागंगो।” 6 जेहमारे हम बेधड़क हुईकै कहथै, “प्रभु, मेरी मदद करने बारो है; मैं नाय डरांगो; इसान मेरो का कर सकथै?” 7 जो तुम्हारे अगुवा रहै, और जो तुम्है परमेस्वर को बचन सुनाई है, उनहँ याद रखौ; और ध्यान से उनके चाल-चलन कै देखो कि बे कैसे जिये और कैसे मर गै उनके जैसी बिस्वास की नकल करौ। 8 ईसु मसीह कल और आज और हर हमेसा एक जैसो है। (aiōn g165) 9 कई तरहन की बाहरी सिक्छन से मत भ्रमाए जईयो, काहैकि मन से जिंदगी जीन के अनुग्रह से मजबूत रहनो अच्छो है, न कि बे खानबारी चीजन से जिनसे मतलब रखन बारेन कै कछुए फायदा नाय भौ। 10 हमरे तम्बु मैं एक ऐसी बेदी है, जो याजकन के यहूदी के आराधना करने बारी जघा की चीज खान को अधिकार नाय है, जो बेदी की आराधना करथै। 11 यहूदी बड़ो पुजारी जिन जानवरन के खून की पाप बलि चढ़ान के ताही पवित्र जघा मैं लात रहै, उनको सरीर अपने सिपईयन के डेरा से दूर लै जाएकै जलाए देत रहै। 12 ऐसेई ईसु की मौत सहर के दुआरे भइ रहै ताकी लोगन कै अपने खून के जरिया उनके पाप से पवित्र करो जा सकै। 13 जौ बजे से ईसु भी पड़ाव के बाहर मर गौ, कि लोगन को अपनेई खून के पाप से सुद्ध करै। 14 काहैकि हियाँ हमरो हमेसा के रहन को कोईये सहर नाय है,

बल्किन हम एक आनबारे सहर की तलास में हैं। 15 तौ आबो हम हमेसा ईसु के महिमा के बलिदान के जरिया परमेस्वर के नाओं की महिमा करें, और अपने होटन से अंगीकार करत भै परमेस्वर की महिमा करें। 16 और भलाई, सहभागिता करनो ना भूलें; काहैकि परमेस्वर ऐसेई बलिदान से खुस होथै। 17 अपने अगुवन को कहनो मानो; और पूरे मन से उनकी आग्या को पालन करें, काहैकि बे आराम करे बिना तुम्हारी आत्मन के ऊपर अपनी नजर गढ़ाये रहथैं, काहैकि परमेस्वर कै अपनी सेवा को हिसाब देने पड़ैगो, अगर तुम उनके भरोसा करके मानथौ, तौ बे अपनो जौ काम खुस हुईकै करंगे और ना तौ बे जहे काम के उदासी से करंगे, और जासे तुम्हें कोई फायदा नाय होगो। 18 हमरे ताहीं प्रार्थना करत रहबौ, हमैं यकीन से भरोसा है कि हमरो सपा मन है, काहैकि हम हर समय सई चाल-चलन के जरिया काम करनो चाहथैं। 19 मैं और इमानदारी से नहोरे करथौ कि परमेस्वर मोके जल्दिये तुमरे झोने पनार देंबै। 20 सांति को परमेस्वर जो हमरे प्रभु ईसु भेड़न को बरदिया है, अनंत वाचा के खून के जरिया बाकै मौत से जिलाएकै लै आई, (aiōnios g166) 21 तुम्हें सब अच्छी बातन में सिद्ध करें, जोसे तुम बाकी इच्छा पूरी करौ, और जो कुछ बाकै भाथै, बाकै ईसु मसीह के जरिया हममें बौ करें जो बाकै पसंद है और बाकी महिमा और आदर हमेसा बनो रहबै! आमीन। (aiōn g165) 22 मैं तुमसे, मेरे भईय्यो और बहनियो नहोरे करथौ कि बढावा को जौ संदेस सबर से सुनै, मैं जौ चिठी कै तुमरे ताहीं लम्बी ना लिखो। 23 तुम जौ जान लियौ कि तीमुथियुस हमरो भईय्या छूट गौ है और अगर बौ जल्दिये आए गौ तौ मैं बाके संग तुमसे भेटा करंगो। 24 अपने सब अगुवन और सब पवित्र लोगन के सुभकामना देबौ। और इटली के विस्वासी तुम्हें सुभकामना भेजथै। 25 परमेस्वर को अनुग्रह तुमरे ऊपर बनो रहबै।

याकूब

1 परमेस्वर और प्रभु ईसू मसीह के सेवक याकूब के घोंई से परमेस्वर के लोगन के जो पूरी दुनिया में फैले थे हैं उनके नमस्ते।
2 मेरे भईय्यो, जब तुम अलग-अलग परिक्रमा में पड़ो तो जाँके भौत खुशी कि बात समझो, **3** जो जानके कि तुमरे बिस्वास के परखे जान से तुमरो बिस्वास पैदा होथे, तो नतीजा स्वरूप तुमके सहन की छमता मिलथे। **4** सुनिश्चित करै कि तुमरो धीरज बिना कोई असफलता के तुमके हर तरह से आखरी ले लै जाथे, ताकी तुम सिद्ध और पूरे हुई जाबो और तुम में कोई बात की कमी ना रहबे। **5** लेकिन अगर तुम में से कोई के बुद्धि कि कमी होबे तो परमेस्वर से प्रार्थना करै, तो बौ तुमके देगो; काहैकि परमेस्वर सबन के उदारता और प्रेम से देखे। **6** लेकिन जब तुम प्रार्थना करथो, तो तुमके बिस्वास करनो चाहिए, और कछु संका ना करनो चाहिए। जो कोई भी संका करथे बौ समुंदर कि लहर के हानी होथे जो ब्यार के जरिये चलथे और उड़ाइ जाथे। **7** अगर तुम ऐसे हो तो तुम ऐसो मत समझो, कि मोके प्रभु से कछु मिलैगो। **8** ऐसे लोग, अपने मन के बनान में असमर्थ हैं, और अपनी सब बातन में चंचल हैं। **9** जो मसीह गरीब भईया हैं जब परमेस्वर उनके अच्छी दसा में उठाथे, तो उनके खुसी होनो चाहिए, **10** और सेठ मसीहियन के खुसी होनी चाहिए जब परमेस्वर उनके निचली दसा में लाथे। काहैकि सेठ जंगली घाँस के फूल के हानी गुजर जाबैगो। **11** सूरज अपने धधकत भौ घामो के संग निकरथे और घाँस के जलाए देथे; बाको फूला गिर जाथे, और बाको सुगडपन खतम हुई जाथे। बैसिये सेठ तथा ही जांगे जबकी बे अपने काम के बारे में जानंगे। **12** धन्य हैं बे जो परिक्रम ले वफादार रहथे, काहैकि जब बे ऐसी परिक्रमा पास करन में कामयाब होथे, तो बे अपने इनाम मतलब जिंदगी के मुकूट के पांगे जो कि परमेस्वर अपने प्रेम करन बारे से वादा करी है। **13** जब कोई कि परिक्रमा होबे, तो बौ जो ना कहबे, कि मेरी परिक्रमा परमेस्वर के घोंई से ही रह है; काहैकि ना तो बुरी बातन से परमेस्वर मोह रखथे, और ना बौ खुद कोई कि परिक्रमा लेथे। **14** लेकिन हर आदमी अपनी अभिलासा में खिंचके, और फसके परिक्रमा में पड़थे। **15** फिर अभिलासा पेट से हुईके पाप के पैदा करथे और पाप बढ़थे तो मौत के पैदा करथे। **16** हे मेरे प्रिय भईय्यो, और बहेनियो धोका मत खाबो। **17** हर एक अच्छो और सई दान ऊपर सेई है, और जोतिन के दऊवा के घोंई से मिलथे, जोमें नाय तो कछु बदलो जाए सकथे, अदल-बदल की बजह से जोमें ना तो कोई बदलाव आथे और ना कोई छाई पड़थे। **18** बौ अपनी ही इच्छा से हमके सच्चे बचन से पैदा करी, ताकी हम बाकी बनाई भइ चीजन में से एक पहले फल होमें। **19** हे मेरे प्रिय भईय्यो! जो बात तुम जानलेबो, हर एक आदमी सुनन के ताही तैयार, बोलन में और गुस्सा में धीमो होबे। **20** इसान के गुस्सा से बौ धार्मिकता की जिंदगी जो परमेस्वर चाहथे बौ दिखाई ना दे सकथे। **21** इसलै हर गंदी आदत और सब दुस्त व्यवहार से छुटकारा पाएके परमेस्वर के सौपी और बौ बचन के स्वीकार करौ जो बौ तुमरे मन में रोपथे, जो तुमके बचन में काबिल है। **22** लेकिन

बचन में चलन बारे बनौ, खाली सुनन बारे नाय जो अपनिए आपके धोका देथे। **23** काहैकि जो बचन के सुनन बारे होबे, बांमे चलन बारे नाय, तो बौ बौ आदमी के हानी है जो अपनो मोहों दरपन में देखथे। **24** काहैकि बौ अपने आपके देखके चलो जाथे, और तुरंत भूल जाथे कि बौ कैसो रहै। **25** पर अगर तुम बौ सिद्ध नियम के ध्यान से देखेगो जो लोगन के आजाद करथे, और बाके ऊपर ध्यान देत रहथो और ना खाली सुनथो और फिर जाके भूल जाथो, बल्कि जाके व्यवहार में लाथो, तो तुम जो करथो बांमे धन्य हुईके परमेस्वर को आर्शिवाद पाबैगो। **26** अगर कोई अपने आपके धर्मी समझै, और अपनी जीभ में लगाम नाय लगाबे, पर अपने दिल के धोका देबे, तो बाको धर्म बेकार है। **27** हमरे परमेस्वर और दऊवा के झोने पवित्र और निरमल धर्म जो है, कि अनाथन और बिधवन के कलेस में उनके याद करै, अपने आपके दुनिया से निर्दास रखाबे।

2 भईय्यो, और बहेनियो हमरे महिमायुक्त प्रभु ईसू मसीह को बिस्वास तुम में भेद-भाव के संग नाय होबे। **2** काहैकि एक आदमी सोने की अंगूठी और सुगड लता पहने भे तुमरी सभा में आबे और एक कंगाल भी मैले कुचैले लता पहने भे आबे। **3** तुम बौ सुगड लता पहने भे आदमी के जाधे मान देके कहबो, “तू हियाँ अच्छी जगह बैठ,” और बौ कंगाल से कहबो, “तू हँ ऑ खडो रहे,” या “मेरी टाँग के झोने फर्स में बैठ,” **4** तो का तुम आपस में संका नाय करे और बुरे बिचार से न्याय करन बारे ना बने। **5** सुनौ, मेरे प्रिय भईय्यो और बहेनियो! का परमेस्वर जो दुनिया के कंगालन के नाय चुनी कि बे बिस्वास में सेठ और राज्य के अधिकारी होमें जोकी बौ उनसे वादा करी है जो बासे प्रेम करथे। **6** पर तुम बौ कंगाल को अपमान करे! का सेठ आदमी तुम्हें अत्याचार नाय करथे! और का बे तुमके पंचायतन में घसीट-घसीट के नाय लै जाथे? **7** का बे बौ उत्तम नाओ कि बुराई नाय करथे जो तुमके दौ गो है। **8** तुम सई काम करत होगे अगर तुम राज्य के नियमन को पालन करथो, जो साम्रा में पाओ जाथे, “अपने पडोसी से प्रेम करौ जैसे तुम अपने आप से प्रेम करथो।” **9** पर अगर तुम पकछपात करथो, तो पाप करथो, और नियम तुमके अपराधी ठहराथे। **10** काहैकि जो कोई सबै नियम को पालन करथे लेकिन एक नियम में चूक जाबे तो बौ सब बातन में दोसी ठहरो। **11** काहैकि जो जो कहो, “तू व्यभिचार मत करिये,” बहे जो भी कही, “तू हत्या मत करिये।” काहैकि तू व्यभिचार तो नाय करो, लेकिन हत्या करो तोभी तू नियम के नाय मानन बारे ठहरो। **12** तुम बे आदमिन के हानी बचन बोलौ, और काम भी करौ जिनको फैसला आजादी के नियम के हानी होगो। **13** काहैकि जो दया नाय करो, बाको न्याय बेरहमी से होगो; दया फैसला के ऊपर बिजय पाथे। **14** मेरे भईय्यो, तुम में से एक के ताही जो कहन को का फायदा है कि अगर तुमरे काम से जो साबित ना होथे तो तुमरो बिस्वास है? का बौ बिस्वास तुमके बचाए सकथे? **15** अगर कोई भईया और बहेनिया है जिनके लता कि जरूरत है, और उनके रोजाना खान कि कमी होबे। **16** तुम में से कोई उनसे कहबे, “साति से जाबो, तुम गरम रहबो और भरे-पूरे रहबो!” लेकिन जो चीज सरीर के ताही जरूरी है बौ उनके नाय देंगे, तो का फायदा? **17** बैसिये

बिस्वास भी: अगर काम के संग नाय होबै तौ अपने मै मरो भौ है। 18 लेकिन कोई कह सकथै, “तोकै बिस्वास है, और मै काम करथौ। तू अपनो बिस्वास मोकै काम बिना तौ दिख। और मै अपनो बिस्वास अपने कामन से तोकै दिखामंगो।” 19 तोकै बिस्वास है कि एकै परमेस्वर है? तू अच्छो करथै! प्रेत आत्मा भी बिस्वास रखथै, और थरथरथै। 20 लेकिन निकम्मे आदमी का तू जो भी नाय जानथै! कि काम बिना बिस्वास खाली बेकार है? 21 जब हमरो दऊवा अब्राहम अपने लौडा इसहाक कै बेदी मै चढाई, तौ का बौ कामन से न्याई नाय ठहरो रहै? 22 तू देख लौ कि बिस्वास बाके कामन के संग मिलकै असर डारी है? और बाके कामन से बाको बिस्वास सिद्ध होगो। 23 और साझ को बौ बचन पुरो भौ, “अब्राहम परमेस्वर मै बिस्वास करी, और जो बाके ताहीं धार्मिकता मै गिनो गौ।” और बौ परमेस्वर को दोस्त कहलाओ गौ। 24 तू देख लौ कि आदमी सिर्फ बिस्वास सेई नाय, लेकिन कामन से भी न्याई ठहरथै। 25 बैसिये राहाब वेस्या भी जब बौ दूतन कै अपने घर मै उतारी, और दूसरे रस्ता से भेज दई, तौ का कामन से न्याई नाय ठहरी। 26 जैसे सर्रीर आत्मा बिना मरो भौ है, बैसिये बिस्वास भी काम बिना मरो भौ है।

3 मेरे भईय्यो और बहेनियो, तुम मै से बडा जोड उपदेसक नाय बनै। काहेकि तुम जानथौ, कि आपन उपदेसकन को फैसला और भी सख्ती से होबेगो। 2 काहेकि आपन बडा जोड बार चूक जाथै जो कोई बचन मै नाय चूकथै, बहे तौ सिद्ध आदमी है; और पूरे सर्रीर मै भी लगाव लगाए सकथै। 3 जब आपन अपने वस मै करन के ताहीं घोडन के मोहों मै लगाव लगाथै, तौ आपन बाकै पूरे भरोसा से बाके सर्रीर कै भी फेर सकथै। 4 देखौ, जहाज भी, कितने बडे होथै, और तेज ब्यार से चलाय जाथै, तौभी एक छोटी सी पतवार से माँझी कि इच्छा से घुमाए जाथै। 5 बैसिये जीभ भी छोटी सो अंग है और बडी-बडी डींग मारथै; देखो कैसे, थोड़ी सी आगी से कितने बडे-बडे बन मै आगी लग जाथै। 6 जीभ एक आगी है; जीभ हमरे अंगन मै एक अधर्म की एक दुनिया है और पूरे सर्रीर मै कलंक लगाथै, और भवचक्र मै आगी लगाए देथै और नरक कुंड की आगी से जलत रहथै। (Geenna g1067) 7 काहेकि सब हानी के बन-पसु, पकछी, और नेंगन बारे जानवर और जलचर तौ आदमी जाति के वस मै हुई सकथै और हुई भी गै है। 8 लेकिन जीभ कै आदमी मै से कोई वस मै नाय कर सकथै; बौ एक ऐसी बला है जो कभी स्कतै नाय; बौ नासवान विस से भरी पडी है। 9 जहे से हम प्रभु और दऊवा को धन्यवाद देन ताहीं करथै और जहे से दुसरे लोगन कै आसीस की जघा साप देन के ताहीं करथै, जो परमेस्वर के तराही बनाये गै हैं। 10 एकै मोहों से आर्स्वाद और साप दोनों निकरथै। मेरे भईय्यो और बहेनियो, ऐसो नाय होनो चाहिए। 11 का सोता के एकै मोहों से मीठो और खारो दोनों पानी निकरथै? 12 मेरे भईय्यो और बहेनियो, का अंजीर के पेंड मै जैतून, या दाखलता मै अंजीर लग सकथै? बैसिये खारे सोता से मीठो पानी नाय निकर सकथै। 13 तुम्मे ग्यानवान और समझदार कौन है? जो ऐसो होबै बौ अपने कामन के अच्छे चाल-चलन से भोलो हुईकै दिखबै जो ग्यान से पैदा होथै। 14 लेकिन तुम अपने-अपने दिल मै जलन और

लालच रखथौ, तौ डींग मत मारियो और ना सच कै नकारौ। 15 जौ ग्यान बौ नाय, जो ऊपर से उतरथै लेकिन सांसारिक, सारीरिक, और सैतानी है। 16 काहेकि जहाँ पर जलन और बिरोध होथै, हुँआँ बखेडा और हर तरहन को दुस्करम भी होथै। 17 पर जो बुद्धि ऊपर से आथै बौ सबसे पहले सुद्ध होथै; फिर मिलनसार, कोमल, और मीठो स्वभाव और दया, और अच्छे फलन से लदे भै और पक्छपात और कपटरहित होथै। 18 और मिलाप करन बारे जो बीज सांति से बोथै बे धार्मिकता की फसल पाथै।

4 तुम्मे लडाई और झगडा कहाँ से आथै? का बे सुख विलासन से नाय जो तुमरे आँगन मै लडथै-भिडथै? 2 तुम लालसा रखथौ, और तुम्कै मिलत नाय है; तुम हत्या और डाह करथौ, कछु पाए नाय सकथौ; तुम झगडथौ और लडथौ; तुम्कै जहे बजह से नाय मिलथै कि तुम मांगत नाय हो। 3 तुम मांगत हो और पात नाय हो, काहेकि बुरी इच्छा से मांगत हो, ताकी अपने भोग विलास मै उडाए देबौ। 4 हे व्यभिचारियो का तुम नाय जानथौ, कि दुनिया से दोस्ती करनो परमेस्वर से बैर करनो है? काहेकि जो कोई दुनिया से दोस्ती करनो चाहथै, बौ अपने आपकै परमेस्वर को बैरी बनाथै। 5 ऐसो मत सोचौ कि साझ मै कोई सच्चाई ना है जो कहथै, “परमेस्वर हममै जो आत्मा रखी है बौ बैकर इच्छाओं से भरी है।” 6 लेकिन परमेस्वर जो अनुग्रह देथै बौ और भी जाधे सक्तिसाली होथै। जौ बजह से साझ कहथै, “परमेस्वर अभिमान करन बारे से बिरोध करथै, लेकिन भोले के ऊपर अनुग्रह करथै।” 7 काहेकि परमेस्वर के अधीन हुई जाबै; और सैतान को सामना करौ, तौ बौ तुमरे झोने से भाज जागो। 8 परमेस्वर के झोने आबौ, तौ बौ भी तुमरे झोने आगो: हे पापियो, अपने हात सुद्ध करौ; और हे दुई चितेयो अपने दिल के पवित्र करौ। 9 दुखी होबौ, और सोक करौ, और रोबौ, तुमरी हँसी सोक मै और तुमरी खुसी उदासी मै बदल जाबै। 10 प्रभु के सामने भोले बनौ, तौ बौ तुम्कै सिरमंडी बनागो। 11 हे भईय्यो और बहेनियो, एक दुसरे कि बुराई मत करौ, जो अपने भईय्या कि बुराई करथै, या दोस लगाथै, बौ नियम कि बुराई करथै, और नियम मै दोस लगाथै, तौ तू नियम मै चलन बारो नाय, लेकिन न्यायधीस ठहरो। 12 नियम देन बारो और न्यायधीस तौ एकै है, जोकै बचान की और मारन की सामर्थ्य है पर तू कौन है, जो अपने पडोसी के ऊपर दोस लगाथै? 13 तुम जो जौ कहथौ, “आज या कल हम कोई और नगर मै जाएँकै हुँआँ एक साल बितामंगे, और ब्यापार करकै पैसा कमांगे।” 14 और जौ नाय जानथौ कि कल को होगो सुन तौ लेबौ, तुमरी जिंदगी हईये का? तुम तौ मानो धुंध के हानी हो, जो थोड़ी देर दिखाई देथै, फिर लोप हुई जाथै। 15 जाके बदले तुम्कै कहनो चाहिए, “अगर प्रभु चाही तौ हम जिंदे रहमंगे, और जौ या बौ काम भी करंगे।” 16 पर अब तुम अपनी डींग मारन मै घमंड करथौ; ऐसो सबै घमंड बुरो होथै। 17 तौ फिर, अगर हम बौ अच्छो ना करते जो हम जानथै कि हमै करनो चाहिए, तौ हम पाप के दोसी है।

5 हे सेठौ सुन तौ लेबौ; तुम अपने आनबारे कलेसन के बजह से चिल्लाए-चिल्लाए कै रोबौ। 2 तुमरो धन बिगड गौ और तुमरे लतन के कीरा खाए गै। 3 तुमरे सोने-चाँदी मै काई लग गई है; और

बौ तुमरे खिलाफ गभाई देगी, और आगी के हानी तुमरो सरिर को मास खाए जागी: तुम तौ आखरी युग में धन बटोरें हो। 4 देखौ, जो मजदूर तुमरे खेत के काटी रहै, उनकी मजदूरी जो तुम उनके नाय दै; चिल्लाए रइ है, और लेन बारेन कि अपील, सेनाओं के प्रभु के झोने पौहौंच गई है। 5 तुम धरती में भोग-विलास में लगे रहे और बड़ा सुख भोगे; तुम जौ वध के दिन के ताहीं अपने दिल के पाल-पलोस के मोटो ताजो करे। 6 तुम धर्मी लोगन की बुराई और उनके मार डारे हो, और बे तुमरो बिरोध नाय करथै। 7 काहेंकि हे भईय्यौ और बहेनियौ, प्रभु के आन तक धीरज धरौ, जैसे, किसान जमीन के अच्छे फल कि आसा रखत भै पहलो और आखरी में बरसन के इंतजार में धीरज धरे रहथै। 8 तुम भी धीरज धरौ, और अपने दिल के मजबूत करौ, को है कि प्रभु जल्दिये आनबारो है। 9 हे भईय्यौ एक दुसरे के ऊपर दोस मत लगाबौ ताकी तुम दोसी नाय ठहरौ, देखौ, न्यायधीस फाटक में खड़ो है। 10 हे भईय्यौ जो भविष्यवक्ता प्रभु के नाओं से बात करी रहैं, उनके दुख उठान को और धीरज धरन को आदर्स समझौ। 11 देखौ, हम धीरज धरन बारेन के धन्य कहथै। तुम अय्यूब के धीरज धरन के बारे में तौ सुनेई हो, और प्रभु के घाई से जो बाकै फल मिलो बाकै भी जान ले हो, जोसे प्रभु कि बड़ी कस्मा और दया दिखाई देथै। 12 पर हे मेरे भईय्यौ, सबसे बड़ी बात जौ है, कि कसम मत खईयो; ना स्वर्ग कि ना धरती कि, ना कोई और चीज कि, पर तुमरी बात हाँ कि हाँ और ना कि ना होबै, ताकी तुम सजा के लायक नाय ठहरौ। 13 अगर तुम्में कोई दुखी होबै तौ बौ प्रार्थना करै; अगर खुस होबै तौ, बौ स्तुति के गाना गाबै। 14 अगर कोई तुम्में रोगी है तौ कलीसिया के बड़े-बूढ़ेन के बुलबाबौ, और बे प्रभु के नाओं से बाकै जैतून को तेल लगाएकै बाको अभिसेक करकै बाकै ताहीं प्रार्थना करै। 15 और बिस्वास कि प्रार्थना से रोगी बच जागो और प्रभु बाकै ठडबाए देगो; अगर बौ पाप भी करी होगो तौ, परमेस्वर बाकै माफ कर देगो। 16 काहेंकि तुम्हें एक दुसरे के सामने अपने-अपने पापन के मान लेबौ; और एक दुसरे के ताहीं प्रार्थना करौ, जोसे चंगे ही जाबौ; न्याई आदमी कि प्रार्थना को एक सक्तिसाली प्रभाव होथै। 17 एलिय्याह भी तौ हमारिये हानी दुख-सुख भोगी आदमी रहै; और बौ गिड़गिड़ाए के प्रार्थना करी, कि मेंहें नाय बरसै; और साढे तीन साल तक धरती में मेंहें नाय बरसो। 18 फिर बौ प्रार्थना करी, तौ आसमान से मेंहें बरसो, और धरती फिर से हरी-भरी और फरन लगी। 19 हे मेरे भईय्यौ, अगर तुम्में से कोई अगर सच्चाई के रस्ता से भटक जाबै, और कोई बाकै लौटार लाबै। 20 तौ बौ जान लेबै, कि जो कोई बौ भटके भै पापी के मन से लौटार लागो, बौ एक पापी की आत्मा के मौत से बचागो और निर पापन में माफ लागो।

1 पतरस

1 पतरस से, ईसु मसीह के प्रेरित परमेस्वर के चुने भै लोगन के ताहीं जो पुनर्तुस, गलातिआ, कम्पदूकिया, आसिया, और बिर्तुनिया के देसन में बिखरे भै प्रवासी के नाई रहैथैं। 2 तुमकै दऊवा परमेस्वर के भविष्य ग्यान के अनुसार चुनो गौ रहै और ईसु मसीह के आग्या पालन और बाके सौपे भै खून के जरिये सुद्ध होन के ताहीं जो बाकी आत्मा के जरिये अलग करो गौ है भरपूर अनुग्रह और सांति तुमकै मिलत रहबै। 3 आबौ हम अपने प्रभु ईसु मसीह और परमेस्वर दऊवा को धन्यवाद करै! अपनी महान दया के कारड बे ईसु मसीह के मौत से जिंदो उठाएकै हमै एक नई जिंदगी दई। जो हमै एक जिंदी आसा के आर्शिवाद से भर देथै, 4 मतलब एक अविनासी और निरमल, और अमर बिरासत के ताहीं जो तुम्हारे ताहीं स्वर्ग में रखी है, 5 बे तुमरे ताहीं हैं, जो बिस्वास के जरिये से परमेस्वर की सामर्थ्य के जरिये बौ उद्धार के ताहीं सई सलामत रखे जाथैं जो समय के अंत में दिखाई देन के ताहीं तैयार है। 6 जाके बारे में तुम भौत खुस रहबौ, भलेई अब जो तुमरे ताहीं जरूरी हुई सकथै कि तुम तमान परकार के परखन के बजह से दुखी हो। 7 उनको उद्देश्य जौ साबित करनो है कि तुमरो बिस्वास असली है। हियाँ ले कि सोनो, जोकै नास करो जाए सकथै, आगी के जरिया परखो जाथै; और तभई तुमरो बिस्वास, जो सोने से भौत जट्टे कीमती है, जहो परिकछड करो जानो चाहिए, ताकी जौ सहन हुई सकै। तौ तुमकै ईसु मसीह के दिखाई देन के दिन बड़ाई और महिमा और आदर मिलेगो। 8 तुम बासे प्रेम करथौ लेकिन तुम बाकै नाय देखे हो, और तुम बाके ऊपर बिस्वास करथौ, हालाकि अब तुम बाकै नाय देखथौ। तभई तुम बौ बडे और महिमा में खुसी से भर गै हो जोकै सब्द बयौ नाय कर सकथै, 9 तुम अपनी आत्मन को उद्धार ले रहे हो, जो तुमरे मन के भीतरी बिस्वास को उद्देश्य है। 10 जौ ऐसे उद्धार के बारे में है जोकै भविष्यवक्ता सतर्क हुई कै ढूँडी और जाँची, और बे जौ अनुग्रह के बारे में भविष्यवाँडी करथै जो परमेस्वर तुमकै देगो। 11 बे जौ पता लगान की कोसिस करी कि समय कब होगो और केसे आगो। जौ बौ समय रहै, जांमै मसीह की आत्मा भविष्यवाँडी करत रहै, मसीह के बे कस्टन को अनुमान लगान के ताहीं, जिनकै झेलने होगो और महिमा के अपनाने होगो। 12 परमेस्वर जे नबियन के बताई कि उनको काम उनके अपने फायदे के ताहीं नाय रहै, लेकिन तुमरी सेवा के ताहीं है, जैसी कि बे उन चीजन के बारे में बात करी, जो तुम अब बे दूतन से सुने हो, जो स्वर्ग से भेजी गई पवित्र आत्मा की सक्ति से सुसमाचार को ऐलान करी। जे ऐसी चीजें हैं जिनकै देवदूतौ समझनो चाहंगे। 13 जौ बजह से अपने-अपने दिमाक के तैयार रखौ, और सतर्क रहकै बौ अनुग्रह की पूरी आसा रखौ, जो ईसु मसीह के सामने आन पोती तुम्हें मिलन बारो है। 14 परमेस्वर के आग्याकारी बनौ, और अपनी जिंदगी के बे इच्छन से आकार मत लेन दियौ, जो तुमरे झोने तौ रहै जब तुम हबऊ अग्यानी रहौ। 15 जाके बजाय, तुम जो करथौ, बांमै पवित्र बनौ, जैसो की तुमके पुकारन बारो परमेस्वर पवित्र है। 16 साब्र कहथै, “पवित्र बनौ

काहेकि मैं पवित्र हौ।” 17 जब तुम परमेस्वर से पुकारकै प्रार्थना करथौ, तौ तुम बाकै दऊवा कहथौ, जो एकै मानन बारे के जरिया सबै लोगन को न्याय करथै, हर एक जो करी है बाके अनुसार; तौ फिर, अपनी जिंदगी की बची भई जिंदगी बाके ताहीं आदर से पृथ्वी में गुजारौ। 18 तुम जानथौ कि तुमरे बडे-बुढे के जरिया दई गई जिंदगी के बेकार तरीका से तुमकै छुडान के ताहीं का भुगतान करो गौ रहै। जौ ऐसो कुछ नाय रहै जोकै नास करो जाए सकथै, जैसे कि चाँदी या सोनो; 19 जौ मसीह को कीमती खून रहै, जो निर्दास या बेदाग एक मेमना के जैसी रहै। 20 बौ परमेस्वर के जरिया दुनिया के बनन से पहले चुनो गौ रहै और जे आखरी दिनन में तुमरे ताहीं दिखाई दौ रहै। 21 बाके जरिया से तुम परमेस्वर में बिस्वास करथौ, जो बौ मौत से जिंदो करी और बौ महिमा दई; और जहे ताहीं तुमरो बिस्वास और आसा परमेस्वर में टिकी है। 22 अब जब तुम सच्चाई को पालन करथौ, तौ तुम खुदकै सुद्ध करे हो और अपने संगी विस्वासियन के ताहीं इमानदारी से प्रेम करे हो, एक दुसरे से पूरे मन से गहरो प्रेम करथै। 23 परमेस्वर के जिंदे और अनंत सब्द के जरिया से तुम एक ऐसे अईय्या-दऊवा के बालकन के रूप में फिर से पैदा भै हैं जो अविनासी हैं, ना कि नास होन बारो। (aiōn g165) 24 जैसी कि साब्र कहथै: “सबे इंसान घाँस के जैसी हैं, और उनकी पूरी महिमा जंगली फूलन के जैसी है। घाँस मुरझाय जाथै, और फूला गिर जाथै, 25 लेकिन प्रभु को बचन हमेसा के ताहीं बनो रहथै।” जौ सब्द सुसमाचार है जो तुमकै ऐलान करो गौ रहै। (aiōn g165)

2 तभई, अपने तुमकै सबे बुराई से छुटकारा दियौ; कोई और जट्टे झूठ या पाखंड या जलन या बदनामी भाँसड के संग करो जाथै। 2 नया पैदा भै बालका के जैसी सुद्ध आत्मिक दूद की इच्छा करौ, ताकी जाके पीन से तुम उद्धार पान के ताहीं बढत जाबौ। 3 जैसी की साब्र कहथै, “तुम अपने ताहीं चखे हो कि प्रभु कितो अच्छो है।” 4 प्रभु के झोने आबौ, बौ जिंदो पथरा जोकै लोगन के जरिया बेकार समझकै ठुकराओ दौ गौ, लेकिन परमेस्वर बाके कीमती समझकै चुनी। 5 जिंदे पथरन के रूप में आबौ, और खुदकै आत्मिक मंदिर के बनन में इस्तमाल करौ, जितै ईसु मसीह के जरिया से परमेस्वर के आत्मिक और अपनान बारो बलिदान देन के ताहीं पवित्र यहूदि नियम के सिक्छक के रूप में काम करंगे। 6 साब्र कहथै: “मैं एक कीमती पथरा चुनो, जोमैं सिरियोन पहाड में बुनियाद के रूप में रख रौ हौ; और जो कोई बाके ऊपर बिस्वास करथै, बौ कहु निरास ना होगो।” 7 जौ पथरा तुमरे ताहीं जो बिस्वास करथै भौत खास है; लेकिन जो बिस्वास नाय करथै उनके ताहीं: “पथरा जोकै राजमित्री बेकार मानकै ठुकराए दई बहे सबसे खास निकरो।” 8 और एक और साब्र कहथै, “जौ पथरा लोगन के ठोकर खबागो, चट्टान जो उनके गिराबैगी।” बे लडखडाय गै काहेकि उनके सब्द ऊपर बिस्वास नाय रहै; उनके ताहीं परमेस्वर की इच्छा जहे रहै। 9 लेकिन तुम चुने भै लोग, राजा के यहूदि नियम के सिक्छक, पवित्र लोग, परमेस्वर के अपने लोग, परमेस्वर के अचम्मो कामन को ऐलान करन के ताहीं चुने गै, जो तुमकै अधियारे से अपने उज्जीते में मस्काई। 10 एक समय ऐसो रहै जब तुम परमेस्वर के लोग नाय

रहौ, लेकिन अब तुम उनके लोग हो; एक समय तुम परमेस्वर की दया के नाय जानत रहौ, लेकिन अब तुमके उनकी दया मिल गई है। 11 मैं तुमसे, प्रिय दोस्तो, जो दुनिया मैं अजनबी और परदेसी होन की बजह से नहोरे करथौ! कि सारीरिक मन की चीज के इच्छा के अगु मत झुकियो, जो हमेसा आत्मा के खिलाफ युद्ध में रहथै। 12 अपने गैर यहि परोसियन के बीच ठीक से रहने के ताहीं सावधान रहबौ। फिर भलेई बे तुमरे ऊपर गलत काम करन को आरोप लगथै, फिर भी बे तुमरे आदर बारे व्यवहार के देखगे, और बे परमेस्वर के आदर महिमा देंगे जब बौ दुनिया को फैसला करैगो। 13 प्रभु के ताहीं सबै मानवीय अधिकारन को सम्मान करौ, राजा राज्य को प्रमुख होबै, 14 और राज्यपालन के ताहीं, जिनके बाके जरिया चुनो गौ है कि बौ बुराई करन बारेन के सजा देबै और अच्छो करन बारेन की बड़ाई करै। 15 काहेंकि परमेस्वर चाहथै कि तुम अपने भले कामन के जरिये मूर्ख लोगन की अम्यानी बातन के चुप कराबौ। 16 तुम आजाद लोगन के हानी जीबौ, फिर भी तुम परमेस्वर के दास हो, तभईये अपनी आजादी को उपयोग बुराई करन के बहाने के रूप में मत करौ, परमेस्वर के दास के नाई जीबौ। 17 सबन को आदर करौ, अपने संगी विस्वासियन से प्रेम करौ, परमेस्वर से डराबौ और राजा को आदर करौ। 18 तुम जो दास हो, उनके अपने मालिक के अधिकार के सबै सम्मान के संग अपनाओ चाहिए। बे जो कुछ भी करथै, बाँके बताबौ, ना सिर्फ अगर बे दयालु और अच्छे हैं, बल्किन भलेई बे कठोर हैं। 19 अगर कोई परमेस्वर के प्रिय विवेकसीलता के बजह से कलेस भोगथै और अन्याय के तरीका से सताओ जाथै, बौ महिमा की बड़ाई के काबिल है। 20 अगर तुम गलत काम करन के लायक हो, तौ तुम कौन से सम्मान के ताहीं हो? लेकिन अगर तुम भलो करे हो तहुँओ दुख उठाथौ, तौ परमेस्वर तुमके जाके ताहीं आर्स्वाद देगो। 21 जौ जओ बात के ताहीं रहै कि परमेस्वर तुमके बुलाई, मसीह तुमरे ताहीं खुदके दुखी करी और एक उदाहरण छोट दई, ताकी तुम बाके पच्छु चलो। 22 बौ कोई पाप नाय करी, और कोई कह बाके होटन से झूठ नाय सुनी। 23 जब बाको अपमान करो गौ, तौ बौ अपमान के संग बापस जबाब नाय दई; जब बौ दुखी भौ, तौ बौ धमकी नाय दई, लेकिन बाके आसन के सई ढंग से फैसला करन बारे परमेस्वर में रखी। 24 मसीह खुद हमरे पापन के अपने सरीर में लै है क्रूस में चढ़गौ, ताकी हम पाप से मर जाए और धार्मिकता के ताहीं जिंदगी जी सकैं। जौ बाके घाव से है कि तुम चगे हुईगौ हो। 25 तुम भेड़ के जैसी रहौ जो अपनी राह हरबाए डारी रहै, लेकिन अब तुमके मन और आत्मन के बरदिया और रखक को अनुसरई करन के ताहीं लौटाय लाओ गौ है।

3 बैसिये, तुमके बईथ्यरौ अपने लोगा के अधिकार के अपनानो चाहिए। फिर, भलेई कुछ लोग सुसमाचार के मानन से इंकार कर दिवै, लेकिन तुमरी परमेस्वर के मानन बारी जिंदगी बिना कोई सब्द के बासे बात करैगो। उनके ऊपर जीत हासिल करी जागी और बे विस्वासी बन्गे, 2 बे देखगे कि तुमरो व्यवहार किंतो सुद्ध और आदर बारो है। 3 तुमके खुदके सुगड बनान के ताहीं बहारी सुगडपन की जरूरत नाय है, जैसी कि तुम अपने बारन के करथौ, या

तुमरे जरिया पैधे गै जेबर, या तुमरे जरिया पैधे जान बारे लता। 4 जाके अलावा तुमरो लुको भौ और गुप्त इंसानियत, भोलोपन और मन की सांत आत्मा की दीनता की अविनासी सजावट से समरो रहबै, काहेंकि परमेस्वर की नजर में जाको मोल बडो है। 5 और पुराने समय में पवित्र बईथ्यरौ भी, जो परमेस्वर में आसा रखत रहै, अपने आपके ऐसिये करके समारती और अपने-अपने लोगा के अधीन रहत रहै। 6 सारा ऐसी रहै; बौ अब्राहम की बात मानी और बाँके अपनो गुरु कही। तुम अब बाकी लौडिया हो अगर तुम भलो करथौ और कोई भी चीज से ना डराथौ। 7 बैसिये तुम लोगन के अपनी बईथ्यरन के संग ठीक समझ के संग रहनो चाहिए कि बे तुमसे नाजुक हैं। उनके संग आदर से पेस आबौ, काहेंकि बे भी, तुमरे संग, जिंदगी को परमेस्वर को वरदान लेमंगी। ऐसो करौ कि तुमरी प्रार्थना में कुछे बाधा न पड़े। 8 आखरी में, तुम सबन को दिमाक एक होनो चाहिए एक-दूसरे से सहानुभूति खाबौ। एक-दूसरे से भईथ्या-बहेनिया के जैसी प्रेम करौ। भोलोपन से पेस आबौ और नम्र बनौ। 9 बुराई के संग बुराई या सप के संग सप के मत भुगतौ; जाके बजाय, आर्स्वाद के संग बापस भुगतान करौ, आर्स्वाद बौ है जो परमेस्वर तुमके देन को वादा करी रहै जब बौ तुमके बुलाई रहे। 10 जैसी कि साझ कहथै, “अगर तुम जौ जिंदगी से प्रेम करनो और अच्छे समय के देखनो चाहथौ, तुमके बुरो बोलन से बचनो चाहिए और झूठ बोलनो बंद करौ। 11 तुमके बुराई से दूर रहनो चाहिए और अच्छो करनो चाहिए; तुम पूरे मन से सांति के ताहीं कोसिस करौ। 12 धर्मी के ऊपर प्रभु देखथै और उनकी प्रार्थना सुनथै; लेकिन बौ बुराई करन बारेन को बिरोध करथै।” 13 अगर तुम जो अच्छो है बाँके करन के ताहीं हुस्कान में तुमके कौन नुकसान पहुँचाबैगो? 14 अगर तुम न्याय के वजह से दुख भी उठाबौ, तौ धन्य हो; पर उनके डरपान से मत डरईयो, और न घबरईयो। 15 पर मसीह के प्रभु जानके अपने-अपने मन में पवित्र समझौ, और बाँके प्रभु के रूप में सम्मान दिवौ। कोई भी आदमी के जबाब देन के ताहीं हर समय समरे रहाबौ जो तुमसे तुमरे झोने मौजूद आसा के समझान के ताहीं कहथै, 16 लेकिन भोलोपन और सम्मान के संग करौ। अपने मन के सपा खाबौ, ताकी जब तुमरो अपमान करो जाबै, तौ जो लोग मसीह के अगुवन के रूप में तुमरे अच्छे व्यवहार की बुराई करथै, बे जो कहथै बासे सरमाय जागे। 17 बुराई के ताहीं दुख भोगन के बजाय अगर परमेस्वर की इच्छा होबै तौ भलाई के ताहीं दुख भोगनो अच्छो है। 18 तभई कि मसीह भी, मतलब अधर्मियन के ताहीं धर्मी पापन के कारड एक बार दुख उठाई, ताकी तुमके परमेस्वर तक लैजाओ जाए सकैं। बाँके सरीर के रूप से मार डारो गौ, लेकिन आत्मा के रूप से जिंदो कर दौ गौ, 19 और अपने आत्मिक अस्तित्व में जाएँ के बौ के आत्मन के उपदेस दई। 20 जे बे लोगन की आत्मा रहै जो परमेस्वर की आग्यन के मन से यकीन नाय करी रहै। जब बौ बे दिनन धीरज से असियात रहै जब नूह अपने जहाज के बनात रहै। जहाज में कुछ लोग, सबै में आठ जनी, पानी से बच गै रहै, 21 जो बपतिस्मा के घाँई इसारा करत भे एक प्रतीक रहै, जो अब तुमके बचाथै। जौ सरीर की गंदगी से धोनो नाय है, बल्कि एक अच्छे मन से परमेस्वर से करो गौ वादा है। जौ तुमके ईसु मसीह के पुनरुत्थान के जरिया से बचाथै, 22 जो

स्वर्ग में चले गौ है और सब स्वर्गादूतन और स्वर्गिय अधिकारी और अचम्मे काम के संग सासन करत भै, परमेस्वर के दहने बैठगौ।

4 मसीह सरिर के रूप मैं दुख उठाई, तभईये तुमकै भी अपने कै

बहे सोच के संग मजबूत करने होगो जो बाके पास रहै; काहैकि जो कोई सरिर के रूप मैं दुख उठाथै, बौ पाप के संग सामिल नाय है।

2 तौ से, तौले, तुमकै अपनी बची भइ सांसारिक जिंदगी कै परमेस्वर

की इच्छा से सादनो चाहिए, नाय की इसानी इच्छन के जरिया। **3**

तुम अतीत मैं बौ काम कै करन मैं काफी समय बिताए हौ जोकै गैर

यह्दि करनो पसंद करथै। तुमरी जिंदगी अभद्रता, वासना, मद्यपान,

तांडव, पीन की दावत और मूर्तियन की धिनौनी पूजा मैं बीतो।

अनैतिकता और वासना, उनकी दावत और नसा और जंगली दावत,

और उनकी मूर्तियन की छिया पूजा मैं समय बिताथै। **4** और अब गैर

यह्दि अचम्मो करथै जब तुम उनके एकै जंगली और लापरवाह

जिंदगी मैं सामिल नाय करथौ, और तभईये बे तुमरी बुराई करथै। **5**

लेकिन उनके खुदकै परमेस्वर कै लेखा-जोखा देने होगो, जो जिंदे

और मेरे लोगन को न्याय करन के ताहीं तैयार है। **6** काहैकि मेरे

भैन कै भी सुसमाचार इसलै सुनाओ गौ, कि सरिर मैं तौ इसानन के

हानी उनको फैसला भौ, पर आत्मा मैं बे परमेस्वर के हानी जिंदे

रहमैं। **7** सब चीजन को अंत झोने है। प्रार्थना करन मैं माहिर होन के

ताही तुमकै खुदकै सादन और चौकन्ने होनो चाहिए। **8** सब कुछ से

ऊपर, एक दुसरे कै पूरे दिल से प्रेम करौ, काहैकि प्रेम तमान पापन

कै ढोंक देखै। **9** बिना हिचकिचाय हितुअन को आदर करौ। **10** हर

एक कै, परमेस्वर के कई तरहन के उपहारन के एक अच्छे प्रबंधक

के रूप मैं, दुसरेन ऊपर दया के ताहीं बौ खास उपहार को इस्तमाल

सेवा मैं करनो चाहिए जो बौ परमेस्वर से पाई है। **11** जो उपदेस देखै

उनकै परमेस्वर के संदेसन को प्रचार करनो चाहिए; जो लोग सेवा

करथै, उनकै बौ सक्ति के संग सेवा करनो चाहिए जो परमेस्वर

उनकै देखै, ताकी सब चीजन मैं ईसु मसीह के जरिया से परमेस्वर

की बडाई करी जाए सकै, जिनके ताहीं महिमा और सक्ति हमेसा

और हमेसा के ताहीं होबै। आमीन। (aiōn g165) **12** मेरे प्रिय दोस्तौ,

तुम जो दर्दनाक परिक्रछा मैं दुख सह रै हौ, बायें अचम्मो मत करौ,

जैसी कि तुमरे संग कुछ असामान्य होत रहै। **13** खुस होबौ कि तुम

मसीह के दुखन मैं भागीदार हुई रै हौ, जब बाकी महिमा दिखाई देगी

तौ तुम खुसी से भरे रहबौ। **14** अगर मसीह के नाओं के अनुयायी

होन के बजह से तुमरो अपमान होबै तौ तुम धन्य हौ; जाको मतलब

है कि महिमामय आत्मा, परमेस्वर की आत्मा, तुमरे ऊपर आराम

कर रइ है। **15** अगर तुम दुखी हौ, तौ जौ नाय होनो चाहिए तुम

हत्थोरे या चुट्टा या अपराधी या दुसरे लोगन के मामलेन मैं पड़े हौ।

16 पर अगर बिस्वासी होन के वजह से दुख मिलै, तौ लज्जित मत

होबौ, पर जौ बात के ताहीं परमेस्वर की महिमा करौ। **17** अगर

परमेस्वर हमरे संग अपनो फैसला सुरू करथै, तौ जौ निसचित रूप से

बे लोगन के ताहीं कही जाधे कठिन होगो जो परमेस्वर से आनबारी

सुसमाचार के ऊपर बिस्वास ना करथै। **18** जैसो कि साङ्ग कहथै,

“धर्मी लोगन कै बचनो मुस्किल है; तौ जो अधर्मी और पापी हैं

उनको का होगो?” **19** तभईये, जो लोग दुख सहथै जौ उनके ताहीं

परमेस्वर की इच्छा है, उनके अच्छे कामन से उनके अपने बनान

बारे ऊपर पूरे मन से बिस्वास करनो चाहिए, जो हमेसा अपनो वादा

पूरो करथै।

5 मैं, जो खुद एक बड़ो हौं, तुमरे बीच कलीसिया के बड़े-बूढ़ेन

से नहोरे करथौ। मैं मसीह के दुख सहन को गभा हौं, और जो

महिमा दिखाई देबेगी, बायें मैं सहभागी होंगो। मैं तुमसे नहोरे करथौ

2 बौ झुंड के बरदिया होन के ताहीं जोकै परमेस्वर तुमकै दई रहै और

अपनी इच्छा से बाकी देखाभारी करनो, जैसो कि परमेस्वर तुमकै

चाहथै, और अनिच्छा से नाय। अपनो काम, सिरफ दिहाड़ी के

ताहीं नाय, बल्कि सेवा करन की सच्ची इच्छा से करौ। **3** बे लोगन

ऊपर सासन करन की कोसिस मत करौ जिनकै तुमरी देखाभारी मैं

लगाओ गौ है, लेकिन झुंड के ताहीं उदाहरद बनौ। **4** और जब

असली बरदिया दिखाई देगो, तौ तुमकै महिमा को मुकुट मिलेगो जो

कहुए अपनी चमक नाय खोबेगो। **5** बैसिये तुम छोटे लोगन कै

अपने बड़े-बूढ़ेन के अगु लाने होगो। और तुम सबन कै एक दुसरे

की सेवा करन के ताहीं भोलेपन के तहबंद मैं रखनो चाहिए; साङ्ग

कहथै, “परमेस्वर घमंड को बिरोध करथै, लेकिन दयालुअन को

पक्छ लेथै।” **6** परमेस्वर के सक्तिसाली हात के नीचे, खुदकै भोलो

बनाबौ, ताकी बौ तुमकै अपने अच्छे समय मैं उठाए लेबै। **7** अपनी

सारी चिंतन के बाके संग छोड़ देबौ, काहैकि बौ तुमरी परवा करथै।

8 चौकन्ने रहबौ, चहाचीते रहबौ! तुमरो दुस्मन, सैतान घूमत भौ सेरा

के जैसी इतै-उतै घूमत रहथै, कोई कै खाए जान ताहीं ढूँडन मैं

लगोरैहथै। **9** अपने बिस्वास मैं दृढ़ रहबौ और बाको बिरोध करौ,

काहैकि तुम जानथौ कि पूरी दुनिया मैं दुसरे विस्वासी एकै जैसी के

दुख से गुजर रै हैं। **10** लेकिन जब तुम थोड़ी देर के ताहीं दुखी हुई

जाथौ, तौ सबै अनुग्रह को परमेस्वर, जो तुमकै मसीह के संग अपनी

अनंत महिमा कै साझा करन के ताहीं बुलाई, खुद तुमकै पूरो करंगे

और तुमकै दृढ़ता, सक्ति और एक मजबूत बुनियाद देमगे। (aiōnios

g166) **11** बौ हमेसा के ताहीं राज्य करत रहबै! आमीन। (aiōn

g165) **12** मैं तुमकै जौ छोटी चिठी सीलास की मदत से लिखथौं,

जोकै मैं एक भरोसेमंद मसीह भईय्या मानथौं। मैं तुमकै उत्साहित

करनो चाहथौं और अपनी गभाई देनो चाहथौं कि जौ परमेस्वर को

सच्चो अनुग्रह है। जामैं दृढ़ रहबौ। **13** बेबीलोन मैं तुमरी बहैनिया

कलीसिया, जोकै परमेस्वरौ चुनी है, तुमकै सुभकामना भेजथै, और

ऐसिये मेरे लौडा मरकुस भी। **14** एक-दुसरे कै मसीह प्रेम की चुम्मी

के संग नमस्ते। सांति तुम सबन के संग होबै, जो मसीह के हैं।

2 पतरस

1 सिमौन पतरस के घोंई से, जो ईसु मसीह के सेवक और प्रेरित है, बे लोगन के ताही जिनके हमरे परमेस्वर और उद्धारकर्ता ईसु मसीह के न्याय के जरिया हमरे हानी एक कीमती बिस्वास दौ गौ है। 2 परमेस्वर और हमरे प्रभु ईसु के ग्यान के जरिया तुम्हें अनुग्रह और सांति बहुतायत से बढ़त जाबै। 3 परमेस्वर की ईस्वरीय सामर्थ्य हमें बौ सब कुछ दई है जोकी हमें बाकई मैं धार्मिकता की जिंदगी जीन के ताही जरूरत होयै जौ जिंदगी हम बाके ग्यान के ताही जी सकयें जौ हमें अपनी महिमा और अच्छाई मैं साझा करन के ताही बुलाई है। 4 जौ तरह से बौ आपन कै दे भै भौतै सानदार और कीमती तोफा वादा के तौर मैं दई, ताकी जे तोफा के जरिया से तुम नास करन बारी वासना से जौ दुनिया मैं है बच सकौ, और बाके ईस्वरीय स्वभाव के सहभागी हुई सकौ। 5 जौ तरह से तुम अपनेई बिस्वास मैं अच्छाई जोड़न की पूरी कोसिस करौ; अपने अच्छाई मैं ग्यान जोड़ौ; 6 अपने ग्यान मैं संयम; संयम मैं धीरज जोड़ौ; अपनेई सहनसक्ति से ईस्वर भक्ति जोड़ौ; 7 अपने ईस्वर भक्ति मैं मसीह सेह जोड़ौ; और अपने मसीह सेह से प्रेम जोड़ौ। 8 जे बे गुन हैं जोकी तुम्हें जरूरत है, और अगर तुम्हारे पास जाधे मैं हैं, तौ प्रभु ईसु मसीह हमरे ग्यान मैं तुम्हें निकम्मा और निस्फल न होन देगो। 9 लेकिन जिनके झोने जे गुन नाय हैं बे इत्ते अंधरा हैं कि बे देख नाय सकयें और भूल गै हैं कि उन्हें उनके पिछले पापन से सुद्ध करो गौ है। 10 इसलै, मेरे भईय्यो, परमेस्वर की बुलाहत और बाकै चुने जानकै सिद्ध करन की भली भौति कोसिस करत जाबौ; अगर तुम ऐसो करथौ, तौ तुम कह ठोकर ना खागो। 11 जौ तरह से तुम्हें हमरे प्रभु और उद्धारकर्ता ईसु मसीह के अनंत राज्य मैं बड़ा आदर के संग घुसन को पूरो हक दौ जागो। (aiōnios g166) 12 और इसलै मैं तुम्हें हमेसा जे मामलेन की याद दिबांगो, भलेई तुम उन्हें पहले से ही जानत होबौ और तुमरे जरिये मिली भइ सच्चाई के ऊपर मजबूती से स्थिर होमैं। 13 मेरे बिचार मैं जबले जौ सरीर तुमरे बीच मैं जिंदी है, ऐसो करनो ठीक समझथौ कि जे बातन की याद दिलात भै तुमरी याददास के उतेजित करत रहमौ। 14 मोए मालुम है मैं जल्दिये जौ नासवान सरीर कै छोड़ दूंगो, जैसो कि हमरो प्रभु ईसु मसीह साफ-साफ बताई रहै। 15 मैं ऐसी पूरी कोसिस भी करंगो कि मेरी मौत के बाद तुम कोई भी समय जे बातन के याद कर सकौ। 16 हम तुम्हें हमरे प्रभु ईसु मसीह के सामर्थ्य से आन के बारे मैं बतान के ताही गडी भइ कहानियों के भरोसे नाय हैं। खुद की आँखिन से बाकी महानता देखें हैं। 17 जब हम परमेस्वर दऊवा के जरिया उन्हें आदर और महिमा दें, तौ हम हँआँ रहैं, तौ परतापी महिमा से अबाज आई, “जौ मेरो प्रिय लौड़ा है, जासे मैं भौत खुस हौ!” 18 हम खुद स्वर्ग से आनबारी जौ अबाज कै सुने, जब हम पवित्र पहाड़ मैं बाके संग रहैं। 19 तभई हम भविष्यवक्ता के जरिया ऐलान करे गे संदेस के बारे मैं जाधे आसस्वस्त हैं। अगर तुम बाकै ध्यान देथौ तौ अच्छी बात है, काहेंकि जौ एक अधियारो जया मैं चमकन बारी दिया के तराहीन है जबले कि दिन नाय निकरथै और सुबेरो को तारा तुमरे दिल मैं नाय

चमकथै। 20 हालाकि, सबन से ऊपर, जौ याद रखौ कि हमसे खुद कोई भी सांख लेख समझाए नाय सकथै। 21 कोई भी सांख मैं लिखो भौ संदेस सिरफ इसानी इच्छा से नाय आओ रहै, लेकिन लोग पवित्र आत्मा के मार्ग दरसन के जरिये परमेस्वर के घोंई से बोलत रहैं।

2 काहेंकि लोगन के बीच झूठे भविष्यवक्ता उठ आए हैं जैसो कि अतीत मैं बताओ गौ रहै, और बहे तराहीन तुमरे बीच मैं झूठे उपदेसक दिखाई देंगे। बे विनासकारी, और गलत सिद्धांत के लागे, और बौ प्रभु कै जे उन्हें मोल लई है इंकार करंगे, और जहेमारे बे खुदकै अनकाचीति बिनास मैं लागे। 2 फिर भी, भौत से लोग उनके अनैतिक रस्ता के ऊपर चलंगे; और जोभी बे जे करथैं, उनके बजह दुसरे लोग सच्चाई के रस्ता की बुराई करंगे। 3 और लालच मैं जे झूठे गुरुजी तुमकै झूठ-मूठ की कहानियाँ बतायेंके तुमसे फायदा उठांगे। भौत दिन से उनको न्याई मरगौ है, और उनको बिनास करन बारो पूरी तरह से जगौ है। 4 परमेस्वर पाप करन बारे स्वर्गदूतन कै भी नाय छोड़ी, और उन्हें नरक मैं फेंक दई, जितै न्याय के दिन के ताही उन्हें सौंकरन से भौंदकै अधियारो मैं रखो जाथै। (Tartarō g5020) 5 परमेस्वर पुरानी दुनिया के नाय छोड़ी, लेकिन नास्तिक लोगन की दुनिया मैं सैलाब लाय दई; सिरफ न्ह जौ न्याय को बचन देत रहैं, और बाके संग सात लोग रहैं। 6 परमेस्वर सदोम और अमोरा के सहरन कै दोसी करत भै, उन्हें आगी से भसम कर दई, और उन्हें एक उदाहरद बनाई कि जे बाकी आग्या के ठुकरामंगे उनको का होगो। 7 जबकी बौ न्याई लूत कै बचाई, और बौ अधर्मियन के अनैतिक चाल-चलन से भौत दुखी रहै। 8 उनके बीच बौ एकै न्याई आदमी रहत रहै, और जब उनके अधर्म के कामन कै देखतो और सुनतो, तौ बौ हर दिन अपने धर्मी मन के पीडित करत रहै। 9 और तभई प्रभु जानथै कि कैसे न्याई लोगन के पोरसानी से बचाओ जाबै और कैसे अधर्मियन कै सजा देन के ताही न्याय के दिन ले रखो जाए। 10 खासकर उन्हें जे असुद्ध अभिलासा के पच्छू सरीर के अनुसार चलथैं, और परमेस्वर के अधिकार कै तुच्छ समझथैं। जे झूठे सिक्छक ढीट और अभिमानी होथैं और गौरवसाली इंसानन को आदर करन के बजाय उनकी बुराई करनो नाय छोड़थैं। 11 हियाँ तक कि स्वर्गदूत, जे झूठे सिक्छक की बराबरी मैं भौत मजबूत और सामर्थी हैं, उनके प्रभु के अगु बुरो-भलो कहकै दोस नाय लगाबौ। 12 लेकिन जे लोग बेअकली जानवरन के हानी हैं, जे पकड़े जान और नास होन के ताही पैदा भै हैं; और जिन बातन के जानतै ना हैं, उनके बारे मैं औरन की बुराई करथैं, बे अपनी सडाहट मैं खुदे सड जांमंगे। 13 और उनके जरिये करे गे कस्टन के ताही उन्हें दुख के संग भुगतान करो जागो। उनके ताही सुख-विलास की बात जौ है कि बे अधर्म के काम दिन के उजियारो मैं कुछ भी करथैं जौ उनकी सारीरिक भूंक के संतुष्ट करैगो; बे लज्जित और लज्जित होथैं, जब बे तेंरे खानु मैं सामिल होथैं, तौ हर समय अपने अन्याय के काम मैं और छल-कपट मैं खुस होत रहथैं। 14 उनकी आँखी हमेसा व्यभिचार से भरी रहथैं; पाप के ताही उनकी भूंक कहए नाय सकथै। बे चंचल मन बारेन कै फुसलाए लेथैं। उनके मन लालची होन के ताही सीखे भै हैं। बे परमेस्वर के अभिस्त्राप के तहत हैं। 15 बे तौ

सीधी रहा छोड़ दई है और अपनी रहा हरबाए दई है; जे बिओर के के संग में गायब हुई जांगी। 11 जबकी जे चीज जौ तराहनी से खतम लौडा बिलाम के पच्छ-पच्छ चलत रहै, जो बौ अधर्म से कमाए हुई जांगी, तौ तुम्हें कैसो होनो चाहिए? तुमरी जिंदगी पवित्र और भै पैसन से प्रेम करी 16 और तभई बाके पाप के ताहीं फटकार लगाई गई रहै। तौ एक गथा के जरिया इंसानी अबाज निकरबाए कै बौ भविष्यवक्ता के पागलपन के रोको गौ। 17 जे सूखे पानी के सोता, और आँधी में उड़ाए गै बादर के तराहनी हैं, जिनके ताहीं घोर अधियारो ठहराओ गौ है। 18 बे घमंड और पागलन हानी बयान देथै, और लुचपन जैसी चाल-चलन के जरिया बे लोगन के सरिर की अभिलासा में फसाए लेथै जो गलत लोगन की संगती से छुटकै निकर आए हैं। 19 जे उनके आजाद करन को वादा देथै जबकी खुद बिनास कारी आदतन के दास हैं, काहेंकि इंसान जोसे हार जाथै, बहे को दास बन जाथै। 20 अगर जे हमरे उद्धारकर्ता प्रभु और ईसू मसीह के ग्यान के जरिया से दुनिया की असुद्ध ताकतन से बच गै हैं, और दुबारा से बहे रहामें चल पड़े हैं तौ उनकी गत पहले से खराब हुई जांगी। 21 न्याय के रस्ता के जानन के बाद जो पवित्र आग्या दई गई बासे पलट जानो जासे जौ उनके ताहीं भौत अच्छो होतो कि बे कहू भी बौ न्याय के रहा के नाय जानते। 22 उनके ऊपर जौ कहाबत सच है: “एक कुता अपनी उल्टी खान के लौट जाथै” और “हँदाई भइ सुअरनी कीच में लेहमन ताहीं लौट जाथै।”

3 मेरे प्रिय दोस्तौ, अब जौ दूसरी चिट्ठी तुमरे ताहीं लिखो हौ।

दोनो चिट्ठी में जौ बातन की याद दिलात भै तुमरे मन में सुद्ध बिचार जगान की कोसिस करो हौ। 2 में चाहथौ कि तुम पवित्र भविष्यवक्ता के जरिया भौत पहले बोले गै सबदन के याद करौ, और उद्धारकर्ता प्रभु की बौ आग्या के जो तुमरे प्रेरितन के जरिया दई गई रहै। 3 सबसे पहले, तुमके जौ समझनो चाहिए कि आखरी दिनन में कुछ लोग दिखाई देंगे जिनकी जिंदगी उनकी अपनी वासना के जरिये काबू होथै। बे तुमरो मजाक उड़ागे 4 और कहमगे, “जो बौ आन को वादा करी रहै, बौ कितै है? हमरे पुरखन की मौत हुई चुकी है, लेकिन दुनिया की सुस्वात के बाद से सब कुछ अबै भी बैसोई है!” 5 बे जान बूझकै जौ सच्चाई के अनदेखो करथै कि भौत पहले परमेस्वर एक आग्या दई रहै, और स्वर्ग और धरती बनाई रहै। जो धरती पानी में से बनी और पानी में टिकी है, 6 और जहे पानी के सैलाब में बदलकै बहे समय की दुनिया डूबकै खतम हुई गई। 7 लेकिन स्वर्ग और धरती जो अबै मौजूद है, इन्है आगी के जरिया खात्मा के ताहीं परमेस्वर की आग्या के जरिया समार के रखी जाएँ है। उन्है बौ दिन के ताहीं रखो जाएँ है जब प्रभु की आग्या ना मानन बारे लोगन को न्याय और बिनास करो जागो। 8 लेकिन एक बात मत भूलौ, मेरे प्रिय दोस्तौ! एक दिन और हजार साल के बीच प्रभु की नजर में कोई अंतर नाय है; बाके ताहीं सब एक जैसो है। 9 जैसो कि कुछ लोग सोचथै, प्रभु अपने वादा के पूरो करन में धीमो ना है। जाके अलावा, बौ तुमरे संग धीरज रखथै, काहेंकि बौ ना चाहथै कि कोई खतम हुई जाबै, लेकिन सब अपने पापन से मन फिरानो चाहथै। 10 लेकिन प्रभु बौ दिन चुटा के तराहनी आगो। बौ दिन स्वर्ग एक गरजन से गायब हुई जागो, और तत्व भौतै गरम हुईकै किम्हल जागे, स्वर्गिय सरिर खतम हुई जांगी, और सब कुछ धरती

के संग में गायब हुई जांगी। 11 जबकी जे चीज जौ तराहनी से खतम हुई जांगी, तौ तुम्हें कैसो होनो चाहिए? तुमरी जिंदगी पवित्र और परमेस्वर के सौपी भइ होनी चाहिए, 12 जैसो कि तुम परमेस्वर के दिन को इंतजार करथौ और जाकै जल्दिये पूरो करन के ताहीं अपनी पूरी कोसिस करथौ, बौ दिन आसमान के तत्व गरम हुईकै जर जांगे और खतम हुई जागो, और स्वर्गिय सरिर घामो से पिघल जांगी। 13 लेकिन हम इंतजार करथै जोको परमेस्वर वादा करी है: नया स्वर्ग और एक नई धरती, जामें न्याय बास करथै। 14 और इसलै, मेरे प्रिय दोस्तौ, जब तुम बौ दिन के असियात होगे, तौ परमेस्वर की नजर में सुद्ध और बेकसूर और बाके संग सांति से रहन की पूरी कोसिस करौ। 15 और हमरे प्रभु के धीरज के उद्धार समझौ, जैसो कि हमरे प्रिय भईय्या पौलुस ग्यान के जरिया जो बाके दियो गौ, तुम्हें लिखी। 16 जब बौ जे सबन के बारे में लिखथै, तौ बौ खुद की सबै चिट्ठी में जहे कहथै। उनकी चिट्ठी में कुछ टेहडी बात हैं जो अग्यानी लोग गलत तरीका से समझाथै, जैसो कि बे दूसरी पवित्र साधन के संग करथै। तभई बे बिनास के घाँई लै आथै। 17 लेकिन तुम, मेरे प्रिय दोस्तौ, जौ सब पहलिये जानत भै तैयार रहाबौ। और चहाचीतै रहबौ, ताकी तुम अधमी लोगन की गलतियन से बहकियो मर्ती और अपनी कुसल जघा से रपट ना जाबौ। 18 लेकिन हमरे प्रभु और उद्धारकर्ता ईसू मसीह के अनुग्रह और ग्यान में बढत जाबौ। और अब हमेसा बाकी महिमा हमेसा और हमेसा होत रहाबै! आमीन। (aiōn g165)

1 यूहन्ना

1 हम तुमके जिंदगी के सब्द के बारे में लिखथैं, जो सुस्पष्ट से अस्तित्व में है। हम जाँके सुने हैं, और अपनी आँखों से देखे हैं; हाँ, हम जाँके देखे हैं, और हमरे हात जाँके छुड़ हैं। **2** जब जौ जिंदगी दिखाई दई, तौ हम जाँके देखे; तबईये हम जाँके बारे में गभाई देखे और तुमके बौ अनंत जिंदगी के बारे में बताथे जो दऊवा के संग रहे और हमें दिखाई दई है। (aiōnios g166) **3** हम जो देखे और सुने हैं, बौ हम तुम्हँ के बताथैं, ताकी तुम हमरे संग बौ संगती में सामिल होबौ, जो हमरे दऊवा के संग है और बाके लौडा ईसु मसीह के संग है। **4** हम जाँके इसले लिखथैं कि हमरी खुसी पूरी हुई सके। **5** अब जो संदेसो हम बाके लौडा से सुने और एलान करे जौ बौ है: परमेस्वर उजीतो है, और बाके भीतर एक्की अधियारो नाय है। **6** अगर, हम कहथैं कि हमरे झोने बाके संग संगती है, फिर भी अंधकार में चलें, तौ हम झूठ बोलथैं और सच्चाई में ना चलथैं। **7** लेकिन अगर हम उजीते में रहथैं, जैसी बौ उजीते में है, तौ हमरे झोने एक दुसरे के संग संगती है, और ईसु बाके लौडा को खून, हमें हर पाप की जिंदगी से सुद्ध करथैं। **8** अगर हम कहथैं कि हमरे झोने कोई पाप नाय है, तौ हम अपने आपके धोका देखें, और हम में कोई सच्चाई नाय है। **9** लेकिन अगर हम अपने पाप के परमेस्वर के अगु मान लेथैं, तौ बौ अपनो वादा निभाबेगो और जो सई है बौ करेगो: बौ हमरे पापन के माफी देगो और हमरे सबै अधर्म के कामन से सुद्ध करन में भरोसेमंद और धर्मी है। **10** अगर हम कहथैं कि हम पाप नाय करे हैं, तौ हम परमेस्वर के झूठो ठहराथैं, और बाको बचन हममें नाय है।

2 मैं जौ तुमके, मेरे बालकौ लिखरी हौं, ताकी तुम पाप नाय करौ; लेकिन अगर कोई पाप करथै, तौ हमरे झोने कोई है जो हमरो मदतया है, जो हमरे घाँई से दऊवा से प्रार्थना करथै। जौ आदमी ईसु मसीह है जो न्याई है। **2** और मसीह खुद बौ जरिया है जोके बजह से हमरे पाप माफ करे जाथैं, और सिर्फ हमरे पाप ना, बल्किन पूरी दुनिया के पाप भी। **3** अगर हम परमेस्वर की आग्या मानथैं, तौ हमें यकीन है कि हम बाँके जानथैं। **4** अगर हम कहथैं कि हम बाँके जानथैं, लेकिन बाकी आग्या के नाय मानथैं, तौ हम झूठे हैं और हममें कोई सच्चाई नाय है। **5** लेकिन अगर हम बाकी बात मानें, तौ हम बेई हैं जिनमें प्रेम परमेस्वर के ताहीं सच्ची में पूरो है। जौ तरीका से हम मान सकथैं कि हम परमेस्वर के संग एक हैं: **6** अगर हम कहथैं कि हम परमेस्वर के संग एक हुईके रहथैं, तौ हमें बहे की जिंदगी के तराहनी चलनो चाहिए जैसे ईसु मसीह चलो। **7** मेरे प्रिय दोस्तो, जौ आग्या जौमें तुमके लिखरी हौं बौ कोई नई बात नाय है, जौ पुरानी आग्या है, जो सुरू से तुम्हें दई गई है। पुरानी आग्या बौ संदेसो है जोके तुम पहलिये से सुने हौ। **8** हालाकि, अब मैं तुमके जो आग्या लिखरी हौं बौ नया है, काहैकि जाकी सच्चाई मसीह में और तुम्हँ में देखी जाथै। अधियारो दूर हुई रो है, और सच्ची को उजीतो पहलिये से चमक रो है। **9** अगर हम कहथैं कि हम उजीते में हैं, तहुँओ अपने भईय्या से नफरत करथैं, हबऊ हम अधियारे में हैं। **10** अगर हम अपने भईय्या से प्रेम करथैं, तौ हम उजीते में

रहथैं, और तबई हममें ऐसो कुछ नाय है जो कोई और के पाप के ताहीं बढ़ावा देगो। **11** लेकिन अगर हम अपने भईय्या से नफरत करथैं, तौ हम अधियारे में हैं; हम जाँके चलथैं और नाय जानथैं कि हम कहाँ जाएँ हैं; काहैकि अधियारो हमें अंधो बनाये दई है। **12** मेरे बालकौ, मैं तुमके इसले लिखरी हौं, काहैकि तुमरे पाप मसीह के नाओं से माफ भै हैं। **13** हे दऊवा, मैं तुम्हें इसले लिखथौं, कि जो आदि से है, तुम बाँके जानथौ, हे ज्वानों, मैं तुमके इसले लिखथौ, कि तुम बौ दुस्त पर जय पाए हो: हे लौडौ, मैं तुमके इसले लिखो हौं, कि तुम दऊवा के जानगो हौ। **14** मैं तुमके लिखरी हौं, मेरे बालकौ, काहैकि तुम दऊवा के जानथौ। मैं तुमके लिखरी हौं दऊवा, काहैकि तुम बाँके जानथौ जो सुस्पष्ट से अस्तित्व में है। मैं तुमके लिखरी हौं, ज्वान लोगो काहैकि तुम मजबूत हो; परमेस्वर को बचन तुम्हें रहथै, और तुम बुराई के हराए दे हो। **15** दुनिया या ऐसी कोई चीज से प्रेम मत करौ जो दुनिया से मतलब रखथै। अगर तुम दुनिया से प्रेम करथौ, तौ तुम दऊवा से प्रेम ना करथौ। **16** काहैकि जो कुछ दुनिया में है, मतलब सर्रीर की इच्छा, और आँखिन की इच्छा और सम्पत्ति को इतनो घमंड जो जे लोगन के ऊपर है, बौ सब दऊवा के घाँई से ना, बल्कि दुनिया के घाँई से आथै। **17** दुनिया और बाँमे सब कुछ जो लोग चाहथैं बौ गुजर रो है; लेकिन जो लोग परमेस्वर की इच्छा पूरी करथैं हे हमेसा के ताहीं जथैं। (aiōn g165) **18** मेरे बालकौ, अंत झोने है! तुमके बताओ गौ रहै कि मसीह के दुस्मन आमगे; और अब मसीह के निरे दुस्मन पहलिये दिखाई दे चुके हैं, और तबईये हम जानथैं कि अंत झोने है। **19** जे आदमी सच्ची में हमरी संगती से जुड़े नाय रहें, और तबईये बे हमें छोड़ दई; अगर बे हमरी संगती के रहे, बे हमरे संग रहें। पर बे छोड़ दई ताकी जौ सपा हुई सके कि उनमें से सच्ची में कोई हमरो नाय रहे। **20** लेकिन तुम मसीह के जरिया तुमरे ऊपर पवित्र आत्मा को अभिसेक भौ है, और तबई तुम सबन के सच्चाई पता है। **21** मैं तुमके लिखरी हौं, तौ नाय, काहैकि तुम सच्चाई के नाय जानथौ; जाके बजाय, जौ तबईये है काहैकि तुम जाँके जानथौ, और तुम जहो जानथौ कि सच से कह झूठ नाय निकरथै। **22** फिरौकी, झूठो कौन है? जे बे हैं जो कहथैं कि ईसु मसीहा नाय है। ऐसे आदमी मसीह के दुस्मन हैं, बे दऊवा और लौडा दोनों के नाय अपनाथैं। **23** बे सबन के ताहीं जो लौडा के नाय अपनाथैं, दऊवा के भी नाय अपनाथैं; लौडा के भी अपनान बारेन के दऊवा होथैं। **24** तौ फिर, बौ संदेस के अपने दिल में रखन ताहीं ठानौ, जो तुम सुरू से सुने हौ। अगर तुम बौ संदेस देखौ, तौ तुम हमेसा लौडा और दऊवा के संग रहगो। **25** और जौ बहे है जो खुद मसीह हमें देन को वादा करी रहे, अनंत जिंदगी। (aiōnios g166) **26** जौ मैं तुमके उनके बारे में लिखरी हौं जो तुमके धोका देन की कोसिस करर हैं। **27** लेकिन जैसी की तुमरे ताहीं, मसीह अपनी आत्मा को अभिसेक करी है। जबले बाकी आत्मा तुम्हें बनी रहथै, कोई के तुमके सिखान की जरूरत नाय है। काहैकि बाकी आत्मा तुमके हर चीज के बारे में सिखाथै, और जो बौ सिखाथै बौ सच्ची है, गलत नाय। आत्मा की सिक्खा को पालन करै, और फिरौकी मसीह के संग एक रहमैं। **28** हाँ, मेरे बालकौ, बाके संग बने रहथैं, ताकी जब बौ दिखाई देबै तौ हम साहस से भरे

होमैं और बाके आनबारे दिनन मैं बासे सरमामैं नाय। 29 तुम जानथो कि मसीह न्याय है; तुमकें पता होनो चाहिए कि, जो कोई भी सई करथै बौ परमेस्वर को बालका है।

3 देखौ, दऊवा हमसे कितो प्रेम करी है! बाको प्रेम इतो महान है कि हम बाके बालका कहे जायैं, और तभईये, सच्ची मैं हम हैं। जहे कारड है कि दुनिया हमैं नाय जानथै: जो परमेस्वर के जानी नाय। 2 मेरे प्रिय दोस्तौ, अब हम परमेस्वर के बालका हैं, लेकिन हबै ले जौ सपा ना है कि हम का बनंगे। लेकिन हम जानथैं कि जब मसीह दिखाई देथै, तौ हम बहे के हानी होंगे, काहेकि हम बाकै बैसिये देखेंगे जैसी बौ सच्ची को है। 3 हर एक आदमी जो मसीह मैं जौ आसा रखथै बौ खुदकै बैसिये सुद रखथै, जैसे मसीह सुद है। 4 जो कोई पाप करथै बौ परमेस्वर के नियम के तोडन को दोसी है, काहेकि पाप अधर्म के बराबर है। 5 तुम जानथौ कि मसीह पापन के दूर करन के ताहीं दिखाई दई, एक और जौ कि उनमैं कोई पाप नाय है। 6 तभईये हर कोई जो मसीह के संग एक रहथै, पाप करतै नाय रहथै है; लेकिन जो कोई पाप करतै रहथै, बौ कहु बाकै देखी या जानी नाय। 7 कोई तुमके धोका ना देबै, मेरे बालकौ! जो कोई सई करथै बौ न्याय है, जैसी कि मसीह न्याई है। 8 जो कोई पाप करतै रहथै बौ सैतान को है, काहेकि सैतान सुरू सेई पाप करी है। परमेस्वर को लौडा जौ कारड से दिखाई दई, जो कि सैतान करी रहे बाको नास करै। 9 जो लोग परमेस्वर के बालका हैं, उनमैं से कोई भी पाप करनो सुरू ना करथै, काहेकि परमेस्वर को स्वभाव उनमैं है; और परमेस्वर उनके दऊवा हैं, बे पाप करतै नाय रहंगे। 10 हीना परमेस्वर के बालकन और सैतान के बालकन के बीच सपा अंतर है: जो लोग न्याय नाय करथैं जो सई हैं या अपने भईय्या से प्रेम नाय करथैं बे परमेस्वर के बालका नाय हैं। 11 तुमरे जरिया सुरू से सुनो गौ संदेस जौ है: हमैं एक दुसरे से प्रेम करनो चाहिए। 12 हमैं कैन के जैसी नाय होनो चाहिए; बौ दुस्त को रहे और अपनेई भईय्या हाबिल के मार दई। कैन बाकै काहे मारी? बाके जरिया करी गई बातें गलत रहैं, और बाको भईय्या जो बातें करी, बे धार्मिक रहैं। 13 तभईये मेरे भईय्यौ, अगर दुनिया के लोग तुमसे नफरत करथैं, तौ अच्छमो मत करौ। 14 हम जानथैं कि हम मौत के छोड़ दै हैं और जिंदगी मैं आए गै हैं; हम जाकै जानथैं काहेकि हम दुसरे भईय्यन से प्रेम करथैं। जो प्रेम नाय करथैं बे हबऊओ मौत की सक्ति के अधीन हैं। 15 जो लोग दुसरेन से नफरत करथैं बे हत्यारे हैं, और तुम जानथौ कि हत्यारन के अनंत जिंदगी नाय मिली है। (aiōnios g166) 16 जौ है कि हम जानथैं कि प्रेम का है: मसीह हमरे ताहीं अपनी जिंदगी दई। हमउं के भईय्यन के ताहीं अपनी ज्यान देनो चाहथै! 17 पर जो कोई के पास दुनिया की सम्पत्ति होबै और बौ अपने भईय्या के जरूरत मैं देखकै बाके ऊपर तरस ना खानो चाहबै, तौ बायें परमेस्वर को प्रेम कैसे बनो रह सकथै? 18 मेरे बालका, हमरो प्रेम सिरफ सब्द और बात नाय होनो चाहिए; जौ सचचो प्रेम होनो चाहिए, जो खुदकै काम मैं दिखाथै। 19 जौ, तौ, ऐसो है हम ऐसे जानगे कि हम सचचाई के हैं; और जौ तरीका से हम परमेस्वर की मौजूदगी मैं हमरे मन के खुस रखेंगे। 20 अगर हमरो मन हमारी बुराई करथै, तौ हम जानथैं कि

परमेस्वर हमरे मन से बडो है और बौ सब कछु जानथै। 21 और तभईये, मेरे प्रिय दोस्तौ, अगर हमरो मन हमरी बुराई नाय करथै, तौ हममैं परमेस्वर की मौजूदगी के ताहीं साहस है। 22 हम जो कछु भी मोंगथैं, हम बाकै पाय लेथैं, काहेकि हम बाकी आग्या मानथैं और बाकै खुस करथैं। 23 बाकी आग्या जौ है कि हम बाके लौडा ईसू मसीह के नाओं के ऊपर बिस्वास करथैं और एक दुसरे से प्रेम करथैं, ठीक जैसी मसीह हमैं आग्या दई रहै। 24 जो परमेस्वर की आग्यन को पालन करथैं बे परमेस्वर के संग एक रहथैं और परमेस्वर उनके संग एक रहथै। और बौ आत्मा के कारड जो परमेस्वर हमैं दई है हम जानथैं कि परमेस्वर हमरे संग एक रहथै।

4 मेरे प्रिय दोस्तौ, बे सबन ऊपर बिस्वास मत करौ जो आत्मा होन को दाबा करथैं, लेकिन उनहैं जौ पता लगान के ताहीं परखथैं कि का बे आत्मा परमेस्वर के घाँई से आई है कि ना; काहेकि तमान झूठे भविष्यवक्ता दुनिया मैं निकर खड़े भै हैं। 2 जौ तुम कैसे जान पागे कि का जौ परमेस्वर की आत्मा है: जो कोई भी जौ मानथै कि ईसू मसीह सरिर मैं हुईकै आओ है, बाके पास बौ आत्मा है जो परमेस्वर से आथै। 3 लेकिन जो कोई भी ईसू के बारे मैं जासे मना करथै, बाके झोने परमेस्वर की आत्मा नाय है। बौ जो आत्मा है बौ मसीह के दुस्मन से है; तुम सुने कि जौ आगो, और अब जौ दुनिया मैं आए चुको है। 4 लेकिन तुम, मेरे बालकौ परमेस्वर के हौ, और झूठे भविष्यवक्ता के हराए हौ, काहेकि जो आत्मा तुममैं है बौ आत्मा से जौ दुनिया से जुड़े भै लोगन मैं है जाधे सत्किमाली है। 5 बे झूठे भविष्यवक्ता दुनिया के मामलन के बारे मैं बोलथैं, और दुनिया उनके सुनथै काहेकि बे दुनिया के हैं। 6 लेकिन हम परमेस्वर के हैं। जो कोई भी परमेस्वर के जानथै बौ हमैं सुनथै; जो कोई परमेस्वर से सम्बंध नाय रखथै, बौ हमरी बात नाय मानथै। फिरौकी, जौ है कि हम सचचाई की आत्मा और भरमान की आत्मा के बीच अंतर कैसे बताए सकथैं। 7 प्रिय दोस्तौ, हम एक दुसरे से प्रेम करथैं, काहेकि प्रेम परमेस्वर से आथै। जो प्रेम करथै बौ परमेस्वर को बालका है और परमेस्वर के जानथै। 8 जो प्रेम नाय करथै बौ परमेस्वर के नाय जानथै, काहेकि परमेस्वर प्रेम है। 9 और परमेस्वर अपने इकलौते लौडा के दुनिया मैं भेजकै हमरे ताहीं अपनो प्रेम दिखाई, ताकी हम बाके जरिया से जिंदगी पाय सकैं। 10 जहे बौ प्रेम है: ऐसो नाय है कि हम परमेस्वर से प्रेम करे हैं, बल्किन जौ कि बौ हमसे प्रेम करी और अपने लौडा के बौ साधन बनाये के भेजी, जोसे हमरे पाप माफ हई जाथै। 11 प्रिय दोस्तौ, अगर परमेस्वर हमसे ऐसो प्रेम करथै, तौ हमकै एक दुसरे से प्रेम करनो चाहिए। 12 कोई भी परमेस्वर के नाय देखी है, लेकिन अगर हम एक दुसरे से प्रेम करथैं, तौ परमेस्वर हमरे संग एक हुईकै रहथै, और बाको प्रेम हममैं पूरा करी गौ है। 13 हमकै यकीन है कि हम परमेस्वर के संग एक रहथैं और बौ हमरे संग एक रहथै, काहेकि बौ हमकै अपनी आत्मा दई है। 14 और हम देखे हैं और दुसरेन के गभाई देथैं कि दऊवा अपने लौडा के दुनिया को ईसू परमेस्वर को लौडा है, तौ हम परमेस्वर के एक संग रहथैं और परमेस्वर हमरे संग रहथै। 16 जौ प्रेम परमेस्वर हमसे करथै बौ हम

खुद जानथे और बिस्वास करथे। परमेस्वर प्रेम है, और जो प्रेम में प्रार्थना करना चाहिए, जो बौ आदमी के जिंदगी देगो। जो उन लोगन रहथे बे परमेस्वर के संग रहथे और परमेस्वर उनके संग रहथे। 17 ऊपर लागू होथे जिनके पापन से मौत नाय होथे। लेकिन बौ पाप है प्रेम हमके पूरा बनाथे कि हम न्याय के दिन में हिम्मत कर सकें; और जो मौत के घाँई लै जाथे, और मैं जौ नाय कहथे कि तुमके जाके हमरे झोने जौ होगो काहेकि जौ दुनिया में हमरी जिंदगी मसीह के बारे में परमेस्वर से प्रार्थना करना चाहिए। 17 सब अधर्म पाप है, हानी है। 18 प्रेम में कोई डर नाय है; पूरा प्रेम सबै भै के दूर करथे। लेकिन ऐसो पाप है जोसे मौत नाय होथे। 18 हम जानथे कि जो कोई तौ फिरौकी, प्रेम डरान बारे कोई भी आदमी में पूरा नाय मानो गो परमेस्वर से जनमो है, बौ पाप नाय करथे; पर जो परमेस्वर से जनमो है, काहेकि डर को सजा से का लेनो देनो है। 19 हम प्रेम करथे हैं, बाँके परमेस्वर को लौड़ा बचाए के रखथे: और बौ दुस्ट बाँके काहेकि परमेस्वर पहले हमसे प्रेम करथे। 20 अगर कोई कहबै, “मैं छुड़ ना पाथे। 19 हम जानथे कि हम परमेस्वर के हैं, भलेई पूरी परमेस्वर से प्रेम करथे,” और अपने भईया से बैर रखे; तौ बौ झूठो दुनिया दुस्ट के सासन में है। 20 हम जानथे कि परमेस्वर को लौड़ा है; काहेकि जो अपने भईया से, जोके बौ देखी है, प्रेम ना करथे, तौ आओ है और बौ हमें समझ दई है, ताकी हम सच्चे परमेस्वर के बौ परमेस्वर से भी जोके बौ ना देखी, प्रेम ना कर सकथे। 21 मसीह जान सकें। हम सच्चे परमेस्वर के संग और बाके लौड़ा ईसु मसीह हमके जो आग्या दई है बौ जौ हैं: जो कोई परमेस्वर से प्रेम करथे के संग एक हुईके रहथे। जहे सच्चो परमेस्वर है, और जहे अनंत बाँके अपने भईया से भी प्रेम करना चाहिए। जिंदगी है। (aiōnios g166) 21 मेरे बालकौ, अपने आपके झूठे मूर्ति देवतन से बचाए के रखो!

5 जोको जौ बिस्वास है कि ईसु मसीहा है, बौ परमेस्वर के बालका हैं; और जो कोई दऊवा से प्रेम करथे बौ बाके बालकन से भी प्रेम करथे। 2 ऐसिये हम जानथे कि हम परमेस्वर के बालकन से प्रेम करथे: जौ परमेस्वर से प्रेम करन और बाकी आग्रन को पालन करन से है। 3 परमेस्वर के ताहीं हमरो जो प्रेम है जाको मतलब है कि हम बाकी आग्या को पालन करथे। और बाको आदेस हमरे ताहीं भौत कठिन नाय है, 4 काहेकि परमेस्वर को हर बालका दुनिया के हरान के काबिल है। और हम अपने बिस्वास के जरिया दुनिया में जीत हासिल करथे। 5 दुनिया के कौन हराए सकथे? सिरफ बौ आदमी जो बिस्वास करथे, कि ईसु परमेस्वर को लौड़ा है। 6 ईसु मसीह बौ है जो अपने बपतिस्मा के पानी और अपनी मौत के खून के संग आओ रहै। बौ नाय सिरफ पानी के संग, बल्किन पानी और खून दोनों के संग आओ रहै। और आत्मा खुद गभाई देखे कि जौ सत्य है, काहेकि आत्मा सच्ची है। 7 तीन गभा हैं: 8 आत्मा, पानी और खून; और तीनों एकै गभाई देखे। 9 हम इंसान की गभाई मानथे; लेकिन परमेस्वर की गभाई भौत मजबूत है, और बौ अपने लौड़ा के बारे में जौ गभाई दई है। 10 तभईये परमेस्वर के लौड़ा ऊपर बिस्वास करन बारे सबै लोग के दिलन में जौ गभाई है; लेकिन जो लोग परमेस्वर के नाय मानथे, बे बाँके झूठो बनाये दई हैं, बे जौ नाय मानी हैं कि परमेस्वर उनके लौड़ा के बारे में का कही है। 11 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। (aiōnios g166) 12 जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। 13 मैं जौ तुमके तभईये लिखरौ हौ ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओ के ऊपर बिस्वास करथे। (aiōnios g166) 14 हमरे पास परमेस्वर की मौजूदगी में हिम्मत है, काहेकि हमें यकीन है कि बौ हमें सुनथे अगर हम बासे बाकी इच्छा के अनुसार कुछ भी माँगथे। 15 जब भी हम बासे पूँछथे तौ बौ हमें सुनथे; और जब से हम जानथे कि जौ सच है, हम जहो जानथे कि बौ हमें बहे देखे जो हम बासे माँगथे। 16 अगर तुम बिस्वासी भईया के पाप करत भौ देखथो जो मौत को कारड नाय बनथे, तौ तुमके परमेस्वर से

2 यूहन्ना

1 बड़े-बूढ़ेन के घाँई से बे चुनी भइ बईय्यरन और उनके बालकन के ताहीं, जोकै बाकई मैं प्रेम करथौं। और मैं सिरफ इकल्लो नाय हौं, बल्किन जो सच्चाई के जानथैं, तुम सबन से प्रेम करथैं, **2** काहैकि सच्चाई आपन के भीतर है और हमेसा के ताहीं आपन के संग रहबैगी। (aiōn g165) **3** परमेस्वर दऊवा और दऊवा को लौड़ा ईसु मसीह हमैं अनुग्रह, दया और सांति देबै। और प्रेम और सच्चाई के जरिया जे सब बातें हमरे संग रहबै। **4** मोकै जौ जानकै भौत खुसी भइ कि तुमरे कुछ बालका सच्चाई मैं चलथैं, जैसो कि दऊवा आपन कै आग्या दर्ई रहे। **5** अब ओ बईय्यर, मैं तोकै कोई नई आग्या नाय लिखथौं; लेकिन बहे जो सुरू से हमरे झोने है, और तोसे नहोरे करथौं, कि हम एक दुसरे से प्रेम रखैं। **6** जो प्रेम की बात मैं कर रौ हौं, जाको मतलब जौ है कि आपन कै परमेस्वर की आग्यन मैं चलनो चाहिए। आग्या, जोकै तुम सबै सुरू से सुने रहौ, जौ है कि तुम सबन कै प्रेम से रहनों चाहिए। **7** काहैकि दुनिया भर मैं भौत से दगाबाज निकर आए हैं। जो लोग जौ मानन के ताहीं राजी नाय हैं, कि ईसु मसीह सरिर मैं हुईकै आओ रहे। ऐसे लोग एक दगाबाज और मसीह के दुस्मन है। **8** चहाचीते रहबौ, काहैकि जो तुम मेहनत से कमाए हौ बौ हराए ना जाबै, लेकिन ऐसो होंबै कि तुमरो तोफा पूरी तरह से मिलै। **9** जो कोई भी मसीह की सिक्छा मैं नाय चलथै, लेकिन बासे अगु बडनो चाहथै, बाके झोने परमेस्वर ना है। और जो कोई बाकी सिक्छा के संग रहथै बाके झोने दऊवा और लौड़ा दोनों होथैं। **10** अगर तुमरे झोने जहे तराहनी सिक्छा कै नाय लाथै, तौ बाकै अपने घरे बैठन मत दियो; “और ना बासे नमस्ते करियो।” **11** काहैकि जो कोई ऐसो आदमी कै नमस्ते करथै, बौ बहे के बुराई मैं भागीदार हुई जाथै जो बे करथै। **12** मेरे झोने तुम्हैं बातन ताहीं भौत कुछ है, लेकिन कागज और स्याई से नाय लिखनो चाहथौं; जाके जघा, मैं तुमसे भेंटा करन की आसा करथौं, ताकी आपन पूरी तरह से खुस रहामैं। **13** तेरी चुनी भइ बहेनिया के बालका तोकै नमस्ते करथै।

3 यूहन्ना

1 बड़े-बूढ़ेन से मेरे प्रिय गयूस, जोकै मैं सचचो प्रेम करथौ। **2** मेरे प्रिय दोस्त, मैं मन से प्रार्थना करथौ कि तेरे संग सब कछु अच्छो होबै और तैं अच्छी सेहत को रहबै, काहैकि मोकै पता है कि तैं आत्मा से अच्छो है। **3** मोकै बड़ा खुसी भइ जब कुछ संग के मसीह भईय्या आए और मोकै गभाई दई कि तैं सच्चाई के प्रति कितनो वफादार है, जैसे तैं हमेसा से सच्चाई में जीथैं। **4** जितनी खुसी मोकै जौ सुनकै होथै कि मेरे बालका सच्चाई में जीथैं उतनी खुसी मोकै और कोई बात से ना होथै। **5** मेरे प्रिय दोस्त, दुसरे मसीह भईय्या और अजनबियन के संग जो भी करै तैं भरोसेमंद कर। **6** बे तेरे प्रेम के बारे में कलीसिया के सामने गभाई दई हैं। किरपा करकै उनके सफर कै जो तरीका से जारी रखन मैं मदद कर जो कि परमेस्वर कै खुस करै। **7** काहैकि बे बौ नाओ के ताही निकरे हैं, और गैर यहूदि से कुछ ना लेथैं। **8** हम मसीहीयन कै जे आदमिन कि मदत करनो चाहिए, ताकी हम सच्चाई के पक्छ मैं उनके सहकमीं होमैं। **9** मैं कलीसिया कै एक छोटी चिट्ठी लिखो; लेकिन दियुत्रिफेस, जो उनको नेता बननो पसंद करथै, मैं जौ कहथौ, बाके ऊपर कोई ध्यान ना देगो। **10** जब मैं आंगो, तौ मैं बाकी हर बात जो बौ कर रौ हैं मैं ध्यान मैं लांगो: जो भयानक और झूठी बातें बौ हमरे बारे में कहथै! लेकिन बौ बाके ताही काफी ना है; जब मसीह भईय्या आंगे तौ उनकै बौ अपनात न है और जो लोग उनकै अपनानो चाहथै उनकै बौ रोकथै और उन्हें कलीसिया से निकारन की कोसिस करथै! **11** मेरे प्रिय दोस्त, जो बुरो है बाकी नकल मत करौ, बल्कि जो अच्छो है बाकी नकल करौ। जो अच्छो करथै बौ परमेस्वर को है; जो बुरो करथै बौ परमेस्वर कै ना देखी है। **12** हर कोई दिमेत्रियुस के बारे में अच्छो कहथै; बल्किन सच्चाई भी खुद गभाई दई। और हमउँ अपनी गभाई जोडथै, और तैं जानथै कि हम जो कहथै बौ सच है। **13** मेरे पास तोकै बतान के ताही भौत कछु है, लेकिन मैं जाकै कलम और स्याई से ना लिखनो चाहथौ। **14** मोकै आसा है कि तोसे जल्दियै भेटा होगो, और फिर हम आमने-सामने बातचीत करंगे। तोकै सांति मिलत रहबै। तेरे सबे दोस्त तोकै नमस्ते करथै। हूँना के दोस्तन के नाओ लै लैकै नमस्ते कह दिये।

यहदा

1 यहदा के घाँई से, जो ईसु मसीह को सेवक, और याकूब को भईय्या बे लोगन के जिनके परमेस्वर बुलाई है, जो परमेस्वर दऊवा के प्रेम और ईसु मसीह के अनुग्रह में रहथें: **2** तुम्हें दया, सांति और प्रेम बहुतायत से मिलत रहबै। **3** मेरे प्रिय दोस्तो, मैं तुम्हें बौ उद्धार के बारे में लिखन की पूरी कोसिस करत रहौं, जाँ मैं आपन सब सहभागी हूँ, तौ मैं तुम्हें ऐसे करके लिखनो जरूरी समझो कि तुम बिस्वास के ताहीं लड़न की पूरी कोसिस करौ जो पवित्र लोगन के एके बार के ताहीं सुपत करी है। **4** काहेंकि हमरे बीच कुछ भक्तिहीन लोग चुपे से सरक आए हैं, बे परमेस्वर के अनुग्रह के गलत समझके खुद के अनैतिकता के सई बताथें। बे हमरे गुरूजी और प्रभु ईसु मसीह के ना पसंद करथें। भौत पहले साक्ष्य मैं उनकी बुराई करन की भविष्यवाँडी के बारे में लिखो गौ है। **5** भले ही तुम जो सब जानथौ, लेकिन मैं तुम्हें याद दिलानो चाहथौ कि कैसे प्रभु एक बार इस्त्राएल के लोगन के मिस्र देस में से बचाई रहै, लेकिन बाद मैं उनके खतम कर दी, जो बाके ऊपर बिस्वास नाय करत रहै। **6** और जो स्वर्गदूत अपने औधा के बचाए के नाय धरी रहे: लेकिन अपने खुद के घर के छोड़ी है, परमेस्वर अनंत बंधन मैं जकड़ के बौ बुरे दिन के न्याय के ताहीं अधियारो में धरी है। (aiōnios g126) **7** जो तरीका से सदोम और अमोरा और उनके आस-पास के नगर, जो इन्हई के तराहनी छिनरइपना करन लगे रहै और पराए सररी के पच्छू लग गे रहै आगी की अनंत सजा मैं पड़के कहानी ठहरे हैं। (aiōnios g166) **8** बैसिये जे लोगन के भी दर्शन होथें, जो अपनेई सररी के खिलाप पाप करन के ताहीं उनके असुद्ध करथें; बे परमेस्वर के अधिकार के मामूली समझथें और बाके गौरवसाली स्वर्गदूतन की बुराई करथें। **9** लेकिन खास स्वर्गदूत मीकाईल भी, जब बौ मूसा के सररी के बारे में सैतान से बहस करत रहै तौ, बाके संग गलत लब्ज बोलन के संग बुराई करन की हिम्मत ना करी, लेकिन इतो कही, “प्रभु तोकै झुकाबै!” **10** लेकिन जे भक्तिहीन लोग जो बात के नाय समझथें बे उनकी बुराई करथें; और जंगली जानवर के हानी बुरी बातें बिचार करे बिना करथें, उन्हें परमेस्वर सिक्छा देगो। **11** उनके ताहीं कितनो भयानक है! काहेंकि बे सब कैन की रहाँ चली, और बे पैसा के ताहीं बिलाम के तराहनी भूल कर बैठे। और बे कोरह के हानी बिरोध करके खतम हुईगै। **12** अपनी बेसरम हिफाजत से बे तुमरी संगती के खानू मैं गंदे धब्बा के हानी हैं। बे सब सिर्फ खुद की देखभार करथें। बे बादर के तराहनी होथें जो बे ब्यार के संग नंगथें, लेकिन मेंहें नाय लाथें। बे ऐसे पेंड के तराहनी हैं जो पतझड़ मैं भी बिना फरा के होथें, ऐसे पेंडन के जर से उखाड़ो गौ है और बे पूरी तरह मर चुके हैं। **13** बे समुंदर की जंगली लहर के हानी हैं, जाँ मैं उनके सर्पसार काम बुज-बुजा के तराहनी दिखाई देथें। बे भटकत तारा के तराहनी हैं, उनके ताहीं परमेस्वर हमेसा बारी अधियारो जघा ठहराई है। (aiōn g165) **14** जहे हनोक रहै, जो आदम से सातवी पीढ़ी को रहै, जो भौत अगु उनके बारे में जौ भविष्यवाँडी बताई: “देखो प्रभु अपने हजारो पवित्र स्वर्गदूतन के

संग आगो **15** सबन की जिंदगी को न्याय करन के ताहीं, और बे सबन के उन अधमी काम के ताहीं सजा देबै, जो बे करी हैं, और बे सबै भयानक बचन के ताहीं जो अधार्मिक पापी बाके खिलाप कही हैं।” **16** जे लोग हमेसा दुसरेन के ऊपर बड़बोले और आरोप लगात रहथें; बे अपनी बुरी इच्छा में चलथें; बे अपने ऊपर घमंड करथें और अपनी मंजिल पान के ताहीं दुसरेन की कानाफूसी करथें। **17** लेकिन जे बातन के याद करौ, मेरे प्रिय, तुमके हमरे प्रभु ईसु मसीह के प्रेरित बीते भै समय मैं का बताई रहै। **18** बे तुमसे ऐसे करके कहत रहै, “आखरी के दिन मैं ऐसे ठट्टा करन बारे होंगे, ऐसे लोग खुद की बुरी इच्छा में चलथें।” **19** जे लोग फूट डारन को काम करथें, बे अपनी स्वाभाविक इच्छा के हिसाब से चलथें, और बिना आत्मा के हैं। **20** लेकिन तुम, मेरे प्रिय, अपने अतिपवित्र बिस्वास के खुद बनाबौ। और पवित्र आत्मा की ताकत से प्रार्थना करौ, **21** और खुदके परमेस्वर के प्रेम में बनाये रखौ, जैसे की तुम हमरे प्रभु ईसु मसीह की दया से अनंत जिंदगी के असियात रहबौ। (aiōnios g166) **22** जिन्हें संका है उनके ऊपर दया करौ; **23** और दुसरेन के आगी में से झपट्टा मारके बचाबौ, और औरन के ऊपर डराय-डराय के दया करौ, लेकिन उनके खुद के पाप से सने भै लता से नफरत करौ, जो सररी के कलंकित हैं। **24** जो तुमके ठोकर खबान से बचाए सकथें, बौ अपने महिमामय मौजूदगी मैं तुम्हें निर्दोस और खुस करके खडो कर सकथें। **25** हमरे प्रभु ईसु मसीह के जरिया हमरे सिर्फ एके उद्धारकर्ता परमेस्वर को बैभव, महिमा, सामर्थ्य और अधिकार युगानायुग से, अबै और हमेसा तक होत रहाबै! आमीन। (aiōn g165)

प्रकासितवाक्य

1 जो किताब बे घटना के बारे में है जो ईसू मसीह प्रकट करी रहे। परमेस्वर अपने सेवकन के जौ दिखान के ताही जौ प्रकासन दई कि भौत जल्दी का होन बारो है। मसीह अपने स्वर्गदूत के पनारके बाके जरिया अपने सेवक यहून्ना के बताई, 2 और जो कुछ बौ देखी बौ सब यहून्ना बताए दई। जौ पूरो परमेस्वर के संदेस और ईसू मसीह के प्रकासन की गभाई के जरिया करे गै सच्चाई के बारे में बाको लेखा जोखा है। 3 खुसनसीब है बौ जो कोई जौ किताब के पढ़थै, और धन्य हैं बे जो जे भविष्यवांड़ी संदेस के सब्दन के सुनथैं और जौ किताब में लिखी गई बातन के मानथैं। काहिके बौ समय करीब है जब जे चीज होंगी। 4 यहून्ना के घाँई से असिया की सात कलीसियन के ताही: परमेस्वर के घाँई से, जो है, जो रहै, और जो आनबारो है, और बाके सिंहासन के सामने सात आत्मा के घाँई से अनुग्रह और सांति मिलत रहबै। 5 और ईसू मसीह के घाँई से, भरोसा के काबिल गभा है, जो मौत से पहलिये जिलाओ गौ, और जो दुनिया के सब राजन को मुखिया भी है। बौ हमसे प्यार करथै, और अपने खून के जरिया बौ हमें हमरे पापन से आजाद करी है। 6 और हमें एक राज्य और अपने परमेस्वर दऊवा की सेवा करन के ताही पुजारी भी बनाये दई। ईसू मसीह के ताही महिमा और सामर्थ्य हमेसा और हमेसा के ताही बनी रहबै! आमीन। (aiōn g165) 7 देखौ, बौ बादर में आए रहो है! और हर कोई बाकै देखेगो, जो बाकै बेधी रहैं। पृथ्वी के सब जाति के लोग बाके ताही सोक करंगे। ऐसो होनो चाहिए! आमीन। 8 सर्वसत्किम्मान प्रभु परमेस्वर कहथै, “मैं पहलो और आखरी हौ,” जो है, जो रहै, और जो आनबारो है। 9 मैं तुमरो भईय्या यहून्ना हौं, और ईसू के पिछलगुआ के हानी मैं बे लोगन के ताही दुख को धीरज से सहन करन में तुमरो भागीदार हौं, जो बाके राज्य से मेल खाथैं। मोए पतमुस टीला मैं रखो गौ रहै काहिके मैं परमेस्वर के बचन और ईसू के जरिया बताई गई सच्ची गभाई दौ रहौं। 10 प्रभु के दिन मैं पवित्र आत्मा मोए काबू कर लई, और मैं एक बड़ा जोडन से अबाज सुनो, जो एक तरहई की अबाज के तराहनी लगत रहै, जो मेरे पच्छू बोलत रहै। 11 बौ कही, “जो कुछ तुम देखथौ बाकै लिख लियौ, और सात सहर की कलीसियन के जौ किताब भेज दे: इफिसुस, स्मुरना, पिरगमुन, थुआतीरा, सरदीस, फिलदिलफिया और लौदीकिया।” 12 और मैं जौ मुडक के देखो, कि मोसे कौन बात कर रौ है, और मैं सात सोने की डीट देखो, 13 और डीटन के बीच मैं से एक इंसान के लौड़ा तराहनी दिखत रहै, बौ एक चोंगा पहने पड़े रहै जो बाके पाँव ले आत रहै, और छाती मैं एक सोने की कमरबंद पहने पड़े रहै। 14 बाके बार सफेद ऊन के तराहनी और बरफ के जैसे सफेद रहै, और बाकी आँखी आगी के जैसी धधकत रहै; 15 बाके पाँव ऐसे चमकीले पीतर के तराहनी रहैं जो भट्टी में तपाए के चमकाय गै होंगैं, और बाकी अबाज गरजत भै झरना के तराहनी रहै। 16 बाके सामर्थी दहने हात में सात तारा रहैं, और बाके मोहों में से एक तेज दुईधारी तलवार निकरी भइ रहैं। और बाको मोहो दुपारी के दिन के

हानी चमकदार रहै। 17 जब मैं बाकै देखो, तौ एक मेरे भै आदमी के हानी मैं बाके पाँव में गिर गौ। बौ अपनो दहनो हात मेरे ऊपर धरी और कही, “डराबे मत! मैं पहलो और आखरी हौं। 18 मही जिंदो हौं! मैं मर गौ रहौं, लेकिन अब मैं हमेसा के ताही जिंदो हौं। मोए मौत और नरक की चाबी मेरे अधिकार में है। (aiōn g165, Hades g86) 19 लिखौ, फिर, तुम जो चीज देखथौ, दोनों चीज जो अभै हैं जे सब बाद में होंगी। 20 जो सात तारा तुम मेरे दहने हात में देखथौ, उनको और सोने की सात डीट को भेद जौ है: सात तारा सात कलीसिया के दूत हैं, और सात डीट सात कलीसिया हैं।”

2 “इफिसुस की कलीसिया के दूत के जौ लिख: कि जोके दहने हात में सात तारा हैं, और जो सात सोने के डीट के बीच में चलथै, बाके घाँई से जौ संदेस है। 2 मोकै पता है कि तुम का करे हो; मोकै पता है कि तुम कितनी मेहनत करे हो और तुम कितनो धीरज रखथौ। मोकै पता है कि तुम बुरे लोगन के बरदास नाय कर सकथौ और तुम बे लोगन के परखे हो कि बे जौ कहथैं कि बे प्रेरित हैं, लेकिन ना हैं, और पता चलो है कि बे झूठे हैं। 3 तुम धीरज रखथौ, तुम लोग मेरे नाओं से कितनो दुख उठाए हो, और तुम हार नाय माने हो। 4 लेकिन मैं तुमरे खिलाप जौ कहथौ: तुम अब मोसे बैसो प्रेम नाय रखथौ जैसो कि तुम पहले करे करत रहौ। 5 सोचौ कि तुम कितनी दूर गिर गै हो! अपने पापन से मन फिराबौ और बहे करौ जो तुम पहले करे रहौ। अगर तुम अपने पापन से मन न फिरागो, तौ मैं तुमरे झोने आए के तुमरो डीट बाके जघा से उठाए लुंगो। 6 लेकिन जौ बहे है जो तुमरे पकड़ में हैं: तुम जो करथौ, नीकुलइयों बारे नफरत करथैं, जितनो मैं करथौ।” 7 “अगर तुमरे कान हैं, तौ सुनौ, पवित्र आत्मा कलीसियन से का कहथै! जो जीत हासिल करथैं, उन्हें मैं परमेस्वर की स्वर्गिय बगिया में जमन बारे जिंदगी के पेड़ के फल के खान को अधिकार दूंगो।” 8 “स्मुरना की कलीसिया के दूत के जौ लिख: जो पहलो और आखरी है, जो मर गौ रहै और अब जिंदो हुई गौ है, बाको संदेस जौ है। 9 मैं तुमरी परेसानी के जानथौ; मोकै पता है कि तुम गरीब हो, लेकिन बास्तव में तुम सेठ हो! मोकै पता है कि जो लोग यहूदि होन को दाबा करथैं, उनके खिलाप तुमरे जरिये कही गई बुराई की बातें मैं जानथौ, लेकिन न; बे एक सैतान के सभाघर हैं! 10 कोई भी चीज से मत डराबौ जो तुम भुगतन बारे हो। सुनौ! तुम में से कितने के कैदखाना मैं डारके सैतान तुमरी परिकछा लेगो, और तुमरी परेसानी दस दिन तक बनी रहंगी। मेरे प्रति बिस्वास योग्य रहबौ, भले ही जाको मतलब मौत ही क्यों ना होबै, और मैं तुमके अपनी जीत के इनाम के रूप में जिंदगी दूंगो।” 11 “अगर तुमरे पास कान हैं, तौ सुनौ, कि पवित्र आत्मा कलीसियन से का कहथै! जीवन बारन के दूसरी मौत से नुकसान ना होगो।” 12 “पिरगमुन की कलीसिया के दूत के जौ लिख: जौ बहे के घाँई से संदेस है जोके झोने चोखी दुईधारी तलवार है। 13 मोकै पता है कि तुम कहाँ रहथौ, हँना जहाँ सैतान को सिंहासन है। फिर भी तुम मेरे नाओं के प्रति सच्चे रहे, और तुम बौ समय भी मेरे ऊपर अपनो बिस्वास नाय छोड़ै, जब मेरो बिस्वास योग्य गभा अन्तिपास के समय में कुछ लोगन के हँना मारो गौ रहै जहाँ सैतान रहथै। 14

लेकिन कुछ बात हैं जो तेरे विरुद्ध कहने हैं: तुम मैं से कितने हैं जो बिलाम की सिक्का मैं चलथैं, जो राजा बालक के अगु ठोकर खानो सिखाई, कि कैसे करके इस्राएलियन की मूर्तियन मैं बलि चढ़ाई गई चीज खाँ, और छिनरइपना की राह मैं चलैं। 15 बैसिये तुमरे बीच ऐसे भी लोग हैं जो नीकलइयों की सिक्का मैं चलथैं। 16 अब अपने पापन से मन फिराबौ! मैं तुमरे झोने जलदिये आमंगो और बे लोगन के खिलाप मेरे मोहों से निकरन बारी तलवार से लड़ंगो। 17 अगर तुमरे कान हैं, तौ सुनौ, कि पवित्र आत्मा कलीसियन से का कहथै! जो जीत जाथैं उनके मैं छिपो मन्ना दुंगो, और उनमैं से सबन कै एक सफेद पथरा भी दुंगो; और बौ पथरा मैं एक नया नाओ लिखो भौ होगो, जोकै पानबारे के अलावा और कोई ना जानथै।” 18 “थुआतीरा की कलीसिया के दूत कै जौ लिख: परमेस्वर के बालक को जौ संदेस है, जोकी आँखी आगी के तराहनी धधकथैं, और जोके पाँव घोटे गै पीतल के तराहनी चमकथैं। 19 मोए मालुम है तुम का करथौ। मैं तुमरे प्रेम, तुमरे बिस्वास और काबिलियत, और तुमरी सेवा, और तुमरे धीरज कै जानथौ। मोए मालुम है कि तुम पहले की तुलना मैं और जाधे काम कर रे हो। 20 लेकिन मैं तुमरे खिलाप जौ कहथौ: तुम बौ बईय्यर इजेबेल के सहन करथौ, जो खुदकै परमेस्वर की भविष्यवक्तनी कहथै। और अपने उपदेस से मेरे दास कै छिनरइ करन, और मूर्तियन के अगु बलि चढ़ी भइ चीजन कै खान ताही भरमाथै। 21 मैं बाँके मन फिरान के ताही मौका दौ, पर बौ अपनी छिनरइपना से मन फिरानो नाय चाहथै। 22 और तभई मैं बाँके बिमारी की खटिया ऊपर लिटाए दुंगो, और उनहैं जो बाँके संग व्यभिचार करन मैं लीन हैं भौत दुख मैं डार दुंगो। अगर बे बाँके संग के दुस्त कामन से मन फिरात न हैं। 23 मैं बाँके अनुरँड करन बारेन कै मार डारंगो, तौ सब कलीसिया जानंगी कि मैं बहे हौ जो सबन के मन और इच्छा कै जानथौ। और मैं ही तुमकै बाँके कामन के हिसाब से बदला दुंगो। 24 लेकिन थुआतीरा मैं से बाकी के लोग जे गलत सिक्का को पालन नाय करी; तुम बौ नाय सीखे हौ जो दुसरे ‘सैतान की रहस्य की बातें कहथैं।’ मैं तुमसे कहथौ कि मैं तुमरे ऊपर और कोई बोझ ना डारंगो। 25 लेकिन जबले मैं ना आमौं, तब ले जो कुछ तुम्हारे पास है बाँके मेरे आन तक थामें रहियो। 26 जो जय पाबै, और मेरे कामन के हिसाब से आखरी तक करत रहबै, मैं उनके बे देसन को अधिकार दुंगो जो मोकै मेरो दऊवा दई रहै। 27 और बौ लोहो की छडी को राजदंड लै भै उनके ऊपर राज्य करैगो, जैसे कुम्हरा के मटी के बर्तन चकनाचूर हुई जाथैं: 28 महुँ ऐसे अधिकार अपने दऊवा से पाओ हौ। और मैं बाँके भोर को तारा दुंगो।” 29 “अगर जोके कान होमैं, बौ सुन लेंबे कि पवित्र आत्मा कलीसियन से का कहथै!”

3 “सरदीस नाओं की कलीसिया के दूत कै जौ लिख: जोके पास परमेस्वर की सात आत्मा और सात तारा हैं, बाँके घाँई से जौ संदेस है। मोकै मालुम है कि तुम का कर रे हौ; मैं जानथौ कि तुम मेरे भै होत भै भी जिंदो होन की सोच रखथौ! 2 तौ जागो, और जो तुमरे झोने हबै जो भी है बाँके पूरी तरह से मजबूत करौ। काहैकि मैं जो तोसे पाओ हौ कि जो कुछ तू जो करो है हबै ले परमेस्वर की नजर मैं

सिद्ध ना भौ है। 3 तभई याद रखौ, कि तुमहैं का सिखाओ गौ रहै और तुम का सुने रहौ; बाँको पालन करौ और अपने पापन से मन फिराबौ। और अगर तुम ना जौगै, तौ मैं चुटा के तराहनी तुमरे झोने आंगो, कि मैं कोनसे समय तेरे ऊपर आए पड़ंगो। 4 लेकिन हूँआँ सरदीस मैं तुम मैं से कुछ लोग अपने लता असुद्ध नाय करी बल्कि करके साफ रखी हैं। तुम मेरे संग सफेद लता पहने भै चलैगो, काहैकि तुम ऐसो करन के काबिल हौ। 5 जो बिजय होंगे जहे तरीका से सफेद लता पहनाओ जागो, और मैं बाँको नाओ जिंदगी की किताब मैं से ना हटांगो। मैं अपने दऊवा और बाँके स्वर्गदूतन के सामने ऐलान करंगो की बे मेरे हैं।” 6 “अगर तुमरे कान होमैं, बौ सुन लेंबे कि पवित्र आत्मा कलीसियन से का कहथै!” 7 “फिलदिलफिया की कलीसिया के दूत कै जौ लिख: पवित्र और सच्चाई के घाँई से जौ संदेस है। बाँके झोने बौ चाबी है जो दाऊद की है, और जब बौ फाटक खोलथै, तौ कोई बाँके बंद नाय कर सकथै, और जब बौ बंद कर देथै, तौ कोई बाँके खोल नाय सकथै। 8 मोए मालुम है कि तुम का करथौ; मैं जानथौ कि तुमरे भीतर थोड़ी सामर्थ्य है; तू जो मेरी सिक्का को पालन करो है और मेरे नाओं के मना नाय करो है। मैं तेरे सामने एक फाटक खोल दौ हौ, जोके कोई बंद नाय कर सकथै। 9 बात सुनौ! जहाँ ले बौ सभाघर को सबाल है जो सैतान को है, बे झूठे जो दाबा करथैं कि बे यहूदि हैं लेकिन नाय हैं, मैं आयकै तुमरे पाओ मैं झुकांगो। बे सब जानंगे कि मैं तुम सबन से प्रेम करथौ। 10 काहैकि तू धीरज धरकै मेरी अग्या कै मानो है, मैं तौकै बौ संकट के समय से बचाए रखंगो, जो दुनिया मैं सब लोगन की परिक्रछा लेन के ताही आनबरो है। 11 मैं जलदिये आनबरो हौ। तुमरे झोने जो कुछ भी बाँके समार कै रखैं, ताकी कोई भी तुमरे जीत के इनाम कै छीन ना पाबै। 12 जो जय पाबै, बाँके मैं अपने परमेस्वर के मंदिर मैं एक खम्मा बनांगो; और बौ फिर कहू बाहर ना निकरैगो; और मैं अपने परमेस्वर को नाओ, और अपने परमेस्वर के नगर मतलब नये यरुसलेम को नाओ, जो मेरे परमेस्वर के पास से स्वर्ग मैं से उतरन बारो है और अपनो नया नाओ भी बाँके लिखंगो।” 13 “अगर तुमरे कान होमैं, बौ सुन लेंबे कि पवित्र आत्मा कलीसियन से का कहथै!” 14 “लौदीकिया की कलीसिया के दूत कै जौ लिख: जो आमीन को संदेस है, जो बिस्वास के काबिल और सच्चो गभा है, जो परमेस्वर की सुस्टि को आधार है। 15 मोए मालुम है कि तुम का करे हौ; मोए मालुम है कि ना तुम ठंडे हौ और ना गरम। कास तुम ठंडे ही होते या गरम होते! 16 लेकिन काहैकि तू गुगुनुनो है, और ना ठंडो है और न गरम, मैं तौकै अपने मोहों से उगलन बारो हौ। 17 तुम कहथौ, ‘मैं सेठ हौ; मेरे झोने बौ सब है जो मोए चाहिए।’ लेकिन तुम नाय जानथौ कि तुम कितने दुखी और अभागो हौ! तुम गरीब, नंगे और अंधरा हौ। 18 इसलै मैं तौकै सलाह देथौ, कि सेठ होन के ताही मोसे सुद्ध सोना मोल लेबौ। और खुदकै तैयार करन के ताही सेतो लता भी मोल लेबौ ताकी अपनी समर्नाक नंगेपन कै ढकौ। और अपनी आँखी मैं लगान के ताही मलहम ले ताकी तुम देखन लगौ 19 मैं जिनसे प्यार करथौ उन सबन कै झुकाथौ और सजा देथौ। इसलै गंभीरता से रहबौ, और अपने पापन से मन फिराबौ। 20 सुनौ! मैं फाटक के झोने ठाडो भौ खटखटाथौ; अगर कोई मेरी

अबाज सुनकै फाटक खोलैगो, तौ मैं बाके झोने भीतर आयकै बाके संग खानु खांगो, और बे मेरे संग खानु खांगो। 21 जो बिजय होंगे, मैं बाकै अपने संग अपने सिंहासन मैं बैठन को हक दूंगो, जैसो मैं बिजय भौ हौं और अब अपने दऊवा के झोने बाके सिंहासन मैं बैठो हौं।” 22 “अगर जोके कान होयैं, बौ सुन लेबै कि पवित्र आत्मा कलीसियन से का कहथै।”

4 जे बातन के बाद मोए एक और दर्शन भौ और मैं स्वर्ग मैं एक खुलो फाटक देखो। और बौ अबाज जो तुरहई जैसो बजत रहै, जो मोसे बोलत भै सुनो, बौ कही, “हिंयों उपर चढ़या, और मैं तोकै दिखोंगि कि जाके बाद का होगो।” 2 तुरंत आत्मा मोकै अपने वस मैं कर लई। हूँआँ स्वर्ग मैं एक सिंहासन रहै जौमैं कोई बैठो है। 3 बाको चैहरा हरे रंग और लाल रंग के कीमती पथरा के तराहनी चमकत रहै, और सिंहासन के चारौ घोंई एक मरकत के रंग को एक मेघधनुस रहै। 4 बौ सिंहासन के चारौ घोंई के घेरा मैं चौबीस सिंहासन रहैं, जिनमें चौबीस बड़े-बूढ़े सफेद लत्ता पहने और सोने के मुकुट पहने बैठे रहैं। 5 बौ सिंहासन से बिजली की चमक, गड़गड़ात भइ आई। सिंहासन के सामने अग्नी के सात मसाल जलत रहैं, जो परमेस्वर की सात आत्मा हैं। 6 और संग मैं सिंहासन के सामने मानों बिल्लौर के हानी दरपन के जैसो समुंदर है, और सिंहासन के बीच मैं और सिंहासन के चारौ घोंई चार जीव हैं, जिनके अग्गु और पच्छू आँखिये आँखी हैं। 7 पहलो जीव सेरा के तराहनी दिखत रहै; और दूसरो जीव बछड़ा के तराहनी लगत रहै; तीसरो को चैहरा इंसान जैसो रहै; और चौथो उडत भै गिद्धा के जैसो लगत रहै। 8 और चारौ जीव के छे-छे पंख हैं, चारौ तरफ और भीतर आँखी ही आँखी हैं; और बे रात-दिन बगैर सैताए जौ कहते रहथैं, “पवित्र, पवित्र, पवित्र, सर्वसत्किमान प्रभु परमेस्वर, जो रहै, और जो है, और जो आनबारो है।” 9 चार जिंदे जीव महिमा सम्मान और धन्यवाद के गीत गाथैं और सिंहासन मैं बैठन बारे को धन्यवाद करथैं, जो हमेसा और हमेसा के ताही रहथै। जब बे ऐसो करथैं, (aiōn g165) 10 तौ चौबीसो बड़े-बूढ़े सिंहासन पर बैठन बारे के सामने गिरकै हमेसा और हमेसा जिंदे रहन बारे के दन्दवत करथैं। बे अपने मुकुट सिंहासन के सामने नीचे डारंगे और आराधना करत भै कहंगे: (aiōn g165) 11 “हे हमरे प्रभु, और परमेस्वर, तही महिमा, और आदर, और सामर्थ्य के योग्य है; काहैकि तही सब चीज सृजाओ और तेरिये इच्छा से, बे अस्तित्व मैं रहैं और सृजे गै।”

5 और जो सिंहासन मैं बैठो रहै, मैं बाके दहने हात मैं एक किताब देखो, जो भीतर और बाहर से लिखी भइ रहै, और बौ सात मुहर लगाएकै बन्द करी गई रहै। 2 फिर मैं एक सामर्थी स्वर्गदूत के देखो, जो ऊँची अबाज से जौ प्रचार करत रहै, “जौ किताब के खोलन और बाकी मुहरें तोडन के योग्य कौन है?” 3 और न स्वर्ग मैं, न पृथ्वी मैं, न पृथ्वी के नीचे कोई बौ किताब के खोलन या बायें नजर डारन के काबिल निकरो। 4 मैं फूट-फूट के रोन लगे काहैकि बौ किताब के खोलन, या बायें नजर करन के काबिल कोई ना मिलो। 5 फिर बड़े-बूढ़ेन मैं से एक मोसे कही, “मत रो। देख। यह्दा के बंस को सेरा, जो दाऊद को महान मूल है, जो बिजय पाए

चुको है, और बौ सात मुहरन के तोडके किताब के खोल सकथै।” 6 फिर मैं एक मेम्ना के सिंहासन के बीच मैं ठाडो देखो, जो चारौ जीव और बड़े-बूढ़ेन से घिरो भौ रहै। ऐसो लगत रहै कि मेम्ना मारो गौ रहै। बाके सात सींग और सात आँखी रहैं, जो परमेस्वर की सात आत्मा हैं जो पूरी पृथ्वी मैं भेजी गई हैं। 7 मेम्ना जाकै सिंहासन मैं बैठन बारे के दहने हात से किताब के लई। 8 जैसिये बौ किताब लई, चारौ जिंदे जीव और चौबीस बड़े-बूढ़े मेम्ना के अग्गु गिर पड़े। हर एक के हात मैं वीडाँ और लोहबान धूप से भरे सोने के कटोरा रहै, जो परमेस्वर के पवित्र लोगन की प्रार्थना है। 9 और बे जौ नया गीत गान लगे: “तू जौ जिंदगी की किताब के लेन और बाकी मुहरें खोलन के काबिल है; काहैकि तै वध हुईकै अपने खून से हर एक कुल, रास्ट्र, भासा, लोग, और जाति मैं से परमेस्वर के ताही लोगन के मोल लौ है।” 10 “और तू ऊँचै हमरे परमेस्वर की महिमा करन के ताही पुजारी को राज्य ठहराओ है, और बे पृथ्वी मैं राज्य करंगे।” 11 फिर मैं जब देखो, और मैं स्वर्गदूतन के सुनो, उनमें से हजारौ और लाखौ! सिंहासन के चारौ तरफ ठाडे रहैं, चार जिंदे जीव, और चार बड़े-बूढ़े लोग, 12 और बे ऊँचे सुर मैं गाथैं: “जो मेम्ना मारो गौ बौ सामर्थ्य, और धन, और बुद्धि, सत्ति, और आदर, और महिमा, और स्तुति के काबिल है!” 13 और मैं स्वर्ग मैं, और पृथ्वी मैं, और पृथ्वी के नीचे की दुनिया मैं, और समुंदर के सब जिंदे जीव के जौ गात भइ सुनो: “जो सिंहासन मैं बैठो है, बाकी, और मेम्ना कि स्तुति, और आदर, और महिमा, और राज्य, हमेसा रहबै!” (aiōn g165) 14 और चारौ जिंदे जीव जबाब दई, “आमीन!” और बड़े-बूढ़े गिरकै आराधना करी।

6 फिर मैं देखो कि मेम्ना बे सात मुहर मैं से पहली मुहर के तोडी है, और मैं चार जिंदे जीव मैं से एक के गड़गड़ाहत की अबाज मैं जौ कहत सुनो, “आ!” 2 मैं देखो, एक सफेद घोड़ा है, और बायें सवार धनुस लै भै है, और बाकै एक मुकुट दौ गौ। और बौ जीवन के ताही एक विजेता के हानी बाहर निकरो है। 3 जब मेम्ना दूसरी मुहर तोडी, तौ मैं दूसरे जीव के जौ कहत भइ सुनो, “आ!” 4 फिर एक और घोड़ा निकरो, जो लाल रंग को रहै; बाके सवार के पृथ्वी मैं से सांति उठाए लेन की आग्या दई गई, ताकी लोग एक दूसरे के मार डारैं। बाकै एक बडी तलवार दई गई। 5 जब मेम्ना तीसरी मुहर के तोडी, तौ मैं तीसरे जीव के जौ कहत सुनो, “आ।” और मैं देखो, एक कारो घोड़ा है; और बाके सवार के हात मैं एक तखरी है। 6 मैं सुनो कि चारौ जिंदे जीव के बीच मैं से एक अबाज आए रइ है, “एक दिन की मजदूरी के ताही एक किलो गेहूँ, और एक दिन की मजदूरी के ताही तीन किलो जई। लेकिन तेल और दाखरस की बारिन के नुकसान मत पहोँचाबौ!” 7 और तौ मेम्ना चौथी मुहर तोडी; तौ मैं चौथे जीव को सब्द जौ कहत सुनो, “आ!” 8 मैं देखो, कि एक पेरो घोड़ा है; और बाकी सवारी करन बारे को नाओ मौत है; और नरक बाके पच्छू-पच्छू है और बाकै पृथ्वी की एक चौथाई मैं जौ अधिकार दौ गौ, कि तलवार, और अकाल, और रोग, और पृथ्वी के जानवर के जरिये लोगन के मार डारैं। (Hadēs g86) 9 तौ मेम्ना पाँचवी मुहर के तोडी। मैं बेदी के नीचे बे लोगन की जान देखो

जो मारे गै रहै कहिकि बे परमेस्वर को बचन पूरे मन से सुनाई रहै और अपनी गभाई मैं भरोसेमंद रहैं। 10 बे बड़े ऊँची अबाज से चिल्लाए कै कहीं, “सर्वक्तिमान प्रभु, पवित्र और सचचो! तू कबले पृथ्वी के लोगन को न्याय करैगो और हमरे खून को बदला लेगो?” 11 और उनमें से हर एक कै सफेद चोंगा दौ गौ रहै, और उनसे कहो गौ कि और थोड़ी देर ले इंतजार करौ, जबले कि तुमरे संगी दास और भईय्या जो तुमरे हानी मरन बारे हैं, उनकी भी गिनती पूरी ना हुई लेबै। 12 और मैं मेम्ना के छठमीं मुहर खोलत भै देखो। तौ एक बड़ो हालाचाला आओ, और सूरज कम्मर के तराहनी कारो हुई गौ, और जोनी पूरी खून के तराहनी लाल हुई गई। 13 और आसमान के तारा पृथ्वी में गिर पड़े, जैसे बड़ी आँधी से हिलतै अंजीर के पेंड मैं से कच्चे फल झरथैं। 14 आसमान एक जिंदगी की किताब के तराहनी लुढ़काओ गौ, और हर एक पहाड़ और टापू, अपने-अपने जगह से सरक गै। 15 तब पृथ्वी के राजा, और प्रधान, और सरदार, और धनवान और सामर्थी लोग, और हर एक दास, और हर एक स्वतंत्र, पहाड़न की गुफा और चट्टानन में जाएँ लुक गै। 16 और पहाड़न, और चट्टानन से पुकारै कहने लागे, “हमरे ऊपर गिर पड़ो; और हमें बाके सिंहासन में बैठन बारे की आँखी से और मेम्ना के प्रकोप से लुकाए लियो! 17 कहैकि उनके प्रकोप को भयानक दिन आए पहुँचो है, अब बाको सामना कौन कर सकथै?”

7 जाके बाद मैं पृथ्वी के चारों कोने में चार स्वर्गदूत ठाड़े भै देखो, बे पृथ्वी की चारों ब्यार के रोके पड़े रहैं कि न तौ ब्यार पृथ्वी में, और न समुंदर में, और न कोई पेंड से टकरावै। 2 और मैं एक स्वर्गदूत कै जीवते परमेस्वर कि मुहर के संग अगार घाँई से आत देखो। बौ बे चारों स्वर्गदूतन कै ऊँची अबाज में पुकारी जिन्हें परमेस्वर पृथ्वी और समुंदर के नुकसान पहोचान की सक्ति दई रहै। 3 “जबले हम अपने परमेस्वर के सब दास के माथे में मुहर ना लगाए दें, तौले पृथ्वी, समुंदर या पेंडन के नुकसान मत पहुँचइयो।” 4 और मोंके बताओ गौ जिन लोगन के माथे में परमेस्वर की मुहर लगी भई है, उनकी गिनती एक लाख चौवालीस हजार है। बे इस्राएल के बारह गोत्र में से रहैं, 5 यहूदा के गोत्र में से बारह हजार में मुहर दई गई, स्बेन के गोत्र में से बारह हजार में, गाद के गोत्र में से बारह हजार में, 6 असेर के गोत्र में से बारह हजार में, नसाली के गोत्र में से बारह हजार में; मनस्से के गोत्र में से बारह हजार में, 7 सिमोन के गोत्र में से बारह हजार में, लेवी के गोत्र में से बारह हजार में, इस्राकार के गोत्र में से बारह हजार में मुहर दई गई, 8 जबलून के गोत्र में से बारह हजार में, यूसुफ के गोत्र में से बारह हजार में, और बिन्यामीन के गोत्र में से बारह हजार में मुहर दई गई। 9 जाके बाद मैं देखो, हूँना एक बड़ा बड़ी भीड़ रहै, कोई भी सब लोगन की गिनती नाय कर सकत रहै! सब जाति, कुल, देस और भासा के रहैं, और बे सिंहासन और मेम्ना के सामने सफेद चोंगा पहने भै और हातन में खजूर कि हँगइय्या पकड़े भै ठाड़े रहै। 10 बे ऊँची अबाज से पुकारी: “उद्धार हमरे परमेस्वर के घाँई से, जो सिंहासन में बैठो है, और मेम्ना के घाँई से है!” 11 सब स्वर्गदूत सिंहासन के चारों तरफ ठाड़े रहै, बड़े-बूढ़े और चार जिंदे जीव। तौ बे सिंहासन के सामने

अपनो मोहों नीचे करी, और परमेस्वर की आराधना करी, 12 कही, “आमीन! हमरे परमेस्वर की स्तुति, महिमा, ग्यान, धन्यवाद, आदर, सामर्थ्य और सक्ति हमेसा और हमेसा के ताहीं बनी रहबै! आमीन!” (aion g165) 13 बड़े-बूढ़ेन में से एक मोसे पँछी, “सफेद चोंगा पहने भै जे लोग कौन हैं, और कहाँ से आए हैं?” 14 मैं जबाब दौ, मालिक, “मोए नाय मालुम, तहीं जानथै।” बौ मोसे कही, “जे बे लोग हैं जो भयानक जुलम से सई सलामत निकर आए हैं। जे अपने चोंगा मेम्ना के खून में धोएँ सफेद करी हैं। 15 जौ बजह से बे परमेस्वर के सिंहासन के सामने ठाड़के बाके मंदिर में रात-दिन बाकी आराधना करथैं। जो सिंहासन में बैठो है, बौ अपनी हजरी से उनकी रक्छा करैगो। 16 बे फिर कहए भूँके या प्यासे ना होंगे; न तौ सूरज और न कड़कती गर्मी उनके जलागी। 17 कहैकि मेम्ना जौ सिंहासन के बीच में है, उनको बरदिया होगो, और बौ उनके जिंदगी देनबारे पानी के सोता के झोने लैजावैगो। और परमेस्वर उनकी आँखी से सब आँसु पोंछ डारैगो।”

8 जब मेम्ना सातवीं मुहर खोली, तौ स्वर्ग में लमसम आधे घंटा ले सन्नाटा पसरो रहो। 2 और मैं बे सातौ स्वर्गदूतन कै देखो जो परमेस्वर के सामने ठाड़े रहैं, और उनके सात तुरहियाँ दई गईं। 3 फिर एक और स्वर्गदूत सोने को धूपदान लै भौ आओ, और बेदी में ठाड़गौ। बाँके परमेस्वर के सब पवित्र लोगन की प्रार्थना में जोड़न के ताहीं और सिंहासन के सामने सोने की बेदी ऊपर चढ़ान के ताहीं भौत धूप दई गई रहैं। 4 और बौ धूप को धुआँ पवित्र लोगन की प्रार्थना समेत स्वर्गदूत के हात से परमेस्वर के सामने पौहौच गौ। 5 तौ स्वर्गदूत धूपदान लैके बेदी की आगी से भर दई, और धरती में फेंक दई। जोसे बादर गडगडान लागो और बिजली की चमक और हालाचाला होन लागो। 6 तभई सातौ स्वर्गदूत जिनके झोने सात तुरहई रहैं फूँकन के ताहीं तैयार भै। 7 पहलो स्वर्गदूत तुरहई फूँकी। खून से सने ओला और आगी पृथ्वी में बरसन लगे। और एक तिहाई पृथ्वी जल गई, और एक तिहाई पेंड और हरी घाँस एका एक जल गई। 8 फिर दुसरो स्वर्गदूत तुरहई फूँकी। तौ मानौ आगी के हानी जलत भौ एक बड़ो पहाड़ समुंदर में फेंक दौ गौ। और समुंदर भी एक तिहाई खून में बदल गौ, 9 और समुंदर के एक तिहाई भीतरी जिंदे जीव मर गै, और एक तिहाई जहाज नास हुई। 10 फिर तीसरो स्वर्गदूत तुरहई फूँकी। और एक बड़ो तारा जो मसाल के तराहनी जलत भौ स्वर्ग से टटो और नदिया के एक तिहाई पानी के झरना में गिर पड़ो। 11 बौ तारा को नाओ “कडवा” है। और एक तिहाई पानी कडवा जैसो कडवो हुई गौ, और भौत से इंसान बौ पानी पीन से मर गै। 12 फिर चौथो स्वर्गदूत तुरहई फूँकी। और सूरज को एक तिहाई, और जोनी को एक तिहाई, और तारन को एक तिहाई हिस्सा अधियारो में हुई गौ, और एक तिहाई चमक उजियारो की चली गई; दिन को एक तिहाई और रात की एक तिहाई के चलते कोई उजियारो नाय रहो। 13 जब मैं फिर देखो, तौ आसमान के बीच में एक गिट्ठा कै उडत और ऊँची अबाज से जौ कहत सुनो, “बे तीन स्वर्गदूतन की तुरहई के सबदन के कारड जिनको फूँकनो हबै बाकी

है, जो उनके ताहीं कितनो भयानक, भयानक और भयानक होंगे जो पृथ्वी मैं रहथै!”

9 बाके बाद पाँचमों स्वर्गदूत तुरहई फूँकी। तौ मैं आसमान से पृथ्वी मैं एक तारा गिरत भइ देखो, और बाके अधोलोक की चाबी दई गई रहै। (Abyssos g12) 2 तारा अधोलोक के खोल दई, और कुंड मैं से बड़ी भट्ठी के हानी धुआँ उठो, और कुंड के धुआँ से सूरज की चमक और ब्यार कारी हुई गौ। (Abyssos g12) 3 बौ धुआँ मैं से टींडा धरती मैं उतरे, और उनके बैसिये ताकत दई जैसे सब बीछी मैं होथे। 4 उनसे कहो गौ कि बे पृथ्वी की घाँस या पेंड या पौधन के नुकसान न पहुँचायें; बे सिरफ बे लोगन के नुकसान पहुँचाय सकथैं जिनके माथे मैं परमेस्वर की मुहर को चिन्ह ना है। 5 टींडन के उन लोगन के मारन की इजाजत नाय रहै, बल्कि उन्हें सिरफ पाँच महेना ले सतान की इजाजत रहै। और उनको दर्द ऐसो रह, जैसे बीछी के डंक मारन से इंसान के दर्द होथे। 6 पाँच महेना के दौरान बे मौत के ढूँडंगे, लेकिन बाँके ना पामंगे; बे मरनो तौ चाहंगे, लेकिन उनके झोने से मौत भाज जाबैगी। 7 टींडा लड़ाई के ताहीं तैयार घोडन के तराहनी दिखत रहै; उनकी मुडिया मैं सोने के मुकुट रहै, और उनके चेहरा इंसान के जैसे रहै। 8 उनके बार बईथरन के बार जैसे रहै, और उनके दाँत सेरा के दाँत जैसे रहै। 9 उनकी छाती लोहे की कवच से ढकी भइ रहै, और उनके पखमा की अबाज ऐसी रहै जैसे रथ और भौत से घोडा लड़ाई मैं भाजत होमै। 10 उनकी बीछी तराहनी पूँछ और डंक रहै, और उन्हें पाँच महेना ले लोगन के नुकसान पहुँचान की सक्ति मिली रहै। 11 उनको एक राजा उनके ऊपर राज करथे, जो अधोलोक को दूत है। बाको नाओं इब्रानी मैं अबद्दोन; और यूनानी मैं अपुल्लयोन है, जाको मतलब है “विनासक।” (Abyssos g12) 12 पहलो आतंक खतम हुई गौ है; जाके बाद दुई और भयानक आतंक आनबारे हैं। 13 फिर छठमों स्वर्गदूत तुरहई फूँकी। मैं परमेस्वर के सामने ठाडी सोने की बेदी के चारो कोने से जौ अबाज सुनो। 14 और अबाज के जरिया छठमों स्वर्गदूत से तुरहई फूँक के कही, “बे चार स्वर्गदूतन के छोट जो बड़ी नदिया फरात के पास बंधे भै हैं।” 15 बे चारो स्वर्गदूतन के छोट दौ गौ है; जो बौ घड़ी, और महेना, और साल के ताहीं इंसानन की एक तिहाई के मार डारन के तैयार करे गे रहै। 16 मोए घुडसवार फौज की गिनती बताओ गौ: जो बीस करोड रहै। 17 और अपने दर्शन मैं घोडा और उनके सवारन के देखो: जिनके कवच आगी के तराहनी लाल, नीलम के तराहनी नीलो, और गंधक के तराहनी पेरे रहै। और बे घोडन की मुडिया सेरा की मुडिया के तराहनी रहै, और उनके मोहों से आगी, धुआँ और गंधक निकरत रहै। 18 जे तीनों महामारियन: मतलब आगी, धुआँ, गंधक जो घोडन के मोहों से निकरत रहै, बासे इंसान एक तिहाई मर गे। 19 काहेंकि बे घोडन की ताकत उनके मोहों मैं और उनकी पूँछन में भी रहै। और उनकी पूँछ साँपन की मुडिया के तराहनी रहै, और बे लोगन के नुकसान पहुँचान के ताहीं बाको इस्तमाल करत रहै। 20 बाकी के बचे भै इंसान, जो बे सब महामारी से न मरे रहै, बे अपने हात के कामन से न मन फिराई। बे ना तौ प्रेत आत्मा की आराधना करनो छोड़ी, और ना

सोने, चाँदी, पीतल, पथरा, और कठिया की मूर्तियन की पूजा करनो छोड़ी, जो ना तौ देख, ना सुन, ना चल सकथैं। 21 और बे जो हत्या, और टोना, और व्यभिचार, और चोरी, करी रहै, उनसे मन ना फिराई।

10 फिर मैं एक और सत्तिसाली स्वर्गदूत के स्वर्ग से उतरत भै देखो। बौ एक बादर मैं लिपटो भौ रहै और बाकी मुडिया के चारो तरफ एक मेंहें धनुस रहै; और बाको मोहों सूरज के हानी और बाके पाँव आगी के खम्मा के हानी रहै। 2 और बाके हात मैं एक छोटी किताब खुली रहै। बौ अपने दहने पाँव समुंदर मैं और बौ पृथ्वी मैं रखी, 3 और बड़े ऊँचे अबाज मैं चिल्लाई जैसो सेरा गरजथे। बाके चिल्लान के बाद, तौ गरजन के संग मैं सात जबाब मिले। 4 उनके बोलतैं खिना मैं लिखत रहैं। लेकिन स्वर्ग से मैं जौ अबाज सुनो, “कि जो बाँते गरजन के बे सात अबाज के सुनो है, उनके मुहरबन्द करके रखिये; और जाँके मत लिखिये!” 5 फिर जो स्वर्गदूत के मैं समुंदर और जमीन मैं ठाडो देखो, बौ अपने दहने हात के स्वर्ग के घाँई उठाई 6 और परमेस्वर के नाओं से मन्त मॉग के कह, जो हमेसा जिंदो है, जो आकास, पृथ्वी और समुंदर और बाँमे जो कछु है, सबके जन्माई है! स्वर्गदूत कही, “अब और देर न होगी!” (aiōn g165) 7 “लेकिन जब सातमों स्वर्गदूत अपनी तुरहई फूँकेगो, तौ परमेस्वर अपनी गुप्त मैं लुकी योजना के पूरी करेगो, जैसो बौ अपने दास भविष्यवक्तन के सुसमाचार देन के कही रहै।” 8 फिर बौ अबाज जोमैं स्वर्ग से बोलत भै सुनो रहौं, बौ फिर मोसे कही, “जा, जो स्वर्गदूत समुंदर और पृथ्वी मैं ठाडो है, बाके हात मैं की खुली भइ किताब ले ले।” 9 मैं स्वर्गदूत के झोने जाएँ बासे कहो कि जौ छोटी किताब मोके दैदे। और बौ मोसे कही, “जाँके ले, और खाए ले; जो तेरे पेट के कडवो तौ करैगी, पर तेरो मोहों सहद जैसो मीठो लगैगो।” 10 और मैं बौ छोटी किताब बौ स्वर्गदूत के हात से लैके खाए लौ, और बाको स्वाद मेरे मोहों मैं सहद के जैसो मीठो लगे। लेकिन जब मैं बाँके निगल लौ, तौ बौ मेरे पेट मैं कडवो हुई गौ। 11 तौ मोसे कहो गौ, “जौ जरूरी है कि तैं दुबारा तमान प्रजाति, देस, भासा और राजन के बारे मैं परमेस्वर के घाँई से भविष्यवाँडी कर।”

11 फिर मोके एक छड़ी दई गई, जो नापन की छड़ी के तराहनी दिखत रहै, और कोई कही, “जा और परमेस्वर के मंदिर और बेदी नाप ले, और बे लोगन की गिनती कर जो मंदिर मैं आराधना करथे। 2 लेकिन मंदिर के बाहर के आँगन के मत नाप, काहेंकि बौ गैर यहदिन के दौ गौ है, और बे पवित्र सहर के बयालिस महेना ले रौंदंगे। 3 मैं टाट ओढे भै अपने दुई गभा के भेजंगे, और बे एक हजार दुई सौ साठ दिन ले परमेस्वर के संदेस की भविष्यवाँडी करंगे।” 4 बे दुई गभा हैं, दुई जैतून के पेंड और दुई डीट जो पृथ्वी के प्रभु के सामने ठाडे रहथे। 5 और अगर कोई उनके नुकसान पहुँचान की कोसिस करै, तौ उनके मोहों से आगी निकरके उनके बैरियन के नास करथे; और जो कोई उनके नुकसान पहुँचान की कोसिस करेगो, बौ मार डारो जागो। 6 उनके झोने आसमान के बंद करन को हक है, ताकी जब बे परमेस्वर को संदेस सुनमैं, बौ समय

मेंहें ना बरसे। बे पानी के सोता मै भी अधिकार रखथै, कि उन्हें खून भी बनाये दें; उन्हें जौ भी अधिकार है कि बे जितनी बार चँहे पृथ्वी मै सब तरह की महामारी की मार करै। 7 जब बे अपनी गभाई को संदेस सुनानो खतम कर लेंगे, तौ बे जानवर जो अधोलोक मै से निकरेंगे, बौ उनसे लड़ेंगे। बौ उनके हराए के उन्हें मार डारेंगे, (Abyssos g12) 8 और उनकी लास बौ बड़े नगर के चौहराय मै पड़ी रहेंगी, जो आत्मिक रीति से सदोम और मिष कहो जाथै, जहाँ उनको प्रभु भी क्रूस मै चढ़ाओ गौ रहै। 9 और सब देस, कुलन, भासन, और जातिन के लोग बे लासन के साढ़े तीन दिन ले देखत रहेंगे और कबर मै दफनान को आदेस ना देंगे। 10 इन दोनों की मौत से पृथ्वी के लोग खुस होंगे। बे जप्स मनागे और एक-दूसरे के भेंट भेजेंगे, काहेकि बे दोनों भविष्यवक्ता पूरी मानव जाति के बड़ा सताई रहैं। 11 साढ़े तीन दिन के बाद परमेस्वर कि तरफ से जिंदगी देन बारी आत्मा निकरी, और उनके भीतर घुस गई, और बे अपने पाँव के बल ठाड़ौ, और उनके देखन बारेन के ऊपर बड़ा डर छापे गौ। 12 और बे दोनों भविष्यवक्ता स्वर्ग से एक ऊँची अबाज से जौ कहत सुनी, “हियाँ ऊपर आओ!” जब उनके बैरी उनके देखी, तौ बे बादर ऊपर चढ़के स्वर्ग मै चले गौ। 13 बहे समय एक भैकर हालाचाला आओ; और नगर को दसमों हिस्सा नास हुई गौ, और सात हजार लोग मारे गै। और बचे भै लोग डराय गै, और स्वर्ग के परमेस्वर की महिमा करी। 14 दूसरी आफत बीत चुकी है लेकिन तीसरी भयानक आफत जल्दिये आनबारी है! 15 तौ सातमों स्वर्गदूत तुरहई फूँकी, तौ स्वर्ग मै जौ बारे मै ऊँची-ऊँची अबाज आन लगी, “अब दुनिया को राज्य हमरे प्रभु को और बाके मसीह को हुई गौ, और बौ हमेसा राज्य करेंगे।” (aion g165) 16 तब चौबीस बड़े-बूढ़े जो परमेस्वर के सामने अपने-अपने सिंहासन मै बैठे रहैं, मोहों के बल गिरके परमेस्वर की आराधना करके, 17 जौ कहने लगे: “हे सर्वसक्तिमान प्रभु परमेस्वर, जो है और जो रहै! हम तेरो धन्यवाद करथै कि तैं अपनी बड़ी सामर्थ्य लैके राज्य करनो सुरू कर दो है! 18 गैर यहदि गुस्सा से भर गै, काहेकि तुमरे ऊपर गुस्सा करन को समय आए गौ है, मेरे भैन को न्याय करन को समय आए गौ है। अपने सेवक, भविष्यवक्ता और पवित्र लोगन के इनाम देन को समय आए गौ है, जो तेरे ताहीं आदर रखथै चँहे बे छोटे-बड़े के जैसे हों। पृथ्वी के नास करन बारेन के नास करन को समय आए गौ है!” 19 स्वर्ग मै परमेस्वर को मंदिर खोलो गौ, और वाचा को बक्सा हँआ देखो गौ। फिर बिजली चमकी, और ऊँचे अबाज से गडगडाहट भइ और हालाचाला भौ, और बड़ा ओला पड़े।

12 फिर स्वर्ग मै एक बड़ो और रहस्यमयी चिन्ह दिखाई दई। एक औरत जोको पहनावा सूरज रहै, और बाके पाँव तेरे जोनी रहै, और बाके मुडिया मै बारह तारन को मुकुट रहै। 2 बौ जल्दिये जनम देन बारी रहै, काहेकि प्रसव को दर्द और पीड़ा बाके स्बाए दई। 3 आसमान मै एक और रहस्यमयी चिन्ह दिखाई दई। हँना सात खुपडिया और दस सींगन बारो एक बड़ो लाल अजगर रहै और बाकी हर खुपडिया ऊपर मुकुट रहै। 4 बौ अपनी पूँछ से आसमान से एक तिहाई तारन के खीचके पृथ्वी मै फेंक दई, और बौ अजगर

बौ औरत के सामने ठाड़ौ, कि जब बौ बालका पैदा करै तौ बौ बालका के निगल जाबै। 5 तभई बौ एक बेटा के जनम दई, जो लोहे की छड़ी से सब देस की जाति के ऊपर राज्य करेंगे। लेकिन बच्चा के छीन के परमेस्वर के सिंहासन के झोने लैजाओ गौ। 6 और बौ औरत बौ जंगल मै भाज गई, जहाँ परमेस्वर के पाँई से बाके ताहीं एक जघा तैयार करी गई रहै, ताकी हँआ बाकी देखेरख तीन साल चार महेना ले करी जाबैगी। 7 फिर स्वर्ग मै लड़ाई छिड़ गई, मीकाईल और बाके दूत अजगर से और बाके दूतन से लड़ी; 8 लेकिन अजगर हार गौ, और बाके और बाके दूतन के फिर स्वर्ग मै रहन कि इजाजत नाय दई गई। 9 विसाल अजगर के बाहर फेंक दो गौ, बौ पुरानो सॉप, जोको नाओ इब्लीस या सैतान रहै, जो पूरी दुनिया के धोका दई रहै। बौ और बाके सब दूतन के बाके संग पृथ्वी मै फेंक दो गौ। 10 तभई मै स्वर्ग मै एक ऊँची अबाज सुनो, “अब परमेस्वर को उद्धार और राज्य आए गौ है! अब परमेस्वर राजा के रूप मै अपनी सामर्थ्य दिखाई है! अब बाको मसीहा अपनो अधिकार दिखाई है! काहेकि जो हमरे परमेस्वर के सामने ठाड़ो रहै, और रात-दिन हमरे भईयन के ऊपर दोस लगात रहो, बाके स्वर्ग से निकार दो गौ। 11 बौ मेम्ना के खून और सत्य की गभाई के जरिया जोको प्रचार करी रहै, बापे जय पाई; और बे अपनी ज्ञान से इतनो प्रेम नाय करी कि बे मरन के तैयार नाय हों। 12 और हे स्वर्ग, और हँना सब रहन बारेयौ खुसी मनाबौ! लेकिन पृथ्वी और समुंदर के ताहीं कितनो भयानक है! काहेकि सैतान तुम्हारे झोने उतर आओ है, और बौ गुस्सा से भरगौ है, काहेकि बौ जानथै, कि बाके पास थोडिये समय है।” 13 जब अजगर के पता चलो कि बाके पृथ्वी मै फेंक दो गौ है, तौ बौ औरत को पीछा करनो सुरू कर दई जो बौ बालक के जनम दई रहै। 14 बाके रेगिस्तान मै अपनी जघा मै उडन के ताहीं एक बड़े गिद्धा के दुई पंख दे गै रहै, जहाँ अजगर के हमला से बाकी साढ़े तीन साल ले देखेरख करी जागी, 15 तौ अजगर अपने मोहों से बौ औरत के पिच्छ पानी की धार बहाई, कि बौ बाके बहाए लै जाए। 16 लेकिन पृथ्वी बौ औरत की मदत करी, बौ अपनो मोहों खोली और बौ पानी के निगल लई जो अजगर के मोहों से निकरो रहै। 17 तौ अजगर बौ औरत के ऊपर गुस्सा भौ, और बाकी बची भइ सन्तान से लड़न के चले गौ, जो परमेस्वर कि आग्यन के मानथै और ईसु की गभाई देन ताहीं वफादार है।

13 और बौ अजगर समुंदर के किनारे ठाड़ौ। तभई मै एक जानवर के समुंदर मै से बाहर आत भइ देखो। बाकी दस सींग और सात खोपड़ी रहै; बाके हर एक सींग मै एक मुकुट रहै, और बाके हर एक खोपड़ी मै एक नाओ रहै जो परमेस्वर की बुराई करत रहै। 2 बौ जानवर एक तेंदुआ के हानी दिखात रहै, बाके पाँव भलुआ के तराहनी और मोहों सेरा के तराहनी रहै। और अजगर बौ जानवर के अपनी सामर्थ्य, और सिंहासन और बड़ो अधिकार दै दई। 3 एसेो लगत रहै कि जानवर की एक मुडिया मै गहरो घाव है, लेकिन घाव ठीक ही गौ रहै। पूरी पृथ्वी अचम्भित भइ और बौ जानवर के पच्छु हुई लई। 4 सब जनी बौ अजगर की आराधना करी, काहेकि बौ बौ जानवर के अपनो अधिकार दई रहै। बे बहो

जानवर की भी आराधना करी, और कही, “जानवर के जैसी कौन है? जाके खिलाप कौन लड सकथै?” 5 जानवर के गरब करन को अधिकार दौ गौ रहै जो परमेस्वर को बुराई करत रहै, और बाकै बयालिस महेना के ताही अधिकार रखन की इजाजत दई गई रहै। 6 बौ परमेस्वर के, बाके नाओं के, बाके रहन की जघा मतलब तम्बु के, और बे सबन के जो स्वर्ग में रहत रहै, स्राप देन लागो। 7 बाकै परमेस्वर के पवित्र लोगन के खिलाप लडाई करन और उन्हें हरान की इजाजत दई गई रहै, और हर एक गोत्र, देस, भासा और जाति ऊपर अधिकार दौ गौ रहै। 8 पृथ्वी में रहन बारे सब लोग बाकी आराधना करगे, सिवाय बे लोगन के जिनके नाओं दुनिया की रचना से पहले बौ जिंदगी की किताब में लिखे गै रहै, जो बौ मेम्ना को है जो घात करो गौ रहै। 9 “सुनौ, जोके पास कान होमैं बौ सुन लेबै! 10 जो भी पकडो जाने है बौ जरूर पकडो जागो; जो कोई तलवार से मारो जाने है बौ जरूर तलवार से मारो जागो। जो परमेस्वर के पवित्र लोगन के घाँई से धीरज और बिस्वास की माँग करथै।” 11 फिर मैं एक और जानवर देखो, जो पृथ्वी में से बाहर निकरो। बाँमे मेम्ना के जैसी दुई सींग रहै, और बौ अजगर के हानी बोलत रहै। 12 बौ अपनी उपस्थिति में पहले जानवर के बड़े अधिकार को इस्तमाल करी। बौ पृथ्वी और बाँमे रहेन बारे सब लोगन के बौ पहले जानवर की आराधना करन के ताही मजबूर करी, जोको घाव ठीक हई गौ रहै। 13 जौ दूसरो जानवर बड़े चिन्ह चमत्कार करी; बौ सबके सामने आगी के स्वर्ग से पृथ्वी में उतारी। 14 और बौ पृथ्वी में रहन बारे सब लोगन के बे चिन्ह चमत्कार के जरिया धोका दई, जिनके पहले जानवर की उपस्थिति में करन की इजाजत दई गई रहै। जानवर उनके बौ जानवर के सम्मान में एक मूर्ति बनान ताहीं कही जो तलवार से घायल हई गौ रहै और फिर भी जिंदो रहै। 15 दूसरे जानवर के पहले जानवर की मूर्ति में जान डारन की इजाजत दई गई, ताकी मूर्ति बात कर सकै और बे सबन के मार डारै जो बाकी आराधना नाय करथै। 16 और बौ जानवर, छोटे और बड़े, सेठ और गरीब, आजाद और दास सब लोगन के दहने हात में छाप लगाए दई। 17 कि बाकै छोड जोके ऊपर छाप मतलब बौ जानवर को नाओं, या बाके नाओं को नम्बर होबै, और दूसरो कोई बेचनों और खरीदनों न कर सकै। 18 जाके ताही ग्यान की जसूरत होथै। जो बुद्धिमान है, बौ जौ जानवर के नम्बर को मतलब समझ सकथै, काहैकि नम्बर कोई के नाओं के ताही है। जाको नम्बर छ सौ छियासठ है।

14 फिर मैं देखो, बौ मेम्ना सिथ्योन पहाड में ठाड़ो रहै; और बाके संग एक लाख चौवालीस हजार लोग रहै जिनके माथे में बाको और बाके दऊवा को नाओं लिखो भौ रहै। 2 और मैं स्वर्ग से एक अबाज सुनो, जो गरजत भइ झरना, और गडगडाहट के ऊँचे स्वर के हानी रहै। ऐसो लगत रहै जैसे वीडाँ बजान बारे अपनी वीडाँ बजाएँके संगीत बनाई होमैं। 3 एक लाख चौवालीस हजार लोग सिंहासन के सामने खडे भै, और बे चारो जीव, और बड़े-बूढ़े; बे एक नया गीत गात रहै, जोके खाली बेई सीख सकत रहै। जो पृथ्वी की पूरी मानव जाति में से सिरफ बेई हैं जिन्हें मोल लौ गौ है। 4 जे बे आदमी हैं जो बईय्यरन के संग गलत सम्बंध न रखकै अपने आपकै

असुदृता से पवित्र रखी हैं; बे कुँवारे हैं। बे मेम्ना को अनुसरँड करथै। जहाँ भी बे जाथैं उन्हें बचे भै इसान की जाति से मोल लौ गौ है और बे परमेस्वर और मेम्ना के सौपे जान बारे पहले लोग हैं। 5 उन्हें झूठ बोलन के ताही कहूँ नाय जानो गौ है; बे निर्दोस हैं। 6 फिर मैं एक स्वर्गदूत के आसमान के बीच ब्यार मैं ऊँची उडान भरत भै देखो, जाँमें पृथ्वी के लोग, हर एक जाति, जनजाति, भासा, देस और रास्ट्र के ताहीं सुसमाचार को अनंत संदेस रहै। (aiōnios g166) 7 और बौ बड़ी ऊँची अबाज मैं कही, “परमेस्वर को आदर करौ और बाकी महानता की महिमा करौ! काहैकि बौ समय आए गौ है कि बौ सब लोगन को न्याय करै। जो स्वर्ग, पृथ्वी, समुंदर और पानी के सोता बनाई है बाकी आराधना करौ!” 8 फिर जाके बाद एक और दूसरो स्वर्गदूत पहले बारे को पीछा करत भै कही, “बौ गिर पडो है, बौ बड़ो बेबीलोन भी गिर पडो है जो सब देस के अपने व्यभिचार की मधहोसी को दाखरस पिबाई।” 9 फिर जाके बाद एक और तीसरो स्वर्गदूत पहले दुई को पीछा करत भै बड़ी ऊँची अबाज मैं कहत भै आओ, “जो कोई बौ जानवर और बाकी मूर्ति कि आराधना करथै और अपने माथे या अपने हाथ में बाकी छाप पाथै। 10 परमेस्वर को दाखमध, बाके जलजलाहट की दाखमध, जोके बौ अपने गुस्सा के प्यालो में पूरी ताकत से उडेल दई है, पीमंगे! जो ऐसो करंगे, बे पवित्र स्वर्गदूत और मेम्ना के सामने आगी की गंधक मैं तडपगे। 11 आगी को धुआँ जो उनके सताथै, बौ हमेसा के ताहीं ऊपर उठ जाथै। जो बौ जानवर और बाकी मूर्ति की आराधना करथै, और जो बाके नाओं की छाप लेथै, उनके दिन-रात चैन न मिलेगो।” (aiōn g166) 12 जौ परमेस्वर के पवित्र लोगन के घाँई से धीरज धरन कि माँग करथै, जो परमेस्वर की आग्यन के मानथै, और ईसु के प्रति भरोसेमंद हैं। 13 तौ मैं स्वर्ग से जौ अबाज सुनो, कि जौ लिख, कि धन्य हैं बे जो अब से प्रभु की सेवा में मरथै। “हाँ बास्तव मैं!” आत्मा जबाब देथै। “बे अपनी कड़ी मेहनत से आराम को मजा लेंगे, काहैकि उनकी सेवा को फल उनके संग जाथै।” 14 फिर मैं देखो, एक सफेद बादर रहै, और बौ बादर मैं इसान के लौडा तराहनी बैठो दिखत रहै, जोकी मुडिया में सोने को मुकुट और हात में पैनी दरांती रहै। 15 तौ एक और स्वर्गदूत मंदिर में से निकरो, और जो बादर में बैठो रहै, बासे बड़ी ऊँची अबाज मैं पुकारकै कही, “अपनी दरांती को इस्तमाल कर और फसल काट, काहैकि समय आए गौ है; पृथ्वी की फसल पक चुकी है!” 16 तौ जो बादर मैं बैठो रहै, बौ पृथ्वी मैं अपनी दरांती चलाई, और पृथ्वी की फसल कट गई। 17 तौ मैं एक और स्वर्गदूत के स्वर्ग के मंदिर से निकरत भइ देखो, और बाके पास एक पैनी दरांती भी रहै। 18 फिर एक और स्वर्गदूत, जोके जौ आगी के ऊपर अधिकार रहै, बेदी मैं से आओ, और जोके पास पैनी दरांती रहै, बाकै तेज अबाज से पुकारी, “अपनी पैनी दरांती को उपयोग कर, और अंगूर की लार के पृथ्वी की दाखरस की बारी से काट ले, काहैकि अंगूर पक गै हैं!” 19 तौ बौ स्वर्गदूत पृथ्वी मैं अपनी दरांती चलाय के, अंगूर की लार मैं से अंगूर के काट दई और उनके परमेस्वर के प्रकोप के दाखरस कुंड मैं डार दई। 20 सहर के बाहर, अंगूर के दाखरस के कुंड मैं निचोडो गौ, और दाखमध के

कुंड से इतने खून निकरो, कि लमसम पाँच फिट गहरो और तीन सौ किलो मीटर ले लम्बो और घोडन की लगाम ले पुहगौ।

15 फिर मैं आसमान मैं एक महान और अदभुत रहस्यमयी चिन्ह देखो, मतलब सात स्वर्गदूत जिनके पास सातों आखरी बिपत्ति रहैं, काहेकि उनके हुई जान मैं परमेस्वर के गुस्सा को अंत है। 2 फिर मैं आगी से मिलो भै सीसा के जैसो एक समुंदर देखो, मैं बे लोगन के भी देखो जो बे जानवर और बाकी मूर्ति मैं जीत हासिल करी रहैं, और जोको नाओ एक नम्बर से दिखाओ गौ रहै। बे सीसा के समुंदर के किनारे परमेस्वर की वीडौ पकड़े भै ठाड़े रहैं, जो परमेस्वर उनके दई रहैं 3 और बे परमेस्वर के सेवक मूसा, मेम्ना को गीत गात भै कहत रहैं: “हे सर्वसत्किमान प्रभु परमेस्वर, तेरे काम महान, और अदभुत है! हे देसन के राजा, तेरो रस्ता किंतो धर्मी और सच्चो है!” 4 “हे प्रभु, कौन तोसे ना डरागो? और तेरे नाओं की महिमा ना करैगो? काहेकि सिर्फ तू ही पवित्र है। और सब जाति आवैके तेरी आराधना करंगे, काहेकि तेरे न्याय के काम सब देखै रहैं।” काहेकि तू ही एक पवित्र है जो सब देस तेरो धन्यवाद करंगे। 5 जाके बाद मैं स्वर्ग मैं मंदिर के खुलो देखो, जाँमैं साक्छी को पवित्र तम्बु रहै। 6 बे सातों स्वर्गदूत जिनके पास सातों बिपत्ति रहैं, बे साफ चमकदार मलमल के लत्ता पहने भै और अपनी छाती मैं सोने की कमरबंद पहने भै मंदिर मैं से निकरे। 7 फिर चार जिंदे जीव मैं से एक, बे सात स्वर्गदूतन के परमेस्वर के गुस्सा से भरे भै, सोना के सात कटोरा दई, जो हमेसा जिंदे हैं। (aiōn g165) 8 मंदिर परमेस्वर की महिमा और बाकी सामर्थ्य के धुआँ से भरगौ रहै, और जबले बे सातों स्वर्गदूत की सातों आफत खतम न भई, तौले कोई मंदिर मैं ना जाए सको।

16 फिर मैं मंदिर मैं से सातों स्वर्गदूतन से ऊँची अबाज मैं जौ कहत सुनो, “जाबौ परमेस्वर के गुस्सा के सातों कटोरा पृथ्वी मैं उडेल दियो!” 2 पहलो स्वर्गदूत जाएके अपनो कटोरा पृथ्वी मैं उडेल दई। और जो इसानन के ऊपर जानवर की छाप रहैं, और जो बाकी मूर्ति की आराधना करत रहैं, उनके ऊपर भयानक और दुखदाई फोडा दिखाई दई। 3 फिर दूसरो स्वर्गदूत अपनो कटोरा समुंदर मैं उडेल दई। और पानी मरे भै लोगन के खून जैसो ही गौ, और समुंदर मैं के हर एक भीतरी जिंदे जीव मर गै। 4 तौ तीसरो स्वर्गदूत अपनो कटोरा नदियन, और पानी के झरनन मैं उडेल दई, और बे खून मैं बदल गै। 5 और मैं पानी के अधिकारी स्वर्गदूत के जौ कहत सुनो, “हे पवित्र, तू जो है और जो रहैं, तै धर्मी है और तै न्याय करो है! 6 काहेकि बे परमेस्वर के पवित्र लोगन और भविष्यवक्तन को खून बहाई हैं, और तुम उनहैं पीन के ताहीं खून दै हो। जोके बे हकदार हैं!” 7 फिर मैं बेदी से एक अबाज सुनो, “हे सर्वसत्किमान प्रभु परमेस्वर! तेरो न्याय सच्चो और न्याई हैं!” 8 तौ चौथो स्वर्गदूत अपनो कटोरा सूरज मैं उडेल दई, और लोगन के तेज घामो से जलन दौ गौ। 9 बे तेज घामो से जल गै रहैं, और बे परमेस्वर के नाओं के साप दई, जोके झोने जे बिपत्ति को अधिकार है। लेकिन बे अपने पापन से न मन फिराई और ना बाकी महिमा करी। 10 फिर पाँचमों स्वर्गदूत अपनो कटोरा जानवर के सिंहासन

मैं उडेल दई। बौ जानवर के राज्य मैं अधियारो छाए गौ, और लोग अपने दर्द के मारे अपनी जीभ काटन लगे, 11 और बे अपने दर्द और घाव की बजह से स्वर्ग के परमेस्वर के साप दई। लेकिन बे अपने बुरे काम से न मन फिराई। 12 फिर छठमों स्वर्गदूत अपनो कटोरा महान फरात नदिया मैं उडेल दई। और बाको पानी सूख गौ, कि अगर दिसा के राजन के ताहीं रस्ता तैयार हुई जाबै। 13 और मैं बौ अजगर के मोहों से, और बौ जानवर के मोहों से और बौ झूठे भविष्यवक्ता के मोहों से तीन असुद्ध आत्मा के मुढकन के रूप मैं निकरत भइ देखो। 14 बे प्रेत आत्मा की आत्मा हैं जो चिन्ह चमत्कार करथैं। जे तीन आत्मा दुनिया के सब राजा के झोने जाथैं, ताकी उनहैं सर्वसत्किमान परमेस्वर के महान दिन की लडाई के ताहीं एक संग लाओ जाए सके। 15 “सुनौ! मैं चुट्टा के तराहनी आए रहो हौ! धन्य है बौ जो जगत रहथे, और अपने लतन की रखबारी करथे, ताकी बौ नंगो नाय चले और सब लोगन के सामने बाकी बेजती ना होबै!” 16 फिर आत्मा बे राजन के बौ जघा मैं एक संग इखट्टो करी जौके इब्रानी मैं हरमगिदोन कहो जाथै। 17 फिर सातमों स्वर्गदूत अपनो कटोरा ब्यार मैं उडेल दई। और मंदिर मैं सिंहासन से एक ऊँची अबाज मैं जौ कहो गौ, “हुई गौ!” 18 फिर बिजली चमकी, गडगडाहट और गडगडाहट की गडगडाहट, एक भयानक हालाचाला रहे, इसान की बनावट के बाद से ऐसो हालाचाला कहाए ना आओ; जौ सबसे भयानक हालाचाला रहै! 19 बौ महान सहर के तीन हिस्सा मैं बँट दौ गौ, और सब देसन के सहर खतम हुईगै। परमेस्वर बडे बेबीलोन के याद करी, और बाँके अपने गुस्सा से भरे भै प्याले मैं से दाखमधु पिबाई। 20 सबे टापू और पहाड अपनी जघा से गायब हुईगै। 21 और आसमान से पचास किलोग्राम बजन के बडे-बडे ओला बे लोगन के ऊपर गिरे, काहेकि जौ आफत बडा भयानक महामारी रहै, लोग ओला की महामारी के बजह से परमेस्वर की बुराई करी।

17 फिर सात स्वर्गदूतन के पास बे सात कटोरा रहैं, उनमैं से एक मेरे झोने आओ और मोसे जौ कही, “इतै आ, मैं तौके दिखंगो कि नामी वैस्या को न्याय कैसे होगो, बौ महान सहर जो कई नदियन के किनारे बनो हैं। 2 पृथ्वी के राजा बाके संग व्यभिचार करी, और पृथ्वी के लोग बाके व्यभिचार की दाखरस पीन से मतवाले हुईगै रहैं।” 3 फिर आत्मा मौके काबू मैं कर लई, और स्वर्गदूत मौके जंगल मैं लैगौ। हूँना मैं एक लाल रंग के जानवर ऊपर एक बईट्यर के बैठो देखो, जोमैं परमेस्वर की बुराई करन बारेन के नाओ लिखे भै रहैं; बौ जानवर की सात मुडिया और दस सींग रहैं। 4 बौ बईट्यर बैंगनी और लाल रंग के लत्ता पहने रहै, और सोने के जेबर, कीमती मडी और मोतियन से सजी भइ रहै, और बाके हाथ मैं व्यभिचार और असुद्ध चीजन से भरो एक सोने को कटोरा रहै। 5 और बाके माथे मैं एक ऐसो नाओ लिखो रहै जोको एक छिपो भौ मतलब है: “महान बेबीलोन, दुनिया की सब वैस्यन और असुद्ध चीजन की अईय्या।” 6 और मैं देखो कि बौ बईट्यर परमेस्वर के पवित्र लोगन के खून और ईसु के निरे गभा को खून पीत नसा मैं धुत देखो, जब मैं बाँके देखो तौ मैं पूरी तरह से दंग रहगौ। 7 बौ स्वर्गदूत

मोसे कही। “काहे दंग हो?” मैं तोकै बौ बईय्यर और बौ जानवर को जोकै सात मुडिया और दस सींग हैं, भेद बतांगो। 8 बौ जानवर कह ज़िंदो रहै, लेकिन अब ज़िंदो ना है; बौ अथाह कुंड से निकरकै बिनास मैं पड़ेगो, और पृथ्वी मैं रहन बारे जिनके नाओं जीवितन कि किताब मैं दुनिया बनान से पहले नाय लिखे गै हैं, बे सब जानवर कै देखकै अचम्भित होमंगे। जौ अब ज़िंदो नाय है, लेकिन जौ फिर से आबैगो। (Abyssos g12) 9 जौ ग्यान और समझ की माँग करथै। बे सातौ मुडिया सात पहाड़ है, जिनमें बौ बईय्यर बैठी है। बे भी सात राजा हैं: 10 उनमें से पाँच गिर गै हैं, एक अभऊ सासन करथै, और दूसरो अभै तक ना आओ है; जब बौ आबै, तौ बाकै कुछ समय ले ही सासन करनो चाहिए। 11 और बौ जानवर जो कभी ज़िंदो रहै, लेकिन अब नाय है, बौ खुदे आठमों राजा है, जो सात मैं से एक है, और बौ बिनास मैं पड़ेगो। 12 “जो दस सींग तैं देखो बे दस राजा हैं, जो अबले राज्य करनो सुरू नाय करी हैं, लेकिन उनके बौ जानवर के संग एक घंटा के ताहीं राज्य करन को अधिकार दौ जागो। 13 जे दसौ को एकै लक्छ है, और बे अपनी सामर्थ्य और अधिकार जानवर कै देखै। 14 बे मेम्मा के बिरोध मैं लड़ंगे; मेम्मा अपने बुलाए भे, चुने भे, और भरोसेमंद लोगन के संग मिलकै उनके पराजित करैगो, काहैकि बौ प्रभुअन को प्रभु, और राजाओं को राजा है।” 15 स्वर्गदूत मोसे जौ भी कही, “जो पानी तैं देखो, जौमें वैस्या बैठी है, बौ देस, लोग, जाति और भासा हैं। 16 जो दस सींग और जानवर कै तैं देखो है, बे वैस्या से बैर रखंगे; बे बाको सब कछु छीन लेंगे और बाकै नंगो छोड़ देंगे; बे बाको मास खांगे, और बाकै आगी मैं जलाए कै खतम कर देंगे। 17 काहैकि परमेस्वर उनके मन मैं जौ डारैगो कि बे बाकी मनसा पूरी करै; और जबले परमेस्वर के बचन पूरे ना हुई लेंमें, तब तक एक मन हुईकै अपनो-अपनो राज्य जानवर कै दे दिथै।” 18 “जो बईय्यर कै तुम देखे बौ बड़ो नगर है जो पृथ्वी के राजन ऊपर राज्य करथै।”

18 जाके बाद मैं एक और स्वर्गदूत कै स्वर्ग से उतरत भइ देखो। जोकै बड़ो अधिकार मिलो रहै, और बाके तेज से पूरी पृथ्वी चमक उठी। 2 बौ बड़ा जोड़ से चिल्लाई: “बौ गिर गौ है! महान बेबीलोन गिर गौ है! अब बौ भूत और हर एक प्रेत आत्मा को अट्टा, और सब तराहीनी के असुद्ध पकिछन और जानवरन को अट्टा हुई गौ है। 3 काहैकि देस की सब जाति बाको दाखमधु पी लई हैं, जो बाके व्यभिचार अभिलासा की सामर्थी दाखमधु है। पृथ्वी के तमान राजा बाके संग व्यभिचार करी, और दुनिया के ब्यापारी बाके बेसअ अभिलासा से सेठ हुईगो।” 4 फिर मैं स्वर्ग से एक और अबाज सुनो, जो कहेत रहै, “बाहर आबौ, मेरे लोगो! बापे से बाहर आबौ! तुमकै बाके पापन मैं भागीदार ना होनो चाहिए; तुमकै बाकी सजा मैं हिस्सा ना लेनो चाहिए! 5 बाके पाप स्वर्ग के हानी ऊँचे ढेर हुईगै हैं, और परमेस्वर बाके बुरे कामन कै याद करथै। 6 बाके संग बैसोई व्यवहार करौ जैसो बौ तुमरे संग करी; बौ जो कछु भी करी होवै बदले मैं बाकै दुई गुना देबौ। जो कटोरा मैं बौ भर दई रहै बहे मैं बाके ताहीं दुई गुना भर दियौ। 7 जितनी बौ अपनी बड़ाई करी और सुख-विलास करी उतनिये बाकै दर्द, और दुख देबौ। काहैकि बौ अपने मन मैं कहथे:

‘हियाँ बैठी मैं एक रानी हौ! मैं बिधवा नहीं हूँ, और दुख मैं कभी नाय पड़ंगो!’ 8 जौ बजह से एक दिन मैं बाके ऊपर आफत आए पड़ेगी, मतलब बिमारी, दुख और अकाल। और बौ आगी मैं भसम कर दई जागी, काहैकि प्रभु परमेस्वर जो बाको न्याय करथै, महान है।” 9 और पृथ्वी के राजा जो बाके संग व्यभिचार, और सुख-विलास मैं सहभागी रहैं, जब बाके जलन को धुआँ देखंगे, तौ बाके ताहीं रोमंगे, और छाती पीटंगे। 10 बे बड़ा दूर ठाड़े हैं, काहैकि बे बाके दुख मैं हिस्सा लेन से डराथै। बे कहथै, “कितनो भयानक है! कितनो भयानक है! जौ महान और ताकतवर सहर बेबीलोन! एक घंटा मैं तोकै न्याय मिलगौ है!” 11 पृथ्वी के ब्यापारी बाके ताहीं रोमंगे और विलाप करंगे, काहैकि अब कोई उनको माल मोल ना लेगो; 12 कोई भी उनको सोनो, चाँदी, कीमती पथरा, और मोती नाय खरिदथै; उनके मलमल, बैजनी लता, रेस्मी और लाल रंग के लता; सब तरहन की निराली कठिया और हथिया के दाँत और महंगी कठिया, काँसो, लोहो और संगमरमर से बनी सबै तरहन की चीजें; 13 और दालचीनी, मसाला, धूप, गन्धरस, लोबान, दाखमधु, तेल, चून, और गेहूँ, जानवर और भेड़, घोड़ा, रथ, दास, और हियाँ तक कि भीतरी इसानी ज़िंदगी भी। 14 ब्यापारी बासे कही, “ज़िते अच्छे मन भान बारे फल तुम चाहथौ, बे गायब ही गई हैं, और तुमरी सम्पत्ति और चमक चली गई है, और तुम उनके फिर कहु ना पागे!” 15 जो ब्यापारी बौ सहर मैं ब्यापार करकै सेठ हुईगै रहैं, बे बड़ा दूर ठाड़ंगे, काहैकि बे बाके दुख मैं हिस्सा लेन से डराथै। बे रोंगे और विलाप करंगे, 16 और कहमंगे, “कितो भयानक है! महान सहर के ताहीं कितो भयानक! जो मलमल, बैजनी, लाल रंग के लता पहनत रहै, और खुदकै सोने के जेवर, कीमती पथरा और मोतियन से तोप लेत रहै! 17 और एक घंटा मैं बौ जे पूरी सम्पत्ति खोए दई! सब जहाजन के कप्तान और यात्री, नाविक और दूसरे सब जो समुंदर मैं अपनी ज़िंदगी जीत रहै, बड़ा दूर ठाड़े रहै!” 18 और जब बे आगी की लपटन से धुआँ देखी, जो बाकै भसम करत रहै, तौ बे चिल्लाए उठे: “जौ महान सहर के हानी कोई दूसरो सहर कहु नाय भौ!” 19 बे अपनी मुडियन मैं धूँदर डारी, और रोत भइ और विलाप करत भइ कही, “कितो भयानक है! महान सहर के ताहीं कितो भयानक! जौ बड़ो सहर जोकी सम्पत्ति के जरिये समुंदर के सब जहाज बारे सेठ हुईगै रहै, एक घंटा मैं बौ सब कछु खोए दई!” 20 हे स्वर्ग, बाके बिनास के बजह से खुस हो! हे परमेस्वर के पवित्र लोगो और प्रेरितो और भविष्यवक्ता भी खुस रहबौ! काहैकि जो कछु बौ तुमरे संग करी बाके ताहीं परमेस्वर बाको न्याय करी है! 21 फिर एक सत्तिसाली स्वर्गदूत चक्की के पाट के आकार को एक पथरा उठाएकै समुंदर मैं फेंक दई, और कही, “बड़े सहर बेबीलोन कै ऐसिये गिराओ जागो और बौ फिर कहु दिखाई ना देगो। 22 वीडाँ बजान बारे, गायक, बसली बजान बारे, और तुरहई फूँकन बारेन को गीत, फिर तेरे मैं कहु न सुनाई देगो! कोई भी ब्यापार मैं कोई भी काम करन बारो तेरे मैं कहु ना मिलेगो; और चक्की के हिस्सा की अबाज फिर सुनाई न देगी! 23 फिर कभी तुम मैं दिया की जोती न दिखाई देगी; फिर तेरे मैं दुल्हा और दुल्हेन की अबाज ना सुनाई देगी। तेरे सौदागर पूरे दुनिया मैं सबसे सत्तिसाली रहैं, और तैं अपने झूठे जादू से देस के

सब लोगन के धोका दौ!" 24 बेबीलोन के सजा दौ गौ काहैकि बौ सहर में भविष्यवक्ता और परमेस्वर के पवित्र लोगन को खून पाओ गौ रहै; हों, बे सबन को खून जो पृथ्वी में मर गै हैं।

19 जाके बाद मैं स्वर्ग में लोगन की एक बड़ा बड़ी भीड़ को गरजन की अबाज के तराहनी सुनो, जो कहत रहै, "परमेस्वर की स्तुति करौ! उद्धार, महिमा, और सामर्थ्य हमरे परमेस्वर के है! 2 सच्चाई और न्याय के काम बाके खुद के है! बौ बे वेस्या की बुराई करी जो व्यभिचार से धरती के भ्रष्ट करत रहै, परमेस्वर बाकै सजा दई है काहैकि बौ बाके सेवकन को खून करी रहै।" 3 बे फिर चिल्लाई, "परमेस्वर की स्तुति करौ! आगी की लपट को धुआँ जो बौ बड़े से बड़े सहर के सुहा कर देखै जो बौ हमेसा और हमेसा ऊपर उठत रहथै!" (aiōn g165) 4 चीबसी बड़े-बड़े और चारौ जीव गिरकै परमेस्वर की आराधना करन लगे। जो सिंहासन में बैठो रहै, बे कही, "आमीन! परमेस्वर की स्तुति होबै!" 5 फिर सिंहासन में से जौ अबाज निकरी, "हमरे परमेस्वर की स्तुति करौ, बाके सब डरान बारे सेवकौ और सब लोग, का छोटे, का बड़े, जो बाको आदर करथै!" 6 फिर मैं सुनो एक बड़ी भीड़ की अबाज जैसी, एक गरजन बारे झरना की अबाज के तराहनी, और गडगडाहट की तेज अबाज के तराहनी। मैं उन्हें जौ कहत सुनो, "परमेस्वर की स्तुति करौ! काहैकि हमरो प्रभु, सर्वसत्किमान परमेस्वर राजा है! 7 आबौ हम आनन्दित और मगन होमै; आबौ हम बाकी महानता की महिमा करै! काहैकि मेम्ना के बिहा को समय आए पहाँचो है, और बाकी दुल्हेन बाके ताहीं अपने आपकै तैयार कर लई है। 8 बहे उनके पहनन के ताहीं साफ चमकीलो मलमल पहनन दौ गौ है" मलमल परमेस्वर के पवित्र लोगन के न्याय के काम है। 9 फिर स्वर्गदूत मोसे कही, जौ लिख: खुसनसीब हैं बे, जिन्हें मेम्ना के बिहा के खाने में न्युतो दौ गौ है। और स्वर्गदूत जासे अगु भी कही, "जे परमेस्वर के सच्चे बचन हैं।" 10 मैं बाकी आराधना करन के ताहीं बाके पाँव झोने गिर पडो, लेकिन बौ मोसे कही, "ऐसो मत कर! मैं तुमरे संग और दुसरे विस्वासी भईय्यन को संगी दास हों, काहैकि ईसू की गभाई भविष्यवाँडी की आत्मा है। परमेस्वर की आराधना करौ!" 11 फिर मैं स्वर्ग कै खुलो देखो, और एक सफेद घोड़ा रहै। जाके सवार कै बिस्वास योग्य और सच्चो कहो जाथै; जौ न्याय के संग है कि बौ न्याय करथै और अपनी लड़ाई लड़थै। 12 बाकी आँखी आगी की लपट के तराहनी रहै, और बाकी मुडिया में भौत से राजमुकुट रहै। और बायें एक नाओं लिखो रहै, लेकिन बाकै छोड़ और कोई नाय जानत रहै बौ का है। 13 बौ खून में डूबो भौ लन्ता पहने रहै, बाको नाओं "परमेस्वर को बचन" है। 14 स्वर्ग की सेना सफेद घोड़न में सवार और सुद्ध सफेद मलमल के लन्ता पहने बाके पच्छ हूई लई। 15 बाके मोहों से एक चोखी तलवार निकरी, जोसे बौ सब देसन कै हराबेगो। बौ लोहे की छड़ी से उनके ऊपर राज्य करैगो, और बौ सर्वसत्किमान परमेस्वर के प्रकोप के कुंड में दाखरस रईगो। 16 बाके लन्ता और जाँघ में जौ नाओं लिखो रहै: "राजाओं को राजा और प्रभुअन को प्रभु।" 17 फिर मैं एक स्वर्गदूत कै सूरज के ऊपर ठाडो भौ देखो। बौ बड़े ऊँची अबाज में आसमान के बीच

में से सब उड़न बारे पक्छी से कही: "आबौ और परमेस्वर की महान दावत के ताहीं इखटे हूई जाबौ! 18 आबौ और राजाओं, सेनापतियों और सरदारन को मास, घोड़न को और उनमें सवारन को मास, सब लोगन को मास और का स्वतंत्र का दास, का छोटे का बड़े, सब लोगन को मास खाबौ!" 19 फिर मैं बौ जानवर और पृथ्वी के राजन और उनकी सेना कै बे घोड़ा के सवार और बाकी सेना से लड़न के ताहीं इखटे देखो। 20 बौ झूठो भविष्यवक्ता जो बाकी मौजूदगी में चिन्ह चमत्कार के काम करी रहै, जानवर के बंधी बनाये लौ गौ रहै, जौ बे चमत्कार से रहै कि बौ बे लोगन के धोका दई रहै जिनके पास जानवर को छाप रहै और जो कोई जानवर की मूर्ति की आराधना करी रहै। जानवर और झूठे भविष्यवक्ता दोनों के जिंदोई गंधक से जलत भै आगी में फेंक दौ गौ। (Limnē Pyr g3041 g4442) 21 उनके गुट बौ तलवार से मोरे गै जो घुड़सवार के मोहों से निकरथै; और सब पक्छी उनके मास खाएकै सन्तुष्ट हूईगै।

20 फिर मैं एक स्वर्गदूत कै स्वर्ग से उतरत देखो, जोके हाथ में अधोलोक की चाबी, और एक बड़ी जंजीर रहै। (Abyssos g12) 2 बौ अजगर, मतलब पुराने सोंप कै, जो प्रेत आत्मा या सैतान है; और बाकै पकड़कै एक हजार साल तक जंजीरन में भँदें रखाई। 3 स्वर्गदूत बाकै अधोलोक में फेंक दई, और बायें तारो लगाए दई, फिर बायें मुहर लगाए दई, कि बौ हजार साल के बीतन तक देस के सब गैर यहूदियै के फिर से भरमाए न सकै। जाके बाद बाकै जरा देर के ताहीं ढीलो छोड़ देनो चाहिए। (Abyssos g12) 4 फिर मैं सिंहासन देखो, और जो बायें बैठे रहै, उन्हें न्याय करन को हक दौ गौ। मैं बे लोगन की आत्मन के भी देखो जोकी ईसू की गभाई और परमेस्वर के बचन देन की बजह से मार डारो गौ रहै। बे बौ जानवर या बाकी मूर्ति की आराधना मन से नाय करी रहै, और न बे अपने माथे या अपने हात में बाकी छाप लई रहै। बे जिंदे भै और एक हजार साल ले मसीह के संग राजा के रूप में राज्य करी। 5 जबले जे हजार साल पूरे ना भै तब तक बचे मोरे भै जिंदे न होंगे। जौ तौ पहलो पुनस्थान है। 6 धन्य और पवित्र बौ है, जो जौ पहले जी उठन को भागी है, ऐसई मैं दुसरी मौत को कुछ भी अधिकार ना, पर बे परमेस्वर और मसीह के पुजारी होंगे, और बाके संग एक हजार साल तक राज्य करंगे। 7 हजार साल पूरे होन के बाद, सैतान के बाके कैदखाना से छोड़ दौ जागो, 8 और अब बौ सारी दुनिया के देस में बिखरी भइ जाति कै भरमान के ताहीं निकरैगो जो गोग और मागोग है। सैतान बे सबन कै लड़ाई के ताहीं इखटो करैगो, जिते समुंदर तट में रेटा के कड़ हैं। 9 बे पूरी पृथ्वी में फैल गै और परमेस्वर के पवित्र लोगन को डेरा और बौ सहर कै जोसे बौ प्रेम करथै घेर लई। और आगी स्वर्ग से उतरी और उन्हें नास कर दई। 10 फिर सैतान कै, जो उन्हें धोका दई रहै, आगी और गंधक की बौ झील में डार दौ गौ, जहाँ बौ जानवर और झूठे भविष्यवक्ता पहलिये से फेंको जाए चुको रहै; और बे रात-दिन हमेसा तड़पत रहेंगे। (aiōn g165, Limnē Pyr g3041 g4442) 11 फिर मैं एक बड़ो सफेद सिंहासन और बायें बैठन बारे कै देखो, पृथ्वी और स्वर्ग बाकी गैरहाजरी से भाज गै हैं और अब नाय देखे गै। 12 और मैं छोटे-बड़े


सब मरे भैन के सिंहासन के सामने ठाड़े भै देखो। और किताब खोली गई; और फिर एक और किताब खोली गई, मतलब जिंदगी की किताब। मरे भैन को न्याय बाके जरिया करे गै काम के अनुसार करो गौ, जैसो कि किताब मैं लिखो है। 13 फिर समुंदर मरे भैन के छोड़ दई, मौत और नरक भी अपने झोने रखे मरे भैन के छोड़ दई। और जो कुछ बे करीं रहैं बाके हिसाब से सबको न्याय करो गौ। (Hadēs g86) 14 फिर मौत और नरक के आगी की झील में डार दौ गौ, जो आगी की झील तौ दुसरी मौत है। (Hadēs g86, Limnē Pyr g3041 g4442) 15 जिन लोगन को नाओ जिंदगी की किताब मैं नाय लिखो भौ मिलो, उन्हें आगी की झील में डारो गौ। (Limnē Pyr g3041 g4442)

21 फिर मैं एक नया स्वर्ग और एक नई पृथ्वी देखो, काहेकि पहलो स्वर्ग और पहली पृथ्वी गायब हुई गई, और समुंदर भी गायब हुई गौ। 2 फिर मैं पवित्र सहर, नया यरुसलेम के परमेस्वर के झोने से स्वर्ग से उतरत देखो, जो एक दुल्हेन के हानी रहै, जो अपने दुल्हा से मिलन के ताहीं तैयार और तैयार रहै। 3 मैं सिंहासन से ऊँची अबाज से बोलत भइ सुनो: “परमेस्वर के घर मैं रहन बारी जया अब लोगन के बीच है! बौ उनके संग रहगो, और बे बाके लोग होंगे, और परमेस्वर खुद उनके संग रहगो; और बौ उनको परमेस्वर होगो। 4 बौ उनकी आँखी से सब अँसू पोंछ डारैगो। फिर न मौत रहेगी, और ना सोक, ना विलाप, ना पीड़ा रहेगी पुरानी बात बीत गई है।” 5 फिर जो सिंहासन मैं बैठो रहै, बौ कही, “अब मैं सब कछु नया कर देथौँ!” फिर बौ मोसे जहो कही, “जाके लिख, काहेकि जे बचन सच्चे हैं और इनमें बिस्वास करो जाए सकथै।” 6 फिर बौ मोसे कही, “हुई गौ! मैं पहलो और आखरी, आदि और अंत हौँ। जो कोई प्यासो होगो बाकै मैं जिंदगी के पानी के सोता मैं से सेंट-मेंत पीन को अधिकार दूँगो। 7 जो बिजय होमंगे, बे मोसे जौ पामंगे; मैं उनको परमेस्वर होमंगो, बे मेरी नस्तान होमंगे। 8 लेकिन डरपोक, अविस्वासी, लुटेरा, हत्यारे, जादू टोना करन बारे, मूर्ति की पूजा करन बारे, और सब झूटेन के ताहीं जया आगी और गंधक से जलत भइ झील है, जौ दूसरी मौत है।” (Limnē Pyr g3041 g4442) 9 बे सात स्वर्गदूत मैं से जिनके झोने सात आखरी बिपत्ति से भरे भै सात कटोरा रहैं, उनमें से एक मेरे झोने आओ और कही, “आबौ, मैं तुमकै दुल्हेन मतलब मेम्ना की बईय्यर दिखांगो।” 10 आत्मा मौकै काबू मैं कर लई, स्वर्गदूत मौकै एक भौत बड़े पहाड़ की चुटिया मैं लैगौ। बौ मौकै पवित्र सहर यरुसलेम के स्वर्ग से परमेस्वर के झोने से उतरत भै दिखाई 11 और परमेस्वर की महिमा के संग चमक रै है। सहर एक कीमती पथरा के तराहनी चमकत रहै, एक सूरजमंडी के हानी और यसब के हानी साफ रहै। 12 बाकी एक बड़ा ऊँची दीवार रहै, बाके बारह मोहोंट और मोहोंट मैं बारह स्वर्गदूत रहैं; और बे मोहोंट मैं इस्राएलियन के बारह गोत्रन के नाओ लिखे रहैं। 13 हर एक तरफ तीन मोहोंट रहैं, तीन अगार के घाँई, तीन पछार के घाँई, तीन सरि के घाँई, तीन तरिहॉए के घाँई रहैं। 14 सहर की दीवार बारह बुनियाद के पथरा पर बनी रहै, उनके ऊपर मेम्ना के बारह प्रेरितन के नाओ लिखे रहैं। 15 जो स्वर्गदूत मोसे बात करी, बाके

झोने सहर, मोहोंट और सहर की दीवार नापन के ताहीं सोने की छड़ी रहै। 16 सहर पूरी तरहन से चौकोर रहै, जितो लम्बो रहै उतनोई चौहड़ो रहै। स्वर्गदूत अपनी नापन बारी छड़ी से सहर के नापी: बौ चौबीस सौ किलो मीटर लम्बो रहै, जितो चौहड़ो रहै उतनोई ऊँचो भी रहै। 17 स्वर्गदूत दीवार के नापी, और बौ दूई सौ सोलह फीट ऊँची रहै, जो बौ नाप की मानक ईकाई के जरिया रहै, जोको बौ इस्तमाल करत रहै। 18 दीवार यसब से बनी रहै, और सहर अपने आप मैं सीसा के तराहनी सुद्ध सोने को बनो रहै। 19 बौ सहर की दीवार की बुनियाद हर तरहन के कीमती पथरन से सजाओ गौ रहै, पहलो सिलान्यास रहै, दुसरो नीलम, तीसरो स्फटिक, चौथो पन्ना, 20 पाँचमों गोमेदक, छठमों लाल माडिक्य, सातमों पीतमडि, आठमी परो माडिक्य, नौमो पुखराज, दसमों लहसनिए, ग्यारहमो धूप्रकान्त, बारहमो नीलम। 21 और बारह मोहोंट, बारह मोतियन के रहैं; हर एक मोहोंट एक मोती से बनाओ गौ रहै। और सहर की गली सुद्ध सोने की रहै, और सीसा के तराहनी पारदर्सी रहै। 22 मैं सहर मैं कोई मंदिर ना देखो, काहेकि बाको मंदिर सर्वसत्किमान प्रभु परमेस्वर और मेम्ना है। 23 बौ सहर मैं न तौ सूरज की जरूरत है और न जोनी की, कि बापे चमकै, काहेकि परमेस्वर की महिमा को तेज बापे चमकथै, और मेम्ना बाको दिया है। 24 दुनिया के लोग बाकी महिमा की जोती मैं चलंगे, और पृथ्वी के राजा अपनो तेज धन बाके झोने लामंगे। 25 सहर के मोहोंट दिन भर खुले रहेंगे; बे कहाए बंद न होंगे, काहेकि हूँआँ रात ना होगी। 26 देस की महानता और धन देस मैं लाओ जागो। 27 लेकिन कोई असुद्ध चीज सहर मैं न घुस पाबैगी, और न लज्जित करन बारो और न झूठ बोलन बारो। सिरफ बे ईसान जिनके नाओ मेम्ना के जिंदगी की किताब मैं लिखे हैं, बे ही सहर मैं प्रवेस करंगे।

22 जाके बाद स्वर्गदूत मौकै जिंदगी के पानी की नदिया दिखाई, जो बिल्लौर के तराहनी जगमगाथै, जो परमेस्वर और मेम्ना के सिंहासन से निकरै 2 बौ सहर के सड़क के बीचो बीच बहत रहै। नदिया के दोनों पाँजर जिंदगी को पेंड रहै, बापे बारह तरहन को फल लगत रहै, और बौ हर महेना फरत रहै; और बौ पेंड के पत्तन से जाति-जाति के लोग चंगे होत रहैं। 3 जो कुछ परमेस्वर के अभिस्राप के अधीन हैं, बौ सहर मैं न मिलैगो। परमेस्वर और मेम्ना को सिंहासन सहर मैं होगो, और बाके सेवक बाकी आराधना करंगे। 4 बे बाको मोहों देखंगे, और बाको नाओ उनके माथे मैं लिखो भौ होगो। 5 और फिर रात ना होगी, और उन्हें दिया या धूप की जरूरत ना होगी, काहेकि प्रभु परमेस्वर उनको उजितो होगो, और बे हमेसा और हमेसा के ताहीं राज्य करंगे। (aiōn g165) 6 फिर स्वर्गदूत मोसे कही, “जे बचन सच्चे हैं और इनमें बिस्वास करो जा सकथै। और प्रभु परमेस्वर, जो भविष्यवक्तन की आत्मन को परमेस्वर है, अपने स्वर्गदूत के इसलै भेजी कि अपने सब सेवकन के बे बातें, जिनको जल्दिये पूरो होनो जरूरी है दिखाबै।” 7 “सुनो! ईसु कहथै। मैं जल्दिये आए रहो हौँ! धन्य हैं बे जो जौ किताब की भविष्यवाँडी की बात मानथै!” 8 मैं बहे यूहन्ना हौँ, जो जे सब बात सुनत और देखत रहौँ। और जब मैं सुनो और देखो, तौ जो स्वर्गदूत मौकै जे

बातें दिखात रहे, मैं बाके पाँव मैं आराधना करने के ताही गिर पड़ो,
 और मैं बाकी उपासना करने बारो रहौ। 9 लेकिन बौ मोसे कही,
 “ऐसो मत कर! काहैकि मैं तेरो और तेरे भईयन भविस्यवक्तन और
 जौ किताब की बातन के मानन बारेन को संगी दास हौ, परमेस्वर
 की ही आराधना कर!” 10 और बौ मोसे कही, “जौ किताब की
 भविस्यवाँडी की बात मैं मुहर मत लगईये, काहैकि बौ समय झोने है
 जब ऐसो सब होगो। 11 जो अन्यायी है बौ अन्याय करत रहबै, और
 जो मलच्छ है, बौ मलच्छ बनो रहबै; जो धार्मिक है बौ धर्मी बनो
 रहबै, और जो पवित्र है, बौ पवित्र बनो रहबै।” 12 “सुन!” ईसु
 कहथै। “मैं जल्दिये आए रहो हौ! मैं अपनो प्रतिफल अपने संग
 लांगो, कि हर एक के बाके काम के हिसाब से देमौ। 13 मैं ही
 पहलो और आखरी, आदि और अंत हौ।” 14 धन्य हैं वे जो अपने
 चोंगा के धोए लेथै, काहैकि उन्हें जिंदगी के पेड़ को फल खान
 को, और वे मोहोंट से हुईकै सहर मैं जान को अधिकार है। 15
 लेकिन सहर के बाहर लुटेरे और टोना, व्यभिचारी, हत्यारे, मूर्ति की
 पूजा करने बारे, और बचन और करम दोनों के चाहन बारे लोग हैं।
 16 “मोके ईसु, अपने स्वर्गदूत के जौ ताही भेजी, कि तुमरे अगु
 कर्लीसियन के बारे मैं जे बातन की गभाई दियौ। मैं दाऊद के कुल
 को मूल बंस हौ; और भोर को चमकीलो तारा हौ।” 17 आत्मा और
 दुल्हेन दोनों कहथै, “आ!” और जो कोई जौ सुनथै, बौ भी जौ
 कहबै, “आ!” और जो प्यासो होबै, बौ आबै और जो कोई चाहे
 बौ जिंदगी को पानी सेंट-मेंट लेबै। 18 मैं, यहन्ना, जौ किताब की
 भविस्यवाँडी की बातन के गंभीरता से सब सुनन बारेन के चितौनी
 और गभाई देथौ: अगर कोई जामैं कुछ जोडथै, तौ परमेस्वर बे
 बिपत्ति के जो जे किताब मैं लिखी है बाके सजा मैं जोड देगो। 19
 और अगर कोई जौ किताब की भविस्यवाँडी के बचन मैं से कछु
 निकारथै, तौ परमेस्वर जिंदगी के पेड़ और पवित्र सहर के फल मैं से
 भाग, जो जौ किताब मैं लिखो है, बाको भाग निकार देगो। 20 जो जे
 बातन की गभाई देथै, बौ जौ कहथै, “हाँ, मैं जल्दिये आनबारो
 हौ।” आमीन। हे प्रभु ईसु आ! 21 प्रभु ईसु को अनुग्रह पवित्र लोगन
 के संग बनो रहबै।



फिर मैं पवित्र सहर, नया यरूशलेम के परमेश्वर के झोने से स्वर्ग से उतरत देखो, जो एक दुल्हेन के हानी रहै,
जो अपने दुल्हा से मिलन के ताहीं तैयार और तैयार रहै। मैं सिंहासन से ऊँची अबाज से बोलत भइ सुनो:
“परमेश्वर के घर मैं रहन बारी जघा अब लोगन के बीच है! बौ उनके संग रहगो, और बे बाके लोग होंगे,
और परमेश्वर खुद उनके संग रहगो; और बौ उनको परमेश्वर होंगो।”

Revelation 21:2-3

Reader's Guide

राना थारू at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

Glossary

रना थारू at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aidios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Tharu-Rana---Rana-Tharu-Bible/Noted

Aionian Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words but may wrongly imply *eternal* or *Hell*. Note placement is skipped or adjusted for verses with non-standard numbering.

Abyssos

लूका 8:31
रोमियों 10:7
प्रकासितवाक्य 9:1
प्रकासितवाक्य 9:2
प्रकासितवाक्य 9:11
प्रकासितवाक्य 11:7
प्रकासितवाक्य 17:8
प्रकासितवाक्य 20:1
प्रकासितवाक्य 20:3

aidios

रोमियों 1:20
यहूदा 1:6

aiōn

मती 12:32
मती 13:22
मती 13:39
मती 13:40
मती 13:49
मती 21:19
मती 24:3
मती 28:20
मरकुस 3:29
मरकुस 4:19
मरकुस 10:30
मरकुस 11:14
लूका 1:33
लूका 1:55
लूका 1:70
लूका 16:8
लूका 18:30
लूका 20:34
लूका 20:35
यूहन्ना 4:14
यूहन्ना 6:51
यूहन्ना 6:58
यूहन्ना 8:35
यूहन्ना 8:51
यूहन्ना 8:52
यूहन्ना 9:32
यूहन्ना 10:28
यूहन्ना 11:26
यूहन्ना 12:34
यूहन्ना 13:8
यूहन्ना 14:16

प्रेरितो 3:21
प्रेरितो 15:18
रोमियों 1:25
रोमियों 9:5
रोमियों 11:36
रोमियों 12:2
रोमियों 16:27
1 कुरिन्थियों 1:20
1 कुरिन्थियों 2:6
1 कुरिन्थियों 2:7
1 कुरिन्थियों 2:8
1 कुरिन्थियों 3:18
1 कुरिन्थियों 8:13
1 कुरिन्थियों 10:11
2 कुरिन्थियों 4:4
2 कुरिन्थियों 9:9
2 कुरिन्थियों 11:31
गलातियों 1:4
गलातियों 1:5
इफिसियों 1:21
इफिसियों 2:2
इफिसियों 2:7
इफिसियों 3:9
इफिसियों 3:11
इफिसियों 3:21
इफिसियों 6:12
फिलिप्पियों 4:20
कुलुस्सियों 1:26
1 तीमुथियुस 1:17
1 तीमुथियुस 6:17
2 तीमुथियुस 4:10
2 तीमुथियुस 4:18
तीतुस 2:12
इब्रानियों 1:2
इब्रानियों 1:8
इब्रानियों 5:6
इब्रानियों 6:5
इब्रानियों 6:20
इब्रानियों 7:17
इब्रानियों 7:21
इब्रानियों 7:24
इब्रानियों 7:28
इब्रानियों 9:26
इब्रानियों 11:3
इब्रानियों 13:8
इब्रानियों 13:21
1 पतरस 1:23

1 पतरस 1:25
1 पतरस 4:11
1 पतरस 5:11
2 पतरस 3:18
1 यूहन्ना 2:17
2 यूहन्ना 1:2
यहूदा 1:13
यहूदा 1:25
प्रकासितवाक्य 1:6
प्रकासितवाक्य 1:18
प्रकासितवाक्य 4:9
प्रकासितवाक्य 4:10
प्रकासितवाक्य 5:13
प्रकासितवाक्य 7:12
प्रकासितवाक्य 10:6
प्रकासितवाक्य 11:15
प्रकासितवाक्य 14:11
प्रकासितवाक्य 15:7
प्रकासितवाक्य 19:3
प्रकासितवाक्य 20:10
प्रकासितवाक्य 22:5

aiōnios

मती 18:8
मती 19:16
मती 19:29
मती 25:41
मती 25:46
मरकुस 3:29
मरकुस 10:17
मरकुस 10:30
लूका 10:25
लूका 16:9
लूका 18:18
लूका 18:30
यूहन्ना 3:15
यूहन्ना 3:16
यूहन्ना 3:36
यूहन्ना 4:14
यूहन्ना 4:36
यूहन्ना 5:24
यूहन्ना 5:39
यूहन्ना 6:27
यूहन्ना 6:40
यूहन्ना 6:47
यूहन्ना 6:54
यूहन्ना 6:68

यहून्ना 10:28
 यहून्ना 12:25
 यहून्ना 12:50
 यहून्ना 17:2
 यहून्ना 17:3
 प्रेरितो 13:46
 प्रेरितो 13:48
 रोमियों 2:7
 रोमियों 5:21
 रोमियों 6:22
 रोमियों 6:23
 रोमियों 16:25
 रोमियों 16:26
 2 कुरिन्थियों 4:17
 2 कुरिन्थियों 4:18
 2 कुरिन्थियों 5:1
 गलातियों 6:8
 2 थिस्सलुनीकियों 1:9
 2 थिस्सलुनीकियों 2:16
 1 तीमुथियुस 1:16
 1 तीमुथियुस 6:12
 1 तीमुथियुस 6:16
 2 तीमुथियुस 1:9
 2 तीमुथियुस 2:10
 तीतुस 1:2
 तीतुस 3:7
 फिलेमोन 1:15
 इब्रानियों 5:9
 इब्रानियों 6:2
 इब्रानियों 9:12
 इब्रानियों 9:14
 इब्रानियों 9:15
 इब्रानियों 13:20
 1 पतरस 5:10
 2 पतरस 1:11
 1 यहून्ना 1:2
 1 यहून्ना 2:25
 1 यहून्ना 3:15
 1 यहून्ना 5:11
 1 यहून्ना 5:13
 1 यहून्ना 5:20
 यहूदा 1:7
 यहूदा 1:21
 प्रकासितवाक्य 14:6

eleēsē

रोमियों 11:32

Geenna

मत्ती 5:22
 मत्ती 5:29
 मत्ती 5:30
 मत्ती 10:28
 मत्ती 18:9
 मत्ती 23:15
 मत्ती 23:33
 मरकुस 9:43

मरकुस 9:45
 मरकुस 9:47
 लुका 12:5
 याकूब 3:6

Hadēs

मत्ती 11:23
 मत्ती 16:18
 लुका 10:15
 लुका 16:23
 प्रेरितो 2:27
 प्रेरितो 2:31
 1 कुरिन्थियों 15:55
 प्रकासितवाक्य 1:18
 प्रकासितवाक्य 6:8
 प्रकासितवाक्य 20:13
 प्रकासितवाक्य 20:14

Limnē Pyr

प्रकासितवाक्य 19:20
 प्रकासितवाक्य 20:10
 प्रकासितवाक्य 20:14
 प्रकासितवाक्य 20:15
 प्रकासितवाक्य 21:8

Sheol

Genesis 37:35
 Genesis 42:38
 Genesis 44:29
 Genesis 44:31
 Numbers 16:30
 Numbers 16:33
 Deuteronomy 32:22
 1 Samuel 2:6
 2 Samuel 22:6
 1 Kings 2:6
 1 Kings 2:9
 Job 7:9
 Job 11:8
 Job 14:13
 Job 17:13
 Job 17:16
 Job 21:13
 Job 24:19
 Job 26:6

Psalms 6:5
 Psalms 9:17
 Psalms 16:10
 Psalms 18:5
 Psalms 30:3
 Psalms 31:17
 Psalms 49:14
 Psalms 49:15
 Psalms 55:15
 Psalms 86:13
 Psalms 88:3
 Psalms 89:48


Psalms 116:3
 Psalms 139:8
 Psalms 141:7
 Proverbs 1:12
 Proverbs 5:5
 Proverbs 7:27
 Proverbs 9:18
 Proverbs 15:11
 Proverbs 15:24
 Proverbs 23:14
 Proverbs 27:20
 Proverbs 30:16
 Ecclesiastes 9:10
 Song of Solomon 8:6
 Isaiah 5:14
 Isaiah 7:11
 Isaiah 14:9
 Isaiah 14:11
 Isaiah 14:15
 Isaiah 28:15
 Isaiah 28:18
 Isaiah 38:10
 Isaiah 38:18
 Isaiah 57:9
 Ezekiel 31:15
 Ezekiel 31:16
 Ezekiel 31:17
 Ezekiel 32:21
 Ezekiel 32:27
 Hosea 13:14
 Amos 9:2
 Jonah 2:2
 Habakkuk 2:5

Tartaroō


2 पतरस 2:4

Questioned


None yet noted




बिस्वास से अब्राहम जब बुलाओ गौ तौ आग्या मानकै ऐसी जग्या निकर गौ जोकै बौ अपने हक मै लेन बरो रहे, और जौ नाय जातव रहे, कि मै कितै जाथौं; तहँओ निकर गौ। - Hebrews 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



इंसान को लौड़ा जाके तही नाय आओ है कि बाकी सेवा करी जावै, बल्कि जाके तही आओ कि बौ खुद सेवा करै, और दुसरेन के छुडान तही अपनी ज्यान देवै। - Mark 10:45



पौलस के चारों से जो ईसु मसीह को सेवक है, और प्रेरित होम के ताही मस्काओ गौ, और परमेस्वर के बौ सुसमाचार के ताही अलग करो गौ है। - Romans 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.



New Heavens and Earth



- Christ returns for his people**
- 1956** Jim Elliot martyrd in Ecuador
 - 1830** John Williams reaches Polynesia
 - 1731** Zinzendorf leads Moravian mission
 - 1614** Japanese kill 40,000 Christians
 - 1572** Jesuits reach Mexico
 - 1517** Martin Luther leads Reformation
 - 1455** Gutenberg prints first Bible
 - 1323** Franciscans reach Sumatra
 - 1276** Ramon Llull trains missionaries
 - 1100** Crusades tarnish the church
 - 1054** The Great Schism
 - 997** Adalbert martyrd in Prussia
 - 864** Bulgarian Prince Boris converts
 - 716** Boniface reaches Germany
 - 635** Alopen reaches China
 - 569** Longinus reaches Alodia / Sudan
 - 432** Saint Patrick reaches Ireland
 - 397** Carthage ratifies Bible Canon
 - 341** Ulfilas reaches Goth / Romania
 - 325** Niceae proclaims God is Trinity
 - 250** Denis reaches Paris, France
 - 197** Tertullian writes Christian literature
 - 70** Titus destroys the Jewish Temple
 - 61** Paul imprisoned in Rome, Italy
 - 52** Thomas reaches Malabar, India
 - 39** Peter reaches Gentile Cornelius
 - 33** Holy Spirit empowers the Church

(Wikipedia, Timeline of Christian missions)

Resurrected 33 A.D.

What are we?			▶		Genesis 1:26 - 2:3	
How are we sinful?			▶		Romans 5:12-19	
Where are we?			▶			
					Innocence	
			Eternity Past		Creation 4004 B.C.	
▶ Who are we?	God	Father		John 10:30	Genesis 1:31	
		Son				
		Holy Spirit				
	Mankind	Living			God's perfect fellowship with Adam in The Garden of Eden	
		Deceased believing				
		Deceased unbelieving				
	Angels	Holy		Genesis 1:1	No Creation No people	
		Imprisoned				
		Fugitive				
		First Beast				
		False Prophet				
		Satan				
Why are we?			▶		Romans 11:25-36, Ephesian 2:7	

Mankind is created in God’s image, male and female He created us

Sin entered the world through Adam and then death through sin

When are we?				
Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3 God's perfectly restored fellowship with all Mankind praising Christ as Lord in the Holy City
John 8:58 Pre-incarnate		John 1:14 Incarnate	Luke 23:43 Paradise	
Psalm 139:7 Everywhere		John 14:17 Living in believers		
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				Matthew 25:41 Revelation 20:10 Lake of Fire prepared for the Devil and his Angels
			Revelation 20:13 Thalaasa	
1 Peter 5:8, Revelation 12:10 Rebelling against Christ Accusing mankind			Revelation 19:20 Lake of Fire	
			Revelation 20:2 Abyss	

For God has bound all over to disobedience in order to show mercy to all

Destiny

राना थारू at AionianBible.org/Destiny

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. *"If the first fruit is holy, so is the whole,"* Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



तौ, सब जया सब अदिमिन के होमे जावौ और उनके मेरे चेला बनावौ: दऊवा, लौडा और पवित्र आत्मा के नाओं से बपतिस्मा देवौ. - Matthew 28:19

